


UTL AT DOWNSVIEW



D - RANGE BAY SHLF POS ITEM C
39 09 30 15 02 005 0

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

| | |
|-------|---------------------------|
| PL | Bidpa'i. Turkish version. |
| 248 | Hümayunname |
| B52H8 | Hümayunname |
| 18-- | |

(348)

18/111



[illegible]

آخر

همایوننامه باب اول

Bīd pā'ī. Turkish version. Hümāyūnnām

مترجمی

مولانا علی بن صالح در

Himāyūn nā me

ایک کنجی دفعہ اولہرق (ترقی) غرتہ سہ تفرقہ

اوله رق درج اولمشدر

۱۸۹۳

(25)



بِسْمِ اللَّهِ الرَّحْمَنِ الرَّحِيمِ

حضرت حلیم خلاق و حکیم علی الاطلاق جلّت
حکمته که وظائف لطائف جد و ثناسی بحکم «وان
من شیء الا یسبح بحمد» جمیع موجودات علوی و سفلینک
زبانند، جاری و دائر در وفوائد موائد آلاء بی انتهای
بر مقتضای «واعطی کل شیء خلقه ثم هدی» تمام
مبدعات سماوی و ارضینک اجزا شدند، ساری و سائر در


بیت

رموز آموز عقل نکته پیوند

شناسایی ده جان خردمند

کلام قدیم کریم و کتاب لازم تقدیم و التکریمند،

(حضرت)



حضرت رسالت پناه سلطان سریر «لی مع الله» نکتہ دان
 «وَعَلَمِكَ مَا لَمْ تَكُنْ تَعْلَمُ» روشن بیان «انا افصح العرب
 والعجم» طوطی نوا «وما ينطق عن الهوى» معجز نای
 «ان هو الا وحی یوحی» نبی مجتبی رسول مرتضی محمد
 مصطفی به

بیت

محمد کا نبیائک سرور یدر

سپهر آفرینش اختر یدر

صلوات الله وسلامه عليه وعلى آله وصحبه المقربين
 لديه وعلى من تابعه وانتهى اليه هدايت طالبان
 مقاصد ارادت وعبايت قاصدان مطالب استفادت
 ايجون بنوع خطاب مستطاب قيلدى واول دانش
 آموز «علمه شديد القوى» بطريق تعليم مستمدان مكتب
 ادبى وقانون تفهيم مستعدان مدرسه جهد وطلبى
 بومثال اوزره عيان وبومثال اوزره بيان بيورديكه
 «ادع الى سبيل ربك بالحكمة والموعظة الحسنة»
 بوكلام سعادت فرجامك مضمون ميمون انجامى بودر كه
 اى عالميانه موائد عوائد صلاح و سداده صلا
 ويرجى واى ادميانه مناهج مصالح معاش و معاد

بول کوسترجی بنده لری مضیق سقامتدن طریق
استقامته دلیل حکمت ایله دعوت قیل و بکا اعتقاد
ایدن عبادہ هاویہ هوا دن روضه رضایه موعظه
حسنه ایله هدایت قیل که نفوس سرکش تازیانه
حکمتدن غیرله رام اولمز وطباع خود پسند بندپند
وقید نصیحتدن غیرله صلاح بولماز «ولو کنت فظا
غلیظ القلب لانفضوا من حولک»

✽ بیت ✽

هر آن رائض که گردد توسنی رام
کند آهستگی با کمره خام
نته که توسنان نوعنای بی لکام ملایمت و بی شکمه
ملاطفت رام قلیق متعسدر نفوس انسانی که قوای
بیمی و سبعی انلرک نهاده غالب اولوب «ذرهم یا کلوا
و یتمتعوا» مرعی سنده بی چون و چرا چرا ایدرلر و زمام
نهی منکر و حزام امر معروفدن ابا ایدرلر بی اعمال
مهماز حکمت و بی استعمال تازیانه موعظت منقاد
ایلمک متعذر در

✽ بیت ✽

اولور حکمتله حاصل کام هر دل

اولور حکمتله حل هر امر مشکل

«ومن يؤت الحكمة فقد اوتي خيرا كثيرا» موعظه
حسنه که مأمور به در بر کلام جامعدر که سامع اولنبر
قابلیت واستعدادلری حسببجه اندن فائده مند اولورلر
مواعظ قرآنی ونصایح فرقانی کبی که جامع اطوار
صوری ومعنوی و حاوی اسرار دینی ودنیوی در
وسامع وقاری استعدادلری مقداری نظم درر بار
ومعانی کوهز نشارندن حصه دارلردر «والیه مال من قال»

❖ بیت ❖

بهار عالم حسنش دل و جان تازه میدارد
برنک اصحاب صورت را بیوی ارباب معنی را
بومقوله کلام سائر انبیاء عظامدن علی نبینا وعلیهم
السلام هیچ بریسنه فائض و منزل اولماشدر
بلکه خاصه حضرت ختمیدر کما اشار الیه صلوات
الله وسلامه علیه «اوتیت جوامع الکلم» وچون صدق
متابعت مورث کمال خصوصیتدر وثمر تمام مناسبت
لاجرم امت بز کوارندن که «کنتم خیرامة اخرجت للناس»
سمتیه موسوملردر بعض خواصک طباعی مطرح
اشعه انوار جامعیت واقع اولماشدر که اول دخی

حضرت مشکوٰۃ نبوت کبراسندن اقتباس اولنشد
 یوسیب ایله کلام جامع ا که دیرلر که دیده ارباب
 ظاهر مشاهده جمال ظواهر و معانی سیله منوردر
 و مشام اهل باطن روایح حقایق و فوایح دقایق ایله
 که ماورای ظاهر دن لایح اولور معطر اوله تاهر احد
 حوصله سی مقداری خوان احسان بی کرانندن بهره مند
 اولوب (مصرع) هیچ جوینده ازین درزود بی
 مقصود * پس معلوم اولدیکه چهره کلام زیور
 حکمتله نقدر اراسته و عذار هر موعظت کلکونه
 جامعیت ایله ندکاو پیراسته اولور ایسه دل عاشقان
 کامل مشاهده جلواتنه زیاده مائل اولور

✽ بیت ✽

هر که زیبا ترست از خوبان
 سوی او میل بیشتر باشد
 جمله تصانیفدن که قواعد تألیفی حکمت عملیه اوزره
 مبتنی اوله و مجموع رسائلدن که مبانی تصنیفی مواظ
 حسنه بی مشتمل و محتوی اوله کتاب کلیله و دمنده در که
 حکمای هند آنی طرز خاص اوزره تألیف ایدوب
 براهمه حکمت شعار اوضاع جامعیتن نط مخصوص

اوزره تصنیف بیور مشلردر لطائف حکمت و فضیله
ظرائف لهم و هزل میانند، کمال اختلاف وار ایکن
بر ظرفد، امتزاج و بر حرفد، ابتلاف و یروب طرز کلامی
اکثر طباع اکه میل اتسوز دیو امثال و افسانه اوزره
وضع ایلمشالردر و زبان و حوش و لسان بهایم و طپوردن
اصناف حکایات و زوایات تقریر ایدوب انک ضمنتد،
انواع فوائد حکمت و میامن نصیحت مندرج قلمشالردر
تا عاقل تنصح ایچون مطالعه سنه بهانه و غافل تنزه
ایچون داستان و افسانه قله و درسی معلمه و حفظی
معلمه اسان اوله و فی الحقیقه اول کتاب حکمت نصاب
بر حدیقه در که اشبحار اسراری « و فیها ماتشیه
الانفس و تلذذ الاعین » ازهار یله منوردر و اطراف گلزاری
« ما لاعین رأی و لا اذن سمعت » نسایم عنبر نشار یله
مطیب و معطر در

نظم

هر نکته سیدر کل معانی

هر حرفی شکوفه امانی

لفظی چو طراوت جوانی

معنی سیدر آب زندگانی

اول کان جواهر فضائل و آسمان دراری فواضـلـک
افاضه سی بر مر تبـه ده تام و کامل و عام و شاملدر که
ابتدای ظهورندن الی هذا الان هر زمان مستعدان
مجلس ارادته و مستفیدان محفل سعادتہ تباشیر
انواری و برکات آثاری حاصل و متواصل در صحاف
صنع جلد زر نیکار افتابہ رشتہ خطوط اشعه ایلہ
شیرازہ اورلدن انک عدیلی بر کتاب کورلماشدر
ودیر تقدیر اجزای دفتر شہور و اعوام و اوراق مجموعہ
لیالی و ایامہ سلک ارتباطہ انتظام ویرلدن انک نظیری
بر جریدہ مشاہدہ اولنماشدر

✽ بیت ✽

لطافتہ عدیلی یوقدر الحق

نظیرین چشم احوال کورمش انحق

اول کتاب شریفی حکیم روشن رای بیدپای برہمن
رای جهان آرای دابشلیم ہندینک نامنہ کہ بعض
ممالک ہندک مالکی ایدی زبان ہندی ایلہ تصنیف
ایتمشدر امیددر کہ مبادی شرو عنندہ سبب تالیفندن
برشمہ رقزہ کلک تعریف اولئہ حکیم مذکور بنای
کتاب مزبوری بر قاعدہ اوزرہ مبتنی قلمشدر کہ

مسالك ضبط ممالك سلوك ايدن حكام وملوك احكام
 احكام سياست وبسط بساط رعايت رعيته
 دستور العمل اوله و تربيت وتقويت اولياي دولت
 ودفع ورفع اعداي مملكتنه، قانون مجمل و كار نامه
 مكمل اوله دابشليم اول كتاب فضيلت انسابي قبله
 مقاصد و عمده مطالب ايدنيوب مفتاح مطالعه ايله
 متصل افتتاح ابواب حل مشكلات وكشف معضلاته
 مجد و مشغل ايدى اول چوهر بي قيمت آنك زمان
 دولتمده ديده عوام ناسدن بلكه عامه خواصدن
 خلوتخانه صدفده كوهر شاهوار كي مخفي و مستور
 وصميم كاندن لعل بدخشان كي هزار خون جگر له
 يوز كوستروب هرناكسك كوش استماعندن دوز ايدى
 اندن صكره اولاد واحفادندن كه سرير سلطنته
 جلوس ايدرل ايدى آنك اخفاسنده همان اول قاعده يه
 رعايت ايدوب اول طريقه كيدرل ايدى بوجمله
 ايله ينه اول عروس مشكين نقابت فوايح مذاقبي روايح
 گلستان كي اطراف جهاني طوتمش ايدى و شمام
 شمائل لطيمه عطار كي مشام مستشقاني نساي اخبار
 و اناري معطر ايتمش ايدى

❖ قطعه ❖

هنر چو مشک بود مشک اگر نهان دارند
 ز فیض رایحه او مشام را اثر است
 نمی شود بکل اندوده چهره خورشید
 زمان زمان اثر نور او زیاده تراست
 اکاسره عظامدن نوشین روان عادل زماننده
 خواص و عوام میاننده بوخبر اشتها و انتشار بولش
 ایدی که خزائن ملوک دهند بر کتاب وارد که
 زبان بهایم و طیور و لسان حشرات و وحوشدن
 جمع ایشلردر و باب حزم و سیاست اول شرائط که
 سلاطین تاجدارانه موافق و مناسب اوله و رعایت
 رعیت و حمایت مملکتده شول ضوابط که جهانداران
 نامدارانه لازم و واجب اوله اول درج جواهر حکمتک
 مطاویء اوراقنده درج ایشلردر و آنی سرمایه
 مواظظ و نصایح و وسیله منافع و مصالح عدا و دوب
 نقد جد و جهدلرین اول قواعدک تحقیق و تلیفینه
 خرج ایشلردر طبع شاهانه نوشین روانده که اشجار
 جو یبار معدلت آنک باران جود و احسانیه طراوت
 بولش ایدی و ازهار گلزار نظام مملکت قطار امطار

رأفت وعاطفته سیراب اولمش ایدی

❖ بیت ❖

جهان کشت از عدلش آراسته

وزان رسم بیداد برخاسته
 اول کتابک مطالعه سنده میل تمام و شغف مالا کلام
 ظاهر اولوب برزویه طیب که زیور فضل و حسبه
 آراسته و جمال کمال ادبیه پیراسته مقتدای اطباء فارس
 ایدی فرمان نوشین روانله دارالملک هندوستانه متوجه
 اولدی و مدت متمادی آنده اولوب انواع حیل
 و تدبیراته تمسک ایدوب الف جهده اول کتابی
 اله کتوردی والفاظ هندوی لغت پهاوی ایله که اول
 زمانده سلاطین ایران اول زبانله تکلم ایدرلر ایدی
 ترجمه ایدوب خدمت نوشین روانه کتوردی و موقع
 قبول و شرف استحسان بولوب حضرت شاهده
 رتبه سی اقصای کاله ایردی تسخیر ثغور و بلاد و تسکین
 قلوب عباد و اظهار عدل و احسان و اصلاح امور
 جهانیانده بنای کار نوشین روان اول کتابک مقتضای
 فحواسی اوزره ایدی نوشین رواندن صکره اکاسره
 عجم دخی آنک اخفاسی امرنده و تعظیمی باینده شرایط

مبالغه بی تقدیم ایدر ایدی تا اول زمان که خلفاء
عباسیه دن خلیفه ثانی ابو جعفر منصور بن محمد بن علی
بن عبدالله بن عباس رضی الله عنهم اول کتابک مناقب
ایستندی انک مطالعه سنه رغبت تمام کو سرتوب
تحصیلنه جد و اهتمام ایتدی و لطف حیلله ایلله اول
نسخه پهلوی بی اله کتوردی و امام ابو الحسن عبدالله
بن مقفعه که سر دفتر بلغای عصر و سر آمد فصیحای
دهر ایدی بیوروب زبان پهلوی دن لسان تازی به
ترجمه ایتدردی هر دم خلیفه مزبور کتاب مذکور
کمال حزمندن سلاک مطالعه ده نظم ایدوب اساس
احکام خلافتی و بنای شرایط عدل و رأفتی اول
نصایح و وصایا اوزره وضع ایلر ایدی بعده ملوک
سامانیه دن ابو الحسن امیر نصر بن احمد سامانی
افاضل زماندن بریسنه امر ایدوب اول نسخه بی زبان
تازیدن لسان فارسی به نقل ایتدردی و رودکی شاعر که
صناعت صیانت شعرده ماهر ایدی اول جواهر
زواهره مثال سلطانی موجب بجه رشته نظمده انتظام
و یردی بردفعه دخی سلطان محمود غازی غزنوی
اولادندن ابو المظفر بهرام شاه بن سلطان مسعود که

تمدوح حکیم سنایی در بیوردی تا بلغ الفصح و افصح
 البلغاء ابوالمعانی نصرالله بن محمد بن عبدالحمید آبی
 طرز جدید اوزره نسخه ابن مقفعدن ترجمه ایتدی
 شول نسخه که حالیا کایله و دمنه دی مکله مشهوردر
 ترجمه فاضل عز بوردر الحق عباراتی جان شیرین کی
 لذیذ و استعاراتی در تمین و یاقوت رنگین کی عزیزدر
 محبت همدان احکام بلاغت تعرف فصاحت و تمیز حصافت
 کلماتدن بمجموع و مسند نشینان بارگاه انشا توصیف جرالت
 ترکیب و براعت عباراتده متفقدردر اما ایراد لغات
 غریبه و الفاظ وحشیه دن نحاشی ایتیوب طرز کلامی
 محاسن عربیات اوزره طرح ایدوب الفاظ و عبارات
 مغلطه بی سرحد اطنا به و استعارات و تشبیهات
 مغرکه بی اکثار و اسمها به یتشدد کی اجلدن خاطر
 مستمع غرض کتاب و خلاصه مافی البابی کما ینبغی
 ادراک ایده میوب استماعندن اباقلور ایدی و طبع قاری
 دخی مبادی قصه بی مقاطعنه ر بطدن قاصر و اوائل
 کلامی او آخری ایله ضبطدن عاجز قالور ایدی لاجرم
 بومعنی سبب سأمث خاطر سامع و قاری اولوب
 و استماعندن امتناع جمیع قلوب و طباعه سناری اولوب

قریب اولمش ایدی که کتاب مزبور بونفاستله زاویه
 نسیانده کسیف الخطیب متروک و مہجور رقالی ایدی
 و اهل عالم انک فراند فوائدندن محروم و بی نصیب
 اولیدی اکا بناء والی ولایت هرا ساطان حسین
 یقرا امر اسنک سرخیلی امیر سہیلی التماسیلہ خطیب
 منبر فصاحت واعظ کرسی بلاغت و صاف انشاء
 حقایق کشاف رموز دقایق الملتجی الی رحمة ربہ
 الحافظ مولانا حسین بن علی الواعظ المعروف
 بالکاشفی عاملہ اللہ بلطفہ الخفی کتاب مزبورہ طرز
 خاص و لباس جدید کیدردی و زیبا رویان معانیسنہ کہ
 تنق الفاظ مغلقہ و محجب لغات غریبہ ایلہ محبوب
 و مستور ایدی مناظر عبارات ظاہرہ و غرقات
 استعارات زاہرہ دہ جلوہ و یردی شول کتاب کہ
 حالیا بین الانام انوار سہیلی نامیلہ اشتهار بولمشدر
 مولانای مشارالہک کہ سخنرانلق میدانک شہسوار
 چالا کیدر (مصرع) کوہر دریای ادراک لطیف
 و پاکیدر * حقا کہ اول کتاب فضیلت نشان برسہیل
 در کہ یمن یمن و سعادتدن درخشاندر و بر سخا بدر کہ
 قلہ کوہ فصاحت و بلاغندن درافشان الفاظ دلفریبی

شکر لب لکر شمه سی کی شو و انکیز و معانی ترا کتب
غریبی رنج غبغب لطره سی کی دلا و یزدن

❀ نظم ❀

حروفش چو زلف بتان چاکل
همه جای جانست و مأوای دل

معانیش در زیر حرف سیاه

درختنده چون مهر و شن چوماه

سوادی که کحل الجواهر معانی اندن عبارت در بیاض

دیده حوراده ی ویراسه رواد و بیاضی که غره

صبح شادمانی اندن کنایت در سواد چشم جهان بین

اوزره وضع او انسه سزادر

❀ بیت ❀

سزد که کاتب دیوان سرای خلد کشد

سواد نسخه او بر بیاض دیده خور

بویات رایق اول کتاب فایق که مطلع انوار حقایق در

در قامت و الاسنه خلعت اولغه لایقدر

❀ نظم ❀

صورت محمد و سعادت جامه سینه در طراز

معنایی اقبال و دولت خاتمه در نسکین

عارض رنکین اشعاری قوغنج و فرب
 طره مشکین الفاظی سراسر تاب و چین
 نور حکمتله طلودر هر کلام کاملی
 نیته کیم انوار علمیه دل اهل یقین
 چون اول مخدره همایون تنق کوندن وجه مشروح
 اوزره الوان بوقلمون واثواب کونا کونایه یوز
 کوسستروب کا، جامه هندی ایله غنج و دلال ایلرایدی
 وکا، لباس فارسی و قبای پهلوی ایله جلو، قلوب
 کا، حله تازی و شقه حجازی ایله عرض جمال ایلرایدی
 اما بالای والاسی هنوز دیبای زیبای ترکی ایله آرایش
 بولامش ایدی و فرق فرقد ساسی اکلیل فلک فرشای
 لغت مزبور ایله مزین اولامش ایدی اگرچه که جمال
 باکالی حلیه انواع السنه ایله حالی ایدی اما پیرایه
 خال و خط الفاظ ترکیدن خالی ایدی اول سبیدن مدت
 مدید و عهد بعید ایدی که خاطره بو خاطره و سوزدایه
 بوسودا دوشمش ایدی که اگر سپهر بی مهر دن
 فرصت و ایام بی ارامدن رخصت میسر اولورسه
 و کردون دون تلیق اسباب تعویقده مسامحه قلورسه
 کتاب مزبوره نسخ مذکوره نک بر یسندن خامه

عربی عمامه ایله رومی جامه کیدرم تا اکثر ناس لباس
استیناسندن عاری اولیه و عرایس غوانیء معانی سنه
تتق آل و معبر کلبرك مشال تر کیده جلوه و یرم تا عام
و خاص فرائد فوائد بی قیاسندن بی بهره قالمیه

❖ بیت ❖

لطفند اوله مقبول عالم

خلایق ایچره منظور و مکرر

هر چند که دهقان خیال بوستان آمالده بوا مل نهالن
دکر ایدی اما شجره فؤاد مثر ثمره مراد اولدین تند
باد قضا برک و بارین دوکر ایدی و نوائب زمان بر
آن امان و یرمز ایدیکه خاطر بو عزمی امضایه متوجه
اولیدی و تیر باران احزان بر لحظه کوز آچدر مرزدی که
ضمیر بودینی قضایه رخصت بولیدی ناجار نطق
وقت اعتناق فرصتدن قاصر اولوب چهره مقصود
و جمال مطلوب نقاب تعویق و حجاب توقف ایله
مستور و محجوب قالدی (مصرع) کی شعر تر
انکیزد خاطر که حزین باشد * تا اول زمانه که
بو بنده نک ریاض حالی رشحه عنایت یزدانی ایله ریان
و حیاض آمالی باران عواطف صمدانی ایله ملائ

اولوب بلدهء حمیمهء ادرنده که خال چهرهء ممالک
 وسواد نسخهء سبع اراؤکدر حضرت سلطان
 عظیم الشان وخاقان نصرت نشان افتخار آل عثمان
 الملتجی الی رحمة ربہ الرحمن ذوالباس الشدید والقلب
 الحدید السلطان السعید السلطان مراد بن السلطان
 محمد بن السلطان مراد بن السلطان بایزید طیب الله
 بنسایم الروح روحهم ووالی من غنایم الرحمة فتوحهم
 خیرات مبروره وحسنات مشکوره سندن جامع جدید
 جوارند، اولان مدرسهء عتیقه که محط رجال فضل
 وافضال ومہبط وفود عزواقبالدر بو احقر عبیدہ
 تفویض وتقلید بیورلدی ومشام جان ودماغ جنان
 اول شهر فردوس نشاک هوای غیر افشانیله که
 غیرت نسیم تسنیم جناندر مجنن ومعطر اولدی
 ﴿ نظم ﴾

اسدی جان باغینه باد عطر سناى ادرنه
 فیض روح ایتدی فضای جانفزای ادرنه
 دفع ایدوب دلدن غوم کهنه پی عیسی کبی
 تازہ جان ویردی دم معجز سناى ادرنه
 غنچه کبی تنکله کن درهم اولشکن کوکل

کل کی اچھی نسیم دلکشای ادرنه
 اول بقعہ مبارکہ دہ کہ محل اقتباس فضائل و مقام
 اقتناص فواضل در ایام معتاد، معهودہ می مدارسہ
 فروع و اصول و مذاکرہ منقول و معقولہ مصروف
 و مبذول قلوب زمان تعطیلد، کہ عقلک ساعات راحاتی
 و طبعک اوقات فترتہ در زمانہ شوخ چشمی شکر
 خواب زھولہ، بولوب و حجرہ ضمیری آمد شد خیالات
 متوالیہ دن خالی کوریک سوید ای دلہ، متمکن
 اولان سودای پر سودی و پوتہ قلبدہ خلاص
 بولان نقود معھودی حال دن قالہ و قوت دن فعلہ کتور مکہ
 نوابض ہمت حرکتہ کلوب ذھن سقیم و طبع عقیم
 ایلہ بوشغل عظیمہ شروع قلندی و نسخہ مولانای
 مشارالیہ نسخ مقدمہ بی کتب ادیان قدیمہ کی نسخ
 ایدوب تراجم سابقہ نک بازار رواجی عقود بیہوع
 فاسدہ کی فسخ ایتدیکی اجلدن باعث اختیار اولوب
 «الحکمة یمانیة» نکتہ سی مطلع انوار سہیلیدن اشکار
 اولدی

❖ بیت ❖

چون یمانیدر دیمشدر حکمت اول فخر جہان

طک دکلدر اولسه انوار سهیلیدن عیان
 چون الان شان لطافت نشان ابنای زمان بر مر تبده
 لطیف و بر مشابده ظریفدر که عرایس غوانی معانی
 منصه الفاظه هنوز جاوه کر اولدین حصول تمام
 مراده وصول قصد ایدر لر فکیف که بعضی لغاتی
 تصحیحده تصفیج کتاب وادر ک معانی سنده فی الجملة
 تأمل و تانی بی ارتکاب ایدر لاجرم تألیف کتابده
 عنان بیان شارع انشاء مترسلان و منهاج تکلف
 منشیانیدن معطوف قلموباشای حکمایانده احاسن کلمات
 عربیه دن بعض ایات ضروری الذکر و احادیث مأثوره
 واثار و اشعار و امثال مشهوره اوزره اختصار اولندی
 و بحکم (خیر الکلام ماقل و دل مالم یکن عامیا شرقیا
 و لا وحشیاً غربیا) ثبات ایات عربیه و ایراد
 لغات غربیه و الفاظ وحشیددن تمحاشی قلمدی تادیده
 هر یکنابی نظر تعمق و تعمق نظر وصال غوانی
 معانی سندن بهره مند اولق میسر و دل هر دانا
 بی تکلف تخیل و تخیل تکلف اول ناز پرورد حرم حجره
 خیالدن برخوردار اولق متصور اوله مدح پادشاه
 اسلام مالک رقاب الانام سلطان سلیمان تخت و آصف

غلام مدالله ظلال خلافته علی مفرق الانام و شد
 اظناب خیام سلطنته باو تا الدوام ❁ چون بو سلك
 جواهر كان كموندن دكان عیانه كلدی و بودررزواهر
 حقه ضمیردن رشته بیانه چكلدی عقل پیر خیال
 دبیره ایتدی ای ناظم کوهر کلم سبحانی وای ناقد درر
 حکم لقمانی مقرر درر که هر دفتر که خلیفه زمانك نام
 واجب الاحترامیله معنون اولیه ابتر درر وهر سیم وزر که
 پادشاه جهانك مهر سکه مهرین جبیننه اور میسه
 فلس احر درر علی الخصوص که ممالك بحر و بر مسخر
 تیغ ظفر پیکر یدر و تمام هفت کشور معسکر عسکر
 نصرت رهبر یدر

❁ بیت ❁

بکرفت مملکت بحسام سراب رنگ
 از روم تا بهند ز بلغار تا فرنك
 بر خطه یو قدر که پادشاه جهان پناه نام شریفنه خطبه
 او قمنیه و بر سکه یو قدر که شاهنشاه اسمان در کا داغ
 عبودیتی جبیننه قوغیه

❁ بیت ❁

بشرق ذکر منیعش کنند بر منبر

بهر مهر قبولش نهند بر دینار
 پس بوزنابی که پوئه قلبده هزار رنج و تعب له تاب
 و یردک نیچون محک اعتبار افاضله اورمز سک
 تابه سن که قابل سکه قبول پادشاه عالمقدار میدر و بو
 کوهر نایابی که کان ضمیرده خونابه جگر پرتاب ایله
 آب و یردک نیچون بازار انظار ارباب فضائله عرض
 ایلر سن تامعلوم قله سن که لایق نثار خاکپای شهنشاه
 کردون اقتدار میدر

❖ بیت ❖

در که اولمایه شه عادل ایاغینه نثار
 دوردر باشندن انک تاج قدر و اعتبار
 چون قوت خیال فرما نفرمای عقلدن بوامر
 واجب الامتثالی استماع ایتدی حکمنه اتباعی فرض
 عین بل عین فرض بیلوب ایتدی
 ❖ قطعه ❖

عقل نیکو مذکریست ترا
 هر چه گوید بکوش دل بنیوش
 اکرت خواجکی همی باید
 بند عقل باش و حلقه بکوش

بناء علی هذا الخطاب اول كتاب حکمت نصاب بر سبیل
امتحان افاضل عالیشان میانده اوراق کل کی پریشان
قلوب هر فاضل که اول کتاب گلستان نشانندن
بر قاج داستان خاطر نشان ایتدی شهد مدحله رطب
اللسان اولوب زبان استحسانله ایتدی حقا بودر جد،
مسطور اولان حکم معارفدن مروی و مأثور (حرری بان
یکتب بسواد المسک علی بیاض الکافور) و بودر جد،
مندرج اولان دررطایفدن منظوم و مشور (حقیق
بان یعلق بخیط النور علی نور الحور)

❖ قطعه ❖

صریر کلک تودر حل مشکلات امور
چنانکه نغمه دآو ددرادای زبور

جواهری که بیفتد ز ساعد قلت
برند دست بدستش برای کردن حور
بومنه وال اوزره نیجه زمان میدان امتحانده دأر
و بلاغت بیان و براعت معانی بدیع الشانی سخنوران
دوران میانده مثل سائر اولوب آراء صرافان جواهر
معارف واجماع نقادان صره لطایف بونک اوزرینه
منجر و مقرر اولدیکه بودر ج که درج جواهر حکمت

و بوجریده که برج دراری فضیلت در تمثیلات سخن
 نکاری سرتاسر معانی دقایق و حکایات لطافت
 شعاری صنایع مجازده بدایع حقایق در چون جهاندارلق
 اطوارند، و شهر یارلق احوالنده ورعیت پرورلك
 امورنده و معدلت کسترك رسومند، مصنف اولان
 سائر کتب و رسائلدن من کل الوجوه فایقدر
 بودرر شاهوار نثار خاکپای پادشاه، کردون اقتدار
 اولنعه سزاوار و لا بقدر (مصراع) سخن درست
 و تعلق بکوش شه دارد ❖ چون افاضل فضائلاً بدن
 بو خطاب مستطابی کوش ایتدم و کلام درر بارلرین
 آویزه کوش هوش ایدوب خطبه کتابی بر پادشاه
 عالمینام نام فرخنده سیله موشح قلوب بوزرنابی
 بر شهنشاه فلك دستک، سکه رخشنده سیله مشرف
 ققدم که اقدام نطق و مقالاله معارج مناقب عظمت
 و جلالت ارتقا ممتعدر و زردبان قوت خیالاله مدارج
 مراتب صفات کانه اعتلا محال

❖ قطعه ❖

یابنده بحر شوکتك قطره در بحار
 جنبنده مهر عزتک ذره در جبال

رویین تن آتش غضب کور سه آب اولور
 خشمیله خون اولور دل سنکین سام و زال
 پادشاه غازی شهنشاه صاحب مغازی مخرب ممالک
 انکروس مسخر جزیره ردوس قالع قلعه بلغراد
 فاتح مدینه بغداد قاهر قهرمان بغداد قاطع طغاة
 افرنج والایمان

بیت

در که عالمیناهی کعبه امن وامان
 سده دیوان سرائی قبله خلق جهان
 پناه اهل ایمان شاه شاهان دوران سلطان صاحبقران

بیت

لطف وقهری خانه پیمانه رزق واجل
 عفو و خشمی مایه سرمایه سود و زیان
 السلطان ابن السلطان فخر آل عثمان سلطان سلیمان خان
 بن سلطان سلیم خان بن سلطان بایزید خان

قطعه

سرواقبال و نهال دولتی سر سبز اوله
 کلشن عمری کلینه ایرمینه باد خزان
 دولتیله اوله دائم کامیین و کامیاب

نصرتیله اوله هر دم کامکار و کامران
 بر شهنشاه دین دار و دین پرورد در که دامن نفس
 مقدسی دنس کبائر دن بلکه صغائر دن مطهر در
 و مشرب عقیدت پای خاشاک آراء باطله دن معرادر
 و مشرع ذهن تابناکی شوائب ظنون واهییه دن
 مبرادر وژنکار عقاید فاسده آینه ضمیر منیرینه یول
 بولما مشدر و زلال خاطر خطیری آراء فرق ضاله ایله
 مکدر اولما مشدر اعظم شاهان جهان اید و کینه بو برهان
 معظمدر که سالک شاهراه مذهب حضرت امام اعظمدر
 شریعت طاهره ده بر حده در که شاخ چنار سیم وزر
 از هاره دست درازلق ایتدیکی سبیدن مقطوع الیددر
 و باد بهار ابکار گلزاره عشق بازلق ایتدیکی اجلدن
 زندان حبسده محبوس و مقید در بنفشه تمام
 اولدیغیچون (مصرع) چقار دیلر قفا سندن زبانی
 ولاله زمام اولدیغیچون (مصرع) قره قانه بو یادیلر
 دهان * کل غنچه طنبجه اوردیغیچون باشه یومرق
 اوردیلر و مدام سرمست و می پرست اولدیغیچون
 ایاغنه تو مرق اوردیلر آینه ماه رولاره رو و اولدیغیچون
 بردار ایتدیله مشک عنبر بولاره سینه بر سینه

(اولدیغیچون)

اولدیغیچون شهره بازار ایتدیلهر عبر نامحرمله نظر
 ایتدیکیچون کوزینه میل چکدیلهر سوسن زبان دراز
 اولدیغیچون یوزینه نیل چکدیلهر معدلت باهره سی
 برمر تبده در که چنک پلنک دامن پوست آهودن ال
 المشدر دندان کرک کلوی کوسفندله قان یلاشمشدر
 یوز بلس پشمینه ايله آهو چشم غزالر عشقتدن
 درویش پوستپوشدر ببر لباس پلنکینه ايله سماع
 وعظ شغال ونصیحت خرکوش ایچون سرتاسر
 کوش اولمشدر کبوتر عقابله هم آشیانه در میش
 دیابله همخانه و همکاشانه در روزان و شبان کوسفندان
 صحراده بی شباندر لیل ونهار باز تهویه هوا داروشیر
 آهویه پاسباندر وبالجمله ایام معدلتنده زهر افاعی
 ظلم واعتساف تریاک دواغی عدل وانصافیه منعدمدر
 و بنیاد جور بیداد قواعد نصفت و دادیه منهدم
 نفحات شمال عدل شاملیه دماغ اطراف عالم معطر در
 لمعات افتاب بذل کاملیه دیده اصناف بنی آدم منور در
 مغمار عدلیله مقصوزه ربع مسکون معمور در ششیر
 قهر یله جور و ستم چارسوی هفت کشوردن
 دور در

❖ بیت ❖

کسه ایامنده ایتمز نایدن غیری فغان
کسه هنکامنده کوچ چکمز انک الا کبان
بزپادشاه چاره ساز و یتیم نواز در که

❖ بیت ❖

یوق زماننده یتیم آنک مکر در عدن
یوقدر ایامنده خونین دل مکر مشک ختن

ایام همایوننده سرودن غیری باغی باش قالدردمی
اول دخی زنجیر آبله مقید در روز کار میموننده شمعدن
غیری یاغی ایاغ اوزره کلمدی اول دخی عذاب نارونار
عذابد، مخلد در شجاعته اکا رستم دیمک ستم در که
رستم آنک مکر بسته کتر بند سیدر و تهماس و سام
و بهرام و عنقاس کتر بنده سنک افکند سیدر
عظمتد، جم دیمک غلطدر که سنک قهر یله نیجه جلر
جام وجودین شکست ایتمشدر سخاوتد، حاتم دیمک
خطادر که دست بذلیله نیجه حاتمک دفترین طی ایدوب
صیت و صدای جودن پست ایتمشدر بسط مملکتی
برد رجه ددر که ملک سلیمان مسخر مورچه کوهر تیغ
ظفر بیکریدر و دائرة قلعه اسمان هرگز ماهجه علم

نصرت رهبر یدر مملکت قیروان و خاوران مجموعه
 ممالك محروسه سندن ایکی ورقدر ومعدلت فریدون
 ونوشین روان دیباجه مؤثر موروثه سندن بر سبق
 کره زمین کوی چوکان پای سمند کردون کردیدر
 سبره زار اسمان میدان جولان خنک هامون نوردی
 سطوت سلطنتی برغایتده در که بشره کهر بانهب
 صولت پادشاهانه دن یرقندر وآینه افتاب بأس
 سطوت شکوه خسروانه دن خفقاندر درکا، عالمپناهی
 معفر جباه جبیره جهاندر وسده فلک اشتباهی
 محدر شفاہ اکا سره دوراندر حضرده قباب سرای
 میونی حباب سپهر آبکونه همسر در سفرده کنکره
 خیام همایونی ایوان کردونه برابر بلکه اندن برتر در
 دیده کردون کردان شعشعه چتر اسمان سایندن
 خیره وحیراندر وجرم افتاب درخشان رشک سایه
 سایبان فلک فرسایندن سایه وش خاکه یکساندر
 ماه مستنیر قبه مستدیر خرکا، فلک تدویر مهر تنویرندن
 اقتباس نور ایدر وخیمه کردون کردان پایه رفعت
 سایه چتر همایونیه لاف ارتفاع اورسه دعوای زور
 ایدر زرقام عیار تانام مبارکن جبیننه یازمدی تب تاب

پوته کدازدن خلاص اولدی و درهم و دینار تا لقب
 شریفن سکه قبوله قازمدی شکجه پنجه کازدن
 نجات بولدی قندیل زر نکار مهر و ما کاسه مشعل
 چراغیدر که لیل و نهار آنده یان کفار فجارک یورمی
 یاغیدر رایت نصرت ایتی نهال سرودر که میان بوستان
 غزاده خون اعدا ایله پرورش بولمشدر سنجق ظفر
 یپرقی شاخ کلدر که کلزار کارزارده نسیم ققم و فیروز
 ایله کشاده اولمشدر سنان نیزه جان ستانندن
 روان اولان قان غازه چهره نوعروس غزادر و غبار
 سم سمند جهان کرد عالم نوردی کل الجواهر دیده
 حور عین اولسه سزادر بیم تیغ سزاد رنگندن
 افرنج برنجده در که شربت خنظل مرارت شمشیر آب
 تصویر واتش تأثیرندن غیریه دوا میسر دکلدر و وهم
 کرز البرز پیکرندن سرخ سر بردر دسره در که شراب
 زهراب تیغ نیلوفرندن غیریه شفا مقصور دکلدر
 باد شمشیر ابداری دیار جان دشمن خاکساره اتش
 اورمشدر اتش سنان تا بداري خرمن حیات اعدای
 بد کرداری باد فحایه ویرمشدر الف تیرویای کانی
 اقبال و دولت روز افزون چون ایو فالدر و باء کوبال

ودال کنند ی دشمن خاکسارک بد حال لکنه قوی
 دالدرکاری اکثر شکار شکاری یکسر سر اعدای
 خاکساردر سفال سکان خونخواری کاسه سر
 کفار فجاردر آسیب تیغ رخشان برق فشاندن
 جان کردن کشان ایران و خراسان حیران
 وهر آساندر آشوب طوپ کردون کوپ
 صاعقه فشاندن دیاردر یابار و قلاع و حصار افرنج
 خاکسار ویران و خاکه یکساندر

❖ بیت ❖

تیغی یلمایله ویراندر الامان ایلاری
 رمحی اوچندن خراب ایران و توران ایلاری
 جوان بخت و آسمان تخت شهزاده لری که سعادت
 بر جنک مهر رخسانیدر و سلطنت در جنک دردخشانی
 هر برینک خنصر سعادت شایسته خاتم سلیمانیدر
 و فرق فرقد ساری سزاوار تاج سلطانی و افسر
 جهان بنایدر چون جله سی مصطفی خلق محمد خلقت
 و سلیم نفس بایزید هم تدر بو خصلت عاقبت هر بری
 جهانگیر و کشورستان اولغه دلیل و علامت بلکه
 پرهان و حجتدر

❖ بیت ❖

الهی چشم بزدن دور ایله

قونک عمرینی معمور ایله

اصف آرا و زراسی که کواکب اسمان ایوان دیوان
کیوان رفعت در و آرای عالم آرای شمع شبستان
مملکت و فکر کشور کشاری حلال مشکلات و مبهمات
سلطنت در صف آرا امر اسی که رویین تن هیبت و تهمتن
مهتاب در هر بری پیشه و غاده بر شیر ببر صولت
و پانک غضنفر صلابت در خدام درکاهی صاحب
احشام و مقربان بارکاهی واجب الاحترام در
خلد الله ملکه و سلطانه و افاض علی العالمین بره
واحسانه و لازال ریات اقباله برباح الظفر منشوره
وایات اجلاله کال سبع المثانی مأثوره و مشهوره و اطناب
خیام خلافته منسوده باوتاد الدوام و ظلال عدله
ورأفته ممدوده الی یوم القیام بونامه فرخنده اغاز
خجسته انبیا بمعون الله الملك العزیز العلام

❖ بیت ❖

بادشاهک چون همایون ناعنه اولدی تمام

آ که ویردی هاتف غیبی همایون ناعنه نام

(والصاوة)

والصلوة والسلام علی خیر الانام محمد و آله الکرام
 وصحبه العظام مات تابع الی الی والایام وتواتر الشهور
 والاعوام * مقدمه * اولاً بلك کر کدر که مقاصد کتاب
 کلیله و دمنده قواعد حکمت عملیه اوزره مبتنیدر حکمت
 عملی نفس انسانیک مصالح حرکات ارادی و افعال
 طبیعی سنی علمدن عبارتدر بر حیثیته که انتظام
 احوان مناشنه مفضی و متوجه اولدوغی کما نك
 حصولی مقتضی اوله بو تقسیم اول ایکی قسمه منقسمدر
 بری اولدر که هر فرد، علی الانفراد راجع اوله اکانهذیب
 اخلاق دیرلر ایکنجی اولدر که افراده برسبیل مشارکت
 متعلق اوله بو قسم دخی ایکی یه منقسمدر بری اولدر که
 مشارکت منزل و خانه ده اوله اکا تدبیر منزل دیرلر
 ایکنجیسی اولدر که مشارکت شهر و ولایتده یا قایم
 و مملکتده اوله اکا تدبیر سیاست دیرلر کتاب مزبور اقسام
 ثلثه مذکوره دن نوعین آخریندن بعض فوائدی
 مستلدر اند، تهذیب اخلاقه متعلق احوال مذکور
 دکدر الاعلی سبیل الاستطرا داکر چه بو اورا فقه مکارم
 اخلاقدن بعضی ایراده مجال میسر ایدی اما کتاب
 مزبورک اوضاع و اوصافنه تغیر کلی کلمسون دیو

ابواب کتابی زیاده ایتمک مناسب کورلیوب همان اول
منوال اوزره حکیم همدیدن روایت اولشمشدی ایراد
اولندی و کتاب مز کوردن ایکی باب اولکه ایرادنده
فائدء کلیه اولیوب اصل کتابده مدخلی یوغدی اسقاط
ایتمکده مولانای مز بوره اقتدا اولنوب ابواب کتاب
باقی قلان اون درت باب اوزره اقتصار اولندی و حکایاتی
اصل وفرعه مذکور اولان دستور اوزره رای
وبرهمندن سؤال وجواب طریقله قید کتابته کتورلدی
و ایراد ابوابدن سابق اول حکایتله که اصل الباب ومنشأ
مافی الکتب ابیدی افتتاح اولق لایق کورلدی و محل
اثبات ابوابده هر مقام کبر حکایت ایراد ایدوب بر مثل
انسا ایتمکده مناسب کوزیله اقدام جسامرتله ساوکه
سبیل تصرفه اقدام اولندی هر چند که بوبابده
بوفقییر حقیر الشان بلکه مطلقاً تألیف کتابه
ارتکاب ایدن فضلاى زمان قلت بضاعت وقصور
استطاعتارینه انصاف و اقرار وزلات و عثرات
و هنوات و سقطاتلرینه اعتراف و اعتذار ایدر عاقبت
هدف سهام ملامت و سیر مصصام غرامت اولوب
البتده حق و ناحق مطعن هر جا مل و ناحق اولق مقرر

و محقق قدر اما آنرا که زیور کمان و هنر آراسته و کوهر
طبع فضل پرور له پیرا سته اولوب قلب و قاده نفود
فضائلک نقادی و دید، انصافله جواهر مائرک صراف
اوله و وفور فضل و هنر زدن دور و مزید لطف
و کرملر زدن بعید دکلدر که (من صنف فقد استهدف)
تهیدی مقابله سنده، (من انصف فتداسه طرف)
نکته سن تهید ایدوب مواضع زلاته، عین رضایی
ممسوح و دید، بغضایی مفتوح طوئیهلر و مواقع
عثراته، قلم اصلاح و حل علی الصلاحی دریغ ایتیهلر

✽ مشوی ✽

دید، انصاف چوبینا بود

در شمر دگر چه که مینا بود

من حجل از عمل خام خویش

تو بلامت مکم سینه ریش

در روش جمله ازادگان

نیست روا طعنه براقنادگان

چشم هنرین بود از عیب پاک

بی هنر از عیب کنند زوجه پاک

وعین الرضا عن کل عیب کليلة

ولکن عین السیخه تبدی المساویا


وفقنا الله لما يحب ويرضى وختم آمالنا وآجالنا بالخير
والحسن ومنه المستعان وعليه التكلان واليه الرجعي
(باب اول) ساعى ونماتك كلام نفاق النجاسات استماعدن
اجتناب وامتناع واجب ايد وكن بيان ايدر (باب دوم)
بدكارل كردار بدلى مقتضا سنجه سزا وجزالرين
بولوب شامت عاقبت ووخامت حاتمترین بيان ايدر
(باب سوم) احباب واصحابك فوائد موافقتن ومنافع
معاضدتن بيان ايدر (باب چهارم) اعدانك احوالین
ملاحظه ايدوب كمين مكر وكين لرندن امین اولیق
جائز دكل ايد وكن بيان ايدر (باب پنجم) چهره
مطلوب اهمال وغفلت سبيله وراى پرده تعویقه
مستور و محجوب قالديغن بيان ايدر (باب ششم)
آفت تعجيل ومضرت شتابی بيان ايدر (باب هفتم)
حزم وتدبير و حيله وتزوير ايله بلای اعدادن خلاص
اولمخى بيان ايدر (باب هشتم) ار باب حقددن اجتناب
ايدوب انلرك قولنه اعتقاد وتملقنه اعتماد جائز دكل
ايد وكن بيان ايدر (باب نهم) طريق صفيح وعفوه

ساووك افضل اوصاف ماوك اولديغن بيسان ايدر
 (باب دهم) طريق مكافاته جزای اعمال وسزای
 افعالی بیان ايدر (باب یازدهم) برکسنه زیاده طلب
 ایتکله کندو محلندن ومنزل اولندن کیر و قالدیغن
 بیان ايدر (باب دوازدهم) صفت حلم و وقار و تمکین
 خاصه ملوک و سلاطینه زیبا خلعت ایدوکن بیان
 ايدر (باب سیزدهم) ملوک عالیمناه قول اهل غدر
 و خیانتی استماعدن امتناع واجتناب واجب ایدوکن
 بيسان ايدر (باب چهاردهم) انقلابات زمانه عدم
 التفات و جمیع احوالده قضای رب العباده رضا و انقیاد
 لازم ایدوکن بیان ايدر (بعد از فهرست کتاب اول
 حکایت که منشاء کلمات و اصل الباب ایدی شروع
 قلندی والتوفیق ممن ینده ازمه التحقيق

❖ حکایه ❖

نقشبندان کارخانه معانی تحریر کشان کارنامه سخندان
 جوهریان بازار عجایب حکایات و صیرفیان دارالغیار غرائب
 روایات خرائد جرائد اخباره حمله خیالده بوزیورایله
 آرایش و عرایس نفایس اسماره منصه مقالده بوزیب
 و فرایله نمایش و پررلر که سوابق قرون و سوالف
 سنیند، اقاصی ممالک چین و ماچینده بر شهر یار کامکار

و برجهاندار نامدار و ارایدیکه اسرار لواضع سبحانی
اسراریر جبهه سنده ظاهر و انوار سواضع یزدانی
مطالع چهره سنده باهر ایدی دبده کوس سطوقی
طاس آسمانه صدای بیم و باس و طنطنه شکوه و شوکتی
مسمع جهانیا نه طنین رعب و هراس ویرمشییدی
و سلاطین نامدار آستانه آسمان مدارنده غلام
حلقه بکوش و خواقین رفیع المقدار عتبه کردون
اقتدارنده خدام غاشیه بردوش اولمشیدی



فریدون حشمت و جشید هیبت

سکندر شوکت و دارا مهابت

حاشیه بساط دولت روز افزونی همیشه وزرای
صاحب رای و امرای لشکر آرایه آراسته و پای
تخت آسمان پایه همایونی همواره فضلالی فضیلت
پرور و حکمای هنر و نصیحت کسرتایله پیراسته
خزانه سی انواع جواهر و اجناس نقود و افرایله مشحون
و لشکر جرار نامداری حد حساب و فذلك شماردن
بیرون ایدی نهال باغ شجاعت چشمه تیغ خونبار یله
سیراب و چمن ریاض سخاوت رشحه کف حساب

(ادرار یله)

ادرار یله شاداب اولمشیدی

نظم

شجاعتمده نریمان زماندی

سخاوت برله دستان جهاندی

وجودی ايله عالم خرم ایدی

سخاوعدن ايله خوشدم ایدی

اول سرو چن جاء و جلال و کلبن کاشن مجد و اقباله

همایونفال دیرلردی که عدل کامليله فال رعایا همایون

و بذل شاملیله حال فقرا غیرت ثروت قارون اولمشیدی

درکا معدلتپناهند، بر ملک نهاد آصف نژادر عیت پرور

مرحت کستر وزیر جهانگیر و مشیر صاحب تدبیری

وار ایدیکه رأی عالم آراسی شمع شبستان مملکت

و فکر کشور کاشی حلال مشکلات سلطنت ایدی

منوی

چو رأی خرد، دان درکار بستی

بیك تدبیر صد لشکر شکستی

چو کار مملکت را نظم دادی

بیك مکتوب اقلیمی کشادی

لشکر فرهنگ کران سمنکی کنی دریای آشوبی

کرداب اضطرارید، ساکن قلمشیدی و تندباد صرصیر
سیاستی بیخ بنیاد ظلم و بیعدادی بر باد ایتمشیدی
و تدبیر امور و ضبط ثغور و قیام مصالح جمهورد،
صحایف آرای آصف بن برخیا به خط خطا چکشیدی
﴿ بیت ﴾

آصف ار آن ملک راضی بنان کردی که او
کم کجا کردی سلیمان مدتی انکشتی
چون آنک رأی نجسته سیله نظام کار مملکت رونق تمام
و بازار مهام خلایق رواج مالا کلام بولمشیدی
بر حسب « الاسماء تنزل من السماء » نجسته رأی اگانام
اولمشیدی همایونف سال هر امر ذی بال بلکه کلی
و جزئی احوال، رأی عالم آرای نجسته رأیه مراجعت
بیوروب نه اندن اجازتسز میل دیوان رزم ونه انکله
مشورتسز عزم میدان رزم ایلردی چون وزرای
صاحب رأی مملکت آرای موجبات فتح الباب مواهب
الهی و امارات دوام دلت شاهنشاهی و دلائل اساس
احکام جهاننداری و علایم نبات حشمت و کائنات
لاجرم سلاطین جهانکه فی الحقیقه اساطین بنیان
زمین و زماندر واجبد که حل معاهد مهمات مملکت

و فتح مقالید مبهمات سلطنتده و هنکام نظام امور
و قیام مهام جمهورده و زرای ثاقب ضمیر لک تدبیر
اصابت پذیر لرینه مراجعت بیوروب بحکم « و شاور هم
فی الامر » قدم مباشرتی جاده مشاورتن منحرف
قلیه لر تا که بر موجب (ماتساور قوم الاهداهم الله
لارشاد امور هم) نتایج افکار اصابت شعار و نسیج
آرای مملکت آرای مقتن صلاح اهل عالم و متضمن
نظام احوال بنی آدم اوله

(شعر)

عليك المشورة في المعضلات
فعقلان خير من الواحد

و لاولا التعاون لم يستقم
امور المعيشة للفارد
مکر بر کونکه شهباز آشیانه طارم چارم مرغان شب
طیران انجمنی مرغزار آسماندن تارمار و یوزروز شیر
محبیدن غزال مشکین بال شب صحرای وجود دن
وادی عدمه فرار ایتشیدی همایونفال علی اسعدالحال
و ایمن الفال نجسته رای و سائر امرای کشور آرایله
(مصراع) کالبدر حف بواضحات الانبتم عزیمت

شکار و قصد صید مرغزار ایدوب فضای شکار کا،
 مقدم میون باد شاهیدن غیرت سپهر برین و کل الجواهر
 غبار سنابل مواکب شاهنشاهیدن رشک دید، حور
 عین اولدی و کوش و حوش صدای دار و کبر و آواز
 نای تیر و نغمه کان و زخه سمنانه طوادی هر طرفدن
 جوارح جان شکار کسسته مهار کا، چاشنیکیر خون
 کور و کفتار و کا ناف شکاف آهوی تیز رفتار اولوب
 یوز پنهانینه پوش مناهده، چال شاهد و حوش
 و سماع ترانه شغال و خرکوش ایچون سر تا سر دید،
 و کوش اولمئیدی و سک شیر مخلب شراب خون ارنب
 و غدای لحم ثعلب ایله دفع مرض جوع الکلب
 ایدوب باز بلند پرواز و شاهین کردن فراز کا تیر پر تاب
 و دمای مستجاب کبی عروج ایدوب نسر طائر آسمانه
 قصد و کا، قضای ربانی و شهاب آسمانی کبی نزول
 ایدوب بیشتر چنک خون فشانله رک شریان مرغاندن
 قصد ایرلردی

* مثنوی *

برون جستند مرغان سبک خیز
 بنون صید کرد، چنک را تیز

در آمد چنک شاهین بازاراج
نه طوطی ماند بر بالانه دراج
کین بکشادن یوزان بهر سو
قرو بسته ره جستن بر آهو

ز سیر تازیان تیز آهنگ
فضای دشت برنجیر شد تنگ
(نثر) چون شیران فتاك هز بران هناك صحرایی
جرند دن و هوایی پرند دن پاك ایتدیلهر همایونفال
بساط انبساط شکاری و دفتر تفرج صحن مرغزاری
طی ایدوب خیل و خدم و حواهشی و حشمه اجازت
انصراف بیوروب شاه عالم وزیر محترم دخی آهسته
جانب حرم باحرمت دارالسلطنه خرام ایتدیلهر
اتفاق اول زمانده طغیان حرات هوا اولهبان نأره کرما
بر مشاهده ایدیکه تف ناب آفتابدن جل و جدی تنور
آسمانده بریان و غایت التهابدن حوت و سرطان تابه
اضطرابده پیچان و یچان ایدی حرارت ایام
باحوردن و خوش و طیور محوم و محرور و نکابت
سموم و حروردن روز روشن شب دیجور اولمشیدی

آتش زده کشته کوه و کان هم
تفسیده زمین و آسمان هم

مرغان چن خزیده در شاخ
در رفته چرند کان بسوراخ
همایون فال نجسته رأیه ایتدی بوهوای کرمدن که
کره خاك كوره آهنگر و روی زمین معدن آتش کی
آشیانه سندر اولسدر نقل و حرکت خلاف مقتضای
عقل و حکمتدر و ظلال خیام همایونه التجا دخی
دافع حرارت دکل ای وزیر ثاقب ضمیرنه چاره و نیجه
تدایر ایدرسنکه بر زمان آسوده اولوب حضور
اید، وز و عنقای مشرق آشیانه مغربه نزول اید یجک
بزدخی جانب مستقر جلال و مخیم عز و اقباله رجوع
اید، وز نجسته رأی سادر جنی آچوب و طبق دهانله
دعا جواهرین خا کپای شاهه صاچوب ایتدی

بیت

ای آفتاب کشور وای سایه خدا

اوستند، سایه کستر اوله شهرهما
بند، لک که سایه لوائ همای اسای ساطانی یه التجا
ایتمش لررد شعله مشعله آفتاب جهانتابدننه

(باکری)

بالکری وارد در

بیت

چون سایبان لطف تو باشد پناه ما
از تاب آفتاب حوادث چه غم خوریم
اما ذات سامی صفات پادشاه که محکم (السلطان ظل الله)
خلق عالم سایه عدالت پناهندن خوش حال و حر مدر
و حرارت هوادن که موزن انواع رنج و صدا عدر
اجتناب عین صواب در (مصراع) سلامت همه
آفاق در سلامت تست * بن بنده بو مقامه قریب بر کوه
غریب بلور مکه جوانمرد لر همتی کبی بلند و هنر مند در
رتبتی کبی عالی وار چند در سر تا پا حله خضرا ایل
صان طوطی کو یاد در وروایج کل و فوایج سنبله
رشد طره حورادر ریاحین گلزاری انجم فلك کبی
تاباندر وجد اول چشمه ساری انهار جنان کبی
رواندر مرغان اشجاری طوطیان شیرین کلامدر
وتندروان مرغزاری طاوسان ناز کخرامدر

بیت

طوطیلر اولور انده شکر خنده و کویا
قریلر اولور انده قرچهره وزیا

صواب اولدر که عنان عزیمت اول صوبه منعطف
اوله تابر لحظه سبزه کی سایه بیدده آسیب تاب
خورشید دن آزاد، و بر زمان سخن کی لب جوئی
و کنار چنده خرم و آسوده اوله

بیت

بر لب جوئی نشین و کذر عمر بین
این اشارت ز جهان گذران ما را بس
همایون فال قول خجسته رأیله اول طرفه متوجه
اولوب طرفه العینده، غبار سم سمندر خش شکو هله
دامن کوهی آستین اهل اقبال کی بوسه جای
سعادتندان قیلدی بر کوه باند کور دیکه قبه همی
ذروه آسمانن کچورمش و سرتیغ سبز دفامی سپهر
زرنکار آفتابه یتورمش

بیت

بوجلمش ذروه سی عیوقه ایرمش
واروب چشم مه و خورشیده کیرمش
(نثر) کویا بر شیخ پروقار و بر زاهد تقوی شعار در که
بر موجب * و اقبال اوتادا * پای ثباتی دامن تمکینه
چکوب چشمه چشم کر یانندن سیل سرشکی دامن

دیاره روان ایتمش شاه کامکار مر کب براق رفتاری
 برق وار بالای کوهساره سوردی وابر بهار کی اطراف
 کوهی طواف ایدوب هر جانبن کوردی ناکا، برفضا
 پیدا اولد یکه وسعت میدان امل کی بیلیان وبر عرصه
 بدیدار اولد یکه فستق، زمان ازل کی بحد ویکران
 لطافت آب وهواده مشابه مر غزار جنان ونزهت
 اشجار و بهجت ازهار ده نمودار روضه رضوان دایه
 غادیه بنات نباته شیر حیاتله آب ویرمش و مشاطه
 ناعیه زلف عذار ابکار ازهار نه شانه اعتداله تاب
 ویرمش مرغان داودی الحان بنجره اغصان اشجارندن
 کان کروهه افات حدثان فک دواردن فارغ البان
 وکله آهوی تاتاری مراتع سبز زارند، کشاد خدنگ
 حوادث روزگار دن امین الحال سخن کلزارند، سلطان
 کل حیه قورمش و سرو و عرعر و چنار و صنوبرال
 قاوشد وروب قرشو طورمش دید، نر کسی چشم
 دلداری کی پر خواب طره سنبل زلف نکار کی پرتاب
 بید طبری سپاهی لری کی کل کون جامه کیمش سرو
 سهی عاویلر کی سبز عمامه صانعش زبان نسیم
 مشکبار اسرار رواج کلزاری یار سوی عالمه فاش

ایتمش و گفتگوی بلبلدن حکایت رنگ و بوی کل سمع
 مکان سراچه چمنانه یتمش

﴿ نظم ﴾

لطیف و دلکش ایدی هواسی
 روان بخشیدی آب جانفراسی
 قضا نقاشی اوراق کلی حل
 ایدوب اول رقعہ یہ چکمشدی جدول
 مزینندی ریا حینیلہ دبدوز
 آقردی چشمہ ساری کیچہ کوندز

کنارندہ بنفشہ لالہ ایلہ

بوزین یوردی سحر کہ ژالہ ایلہ

سحر وقتندہ طوتاردی جہانی

چکاوک غنہ سی بلبل فغانی

(نثر) او مر غزارک میانندہ بر غدیر بینظیر وار ایدی کہ

چشمہ حیوان کی روان بخش وروح پرور و سلسبیل

و کوثر انک صفا سی رشکندن مغبر و مکدر

﴿ بیت ﴾

روان اندران ماہی سیم سیم

چو ماہ نواندر سپر منور

وزیر پیوردی تا کنار غدیری سریر شاهانه تزیین
ایدوب همایونفان مسند استراحتده آرام ایتدی
ملازمان رکاب سعادت انتساب دخی هر بری برکنارده
ظلال اشجارده قرار ایتدیلر واول هوای هاویه
مشالده نصکره بومنزل بهشت آیینی غنیمت شکرکف
بیابان زبان حالده هر بری بوبیتی انشایدوب ایتدیلر

✽ بیت ✽

یارب منم از بادیه ریخ والم

وارسته نشسته در گلستان ارم

شاه و وزیر بساط انبساطده هر کب سودای اسب
وفیلدن پیاده اولوب ورخ همی فرزین بند خیالات
ودستبرد شهمات عرصه تعلقاتدن ساد، قیلوب
عجایب مصنوعات الهی و غرایب مبدعات نامتناهیده
تأمل ایتدیلر وحدوثنای ملک متعال و صنایع بیروالکه
نقاش قدرتی لوح سنکین کهسارد، کلک صنعله
بونیجه انواع نقش و نگار و نیزنک حکمتی دل سنکدن
بود کلو نباتات رنگارنگ اشکار ایتشددر مؤدی قلندیلر
کا اوراق گلستاندن بوبیتی تکرار ایدرلردی

✽ بیت ✽

نه بلبل برکاش تسبیح خوانیست
 که هر خاری بتسبیحش زبانست
 و کا صفحات بهارستاند، بونقشه نظر اعتبار
 ایدر لردی

بیت

کا سازد برک کل را هر کب از باد صبا
 کند بریای سرو از آب صافی سلسله
 صحیفه کتاب آبد، که (فاعتبرو یا ایا ولی الالباب) خطیله
 محشی در (وفجرنا فیها من العیون) معناسن
 مشاهده قیور لرایدی ولوح زهر دین سبزه که
 (فانظر الی آثار رحمة الله) آیتله محلی در (وجعلنا
 فیها جنات) تفسیرین مطالعه یورر لرایدی مکر اول
 حوالیده بر درخت عالی و ارایدیکه قدمده ارم ذات
 العباددن دم اوروب ستون سفینه نوح ایله توأم
 بلکه اندن دخی مقدم کچردی مدت متمادی ایدیکه
 برک و باری دو کاوب سراصلعه و شاخساری قیریلوب
 یداقطعه دوشیددی کال کهنه لکدن پیرلر کی حرکت
 بیجهال و تند باد صرصر حوادث روزگار دن
 بی پروبال اولمشیدی دهره دهقان دهر فصل و کسر

اصلنه آش یرردی اره نجار روزکار قطع تار و پودنه
دیش بیلردی

❀ بیت ❀

شاهد باغست درخت جوان

بیر چوشد بشکندش باغبان
اگرچه که اول درخت اجوف مثال مغفل خلال
صحیح اعتقاد کی فارغ البال ایدی اما خیلی زنبور
عسل ایله مالامال ایدی اتفاق بو حالده نظر همایونفال
اول درخت غریب احواله مصادف اولدی
وزنبور لک هیئات غریب و حرکات عجیب مشاهده
ایدوب شور و شغبین کوردی وزیر جهاندیده دن
صوردیکه بو مرغان سبک پروازک بود درخت حواله یسنده
اجتماعدن سودی و بوهوام حزین آوازک نشیب
و فراز مرغزاره آمد شدنن مقصودی ندر بونلر
کیمک لشکر فراوانی و کیمک مکر بسته فرمانیدر

❀ بیت ❀

کیمک خدامیدر سالاری کیمدر

بو بیحد لشکرک سرداری کیمدر

❀ بیت ❀

ازین آمد شدن مقصود شان چیست
 درین محراب که معبود شان کیست
 نجسته رأی دعا ایتدی و ایتدی ای شهریار کامکار
 بونلر برکروه شریفدر با منفعت و بر طائفه نطفیدر
 بیضرت بر مقتضای لطافت و نظافت ذاتی که
 بوطائفه نك لازمه صفاتیدر شرف وحی و الهام
 مشرفدر (و اوحی ربك الى النحل) اندن عبارتدر
 و کربسته امر الهی در که فرمان (ان اتخذی
 من الجبال بیوتا) اندن کنایتدر بونلرک یعسوب نام
 بر پادشاه بنامی وارد که خلقتد سائرندن جسیم
 و اخلاقده مصدوقه (انک لعلی خلق عظیم) در
 جمله سی انک شوک شوکتدن برک بیدکی لرزان
 و صرصر سیاستدن اوراق حزان کبی ریزاندر اول
 بار کا، مربع و کاخ سمعده که قصر سدید و خورنق کبی
 مکلف و مصنعدر قرار ایدوب ملاحظه شکوه و شوکتی
 و محافظه جانب جسمت چون وزیر و حاجب و چاوش
 و نایب و دربان و پاسبان نصب ایتددر ملازمان
 دولتی و مقربان حضرتی کیاست و فراستده و علم
 هندسد و مساحتده بر مثابه در که هر بری بیسطر

و پرکار و بی اره و منشار متساویة الاضلاع متناسبه
 الاوضاع بر قصر مسدس طرح ایدوب اوستنه
 بر سقف مؤسس وضع ایدر لر که اگر سمنار مہمار
 وار شمس مہندس کورہل ایدی انکشت حیرتی
 دندان رشک غیرتہ اصروب دفتر دعوا ی معرفت
 صناعت ہندسہ و مساحتی دورہل دی چون رفع
 قواعد قصر دن متقاعد اولہل امیر نخل زبان حالہ
 انلردن عہد و اقرار آلور کہ زینہار نورانیت
 لطافتلرین ظلمانیت کشفاتہ مبدل قلیوب ذیل و دامن
 طہارت و نظافتلرین لوٹ نجاستہ آلودہ ایتیدلر انلر
 دخی اول عہدہ بناء شاخ کل و کابن سنبل و ازہارتازہ
 و رباحین پاکیزہ دن غیریہ قونمزلر و اول ازہار
 نظیفدن غدای لطیف تناول ایدوب درونہ معدہلرندہ
 ہیولاء نباتیدن خلعت صورت مستعارہ منخلع اولور
 و غسل مصفی خلعتن کیوب بر لہاب تازہ و شراب
 خوشمزہ مجتمع اولور کہ دارالشفای حکمتہ ظروف
 شربت ی سرپوشندہ دفعالا لتباس فیہ شفاء للناس
 حروفی یازمشدر چون خانہ لرینہ معاودت
 و کاشانہ لرینہ مراجعت قہلر دربانلر تلقی ایدوب

قوت شامه ايله جيب و دامنلرين تفحص و تجسس ايدر لر
اكر عقد عهد معموده منسلاک اولوب دامن
طهارت لرين آلايش نجاستدن پاک طوتمش اوله لرا جاز تدر
بحره مسدس و خانه مؤسس لر ينه کیره لر واکر عیاذ بالله
بو بیتک مضمونندن که

بیت

دست وفادر مکر عهد کن

تانشوی عهد شکن جهد کن

تجاوز الیمش اوله لر و انلردن موجب نفرت و مورت
کراحت اولور رایحه احساس ایده لر فی الحال نیش زهر
آلوده تار و پود و جودلرین نابود ایدر لر * اکر در بانلر
تغافل ایدوب بر آلوده دامنه یون ویره لر مشام پادشاه
رایحه کریه یی استشمام ایدوب کندوسی بالذات واروب
بو حالی تفحص ایلر و اول زنبور بخت بر کشته یی
سیاستگاهه کتوروب اولاقئل در بان بمده سیاست
زنبور بی ادبه فرمان ایدر تابو توعدن بر فرد دخی و جنس
حرکت ایتیمه اخبارده کلمه سدر که جشید جهاندار
ایین دربان و پاسبان و تعیین حجاب و نواب و ترتیب
تخت و مستدی انلردن آلمشدر و مرور زمان و کرور

(ملوانله)

ملوانله مر تبه کاله ایر مشدرهما یو نفال چوون
 نجسته رأیک بوکلا من ایشتدی طبع لطیفی
 انلرک اساسی مشاهده سنه رغبت بیو روب اول
 درخت جانبیه متوجه اولوب کیتدی بر زمان انلرک
 درکا، وبارکا، و شوکت و حُمت و قانون ملازمت
 و اوضاع و اطوار و حرکتلرین تماشا ایتدی بر جمع
 غریب کوردیکه امر الهی یه فرمانبردار و سلیمان وار
 سمند هوا یه سوار

بیت

جمله سی بر چراغه پروانه
 هر بری خدمتده هر دانه
 منازل منیعده و مواضع رفیعده قرار ایتیشلر و اغدیة
 لذیذ، و اشربۀ پاکیزه اختیار ایتیشلر هیچ بریسی
 ابنای جنسنه ایذا و آزاره قصد ایتمز و هر بری کندو
 هر کزنده، قرار ایدوب پرکار وار دأر هسند ن طشره
 کتمز

بیت

خوشا سرفرازان کوتاه دست
 بزرگان خرد و بلند ان پست

نخسته رایه ایتدی عجبدر که بوه و املک نهادنده
 سبعیت هر کوز ایکن بر برینه ضرر ایر کورمز لر
 باخصوص که نیش لری وار نوشدن غیری نسنه
 ویرمز لر و باوجود هیئت که بونلرک هیئت تد تعبیه
 اولمشدر تلطف و ملایمتدن غیری نسنه کوسترمز لر
 اما آدمی زاده ده بواوصافک خلاقی مشاهددر که
 اکثریا بعضی بعضینه صدد آزار و اضرا رده بلکه
 جمیع ایامده بر برینه مقام ایذا و انتقامده در

بیت

دور نکر کز سر نامردمی
 بر حذرست آدمی از آدمی

وزیر ایتدی ای پادشاه خرد بین وای شه نشا روی
 زمین بوجانور لر که نظر عبرتله منظور در طبیعت واحد
 اوزره مفعولدر و نوع انسان طبایع مختلفه اوزره
 مخلوق و مطبوعدر بونلرک ترکیب روح و جسم و لطیف
 و کثیف و نور و ظلمت آمیخته در و نقد ملک و ملکوت
 و حاصل علوی و سفلی قالب قلبلرند ریخته در اول
 اجاندندر که هر بری ایچون مستقلا بر مشرب و علی
 حد بر مذهب ویراشدر «قد علم کل اناس مشربهم»

(مصدق فیه)

مصداتجّه بوناره هم عقول ملائکه دن بهره ویراشدر
وهم نفوس شیاطیندن حصّه روزی قیامتدر تا
هر کس که دست همتله جبل متین عقله متشبث اوله
(ولقد کرّمنا بنی آدم) درجانه ترقی قیله واول شخص
فرمان نفس بدفرمایه مطیع اوله غایت رذالتدن درکات
(بل هم اضل) ده محبوبس قاله

بیت

بهره از ملکست هست ونصیبی از دیو
ترک دیوی کن ویکذر بفضیلت زملک
واکثرناس متابعت نفس خسیسله شقی وخیس اولوب
حرص وحقد و غصب و ظلم وستم و غیبت
ونیمه وسائر اوصاف خبیثه و اخلاق ذمیه یه مظهر
اولشدر

مثنوی

بخردی چند ز خود بی خبر
عیب پسندیده بر غم هنر
دود شوندار بدماغی رسند
باد شوندار بچراغی رسند
همایونفال بومقال حکمت مالدن متنبه اولوب ایتدی

چون فطرت انسان و احوال نفس پرستان بیان
 ایندی که منوال اوزره در بنی آدمه صلاح اولدر که
 پای عزلی دامن فراغت چکوب علایق خلیقیدن
 متبل و متصل تزکیه نفس و تهذیب اخلاقه مشغول
 اولدر باشد که اول واسطه ایل و رطبه خونخوار
 ضلالتنکه منشأ اخلاق ناپسندیده در خلاص بولدر
 (مصراع) زین میان کر بتوان به که کناری گیرند
 (نثر) سابقا گوش هوشمه یتشمشیدیکه حضور
 وحدت و فراغت عزتده در حالیا عین الیقین بلد مکه
 اکثر اشخاص انسانیه ایله مصاحبت و محاورت
 مارا فعیدن زیانکار و انارکله مخالطت و معاشرت
 مخاطره حالت زع روحدن دشوار ایش بعض
 حکمای مجرد شعار که کنج غار اختیار ایدوب اما کن
 قنارد، روزگار کچور مشلدر در مکر و معنایه نظر
 اعتبار ایتشلدر

✽ مثنوی ✽

قهر جبه بگزید هر کو عاقل است
 زانکه در خاوت صفاهای دلست

ظلمت جبه به که ظلماتی خلق

(میگزیزد)

میکریزد عاقل از غوغای خلق
پس مرد بلند همته لایق بودر که قطع تعلق ایده
ماسوای خدادن و سراچه قلبن کندودن دخی
خلوت ایده فکیف که ماعدادن

بیت

خلوتی خواهم که دور چرخ اگر چون کرد باد
خاکدان دهر را بیز دنیا بد کرد من
نجسته رای چون همایونفالك بو حالن وقصد فراغت
واعترالن مشاهده ایتدی وایتدی اگر چه زبان
الها منشان جناب پادشاه کامیابدن صادر اولان عین
صدق و محض صوابدر فی الواقع صحبت سبب انتشار
خاطر واستیلای خواطر و عزلات موجب جمعیت باطن
وظاهر در نته که پیور مشر در

رباعی

دانی که شب و روز که مجموع بود
آن گوشه نشینی که بمجموع نرود
در غنچه دل نازک کل باشد جمع
چون رفت در انجمن پراکنده شود
اما بعض اکابر دین و ارباب یقین بشرط صلاح حال

مصاحب و قرین صحبتی خلوتدن ترجیح و کثرتی
و خلوتدن تفضیل ایشملر در

❖ بیت ❖

خلوت از اغیار بایدنی زیار
یوستین بهر دی آمدنی بهار
و فی نفس الامر صحبت سبب اکتساب فضائل و فواضل
و وسیله اقتباس آداب امثال و افاضل در

❖ بیت ❖

دست طلب از دامن صحبت مکمل
تتمه اندیشین موجب دیوانه کیست

(ولارهبانیه فی الاسلام) حدیثی مفهومی و مندن دخی
معلوم اولان بودر که فوائد صحبت عوائد عزتدن
زیاده اوله بنی نوع انسانه اختیار کنج خلوت
و مصاحبت ابنای جنسدن فراغت نه کیفیتله میسر
و متصوردر که قهرمان قدرت ربانی جماعت افراد
انسانی آماج تیر احتیاج ایدوب هر بر یسن بر جهتمدن
آخره محتاج ایشملر اول اجلدندر که بونوع مدنی
بالطبع واقع اولمشدر یعنی طالب اجتماعدر و تدبیر
اجتماع و معیشتلری بی معاونت و مظاهرت محال و بقای

(شخص)

شخص و نوعی بی‌مخالطت و مشارکت متمتعدر (ع)
و سمیت انسانا لک ذوانس * فرضا که افراد انسانیه دن
بر فرد تدبیر غذا و ترتیب لباس و سکناده استبداد و انفراد
قصد ایله اولاتکمیل آلات حداده و ادوات نجاره که
تحصیل اعمال زرع و حصاد آ که متفرعدر اشتغال
ایتمک کرک مقرر در که اول زمانده اکایغدا بقا میسر
دکدر و جمیع اوقاتی اتمام مهماته صرف ایسه
جمله سن دکل بلکه بعضنک دخی حقندن کلمک
متصور دکدر کتب حکما ده کلمشدر که هزار شخص
پر کار وارد در کار کرکدر که تا بر شخص بر لقمه نان افطار
ایله پس بو مقدماتدن معلوم اولدیکه تدبیر بقای
افراد انسانی معاونه متوقفدر و معاونت بی اجتماع
محال و مظاهرت بی مخالطت متمتعدر پس عزالت زمره
انسانی منافی حیات و زندگانیدر بلکه مقوله محالات
وقیل متمتعانددر کویا (سراجماعه رجه) بو معنایه
اشارتدر

❖ بیلت ❖

بکیر دامن بجعیتی و کاری ساز
که هیچ کار میسر نشد به تنهایی

همایون فال ایتدی ای وزیر صافی ضمیر بیان ایتدی کک
معانی اگر چه خلاصه علم و حکمت و نقاوه دانش
و معرفت در لکن خاطره بو خاطره خطور ایدر که بو طائفه
محتاج اختلاط و اجتماع اولیحق البتہ اختلاف مشارب
مفوضی نزاغ و تباین مذاہب مقتضی انقطاع اولسہ
کرک زیر ا کہ بعض بعضینہ زور و قوت سبیلہ یا مال
و مکننت حسبیلہ غالبدر هر آینہ غالب مغلوبی ربقہ
طاعتہ چککہ طالب و اکثر یا حاصلات غیری حوزہ
تصرفہ کتور مکہ راغبدر و تغالب مورث نزاغ و عناددر
و نزاعک آخری انقطاع و عنادک عاقبتی فساددر

❁ بیت ❁

نزاغ آنچنان آتشی بر فروزد

کہ از تاب و تف هر چه باشد بسوزد

وزیر ایتدی ای شهنشاه حکمتیناہ اندفاع اشکال نزاغ
و جدال میسر و آنکچون بر تدبیر و قانون معین و مقرر در کہ
هر فردی علی الانفراد کند و حقنہ راضی و قانع قیلہ
و تصرف ماعدادن دست تعدیسنہ مانع اولہ و اول
تدبرہ سیاست دیرل آنک مدارای رعایت قانون
عدالتدر کہ محافظہ حاق و سطدن عبارتدر یعنی هرگز

(دائرة)

دائرة اخلاق و شما نادر و بحکم خیر الامور اوسطها
اطرافی مشتمل انواع رذائلدر نته که دیمشارد

قطعه

میانہ ظرفین از صفات چندانی

تفاوتست که از آفتاب تابشها

پس اختیار و سطر است در جمیع امور

بدان دلیل که خیر الامور اوسطها

(نثر) پادشاه ایتدی اول قانون سیاست که آنی ضبط

ورعایتله افراد بنی آدمین ظلم و تعدی زائل واحوال

عالم صلاح واعتمداله مائل اوله اول کیمدن مفهوم

ونه وجهله معلوم اولور وزیر ایتدی اول قانونک معینی

واول تدبیرک مبینی بر فرد کامل و مکمل و مؤید در که

فرستاده حضرت عزتدر حکمای کزین اکاناموس

اکبر و علمای دین رسول و پیغمبر دیرل قانون اوامر

ونواهیسی که فی الحقیقه صابون دنس معاصی و مناهیدر

ومصلح احوال عالم و معادل اهواء بنی آدمدر چون اول

پیغمبر که واضع قوانین شرع مطهر در دارالمیک آخرته

عزیمت پیوره اجرای قواعد دین و اصلاح مصالح

مسلمین ایچون بر سائنس ضابطیدن لابد در زیراکه

اکثر خلایق کنند و حائنه لایق امور دن غافل
و متابعت هوا و مطاوعت نفس دغایه مائل در ر لاجرم
بونلرک میاننده بر حاکم قاهر مهم و لازمدر که قواعد امر
و نهی پیغمبریکه شرع مطهر دن عبارتدر محافظت
ایدوب قانون سیاسی کما ینبغی رعایت قیله تاهم فرق
ملت افسردولتله سرافرازوهم لباس سلطنت طراز
اعزاز شریعتله مطرز اوله که « الملک وال دین توأمان »

✽ بیت ✽

نزد خردشاهی و پیغمبری

چون دو نکیندد رانکستری

بو معناده بیورمشاندر

✽ بیت ✽

هم شرع ز ملک ارچندی دارد

هم ملک ز شرع سر بلندی دارد

همایونفال ایتدی اول حاکم که واضع شریعتدنصکره
آنک وجودی لابدرنه حالت اوزره و ضبط مملکت و ملتدنه
خصالت اوزره اولق لازمدر نجسته رأی ایتدی حاکم
مزبوره لازمدر که قواعد سیاسیسته واقف و دقایق عدالت
عارف اوله والا دولتی صدد زوالد، و مملکتی شرف

(انتقالد)

✽ بیت ✽

سلطنت عدلیله اولور پایدار
 کار عالم عدله بولور قرار
 وواجبدر که ترتیب مراتب انسانه تمیز کاملی و تقدیر
 مقادیر اشرف و اعیانه و قوف شاملی اولوب بلکه
 نیچه طائفه یی تقویت و تربیت ایدوب انلرایله مخالطت
 و معاشرت ایتک مناسبدر و نیچه گروهی مقهور
 و مغلوب قیلوب مصاحبترلندن مجانبت کوسستمک
 فرض وواجبدر زیرا که ملازمان عتبه سلطنتدن
 آزکسئه وار که مکر عبودیت سلطانی میان جانه
 چکوب سعادت دنیا و نجات عقبای پادشاهه سعی
 ایلیه بلکه اکثرینک رعایت قاعده ملازمتدن غایت
 غرضی جلب ملاذ و مضافع یا سلب مضار و مکاره در
 وولی نعمته بیک مضرت مترتب اوله جق یرد، کند و
 نفسنه بر منفعت تصورایتسه هزار بار کند و جانبی
 راجددر

✽ بیت ✽

لاف زنان کز تو عزیز یی شوند

جهت کنان گزین پیچری رسند

چون آنلک مدار حالی حرص و طمع اوزره در یمن که
 بعضینک سینه سنده بعضی آخره کینه اوله و اول
 طائفه که آستان سلطانن انلک فوائدی بوکروه
 عواندنن زیاده اوله رشک اید لر چون ماینلرند، حقد
 و حسد پیدا اوله انواع ازار و ایذا و اصناف عداوت
 و بغضا ظهوره کلوب انواع حيله ايله قضایای کاذبه یی
 صورت صدقه کوستره لر و امور باطله غیر واقعیه یی
 معرض واقع و حقه عرض اید لر چون پادشاه حلیه
 احتیاطدن عاقل اوله و کلام ارباب غرضی سمع
 قبول ايله اصغایدوب تفرس احوال و تفحص اوضاع
 و افعالد، متکاسل اوله شرر شعله احتلال بر مرتبه ده
 ارتقاع و اشتعال بوله که (ع) باران دو صد ساله
 فرو نلشاند

مثنوی

منه گوش بر قول صاحب غرض
 که از کینه در سینه دارد مرض

بهم برزند عالمی در دمی
 پریشان کند در دمی عالمی

اما پادشاه چون بیدار دل و هوشمند و آگاه ضمیر و خرد
مند اولوب غور مهماته بسیار فکرله وصول و کلیات
و جزئیاته قوت ذهن و وفور درک ایله احاطه و شمول
قصد ایلله و فروغ راسته ظلام دروغدن امتیاز
و یروب استماع کذب صریح و اصغاء افک فضیحتدن
احتراز قیله هم دنیا ده بنای سلطنتی رخنه خللندن
امین و هم عقبا ده فائز دولت نجات و درجات علین
اوله

✽ مشنوی ✽

هر که درین خانه شی داد کرد
خانه فردای خود آباد کرد

دادگری شرط جهانداریست
دولت باقی ز کم آزاریست
هر پادشاه آگاه که اساس سلطنتن قواعد حکمت
و قانون عدالت اوزره طرح ایدوب مواعظ علما
و نصایح حکمای بنیاد امورنه پیشنه ها دقیله هم مملکتی
معمور و آبادان قاله و هم رعیتی خوشدل و شادان اوله
نتکه رای اعظم دابشایم هندیکه بنای سلطنتن حکیم
بید پای برهمنک قواعد نصیحتی اوزره مبتنی قیلوب

اندن سلاطینه لایق آیین و اطوار تحقیق ایتمشیدی
لاجرم مدت مدید، کا مکار و کا مرانلقده روز کار
آچوردی چون فضای غروردن سرای سروزه انتقال
ایتدی نام نیک و ذکر جیلی یادکار قودی کیتدی

❖ بیت ❖

جهان غوغاری برآد ایچوندر
سنگ اولدر قلانی یاد ایچوندر

❖ بیت ❖

هر چند فکر میکنم از هر چه در جهان
نام نکوست حاصل ایام آدمی

همایونفال چون رای دابشایم و بیدپای حکیم خبرین
ایشتمدی غنچه تازه کی که هنگام سحرده تنسیم نسیم
صبادن تبسم ایدر چن فرح و بساط نشاطده شکفته
و خندان اولوب ایتدی ای نجسته رأی مدت مدید
و عهد بعیددر که سودای قصه برهن و رای سویدای
دلده متمکن و انلرک حیالات مقالات و ملاقاتی خلو
تخانه ضمیر مده جایگیر اولمشدر (ع) عمریست که
سودای سر زلف تو داریم * جند انکه رسم تفحص د سعی
بلغ و هر چند که کیفیت احوالترین استفسار ده جهد

(بیدریغ)

بیدریغ ایتدم اول قصه دن بر حصه بوله مدم واول
خبردن بر اثر بيله مدم

❖ بیت ❖

یا هیچ کس نشانی زان دلستان ندید ست
یا من خبر ندارم یا او نشان ندارد
واول زماندن الی هذا الان منتظر و حیران اید مکه انلک
نام و نشانی کیم دهانندن گوش هوشمه ایره و پیوسته
دیده ترصدی شاهراه انتظاره قویوب نگران اید مکه
بو حالک جالی نه جانبدن یوز کو ستره

❖ بیت ❖

گوش بر آواز دارم مرده زان لب کجاست
دیده بر راهست یارب پر تو دیدار کو
حالا بحمد الله تعالی معلوم اولدیکه وزیر بزرگوار بو
احوالدن خبردار و بورموز دن واقف اسرار ایش
فحمد اثم حمد اثم حمد ا

❖ بیت ❖

آخر دلم با آرزوی خویشتن رسید
انچه از خدای میطیدم بمن رسید
امید وار مکه بی توقف بنی مقالات رای و برهمندن

بهره مند اید، سن و منت دارم که اول قلائد نصیحت
و فرآید پندی کردن جائزه بند و کوش اذعانیه پیوند
اید، سن تا سکا بو واسطه ایله اداء حقوق نعمت حاصل اوله
و اول مواعظ و نصایح استماعیله بزدن دخی رعیتیه
انواع فوائد و منافع و اصل اوله بر کلامکه انک مجرد
تکلمی سبب اداء شکر نعمت و استماعی خاص و عامه
فائدۀ تام و منفعت بینهایت اوله ظاهر در که بغایت
متین و متبرک اولسه کرک

﴿ نظم ﴾

زبان خرد مند روشن روان
کلید در کنج حکمت بود
در کنج بکشا و نقدی بیار
که اورا عیار نصیحت بود
نصیحت بدان وجه کویا ملوک
که دروی صلاح رعیت بود
«آغاز داستان دابشلیم و پید بای حکیم» وزیر و ششمن
و راست تدبیر زبان فصاحت و دهان بلاغته احوال
رای و برهمنی تقریره شروع ایدوب ایتدی
﴿ نظم ﴾

ای شهریار دهر و شهنشاہ روز کار
اوستکده سایہ کستر اولہ لطف کرد کار

اجرام رام بخت بکام و فلک غلام
دولت مطیع حکمک اولہ روز کار یار
طوطیان شکرستان حکایات داستان سرایان بوستان
روایاتدن گوش هوشمہ یتشدی کہ معظم بلاد سواد
ہنددہ کہ خال چہرہ ممالکدر بر پادشاہ بیدار بخت
وفیروز روز و رای جهان ارای رعیت نواز و مظالم
سوز و ارایدیکہ کردن عروس سلطنت حلیہ بذل
و معدلتی ایلہ آراستہ و چہرہ مخدرہ مملکت کلا کونہ
حکم و سیاستیلہ پیراستہ صفحہ عالمی مصقلہ عدل
و دادلہ ژنکار ظلم و بیداددن زدودہ قیامتیدی و کافہ
جہانیان ظل ظلیل مر جت و معدلتدہ آسودہ
اولمشیدی

❦ بیت ❦

نور عدل اطراف جہان را کردہ نورانی
بلی از عدل روشن کردد آیین جہانبائی
اول پادشاہہ رای دابشلم دیرلردی انلرک لغتدہ
معناسی پادشاہ عظیم دیمکدر بر بزرگوار ایدیکہ قلعہ

سپهر زرنگار بوسمو درجه و رفعت مدار ایله قله کوه
شکو، و عظمت و وقار نه یتزایدی و غایت علوهت
و نهایت غلو شها متدن معالی امور و عظیم مهماتدن
غیریه التفات یتزیدی هزار قلاده لی پیل دمانی و ارایدیکه
فیل ابرهه انلک سطوت وصولته نسبت بر پشته
ناتوان ایدی و عدد مردان کارزار و دلیران کارگذاری
بیحد و بیکران ایدی و حشمت موفوری و مملکت
معموری و رعیت مسروری و ارایدی (ع) آنچه
شاهان همه دارند توتنها داری * بواسطه عظمه
رعایا باشد، بنفسه فصل خصومت ایلردی و غورکار
واحوال دیار، بالذات مطلع اولق دیلردی

بیت

دست رعایت زرعیّت مدار

کار رعیت برعایت سپار
چون چهره مملکت حلیه عدل و سیاسته حالی و ساحه
ایالتن اعدای دولت و مدعیان ولایتدن خالی قیلدی
فراغت خاطر ایله هر دم بزم عیش و عشرتده خرم
اولوب کامکار و کامیاب روزکار کچورردی و همواره
مجلس معارف بار و عوارف نشاننده ندمای حکمت

شعار و حکمای فضیلت اشتهار حاضر اولورلردی
 و محفله لطائف کلمات و زیور مناقب مکارم صفاتله
 زینت و پروردی بر کون مسند عزتد، او توروب چشن
 پادشاهانه آراسته قیلدی و اغانی غوانیدن نیل
 امانی و نصاب شادمانی حاصل قیلوب سواقی جاریات
 و جواری ساقیادن کام دل و داد و قتن الدی

قطعه

مهیا اولدی بزم خسروانه
 چالندی هر طرف چنک و چغانه

مکش ساغر دن وزیرین قدح دن
 سماع بزم دوندی کهکشانه
 شاه کردن فراز چون زخه ساز و نغمه مطربان خوش
 آواز دن استیفای التذاذ ایتدی استماع داستان حکیمه
 اهتر از ایلدی و چون تماشای رخسار رنگین مهر و یان
 زهره جیندن فراغت قیلدی مشاهده جلوات کلام
 نصیحت انجامه رغبت بیوردی

بیت

خدای روح حیوانی ینلدی
 سماع بزم زوحانی چکلدی

و حکمای بزرگوار و ندمای فضائل دثار دین تفاسیل
محاسن اوصاف و احسن اخلاقی استنطاق و استفسار
ایدوب گوش هوشی جواهر آبدار کلمات حکمت
نشاره که نمودار درر شاهوار در مقرب و مشرف
قیلیدی (ع) سخن درست و تعلق بکوس شه دارد *
پس آمدن هر بری صفات حمیده دن بر صفت و خصال
ستودن بر خصلت تعریف و توصیف قیلیدی تاب حکم
« الکلام یبر الکلام » بر حسب اقتضای حال و مقام
جواد کلام میدان جود و کرمه خرام ایدوب فنون
سخن بوبابده ذو شحون اولدی

❀ بیت ❀

شی بحیة ابد اعیان کن فیکون

حدیث زلف تو میرفت الحدیث سبحون
آخر خلاصه اقاویل حکما و نتیجه آرای ندعای حکمت
انتما بونک اوزرینه منجر اولدیکه اشرف اخلاق
واجل اوصاف صفت جود در ❀ و لهذا معلم اولسن
منقولدر که جودا جود صفات ذات واجب الوجود در
زیرا که جود بینهایتی جلّه موجوداته واصل و کرم
بحد و غایتی مجموع مخلوقاتش شامل و حاصلدر

(وصاحب)

وصاحب نبوت کبری بیورمشلدر که جود بر نهال
طوبی مشالدر که چن جسته بتمش وکنار جویبار
کوژده نشوونما بولشدر (السخاوة شجرة فی الجنة)

❖ بیت ❖

دیمش اول کیمه کیم خیر البشر در
سخاوت جنت ایجره بر شجر در
وحدیث نبویدر که (الجنة دارالاسخياء)

❖ نظم ❖

مایه توفیق کرم در کرم
کنج یقین ترک درم در درم
کنج رواندن صوررایسک نشان
کنج روان بذل رواندر همان
رای چون بومسئله یه واقف اولدی عرق جود جلی
ورایت اصلسی حرکته کلوب بیوردی تادر کنج
کراتمایه یی آچوب خاص وعامه صلاهی انعام ایتدیلر
وشهری وغریبی نصیب تمامله غنی ومحتاج وفقیری
عطای عیم ایلله ابنای جنسندن مستغنی قیلدیلر

❖ بیت ❖

زابر کفش شدروان قطره باران جود

شست و سخ احتیاج از ورق روزگار
 اول کون تمام آفتاب تابان کبی زر افشانلق و بخت تازه
 و دولت جوان کبی کامرانلق ایتدی تا اول زمانکه
 سیرغ زرین جناح خاوران عزم آشیانه قیروان
 ایدوب غراب شب سیاه چهره بال ظلمتی اطراف جهانه
 سایبان ایتدی

❖ بیت ❖

کونک پیمانه سی طوادی شب اولدی
 افق برله شفق لب بر لب اولدی
 پادشاه سر فراغتی بالین استراحتہ قودی و خیل خواب
 سپاه حواس و قوای دماغنه شخون قیلدی

❖ مثنوی ❖

صونوب ساغر الینه ساقی خواب
 ایدوب ترکسلرین اول باد، سیراب
 کلاستان مثالی قیلدی سیران
 ریاحین خیاله قالدی حیران
 نقش بند خیال عالم مثالد، بوسورتی تصویر ایتدی که
 بر پیر نورانی که سمت صلاح سیماسند، پیدا و علامت
 کرامت ناصید سندن، هویدا ایدی کادی و رایه ثنا

(ایدوب)

ایدوب ایتدی بو کون حسب الله مبالغه مبلغ نفقه
ویردک و طلبا المرصاته بر خزینه کرانمایه صدقه قیلدک
ایمدی علی الصباح که شمسوار میدان آسمان توشن
خنک کردونه سوار اوله سندخی قدم عزیمتی رکاب
سمند دولته قویوب جانب شرقی دار السلطنه
توجه ایله که خزینه رایکانه و کنجینه شایکانه اله
کتورسک کرک و اول کنجینه یه اقتدار ایله پای
مباهاتی فرق فرقدانه و سرمفاخرتی ذروه آسمانه
یتورسک کرک رای چون ترجمان عالم غیبدن بو بشارتی
ایشتدی حجاب خواب و پردۀ غفلت بصر بصیرتندن
کشدی و خیال کنج و مرده پیر سخن سنج ایله شاد
اولوب زبان حالی بو بیت انشا و انشاد ایتدی

بیت

خیال کنج می بیند چراغ

نسیم دوست می یابد دماغ

و شرط طهارتی رعایت ایدوب قاعدۀ شریعتی
اوزره مراسم عبادت و لوازم شکر نعمتی اقامت ایتدی
تا اول وقتکه کنجور قدرت مفتاح مشیت ایله قفل
خزانۀ افق آچدی و دست زرافشان آفتاب محزن

فلکدن نقود انجمنی زیر دامن شعاعه صاچدی

❖ بیت ❖

بامدادان که صبح سیم اندود

از در کنج قفل زر بکشود

شاه امر ایتدی بر سمندر هوار و باد رفتاری زین زرو لکام

پر کوه رایلہ مرتب و احضار ایتدی لر و طالع میمون و طائر

همایونله سوار اولوب مشرق صوبنه متوجه اولدی

❖ بیت ❖

دولت و اقبال آنکله در رکاب اندر رکاب

نصرت و تأیید آنکله در عنان اندر عنان

چون حدود عمر اندن عرصه صحرا و بیابانه یتدی

هر جانه نظر صالوب مقصود معهود دن خبر طلب

ایتدی بوائنده ناکا، بر کوه پر شکوه کور دیکه مکند

نظر عقده کمر کا هندن تجاوز ایتمز و زردبان هوا گوشه بام

رفته تیز

❖ بیت ❖

اولشیدی سمایه همسایه

منزل اوجه ذروه سی پایه

دامن کوه ده بر غار تاریک کور دیکه بر پیر و شتضمیر

(در غارده)

در غارده، او تورمش و یار غار کی زجت اغیاردن
قور تیش

❖ بیت ❖

با خبر و بی خبر از هر چه هست
سوخته و ساخته با هر که هست

چون نظر پادشاه اول عارف و آگاه راست کلدی
قلبی مصاحبتنه راغب و خاطری مجالستنه طالب اولدی
پیر صافی ضمیر چون شاه جهانگیری کوردی صفحه
چهره میزند نقش مافی الضمیرن او قیوب زبان نیازله
ایتدی

❖ بیت ❖

ای ترا سلطنت عالم جان داده خدای
منزل تست دل و ذیده فرود آی و در آی
شاهها اگر چه کلبه اُخران در دمنده ان قصر زرینکار
مقابله سنده محقرو کنج زاویه مختزدکان ایوان کردون
مدار شهر یار کاغذکاره نظرا امر مختصر در فاما (ع)
قدیمی رسمدر معهود عادت (نثر) پادشاهلر حال
فقرايه نظر مرحت ایدوب گوشه نشینلری دم و قدم
ایله نواخت اید، کلش لر در و آنی تنه اخلاق خجیده

واوصافی پسندیده، دن عد ایلش لر در

✽ بیت ✽

نظر کردن بدرویشان منافی بزرگی نیست
سایمان باچنان حنمت نظرها داشت بامورش
دا بشایم کلام درویشی بمع رضا ایله اصغا ایدوب
مرکتدن پیاده اولدی و درویش خیراندیشك انفس
مبارکیله استیناس ایدوب استمداد همت قیلدی

✽ بیت ✽

شك كراختر اولسه در تاجی
دعا درینه واردر احتیاجی
استیفای مصاحبت نصکره عزیمت مراجعت ایدیجك
مجاور غار زبان اعتذار ایله ایتدی

✽ بیت ✽

از دست من کدانیاید
مهمانی چون تو پادشاهی
امام حاضر بر یاد کارم واردر که طریق ارثله پدر مدن
انتقال ایتشد در خاک پای پادشاهه نشار ایلرم اول
برکنجه نامدر و مضمونی بودر که بو غارک کنارند، بردفینه
کران واردر که نقود جواهری بیکراندر و برکنجه

شایکان وارد در که عجایب و غرایبی بیایان چون بن
بر حسب

❖ بیت ❖

قناعت کنج آمادست اگر دانی
از و خود تا توانی رونکر دانی
کنج فراغته (القناعة کنز لا یفنی) کنجه فائز اولدم
و سودوزیان روزگارم ایچون کنج قناعت کد بازار تو کلده
آندن رایج الوقت بر نقد یوقدر سرما به قیلدم انک
تحصیلنه طالب و طلبنه راغب اولدم

❖ بیت ❖

چو بولدم بهره جان آسایشندن
الم بودم جهان آلایشندن
اگر خسرو کشور کشا پرتوالتفاتلریله کنج دینه کنجی
روشن قیله لر و بیوره لر تا ملا زمان رکاب سعادت
انساب جست و جوی ایدوب عرایس نفایس جواهر
زواهره که هنوز مهر بکار تلریله در منصفه خزانه
عامره ده جلوه ویره لر دور دکادر دابشلم بو کلام
جواهر انتظامی استماع ایدیجک واقعه شبانه بی یاد
ایدوب «هذاتأویل روئیای من قبل قد جعلها ربی حقاً»

مفهومی ضمیر منیر آینه نظیرینه منعکس اولدی وقصه
 پیر نورانی و بشارت کنج شایکانی نقیر و قطمیر پیر
 روشضمیر تقریر ابتدی درویش ابتدی اگر چه که
 بو مختصر بادشاهک علوهت و شهامتة نظرا محقر در
 اما بنواله چون عالم غیب دن حواله در شرف حسن
 قبول ارزانی بیور مق کر کدر (ع) کانچه آید ز غیب
 بیعیست * رای امر ابتدی تا اطراف غاری حفره مشغول
 اولدیار و آزر نجله راه کنجه ظفر بولوب تمام مخزون
 و مدفونی نظر هم ایونه کتور دیلر

* نظم *

نیچه تاج پر کو هر شاهوار
 نیچه خاتم و باره و کوشوار
 نیچه درج سمین و صندوق زر
 ایچی طو لو یا قوت و لعل و کهر
 اوانی زرین و سمین ظرف
 بونوعه تحفه ابر اول غار ظرف
 شاه بیوردی تا صندوق و درجک قفلارین کیدر دیلر
 ایچینده کی درر غرر جواهر زواهری و طرف تحف
 و عجایب و غرایبی تماشا قیلدی و انزل میانه بر صندوق

مرصع کوردی اطراف وجوانی محکم بند اولش
 و پولاد ز رنگاردن بر قفل رومی کردار را کایوند اولش
 اول قفلک استحکامی بر مشابده که زبان هر مفتاح بیان
 معانی فتح البابند، لال و ذهن هر حلال اشکال حل
 تعقید اغلاقند، پر کلال اول قدر که تفحص ایتدیلر
 انک کلیدنک دیلن بیلدیلر و کشاندن خبر المادیلر
 رای اول عقده بی حل و اول مشکلی منحل قیلغه رغبت
 تمام و صندوق و درجده مندرج اولانک مشاهده سنه
 شغف مالا کلام کو ستروب بیوردی تا آهنگران
 چابک دست تدبیر درست ایله اول قفلی شکست ایتدیلر
 صندوق آچیلوب ایچندن بر درج ظاهر اولدیکه برج
 آسمان کی جواهرله مرصع اول درج ایچنده بر حقه
 درج ایتدیلر که حقه ماه کی بغایت مکلف و مصنع
 شاه بیوردی تا حقه بی نظیرینه کتوردیلر و دست
 مبارکیله آچوب ایچنده بر پاره حریر سفید کوردیکه
 ظهرند، برقاج سطور قلم سریانیله مسطور دابشایم
 متحیر اولدیکه آیا بونه در بعضی ایتدیکه صاحب
 کنجک اسمیدر بعضی دخی دیدیلر که بو کنجک طلسمیدر
 چون مقالات ارباب الباب بو باده سرحد اطنا به یتشدی

شاه ابتدی بوخط اوقمقی کرک که حجاب ارنیاب مرتفع
ولباس التباس منخلع اوله حضار مجلسدن قاعده
خط مزبوره واقف برکسنه بولتمیجق بالضرور
برشخصک طلبنده که بوحر و فک مضمونه وقوف
اکاموقوف ایدی شتاب ایتدیله تا بر حکیم ماهر دن که
قرأت کتابت خط عبریدن حظ وافر ی واریدی خبر
آلدیلر و حکم عالی شرف صدور بولوب پایه سر بر
اعلیه حاضر قیلدیلر دابشلیم تقدیم مراسم تکریم
و تعظیم نصکره ایتدی ای حکیم تصدیعدن همان
غرض بودر که بومکتوبک مضمون عبارت ظاهر ایله
بیان و بومسطورکه مکنون ✽ کالشمس فی وسط النهار ✽
عیان ایده سن (ع) باشد که ازین خط شنوم حرف
مرادی ✽ حکیم اول صحیفه پر صفای نظر استیفایه
کتور و ب تأمل مستوفی دنصکره ایتدی بو بر مکتوبدر که
انواع فوائد ایله مشحون و بر کنجنامه در که اصناف
فرآید پسند ایله مخزوندر محصول مضمونی اولدر که
بنکه هوشنک جهاندارم بونقود بسیار و جواهر
بیشمار ی رای اعظم و پادشاه معظم دابشلیم هندی
ایچون و دیعت قومشدر والهام الهی ایله بود فینه

نصیبه خزینده سی اوله جفن یلمتمدر و میانه زرو
 کوهرده بو وصیتنامه تی تعیه قلمشدر تا چون بو کنج
 بی رنجه ظفر بوله و بو وصیتنامه یه نظر قیله متنبه
 اوله که زر و کوهره فریفته اولق خلاف عقل صحیحدر
 و دولت دنیا یه شیفته اولق مقتضای جهل صریحدر
 زیرا بو برمتاع مستعاردر که هر کون فرسوده دست
 آخردر و بر پیر زال غداردر که هر کیجه هم خوابه
 شوهر دیگردر

مثنوی

دولت دنیا که تناکند
 با که وفا کرد که با ما کند

مغز وفایست درین استخوان
 بوی امان نیست درین خاکدان
 اما بو پروصیتنامه در که فی الحقیقه کارنامه بنای
 سلطنت و دستور العمل اساس مملکتدر اگر اول پادشاه
 عاقل سوانح امور و مصالح جهوره بو وصایایله
 عامل اوله تا انقراض اعصار و انقضای ادوار صدای
 دبدبه اقبال روز افزونی باقی و پایدار قاله

بیت

وصایای هوشنکی طوت یادگار
 دیلر سگ اولا دولتک پایدار
 «اسعد الملوک من بقی ذکره بالعدل واستند الیه من یأتی
 بعد» هر جهاندار که بو وصایای که اون درت قاعده بی
 مشتملدر منظور نظر اعتبار قلمیه امور سلطنتده انکله
 حامل اولیه بی شبهه بنای دولتی عواصف نکبتله
 متزلزل و لامحاله روی عروس اقبالی جانب اد باره
 متحون اولوب روز بروز مراتب جا و جلالی متدنی
 و متزل اوله (اولکی وصیت) بودر که ملازمان
 آستانه سعادتن هر یکیکه افسر تقرب ایله سرفراز
 ایلیه انک حقنه غیرک کلام نفاق انجمن استماعدن
 امتناع و احتراز ایلیه که هر کسه که مقرب سلطان اولور
 البته محسود اقران اولور و محسودلر چون اساس
 عنایت سلطانی انک حقنه محکم کوره لر
 لاجرم لطایف الخیل ایله نقض بنای حرمته و هدم
 بنیان قربته قصد ایدرلر و اخلاص و اختصاص
 صورتده کلمات رنگین و فریبنده ایله غائبانه حسدا
 من عند انفسهم جواهر حسنانی رشته سیئاته نظم

ایدوب پادشاهی آنک حقند، مشغیر قیله لر و آنک ضمتند
آنلرک مقاصدی حاصل اولوب مراد فاسد لینه
واصل اولورلر

بیت

مشنو سخن هر کس و بشنو سخن من
کار باب غرض راست درین باب سخنها
(ایکنجی وصیت) اولدر که مجالست تمام و نمازدن
تمام احتراز اوزره اوله لر که بونلر فتنه انکیز و لئیمدر
وعاقبت لری بغایت وخیمدر چون بر شخصی بر صفتله
متصف کوره لازمدر که فی الحال آتش سعایتن اب شمشیر
سیاستله سویندره و خاشاک وجودین آتش اهلکله
کویندرله نادود وجودیله عرصه جهان تیره و دید
چهارنایان خیره اولیه

بیت

آتشی را که سوخت خلق ازان
جز بکشتن علاج نتوان کرد
(اوچنجی وصیت) اولدر که اعیان دولت وارکان
مملکت شرط موافقتی مرغی طوته که معظمت امور و امهات
مهمات دوستان یکدل معاونتیه محصل اولور و مصاحبان

یکجهت مظاهرتیله تشی بولور (ع) آری باتفاق جهان
 میتوان گرفت ✽ (ع) الفتح مع الوفاق توأم ✽
 (دردنجی وصیت) اولدر که تطف و تملق دشمنه
 مغرور اولیه و هر چند که عدودن محبت و مسکنت
 مشاهده ایلیه شرط خزم و احتیاطی مرعی طو توب
 انک دعوی و داد و ادعای اتحادینه که عنقاکی بیکان
 و کیمیاکی بی امکاندر زینهار اعتقاد و اعتماد ایتیه که
 دشمن هیچ وجهله دوست اولز و عدودن بر جهته
 صداقت کلز

✽ منوی ✽

از دشمن خشک رو پیر هیز
 چون هیزم خشک از آتش تیز

کارش بجدل چودر نیاید
 خوش خوش در حیلہ در کشاید
 (بسنجی وصیت) اولدر که چون نقد مرادی الف
 جهده کفه کفه کتوره محافظه سنده تهاون و تکاسل
 کوستر میه و غفلت سببیه ضایع قیلوب الدن کیدرمیه که
 صکره تدار کله اله کیرمز و ندامت و ملامت فائده ویرمز

❖ بیت ❖

نیاید بکف تیررفته ز شست

و کرچه بندگان کزی پشت دست
(النجی وصیت) اولدر که جمیع اموره خفت و شتابدن
تحرز واجتناب ایدوب جانب تأمل و تأنی به میل
ایلیه که تعجیلک مضرتی غایت چوقدر و صبروتهملاک
منفعته نهایت یوقدر

❖ مثنوی ❖

مکن در مهمی که داری شتاب
ز راه تأنی عنان بر متاب

که نا کرده رامیتوان کردزود
چوشد کرده آنکه ملامت چه سود

(یدنجی وصیت) اولدر که هر حالده عنان تدبیری
الدن قومیه اگر اعدا اتفاقله اکا قصدایده لر انلردن
بر یله مدارا و اظهار اخلاصله اول ورطه دن خلاص
متصور ایسه فی الحال اکا قدام ایده و بحکم (الخراب
خدعة) انلرک بنای مکرنی بر تدبیر اخر ایله زیروز بر
ایلیه که عقلا دیملردر

❖ بیت ❖

از دام مکر خصم بتخیله توان کرینست

قدیصلح الحدید کماقیل بالحدید
(سکزنجی وصیت) اولدر که کمین ارباب کیندن
امین اولیوب خوش امد و تلافی لرینه باور قلمیه که نهال
کینه دن زمین سینده نشوونما بولش اوله بر آزار
و ضرر ردن غیر ی ثمر میسر اولمز

✽ بیت ✽

مکر دشمندن صقین اولمه امین
صید ایچون نا که سکا ایلر کمین

✽ مثنوی ✽

کینه بهر سیننه چو بنهاد رخت
دل شودش از بی ازار سخت

بندت و چرب زبانی کند

چون کذرد قصد نهانی کند

(طغوزنجی وصیت) اولدر که عفو و صفحی کندویه

شعار و دثار ایدوب ملازماں عتبه دولتی ادنی جریمه ایله

هدف تیر عتاب و عقاب ایتیمه که همواره ادکا بر

آب عفو و عمر حمله جرائد احوال اصاغری دنس کبار

وصغایر دن پاک ایدب چهره جرأت و بی ادبانه حرکتلرین

دامنی اغماضله سترایده کلش لردر

بیت

زابتداء عهد آدم تا بدور پادشاه
از بزرگان عفو بودست از فرودستان گناه
چون بعض مقرر بلردن بعض خیانت و جنایت
ظاهر اولوب مظهر عواطف و عفو سلطانی اوله لر
لایق بودر که بر دفعه دخی آنلری مشرب لطف
واحسان ایله دیان ایلله تاییابان حرمانده سر کشته
وحیران قالمیه لر

بیت

انرا که بدست لطف برداشته
بنوا از بیکبار میفکن بر خاک
(اونجی وصیت) اولدر که کسه یه اضرار
وآزار قصد قیلله تا بحکم «جزاء سیئة سیئة مثلها»
ضرری اکا مترتب اولیه

بیت

چو بد کردی مشوایمن زآفات
که واجب شد طبیعت را مکافات
بلکه لازمدر که نسائم انعام واحسانی کلزار
عالمیانه متنسم اوله (ان احسنتم احسنتم لانفسکم)

روضه سنده غنجه مراد و شکوفه مقصودی متبسم
اوله

* (قطعه) *

نیکار کنی بجای تونیکی کنند باز
ور بد کنی بجای تواز بد بتر کنند

امر و زنیست از بد و از نیکیت خبر
روزی بود که از بد و نیکت خبر کنند
(اون برنجی وصیت) اولدر که طورینه لایق و حالنه
موافق اولین اموره میل ایتیه که نیجه کسه کندویه مناسب
کاری قویوب مهم ناملایمه اقدام ایتدیکی اجلدن عاقبت
اتمامه یتشد رمیوب کندو کارندن دخی محروم قالمشدر

* بیت *

ذاغی روش کبک درمی آموخت

آن دست نداد دوره اورفت زدست
(اون ایکنجی وصیت) اولدر که چهره جالنی
حلیله حمله آراسته قبیله که قلب حلیم فسیحدر
ونکنه (کان الحلیم ان یکون نبیا) حدیث صحیحدر

* بیت *

تینخ حلم از تیغ آهن تیر تر

بل ز صد لشکر ظفرانگیر تر
 (اون اوچنجی وصیت) اولدر که ملازمان آستانه
 دولتی امین و معتمد مکینه اولوب ارباب غدر و خیانتدن
 احتراز واجتناب ایتمک کرک چون مجاوران عتبه
 سلطنت صفت امانت ايله موصوف و سمت دیانت ايله
 موسوم اوله لر هم اسرار ملک شرور اشرااردن مصون
 وهم جهور خلق شرر ضررندن مأمون اولور و اگر
 عیاذ بالله چهره حالری خال خیانتله سیاه اوله و پاشاه
 حضورنده کلاملری شرف استماع بوله شاید که
 بر یکناهی معرض تلفه کتوره لرون تایج بد حالری
 عاجلا و اجلا اکامرتب اوله

❖ مشنوی ❖

خادم پادشاه امین باید
 تادران ملک رونق افزاید

ورکنند جانب خیانت رو
 ملک ویران شود ز شومی او
 (اون دردنجی وصیت) اولدر که محنت روزگار
 و قلب ادواردن کر کدر که چهره حالی غبار انفعال
 ايله مغیر و مشرب همی کرد ملال ايله مکدر اولمیه که

مرد عاقل د آتما بسته بند بلا و شخص جاهل همیشه
مستغرق ذوق و صفادور

❀ قطعه ❀

شیر اسلسله در کردن و روبه همه شب
فارغ البال در اطلال دامن می گردد
عاقل از کایه احزان تنه پای برون
غافل از روی طرب کرد چن می گردد
و یقیناً بیل که بمظاهرت لطف ازل و فیض لم یزل سهم
سعادت هدف مراد، واصل اولز و بی آبیاری قضا
و قدر نهال فضل و هنزدن هیچ ثمره حاصل اولز

❀ بیت ❀

دولت نه با کتساب علم و هنرست
وابسته با حکام قضا و قدرست
بواون درت وصیت که ذکر اولندی هر بری ایچون
برداستان غریب و برافسانه عجیب ایراد اولنشد
اگر رای اعظم اول حکایات و روایات تفصیله اطلاع
قصداید رسه جانب کو، سر ندیده که مهبط ابوالبشر در
توجه ایلسونکه بو عقد، اند، منحل اولوب کل مطاوب
کلی اول روضه امانیده آماده و شکفته اولسه کر کدر

(چون حکیم)

چون حکیم بو کلام جواهر انتظامی کوش هوش رایه
 کوشوار و بو کنج کوهر یکله لائی معالیه مالیدر
 فرق همت پادشاهه نشارایتدی دابشلم آنی نواخت
 ایدوب صحیفه شریفه بی تعظیم و تجلیل ایله تقبیل
 ایدوب تمیئه بازوی همت و تعویذ کردن اقبال و دولت
 ایدندی وایتدی الان معلوم اولدیکه اول کنج شایکانکه
 اندن یکان نشان ویردیلر درهم و دینار دکل بلکه حکم
 و اسرار ایش و کنجینه زخارف دکل بلکه خزینه
 معارف ایش بنم بحمد الله تعالی متاع دنیا دن اول مقدار
 اقتدارم وار که زیاده به افتقارم یوق لازم اولدیکه شکرانه
 پند نامه که کنج حقیقی اولدر بود فینه دن حاصل اولانی
 ارباب استحقاقه بروج صدقه انفاق ایدم تاهدیه ثوابی
 روان هوشنک جهاندار واصل اولوب بکارخی بحکم
 (الدال علی الخیر کفاعله) تحفه خزانه سندن مهره حاصل اوله
 پس نواب حضرت بر موجب فرمان عالی اول نقود و لایبی
 راه رضای لایزالیده مستحقنه ایصال ایلدیلر

بیت

خاصه زهر کرم آمد درم

بر کذر قافیه اینک کرم

چون بوحال دن فارغ البال اولدی دارالملک متوجه اولوب
مسند سلطنتی شکوه شاهیه مزین قیلدی پس اول شام
تا بام بواندیشه ده ایدیکه جانب سر ندیده عزیمت
بیوره شاید که آند بوم مقصود اتمام و بوم مطلوب
سر انجام بوله و تفاضیل و صایایه و قوف تمام میسر اولوب
آنی رکن بنای سلطنت و قاعده نظام و انتظام مملکت قیله
علی السحر که افتاب نورانی چون یاقوت زمانی کوشه کوه
سر ندیدن اشکار اولدی و چرخ الماس کون خرد
لعل بدخشانی اطراف جهانیه نثار قیلدی

بیت

فلاک تختینه چون سلطان خورشید

جلوس ایتدی ینده مانند جنید
مقر بان حضرتدن ایکی وزیر آصف نظیریکه صدق
مشاورتده مشارالیه و حسن تدبیر موازرتده مدار
علیه ایدیلر پاییه سریر اعلایه حاضر قیلدیلر
وعواطف خسروانه ایلک مخصوص قیلند قد نصرکه
حال خیال شبانه بی میانه کتوروب ایتدی سودای
سفر سر ندیب ضمیر مده جایگیر او اشد و اول دیاره
عزیمت داعیه سی عنان اختیاری قبضه اقتداردن

(بیرون)

بیرون قیلسدر بوخصو صده سزنه صلاح کورر سز
 و بو بابد نه فکر و تدبیر قیلور سز مدت هدید، در که
 عقد مشکلائی انامل تدبیر کز ایله حل ایدرم
 و احوال مهمات ملک و مالی رأی صوابنا کره حواله قیلورم
 حالا دخی او مر مکه بو بابد، شولکه مقتضای رأی
 صائب و مصلحت فکر ناقبکز در عز حضور فائض النورمه
 عرض اید، سز تابدخی اطراف و جوانبن ملاحظه ایدم
 و هر تدبیر که اتفاق پذیرا وله اصل الباب عمل قلم

بیت

بنای کار بر تدبیر باید

که بی تدبیر کاری بر نیاید
 وزرا ایتدیلر ضمیر ضمیر خورشید نظیر شاه جهانگیره
 مخفی دکلدر که بو سؤاله جوابد، شتاب نا صوابدر
 که عظیم مهمات سلاطین د، تأمل تمام و تأنیده اهتمام
 لازمدر که کلام نا اندیشید، کویا زنا سنجید، در
 (ع) سخن رابندیش وانکه بکوی* صواب بودر که
 بو کون و بو کیجه بو بابد، اندیشه اید، وزونقد افکاری
 محک اختیار، اوروب معیار اعتبارد، تمام عیار
 واقع اولانی علی السحر عرصه عرصه یتندیره وز

دایم بوا اتفاق درضا کو ستر دی و وزیرای دیوان آرای
اولکون و اول کیجه عرایس افکاره پیرایه نظر اعتبارله
آرایش و یروب علی الصباح منصفه بارکا سریر حضرت
پادشاهد، جاو، ویردیله و هر بریسی مقام مقرر لرنده
قرار ایدوب گوش هوشن استماع فرمان سلطانی به
متوجه قیادیلر بعد از اجازت کلام وزیر اعظم زانوی
ادب اوزره کلوب ادای وظائف دعا و مراسم ثنایه
قیام ایدوب ایتدی

❀ بیت ❀

ای شاه فرمان ده و داد کر

خدایو جهان خسرو بحر و بر

❀ دیگر ❀

ای جهانگیر و جهان بخش که در حکم ازل

سلطنت تا بابد بر تو مقرر شده است

بویند، نک خاطر فائزینه خطور ایدن بودر که اگر چه که

بوسفرده اکتساب فائده یسیره میسر در اما ارتکاب

شداند کثیره لازم و مقرر در ولدت و راحتدن دور و وحدت

و فراغتدن بالکلیه مهجور اولوب انواع مجاهد، و ریاضتله

آزرده و بحضور اولق محققدر ضمیر منیر پادشاه عالمپناهه

مخفی دکلدر که شرر «السفر قطعه من السقر» برشعله
 بنینه سوز درو تیردل شکار «الجللاء اعظم البلاء» برنا وک
 جکر دوز مردم دید، اول سبیدن قرة العیوندر که زاویه
 خانه سندن طشره کتمز و قطرات اشک بو ابلدن
 پایمال و سر نکوندر که گوشه کاشانه سند، قرار
 ایتمز

❁ (بیت) ❁

اندر سفر مشقت و ذل و ملامتست

کر هست خوش دلی و فرح در اقامتست
 عاقل اولدر که راحتی محنته بدل قلیله و سود نقدی
 سودای نسیه ایله الدن چقار میه و اختیار یله ذل غربتی
 عزاقامته ترجیح ایلیه تا اول بلایه مبتلا اولیه که اون کبوتر
 اولمشد رملک ایتدی نیجه روایت اولمشدر اول

❁ (حکایت) *

وزیر ایتدی روایت ایدر لر که ایکی کبوتر و ارایدی
 بر آشیانه ده دمساز و بر کاشانه ده همرا زنه غبار
 اغیار ایله آینه خاطر لری مغبرونه محنت روزگار ایله مشرب
 ضمیر لری مکدر مستلذات دنیا دن آب و دانه ایله قناعت
 ایتدیلر ایددی و درویشان گوشه نشین کی نشین

عزالت اختیار ایلسار برینه بازند، و برینه نوازند،
دیرلرایدی هرشام و سحر اتفاق ایله نغمات موزونه
ترنم اینلردی وکا، و بیگاه الحان روح افزایله اسبجاع
کونا کون تکلم اینلردی

❖ بیت ❖

بیادروی بی کج عزالتی داریم
بعشق از همه عالم فراغتی داریم
عاقبت روزگار غدار بحکم «وای نعیم لایکدره الدهر»
اول ایکی یار غمگساره حسدایدوب چشم زخم زمانه
اول ایکی همدم فرزانه یه کارایتدی

❖ بیت ❖

فلک را غیر ازین خود نیست کاری
که یاریراجد اساز دزیاری

(نثر) سویدای دل بازند، یه سودای سفر عارض
اولوب نوازنده یه ایتدی ای یار غمگسار برنیچه یه
دل قفس کاشانه ده قرارایدوب محبس آشیانه ده روزگار
کچورلم کوکله بو هوا و دماغه بوسوداد و شد یکه
شهر سیاحتله بر زمان اطراف جهانده، طیران ایدم
و فرمان عظیم الشان (قل سیروا فی الارض)

(موجبچه)

موجب بجه جوانب عالمی سیران اید مکه وسیله سفر ایله
عجایب بسیاره ظفر و مشاهده مجاهده ایله حصول
تجارب بی شماره وصول میسر اولور که «السفر وسیله
الظفر» شمشیر یا پیغوله غلافندن طشره چقمیه معرکه
مزدانه دیوزاغرتمز و قلم تا طریق سیرده فرقدن قدم
قیلیه نقش عبارات زیبای سخن عدمدن صفحه
وجوده کتورمز آسمان که دائماً متحرک در جمیع
عالمدن متفوقدر وزمین که همواره قرین سکوندر
پایمال و لکد کوب هر دنی و دوندن

❀ قطعه ❀

بحرم خالو و بگردون نکا باید کرد
که آن کیجاست ز آرام و این کجاست سفر
سفر مربی هر دست و آشیانه جا
سفر خزانه مالست و اوستا دهنر
درخت اگر متحرک بدی ز جای بجای

نه رنج اره کشیدی و نه جفای تبر
(نثر) نوازنده ایتدی ای یار همدم وای غمگسار
محرم سن هنوز مشقت سفر چکمش سن و محنت
غربت مشاهده ایتمش سن و نکته «الغریبه کر بد»

کوش هوشکه ایرمشدرو تنسداد «الفرقة خرقه»
حرمت حضورک صاور مامشدر سفر بردخت فراق بر در
و غربت یر خار مذلت ثمر

❖ بیت ❖

نماز شام غریبان غریب و بیچاره
نشسته بر سر راهی و دل بصد پاره
(نثر) بازنده ایتدی بلی رنج سفر فراوان و زجت
سیاحت بیسیاندر اما تفرج بلدان و تماشای غرایب
جهان فتوح روح و راحت رواندر و طبیعت کلفت
سفره اعتیاد ایله زیاده متالم اولمز و نفسه مشاهده
عجایب اشتغالیه شداید راهدن چندان کلال کلز
(بیت)

در غربت اگر خار جفا هست چه غم
زین خار کل مراد روید هر دم
نوازنده ایتدی ای رفیق شفیق تفرج اطواف عالم
و تماشای ریاض ارم یاران همدم و خلان محرمه خوشدر
بر کسسه که نعمت دیدار احببادن دور و غنیمت
مصاحبت اخوان و اقربادن محروم و مهجور اوله
بیدادر که اول تفرج آنک دردنه نه قدر دوا و اول

(تداشا)

تماشا آنک رنج نه دکا و شفا اوله بواجلدن دیمشدر
در که در دفرق یاران ورنج هجران غم کساران
دوزخیدن بر نشان بلکه دوزخ آندن نشاندر
(بیت)

(فراق دوستان دیدن نشانی باشد از دوزخ)
(معاذ الله غلط گفتم که دوزخ زان نشان باشد)
حالا چون بحمد الله تعالی توشه و گوشه دانه و خانه
مهنای و مهیا میسر و محصلدر پای فراغتی زیردا
من قناعته چک و کریمان هوسی دست هوایه
ویرمه بشم عزیمتی زمین اقامته اک
(بیت)

بکیر دامن جمعیتی وایمن باش
که شک تفرقه دوران در آستین دارد
بازنده ایتدی ای انیس روز کارالم هجر و فراق غمین
یجه کدیار غم کسار عالمده کم دکلدن و برهمد مک
فرقتی جراحته محرم آخرک وصاتی ایله هر هم میسر
اولبجق غم دکلدن بومعنائی خود ایشید یورسن
که دیمشدر

(بیت)

بهیج یار منه خاطر و بهیج دیار
که برو بحر فراخست و آدمی بسیار
بونک برله که می تلخکام فراق و جرعه جام اشتیاقده
برنوع مزه و بر مقوله مذاق دخی وارد که چاشنی
شر بت مواصالت و لذت شراب مصا حبت
اکا نسبت بی حلاوتدر

(مثنوی)

چومی کر چه ملخست طعم فراق
ازوشکر نیست جانرا مذاق
بخسرو لب لعل شیرین رسید
ولی لذت عشق فرهاددید
ز معشوق خسرو همی وصل جست
ولی کوهکن کوه اصل سفت
همه روز خسرو پی وصل تاخت
خنک جان آن کس که با هجر ساخت
نوازنده ایتدی ای یارنا مهربان

✽ بیت ✽

همدم بولنور یار وفادار اله کیرمن
بیک کر آره سک عالمی بر یار اله کیرمن

(سن)

سن هنوز زهر هجر و فراق طایمانش سن و در درداشتیاق
نوشت ایتماش سن و اول اجلند در کز انده بر لذت وار
صانور سن و اول چاشنی ده بر حلاوت ملاحظه ایدر سن
هیاهات هیاهات

❖ بیت ❖

مذاق جان شرین چاشنی هجر نادیده
چند اند تلخی ماء هجری که دارد کوهکن بی او
شویله بی آنکه ترک یار و دیار دشوار و شداید اسفار بسیار
و خطر و مشقت راه بیستمار در (مصراع) مکن مکن
که پشیمان شوی و سود ندارد * بازنده ایتدی ای برادر
سن همان کند و مصلحتک کوره سن و من بعد شرح
دفتر محنت سفری دوره سن که شول کسه که شعله
محنت سفرایله سوخته اولیه پخته اولز و هیچ خام
طامع سایه پرور سمند ایتدی میدان مراد، سورمز
(مصراع) بسیار سفر باید تا پخته شود خامی ❖
نوازند، ایتدی ای یار عزیز سن حالیا تیغ مفار قتلله
رشته مرافت دیرینه بی قطع ایدوب صحبت یاران
قدیم دن فراغت ایتک دیلر سن و مضمون کلام حکیمدن

❖ بیت ❖

یار کهن را هیچ رومنه از دست
بهر حریفان نو که نیک نباشد

تجاوز ایدوب بحکم «لکل جدید لذة» حریفان مجدد
و یاران تازه ایله پیوند ایتمک قصد ایلرسن بنم پند کرم
دل سرد که نیجه اثر قیله ونصیحتم قلب صلیکده
نقدر کار کراوله

❖ شعر ❖

اذالم یعنی قول النصیح قبول
فان معار یض الکلام فضول
اما غافل اوله که بوعزیمتک عاقبتی ندامتدر و ندامت
موجب شمت و مورت ملامتدر

❖ بیت ❖

بسی بکام دل دشمنان بود آنکس
که نشنود سخن دوستان نیک اندیش
کلامی بومقامده تمام ایدوب اول ایکی یار غم کساربری
برین در کنار ایتدیلر و قطرات حسرات و محاجات
عسرات ایله چهره زعفرانیلرین ارغوانی ایدوب
دل غمکین و دیدن نمکین ایله برین وداع ایلدیلر

❖ بیت ❖

یار قصد قتل من دارد بتیغ انقطاع
هر کس از شام اجل ترسد من از روز وداع
پس بازنده صحبت رفیقدن قلبی تفریق ایدوب پروازه

کلدی (ع) چنانکه مرغ مقید برون پردز قفس ❖
 ورغبت تمام وشغف مالا کلامله هواد طیران
 وعالی سیران ایدوب بلند طاغیر وفردوس مانند باغیر
 تفرج ایدرکن ناکا، برکوهه ایردی که علومر تبده
 شرفه سی کنکره افلا که همسر وغایت عظمتیدن
 کره زمین زیر دامنه برتوده احقر دامن کوهده
 بر مرغزار کوردیکه سواد مینارکی روضه مینودن
 دلکش و نسیم شمال غالیه بیزی نافه آهوی تاتاردن
 مشک سا

❖ بیت ❖

غباری توتیای چشم آهو
 گیاهی نستین رنگ و سمن بو
 فضا سنده هزاران کل شکفته
 اولوب بیدار سبزه آب خفته
 شکوفه هر طرفدن رنگ در رنگ

کیدردی بوی کل فرسنگ فرسنگ
 بازند، یه اول ساحه دلکش وعرصه فرحبش بغایت
 خوش کلدی چون وقت غروب قریب اولوب
 جامده مشرق آشیانه مغربه زول ایتش ایدی
 اسباب حط وترحالی اول مقام جنت مثالده انزال ایدوب

بر نهال طوبی همال اوزره قرار ایتدی. هنوز رنج
راهدن آسوده اولمامش ایدی و شاید سفر دن راحت
و آسایش بولمامش ایدی کدناکا، فراس سبکسیر
باد سایبان سحابی فضای هوا یه قالدردی و جهان
آرامیده بی خروش رعد دل آشوب و نهیب برق سینمه
سوز ایله نمود ارغوغای قیامت قیلدی بر جانبدن
آتش صاعقه جگر لاله داغ داری بریان ایلر ایدی
و بر طرفدن پیکان ژاله دیدنه ترکس بیداری نشان ایلر ایدی

❖ بیت ❖

چاک اولوردی سینمه کهسار تیغ بر قدن
رعدوش فریاد ایدردی خاک یم غرقدن

❖ بیت ❖

سینمه کوه از سنان برق می شد چاک چاک
از صدای رعد می لرزید بر خود جرم خاک
بازنده یه اول وقتند، تیر باران دن خلاص اوله جق بر پناه
و صدمت طوفان دن التجا اید، جک بر آرامکا، میسر
اولی جق ناچار کا، زیرا غصانده کندوی پنهان
و کا، رک درختانی تیر باران سحاب ایچون قلقان
ایدرایدی اما آسیب تکرک و باران و نهیب صرصر طوفان

متصل اشتداد و ازدیاد بولورایدی و عراده رعد
و نقاطه برق همواره مترادف و متضاعف اولورایدی
❖ بیت ❖

طوفان روان و رعد خروشان و برق تیز
وزود و دابر دیدی انجیم سرشکریز
بحر محیط کف زده بر سر زیم غرق
از بسکه کشت روی زمین جله موج خیز
القصه اول کیچه هزار رنج و غصه ایله صباحه یتدی
ونا کام اول بلای بی هنگامه تحمل ایتدی متصل گوشه
آشیانه بی و مصاحبت همدم فرزانه بی یاد ایدردی
و هزار حسرت و درد ایله دل کرمندن آسرد ایدوب
دیرایدی

❖ قطعه ❖

کربد انستی که فرقت تو
این چنین تلخ باشد و دلسوز
از تو دوری مجبستی یکدم
وز تو غائب نبودمی یک روز
چون طلیعه مهر منیر طالع و تابشیر صبح مستنیر لامع اولدی
هماندم رقم ظلت سحاب صفحه روزگار دن محو
و تاب آفتاب عالم تاب ایله عرضه هوا صحو اولدی

❖ بیت ❖

آچدی بالانینه حمامه صبح

پرطوطی یه دوندی جامة صبح
بازنده ینه پروازه آغازایتدی امامتردد که عنان عزیمتی
ینه خانه صوبنده معطف قیلوب آشیانه جاننده می کیده
ویا خود بال همت و شهر عزیمت ایله بر زمان اطراف
جهانده طیران ایدوب کلزار عالمی سیرانمی اید، بواشناده
برشاهین تیز بال آهنین چنکال که سر صیده شعاع
آفتابدن سریع التزول و اوج هوایه نور بصردن دفعی
الوصول ایدی

❖ بیت ❖

که حمله چون برق آتش فشان

که سیر چون باد آتش نشان

بازنده پی صیده قصدایتدی کیموتر مسکین شاهین پرکینی
کور یچک کرداب تب و تاب اضطرابه دوشوب غایت
خوفدن خفقان و بیم جانندن یرقان اولدی و عالم روشن
چشمه تاریک اولوب کلشن جهان اکازندان وقوت
اعضا واجزای ساقط اولوب برک یسده
زارن اولدی

(بیت)

❖ بیت ❖

چو شاهین حمله اید بر شکار

ندر افتاده لکدن غیری چاره
بازند، چون کند وی بسته بند بلا و خسته تیر عنا کوردی
یار و فادار ک بند و نصیحتن یاد ایدوب کنندونک
فکر ناتمام و خیال خامنه اعتراف تام ایتدی و عهد ایدوب
نذر لرایدیکه اگر بو ورطه دن ساحه سلامته وصول
بوله و بومهلکه دن سهولتله خلاص اوله صحبت
یار همدم ايله که اکسیرا عظم کی وادی عدمدن
نشان ویرر مقتنم اولوب بردخی سفر اندیشه سن
ایتمه بلکه بقیه العمر سفرنا من پیرامن زباننه کتورمیه

❖ بیت ❖

کر بارد کر دامن وصلت بکف آرم

تازند، ام از چنک منش کس نر هاند
بونیت برکتیه که مزید جھیتی مقتضی و مقتضمن ایدی
اول ورطه عذاب و خلایب عقابدن فتح الباب میسر اولدی
(اذا اراد الله امر اھیا اسبابه) یعنی سر پنجه شاهین کبوتر
مسکینی شباک هلا که چکه چک محله بر عقاب جایع که
نسر طائر و واقع آشیانه فلکده آسیب منقار و نکال

چنگا نندن امین اولزایدی و حل وجدی بیم جان و حله
بی اماندن بهرام خون آشام شبان اولسه مر غزار
آسمانده چرا قیلز ایدی

❀ بیت ❀

حل خشنیدن آنک اولسه آکان
فلک صحراسن ایتزدی چرا کا،
بوی طعمه ایله براز فضای هوایی پرواز ایدر کن صورت
حال شاهین و کبوتری مشاهد، ایتدی کندو
کندویه ایتدی

❀ بیت ❀

زین نادره تر کر ابودهر کز حال
من تشنه و پیش من رود آب زلال
اگر چه کبوتر نواله مختصر و لقمه محقر در امانی الجملة
آنک سببیه دفع غائله جوع میسر و نفس ناشکیبه
بر مقدار تسکین و تسلی متصور در قصد ایتدی بکه برق
خاطف کی کبوتری شاهین او کندن قاپه قوت سببی
که نهاد شاهیند، ممکن ایدی هیجان ایتدی با وجود
که کفیه عقابده، دکل ایدی آنی وزن حسابیه المیوب
مقام معارضه و مجادله کلدی

❀ بیت ❀

مرغله مرغ اولدی چنک بچنک

ایتدی لر بر بر یله محکم چنک
 چون آنلر چنک بچنک ساز چنک چنکه آهنگ ایلدی لر بازند،
 فرصت بولوب فرصتی غنیمت یلوب کندوسن بر زیر سنگه
 آتدی بر سوراخ تاریک و تنک که فسحت ساختده آشیانه
 کنجشک اکا نسبت بر فرسنگ ایدی کیردی یاتدی واول
 کون اول کیجه دل زار و دید، اشکبار ایله اول سوراخ
 تنک و تارده قرار ایدوب نابغه وارلسان حال ایله
 بویدی تکرار ایتدی (شعر) و بت کانی ساورتنی ضئيلة
 (من الرقش فی انیا بهما السم ناقع) علی السحر که
 کبوتر سفید بال صبح آشیانه بروج اسماندن فضای
 جهان طیران ایتدی وزاغ سیاه فام شام عنقا صفت
 کوه قاف عدمه کتدی

❀ بیت ❀

بفان همایون جوطا ووس مهر

خرامان شد اندر ریاض سپهر
 بازنده باوجود که غایبه جوعدن بی مجال ایدی بهر حال
 تیریک پروبال ایدوب پروازه آغاز ایتدی و ترسان

وهراسان دید، احتیاطله چپ و راسته التفات ایدوب
 کتدی ناکا، برمر غزار کنارند، برکبو تر کوردی که
 اوکنه برقاق دانه دوکشلر واول رهگذر، هزار ششم
 شعبه، ونیرنک اکشلر بازندنک چون کشور اندامنه
 لشکر جوع مستولی اولمش ایدی باوجود که همجنس
 دخی کوردی بی تأمل قصد صیددانه ومیل صحبت مرغ
 فرزانه ایدوب هنوز برایکی حبه التقاط ایتما مشیدی
 که کردن بستۀ دام بلا وسینه سن خسته سہام
 عنا کوردی

❖ بیت ❖

دام شیطانست دنیا دانه لذتہای نفس
 مرغ دل را حرص دانه زود در دام افکند

پس ناله وانین و آواز حزین ایلہ اول کبو تره عتابہ
 آغاز ایدوب ایتدی ای برادر بن خود سنک همجنسک
 ایدم و بحکم «الجنس الی الجنس عیل» موانست
 ومصاحبتکه میل ایدوب فی الحقیقہ بوواقعہ سنک
 محانستک سبیلہ مبتلا اولدم سن بنی بو حال دن
 نیچون کا ایتدک وحق کنارلق شرایطن ومهماندارلق
 وظائفن یرینہ کتورمدک تابندخی حذر ایدیدم بودام

بلايه مبتلا اوليوب مقصد معهودمه كيد يدم
 كبو ترايتدي اي مهمان كرامى سيل قدره سدميسرمي
 و تير قضاى سپرد ببرايله رد متصور ميدر كون هوشكه
 يتشمد يميكه ديمشردر

❁ بيت ❁

قضا از آسمان چون فرو كر دسر
 همه زيركان كور كشتند و كر

❁ بيت ❁

چون قدر تيرين آتة قوس قضا
 سپر اولمن اكامكر كه رضا
 (نثر) شويله بيلكه چون ديوانخانهء ازله فرمان
 قضا جريان بولمش اوله و دفتر قدرده رقم جف القلم
 مثبت و مقرر اولمش اوله سن دكل مرغان آشيانه ملكوت
 پرد، سراى عصمتدن نزول ايدوب بستهء دام ابتلا اولور لر
 آدم صفي كه روح پاك و قلب صافي ايله عالم شهادتده
 نقوش الواح غيبه ئى حكايت ايدردى و بحكم (و علم
 آدم الاسماء كلها) و فور علمده ملاء اعدادن دعواى تفاضل
 ايلردى باوجود كه دانهء كند مى كورمش و دام
 تلميس ابليسى بيلش ايدى (ولا تقربا هذه الشجرة

فتكونا من الظالمين) نص صریح ونهی صحیحین استماع
قیاس ایدی ایشتمد کیکه نیجه پای بست استنداع وغرور
و گرفتار دام فریب ومکر ابلیس وغرور اولادی
(اذاجاء القضاء علی البصر واذانزل القدر بطل الخذر)
چون بو حال ازل آزالده مقدر ایش دواسی صبر جیل
ایله تمجملدر چون بوقضیه دفتر قضاده مثبت ومقرر ایش
ناچار چاره سی بار بلایه تمجملدر (ع) مرغ زیرک چون
بدام افتد تمجمل بایش (نثر) بازنده ایتدی چرب
زبانلق زمانی دکلدر و تطویل کلام مقامی دکل
همان بونی دیکه قادر میسن بکابومضیق بلادن طریق
خلاصه دلیل اوله سن وطوق منتک قیامته دک کردنه
بندایدوب طریق مکافاته جزا و سزا سن بوله سن
کبوتر ایتدی ای سلیم دل اگر بن حیله یه قادر اولیدم
وطریق خلاصه فی الجملة مجال بولیدم بوبند بلاده
پابسته قالور میدم وبو وجهله که کور رسن رهن
کاروان مرغان اولور میدم عجب مشاهد رسنک حالک
اول شتر بجه یه که مشاق سیروسفردن طاقی طاق
اولوب کریه وزاری ایله مادرینه ایتدی ای نامهربان
برزمان توقف ایله نیجه یه دک کیدرسن وشفقت

مادرانه قنی بوضعیف و ناتوانی نیجه بیطاسا قت
ایدرسن مادریتی ای بی بصیرت کورمز میسنکه
کاردست اختیارد، و مهار قبضه اقتدارد، دکلدرد
(مصراع) دریغاکه دردست من نیست کار (نثر)
اگر بنم فی الجمله اقتدارم اولیدی کندهی تمیل باردن
وقرة العینی خارخار رفتاردن خلاص ایتمز میدم
(مثنوی)

شتر یجه بامادر خویش گفت
پس از رفتن اخر زمانی بخفت
بگفت اربدست منستی مهار

ندیدی کسم بارکش در قطار
(نثر) بازنده چون نوید چاره خلاصیدن
نومید اولدی «کحرکه المذبوح» دست و پای و پروبالن
تحریرک ایدوب اضطرابه آغاز قیلدی وجهه تمام
وسعی و اهتمام ایله قصد پرواز قیادی چون رشته
امیدنده ابرام و استحکام و ارایدی رسن دام که هرور
ایامله فرسوده اولمشیدی انفصام بولدی بازنده چون
حلقنی حلقه دام بلادن خالی کوردی فراغ باله پروازه
کلوب وطن جانبنه متوجه اولدی و بوسرور ایله که
مرغ جانی قفس بند کراندن آزاد اولدی غم جوع

ودغدغه اشتباهی فراموش قیادی طیران اشناستند،
 اتفاق بر دیهه ایردی بر مقدار آسایش ایچون
 بر کشته زاره متصل بر دیوار کنارند، قرار ایتدی بر کودك
 دهقانکه اول کشته زارک نکهبانی ایدی اطراف کشتی
 کشت ایدر کن چشم بر کینی بازند، مسکینه راست کاوب
 سوز سودای کباب کبوتر کاون دماغی پردود ایتدی
 وفی الحال النده اولان مهره فی کمانکر وهه یه قویوب
 اول جانب آتدی بازند، اما بو بازیدن غافل طرف کشته زار
 وجانب صحرا و مرغزاره مائل ناکا، شعبده فلك حقه
 بازدن اثر ضرب مهره اول شکسته بالک بالنه یتشدی
 وغایت هولدن سر نکون اولوب اول دیوار کنارند،
 بر چاهه دوشدیدی اول برچا، سیاه و مغاک دور پایان
 حجیم اشتباه ایدیکه چرخ فلك آسیابی آنک دولابی
 کی کورینوردی ورسن سیاه و سفید شب وروز بر برینه
 موصول اولسه قهر و پایانه وصول میسر دکلدی

❀ نظم ❀

جهنم کیبی تاریک ایدی اول چا،
 نیچه چه کیم عدم اقلیمه راه
 دهانن اژدر تر کیبی آچش

یدی قات یردن التی اوتہ کچمش

دلی شب کیسی خالی مهر حقیدن

یرک قعرینہ کچمش قہر حقیدن

(نثر) دھقان بچہ چون کوردیکہ صید حلال مجاور

چاہدر ورسن تد بیرتک چاہدن کوتاہ یأس ابتدی

واول نیم کشتہ پی زندان عتو بتہ محبوس قودی کتدی

(القصد) بازندہ برکون برکیچہ دخی دل حسہ و بان

شکستہ اول چاہ مظلمہ مقیم اولدی وزبان حالہ صفت

عجز و آوارہ لیکن و صورت ضعف و بیچارہ لیکن خیال

نوازندہ یہ عرض ایدردی وایام وصال و ہنگام

اتصالی ذکر ایدوب لسان تأسف و تہمسرایلہ دیرایدی

❖ نظم ❖

نہ خوش وقتیدی اولکم کا ویکہ

نکارم یوزین ایلردم نظرکا

اولوب دولت مساعد بخت یارم

سعادتلہ کچر دی روز کارم

چون کبوتر زرین بال صبح یوسف وارچاہ زندان خانہ

ظلمتدن آشکارا اولدی بازندہ ہزار زوروزاریلہ کندوی

کنار چاہہ آتدی و نالان و غریوان طیران ایدوب

چاشتکا، حوالی آشیانه یه پناه ایتدی نوازنده چون
تصفیق جناح رفیق ایشیدوب استقبال ایچون آشیاندن
طشیره چیقوب ایتدی (ع) منم که دیدم، بدیدار
دوست کردم باز* بازنده بی چون درکنار ایتدی
بغایت ضعیف و زار بولوب ایتدی ای یار غمگسار
وای مونس روزگار

❀ نظم ❀

ندر بوضعف بال و عجز حالک
ندر چهر کده کرد انفعالک
نیچون سنبلارک اولمش پریشان
نیچون ترکسارک اولمش درافشان
* (قطعه) *

سر پر خار شب بکنار که بوده
لبها فکار مونس یار که بوده
سنبل ز تاب رفته و ترکس بخواب ناز
شب تا برون پرده کسار که بوده
ما از رشک صد جگر پاره درکنار
تو پاره جگر بکنار که بوده
بازنده ایتدی

(نظم)

نظم

دوستم بالله حال ناتوانم صورمه هیچ
 هجرانندن ناله و آه و فغانم صورمه هیچ
 کل رخکدن ابرونه چکدم بویاغ دهرده
 شمه سی شرح اولم زای سرور و انم صورمه هیچ
 اول محنت و بلا و مشقت و عنایه که بویا بمال حوادث
 مبتلا اولمشدر

بیت

شب یلدا کرک آ که محصل

که تقریر ایلیم سا که مفصل
 خلاصه قصه بودر که ایشتمشد مکّه اهل سفر چوق تجار به
 ظفر بولور بکاباری بو تجر به میسر اولدیکه مادا مکّه
 قید حیاته اولم مسافر ته نیت ایتیم و تا ضرورت اقتضا
 ایتیم گوشه آشیانه دن طشره کیتیم و اختیار مله محنت
 مجاهده هجرانی دولت مشاهد یاران به بدل ایتیم

بیت

ایلیم رنج سفر اختیار

مشکل ایش حسرت دیدار یار

(نثر) بو مثلی اول اجلمدن ایراد ایتد مکّه حضرت پادشاه

حالمیناه عز حضری ذل سفره بدل قلیه و فراق یار و جلالی
دیار که ثمره سی ناله و زار و دید اشکبار در اختیار یله
قبول یسور میه

بیت

هوای یار و دیارم چو بگذر دخیال
شود منازلم از آب دیده، ما لامال
(نثر) دابشایم ایتدی ای وزیر بزرگوار اگر چه
شداید سفر بسیار در فوایدی دخیال شمار در
(ع) عیب می جمله چو کفنی هنرش نیز بگویی
هر کس که کربت غربته و ورطه محنت مبتلا اوله
متأدب و مذهب اولور و نیچه تجربه حاصل قیالور که
مدة العمر اکا نواع منافع متفرع و مترتب اولور بی شبهه
ریاضت سفرله نفس ترقی کلی یه دسترس بولور خواه
راه صورتدن و خواه راه معنیدن کورمز میسنکه پیاده
شش منزل سفرله فرزانه لکدن فرزندک مر تبه سینه
ایریشور

شعر

الم ترفی رقعة یسد قا
اذا جد فی سیره فرزنا

(وما)

وما سبکروا ون درت کججه سیرایله منزل هلالیدن درجه
کاله یتشور ❖ بیت ❖
بی سفر شاه اولور می عا انکیر

بی سفر ماه اولور می بدر منیر
(نثر) وهر کسه که کوشه مسکن و راحت آباد
وطندن قدم بیرون قلمیه مشاهده عجایب بلاد و ملازمت
اکابر عباددن دور اولور و اعجوبات اسرار اقطار
و خیای ایحوال روز کاردن محروم و مهجور قالور
باز اول سبیدن ساعده سلاطینده مقام قیلد یکه
کاشانه آشیانه سنده قرار ایتمز و جغد اول اجلدن
ورای دیوار مذلتده قالد یکه کوشه ویرانه
سندن طشره کیتز احبارده کلمشدر که مشایخ
کباردن بری یرسبیل تعریض میریدلرین بور باعیه سفره
تخریض ایدردی ❖ رباعی ❖
هر کس که سفر کند پسندیده شود

در عین کمال نور هر دیده شود
پاکیزه تراز آب نباشد هرگز
هر جا که کند مقام کندیده شود
(نثر) اکرا اول باز شکار یکه زغن بچه لاله نشو
ونما بولمشدی آشیانه زغننده قالب هوای سفر

پرواز، کلیدی هر آینه دستپوس سلطانله مشرف
اولق میسر اولییدی وزیر کیر تارک مبالک شهریار،
دعا جواهرین نثار ایتد کد نصکره تفصیل تشیل صورت
واقعہ بی استفسار ایتدی

❖ حکایت ❖

رای دابشلم ایتدی روایت ایدر لر که ایکی بازیز پرواز
شب و روز بر بر یله دمساز اولمشلرایدی و برقلهء کوهده،
که عقاب سپهر بورفت طیرانله کرینه ایره مزاییدی
ونسر طائر بو بلند پرواز لقله ذروه سنک ذره سنی
کوره مزاییدی آشیانه قیلشلرایدی

❖ بیت ❖

آن نه کوهی بود کار بر زمین بودی نشان
آسمانی بود کو یا بر فراز آسمان
(نثر) اول ایکی مرغ فرزانه فراغ باله اول آشیانه ده
کچینور لردی ونعمت صحبتی غنیمت بیابوب سرور
حضور یله روزگار کچور لر دی

❖ بیت ❖

غنیمت بیل حضور دوستانی
وفا سز در وفا سز بیل جهانی

برمدتد نصکره عنایت ربانی انلره بر بچه ارزانی
 بیوردی بحکم «اولادنا کبادنا» کمال شغف و شفقت لرندن
 هر کون ایکسی دخی غدا طلبنه کیدر لر دی و چکر
 کوشه لی ایچون کونه کونه طعمه لر کتور و ب
 یدر لر دی تا قوت بولوب ضعیفی کتدی و آزمد قوتی
 چوق ترقی ایتدی بر کون ینه آنی تنها
 قویوب هر بری بر جانبه کتشدی و کلامه لی
 وقتدن خیلی زمان کچمشدی باز بچه نک جاذبه
 اشتها سی حرکت کلوب جنبشه آغاز ایتدی و هر جانبه
 میل ایدوب اضطراب ایدر کن کرانه آشیانه یه یتدی
 ناکا، اندن دوشوب سطح زمینه ایره جک محله مکر
 بر زغن که بچه لر ینه طعمه طلبنه کوشه آشیانه دن چقوب
 مکر کوهده صیده مترصد اولوب دور ردی تبسس
 اطراف ایدر کن اتفاقا نظری اول باز بچه یه راست
 کلدی خیال ایتدی که بو بر موش در که بر زغن چنکالندن
 خلاص اولمشدر (مصراع) در کوزه همی خیال
 رویت بینم بی تأمل هجوم ایدوب یره یتدن روی هوادن
 کتور و ب آشیانه سنه کوتوردی وحدت بصیرله دقت
 نظر ایدوب کوردی علامت چنکال و منقار یله بیاید یکه

مرغان شکاری جنسند ندر بحکم جنسیت اکاعرق
میل و محبت نابض اولوب قلبند، اکامهر و شفقت
ظاهر اولدی و فکر ایدوب کند و کند و یه ایتدی
بو حال ضمیمه عنایت الهی و حکمت نامتاهی بی
کور که بنی بونک سبب حیاتی قیلدی اکر اول محله
بن حاضر بولنسم بویچاره اوج هوادن یره دوشوب
اعضا و اجزاسی متفرق اولوردی و استخوانلری
آسیب سنک عنایله خرد اولوب غبار و ارباد فزایه
وارردی چون قضای ربانی اقتضایه ایتدی که بن آنک سبب
بقای اولم انصب بودر که فرزند لرمه تربیتده
انی شریک بلکه فرزند لکه قبول ایدوب سائر اولادم
سلکند منسلک قیلم پس کان رغبت و شفقتله آنک
تربیتده مشغول اولدی و کند و فرزند لری امرند،
سلوک ایتدیکی طریق آنک جقند مسلولک طوتدی
تا بر درجه یه واردیکه باز بچه اوزایوب قد و قامت چکدی
و فرو پروبال و بال و منقار و چنکالی کماله ایتدی
وروز بروز مقتضای ذاتی و کوهر اصلای اوزره پروازه
آغاز ایتدی (ع) و حق علی ابن الصقران یشبه
الصقرا* اگرچه که کند و سن اولاد زغندن تصور

ایدردی اما هیئت و هم تن و صورت و سیرتن انلره
مخالف کوروب اکثر اوقات متفکر و متحیر اولوب کند و
کند و یه ایدردی اگر بن بیکانه اولم نیچون بو آشیانه ده
مسکن قیلم و اگر بو خاندانن ایسم ندن آنلرک عکس
صورت و خلاف سیرتله نده اولم

بیت

نه داخل این دایره دارم خود را
نه خارج این جمع شمارم خود را
آن به که ازین نیستی و هستی خویش

خوش بگذرم و باز گزارم خود را
(نثر) بر کون زغن باز بچیه ایتدی ای فرزند مقبل
سنی دائم ملول و منفعل کورورم سبب ملائک بکا خفیدر
و موجب انفعالک بکا مخفی اگر مزاج جهشتدن
بر نسنه یه احتیاجک و ارایسه نه درسو یله بله لم علاجه
مباشراوله لم و اگر خاطر کده برارزو و مرامک
و ارایسه اعلام ایله کور لم مقدور اولدیغی مقدار
اتمامنه سعی و اهتمام قله لم باز بچیه جواب و یروب
ایتدی که بندخی نفسمده آثار ملالت مشاهده ایدرم اما
سببین تمام یله مزم اگر باسم دخی اعلان و اعلام قله مزم

❖ بیت ❖

این طرفه کلی نگر که مارا بشکفت

نی رنگ توان نمودونی بوی نهفت
 حالیا اصلاح حالم و دفع ملال و انفعالم ایچون بونی
 مصلحت کورورم که شرف اجازت ارزانی بیورم سن
 تابر زمان روی هواده طیران و اطراف جهانی سیران
 ایدم شاید که برکت حرکتله غبار غم صحیفه دلدن
 زدوده اوله و امیددر که تماشای عجایب اطوار
 و تفرج غرایب امصار سببیه صورت فرح آینه ضمیرمده
 جلو، قیله

❖ بیت ❖

دل غنچه آچماز ایدی غمدن

سحر که اینمسه کرسیر کلشن
 (نثر) زغن چون آواز، فراقی ایشیدی دل کرمندن
 آه سرد ایدوب ایتدی

❖ بیت ❖

از فراق تلخ میکوی سخن

هرچه میخواهی بکن لیک آن مکن
 ای فرزند دلبد بونه خیال رکیک و فکر مستبعددر که

ایلرسن وای جکر کوشه بونه کلام خام واندیشه
 ناتمامدر که سویلرسن سفر سودا سن اتمه که سفر
 بردریای مردم ربای و برهنهک آدمی خایدر

❖ بیت ❖

سقر اهل این جهان سفرست

زان سبب صورت سفر سفرست
 (نثر) سبب ارتکاب شداید مسافرت یا اکتساب
 اسباب معیشت و یا وطنده تعذر ممکن واقامتدر سن
 بونلرک بریسنندن دخی بریسن بحمدالله که کوشه
 وتوشه جهتندن بی نیاز سن و جمیع فرزندانم دخی
 سرافراز سن جمله سی مکر بسته فرمانکدر و مری بوط
 ربقه ازمانکدر

❖ بیت ❖

جمله پایین سرافتد کدی

کوش ادب حلقه کش بندگی
 بو حضور و سرور و نعمت موفور ایله سفر اختیار
 ایتک و مذاق حضر دن مشاق سفری ترجیح ایدوب
 ترک یار و جلای دیار ایتک طریق فکر صحیح مدن دور
 و طور عقل صریح مدن بغایت مهوردر

❀ رباعی ❀

انک کو بسلامتست و نانی دارد

وز بهر نشستن آشیانی دارد

نه خادم کس بود نه مخدوم کسی

کوشاد بزیکه خوش جهانی دارد

باز بچه ایتدی سنک ایتدی بیک نصیحت مقتضای علاقه

ابوت و لازمه شفقت و حقاوت در فام این هر چند که اندیشه

ایده رم بو کوشه بی حالمه لایق و بوتوشه بی مزاجه موافق

بولرم و خاطر مه خواطر خطور ایدر که اظهارنی معقول

کور مزم زغن بلدی که نکسته (کل شیء رجع الی اصله)

انک حقنه ظهور ایتدی ز بان تعجب ایله کند و کندویه

ایتدی

❀ نظم ❀

اگر بیضه زاغ ظلمت سرشت

نهی زیر طاووس باغ بهشت

بنه کام آن بیضه پروردنش

زانجیر جنت دهی ارزنش

نهی آبش از چشمه ساسیل

بر آن بیضه کردم رتد جبرئیل

شود عاقبت بیضه زاع زاغ

کشد رنج بیهوده طاووس باغ
چون کوردی که بونج اوزره تقریری انک ضمیرند،
تأثیر ایتمدی طرز کلامی تغیر ایدوب بووجهله تعبیر
ایتدیکه بن دیدیکم مقام قناعت و مرتبه فراغدن
ناشیدر سن دیدیکک صفت حرص و طمعدن منبعث
و متماشیدر (ع) شتان بینهما شتان شتانا * ای فرزند
دنوا از صفت حرص و آزهزار شاهبازهما پروازی
اوج هوای استغنادن ایندروب بسته بند نیاز ایتشدر
و حرص پیشه همیشه محرومدر و صحیفه ناصیه سنده
(الخریص محروم) مفهومی مر قومدر قناعت اهلی
اولیان دنیاد، راحت اولمز فراغت قدرین بلین عالمده
عاقبت بولمز

* بیت *

عارفه توشه می وار کج فناعندن ایو
عائله کوشه می وار کج فراغندن ایو
چون سن نعمت قناعت شکرین قیلز سن
و دولت فراغت قدرین بیلز سن
قور قرم سکا اول بلایشه که اول کر به حریصه یتشدی

باز بچه ایتدی نه کیفیتله اولمشدر اول

(حکایت)

زغن ایتدی زمان ماضیده، برپیرزال ضعیف الحال
 وارا یدیکه غایت ضعف وهزالدن خلال کبی باریک ایدی
 «وان او هن البیوت لیت العنکبوت» برکلبه سی وارا یدیکه
 بخیلار کفندن تنک وجاهلار قلبندن تاریک ایدی
 اول کلبه ده بر کر به سی وارا یدیکه هر کز مهر آت خیالده
 وعالم مثالده شکل نان کور مامش ایدی و بیکنه
 و آشنا اندن نام ونشان ایستماشیدی مبلغ ترفه
 حضوری بو که مقصور ایدیکه کا کا، بر سور اخدن
 بوی موس استشمام ایتکله مشام هوشی معطر
 وتخته خاکده، نقش پان کور مکله (ع) مانند کدایی
 که بیابددرمی چند* چشم جهان بینی منور اولوردی
 واکرا حیانابخت موافقت وطالع مساعدت وسعادت
 مرافقت ایدوب برموش بیچاره بی سر پنجه شکاره
 کتور سه (ع) چون کدایی که کنج وزربابد*
 نشاط موفور وانبساط نامحصور ایله نیچه ایام وشهور
 شادومسرور اولوب ساحه سینده سندن اندوه دیرینه
 صد مر حله دور اولوردی ونیچه مدت اول قوت

(لایقوتله)

لایعوتله قناعت ایدر ایدی واول نواله بی که عالم
غیبدن حواله اولمشیدی غنیمت عظمی بیلوب دیر ایدی

❖ بیت ❖

این کدمی بینم به بیدار یست یارب یابه خواب
خویشتن رادر چنین حالت پس از چندین عذاب
اولسبیدن کلبه پیر زال اول کر به نك قحط سالی ایدی
دایم زار وندار ایدی و غایت هزالدن شکلی خیال
واندامی خلال وقامتی هلال کبی کورینوری
بر کون ضعف تام ونهایت نجات اندامدن زجت
تمامله بالای بامه چقوب اطرافه نکاه ایدر کن ناکاه
کوردیکه بالای دیوار همجوارده بر کر به شیر صورت
و پلنک صولت که چشم شعله فشانی عین الهیره کبی
رخشان ویشم حریر نظیری موی سمور کبی بریق
ودرخشان عز و ناز و تخت واهتر ازایله سیران ایدوب
شیر زیان کبی غریو و افغان ایدر و کثرت لحم و وفرت
شمدن سرعت حرکت ییمجال خرامان خرامان
کیدر کر به پیر زال چون کند و جنسندن بوزیب
و فرله اول کر به فر به و چرب پروری کوردی متحیر
اولوب فریاد ایتدیکه (ع) یارا خرامان میرسی

آخر بکوی کز کجا * سن بولطافتله قندن سن
بکر که ابوهریره پرورد، لرنندنن یا ضیافت خانه خوان
خطادن کاورسن بو طراوتکه حکمت ندر و بولطافت
قوتکه عالت ندر

بیت

لعل شرین ایله جاناسنکه آدم جانی سن
صورد یغم عیب ایله بالله کمک جانانی سن
کر به همسایه جواب ویردیکه بن ریزه خور خوان
سلطانم هر صباح در بار کا، بادشاهد، در بان صفت
نکرانم چون ایوان دیوان سباط نعم فراوانله نمودار
مأذنه اهل جنان اوله جرأت ایدوب اول سموز
اتلردن و سمید اتمک کردن براق لقمه شکار اید، رم
واول کون اول کیجه انکله تنعم ایدوب بومنه وال اوزره
روزگار کچوررم کر به پیر زن ایتدی سموزات دیدیکک
ندن عبارتدر و سمید اتمک نه نسنه دن کنایتدر بن مده
العمر شورابه پیر زن و گوشت موشدن غیری نسنه
کورمدم و ایشتمدم کر به همسایه چون آندن بو کلامی
ایستدی تعجب ایتدی و طعن و طنزله ایتدی آنکچون
شویله زیبا صورت اولمش سن که قدک چنکه و اندامک

تارعود، دونهش و بدنگ قوریمش عنکبوت نمکسود،
دونهش هی مسکین عجب عبرت اولش سن الحق
سنگ بوهیئتدن ابنای جنسمز، عارتمام و بوشکل
و صور تکدن بنی نوعمه ننگ بردوام واردر

❖ بیت ❖

از کر به همین گوش و دمی هست ترا

باقی همه عنکبوت رامی ماند
وا کر سن بارکا سلطانه حاضر اولیدک وروایح اطعمه
وفواج اغذیه ایله دماغ جانکی معطر قیلیدک یمن
که سر (یسی العظام و هی رمیم) پرد، غیبدن
عرصه شهوده کلوب حیات تازه پولیدک

❖ بیت ❖

بوی محبوب چو برخاک اجنا کذرر

چه عجب باشد اگر زنده کنند عظم رمیم
کر به پیرزن چون بو تعییب ترغیب آمیزی ایستدی
درو نه دلند، شریان حرص و آزر کشته آغاز ایدوب
تضرع و نیازله ایستدی ای برادر مایغزد، حق جوار
و رابطه جنسیت واردر (وحب الهرة من الايمان)
حدیثی ضمیر منیر که آشکاردر نه واردر که شرط

مروت و حق اخوتی رینه کتوروب بونوبت کداول
 جانبه واره سن بو بیچاره بی خدمت مراقفته قبول
 پیوره سن شاید که سنک دولسکده بون آزرده یه
 سدرمق و برکت صحتکله بوقالب فرسوده یه فی الجمله
 رونق حاصل اوله

❖ بیت ❖

هزاران کس زانعامت بردسود و مرفه شد
 مر اشایستی بیست اکر من هم شوم شاید
 کر به همسایه آنک کر یه وزار یسنه ترحم ایدوب
 تعهد ایتدی که بونوبت سماط نعمته آنسر حاضر اولیه
 کر به پیره زن بونوید فرحزای و بوا میدروح افزایله
 حیات تازه بولوب بالای بامدن ایندی و صورت
 قضیه بی نقیر و قطمیر پیر، زنه تقریر ایتدی چون
 پیره زنک یار قدیمی ایدی حق شناسلق مقتضای اوزره
 نصیحت آغا زایدوب ایتدی ای رفیق مهربان اغوای
 اهل دنیا یه فریفته اوله و کوشه فراغت، توشه فناعتی
 عالمه ویرمه که ظرف حرص و آرزو کوردن غیر ایل
 پراولز و دید، طول امل سوزن فناورشته اجلدن
 غیر ایله دکلز

نظم

نهایت یوقدر چونکه حرص و آزه

قتاعت ایلمکدر چاره آزه

قتاعت قیلین اولمز توانکر

وفور مالله قارون ایسه کر

امادماغ کر به بینوا سودای نواله خوان سلطانه

شویله امتلا بولماشد یکه داروی نصیحتله

دواو شربت موعظتله شفا ممکن اولیندی

بیت

نصیحت همه عالم چو باد در قفسست

بکوش مردم عاشق چو آب در غربال

القصد وقت معهود وساعت موعودده کر به

همسایه ایله افتان و خیزان جانب آستانه سلطانه

روان اولدی مکر اول بیچاره هنوز بار کا پادشاهه

وارمدن لطیفه صریح «الخریص محروم» عرصه

ظهوره کلمش ایمش و نخوست طالع آتش سودا سنی

آب حرمانله منطفی قلمش ایمش سبی دخی بو که آندن

سابق مکر کر به له هجوم ایدوب شور و شغبی حددن

کچور مشلردی و فریاد و فعالله پادشاهی بیحضور

ایتش لردی فرمان سلطان پو منوال اوزه جریان
 بولشدیکه تیراندازلردن برجاعت تیر و کماله برکوشه ده
 کین ایدوب مقرر صد اوله لر تاهر کر به که وقاحت
 سپرین یوزینه چکوب میدان جر آته کله اول طعمه سی
 بلکه آخر لقمه سی پیکان جکر دوز اوله کر به پیر زال
 بو حال دن غافل و شراب حرص و طمع ایله مست و لایعقل
 مشام جانی چون بوی طعامی استشمام ایتدی و کوش
 هوشی چون طاس و کاس و سینی و چینی طنین ایتدی
 بی اختیار شاهین دار شکار کا، خوان سلطانانه
 کندوسن پران ایتدی و جاشنیکیر قضا ایتدی (ع)
 ای بوخته این دیک تنناخاست ❖ هنوز کفه میزان
 اشته لقمه کران ستمکله امتلا بولماشدیکه
 تیردل شکاف میل ترازو کی کاف نافتده اوینادی

❖ (نظم) ❖

اقوب قانی درون استخواندن

دیرایدی هم قجردی بیم جانندن

کراولز سم بوزخیم تیرزنله

کچیمم موش و نان پیره زنله

عسل حظی چوزخیم نیشه دکن

(عسلدن)

عساکدن یکددر نیک کره بکمز
 بومثلی انگچون کتورد مکه سند، کوشه آشپانه مزی
 غنیمت بیلوب قدر طعمه ونعمتی کدیز حجت ومشفقت
 حاصل وواصادر فهم اید، سن «اللهم قنعنا بمارزقنا»
 خیرندن فطیر ایدوب افزون وز یاده طلب ایتیه سن

❖ متوی ❖

بجایی که وقتست خوشست ای پسر
 نمی بایدت کر داز انجما سفر

مکن دولت عافیت رازها

مینداز خود را بخود در بلا

مکن دست آزو هوس رادراز

بچیزی که بخشیده اندت بساز

اگر مور را آزر که تربدی

چرا پایمال همه در بدی

باز بچه ایتدی بیوردیغ کر چه محض نصیحت وفرط

شفقت و مرحمتدر اما جزئیات اموره التفات همت

بلند، ناملا یدر ومجرد اکل وشر به قناعت مقتضای

طباع بهایمدر هر کسه که سریر سلطنتد، سرور

اولوق دیلیه طلب معالی به جهد ایتک کرک وهر کسه

که کثور سیادتده تاجور اولق قصدا یله مکر اجتهادی
میان جانه بندایتک کرک راغب همت عالی اعمال
خسیسه یه راضی اولمز وطالب رتبت معالی منازل
ادانی وارا زل ایله قناعت قیلز

❖ (بیت) ❖

هر کیمه که رتبت بالا کرک
آکه قدم همت والا کرک
زغن ایتدی بوخیال ناهموار مجرد پندار ایله وجود بولمز
و بوذیت سودا تنای بی حاصل ایله جوشه کلز هیچ بر عمل
تهیهء ادواتسز میسر و هیچ بر تیجه ترتیب مقدر
ماتسز متصور دکلدز

❖ بیت ❖

تکیه برجای بزرگان نتوان زد بکذا ف
مکر اسباب بزرگی همه آماده کنی
(نثر) باز ایتدی حصول مناصب دولته قوت
چنگالم کی مقدمه میسر میدر و وصول مراتب رفعته
سطوت منقارم کی وسیله متصور می سن مکر اول
شمیر زن حکایتن استماع ایتماش سن که ساعد بختی
عاهومتی واسطه سیله سوار سعادتله زینت بولمش ایدی

(زغن)

زغن سؤال ایتدی که نه منوال اوزره اولمش در اول
 * حکایت *

باز بچه ایتدی روایت ایدر که قدیم الزمانده
 بر درویش کاسب وارا ایدیکه عجز حال و مؤنت عیال دن
 درمانده و کثرت قلت و قلت کثرتدن عاجز و فرومانده
 ایدی دخل هر روزه سی خرج روزمره یه وفا ایتزدی
 وفائده ضاعتی ترنب نان و نمکه ایتزدی عنایت یزدانی
 عزشانه اکابر فرزند ارزانی بیوردی که دلائل حشمت
 جبهه سند پیدا و علایم دولت ناصیه سنده هویدا ایدی
 * بیت *

مبارک طلعت و فرخنده طالع

جیتنده نجابت نوری لامع
 میامن وجودیله حال پدر میمون و برکت قدومیه
 کسبی خرجندن روز بروزا فزون اولدی پدر اول پسر
 فرخ اثر ک قدم مبارک طوتوب مقدوری اولدیغی
 مقدار تربیتنه مشغول اولدی اول فرزندار چند
 هنوز قرین مهده ایکن کان و تیرایله اوینار آونوردی
 ودخی شیر خواره ایکن سپر و شمیرایله کونور سونوردی
 هر صباح مکتبه ایلته لردوز میدانه کیدردی و هرگاه
 که تعلیم خط ایتسه ل الواح خطی قویوب او ماج رماح

خطی به میل ایدردی همواره لوح شمشیردن جهانگیراک
حرفن او قوردی و هر دم نقش سپردن سروراک
درس از برقیلوردی

❖ دشنوی ❖

چوها و می یازی دی دبیری
سپهرله خوده کیدردی ضمیری

الف بایی ایدردی شویله تقریر
که بادر شکل یا شکل الف تیر
چونکه سن صبا و تن سن باو غه یتدی برکون
پدری ایتدی ای فرزند دلبندم دائم خاطر منک
حال خیال که ناظر در عنفوان شباب اوان طفولیت
کبی دکلدر خصوصاً که آثار طیش و خفت و تهتک
و جرأت صفحیات احوالکد، طاهر در نفس بداندیش
سنی کرداب تشویشه آتدین واغوای شیطان
هوامها که شهوته القا تدین دیلرمکه «من تزوج فقد
احصن نصف دینه» حصن حصینی سکاء مقر «والنکاح
سنی من رغب عن سنی فلیس منی» منصفه منیفده سنی
جلوه کر قلم و شانزه مناسب دست پیمان ترتیب ایدوب
اکفاء و اقرانزدن برقیله اصیله و بر جرثومه قدیمه دن

(بر کریمه بی)

بر کریمه بی عقد عقد و سلاک ازدواج که چکم سن بو باده
نه صواب کور رسن و بو مراده نه تدبیر بیور رسن
پسر ایتدی ای پدر اول دختر ایچو نکه بن عقد ایتسم
کرک و آیین کابین ایچون دست بپان نقد ایتسم کرک
سزه نسنه تکلیف ایتم و سزدن عنایت و معاونت
توقع قیلزم پدر ایتدی ای نوردید، سنک کیفیت حالک
و کیت مالک بکپوشید، دکلدر سنک نه قدر استظهارک
اوله که شانکه ملایم دست بپانه اقتدارک اوله نقد
اید، چکک دست بپان ندرو عقد ایدرم دیدیکک عروس
نه نسنه در پسر فی الحال یرندن طوردی و ایچرو کیروب
بر شمشیر بران کتور دیکه صدبار غمزه خوباندن خوز
یزو خونوار و هزار درجه عقیق لبلردندانندن کوهر دار
و ایتدی ای پدر ییش اولکه بن عروس مملکتی خطبه ایتسم
کرک و مخدره ساطنتی عقد عقده کتور سم کرک
اکاتیغ براندن کران دست بپان و خنجر خون فشاندن
آغر نشان میسر میدر

❖ بلیت ❖

باشنت نیک هیچ کسی راستیز نیست
مهر عروس ملک به از تیغ تیز نیست

چون اول جوانك همتی حصول سلطنته مقصور ایدی
 آرزمانده، عروس عرصهء مملکتی منصبهء قبضهء تصرفنده
 جاوه قیلوب ضرب تیغ عالمکبر وزخم خنجر آب
 شکل و آتش تأثیر ایله اکثر آفاق تسخیر ایتدی بومعینده
 دیمش لردر

❖ بیت ❖

عروس ملک نسازد و مکر بدامادی

که اول از کهر تیغ داد کاینبش
 بومثلی آنکچون که توردم تاپیله سنکه جمیع اسباب
 دولت بکاآماده و ابواب توفیق حضرت عزت روی
 حاله کشاده در بندی امید وارمکه کند و مطلوبه
 واصل اولم و دست امید ایله میان شاهد مقصود می
 در اغوش قیلم حالا فسون و فسانه ایله بو حالی ترک
 اید، مزین و مجرد قیل و قاله بو خیال دن کچه مزین
 (مصراع) ما از سر این کو بلامت زویم
 زغن عین الیقین یلیدی که اول مرغ همایون نفال دام
 احتیالیه صید اولمق احتمالی ممتنع و خیال محالدر
 بالضروره سفره اجازت و یردی و دود آتش هجرانی
 تود، آسمان و دید، پاسبان چمن کیوانه ایر کوردی

پس باز زغن و بچه لرین وداع قیلدی و حضیض
 آشیانه دن پرواز ایدوب اوجه متوجه اولدی نیجه
 زمان فضای هواده پیران ایتد کد نصکره برقلهء کوهده
 آرام ایدوب دیدء تماشا ایله اطرافه نکا، ایلرکن ناکا،
 کوردیکه برکبک دری عین جلو و حسن شیوه ایله خرامه
 کلش و غاغلهء قهقهه سی اطراف جهانه ولوله
 ویرمش باز کنند و طبیعتده شکار کبکدر غبت کور یجک
 بر حله ایله حوصله سن کوشت سینهء کبکله پرایتدی
 بر لحیم طری کور دیکه لذت و لطافتده آب حیات
 و شربت نباتدن افزون و طراوت و حلا و تنده نمونهء
 طعم و نعمت «ولحیم طیر ممایشتهون» چون مده
 العمر اول مقوله لذت نواله مشاهده ایتماش ایدی
 ایتدی

❖ بیت ❖

سر تایبای تو همه مطبوع طبع ماست

کوی برای خاطر ما آفریده اند
 پس کندویه خطاب ایدوب ایتدی فوائد سفر همین
 بویتمزی که اول ناملایم اغدیه دن خلاص اولوب
 بحال الوقت نفایس اطعمه یه ظفر بولدک و آشیانهء

تنگ و پر طمئدن و مصاحبان دون و دنی همتدن منازل
رفیعہ و مواضع منیعہ واصل اولدک (ع) این هنوز
اول آثار جهان افروزست ❖ کیم بیاور من بعد تنگ دخی
قناع امتناع و عزتدن نیجه شاهد دولت و عروس
سعادت یوز کوستره و صحن عدمدن صحرای وجوده
وز او یه غیبدن عرصه شمشود نه لطیفه لرکله (ع)
تا قدر از پرده چه آرد برون ❖ پس باز نیز پرواز نیجه زمان
فراغت خاطرله طیران و صحن عالمی سیران ایدوب
نشاط باله کبک و تیم و شکاری نه اشتغال ابتدی
اتفاق بر کون بر کوه مکرده اتوروب خیال شکار و تماشای
مرغزار ایلر کن کوردیکه دامن کوهده بر گروه پرشکوه
صف شکاری آراسته قیلشیر و مرغان شکاری صید
طیور ایچون اهترازه کلشیر

❖ نظم ❖

دران دشت از صدای طبلک باز
همه مرغان صید افکن به پرواز
زیک سو چره بازان سبک خیز
بنون صید کرده چنک راتیز
رپوده نقد جان از کبک و دراج

(وزان)

وزان جانب دکر شاهین بتاراج

(نثر) مکر اول جماعت سپاه اول ولایتک پادشاهی
ایدیکه ملازمان آستان دولتیله قصد شکار و صید
مرغزاره چقمقشدی بوائنده ساعد شاهده اولان
باز پرواز ایدوب بر صیده قصد ایتدی بو باز بلند همت
شهر عزیز متله آنک شکارینه قصد ایدوب برق خاطف
کبی اینوب او کندن قایدی شاه چون آنک بوسرعت
وجرأتی و بورفت همتن کوردی اول مرغ همایونه
کوکلی مفتون اولوب مثال عالی شرفصد ور بولدیکه
صیادان چابک دست جهداید، لرتاشت حیلله ایله
اول باز بلند پروازی صید ایدر

❖ بیت ❖

دیدي شه حيله ايلك ال او شورك

بو مرغ و خشيی دامه دوشورك

صیادر فی الحال مثال شاهه امثال ایدوب بر بازی
اول جانبه پرواز ایتد ردیلر باز وحشی چون کندو
جنسن کوردی تماشای ایتیوب بان اقبالله استقبال
ایتدی و او ازم سلام و اکرامه قیام ایتد کد نصرکه
تلطف تمامله متفحص احوال اولدی باز پادشاه چون

آندن بوملایمتی کوردی اثناء مصاحبتده آستانه سلطانیه
تخریض ایتدی چون اول باز بلند همت دلالت رهبر
دولتله شرف خدمت حضرت شاهه ایردی نظر
عاطفت سلطانی آنک قابلیت شانی واستعداد هیولانی
سنه معین اولوب آزمدته مساعدۀ بخت سعادت یاریله
ساعده شهر یاری جای قرار ایتدی وهمت بلندی
وسیله سیله حسیض ذلت و دنائتدن ذروه دولت
و نباهته یتدی

❖ بیت ❖

نا قابل است آنکه بدولت نمی رسد

ورنه زمانه در طلب مر در قابلست

❖ دیگر ❖

بلند همت و عالی نظر کرک آدم

که همتینه کوره کیشیده اولور مقدار

(نثر) اول باز بلند همت اگر همان منزل اولنده اقامت ایدوب

مصاحبت زاغ وز غنندن فراغت ایتسه و سفر واسطه سیله

دریای هواده سیاحت و کوه و صحرا ده سیاحت و سیاحت

اطراف و اکثاف سیاحت ایتسه اکا بومدارج

دولتک حصولی جله محال آندن و آنک بو پایۀ رفعت

و مراتب رأفته وصولی مقوله متمتع آندن اولور دی

(پس)

پس معلوم اولدیکه سفر سببیلہ آدمی اسفل سافلین
ذل خولدن اعلای علین عزقبولہ وصول بولورایش
وار تکاب شداید مسافرت اکتساب مراتب دوات
وسعدتہ مفضی اولورایش

❖ قطعه ❖

بهار دل سفر باشد که ازوی
خلایق راکل مقصود بشکفت

سفر کن تا مراد خویش یابی

که فامشوا فی مثاکبها خدا گفت
چون دابشایم کلامن بوسقامده اتمام ایتدی وزیر
آخردخی ایلروکلوب مراسم خدمت وزارتہ قیام ایدوب
ایتدی جواهر زواهر کلمات حکمت بیناتکه حضرت
شاهنشاهی ظل الہی کلک زبائلہ سلاک بیانہ چکمشدر
آندن منزہ در کہ شمع شایبہ شبہہ پیرامندہ و کرد عیب
وریب کرد دامنہ یتشہ فاما بندہ لک خاطر فاطرینہ
خلجان ایدون بودر کہ ذات ملکی ملکات سلطانیکہ
صلاح جہان و راحت جہانیان آنک صحت مزاج
شریف و سلامت عنصر لطیفنہ وابستہ در مذاق
حضر دن مشاق سفری ترجیح الیمک وروضہ جانفزای

عشرتی قویوب بادیه هاویه هواي الم و محنته کیمک
 روش حکمتدن دور و مقتضای سلامت فطرت و فتنه طدن
 مهجور در دابش سلیم ایتدی ارتکاب محنت و درد کار
 مردان مرد و پیشه شیران پیشه نبرد در بی شبهه
 تادامن عشرت سلاطین گرفتار خار اذیت اولیه
 ضعفای رعیت ایچون کلستان فراغتده کل رفاهیت
 آچلز و تاپای همت ملوک عدل آیین بادیه پیمای بلایت
 اولیه درویش دلریشک سر پر تشویشی بالین راحت
 و آسایشه یلتمز

❖ بیت ❖

تیا ساید اندر دیار تو کس
 که آسایش خویش خواهی و بس
 ضمیر منیر وزیره هویدادر که عباد خدا ایکی قسمدر
 بری ملوکدر که انلره ایالت ممالک و فرمانفرمالق مقرر
 اولمشدر بری دخی رعیتدر که انلره خلعت امن
 و فراغت و کسوت حضور و استراحت مقدر
 اولمشدر بو ایکی حال بر محله اجتماع پذیر اولق
 محالدر یا راحت اختیار ایدوب عنان دولتی الدن
 قومق کرک یا همان عزت و دولته قناعت ایدوب

لذت فراغیدن ال یومق کرک

❖ نظم ❖

انکه او پابر سر ناز و تنعم می نهد
روزگارش در جهان سردار سرور می کند
پادشاهی در چن دادند کل راز انکه کل
با وجود ناز کی از خاک پستتر میکنند
حکما دیشلردر که «الجد وسیلة الجد» یعنی جاد، جد
و جهد طالبی سر منزل بنخته یتورر و بیابان جفایی
قدم و قایلله قطع ایتک جال شاهد مقصودی نظر
مشاهده یه کتورر حصول امانی و آمال رکوب
اهواله منوطدر و نیل مطالب و مقاصد تحمل متاعب
و شداید، مربوط

❖ بیت ❖

کر سلطنت نشاید یست

هر کرا رغبت تن آسان نیست
هر کس نه که میدان همته مکر جدی در میان ایدوب
سمند جهدی زیر رانه آله و ارتکاب محنت، تن آسای
وراحتدن ال چکوب خواب نوشین و شراب شیرین
حضور و فراغیدن اجتناب قیله قناع عزت امتاعدن

شاهد مرادی عن قریب یوز کوستره و منصه عرصه
جهانده، آز زمانده، عروس مقصودین جلو، کر کوره
ته که اول پلنک بچه نک میامن جدو جهدی و مقاسات
شد ایده، صبر و تحملی برکاتیله آز زمانده، نقاب تعویق
چهره مراندن مرتفع اولوب بیشه فرح فزایه که
ملک موروثی ایدی ظفر میسر اولدی وزیر در خواست
ایتدیکه نه کیفیتله اولمشدر اون

❖ حکایه ❖

دانشایم ایتدی حوایی بصره ده بریر وار ایدی
بغایت خوش هوا اول جزیره ده بر بیشه وار ایدی پر
لطافت و صفا لطیف چشمه سارلی هر طرفدن روان
ونسایم جان بخشی هر جهتدن وزان الوان ازهارله
هر جانبی ملون و انواع اشجارله هر کناری مزین

❖ مشنوی ❖

اولوب درلوشکوفیله مزین
ریاحین ایتش اطرافن ملون
درخت سایه کسترلایر شمش
بد اقلر بر برینه ال ویر شمش
طوترز ال سر ویله شمشاد
سکر دوب قالقرا و ستندن کجرباد

(لطافت)

لطافت هوا و زاهت فضا سندن اکا بیشه^۱ فرح افزا
 دیرلردی اکابر پلنک نهنگ آهنگ مستولی اولمشدی که
 هول و خشم و هیبتدن شیر شرزه اول کنامه
 کام قویمزدی و زخم شوک شوکتدن سبا عو و وحوش
 اول بیشه اندیشه سن پیرامن خاطرینه کتورمزدی
 * مثنوی *

چو بر خارا زدی از خشم دنبال
 فکندی شیر چرخ از سهم چنگال

بران راهی که او یکدم نشستی
 کذار خلق تا یکسال بستی
 نیچه زمان ایدیکه اول بیشه ده کامران و کامکار روزگار
 کچوررایدی نامر ادلق صورتن هرگز آینه دورانده
 کورماش ایدی و دیر تقدیر طومار روز کاری خلاف
 رضاسی و نقیض مقتضاسی اوزره دورماش ایدی بر بچه سی
 وارا ایدیکه عالم روشنی آنک آینه جالنده معاینه ایلردی
 و نور دیده بی اول قرة العینک تماشای یال و بالنده
 اکلردی ضمیرنده بومعنی جایگیر اولمش ایدیکه چون بچه
 نشو و نما بوله و دندان و چنگالی آلوده خون هز بران اوله
 اول بیشه نک ایا لتن انک ذمت و همته تفویض قیله
 و کند و بقیه العمر کوشه قناعتده حضور و فراغتله

متقاعد اوله

بیت

من فکر همی کنم قضا همی گوید

بیرون ز کفایت تو کار دگرست

اتفاق قضا بوعزمی امضایه فرصت ویرمیوب نهال

آرزوده شکوفه امل هنوز شکفته اولمادین باد خزان اجل

برک و بار حیاتن تاراج ایتدی

(مصراع)

ای بسناارزو که خاک شده

(ع) فکیم فی حجاب الارض من حسرات *

چون پلنک نخجیر وار چنک شیراجله گرفتار اولدی

سباع که قدیم الایامدن اولیشده تغلب اندیشه سن

ایدلر دی هر طرفدن هجوم ایدوب استخلاصنه

قصده ایتدیلر پلنک بچه کوردیکه طاقت مقاومت

میسرد کل ناچار جلای وطن اختیار ایتدی وسباع

یشنه، عظیم نزاع واقع اولوب عاقبت بر شیرخونریز و شور

انگیز جمله سنه غالب اولوب اول منزل فرح فزای و طرح

زدایی محلب تغلبله قبضه تصرفنه آلدی پلنک بچه نیچه

زمان کوه و بیابانده سرگردان اولوب اخرا الامر

بریشده دخی یئتدی و اول بقاعک سباعنه ماجرای

(کاجرا)

کاجرا عرض ایدوب انلردن بورخنه یی سد و بوخلک
تدارکنه مدد طلب ایتدی زمره سبماع اول شیر
مهیب و اول هر برانه ییک استیلا سنی استماع ایدیجک
امداد و اعانتدن امتناع ایدوب علی الاتفاق ایتدی لر
ای فقیر سنک منزلك بر شیر چنکنه دوشمش که غایت
نیتودن شیر اسمانی کر پکنه اصمز وشکوه وشو کستدن
یل دمان پیرامن بیابانه قدم بصمزیم افتراسندن هوام
وسوام اول اجام واکا مدن کچه مز و صرصر
انفاسندن سیرغ کو قاف اول اطراف واکنافده بال
و پراچه مز دی

❖ بیت ❖

کچم دین طبور اول بوم وردن
کسر پردن امیدین بلکه سر دن
بزه انک جنکنه قوت و قدرت و دندان و چنکنه طاقت
مقاومت میسر دکلدن

(* بیت) *

قابل میدر مقابل اوله شیر ایله غزال
ممکنیدر که پنجه اوره بیرله شغال
سکا دخی انکله مقام مقابله و مجادله معقول و متصور

دکدر

❖ بیت ❖

هر آن کهتر که بامهتر ستیزد

چنان افتد که هرگز بر نخیزد

اما بویابده بزم رأیمزده تدیر صواب بودر که ینہ آنک

در کاھنہ پناہ ایدوب زبان عجز وانکسار ایلہ بسط اعتذار

ودھان صدق واخلاصلہ عرض اختصاص ایدہ سن

❖ بیت ❖

واروب عذر ایلک تدیرین اینسک

مدار اداونک تعمیرین اینسک

یلک بچہ یہ بوفکر معقول بغایت مقبول کلوب مقرر قیلدیکد

ملازمت آستانہ شیرہ واروب حالی اغلیہ وحسب

المقدور ادای وظایف خدماتہ بل بغلیہ پس دقایق

استظہاری روابط «فاصفح الصفح الجمیل» ایلہ مبرم

ومستحکم قیلوب شمشیر وکفن بر کردن ودوش متوجہ

آستان قهرمان وحوش اولدی لسان حالہ بوابیاتی

کویا ایدی

❖ (شعر) ❖

اسأت ولم احسن وجئتک ہار با

(واین)

و این لعبد عن موالیه مهرب

یوئل غفرانا فان خاب ظنه

فاحمدنه علی الارض اخیب

چون شرف خدمت شیر، یثدی منظور عواطف
شاهانه و محظوظ عوارف خسروانه اولوب حالته
لایق و شاننه موافق منصبه نامزد اولدی پلنک بچه
دخی زبان ثناومد حتی پرکار و کر اخلاص و عبودیتی
خاصه جانه استوار ایدوب خدمت کارلق وظایف نه
وهو ادارلق شرایط نه بر دقیقه مهمل و نامرعی
قوم یوب بر درجه آثار کفایت اظهار قیلدیکه ساعت
بساعت اختصاصی اشتداد و تقریبی ازدیاد بولدی
و رتبت قربت و شرف کرامت نه بر مرتبه واردیکه
محسودار کان دولت و مغبوط خواص حضرت اولدی
بوجه ایل هر دم ملازمته جد و جهدین آرتورردی
و هر لحظه اتمام مصالحه اهتمان زیاده قیلوردی

❖ بیت ❖

جد و جهد کسی که بیشترست

کارش از جمله خلق بیشترست

اتفاق بروقت شیرلبر بیشه دور داشته مهم ضروریسی

واقع اولدی برزمانده که تأثیر حرارت آفتابدن تنور
فلک اثر پر تب و تاب اولمشیدی و عرصه کوه و دشت
کوره آهنگر و آشیانه سمندر کی پر التهاب غایت
حرارت هوادن مغزو حوش استخوانلرند، جوشه کله شدی
و سرطان میان آبد، تا به ده ماهی کی پریان اولمشیدی

❖ نظم ❖

سحاب اولسه نا که اگر قطره بار
حرار تدن اولوردی قطره شرار
هواده کراچسه پر زر کونش

یناردی پروبالی پروانه وش
شیر فکر ایتدیکه بوزمانده صدف قعر دریاد، مرغ کی
ریان و سمندر تاب آفتابدن میان آتشد، بنهاندن بزم
اعوانمزدن کیم اوله که ارتکاب محبتدن اجتناب
وسوز و کداز و قطع نشیب و فرازدن احتراز ایتیموب
بومهم ضرورینک اتمامه اهتمام ایلیه بوتفکر اثناسنده
پلنک خدمت ملازمته کلوب ملکی اندیشناک کوردی
و فوردرایتی و کمال کفایتی موجبجه سریر شیر، قریب
کلوب بوتأملک موجبنی صوردی و صورت واقعیه
واقف اولدقدن صکره کفایت مهمی ذمت همتنه
الوب شرف اجازت بولدی و انواع سباعدن بر جمع

معدوده موضع معهود، متوجه اولدی و نصف
 نهاره د کین اول مقامه یتشوب اتمام مهمه قیام و یردی
 چون مرام احسن وجوه اوزره سرانجام بولدی علی
 الفور عنان مراجعتی جانب آستانه شیره منعطف
 قیلدی خواص اصحاب که رکاب دولت انتسابنده
 منتظم ارایدی متفقه الکلمه عرصه عرضہ آنها
 ایتدیلر که بو حرارت هوا و تکایت کرماده اقدام و اهتمامه
 بو قدر مسافه قطع اولندی الحمد لله که کفایت مهم
 دخی میسر اولوب هیچ دغدغه قائم دی و حضرت
 شیرده دخی رتبت قربت و رفعت منزلت امیرنه مثابه
 در معاوم صغیر و کبیر در کدا کر بر مدت رسایه در ختمه
 آرام و استراحت بیورله و شربت آب سردله آتش عطش
 تسکین اولنه حکمتدن خالی و مصلحتدن دور دکلدر

❖ بیت ❖

آسوده باش و بار مشقت فزون مکش
 بکشامیان که رنج جهان را کنار نیست
 پلنک چون بو کلام لنک و پند سبک سنکی ایشندی لب
 تشنیهله تبسم ایدوب ایتدی حضور حضرت شیرده
 بنم تقرب و اختصاص بر لوادر که هزار رنج و بلا

ایله بودر جه اعتلا بولشدر معقولیدر که تکاسل
و بطالتله سر نکون قیل و بر بنادر که هزار مشقت
و عنائله بومر تبه م مهد و مشید اولشدر لایقمیدر که
تن آسانی واسه تراحتله خاکه یکسان ایلم ینجمل
رنج توصل کنج میسر میدر و بی آزار خارتاشای
کلزار متصور می

❖ بیت ❖

بلاستر بال اولور می مار سز مال

بله در کنج ورنج ادبار واقبال

❖ قطعه ❖

کسی بکردن مقصود دست حلقه کند

که پیش تیر بلاها سپر تواند بود

بارزو وهوس بر نیاید این معنی

باب دید، و خون جگر تواند بود

منهیان اخبار بوقصه بی نقیر و قطمیر حضرت شیر، تقریر

و بصورتی من اوله الی آخره صحیفه ضمیرینه تحریر

و تصویر ابتدا یلر شیر چون پلنک بچه نك بو کفایتن

و آثار خلوص نیتن وصفای عقیدتی حکایتن ایشندی

بر زمان تأمل بحرینه طالب و سر تحسینی صالوب زبان

(آفرینله)

آفرینه ایتدی سرور و سردار لغه اول کسسه لایق
وسزاواردر که کریبان محنت و مشقتدن باش چیره
ورعیت بر سر فراز ک عهد معد لسته آسوده و راحت
اولور که بالین استراحتنه باش قومیه

بیت

ازان شاه آسایش آمد بدید

کش آسایش خود تواند برید

پس پلنگی دعوت ایتدی و وفورا عزاز واکرامله
محفوظ و عیون اصطناع و انعامله ملحوظ فیلقد
نصکره اول بیشه نک یالین اکا تفویض و تقلید ایلوب
ملک موروثن اکا ارزانی قیلدی و کند و نک نیابت
و خلافتی منصبن دخی اکا اضاف قیلوب مر تبه سن
مضاعف قیلدی بو مثلی کتوردن تالیه سن که بی تکابوی
سعی بلیغ هیچ بر فردک آفتاب مرادی مشرق امیددن
طالع اولما مشدر و بی جست و جوی بیدریغ مقدمات
رجادن بر مقصودی نتیجه پذیر واقع اولما مشدر

بیت

نابردن پنج کنج میسر نمی شود

مزداد گرفت جان برادر که کار کرد

چون بوسفرده کسب مقصودم معرفته مقصود در عزم
خزمله رشته ترددی کسدم و قدم جدایله رکاب
عزیمته قدم بصدم ذهاب وایابد مجرد احتمال رنج
وعدنا بله عقد ندیم فسخ و حکم عزیمت فسخ اولمز
و شپسوار همت عالی عنان عزم من صوب اکساب
معالیدن منعطف قیلز «ان ذلک من عزم الامور»

بیت

شه که بعزم درست پای نهذ درکاب
نیست عجب چرخ را کر رود از کف عنان
(نثر) چون وزرا جزم ایلد یلر که زواجر نصیحت
مانع عزیمت اولمق عمتعدر فرمان عالی به امثال
ایدوب تهئیه اسباب ارتحال اشتغال ایتدیلر و شریط
مبارکباد سفری یرینه کتوردیلر و بو بیتک غنقله سن
کنبد واره یتوردیلر

بیت

ایلدک عزم سفر لطف خدایارک اوله
همت اهل نظر قافله سالارک اوله
یس رای دابشایم زمام امور ولایت ارکان دولتمن
برامین معتمدک کف کفایت تسلیم ایدوب رعایت رعیت

(وحایت)

و حیات مملکت بایند، بر قاج وصیت که طراز لباس
سلطنت و اساس قواعد دولت ایدی کوش هوشه
القاصحیفه ضمیرینه املایتدیلر

✽ بیت ✽

اول فلکد ندر بواختر اول کنشدندر بوفر
اول بحر دندر بوقطره اول صد فدن بو کهر

✽ مثنوی ✽

ملک شد آینه اسکندری

تا تورخ خویش درو بنگری

روی توز بیاننا یدم کر

ژک تعدی بری از دی بدر

ملک فروزی ز سحر پیشه کن

وز نفس صجدم اندیشه کن

آن نکند کا یکی پیر زن

ناوک مرد افکن صد تیر زن

(نثر) چون کار مملکتی سپارش قیادی و بار سلطنتدن

آسایش بولدی بعض خواص و محرم و حواشی و حشم

ایله راه سرانده توجده ایتدی و ماه کبی منزل بمنزل

ارتحال و آفتاب مثال شهر دن شهره انتقال ایدوب کتدی

هر مر حله ده، نیچه تجر به یه مانك اولوب هر قافله دن
نیچه فائده لر حاصل قیلور لردی بومنوال اوز، مدت
مدید، شداید سفر چکوب منازل بحر و بر قطع ایتدکد
نصکره اطراف سران دیب کورینوب ظاهر اولدی
واول دیارک روایح فوایحیله مشام حاضر پادشاه عاطر
اولدی

بیت

هواسی اول دیارک روح پرور

صوبی ماورد وخای مسک و عنبر
نیچه ایام شهر سرانید، ارام ایدوب رنج راهوالام
سپردن آسوده اولیحق احوال واثقالت اکثرین اند،
قویوب حشم و خدمدن کندویه محرم اولان برقاج آدمله
جانب کوهه توجه ایتدی چون فراز کوهه ایتدی
برسرافراز کوردیکه سایه دامنی سر آسمانه سایبان
وزبانہ تیغی خنجر مر یخله همزبان

بیت

بی ستونیه اساس استواری توأمان

آسمانیله علو ارتفاعی همعنان
هر طرفی بر مر غزار که الوان ازهارله نودار (جنات)

تجری من تحتها الانهار) هر جانی بر کاستا نکه انواع
کل و ریحانه غیرت زهت آباد (جنتان ذواتا افتنان)

❖ قطعه ❖

سبز زارند شجرهای زبرجد بر کنار

کوهسارند مکرهای زهر در میان

جویبار عرعرینه شاخ طوبی متها

بوستان نفیسه سندن باغ جنت بوستان

(نثر) دابشلم اطراف کوهی طواف و مقامات متبرکه

بی زیارت قیلیدی و اثنای کشت و کذارده نظری بر غاره

مصادف اولدیکه سواد درونی بیاض دیدن روشن

وسر «النور فی السواد» صحیفه سوادنده مشاهده و معاین

اول مقامک مجاور لرز استعلام و استفسار تمامه بیادیکه

اول غار بر حکیم بزرگوارک منسکیندر که کایید پای دیرلردی

معناسی طیب مهربان دیگدر اول بر مر دعارف

ایدیکه دل بیغلی انوار انواع معارفله

متجلی ایدی و نفس فاضلی زیور اجناس فضائل ایله متحلی

خاشاک ناپاک اخلاقی آتش ریاضتله حرق ایتش

و کار و بار وجودی «موتوا قبل ان تموتوا» دریاسنه

غرق ایتش دیده بیداری لیل و نهارده خواب دیدارین

کور مامش و کوش هوشی (والله يدعوانی دارالسلام)
ندا سندن غیری صدا اشتهامش

✽ مثنوی ✽

دمی کنجینه تحقیق بیزان
جمینی آفتاب صبح خیزان

دلی اسرار حق تر جانی
کلید مخزن راز نهانی
(نثر) دابسلیم حکیم بزرگوار ملاقاتی آرزو سیله
خارج غارده بر مقدار طوردی وزبان حاله اول
صاحبکمال باطنندن استبازت زیارت بیوردی
پیر و شمعیر الهام غیبی واعلام لاری ایله ضمیر شاه
عالمگیره مطاع اولوب قعر غاردن (ادخاوها بسلام آمین)
صداسنی سمع شهر یاره یتوردی

✽ مثنوی ✽

شاه دران غار حکمت آیین شد
غار از و نقشخانه چین شد

خدمت پیرا میان بر بست
مکر بندگی بجان در بست
(نثر) ایبترو کیردی بر برهمن کوردیکه قدم بچریدله

عالم تفریده ایرمش وراثت کشف و کرامتی ذروه
ملکوت و عرصه جبروته ایر کورمش بشره بشریستند
ملکه ملکی ظاهر و مخافت جسمی لطافت روحنه برهان
با هر رای فراستله بیلد یکله مقصود معهودی آندن
میسر اولیسر و ملتسی آنک یمن نفسیه وجود بولیسر
صفای خاغر و اعتقاد باطن و ظاهره اکامتوجه اولدی
چون برهنه یقین واردی شرایط تحقیق یرینه کتورب
لوازم خدمت قیام کوستردی برهن رد جواب سلام
و اتمام مر اسم اگر آمد نصکره او تور مغه اشارت بیوردی
ورنج راه و زجت سفردن خاطرین صورتی و سبب قبول
کلفت سفر و باعث ترک راحت حضری استغفار قیادی
دانشایم قصه خواب و کنج و موجب ثقیل عذاب
ورنجی علی التفصیل برهن روشن ضمیر تقریر ایتدی
برهن اب تمسینله تبسم ایدوب ایتدی هزار آفرین
اول پادشاه بلند همت و یالک نیتله که طلب معرفت
حکمتد بود کاو کلفت و زجتد تحمل ایتدی و آسایش
سمدید کان رعیت و آرامش مختلوسید کان بریت ایچون
اصناف مشقت و بلیتی تقبل ایتدی

ای خوش آیین جهان داشتن
ملک بدین گونه توان داشتن

بیخ نهالی که تو آبش دهی
میوه شاخش نبود جز بهی
(نثر) هماندم حکیم بزرگوار سر درج اسراری آچدی
و درر شاهوار حکمتی فرق همت شهریار کاغذکار صاچدی
و برقاچکون کند و مهمما تندن فراغت و نعمت خوان
حکمتله ضیافت مهممانه مشغول اولدی و دابشلیم انشای
مقالاتده و صیتنامه هوشنگی یادایدوب و صایایی بربر حکیمه
عرض ایدردی برهمن دخی رای اعظمه اول بابیه مناسب
نصایح و مواظب یورردی و دابشلیم انی قلم خیال و انبویه
فکرته لوح قوت حافظه یه ثبت قیلوردی کتاب کلیمه
و دمنه سؤال و جواب رای و برهمنه مبتنی اولدی
وینه ترتیب سابق اوزره که فهرست کتاب آنی ناطقدر
اون درت باب اوزره منطویدر و المعونه من الله المستعان
و هو حسبنا وعلیه التکلان

« مقدمه بوراده ختام بولمشدر »

اثر

همایون‌نامه باب اول

مترجمی

مولانا علی بن صالح‌الدین

ایکینجی دفعه اوله رق (ترقی) غزته سنه تفرقه اوله رق
درج اولمشدر



باب اول ساعی و تمام کلام نفاق انجمن استماعدن
امتناع واجب اید و کن بیان ایدر
رای اعظم دابشلیم بیدبای حکیمه ابتدی مضمون
وصیت اول بودر که هر کسه که شرف تقرب سلطانله
اختصاص بوله هر آینه محسود عام و خاص اوله و محسودلر
نقض قاعده حرمت و غرضه سعی ایدوب کلمات مکر
آمیزایله ضمیر سلطانی آندن متغیر و متغیر قیله لریادشاهه
واجب ددر که کلام صاحب غرضه تأمل تمام بیوره
چون بیله که آمیزش و آلاشدن حالی دکلدر سرحد
قبوله یشددر میه

مثنوی

مده راه صاحب غرض پیش خویش
که آمیخت بر یکدگر نوش و نیش
بصورت دهد نوش یاری کند
یعنی زندنیش و خاری کند

نثر

حکیم برزکوار و برهمن حکمتش عار دن التماس
ایدر مکه بویابه مناسب برداستان بیوره وشول
مکسنة نك قصه سن که بر پادشاه حضورند، مزید تقریله
اختصاص بولش اوله وارباب غرض قولیله بنای
مرتبه سی خلیفدیر اولوب صداقت عداوته وموافق
مخالفته مبدل اولمش اوله علی وجه التفصیل بیان
بیوره برهمن ابتدی بلی مدار اساس سلطنت
بووصیت اوزره دراکر پادشاه حضورنده کلام نفاق
انجام حساد محل استماع وموقع اعتماد بوله اکثر
ارکان دولت آنلرک افسادیله سپر سهام نکیت ومظهر
عتاب ومخت اوله واندن هم ملکه خلل کلی متطرق
اولوب هم ملکه ضرر عظیم سرایت قیله چون برمفسد
محتال ایکی صدیق صادق میانه ده دخل ونفاقه

بحال بوله هر آینه آینهء القتالین غبار وحشته مغیر
و بنای مودتلرین تیرمکر و مفسدتلر یروز بر قیله
نته که بنای مصادقت کاو و شیر اول شغال شیر
پرتز و یرله خلایذیر اولمشدر رای ایتدی نه کیفیتله اولمشدر
اول (حکایت) بر همین ایتدی قدیم الزمانده بر بازار
کان جهان دیده و تلخ و شیرین روز کار چشیده و ارایدی

❖ بیت ❖

خرد مندی امین کاردانی

ز روی تجربه بسیار دانی

قدم عزمله مسالك ممالكه سالک اولمش و بضاعت
تجارته انواع تجار به مالک اولمش توسن ربع مسکون
زیران سیاحتنده ذلول ایدی و اقالیم سبعة اقدام
همت جهانکرده نسبت برهفته لك یول ایدی رکوب
اهوال و تحمل بار اخطار اسفار سببیه مال و منالی بسیار
ایدی و بهایم و سوامیشماری و ارایدی (کان امتلا و ادیة
من ثاغية الصباح و راغية الرواح) چون مقدمه سپاه مرک که
قوت ضعیف و ضعف قوتدن عبارتدر ملکته نهاده ال
اوزاندی و طلابه لشکر اجل که موی سفیددن کنایتدر
حصار خطبه و جودین احاطه ایتدی

❖ مثنوی ❖

نوبت پیری چو زند کوس درد
دل شود از خوشدلی وعیش فرد
موی سفید از اجل آرد پیام
پشت خم از مرگ رساند سلام

❖ نثر ❖

خواجه مقرر بیلدی که عنقریب کوس رحیل
اورلسه کرک و سرمایه حیات بر متاعدر که خانه
بدند، مودعدر آرزمانده استرداد اولنسه کرکدر
فرزندلرین که ثمره شاح امانی و شجره باغ زندگانیدر
جمع ایتدی آنلراوج نفر جوان ایدی غیرت افران وانوار
اثار رشد ناصیه حالرنده تابان اماثروت غرور و کثرت
اسباب سرور نشو، شراب شبابه حد اعتدال دن
تجاوز ایدوب مال پدیره دست اسراف دراز ایتشلردی
و کسب حرفدن اعراض ایدوب نقد اوقات عزیزی
بطالت و کسانته صرف ایتشلردی پدر مهر بان فرط
شفقت و وفور مرچندن که لازمه علاقه ابوتدر
فرزندلرینه پند و نصیحت آغاز ایتدی و ابواب نصایح
بیغرضی که جوامع بیم و امید مشتملدر قمع ایدوب

ایتمدی ای جوانلرا کرچه که کسب مالده مجاهده
 چکمدیک کز سبیدن و محنت مشاهده ایتمدیک کز
 جهندن مال قدرین ییلز سکن مذهب عقلمه معذور
 اولسه کز اولور (من لم یذلک یعرف) اما یملک کرک که
 مال سرمایه سعادت دنیا و ذریعه ذخیره نجات
 عقبار و اهل عالم که طالب حصول مراتب و وصول
 مأربدر غالب بودر که بواوچ مرتبه نک بریسته طالبدر
 مرتبه اولی فسحت ساحت معیشت و تیسیر تکثیر اسباب
 راحتدر بو برطایفه نک منظور یدر که همملری نوشش
 و پوشش و استیفای لذات نفسیه ککوشش
 مقصور اوله مرتبه ثانیه رفعت درجه و علو منزلهدر
 اول زمره که بومرتبه یه طالبدر ارباب جاء
 و اصحاب مناصبدر بوایکی مرتبه نکه حصول
 بیمال محالدر مرتبه ثالثه حصول ثواب آخرت و وصول
 منزله تقرب حضرت عزتدر اول گروه که بومطلبه
 رغبت ایتمشدر اهل نجات و صاحب درجاتدر
 بومرتبه دخی مال حلاله محصل اولق میسر در که
 (نعم المال الصالح للرجل الصالح) حدیث صحیحدر نته که
 پیر معنوی صاحب مثنوی بیور مشدر

بیت

مال را کز بهر دین باشی حول
نعم مال صالح گفتش رسول

نثر

معلوم اولدی که مال و مال سبب حصول اکثر
آمال در تحصیل مال بی ارتکاب تعب و طلب و اکتساب
محال در اگر بر کس نه بی وسیله کسب و طلب من
حیث لا یکتسب ولا یکتسب مال الله کبره تحصیلنده
زحمت چکمدیکی اجلدن قدر و قیمتین بیلیوب عنقریب
باد هوا به ویره (ع) از باد هوا آمد و بر باد هوا رفت

نثر

پس واجب اولدی که جانب بطالت و کسالتدن
اجتناب ایدوب جانب تحصیل و اکتسابه رجوع
قیله سز و بو حرفت تجارتیه که مدت متمادیر بنیدن
مشاهد ایدرسز مشغول اوله سز پسر مهتر ایتدی
ای پدر سز بزه کسب و طلب تکلیف ایدرسن بوقاعد
تو کله منافی و اعتقاد تقدیر ازلی به مخالفدر بومقرر در که
کاخانه قضا و قدرده هر رزق که مقدر در البته
صاحبنه و اصل اولسه کرک پس جستجو ینده سعی

و تکا پوینده تعذیب حیوان بلا فائده دن غیری نه حاصل
اولسه کرک

❀ نظم ❀

کلورنه کک اولدی مقدر فراخی و تنگی
کر کسه کوکلکی کیل طوت کر کسه در دله طار
کشی به چونکه مقدر درر نصیب ازل
نه اکسلاورونه آرترایدرسه سعی هزار

❀ نثر ❀

بعض اکا بردن ایشتمکه ایتدی هر بار که
نصیبدن قاچدم آخر بکایتدی و نصیب اولمائی چند آنکه
طلب ایتدم بدن ابا بتدی پس اکر بزکسب و کار ایدوز
ویامعطل و بیکار روزگار کچوره و ز تقدیر ازل آزالی
تغیر ایدمز (ع) نصیبه ازل از خود نمی توان
انداخت ❀ نته که اول پادشاهزاده ملک حسب حالی
بو معنی به شاهد در برینک بیرنج و عذاب کنج بحساب
النه کیردی ویری امید کنجه خزانه ملک بیرنجی
بادفایه و یردی پدر استفسار ایتدی که نه وجهله واقع
اولشدر اول (حکایت) پسر ایتدی سرحد ولایت
عرب یعنی دارالملک حلبده بر پادشاه کامکار و فرمان

(فرمان)

فرمان فرمای عالیقدر و ارایدیکه نیجه انقلابات روزگار
 کچورمش ایدی و چوق تغیرات لیل و نهار مشاهد،
 ایتش ایدی ایکی فرزندی و ارایدی نوجوانلر جاه
 و جلال ایله شادمانلر کنج پدرله مغرورلر تاج و کمره
 مسرورلر غرقاب غرور شبابه و حباب کی روز شب
 شرابه دشمنلردی و مشاطه کان هوا صورله و ولعبه
 و عروس نشاط و طریقه انلر منصفه قابند، جلوه
 ویرمشلر ایدی گاه زنجیه چنک و چغانه دن بونغمه یی
 استماع ایدرلردی

❖ نظم ❖

یوروت پیمانک ای سروسهی تیز
 جهانندن چونکه تیز کتسک کرک بیز
 کچر چون کوز یوموب آچنجه دوران
 کوز آچدرمه بزه باده یله برآن
 (نثر)

وگا، ترانه بیلدن بوصوله عمل ایلرلردی

❖ مشنوی ❖

کتور اول باده کلفامی ساق
 چوقالز بوجهانده کسه باقی

کولهلم کل کی بردم اولوب شاد
 قیلوب بلبیل کی الحان و فریاد
 (نثر)

پادشاه، مرد خردمند و هوشیار و صاحب تجربه
 و آموزگار ایدی و جواهر و افری و نقود نامعدودی
 و دینار بشمارای و ارایدی فرزندلرینک حالن بو منوال
 اوزره مشاهده ایدیجک خوف ایتدیکه بو کنج
 بحساب که هزار رنج و عذابه تحصیل اولمیشدر
 آماج تیراتلاف و تاراج بادا سراف اوله حوالی شهرده
 برزاهد متوکل و ارایدیکه علایق خلا یقندن مبتل
 واسباب تقرب حضرت خالقه متوسل ایدی

❁ بیت ❁

سوخته تاب تجلی ایدی * شیفنه حضرت مولی ایدی
 (نثر)

پادشاهک اکا و فور اعتقادی و کرامتنه کال
 اعتقادی و ارایدی تمام خزائن جمع ایدوب بروجهله
 که اکا بر فرد مطلع اولمیه آنک صومعه سنده دفن ایدی
 و زاهد، وصیت ایدوب ایتدی چون دولت بیوفا
 و جاء بیقانبم فرزندلرمدن یوزدوندره و سرچشمه

(اقبال)

اقبال که خواب و خیال و شراب و سراب کی بیا لدر
 خالک ادبار له مالا مال اوله و فرزند لرم بیایه و کمبضاعه
 قاله و فقیر و محتاج و آماج تیر احتیاج اوله و آنله
 بو کیندن خبر ویرشاید که مشاهده نکبت و مجاهده
 محنت سببیه خواب غفلتدن متنبه اولوب حاجت
 حسبجه مصلحتلرینه صرف ایدر و طریق اتلاف
 و اسرافدن انحراف ایدوب جانب انصاف و اعتدالی
 مرعی طوته لر زاهد و صیت شاهی سمع قبوله اصغرا
 ایتدی شاه اخفای مال و دفع احتمال ایچون درونه
 قصرنده بر مخزن دوزندی و شویله کوستردیکه جمیع
 اموال انده دفن ایتدی و فرزندلرین دخی بو خصوصدن
 خبر دار ایدوب ایتدی چون آینه روزگار بیقرارده
 صورت ادبار و افتقار مشاهده اید، سر غافل اولیه
 سر ذخیره کلی که مؤنت و معیشتکره کفایت ایده
 بونده مدفوندر بو حالدن صکره آرزماند، شاه و زاهد
 ایکسی دخی واحد بعد واحد اجابت دعوت حق
 ایدوب (کل من علیها فان) باده سیه سرخوش و (کل
 نفس ذائقة الموت) جرعه سیه بیهوش اولدیلر

بیت

اگر شاه و کد اگر مردوزندر

قونك آخرى كور و كفتدر

❖ ديكر ❖

هرآنكه زادن مادر بيايدش نوشيد

ز جام دهرمى كل من عليها فان

(نثر)

واول كنج كه كنج صومعه زاهدده مخزون ايدى شويله
مستور ومدفون قالدی برادرلر وفات پدرلرند نصكره
مقاسمت ملك و مال پدر ايچون جنك وجدال ايتديلر
برادر مهتر و فور زور و قوت و مزيد بطش و سطوقى
سبيله غالب مطلق اولوب تمام ممالك و جميع ماله
مالك اولدى و برادرين خائب و خاسر و مغبون و منكسر
قودى بىچاره منصب سلطنتدن بى نصيب و مال موروثدن
بى بهره قالىحق كند و كندويه ايتدى چون آفتاب
اقبال درجه زواله ايتدى و سپهر غدار و روزگار
ستمكار شيوه غدروانتهقامن آشكار ايتدى بر دفعه
دخى طالب دولت اولق و مجربى تكرر تجربه قىلق
ندامتدن غيرى نهى منتج اولور و ملالت و ملامتدن
غيرى نه فائده وير (ع) من جرب المجرب حلت به
الندامه

(مثنوی)

جمله دنیا ز کهن تابانو
چون گذرانست نیرزد بجو

مملکتی بهتر ازین ساز کن
خوشترازیں حوره دری باز کن

(نثر)

صواب بودر که چون کریبان دولت دست اختیار
وقدرتدن چیقدی دامن توکل و قناعته تشبث ایدوب
صبر قلم و درویشک مرتبه سن که سلطنت بیروالدرد
اله کتورم

(بیت)

درویش را که کنج قناعت مسلمست

ورویش نام دارد و سلطان عالمست
پس بونیتله شهر دن چیقوب کیتدی و کیدر کن خاطرینه
بومعنی خطور ایتدیکه فلان زاهد پدرمله ماتقدمدن
صدق و داد و دعوای اتحاددن دم اورردی صواب
بودر که آنک صومعه سنه پناه قلم و امیددر که برکت
دم و قدمیله طریق عبادته سالک و سلطنت قناعته
مانک اولم چون صومعه زاهده واردی خبر آلدیکه

طوطی روح سدره آشیانی قفس تندن جانب ریاض
جنانه طیران قیلش وصومعه اول پیر و ششمیردن خالی
قالش بر زمان لشکر هموم و غوم کشور طبعنه هجوم
ایتدی وزبان تلهف و تأسف ایله ایتدی

(بیت)

دیدنی چه کرد چرخ ستمکار و اخترش

نامش مبرچه چرخ و چه اخترچه چنبرش
عاقبت دست ارادتله زاهد صاحب کرامتک دامن
روحانیتنه تشبث قیلدی و اول صومعه بی جهت
اقامته قبول ایدوب اول بقعه ده مجاور اولدی قالدی
مکر اول صومعه حوالیسند، بر کاریزوار ایدیکه صومعه
ایچنده برچاه حفر ایدوب اول کاریزدن اکامرا یتش لردی
و متصل اول کاریزک صوی اول چاهه کلوردی و اهل
صومعه انی استعمال ایدوب انکله توضع و اغتسال
ایدر لردی شهزاده بر کون دلوی چاهه صالیو یردی
صومعه داسی کلدی نیکی دیو احتیاط ایتدی کوردیکه
قعر چاهه مادن اثر قالماش متخیر اولدیکه اگر
بوچاه و کاریزه خلل متوجه اولور سه اساس صومعه
بالکلیه اندراس بولوب بو بقعه ده من بعد توطن متعذر

(اولور)

اولور بوحالی تحقیق ایچون قعر چاهه ایندی
 وراه آبی وجوانب چاهی نظر تدقیقه مشاهده قیلدی
 ناکا، نظری بر حفره یه راست کلدیکه اگاصویول
 بولمشیدی وضونک چاهه کلمنه مانع اول اولمشیدی
 آیا حفره نه طرفه کیدر اوله و بوسه وراخ نه جانبدن
 خروج ایدر اوله پس اول سه وراخی فراخ ایدوب
 اول کنجه قدم بصدیغی کبی هماندم سر کنجه
 یتشدی شاهزاده چون اول نقود بیکران وجواهر
 بیایانی کوردی جبین ضراعتی زمین مذلته سوردی
 واول پروردکار ببنقصان وکردکار قدیم الاحسانه
 سجدت شکر لایتدی ونصیحت یوزندن کندو کندویه
 ایتدی اگر چه مال موقور وجواهر نامحصور در
 اما باد غرور له سکران وقهوه سرور له نشوان اولق
 دائره فکر صحیحدن دور در نهج توکل وچاده قناعتدن
 انحراف ایتماک کرک وطریق اعتدالی قویوب جانب
 اسراف واتلافه کتماک کرک (ع) تابینم که از غیب
 چه آید بنظهور

❖ نثر ❖

واول جانبدن برادر مهتر کرچه مسند حکومتده

فرمان روا اولدی اما احوال لشکر و کشوردن بیرو
ایدی واسید کنج موهومله که قصر بدرنده محقق
ملاحظه ایدردی مغرور اولوب مقدورن اتلاف
ایدردی وغایت کبر و نخوت و خیل و عظمتدن برادرین
تفقد ایتوب تعهد حالندن اغراض و مشاهدۀ حالندن
عار و اغراض ایلردی بوائنده ناکا، اکا بردشمن پیدا
اولوب لشکر جرارتیغ کذارله ولایتنه قصد ایتدی شهرزاده
خزانه سنی سیم و ذهبدن خالی و لشکرین ساز
و سلبدن عاری کور یجک اول وضع معهود و کنجینه
موعوده کلدی تا اول مال موفورله کما، لشکر و حجة
کشوری معمور ایلیمه «لامک الابر جال و لار جال الابر مال»
چند انکه طلبنده سعی بلیغ ایتدی کنج موهومدن
رنج محققدن غیری نشان بولدی و هر چند جستجو
ینده جهد بیدریغ ایلدی حصول مقصوده فائز
اولدی

❖ بیت ❖

بشنواین نکته که خودر از غم ازاده کنی
خون خوری کر طلب روزی، نتهاده کنی
❖ نثر ❖

نثر

چون نوید کنجدن نامید اولدی قادر اولدیغی قدر
 جمع لشکر ایدوب دفع خصم ایچون خارج شهره
 چیقدی چون صف جدال آراسته اولدی و آتش
 قتال اشتهال بولدی اثنای مقابله و مقاتله ده لشکر
 دشمندن ملکزاده زخم تیراله هلاک اولدی بوجانبدن
 دخی پادشاه بیکانه ضرب شمشیر ايله آلوده خون
 و خاک اولدی ایکی لشکر دخی تن ییسر کی ابر و مهمل
 قالبوب قریب اولدیکه شعله فتنه و آشوب اوج آسمانه
 چیقده و آتش هرج و مرج ایکی مملکتک دخی
 اها لیسن یاقه آخر الامر ایکی طائفه نکدخی سردار لری
 جمع اولوب اتفاق ایتدی لر که برخاندان پادشاهی
 و دودمان شاهنشاهیدن بزملک ملک خصلت و کریم
 خلقت تجسس قیله لر که شغل سلطنتی و مهم مملکتی
 آنک ذمت همته حواله قیله لر جمله سنک رأی بوکا
 منجر اولدیکه بر شهریار کامکار که فرق دولتی سزاوار
 تاج سلطانی و مختصر سعادت شایسته خام
 جهان بینی اوله همان اول شهرزاده صومعه دارد
 پس کارداران ممالک صومعه و ار دیلر ملکزاده بی
 اجلال و اکرام و تعظیم و احترامله زاویه خولدن

بار کا قبولہ کتوردیلر و کنج عزتدن صدر مسند
 دولته پکوردیلر میامن تو کلیله هم کنج پدر میسر
 اولدی وهم ایالت ککشور اکا مقرر اولدی بو مثلی
 آنکچون کتوردیمکه وصول نصیب البته سعی و کسبه
 وابسته دکلدر و توکله اتکا جد وجهده التجادن
 اولادر

(بیت)

حقه هر کسه کیم توکل ایدر
 حق آنک رزقه تکفل ایدر

❖ مثنوی ❖

نیست کسی از توکل خو برتر
 چیست از تقویض خود محبوب تر
 هین توکل کن بلرزان پا دوست
 رزق تو بر تو ز تو عاشق ترست

❖ نثر ❖

چون پسر حکایتی نهایتنه یتیمدردی پدر یتیمی
 اگر چه دیدیکک محض صدق وعین صوابدر اما بو عالم
 عالم وسایط واسبابدر عادت باری عز اسمہ بونک
 اوزرینه جاریدر که بو مزرعہ حوادثزار و بو چن

(وقایع)

وقایع بارد، بی آبیاری، اسباب ظاهری هیچ بر اثره
شجره ظهوره کلیه

(بیت)

دهقان سال خورده چه خوش گفت بایسر
کای نور چشم من بجز از کشته ند روی
نثر

وتوکل مقبول بودر که باوجود مشاهده اسباب
مقام توکل، ثابت اوله سن تافیهض (الکاسب حیب الله)
دن بهره بوله سن بعض اکابر بیور مشلدر که کسب
وکار قیل تا کاهل اولیه سن نصیهک خدادن پیل
تا جاهل اولیه سن

منوی

از توکل در طلب کاهل مشو

رمز (لکاسب حیب الله) مشو

کسب کن پس تکیه بر جبار کن
کر توکل میکنی در کار کن

سن مکر اول درویش قصه سن استماع ایتمک اوله که
احوال باز و کلاغی مشاهده اید بجز سبب جانین
بر طرف قیلدی اول سبیدن مظهر عتاب مسبب الاسباب

اولدی پسر سؤال ایتدی که نه متوال اوزره اولمشدر
اول

حکایت

پدر ایتدی روایت ایدر لر که بر درویش بریشده
کیدردی و آنار رح و اطوار قدرت مشاهده ایدردی
ناکا، کوردیکه بر شاهباز تیر باز بر مقدار ات پاره سن
منقارند، طوتوب بر درخت اطرافنده پرواز ایدر و اهتر از
تمامله بر آشیانه بی طواف ایدوب شفقت آمیز آواز ایدر
درویش بوصوتدن زیاده متعجب اولوب بر زمان
نظاره قیلدی طوردی کوردیکه بر کلاغ بی بال
و پر اول آشیانه ده ز روز بر یاتور و اول باز منقارند، اولان
اتی حوصله کلاغ مقداری پاره لیوب دهانه استقراغ
قیلور درویش ایتدی سبحان الله عنایت الهی
و مرحمت نامتناهی پی کور که کلاغ بی پروایی که نه
قوت منقاری وار نه شوکت چنکالی گوشه آشیانه سنده
بی روزی قومز و باز سخت چنکال و تیر منقاری خلاف
جنسی ایکن اکا هوادار ایدوب پدر مشفق و مادر
مهربانی اولسهده بو قدر اولن

❖ مشنوی ❖

ادیم زمین سقره عام اوست
 برین خوان یغماچه دشمن چه دوست
 چنان پهن خوان کرم کسرتد
 که سیرغ در قاف روزی خورد
 ❖ نثر ❖

پس بن که دائم طلب رزقده دریای حرصه غرق
 اولوب هزار مشقت جانله برپاره نان اله کتوررم
 لاجرم سبب ضعف اعتقاد و نقصان اعتماد اولسه
 کرک

(مشنوی)

ضامن روزی شد، روزی رسان
 چند بهر سوی دوم چون خسان
 از دل خرسند بر ارم نفس
 کانه رسد بهره همانست و بس
 (نثر)

اولی بودر که من بعد سرفراغتی زانوی عزلت اوزره
 قویم و صحیفه دلدن خط کسب و حرف حرفتی آب
 بطالتله یویم که (الرزق علی الله) هماندم دامن کسب
 و طابدن ال چکوب بر کوشده اوتوردی و دل بیغلن

عنایت مسبب الاسبابه بند ایدوب طوردی (ع)
 دل در سبب میند و مسبب رها مکن * اوج کون اوج
 کبجه بیکار زاویه عزلتد، قرار ایدوب هیچ بر مردن
 فتوح میسر اولدی و دغدغه جوعدن جمعیت
 خاطری متفرق و قوت تحلیلدن بدننه ضعف کلی
 متطرق اولوب کیدرک قوت ضعف وضعف قوت
 بر مرتبه یه واردیکه مرد زاهد قوی ضعیف اولوب
 ادای وظایف طاعت و عبادتدن قالدی حق جل
 و علا اول زمانک پیغمبرین اکا ارسال ایتدی و عتاب
 تمامله ایتدی ای قول بن بنیاد کارخانه جهانی اساس
 اسباب و اکتساب اوزره مبتنی قیلمشدر اگر چه که
 کمال قدرتم بی سبب سنک مهمک ایتمانه کافیدر
 اما مقتضای حکمت بودر که مهمات خلق حصول
 اسبابه موقوف و متعلق اوله تا بسبب قاعده افاده
 و استفاده ممهد و محقق اوله (اتریدان تبطل حکمتی
 بتو کاک علی) بو مثلدن معاوم اولدیکه دفع حجاب
 اسباب غیر میسر درواکتسابه ارتکاب لازم و مقرر در
 فرضا که مجرد توکله توسل ایله بر مطالبه توصل
 میسر اوله فائده کسب منفعت توکلدن زیاد در زیر که

منافع توکل همان متوکلله حاصلدر وفوائد کسب
 کاسبیدن سائرله واصلدر وایصال نفع الی غیردلیل
 خیردر (خیرالناس من ینفع الناس) برکسه که غیره
 ایصال خیر، قادراوله حیقدر که تکاسل ایدوب
 غیردن خیر بطلب قیله که (الید العلیا خیر من الید السفلی)
 پس اگر سن غیره افاده ایتک میسر ایه آندن
 یکدر که غیردن استفاده ایده سن

نوبت

چوباز باش که صیدی کنی ولقمه دهی
 طفیل خوار مشو چون کلاغ بی پروبال
 (نثر)

پسر مهتر چون یونصایحی مع قبوله استماع ایتدی
 پسر آخردخی آغاز کلام ایدوب ایتدی ای پدر
 مقرردر که بزه توکله اقتدار میسر دکلدرو کسب
 وکاره التجا ناجاردر اما چون کسبه اشتغال ایدوز
 خدای بیژوال کمال کرمندن بیزه مال وفضال ارزانی
 بیوره آنی نبجه ایتک کرک وآنک حفظ وضبطی وقبض
 و بسطی باینده نبجه شرطی مرعی طوتمق کرک پدر
 ایتدی ای پسر جمع مال سهل کاردر اما آنک
 حفظی وانکاء تمتع دشواردر هرکسه که تحصیل ماله

طالبدر بویکی شرطی اکارعایت ایتک واجبدر اول
بودر که محافظه سند، بروجهله احتیاط قیله که تلف
وتاراجدن امین اوله ودست سارق وعیار ورهن
وطرار آندن کسه که مالک دوستی بسـ یارومالدارک
دشمنی بیسماردرد

✽ بیت ✽

چرخ نه بر بیدرمان میرند

قافله محتشمان میرند

(نثر)

ایکنجی بودر که آنکهر ایتندن انتفاع ایدوب اصل
المالی تلفدن امتناع ایلله که اگر سرمایه دن خرج ایدوب
سود یله قناعت قیله آزمانده دست چنار کبی کفنده
باد هوادن غیری نسنه قالمیه

✽ مثنوی ✽

هر آن نه رکابی نیاید بوی

باندک زمانی شود خشک پی

کرازکوه گیری ونه سی بجای

سراشجام کوه اندر آید ز پای

✽ نثر ✽

هر کیم که دخلی اولیه دائم کیسه دن خرج ایده

(ویا)

و یاد خلی اوله اما خرجی دخلندن زیاده اوله عاقبه الامر
ورطهء احتیاجه دوشوب یمکن که کاری هلاکنه نهایت
بوله نتکم اول موش متلف بی باک که کندوسن غمدن
هلاک ایتدی پسر استفسار ایتدیکه نه وجهله اولمشدر
اول

(حکایت)

پدر ایتدی امثالده کلمشدر که بردهقان انبارنده
برمقدار غله پنهان ایدوب دست تصرفی آندن رد
وابواب تمتعی آندن سدا یتش ایدی تا اولوقت که
احتیاج غایته و ضرورت نهایته یتشه آنی قوت لایموت
ایدینه مگر بر موش که غایت شره دن دیلردیکه
خرمن مهدن دانه چکیددی و مزرعهء آسمانده حبات
پروین و تخم سنبله یی زمین خوصله سنده اکیدی اول
منزل کنارند، خانه طوتمشدی و اول انبار جوارنده
آشیانه ایتشیدی متصل زیر زمینده میتین دنهان
آهنین ایله نقب اورردی و ناب نقاب خارا شکافله
اطرافن ثقب ایدردی ناکا، حفرهء نهان میان انبار
غله دن عیان اولوب سقف آشیانه دن حبات
کندم جو آسماندن شهاب ثاقب که ریزان

اولدی موش کوردیکه وعده (وفی السماء رزقکم)
 انجازه یتشدی نکته (التمسوا الرزق من خبایا
 الارض) روشن ومبین اولدی موجب شکر نعمتی
 تقدیم ایدوب (الحمد لله الذی ازل علینا ما ائدت من السماء)
 نداسنی اوج آسمانه یتوردی واول جواهر قیمتی
 حصولدن ثروت تمام حاصل قیلوب نخوت قارونی
 ودعوت فرعونیه آغاز ایلدی آزمدته موشان محله ده
 کیفیت حالدن خبردار اولوب ملازمت باب مروتابه
 شتاب ایندیله

❖ بیت ❖

این دغل دوستان که می بینی
 مکسانند کز دشیرینی

(نثر)

دوستان نواله و حریفان پیاله همواره مجلسنده
 جمع اولورلردی ونته که انزلک عاتیدر نسج کلامی
 انک مزاجنه موافق وهواسته مناسب طرز اوزر طر
 ایدوب ریتخنند ایدرلردی وخوش آمد سوزلر سوزلرلردی
 وآنک مدح وثنا وشکر ودعاسنده افراط واطرا
 ایلرلری اولدخی دیوانه وارزبان لاف ودست اسراف

(دراز)

درازایدوب بوتصور ایله که غله انباره هرگز غلاو
 نقصان یتیم یوب دائم الزمان دانه کندم اول سوراخدن
 ریک روان کبی ریزان اولسه کر کدر هر کون آندن
 مصاحب لرینه مقدار قلیل و کثیره رفا یدردی وعاقبت
 ملاحظه سن ایتیموب بو کونم یارینه قالسون ذیمزدی
 وخیان امر وزله مغرور اولوب فکر فردادن پروایمزدی
 (ع) ساقیا امر وزمی نوشیم فردارا که دید
 اولوقت که انلر اول کوشه خلوتده عیش وعشرت
 مشغولردی دست برد خط وتنکسال خلق عالمی
 بدخال و پایمال ایتمشیدی وسینه جگر سوخته لردن
 زبانه آتش جوع فلک ائیر، یتشدی هر جاننده نان دیو
 جان طارترلردی کسه وزنه آلمزدی بر باره نانه خانمان
 صا ترلردی کسه خریدار اولمزدی

نظم

خط ایتمشیدی اول دیاری خراب
 آتش اولمش هواسی آبی سراب
 مدا کن بولمزدی جبه سنی
 خواجه لر نانه صاندی جبه سنی

نثر

اولدی موش کوردیکه وعده (وفي السماء رزقکم)
 انجازه یتشدی نکته (التمسوا الرزق من خبایا
 الارض) روشن ومبین اولدی موجب شکر نعمتی
 تقدیم ایدوب (الحمد لله الذی انزل علینا ماء من السماء)
 نداسنی اوج آسمانه یتوردی واول جواهر قیمتی
 حصولدن ثروت تمام حاصل قیلوب نخوت قارونی
 ودعوت فرعونیه آغازایلدی آزمدنده موشان محلله ده
 کیفیت حالدن خبردار اولوب ملازمت باب هر و تمانه
 شتاب ایتدیلر

❁ بیت ❁

این دغل دوستان که می بینی
 مکساند کرد شیرینی
 (نثر)

دوستان نواله و حریفان پیاله همواره مجلسنده
 جمع اولورلردی ونته که انلرک عادتیدر نسج کلامی
 انک مزاجنه موافق وهواسنه مناسب طرز اوزره طرح
 ایدوب ریشخنده ایدرلردی وخوش آمدسوزلر سویلرلردی
 وآنک مدح و ثنا وشکر ودعاسنده افراط واطرا
 ایلرلردی اولدخی دیوانه وارزبان لاف ودست اسراف

(دراز)

سوراخدن طشره آتدی انلردخی چون بوخالی مشاهده
ایتدیلهر هر بر یسی بر طرفه پراکنده اولوب ولی نعمتترین
تنها قویوب کتدیلهر

(مثنوی)

همه یار تواز بهر تراشند
بی لقمه هوادار تو باشند
چو مالت کا هد از مهرت بکاهند
زیانت بهر سود خویش خواهند
ز توجو بند در دولت معونت
کز بند از توان در روز محنت
ازین مشت رفیقان ریایی
بریدن بهتر ست از آشنایی

(نثر)

موش بیهوش چون بالین آسایشدن باش قالدیروب
خواب غفلتدن بیدار اولدی کوردیکه نه بار وارونه
اغیار (لیس فی الدار غیره دیار) چند آنکه چپ
وراسته نظر صالیدی یارانندن نام و نشان بولدی
وهر چند که رسم تفحصده مبالغه قیلدی احبابدن
خبر بیلدی دهشت و وحشتدن قلبه رقت غلبه

ایتدی و آواز جان کدازله فغانه آغاز ایدوب
ایتدی

(بیت)

یاران که بود، اندند انم بکاشدند
آیاچه حال بود که ازما جدا شدند
(نثر)

پس تحقیق حال ایچون کوشده کاشانه دن طشره
چقدی کوردیکه عالم بر مرتبه فط و غلاطاری
اولشکه ذکر نان افواه والسند، آب کی جاری اولش
اضطراب تام و شتاب تمامه خانه سنه رجوع ایتدی
تا تصور ایتدیکی ذخیره نک حفظنده، اهتمام ایلیه چون
خانه به کلدی غله دن دانه کورمدی اول
سوراخدن انباره کیروب اطراف جو بجوآرادی
حبه کندم بوله مدی طاق اولوب دست اضطرار به
کر بیان شکبی چاک ایتدی و سر پر سوداسن سنک
وخا که اول قدر اوردی که مغزی پریشان اولوب
تلف کارلق شئامیه کندوسن ورطه هلا که آتدی
بومثاک قاعده سی اولدر که کاسیک دخلی خرجه
مناسب اولق کرک و رأس الماله دکیوب سودندن انتفاع

(قلیق)

قلیق کرک

❖ بیت ❖

دما دم دخل و خر چکد نظر قیل

چو دخل اولایه خر چک پست تر قیل

❖ نثر ❖

چون بازرگان داستان مزبوری وجه مشروح
اوزره بیان ایتدی، پسر ~~که~~ هتدخی چهره کلامه
زیورثناودعای پدرله آرایش و یروب ایتدی ای پدر
برکشی محافظه مانده اهتمام ایدوب معامله سندن
سود تمام ایتد کد نصکره اول سودی نه نهج اوزره
خرج ایتمک کرک پدر ایتدی طریق اعتدال هر خصوصه
مدو حدر خصوصاً که پاب معاشده پس خداوند مال
لازمدر که حصول فاعده دنصکره بوایکی قاعده بی
حسب حال ابدینه بری بودر که اسراف و اخراجات
ناموجه دن اجتناب قیله که بذرتبذیر بر طعن و ملامتدن
غیری نسنه و یرمز و متلف مال نهال حائنده ثرند امتدن
غیری نسنه کورمز حقیقت حال بودر که اتلاف مال
ثمره ضعف عقل و دین و مقتضای اغوای شیطان
لعین در (ان المذیرین کانوا اخوان الشیاطین)

مثنوی

هست بر مردم عالی کهر
 بخل ز اسراف پسندیده تر
 گرچه سخادر همه جاد لکشت
 هر چه بهنجار بود آن خوشست
 (نثر)

ایکنجی کر کدر که عار بخل و شمار امسا کردن احتراز
 قیله که مر د بخیل دین و دنیا ده بد نامدر و مالدار ممسک جمیع
 از مانده مذموم و دشمن کامدر و مال بخیل عاقبت اماج تیراج
 و هدف ناو ک تلف اولق مقرر در اول غدیر کمیر کی که مجمع
 میاه غزیر و مد خلدن مخر جی صغیر و خار جندن واردی
 کثیر اولسه لابد هر طرفدن تراود و ترشح ایدوب
 دیوارنده هر رشحه دن بر رخنه بدید اولسه کرک
 و عاقبت اول حوض تباه اولوب ایچنده اولان میاه
 بتمامها اطراف و جوانیه راه بولسه کرک (بشرمال
 البخیل بخادث اووارث)
 (قطعه)

مال کزوی پخیل بهره نیافت
 دست تاراج داد بر بادش

یابوارث رسیده که گاهی
جز بنفرین نمیکند یادش
(نثر)

چون فرزندان مقبل پدر لرینک مقبول کلامن ایستدیلر
و منافع نصایحن فهم ایدوب پسندین قبول ایلدیلر
و هربری بر حرفت اختیار ایدوب کسب و کاره اشتغال
ایتدیلر انلرک مهتری که فهم و فطنت و عزم و همتده
جمله نك بهتری ایدی طریق تجارتیه سلوک ایدوب
سفر دور دشته شروع ایتدی زیر بارنده ایکی بارکش
سکای واری ایدی که نور کردون آنلرک زور و قوتنه
مقاومتیه طاقت کتوره مز ایدی و شیر چرخ آنلرک صولت
و صلابت لری خوفندن پیشده آسمانی فلککه ویرمن
ایدی

(نظم)

بدنده هر بریسی پيله بکرر
زمین پیمای زمان رویله بکرر
زبون انلاره نسبت کاو کردون
اولور زورایتسه لر دی کو هامون
برین بولیدی دهقان زمانه

ایندی جفت کاو آسمانه

نثر

برین شتر به و برین متربه دیرلردی تاجردائم انزلک تربته
و ترتیب اسباب تقویته بنفسه مباشر اولاردی اما چون
مدت بسیار سیر و سفر ایدوب لیل و نهار کتدیار و نشیب و فراز
و مسافه دور و دراز قطع ایتدیار چهره حالینه کرد
ضعف و هزال طاری اولوب صفحه میالزند سمت قور
و قصور زور و قوت ظهور ایتدی قضا الهی اثنای راهده
بر خلایع عظیم راست کلدیلر شتر به یه کمال فتوردن بحال
عبور میسر اولوب آند، قالدی خواجه بغایت بی
حضور اولدی و بیوردی تاهزار زور ایله طسره
چیقاردیلر چون حرکتی بی طاقت ایدی برکسه بی
مزدا ایله تعهد حانده نامزد ایتدیلر بوعهد ایله که
چون حرکتی فی الجمله قادر اوله آتی کاروانه یتشدره مز
دور نیچه زمان میان بیاباند، حیران و هراسان
قالوب عاقبت تهالق بلاسندن شتر به یی آند، قلوب
خواجه یه فوئی خبرین یتشدردی بر منزلده دخی متربه
شداید کردوندن زبون و بار فراق شتر به دن حالی دکر
کون اولوب رخت وجودنی عدم رباضه ایندردی

اما شتر به نك قوتی كوندن كونه اشتداد و ازدیاد بولدی
اول دیار ك صحرا الزنده خلیع العذار كشت و كذار ایدر كن
بر مرغزاره راست كلدیكه انواع ریا حینله آراسته
و بهشت برین كبی انهار شیرین ایله پیراسته رضوان
اول روضه حسنه دن انكشت كزان و آسمان دید
انجمله تماشا سهند، حیران

✽ بیت ✽

درختستان و سبزستان و بستان
جنان باغی اسكا نسبت بیابان

✽ بیت ✽

از كل و سبز، نو خاسته و آب روان
چشم بد دور تو كوی كه بهشت دكرست
(تث)

شتر بهیه اول منزل فرج بخش بغایت خوش
كادی رخت اقامتی انده انزال ایدوب اول مرغزار
كنارند، نزول قبلی چون نیچه زمان بند تكلیف و قید
تكلفدن معرآ اول مرعادی چون و چرا چرا قیلدی
و اول فضای دلگشا و صحرای جان فزاد كمال ذوق
وصفا ایله روزگار كپوردی بغایت قوی جثه و فربه

اولمشیدی و غایت لذت و آسایش و نهایت راحت
آرامشدن بر کور نشاط تام و انبساط تمامه بر بانك
بلند ایدوب صحرا و کوهسار و لوله بر اقدی مکر اول
مر غزار حوالی بسند، بر شیر با صولت و هز بر با شوکت
وار ایدیکه و خوش بسیار کر خدمت میان جانه بند
و سباع بیشمار طوق عبودیتن کردن اذغانه پیوند
ایتش لردی شیر غرور جوانی و نخوت حکومت کامرانی
و کثرت خدم و و وفرت حشمتن عائد، کندودن محتشم
بر فرد تصور ایتزدی و ببر عجیب پیکرو پیل غریب هی کلی
کوزینه کو ستر مزدی اما بو چرا کا کردون و مرائع
سپهر سبز کوند، هر کزنه کار کورمشیدی ونه
آوا زین ایشتمشیدی چون دبدهء بانك شتر به کوش
هوشنه ایردی بغایت هراسان اولدی و سباع انك
هراسنی احساس ایدر لردیو و همندن حرکت ایتجوب
ابواب سیر و شکاری کندویه مسدود قیلدی انك
حشمتد، ایکی شغالی وارا ایدیکه دائم خدمت ملازمته
اشتغال ایدر لردی پرینه کلیله و بر یسنه دمنه
دیر لردی ایکیسی دخی ذهن و ذکا و طبع و دها ایله
مشهور و معروف ایدی اما دمنه بزرگ منش و طلب جاء

و ناموسه زیاده حریص و مشغوف ایدی دمنه فراستله
 بلدیکه شیره خوف کلی مستولی اولوب کوکلی
 بریدن مکدر در کایله به ابتدی ای برادر ملک حقنده
 نه دیرسن که برقاج کوندر که بساط نشاط و انبساطی
 دور مشدر و برکت حرکتدن بری صامت و ساکت
 اوتور مشدر

❀ بیت ❀

یوزنده رنگ آثار ملالت

ایدر رنگ درونیه دلالت

❀ نثر ❀

کایله ایتدی ای دمنه (رحم الله امرأ عرف قدره ولم
 يتعد طوره) سنک نه حد کدر که بومقوله سوز
 سویله سن و احوال ملک و ملکدن سؤال ایلیه سن
 (ع) تو آرز بجا سخن سر مملکت زبکا

❀ نظم ❀

ا کارحت که مقدارینی بیله

نهمز لدیسه اطوارینی بیله

در یلیه دخی قدرندن ارتق

تعدی ائیمه طورندن ارتق

❖ نثر ❖

بزم ملک در کا دولتمنده خدمتکار و سباط نعمتده
طعمه خوارز همان بونعمتی غنیمت بیلک کرک و تفتیش
اطوار ماوک و تحقیق اسرار سلاطین دن فراغت ایتک
کرک بز اول طبقه دن دکاوز که ملازمت سلطانله
مشرف اولهوز یا پادشاه حضورند، شرف تقرب
و اعتبار و محرمیت اسرارله اختصاص بولهوز پس
بزمقوله احوال اسرار ملوکدن استفسار همان
مصدق قصه پوزینه و نبحار در دمنه سؤال ایلدیکه
نه منوال اوزره اولمشدر اول

❖ حکایت ❖

کلیله ایتدی برنجار برچوب اوستنه اوتورب دستره
ایله کسردی ایکی میننی وار ایدی بر یسن منشار راه
آمد شدد شوار اولسون دیوشکاف چوبه قاردی
حد معیندن تجاوز ایدیک میخ آخری قاقوب اولکیسنی
چکردی بواساوب اوزره عمل ایلردی مکر بر پوزینه
حال نبحار و حرکت منشار، برکناردن نظاره ایلردی
ناکا نبحار اثنای کارده بر حاجته قالدی پوزینه چون
محل نبحاری خالی کوردی فی الحال کلدی چوپک اوستنه

چیتوب اوتوردی بروجله که اول کسایش طرفندن
 خایه سی شکاف چوپه چکدی واون شکافند، اولان میخی
 بر یسن دخی قاقدین چکدی بیخ چیتوب چوپک ایکی شقی
 اتصال بولدی و بیچار نک خایه سی میاز چوپه خرد اولدی
 قالدی پوزینه دردمنند درد ایله فریاد ایدوب ایتدی
 بیت

آن به که هر کسی بجهار کار خود کند
 و از کس که کار خود نکند نیک بد کند
 (نثر)

بنیم کارم میو چشاک ایدی ار، کشاک نه ایتمه براردی
 ویکایشه تماشای بیشه ایکن تفرج اره ویششه د نه
 ایشم وار ایدی (ع) آنرا که چنان کند چنین ایدیش
 پوزینه کندوی ملامت ایدر کن نجار کلدی آنی بو حالده
 کوردی صنعتی استاددن کورمینک حالی بودر
 دیدی و تأذیب بلیغی دریغ ایتوب مال حال پوزینه
 یو فضولقدن هلا که مؤدی اولدی کار پوزینه نیست
 بجاری بو مثلی کتوردم نابیله سنه که هر کس کندی
 مناسب کار، مشغول اولق کرک و پرکار وار کندو
 دأره سندن قدم بیرون قومق کرک لله در من قال (لکل)

(عمل رجال)

﴿ بیت ﴾

مثلی یاددارم از یاری

کار هر مرد و مرد دهر کاری

(نثر)

پس ای دمنه بر منصبیدن که سکا مناسب اولیه فراغت
 قیل و نصیب اولن طعمه و لقمه بی غنیمت بیل دمنه
 ایتدی طلب تقرب ملوک طعمه و قوت لایوت ایچون
 اولمق کرک زیر اسن نصیبکدن چسک نصیبک سنی
 بولوروشکم بهر حال خالی قالمز بر طعامله پراولور (نصیبک
 یصیبک) در بلکه فایده ملازمت ملوک مناصب عالی به
 وصولدر تا اول حالده احبایه لطفله نوازشه مجال
 واعدایه قهرله کوشماله اقتدار میسر و مقدر اوله

﴿ شعر ﴾

لما تطلب الدنيا اذالم ترده

سرور محب او اساعه مجرم

(نثر)

کیمک که هر عای همت و مسرح آمالی طعمه و قوتدر
 زمره بهاییدن محسوب و معدوددر کورمز میسن که

(کلب)

کلب جایع بر پاره استخوانله قانع و کر به خسیس نژاد
بر لقمه نانله شاد اولور اما شیر عالی همت بر خر گوش
شکار آتش یکن اتفاق بر کور کور سه آندن فراغت
ایدوب صید کوره قصد قیلور

(بیت)

همت بلند دار که نزد خدا وخلق
باشد بقدر همت تو اعتبار تو
(نثر)

هر کس که مرتبه بلند ترقی قیله هر چند که موسم
کل کی مدت بقای قلیل اوله ذکر جیل سببیه عقلا
قتنه اصحاب عمر طویلدن معدود و محسوبدر و اول
کسه که دون همت و دنی طبیعت اوله اگر چه که خار
کی باقی و پایدار اوله فضلا اعتبارند، دفتر امواتده، هر قوم
و مکتوبدر

(بیت)

سعدیا هر دنگو نام نمیرد هرگز
مرده آنست که نامش به نکویی نبرند
(نثر)

کلیله ایتدی طلب مراتب و مناصب بر طائفه یه

مناسب در که شرف اصل و نسب له استحقاق بولش اوله
و یا نسب فضل و هنر و حسب له استعداد کلش اوله بزبوانیکی
شرطک بریسندن دخی بریوز بز مناصب عالییه
استحقاق و استعداد نجه میسر در و تحصیل مراتبه
اشتغال و اجتهاد نه وجهله متصور در

(بیت)

خیال حوصله بحر می پزم هیهات
چهاست در سر این قطره محال اندیش

✽ نثر ✽

دمنه ایتدی دستمایه ریاست حسب و نسب دکل بلد
عقل و کیاست در و کیم که عقلی کامل و تمیزی شامل
اوله پایه اسافنده قلمز درجه عالییه و اصل اولور
و کیم که عقلی ضعیف و رأیی سخیف اوله مرتبه
شریفدن تدنی و تنزل قیلور

✽ قطعه ✽

به پیشه کاری عقل شریف و رأی درست
توان کند تصرف به آسمان افکند
و کر نه دید دل بر کشاید از همت
نظر بسوی معالی نمیتوان افکند

(نثر)

نثر

اکابر بیور مثلدر که درجات شرفه ترقی زحمت کثیر
ایله ال ویرر و مرتبه عزتدن تنزل کلفت یسیر
ایله میسر اولور سنک کران کبی که روی زمیندن
ارتفاعنه مشقت فراوان لازمدر اما اندفاعنه ادنی
اشارت کفایت ایدر بواجلدندر که همی عالی
اولینلر کسب معالی به رغبت ایتمزلر

بیت

نازنین را عشق ورزیدن نریبد جان من
شیر مردان بلا کش پادریں غوغا نهد
(نثر)

کیمکه (الخمول راحة) آسایش طلب قیله آبرودن ال
یو یوب دائم الوقت مقیم زاویه ذلت و حقارت اولوق
مقرر در اول کسه که * الشهرة آفة * خارستائندن
خوف ایتیه آزمودنده کل مراده واصل اولوب چن
عزنده مسند نشین عشرت اولوق محققدر

نظم

تاغم نشورد و درد نیفزود قدر مراد
چون لعل خون نکرد جگر قیمتی نیافت

در نامه سعادت خود مر دراه رو
بی داغ محنتی رقم دولتی نیافت

نثر

مکر سبب اول ایکی رفیق داستان استماع ایتمد که
بر یسی رنج و محنته تحمل ایتمکله ذروه سلطنته ترقی
قیلیدی و بر یسی تن آسانی و کسالت سببیه حضیض
ذنات و سفالتده قالدی کلیه ایتدی نه کیفیتله اولمشدر
اول

(حکایت)

دمنه ایتدی روایت ایدر لر که ایکی رفیق که برینه سالم
دیرلردی و بر یسنه غام بر طریقه کیدرلردی و موافقت
و مرافقتله مر احل و منازل قطع ایدرلردی ناگاه اثنای
راهد بر کوهه ایردی لر که قله سی خنک آسمانه عنان
در عنان و کبری توسن سحابله رکاب اندر رکاب ایدی
اول کوه دامنده بر چشمه کوردیلر که صفاده رشک
رخساره تاز رو یان و خلافتده غیرت شکر کهفتار
و شیرین لبان ایدی چشمه اوکنده بر حوض عظیم
دوزلمش و کردا کردند سر تسر سرو و صنوبر و چنار
و غر و دیزلمش اطراف الوان ازهارله ملون و اکنافی

(انواع)

انواع اشجار له مزین

﴿ مشنوی ﴾

حوالسی سراسر گلستاندر

گلستان جابجا آب رواندر

اوتوز مشایر یا حین دست بردست

کلاهین اگری کیمش لاله مست

سوزش ترکسک چشم سیاهی

ایدر نسرینه مستانه نمکاهی

﴿ نثر ﴾

القصه اول ایکی رفیق بادیه هولنا کدن اول منزل
پا که یتشدیلر چون جای خوش و مأوی دلکش ایدی
اول مقامده آسایش و آرام ایتدیلر چون بر زمان
یاتدیلر طوروب اطراف خوض و چشمه یی سیرایدوب
هرجانبه نظر ایتدیلر ناگاه کنار حوضده جانب ممرآبد
برمرمر سفید کوردیلر و خط سبز ایله که صحیفه
حکمت اوزره قلم قدر تدن غیری انک رغن چکمز آند
یازمشکه ای شول مسافر که بومنزلی بوشرف نزولاله
مشرف قیلدک بیلش اولکه بزنزل مهمانزری اعلی
درجه ده مهیا قیلشزدر ولی بشرط آنکه سردن

کجوب بو چشمه آبه قدم بصره سن وهول کرداب
 وخطر غرقابدن وهم ایتیموب کندینی هر نه طریقله
 قادر اوله سن کناره یتشدیره سن واول طاشدن تراش
 اولمش شیرینی که اول کوه دبنده وضع اولمشدر بردوش
 اید، سن و بی تعلل و تأمل بر حله ده بالای کوهه
 یتشدیره سن وهیت سباع جان شکارله که مقابله که کله
 وشوکت خار دل آزارله که دامن کیر اوله کار کدن قالمیه سن
 چون بو شرط تمام اوله مهمک سرانجام بوله

❖ رباعی ❖

تاره نرود کسی بمنزل نرسد
 تاجان نیکند بعالم دل نرسد
 کر جله جهان بکیرد انوار قبول
 یک شعله جز بمرد قابل نرسد

❖ نثر ❖

مضمون خطی کور یجک ومفهومنه واقف اولیجق
 غام ساله ایتدی ای برادر کل قدم مجاهدتله میدان
 مخاطره بی قطعہ قصد قیله لم وبوطلمسک حقیقته
 اطلاعده ممکن اولدیغی قدر سعی وجهد ایدلم

❖ بیت ❖

یا بر مراد بر سر کردون نیم پای
یا مر دواد بر سر همت نیم سر

✽ نثر ✽

سالم ایّدی ای یار عزیز مجرد بر خطله که آنک رقی
معلوم و حقیقتی مجزوم اولیه خطر عظیمه ارتکاب
خلاف مقتضای عقلدر وقاعده و همی و منفعت خیالی
تصور یله نفس نفیسی مهلاکه عظیمه یه القادیل کال
جهلدر هیچ عاقل تریاق مظنونله اکل زهر متیقنه
اقدام ایتمز و هیچ خردمند راحت نسیه ایچون محنت
نقد ار نکاب ایلز

✽ بیت ✽

نیست برابر نزد مردم دانا
یکدمه غم با هزار ساله تنعم

✽ نثر ✽

غانم ایّدی ای رفیق شفیق هوس استراحت مقدمه خست
ودنا تدر وار تکاب مخاطره نشانه دولت سعادتدر
(قطعه)

هر که آسودگی و راحت جست
دل خوا در زبخت شاد نکرد

وانکه ترسید از جفای خنجر

قدح باده مراد نخورد

(نثر)

هر دبلند همت توشهء کوشه ایله قناعت قیاز و پایه
بلنده ایرمینجه مسند فراغند، راحت اولمز کل طرب بی
خار تعب میسر دکل و قبح در کنج بی کلید رنج متصور
دکلدر

❁ بیت ❁

زیانسرزنده اولور دنیا ده سود

جهانده وارمیدر حلوائی بی دود

❁ نثر ❁

مقتضای همت عالی بودر که بو منزلدن کتیه وز ناقدم
جهد ایله سر کوهه یتیه وز و تحمل باعنا و توغل
کرداب بلادن اندیشه ایتیه وز

❁ بیت ❁

کردر طلبش مارار نبی برسد شاید

چون عشق حزم باشد سهلست بیابانها

❁ نثر ❁

سالم ایتدی مسلم که هر دم بوی بهار دولت بی باد خزان

(نکبت)

نکبت میسر اولمزش اما بر بیابانده سیاحت ایتک
 که بایانی اولیه و بر عمده سیاحت ایتک که کنار
 و کرانی بولمیه طریق خرددن دور بلکه مذهب
 شرعه دخی محظور در هر کسسه که براسره شروع
 قیله کر کدر که مدخلی بلدیکی کبی مخرجنی دخی بیله
 ومهمتک آغازندن انجمنه نظر ایدوب مقدار ضرر
 ونفعن معیار فکر و اعتبارله تمیز قیله تا که رنج
 بیهوده چکمامش اوله ونشم عمر عزیزی هبء فساد
 اکمش اوله

✽ مثنوی ✽

تازکنی جای قدم استوار
 پای منه در طلب هیچ کار
 در همه کاری که درانی نخست
 رخنه بیرون شدنش کن درست

✽ نثر ✽

شاید که بو خطده و خلط و خبط اولمش اوله و یا سخره و استهزا
 طریقیله کتب و نبت اولمش اوله و یا بواب بر کرداب اوله که
 ساحلنه سیاحتله وصول میسر اولیه فرضا که میسر اوله
 ممکن که وزن شیر سنگین بر مشابده اوله که تسلی ممکن

اولیه تسلیم ایدالم که ممکن اوله شاید که بر حمله ایله قله
 کوهه چتهق ممتنع اوله و بوشرائطك جمله سی
 ممکن اولدیغی تقدیرجه دخی معلوم دکدر که نتیجه
 نه واقع اولور بن هله بومعامله ده سئکله همراه دکلم
 وسنی دخی بوسودای خامه اقدامدن منع ایدرم غام
 ایتدی بوخیال محالدن فارع اول که بن کسه قولیه
 عزیمتمدن واز کچمزم وعقدایتدیکم عهدی وسوسه
 شیاطین انس وجمله نقض ایتمزم بن بلد مکه سن بوباید
 بکا همراه اولمزن سن و مرافقتد موافقت قلمزن سن
 باری تماشایچون کل نظر ایله ودعا و همتهکی رهبر ایله

بیت

دانم که ترا قوت می خوردن نیست
 باری بتماشا که مستان بیای

نثر

سالم جزم ایتدی که غام عزیمتد، جازم در ایتدی
 بلدیم که بن پندمله مقید اولمزن سن و بوکار بیهنجاره
 ارتکابدن اجتناب قلمزن سن بنم بو حال مشاهدیه
 طاقتم یوقدر و خلاف مقتضای طبعمی تماشایه رغبتم
 یوقدر پس همان

❀ بیت ❀

صواب اولدر که قویم کاروباری
چیقم بوورطه دن طوتم کناری
❀ نثر ❀

لاجرم احوال و اثقالن راحله سنه اوردی ورفیقک
وداع ایدوب یوانه کیردی غانم جان شیریندن ال یویوب
کنار آبه کلدی وایتدی

❀ بیت ❀

در بحر محیط غوطه خواهم خوردن
یاغرقه شدن یا کهری آوردن
❀ نثر ❀

پس دامن عزیمتی کر همته استوار ایدوب چشمه یه
کلدی اول چشمه دکلدی بلکه بر دریا ایدیکه کندویی
صورت چشمه ده کوسترش ایدی غانم جازم اولدیکه
اول چشمه کرداب بلا یا ورطه رنج و عنادر اما قلوبن قوی
طوتوب آشنای یقینله ساحل نجان واصل اولدی کنار
آبه کلوب بر دم تنفس ایدوب شیر سنکینی قوت تمکین ایله
پشته چکوب هزار کونه زحمت تحمل ایدوب بر حله
ایله قله کوهه یتشدی و رای کوهده بر شهر پر شکوه

کوردیکه سوادى بياض دیده حورادن روشن
واطرافى بوستان وکلستان وکلشن هواسى غایت
خوش وفضاسى بغایت دلکش

❀ بیت ❀

سوادى دیده کبى منبع نور
سواد دیده کبى عیدن دور

❀ نثر ❀

غانم بالای کوهدن جانب شهره نکاء ایتدی ناکاء شیر
سنگیندن برصدای سهمکین ظاهر اولدیکه غایت
صدمت وصالبتدن کوهه زلزله و صحرايه ولوله
دوشدی چون اول صدا شهره یتشدی برکروه انبوه
جانب شهردن طرف کوهه متوجه اولدی لرغانم دیده
حیرتله نکران و هجوم خلیقندن حیران ایدیکه ناکاء
اول شهر عظیم الشانک ارکان واعیانى کلوب رسم دعا
و شرط ثنائى یرینه کتوردیلر والتماس تمامله براسب
رهوار باد رفتاره سوار ایتدی لر و تعظیم واحترامله جانب
شهره ایتدی لر سروتن کلابله پاک و عبیر و عنبرله
عظرناک ایدوب پادشاهانه خلعتلر کیوردیلر واعزاز
واکرامله اول ولایتک زمام ساطنتن کف کفیتنه

(تفویض)

تفویض قیلدیلر

❖ بیت ❖

نه دگاو وار ایسه تعظیم واجلال

ایدوب قیلادیلر بر قیلجه اهمال

❖ نثر ❖

غانم کیفیت حالدن سـؤال ایدییک بو منوال اوزره
جواب و یردیلر که فلاسفهء سالفه اول چشمه ده که
کوردهک بو طلسمی دوزتمش لر در و اول شیر سنکینی
انواع فکر و تدبیر و ملاحظهء تأثر کواکب و طلوع
درجات و نظرات ثوابت و سیارات ایله اول موضعه
وضع اینمش لر در و نیجه مدته بر صاحب همت دلالت
رهبر بنت و دولته بو منزله نازل اولور و بو چشمه یی
قدم سباحته چکوب و شیر سنکینی قوت تمکینه
پشته چکوب بالای کوهه واصل اولور اما بو حال
بر زمانه وجود کور که بوشهرک شهر یاری دیار
عدمه کتمش اوله چون بحکم الهی بو ولایتک پادشاهنک
آفتاب حیاتی برج بدنن غروب ایدر اول صاحب
دولتک ستارهء حتمی بو کوه ذرود سندن طلوع
ایلر و صفیر شیر شهره یتشوب خلایق استقبال ایدر لر

وانی مسند سلطنته پکوروب سایه معدلتده
آسایشه روزگار پکورورل اول زمانکه آنکدخی توبی
آخر اولور دور صاحب قران آخر ظاهر اولور

❖ بیت ❖

چنینست رسم پنج سرای
یکی چون رود دیگر آید بجای

❖ نثر ❖

نیجه روزگاردر که عادت باری عز اسمہ دستور
مزبور اوزره جاریدر سز حالیا بوقاعده موجبجه
پادشاه شهر وفرمان فرمای دهرسز (ع) ملک آن
تست وفرمان فرمای هرچه خواهی * غائم بلدیکه
بونجه بلا و محنت و عنا و مشقت مقتضای تقاضای
دولت ایمش

❖ بیت ❖

دولت چوبه بیش کار آید
هرکار چنان کند که شاید

❖ نثر ❖

بومثلی کتوردم تا بیله سنه که نوش نعمت بی بیش
محنت میسر دکادر

❖ بیت ❖

بودر بودیرا بچنده رسم دیرین
که آجی سز بولمز عیش شیرین

❖ نثر ❖

بر سر که سرفرازلق سودا سیله مالامال اوله پایمال
اسافل واراذل اولق محالدر و مرتبه دنی و پایه
دونه قانع اولق ممتعدربن تا درجه تقرب شیر
حاصل قلم و تاداره خواص حضرتند داخل اولیم
بالین فراغته سر قومیم و یستر استراحته قدم بصمیم
(ع) دست از طلب ندارم تا کام من بر آید *

❖ نثر ❖

کلیله ایتدی بوبانی نیجه کلید اندیشه ایله فتح
ایتمک دیلرسن و بومش کلک حلسده نه حینله فکر
ایلرسن دمنه ایتدی دیلرمکه بوفرصتد، که شیر
حیرت کلی مستولی اولشدر کنیدی اگاعرض ایدم
ممکن که حسن تقریر و لطف تعبیر مزاج ضمیرند
تأثیر ایدوب نوشداروی تدبیر مزیل طرح و مفید فرح
واقع اوله و بوس سیله ایله حضرتند ربت قربتم
از دیاد و درجه آفتاب رفعتم ارتفاع بوله کلیله ایتدی

ای خام تدبیر تقرب حضرت شیر سکا نیجه میسر
 اولور اکر اولور سه ده، چون طریق خدمت ملوکه
 سلوک ایتدیش سن و رسوم آداب مصاحبت سلاطینی
 بیلر سن آرزماند، تعب فراوانله تحصیل ایتدیکک پایه بی
 الدن چقروب من بعد انک تدارکنه قادر اولر سن
 دمنه ایتدی چون کشتی دانا وتوانا اوله مباشرت
 امور عظام اکا آسانی اولور و هر کسه که عقل
 و خردده کامل و فضل و هنرده ماهر اولور هر کاره که
 خوض اید، احسن وجوه اوزره وجود بولور ته که
 اخبارده کلمشدر که اهل صنعتدن برینک آفتاب دولتی
 ارتفاع بولوب درجه سلطنته ایردی و آثار و اخباری
 اقطار عالمده انتشار و اشتهار بولدی قدیمی پادشاهلردن
 بریسی اکا ناعه ارسال ایدوب سؤال ایتدیکک سن
 برنجار ایدک ایودرو کرلک بیلوردک تدبیر مملکتی و امور
 سلطنتی کیمدن او کرندک اولدخی جواب و یردیکه
 عنایت ربانی بکادولت عقل ارزانی بیوردی جهانداراق
 تعلیمده هیچ دقیقه مهممل قومدی

بیت

خرد چون دفتر تلقین کشاید

زمن آن در وجود آید که شاید

❖ نثر ❖

کلیله ابتدای ملوک دوکلی ارباب فضلی کراماتله
مخصوص قیصر بلکه اکثر خواص ارثله یا اکتساب
ایله درجه تقریه یتسوب التفات پادشاهانه ایله
اختصاص بولش چون سنکله شیرمیاننده نه سابقه
موروثی ونه وسیله مکتسبی وارد اکثر احتمال بودر که
عواطف و عوارفندن محروم اوله سن و بومعنی موجب
شمت اعدا و شامت احبا اولوب دشمن کاملر دفترنده
مر قوم اوله سن دمنه ابتدای هر کسه که عتبه ملوکده
درجه رفیعیه تدریجیه ایردی واکا اون مرتبه مشقت
فراوان و تربیت سلطانله ال ویردی بندخی همان اول
پایه بی جست و جو و اول سبیدن روز و شب قدم
طلبه وادی تعبده تک و پوایدرم و عذاب بسیار
چکدیکمه و شراب بدکور ایچدیکمه اول چاشنی باعث
اولشدر که بادئه لذتله جام کام و آرزو طولشدر
یلورمکه هر کسه که درکا، ملوککه ملازمدر
بو بش قاعده بی رعایت اکا لازمدر اول بودر که شعله
آتش خشمی آب حله ایله تسکین اید، (ایکجی) اغوی

شیطان هوادان حذر ایلیمه (اوچنجی) حرص
 فریبند، بی و طمع فتنه انگیزی عقل رهنمایه مستوی
 قیلیمه (دردنجی) سوانح امور و مصالح جهورد،
 عنان صدق و استقامتی الدن قومده (بئنجی)
 حوادث وقایع که واقع اولور رفق و مدارا ایلیمه تلقی قیلیمه
 و هر ذاتکه بوصفاته متصف اوله هر آینه روی عروس
 آمالن آینه دور اند، احسن احوال اوزره معاینه قیلیمه
 کلیمه ایتدی فرضا که مقرب حضرت اوله سن نه وسیله ایلیمه
 منظور عین عاطفت اولور سین و نیجه هنر و معرفتله درجه
 رفعت و شرف کرامت بولور سن دمنه ایتدی شویله که
 تقرب حضرت و محرمیت استانه دولت میسر اوله
 بوبش خصالتی کنیده لازم قیلورم اوله اخلاص
 تامله خدمته ملازم اولورم (ایکنجی) جل همی اکا
 متابعت مقصور قیلورم (اوچنجی) احوال و افعالی
 صورت استحضارنده کوستیرم (دردنجی) چون
 بر امره خوض اید، که حقه قریب اوله و صلاح حال
 ملک و ملکی اند، ملاحظه قیلیمه انک دیده و دلنده مزین
 و فوائد و منافع نظرند، روشن و متین قیلورم تاسداد
 رأی صواب ارشاد ایلیمه شاد اوله (بئنجی) بر امره

شروع قیلسه که عاقبتی وخیم اولسه واندن ملک
وملکه ضرر عظیم لازم کلسه کلام شیرین وادای
رنسکین ورفق تمامله مضرتن اعلام ایدوب وخامت
خاته سندن خبردار ایدرم وهرکا، که بادشاه
بنم هنرلرمدن اگا، اوله بی شبهه بنی منظور عنایت
ومخصوص رعایت قیلسردرو پیوسته صحبته راغب
ونصیحتمه طالب اولنسر که هیچ برهنر ورای پردء
خفاده، قالمز و برهنور ترتیب وتقویتدن محروم اولمز
﴿قطعه﴾

هنر چومشک بود مشک کی نهان باشد
جهان زنکھت او پرز بوشود ناکا،
برو بکسب هنر کوش کن فضائل تو
بسیط خاک پراز گفتگو شود ناکا،

﴿نثر﴾

کلیله ابتدی شویله فهم اولنور که رأیک بوامر اوزره
تقرر بولمشدر وعزیمتک ومهمک امضاسنه مصمم
اولمشدر باری تمام حذر اوزره اولکه ملازمت
سلاطین امر پرخطر وکار دشوار در حکما بیورمشلردر که
اوج امره ارتکاب ایتمز الاصول باطل که کردن فطرتی

زیور فطنتدن عاقل اوله اول تقرب سلطانه قصد
ایتمک (ایکنجی) کان تریا کله سم ایچمک (اوجنجی)
عورتلره سرنی کشف ایتمک علما پادشاهلری کوه بلنده
تشبیه ایتمشلردر که اگرچه معدن انواع جواهر و فلزاتدر
اما مسکن مارو پلنک و سائر موزیاتدر دیشلردر که
مصاحبت سلطان مشابه بحریه کراندر بازارکان
که سفردر یا اختیار قیلور یا سود بسیار اله کتورر
یا غرقاب بواره گرفتار اولور

❖ بیت ❖

بدریادر منافع بی شمارست
اگر خواهی سلامت در کنارست

❖ نثر ❖

دفعه ابتدی اگرچه بیوردیغک محض نصیحت وعین
حکمتدر واقعا صحبت سلطان آتش سوزاندن عبارتدر
وفي الحقیقه تقرب ملوک خطر جانندن کنایتدر

❖ بیت ❖

از صحبت پادشاه پیر هیز
چون هیزم خشک از آتش تیز

(نثر)

(نثر)

فاما هر كس كه مجاهده يه ارتكاب ايتز مخاطره دن
خوف ايدر عروس دولتي كنارنده مشاهده ايلز
كيدر

❖ بيت ❖

از خطر خيزد بزرگي زانكه سوديك چهل
برنبد دگر بترسد از خطر بازار كان
(نثر)

ديشردر كه اوج امره شروع ايتك ممتعدر الاعلو
همتله عمل سلطان وسفردر ياومغالبت اعدا چون بن
كنديمي دون همت اكلمز نيچون خدمت سلطانه
جرات ايلزم

❖ مثنوي ❖

چون يازوي همتم چنينست
هرچه طلبم در آستينست
خواهي شرف بزرگواري
مي كوش بهمتي كه داري
في الجملة بهرچه دست سايي
همت چوقوي بود براي

❖ نثر ❖

کلیله ایتدی اگرچه بن که بوتدییره مخالف و بوفکری
منکرم اما چون عزمک بوامرده جازم والبته بورائی
امضاقتکده لازمدر (الدن نه کلور مبارک اولسون)

❖ بیت ❖

ایشتمزسن چو پندین خیر خواهک

سلامت اول یوری و اواشته راهک

(نثر)

دمنه کلیله بی وداع ایدوب کتدی و دخول حضرت
شیره جرأت ایتدی چون شیر ی اراقدن کوردی
وظایف دعا و ثنای صدای بلند ایله ادا ایدوب مقابله
سنده طوردی شیر بو کیمدر دیو ارکان دولتدن
صوردی ایتدی لر نبیره فلاندر که بر زمان ملازم درکا،
فلک اشتباه ایدی شیر کیم ایدوکن تشخیص
و حضورنه دعوت ایدوب و ایتدی قند، سن ونه
عملده سن دمنه ایتدی

(بیت)

غلام حلقه بکوشم قیو کده بن بند،

در کده نیچه قولک وار بریسی یم بند،

❖ نثر ❖

(کترین)

کترین بندکان شاهم پدرم آیینی اوزره ملازم درکا،
 عالمپناهم و آتی قبله حاجات و کعبه مرادات ایدینوب
 منتظرم که اگر بر مهم ظاهر اوله و حکم همایون شر
 فصدور بوله کمال فکر صوابله کفایت کوسستم
 ور آی روشمله اکا خوض ایدم نته که ارکان دولت
 و مقربان حضرته کفایت بعض مهماتده احتیاج
 واقع اولور شاید که درکا، پادشاهیده بر مهم حادث
 اوله که زیر دستلرا هتمامیله انمام اولنه (ع) اندرین
 راه چوطا ووس بکارست مکس * بر فعل که سوزن
 نسیقندن ظاهر اولور نیزه جوشن گذارانک تصیلنده
 قاصردر و بر امر که قلمتراش ضعیفدن صادر اولور
 شمشیر آبدارانک اتمامنده مقصردر .

✽ مثنوی ✽

بتورمز رشته سوزن ایشنی هیچ

نه دکاوتاب ویرسکده اولور هیچ

کرک قان دوککه شمشیر خونریز

کهر دلیککه الماس سر تیز

✽ نثر ✽

هیچ بر خدمتکار هر چند که بقدر و بی اعتبار اوله

جلب منفعت و دفع مضرتدن خالی دکلدر اول چوب
پاره خوار که طرف رهگذارده پایمال و خاکسار
یاتور محمقدر که بر کون بر مصلمته و یابر منفعته یرایه
هیچ اولمزسه احتمالدر که اندن بر خلال ایده لر تا آنسکه
مقعر صماخی اوسا حدن آریده لر

بیت

کر بوی کلی نیاید ازما

هم هیزم دیک رانشایم

نثر

شیر چون دمنه نک تقریر بنظیر و تعبیر دلپذیرین ایشدی
فصاحت و بلاغت زیاده تعجب ایتدی وارکان دولته
توجه ایدوب ایتدی مرده نمند اگر چه کم مقدار اوله
اماعقل و دانش بی اختیار فضائلن اظهار ایتسه
اولمز علو آتش کبی هر نه قدر پست اولسه علوه
میلن قومز

بیت

خوش دیمش بونی مرد حکمت دان

هنز اولمزته که مشک نهان

بیت

انرا که نشان عشق یارست

بر ناصیه وی آشکارست

❖ نثر ❖

دمنه بوسوزدن شاد اولدی و بیلدیکه سحر و افسونی
شیره تأثیر قیلدی و نیرنگ و فریبی بغایت مؤثر کلدی
دهان فصاحتی آچدی و نصیحتہ آغاز ایدوب ایتدی
پادشاهک کافہ خدم و عامہ حشمنہ لازمدر کد واقع
اولان وقایعد، عقل دراک و فہم و ادراکری مقدار نبجہ
تأمل ایلیدلر و ہر برینک معیار فکر و اعتبارندن
تمام عیار واقع اولانی عرصہ عرضہ یتشدیروب
شرایط مناصحہ د، مسامحہ بی روا کورمیدلر تا ملک
اتباع و اشیا عنک حقیقتنہ مطلع اولہ و ہر برینک
مقدار رأی و تدبیر و صفنای قلب و خلوص ضمیرینہ
واقف اولوب ہم انلرک خدمت لرنندن منتفع اولہ و ہم
لیاقت و استحقاق لری حسب نبجہ رعایت قیلہ نتہ کہ
دانه مادامکہ پردہ خاکد، نہان اولہ کسہ انک
تر بیتنہ اہتمام ایتمز چون نقاب خاکدن یوز کوسترہ
و خلعت زمر دینلہ کریبان زمیندن باش چقرہ اول
نہال مہو، دار و درخت نفع رسان ایدوکی معلوم

اولور لاجرم آنی پرورش قیلورلر وانک شرمه سندن
منتفع اولورلر تقویت ارباب فضل بایند، اصل تربیت
ملوکدر پادشاهلر اهل فضلدن هر که که نظر
عاطفت بیوررلر تربیتلری قدر اندن فائده ومنفعت
کوررلر

✽ بیت ✽

من همچو خار و خاکم و تو آفتاب وابر
کلهها و لاله ادا هم ارتر بیت کنی

✽ نثر ✽

شیر ایتدی هنرمندلره نه کیفیتله تربیت اولمق کرک
وانلردن نه وسیله ایله منفعت اوممق کرک دمنه ایتدی
بوفصلده اصل بودر که پادشاهلر نسبی قویوب حسب
التفات ایلیدلر وچهرهء حالری خال فضل وکمالدن
خال اولنلر هر چند که عظام بالیه وآبا واجداد
ماضیه به توسل و تسک ایدلر منظور عین اعتبار
قیلیه که آدمی هنره منسوب اولمق کرک پدره منسوب
اولمق فضیلتندن محسوب دکدر وارباب فضل قنده
کمال نسب مطلوب دکدر

✽ مشنوی ✽

از هنر خویش کشا سیند را
 مایه مکن نسبت دیرینه را
 زنده بمرده مشوای نامم
 زنده بکن مرده خود را بنام
 از پدر مرده ملاف ای جوان
 کرئه سکی چون خوشی از استخوان
 ❁ نثر ❁

موش با وجود که انسانیله همخانه در اذیت و مضرت
 سببیه قتلنی واجب کوررلر و باز که غریب و بیگانه در
 چون آندن منفعت احتمالن و بررلر اعزاز و اکرامله ال
 اوزره کتوررلر پس ملک کر کدر که بو آشنا و بیگانه در
 دعییه بلکه اهل فضل و فرزانه طلب ایلیه و تدبیر
 اموردن غافل و زیور. هنردن عاقل اولئرلی هنرمند
 فاضل و خردمند کاملدن ترجیح ایلیه که خردمندلر
 منصبین ببنخودله و یرمک همان حلیه سری پایه بند
 و پیرایه پانی سره پیوند ایتمکدر (ع) التاج للرأس
 والخلخال للقدم

❁ بیت ❁

نکویی باندان کردن چنانست

که بد کردن بجای نیک مردان

❖ نثر ❖

هر دیارده که اصحاب فضل پایمال وارباب جهل صدر
نشین صفهٔ اقبال اوله هم ملکی و بال عظیمه کبروب
* من قلدا انسانا و فی رعیتہ من هو اولی منه فتد خان الله
ورسوله و جماعة المسلمین * حدیثی موجبہ مستحق
عتاب و عقاب باری و هم مملکنه خلل کلی طاری
اولوب اول حالتک شأمتی شاه ورعیتہ ساری
اولور

❖ بیت ❖

همای کو مفکن سایهٔ شرف هرگز
دران دیار که طوطی کم از زغن باشد

❖ نثر ❖

چون دمنه نصیحتدن فارغ اولدی شیرآنی التفات
شاهانه ایله مخصوص قیلوب جمله خواص حاضرندن
قیلدی و صحبت و نصیحتیه انس و الفت ایدوب امهات
مهماتی و عظیم مصالحی انک مواعظ و نصایحه مبتنی
قیلدی دمنه دخی روشن عقل و کیاست و دانش
و فهم و فراستی فهرست دیباجه خدمت و ملازمت

(ایدوب)

ایدوب آزوقته، محرم حرم سلطنت اولدی و اصلاح
 امور مملکتده مدار علیه و مشار الیه اولوب رتبه
 وزارت بولدی بر کون وقتی مساعد وزمانی موافق
 کوروب خلوت طلب ایتدی و ایتدی مدت مدیده، در که
 ملک بر کوشه ده منز و یدر و برکت حرکت و نشاط
 شکاردن بر یدر بنده نک خاطر فائزینه خطور ایدر که
 موجبی ندر بیل و سر انکشت تدبیر ایله اول عقد، نک
 حلقه مشغول اولم شیر قصد ایتدیکه حال هراس
 و خوفی دمنه دن مخفی طوته بواشاده، ینه اتفاق شتر به
 بر بانک بلند ایتدیکه صیت صدمت و صلابتی آفاق
 طوتدی شیر چون بو صدای مهیبی ایشتدی قابنه
 بر مرتبه خوف و وحشیت غلبه ایتدیکه عنان تملک
 و قراری قبضه اقتدار و اختیارندن کتدی ناچار
 رازنی دمنه یه اظهار ایدوب ایتدی بنم سبب دهشتم
 بو آواز مهیبدر که ایشدر سن و موجب خیرتم بو صدای
 صعب بانمبیدر که مشاهده، ایدر سن ~~ا~~ کر چه یلزم
 بو کیمک آواز یدر اما ظنم بودر که صاحبک قوت ترکیبی
 آواز ینه مناسب اوله اول تقدیر چه بزه بو مقامده حرام
 حرام اندر حرام اولور دمنه ایتدی خاطر خاطر ملاکه

بوندن غیری باعث تفرقه وارمیدر شیرایتدی سبب
حیرت بویتزمی وموجب وحشت اولمغه کفایت ایتزمی
دمنه ایتدی بو قدر نسنه ایله مکان موروثی جلاقلق
روطن مألوفدن جدا اولق جدانا معقولدر آواز
نه اعتبار ونعرونک نه مقداری وار که موجب ترک یار
اوله اصحاب دولت عموما وار باب سلطنت خصوصاً
کو، شامخ کی ثابت وراسخ اولق کرک تا ارکان دل
وایوان خاطرلری هر بادله متزلزل اولیه

❖ بیت ❖

کشی نسکین کرک مانند کهنسار
کرکزیل کی اولق سبکبار
(بیت)

تاز هر بادی نبجنی پادامن کش چوکوه
هر که تمکین بیش دارد بیشتر دارد نشکو،
(نثر)

اکا بریور مشلردر که مهابت صوت وضخامت
جشه یه اعتماد ایتماک کرک که هر صورت معنیه دلالت
قیلز وهر ظاهر نمودار باطن اولمزن هر چند که فربه
اوله چوپ لاغراه شکسته وکلنک نه قدر عظیم

(وجسیم)

و جسم اوله چن کال باز ضعیف و نحیف ایله دلخسته
اولور هر کسه که جسامت جثه یه اعتبار قیله اول
بنده کرفنار اوله که اون رو با، اولمشدر شیر ایتدی نه
وجهله اولمشدر اول

(حکایت)

دمنه ایتدی روایت ایدرلر که بر رو با، بر یشده، کیدردی
ودغدغه جوعدن اطراف کشت ایدوب طعمه اندیشه
ایدردی اتفاق بر درخت قرینه کالدیکه اکا بر طبل
آصمشار ایدی و صدمت باد یختمله اول درختدن
بر شاخ حرکت ایدوب اول طبله طوقنوردی و آندن
آواز سهمین ظاهر اووردی رو با، کوردی بر خروسی
باشنده تاج کارسی واکشده لباس طاوسی بر چنزارده
کذر و هزار عز و ناز ایله تیخترو اهتر از ایدر بر کوشده ده
کین ایدوب آنی صیده مترصد اولدی بو ائشاده ناکا،
آواز طبل کوشنه ایردی نگاه ایتدی کوردیکه بر جثه
غریب اندن آواز مهیب کاور قو، طامعه رو با،
هیچان ایدوب خیالنه بوخیلجان ایتدیکه هر آینه بونک
کوشتی و پوستی صوتنه مناسب اولسه کرک فی الحال
کین مرغدن چقوب جانب درخته توجه ایتدی

خروس واقعه دن خبردار اولوب کنار نجاته یتدی
 رو با هزار محمله بالای درخته چقدی و دندان طمغه
 طبلی پاره لدی ایچنده باد هوا او ستنده چوب خشک
 و پوست بینوادن غیری نسنه بولمدی آتش حسرت
 خرمن جانی یاقدی وفواره دیده سندن آب ندامت
 فراوان آقدی و کندو کندو یه زبان ملامتی درازایدوب
 ایتدی در یغ و صورت بیغنی به آلدندم و خیف بو خیال
 محاله صید خالام الدن چقاردم
 (قطعه)

دهل در فغانست دائم ولی
 چه حاصل چواندر میان هیچ نیست
 کرت دانشی هست معنی طلب
 بصورت مشو غره کان هیچ نیست
 * نثر *

بو مثلی آنکچون کتورد مکمل آواز مهیب و هیکل
 غریب له مضطرب اولیه و ذوق شکار ولذت حر کتدن
 واز کلمیه اگر فرمان عالی شرف صدور بولور سه بو صدانک
 صاحبی واروب کورم و واقع حالی بیلاوب
 عنقریب عز حضور موفور الحبوره خبر صحیح کتورم

طایع شیر، تدبیر دمنه موافق کلوب بر موجب فرمان اول
 جانبہ روان اولدی اما چشم شیردن نابید اولیحق
 شیر تأمل بحرینہ طالیدی و دمنه بی ارسال ایتدیکنه
 ندامت ایتدی و کندو نفسی ملامت ایدوب ایتدی
 عظیم خطا ایتدم و عجب ناسزا حرکت ایلدم حکما
 یورمشاردرد که ماو که واجبدر که طقوز طائفه بی
 محرم اسرار ایتیدلر و مهمات خاصه سندن کتمانی
 لازم اولان اموری آنلره اظهار ایتیدلر (اول) هرکسکه
 که درکا، پادشاهد بی جرم و جنایت جرعهء ملامت
 نوش ایتش اوله و بی استحقاق عتاب چاشنی عقاب
 طائش اوله (ایکنجی) اولکه مال و حرمتی ملازمت
 پادشاهده هبا اولش اوله و معیشت زندکانیسی تنک
 اولوب بی برک و نواقالش اوله (اوچنجی) اولکسکه
 منصوبدن عزل اولنوب نظر عاطفت شاهانه دن
 بعید ونوید عمندن بالکلیه ناامید اوله (دردنجی)
 شیر پشته جوی و مفسد عیبکوی (بشنجی) شول
 مجرمکه یاراتی شراب عفو ایچمش اوله و اول خیار
 عقوبت چکمش اوله (اننجی) اول کنه کار که ابنای
 جنسی کوشمال بوله واکا نلردن زیاده واقع اوله (یدنجی)

اول خدمتکار که کمال استقامت له خدمت قیله وعواطف
خسروانه دن محروم قاله وغیر یلری بی سابقه خدمت
شرف تربیت بوله (سکزیجی) اول شور بخت که پادشاهه
مضرتده کندویه منفعت تصور ایلیه (طقوزنجی)
اول کسینه که درکا. شاهد، شرف قبول بولیوب
عدوی دولتی قتده کندوسن مقبول یله ملوک کر کدر که
طوایف مر بوریه افشای راز ایتمکدن احتراز ایلیه لر
واصل بودر که بر کسینه ننگ دین و دیانت و صدق
وصیانت کرات و مر اتله آزمایش ایتمه دن محرم اسرار
ایله نمیدلر

بیت

راز مکشای بهر کس که درین مرکز خاک
سیر کردیم بسی محرم امرار نبود
(نثر)

پس بو مقدمات موجب دمنه بی امتحان ایتمه دن اظهار
اسرارده تعجیل فکر غیر سدید و جانب خصمه ارسالده
استعجال خود روش حزم و احتیاطدن بغایت بعید
ایدی و بودمنه زیرک شخصه بکزر باوجود که
نیجه روز کاردر که در کا هدن مهجور ایدی اگر عیاذا

بالله قلبی خار آزارله خراش اولمش اوله بوفرصته
برخیانت ایدوب محتملدر که برفته قور پریا خود خصمک
قوت وشو کتن بدن غالب کوروب انک خدمته راغب
اوله وواقف اولدیغی اسراردن آنی اگا قیله وباجمله
بوفعلک مفاسدی غایت چوقدر وتدارکنه قابلیت
یوقدر چون (الحرم سوء الظن) مضمونیه عمل ایتمدم
وفحوای بیت حکیمدن

❖ بیت ❖

بدنفس مباحش و بدکان باش

وزفته و مکر در امان باش

(نثر)

تیمار ایلدم اگر بورسالتدن بکا برآفت مترقب اوله
لایقم بلکه بیک اول قدره مستحقم

❖ بیت ❖

باخو دم بد کرده ام بد کرده ام

از که نالم چون کنه خود کرده ام

(نثر)

بر نیچه زمان ککندو بی بومقوله افکاره
اوردی واضطرابندن بیقرار اولوب که

طوردی که اوتوردی و شاهراه انتظارده چنمی
چار اولوب مترصد اخبار ایدیکه ناکا، ینک کلندی
ودمنه نك قدومی خبرین ویردی شیر بر مقدار
متسلی اولوب تاب و تب اضطرابی زائل اولدی
برمدت نصکرة دمنه کلدی لوازم خدمت و مراسم
تناومد حتی ادا ایتد کد نصکرة ایتدی

✽ منوی ✽

فلک دائم بلن بو کسون طیو کده
سعادت کون کی طوغسون قیو کده
سکایا و ز صنان بولماسون ایلاک
بالا لوباشی اولسون بو ینشه یوک
✽ نثر ✽

ای شهر یار هفت کسور اول جانور که صدمت آواز
ورعد صلابتی سمع هما یونه کدر و مزاج مبار که
درد سرو و یرم شد بر کاه ایش که بو بیشه حوالیسنده
چرایه مشغول ایش (انها بقرة صفراء فاقع لونها
تسر الناظرین) اگر چه یان و بال و قد و قامتی
بینظیر ورنک و فروز یب و صورتی دلپذیر در اما خلعت
همتی قامت خلقتندن قصیر در خورد و خواب و عاف

و آبدن غیری به میل ایتمز و تمام همی دایره حلق
 و شکمندن اوتنه کیتز شیرایتدی مقدار قوت و قدرتن
 نیجه فهم ایتدک وحدت شوک و شوکت نه درجه مشاهده
 قیلدک دمنه ایتدی آند، شوکت و نشوت کورمدم
 تا مر تبده قوتنه استدلال قلیدم و ضمیرمده آندن
 خوف و مهابت بولدم تاز یاده احترامن لازم بلیدم
 شیرایتدی آنی ضعفنه حل ایتمک کرک و آنکله مغرور
 و فریفته اولمق کرکدر که باد سخت اگرچه کیاه ضعیفه
 ضرر ایتمز اما قوی درختلری زیروز برایار مبارزان
 میدان شجاعت خصملرن تا کفده کفایتده تمام عیار
 بولیدلر وزنه آلزلر و آنلره قوت و شوکت اظهار ایلمزلر
 (ع) یازاز پی سهووه کی نماید آهنگ

(ع) پروبال آچه می شهباز شکار مکسه
 (نثر)

دمنه ایتدی ملک آنک امر نه اولقدر التفات بیورمسون
 و آنک جانبن چندان حساب به آلمسون که فراستله مرتبه
 کالانی بیامشمد و حقیقت حائنه بالکلیه مطاع
 اولشمدر اکر رأی عالم آرا اقتضا قیالورسه و فرمان
 قضا جریان نفاذ بولورسه بن بنده واروب تقریر

دلپذیر ایله مزاجنه کیرم وزنجیر مسخیر ایله کشان
کشان پایه تخت شاه جهانگیر کتورم تاسرار ادنی
خطه اطاعت قویه و آینه دلدن ژنکار مخالفتی یوبه
وکر ادعای میان جانه چکه و تخم اخلاصی زمین
اختصاصه اکه

(بیت)

دعوتیله مسخر ایدم آنی
آستانکده، جا کر ایدم آنی
نثر

شیر بوسوزدن شاد اولدی و دعوت گاه، اشارت بیوردی
دمنه پرفته شتر به قته کلدی جری الجشان و فصیح
البیان بی تردد و تأمل مصاحبتنه آغاز قیلدی و بعد
السلام فتح کلام ایلدوب

(بیت)

دیدى اول نه یردندر قدومک
نه باعث اولدی ترک مرزومک
نثر

بو مقامه کلامه نه سبب حادث اولدی و طرح رخت
اقامت ایتکه نجه علت باعث اولدی شتر به قاب صافی

(ایله)

ایله جواب شافی و یروب صورت حالی بر بر مرآت خیالنه
 خامه تقریر ایله تشریر و تصویر ایتدی دمنه احوال
 شتر بهیه واقف اولیجی ایتدی بواقطار و اوصاف مالکی
 و بو بیشه سباعک ملاکی بر شیر دلیر در کد شیر آسمان
 آنک هیبت هیئتندن بر کر به ناتوان و پیل دمان شکوه
 شو کتدن بر پشه کبی لر زاندر بنی خدمت رسالت ایله
 ارسال ایدوب بیوردیکه سنی آنک حضرتنه دعوت
 ایدم و بوضوال اوزر، مثال و یردی که اکر متابعتد،
 مسارعت اید، سن تابوغایتیه دلک باب ملازمتد، واقع
 اولان تقصیراتیکی صحیفه ضمیر جام جهاتنا نظیرندن
 آب صفیج و عفو له محو ایلیه و اکر تردید اتردد اید، سن
 علی الفور دوئم کیدم و ماجرای علی ماجرای رأی عالم
 آرا و فکر کشور کناسنه اعلام و انہا ایدم شتر به
 چون نام شیر و سباعی ایشندی غایت و همندن اطاعتدن
 غیری یاره بولیوب ایتدی اکر بنی سیاستدن امین
 قیالورسک و دفع شور و شر و ضرر نه ضامن اولورسک
 فرمانکه مطیع اولورم و وسیله مرافقنکه شرف
 خدمت و کرامت ملازمت بولورم دمنه ایمان غلاظ
 و شداد ایله کاه و اعتماد و اعتقاد و یروب معیت

ایله جانب شیر، قریب متوجه اولدی لر در کا شیر، قریب
 وار یبق دمنه ایلر و واردی کا ک قدومندن خبر
 و یردی بر زمانه نصره کار کدی شرایط خدمتی پرینه
 کتوردی شیر حال و خاطر ن صورتی بونواچی به چن
 کا ک و ک که نه باعث اولدی دیدی کا و سر گذشتن
 بالتمام حکایت ایتدی شیر ایتدی ای مهمان کراچی
 (ع) خوش آمدی و علیک السلام والا کرام همان
 بو مقامده آرام ایله تا شفقت واکرا میزدن بهره مند اوله سن
 و مرحمت و انعامزدن نصیب تمام بواه سن که بزم
 ابواب فتوح عنایتز حرم حیاتز مه فو حدر و مائد
 بر فائد رعایتز ملازمان آستان دولت و سعادتز
 مبذول

❁ منوی ❁

درین مملکت کر بکردی بسی
 ز مادر شکایت نیابی کسی
 در اول بکاری که نیت کنیم
 نظر در صلاح رعیت کنیم

❁ نثر ❁

کا و مرا سم دعا و نصیحت و لوازم ثنا و مدحتی پرینه

(کتوردی)

کتوردی و کر خدمت و عبودیتی طوع و رغبتله میان
 جانه بندابتدی شیردخی اکارتبه تقریب ارزانی بیوروب
 روز بروز مرتبه سن زیاد، قیلدی واعزاز و اکرام
 واجلال واحترامنده قصور قومدی دائم احوالن
 تفحص و اخلاقن تفرس ایدوب و معیار عقل و درایه سن
 و مقدار تمیز و تجربه سن تجسس ایدردی کوردیکه
 کمال عقل و کیاستله معروف و تمام فهم و فراستله
 موصوف هر چند که تمیز اخلاق و تشخیص ادر اکنده
 مبالغه قیلدی و فوردرک و دانش و شمول فهم دور
 اندیشنه اعتمادی زیاد، اولدی

❖ مشنوی ❖

نکوسیرتش دید و روشن قیاس
 سخن سنج و مقدار مردم شناس
 جهان دیده و دانش آموخته

سفر کرده و صحبت اندوخته

❖ نثر ❖

شیر هزار تأمل و مشاوره و بسیار تفکر و استخاره دن
 صکره کاوک رتبه تقریب زیاد، ایدوب محرم اسرار
 و مظهر احکام و آثار ایدندی کاودخی تنفیذ احکام

حکومت و تمشیت مصالح مملکت و ضبط ثغور و تدبیر
 امور جمهوریه بر درجه ده آثار کفایت اظهار ایتدیکه
 خدمت شیرده ساعت بساعت رتبت و قربتی زیاده
 اولوب بر مرتبه یه ایریشدیکه زمره ارکان دولت
 و جله اعیان حضرتندن تجاوز ایتدی دمنه کوردیکه
 شیر درجه رفعت کاوی کردونه یتوردی واجلال
 واکرامن دائره اعتدالدن کچوردی و مباشرت امور
 اکامقدار و یرمز اولدی و مشاورت آراء اکا اعتبار
 قیلز اولدی دست حسد بصر بصیرتنه سرمه نفرت
 چکدی و برق خشم خرمن دماغنه شعله غیرت
 براقدی

✽ بیت ✽

طوتوب، ثنك حسد آینه سنی

کل ایتدی غیرت اودی سینه سنی

✽ بیت ✽

حسد هر جا که آتش بر فروزد

هم از اول حسود انرا بسوزد

✽ نثر ✽

خواب و قراری کتدی و راحت و سکون ساخت

(سینه سندن)

سینه سندن رختی کوتردی کله وشکایت واضطرابی
حکایت ایچون کليلة خدمته کلدی وایتدی ای برادر
ضعف رأی وسوء تدبیری **ک**وررمیسنکه تمام
همتی خدمت شیر، مقصور ایتدم لطف وحيله ايله
کاوی خدمته **ک**توردم اول حضرتنده قربت
ومکانت بولدی وجمع ارکان دولتمدن ممتاز و سرافراز
اولدی بن منزله محلمدن ومرتبه اولدن تنزل
ایتدم کليلة جواب وپردیکه (ع) جان من خود کرده
خود کرده را تدبیر چیست بوتیشده بلایی بایککه ینه
کندک اوردک و بو غبار فتنه بی ینه سن قالدردک سکا
اول منصوبه اولمشدر که اول زاهده اولمشدر دمنه
ایتدی نه وجهله اولمشدر اول

✽ حکایت ✽

کليلة ایتدی روایت ایدرلر که پادشاهلردن بریسی
بر زاهده برکسوت زیبا خلعت دیبا عطا قیلدی
وپردزد طرار عیار که قادر ایدی حصار کیوانه نقب
اوریدی و دیده زهره دن سرمه بی قایدی بو حاله
مطلع اولوب عرق طمعی **ح**رسته کلدی وخیال
خلعتله خلوت زاهده واروب دست ارادتله دامن

خدمتده تشبث ایتدی وتعلم آداب طریقت واطوار
حقیقته، جدمتمام کوستردی تا اول حیلله ایله محرم
خلوتی اولوب برکیجه فرصت بولوب خلعتی کوتوردی
وراه بیابانی طودی چون صباح اولدی زاهد خلوتی
خلعتدن خالی و مرید جدیدی غائب و نابید بولدی
بیلدیکه اول کوتا، آستینک دراز دستلکیدر (ع)
دراز دستی، این کوته آستینان بین * جستجو ایچون
شهره متوجه اولوب کیدرکن یولده کوردیکه ایکی
نخجیر بربر یله جنک ایدرلر و سروسرورل یله بربرینی
اوروب مجروح ایدرلر بو حالده که اول ایکی خصم تیز
جنک بربر یله جدالده ایدی و هر برینک اعضا سندن
قان روان اولوردی بررو باه حریص کلوب اولاقان
قانی یلار ایدی نا کا، بونلر طوقوشورکن و بربر یله
باش اوروشورکن روباه، میانه راست کلدی و طرفیندن
محکم ضرب یتشوب دام هلاکه کرفتار اولدی زاهد
بو صورتیه زیاده تعجب ایتدی واندن عبرت آلوب
و تجربه حاصل قیالوب یوانه کندی و شب هنکام شهره
ایردی و ابواب شهری بسته کوردی متحیر قالدی
زاهد بیچاره کبوتر آواره کی اطراف شهری طواف

ایدوب اقامت ایچون بر مقام تجسس ایدر کن مکر
بر کوچده، بر زن روزنه خانه سندن نظاره ایدر کن
نظری زاهده راست کلدی سرگردانلقیدن مرد
غریب ایدو کن بیلوب منزله دعوت قیلدی زاهده
دعا ایدوب دعوتہ اجابت ایتدی اول کاشانه
کوشه سنده بریر کو ستر دیلر اوتوروب اوراد واذکار نه
منغول اولدی مکر اول عورت ناپاک و بد کردار ایدی
وفسق وفجور ایچون مهیا کنیز کلری وار ایدی

❀ بیت ❀

ویرزدی هر برینه دورلو زینت
کزردی هر کیمسه صحبت بصحبت

❀ نثر ❀

اول جوارینک بریسی که شمه جال باکال حوران
جنانه جاوه تعلیم ایدردی و آفتاب عالم تاب عذارندن
آتش غیرت ایله یانوب کیدردی چشم عاشق کشی
سینه عشاقی خدنک غمزیه نشانه قیلشیدی
ولب جانبخشی تلکاملره تنک شکر کی حلاوت
ویرمشدی

❀ منوی ❀

قر هم شهری سیدی غبنینک
 شکر هم شیرسی شیرین لینک
 کلینه سنبلی قیاش پریشان
 آصلش برقلینه بیک دل و جان
 لبندن لعلک اولمشدی یری سنک
 دهانندن شکر فالمشدی دلشک
 (نثر)

بر جوان زیباروی مشکین موی سرو بالا ماه سیما
 شیرین زبان باریک میان ایله که ترکان خطابی چین
 زلفندن سنبلی کی پیچ وتابد، ونوش لبان سمرقندی
 شوق شکر شورانکیرتندن دل عشاق کی اضطرابد،
 ایدی

✽ بیت ✽

رویی چه کونه رویی رویی چو آفتابی
 زلفی چکونه زلفی هر حلقه پیچ وتابی

✽ بیت ✽

حجاب اولماسه زلفین سخابی
 یاقردی آفتابی حسنی تابی
 ✽ نثر ✽

نطاق تعلق میان جانه بند و طوق تعشقی کردن
 عروس دله پیونده ایتمش لردی و پیوسته مهر و ماه
 کی بر منزلد قران وزهره و مشتری کی بر برجده
 اجتماع واقتران ایدر لردی جوان غیرت عشقندن
 قومزدیکه غیر یلردخی اول جار په نك جرعه وصالندن
 بهره مند و بر مراد اوله لردی و تشنگان بیابان طلب
 هزار تعبله چشمه زلالنه یول بوله لردی

✽ بیت ✽

کورمسم بر دم سنی غم درد ناک ایلربی
 غیر یله کورسم همان غیرت هلاک ایلربی
 (نثر)

اول عجز بد کار کنیز کک بو معامله سندن عاجز
 قالمش و کثرت خرج و قلت دخلدن بی طاقت اولمشدی
 اما چون جاریه حجاب خیایی میانندن کوتورمشدی
 و هوای جانانده نقد جان کف دستمه کتورمشدی
 ممتنع اولق ممکن اولیحق بالضروری اول جوانک
 هلاکنه قصد ایتدی و اول کیچه که زاهد آنک خانه
 سنده مهمان ایدی صحبت ترتین ایدوب فرصت
 کوزتدی و جام مالا مال شراب ایله عاشق و معشوقی

پایمال خیل خواب ایتدی چون اهل خانه شراب
 خوابله مست و خراب اولدیلر زن جاهل بر مقدار زهر
 هلاهل حل ایدوب برماسوره قویدی و ماسور نك
 بر طرفن دهاننه و بر جانبن منخر جوانه قویوب دیلدیکه
 نفخ ایده تا اول زهرک بعضیسی جوانك دماغنه کیده
 ناکا، اول جوان عطسه ایلدی بئی جواندن خروج
 ایدن بخار قوتیله زهرک کلیسی کلوی مجوزه کتدی
 وفی الحال تأثیر ایدوب هلاک و بسیط خاک وجود زن
 ناپاکدن پاکیزه و پاک اولدی (ع) هم درسران روی که
 درسرداری * (من حفر بئر الاخيه فقد وقع فيه) زاهد
 بو حال مشاهده ایتدی و اول شب بو العجبی که روز قیامتدن
 اکا دراز کلمش ایدی هزار تعبله پایانه یتوردی تا شول
 وقت که زاهد صبح نورانی زاویه شب ظلمتدن چقوب
 محراب افق (والصبح اذا تنفس) سجاده سیمه مزین
 قیلدی و مضمون آیت عالی رایت (يخرجهم من الظلمات
 الى النور) عالمیانه روز روشن کی معین و معین اولدی

❁ بیت ❁

یافت صفحا کبند آینه رنگ

شست رخ آیند چنی ز رنگ

❀ نثر ❀

زاهد دخی اول طائفه بدنهاده ظلمت فسق و فسادندن
 خلاص اولوب بر منزل دخی طاب ابتدی اتفاق
 بر کفشکر که کندویی زاهدک مرید معتقدلری
 عدادندن عدا ایدردی بر سبیل تبرک آئی اوینه ایلندی
 وجماعتنه لوازم خدمت و مراسم ضیافتی کما ینبغی
 وصیت ایدوب کندو بعض احبابک دعوتنه کندی
 مکر آنک خاتوننک بر جوان خوش طبع و زیبا خوی
 و آراسته روی و سلسله موی

❀ بیت ❀

بدله کوی و عشو، ساز و شوخ چشم و غمزه زن
 بویله اولسه بر جوان اولور بلای مردوزن

❀ نثر ❀

دوستی و ارایدی که میانلرند، بنای میل و تعلق و قواعد
 مهر و عشق مشید و استوار ایدی انلرک میانند، دلاله
 بر حجام عورتی ایدی که دله محتماله یه مکر و حيله او کردردی
 فن سحر و نیر نیجاست، بر مشابهده ایدی که بر افسونله آب
 و آتیشه امتزاج و سهیل و ثریاه ازدواج و یرردی و دم
 کرم و کلمات نرم ایله پولادی موم و صخره صمائی ایدوب

صوم ایدردی

✽ مشغولی ✽

زن مکاره ایدی اهل تلبیس

مکرده آ که شاگرد ایدی ابلیس

الند، سبجه و باشند، میز

ولیکن غول کیی رهبر شر

ای وردودرونی سحر و نیرنگ

طشی ساده ولیکن ایچی پرنگ

هوس ایامنی کورمش یکورمش

هوا یوانند، چوق بلس یو پورمش

✽ نثر ✽

زن کفشکر چون داری اغیاردن خالی و عاری بولدی

فضای دماغی هوای وصال یارله طولدی فی الحال

زن حمامه کیفیت حالی اعلام ایدوب ایتدی دلبر

خبر ایله که بو کیچه شکر بی غوغای مکس و صحبت بی

تشویش شخنه و عسدر

✽ بیت ✽

بلای شخنه آشوب عسس یوق

سنگله بندن ارتق هیچ کس یوق

❖ نثر ❖

اشارت دلالة ايله جوان دلدار شهبانكا، حلقه وار
 درخانه نكارد، حاضر اولوب منتظر قمع الباب ایدی که
 ناکا، کفشکر بلای ناکهانی کی کلوب اول بیکانه بی
 خانه سی او کند، کوردی مکر بوندن اسبق بوتهمت
 خبری سمعنه یشمش و بحکم (من یسمع یخزل) غابنده فی الجملة
 یرایش ایدی بوزمانده که اول جوانی قیوسی او کند،
 کوردی یقینی غالب اولوب مضمون مظنونه جازم
 اولدی و عرق غیرتی مضطرب و نائرة حقیق ملتهب
 اولوب اوینه کلدی زن بدبختی محکم لت ایدوب تأدیب
 بلیغ ایتد کد نصکره برستونه بند ایدوب کتدی و کندو
 واروب بالین آسایشه باش قودی یآندی مرد زاهد
 بو فکرده که بوی شفت بی جرم و جنایت بو عورتی
 بو قدر لت ایتک روش مروتن دکدر کرک ایدی که
 بن شفاعت ایدوب بوشه اعتدن منع ایدیدم دیرکن
 ناکا، زن حجام آواز ایدوب ایتدی ای یار جفاکار بو جوانه
 نیچون بو قدر انتظار و یرسن کنه، دکلیدر اللهدن
 قورق تیز یوری وار (ع) فرصتی فوت ايله یوز طوتمش
 ایکن روزگار

❖ بیت ❖

یار را کر سر پرسیدن بیمار غمت
کو بران خوش که هنوزش نفسی می آید

❖ نثر ❖

زن کفشکر آواز حزینله آنی قته دعوت ابتد وایندی

❖ رباعی ❖

آسوده دلا حال دل زارچه دانی
خونخواری عشاق جگر خوارچه دانی
ای فاخته پرواز کنان بر سر سروی

درد دل مرغان گرفتارچه دانی

❖ نثر ❖

ای یارمهربان ناله وزار می ایش و بنم حالی معاوم
ایله اندن سرزنش ایت بو شوهر بیرحم اول شوخ
چشمی قپوده کوروب ناکا دیودیوانه کی ایچروکیروب
بنی لت بینهایتله بیطاقت ایتد کدنصکره بوستونه
محکم بند ایدوب کتدی

❖ بیت ❖

آه کیم سروناز پروردک

اولدی استونی خانه دردک

❖ نثر ❖

اگر بومضروب شکسته به مومیای شفقتک واول مجروح
دلخسته به مرهم مرحتک وارايسه لطف ايت بنی بندگان
خلاص ايله ونه قدر زجت و محنته مقارن ايسه دخی
دستور ویر که بندن بدل سنی ستونه بندایدم و دفعی
واروب دلدارمه اعتذار ایدوب کلم کیدم و سنی بندگان
خلاص ایدوب وضع سابق اوزره اولما کر بن بیطاقته
بومرافقی روا کوررسک هم بنی رهین نعمت وهم
محبوبی نمون منت قیلورسن زن حجام وفور محبت
ومرحتندن مقتضاسنه رضا ویردی و آندن بدل
کندوبی بند ایدوب انی طشره کوندردی زاهد
بوکلماتی استماع ایتکله سر رشته سبب جنک زن وشو
هرچکنه دوشدی بواشناده کفشکر بیدار اولوب
عورتنه آواز ایتدی زن حجام ناکا آوازندن بیله
و کیفیت حاله مطلع اوله دیو خوفندن جواب ویرمدی
کفشکر هر یاری که چاغردی زن حجام جوابه اقدام ایتدی
کفشکر بو حالدن غایت منفعل و آتش خشم و ناره
غضبی تمام مشتعل اولوب فی الحال نشکرده سن الله
آلوب کلوب زن حجامک بورنن کسوب الله ویردی

معشوقه که کوندر که خوش تحفه در دیدی زن ترس
و بپنیدن فریاد ای تیوب صبرایت بدی و کند و کندویه
ایتدی عجب حالتدر (ع) عشرت دگری کرده محنت
دگری دید،

شعر

غیر جنی وانا المعاقب فیکم
فکاننی سبابة المتندم

نثر

چوز زن کفشگر کاوب زن حجامی دام بلایه گرفتار کوردی
بنایت ملول و دلتنک اولوب زار و زار اغلیدی و بسیار
اعتذار دنصکره بندین کیدروب وضع سابق اوزره
کندین ینه ستونه بغلیدی زن حجام نیجه ایتسون ضروری
بورن الله آلوب کندی افتان و خیزان ترسان و لرزان
اوینه کلیدی (ع) که انخلر حیرتندن که کوردی * زاهد
بواحوالک جمله سن مشاهده قیلیدی و بواور بواالعجبیدن
که ورای پرده غیبیدن عرصه ظهوره کشیدی حیرت
اوزره حیرتی زیاده اولدی اما زن کفشگر چون بر ساعت
یکدی دست مکر و دغایی قبله دعایه آچدی و ایتدی
منوی

الها پادشاهها کردکارا

خدایا قادرا پروردکارا

سکا مخفی دکلدر هیچ برراز

دروغ و راستدر قاتکبد، ممتاز

بو حلام بکا افترا ایدوب فعل حرامله تهمت ایدای

و بر معصیت سبیلله که بدن صادر اولمدی جزا

و عتوبتی روا کوردی الهی فضل و عنایتکدن مددقیل

و بوعضو مقطوعی که زینت چهره جمالدر بکاینه

ردقیل

❀ منوی ❀

بنم صدقم یوزین پر نورایله

دروغ و شک نقابن دورایله

کیدر یوزدن طمانینی کبابک

یوزن آج کون کبی رازنهانک

خلاص ایت دامنم تهست الندن

بنی قوتار خلائقک دلندن

❀ نثر ❀

عورت تضرعه ایکن کفشکر بیدار ایدی چون ناله

زرق آمیز و دعاء سحر انکرن ایشمدی فریاد ابتدیکه

ای نابکار تبه روزگار بونه حاجت در که دیلرسن و بونیجه
مناجات در که ایلرسن بیلز میسن که فاجر لک دعاسی
اول درگاهد، روا اولمز و فاسقلرک نیازی اول آستانه ده
اعتبار بولمز

❁ بیت ❁

کرت هواست که کاری زغیب بکشایید

زبان پاک و دل پاک هر دومی باید

(نثر)

زن ناکا، نعره ایتدی که ای ستمکار دل آزار کل قدرت
الهی و فضل نامتساهی بی کور که چون بنم دامن
عصمت بوتهمت آلاشدن پاک ایدی ایزد سبحانه و تعالی
بوشکسته نك بورنینه عطا ایدوب درست ایتدی
و بن بیچار بی خلائق میانند، فضاغت و فضیحتدن
صاقلدی مرد ساد، خاطر زن فاجردن بوکلتی
ایشدی بچک متحیر و متعجب اولدی و چراغ کتوروب کلدی
زنی سلامت کوردی و بورن برقرار بولدی و زخدن
هیچ علامت احساس ایتدی فی الحال کناهنه اقرار
و افترا سنه اعتراف ایدوب اعتذاره مشغول اولدی
و تالطف نام و تعطف تمامله دست و پائندن بدن

(کیدردی)

کیدردی و توبه نصوح ایتدی که من بعد بی بیند
 باهره و بی حجت ظاهره بونک امثالی افعاله اقدام ایتیه
 و هر غماز و فتنه ساز سوزیله زن پارسا و عیال
 پاک باز آزرده قیلیمه و بقیه العمر بوزن مستوره مستجاب
 الدعوی نك فرماندن تجاوز ایلیمه بوجانبدن زن حجام
 ستمیده و بینی بریده خانه سینه کلدی متحیر کنه حیل
 تدارک ایده و بو واقعه بی شوهرینه صورتد، کویسته
 و خویش و بیگانه نك سؤالنه نه طریقله جواب ویره
 و دوستلرینه و همسایه لرینه بو بایده نه یوزله اعتذار
 ایلیمه بواثناد، حجام جامه خوابدن طوروب عورتنه
 صباح قریبدر آلات واثوابی آلیویر که فلان خواجه
 خدمته کیدرم دیدی زن توقفله جواب ویردی
 واثوابی ویرمده، نیجه زمان مکث ایتد کدنصکره
 کیسه دن برآستر، جقروب تهاصونی ویردی مرد
 حجام خشم تمامله شب تیره، استرینی زن جانینه آتدی
 و دشنام و شنیع کلماته آغاز ایتدی ناکاه زن فریاد ایلدی
 و مدد بورنم دیو کندوسن یردن یره اوردی حجام متحیر
 قالدی اقرار و همسایه لر حجامک اوینه جمع اولدی زنی خون
 آلوده و بینی برید، کوردیلر حجامه زبان ملامتی دراز

وانواع اطاله واصناف سرزنشـه آغاز ایتدیلر اول
 بیچاره حیران قالدی نه انکاره مجالی وارونه اقرار
 ایدـهـ جـکـ حـالی وار چون چهره روز جهان افروز
 و رای پرد، ظلمدن نمایان و آینه کیتی نمای خورشید
 جام جشید کبی درخشان اولدی

✽ بیت ✽

چو صبح اولدی و یوز کوستردی خورشید
 فـلـک آـلـدی اـیـنـه جام جـشـید

✽ نثر ✽

اقر بای زن جمع اولوب حجامی قاضی یه ایتدیلر
 اتفاق زاهد دخی خانه کفشکردن چقوب مرید عیار
 احوالی استفسار ایچون محکمه یه وارمش ایدی
 چون خصمهای حجام قضیه بی قاضی یه مرافعه ایتدیلر
 قاضی بیوردی که ای استاد کنه ظاهر و سبب
 شرعی ثابت اولدن نیچون بو عورتی مثله فیلدک حجام
 متخیر اولوب تقریر حجتده عاجز اولدی قاضی دخی
 (والجروح قصاص) نص قاطعی موجب مجده قصاص
 امر ایلدی زاهد چون بوحالی کوردی قاضی حضورینه
 کلوب ایتدی ایها القاضی بو امر د، فکر وافی و دید،

فراستله نظر کافی بیورمق كرك زيرا كه بنم جامه می
دزد المدی ورو باهی نخجیرل هلاك قیلدی زن فاجره نك
زهره سن زهرچاك ایتدی زن حجامك بورنن كفشكر
قطع ایتدی بلكه بو بلالره ابتلایه باعث ینه نفسمن
اولمشدر

❀ نظم ❀

نه اولدیسسه بزه باعث بزاولدق
جزای فعلزدر بوكه بولدق
هواغولینه اویدق یولدن آردق
وفا سرنامه سنی اگری یازدق
❀ نثر ❀

قاضی حجامدن ال چكوب زاهد جانبذه توجه ایتدی
وایتدی بومعانی بی بیان و بوهمجلی ترجمان تفصیل ایله
عیان ایتك كرك زاهد دخی سرگذشتن من اوله الی آخره
قاضی یه حكایت ایدوب ایتدی اكر بنده مرید جمع
ایتك سوداسی اولسه ترهات دزده فریفته اولیوب
اول عیار مكار فرصت بولوب بنم جامه می آلمزدی
ورو باهك اكر حرص و شرهی زیاده اولیوب
خونخوارلقدن فراغت قیلسه نخجیرلرك آسیب

ضر بندن هلاك اولزدی ا کر زن بدکار جوان غافل
 زهر هلاهل ایله هلا که قصد ایتسه جان شیرینی بر باد
 قیلزدی ا کر زن حجام اول فعل حرامه مددکار اولسه
 کفشکرانی مثله ایتزدی هر کسه که اسائت ایلله احسان
 توقع ایتمک کرک و مککه نی شکر دیلیلله تخم حنظل
 اکمک کرک

❖ بیت ❖

چنین گفت دانای آموزگار

مکن بد که بد بینی از رو زکار

❖ نثر ❖

بو مثلی انکی چون کتوردم تاییله سنکه بو کرداب بلا
 و محنته سن سنی آتدک و بو باب رنج و مشقتی سن سکا
 فتح ایتدک

❖ بیت ❖

سن ایتدک کندی کلزارک یرن خار

یریدر کاوله سنن بلبـل کبی زار

(ع) آخر ز که نالیم که آزماست که برماست * دمنه ایتدی

بلی راست سویلرسن که بونی ینه بکا بن ایتدم ولی سنی

بو بایده نه تدبیر ایدرسن کایله ایتدی بن اولدن سکا

بو عملده موافقت ایتدم و بو طریقہ ساو کده ساکا
 موافقت کوسستمدم حالیا دخی بویا بده کندومی
 بر طرف بیلاورم و بو خصوصه دخل ایتکدن تمام
 احتراز قیلورم مکر سنک حقکده ینه سن فکر ایدہ سن
 دیمش لردر (ع) هر کسی مصلحت خویش نسکومی داند ❖
 دمنه ایتدی بنم فکرم بودر که ممکن اولدیغی مقدار
 بذل مقدور و صرف مجهود ایدوب کاوی پایه سندن
 اندورم و حضور ملکدن مردود ایدوب بلکه ملککدن
 سوردور مکه مذهب حیثه اهمال و تقصیرہ رخصت
 بولزم واکر طریق تسکاسل و تغافلہ سلوک ایدم ظنم
 بودر که ارباب خرد و مروت قننده معذور اولزم
 اند نصکره منصب جدید دخی توقع قیلزم و کندو
 خدمدن زیاده منزله طلب ایلزم فضیلائی حکما
 بیورمش لردر که عقلا اکر بش خصوصه بذل مقدور
 ایدلر معذور لردر (اول) طلب ایتک شول منصبی که
 سابقده اکا متصرف اولمش اولملر (ایکنجی) پرهیز
 ایتک شول مضرتدن که بر کره آنی تبحر به قیلش اولملر
 (اوچنجی) مالک اولدقلری منفعتی محافظه ایتک
 (دردنجی) ورطه آفتدن خلاص اولمقد، مبالغه

ایتمک (بشنجی) زمان مستقبله جلب نفع و دفع
ضرر ملاحظه ایتمک بنده همان اکاسعی ایدر مکه
ینه اولیکی منصب میسر اوله و جمال عالم اول رونق
و لطافتی بوله پس طریق بودر که کاره بر منصوبه حکیم که
یاروی زمیندن وجودی نطعنی دوره یا خود بومنز لدن
درخت اقامتی بروادی به دخی اندوره بن اول کنجشک
ضعیفدن کمتر دکلمه که باشد دن اتقلمن الدی کلیمه
ایتدی نیجه اولمشدر اول

❖ حکایت ❖

دمنه ایتدی ایکی کنجشک بر درخت کوشه سنده آشنانه
طوتمش لردی و متاع دنیادن آب و دانه ایله قناعت
ایتمش لردی بر قلهء کوهده که اول درخت انک دامننده
واقع اولمشدی بر باشه مقام ایتمشدی که وقتها بر کوشه دن
برق خاطف کی چقاردی و صاعقه وارطیور مر غزارک
خرمن جاننه اودلر یقاردی

❖ بیت ❖

کهی کو پنجه بر مرغان کشودی
اکر پنجاه بودی درر بودی

❖ نثر ❖

هرگا، که کجش لرجه کتور لر دی و صد محنتله
مرتبه پروازیتور لر دی ناگا، اول باشه کینه کا هدن
ظاهر اولوردی و بچه لری بر برش کار ایدردی کین
یردی کین بچه لینه طعمه ایدردی بیچاره کجش کلره
بحکم (حب الوطن من الایمان) اول منزلدن جلا ایتک
متعذر و یسداد باشه جفا یتسه دن دخی اقامت
متعسر اولشدی (ع) نه روی سفر کردن ونه رأی
اقامت ❦

❦ نثر ❦

اتفاق ینه بر کون و برنوبت بچه لر قوت بولوب فرو
پرو یال و بال ایله جنبه کلشردی و پدر و مادر دیدار
فرزند لریله خوشدم اولوب انلرک پرواز و اهتر ازلرندن
شاد و خرم اولشردی ناگا، اندیشه باشه خاطر لرینه
دوشوب بالکلیه بساط نشاطی دوروب اضطراب
تمامله کریه وزاریه آغاز ایتدیلر بو بچه لر دن بریسیکه
علامت رشد و حدس ناصیه حسنده هویدا ایدی
انلر دن کیفیت حالی و فر حدن ترحه باعث اولان
انتقالی استفسار ایتدی ایتدیلر که ای پسر وای پاره
جگر

❀ بیت ❀

از ما میرش کاش دل تاجه غایتست
از آب دیده پرش که او تر جان ما ست

❀ نثر ❀

پس سبب تشویش و اندیشه و قصه پر غصه باشد
بیداد پیشه بی علی التفصیل اعلام ابتدا بر سرایتی
ای پدر و مادر حکم قضا و فرمان قدره عدم رضا
اگر چه طریق بندکان خدا دکلدر اما مسبب الاسباب
هر درده بردوا مقرر و هر رنج به بر شفا میسر
ایتمشدر

❀ بیت ❀

اولومدن غیریه هب چاره واردر
اوکلز دنیا ده نه یازه واردر

❀ نثر ❀

ممکن که اگر بو غائله نك دفعنده سعی بلیغ اید: سز
و بو عقده نك حله، جهد تمام ایلیه سز بو آفت بزدن
مندفع و بو قساوت سزدن مر تفع اوله کنجش مکره
بو تدبیر بغایت دلپذیر کلوب بریسی بچد لک تعهد
حالچون قالدی و بریسی بودرد، دوا طلبچون پروازه

کلدی چون بر زمان طیران قیلدی خاطرینه بو حلیجان
ایتدیکه آیانه جانیه کیدم و درد درون و حال دکر کوغم
کیمه تقریر ایدم

❖ بیت ❖

بدرددل گرفتارم دواى دل نمى دانم
دواى درد دل کارىست بس مشکل نمى دانم
(نثر)

قضای الهی مکر بر سمندر معدن آتشیدن چقوب
فضای صحرایی کشت ایدردی کنجشکک نظری اکا
راست کلدی چون اول شکل عجیب و هیکل غریبی کوردی
کندویه ایتدی و ارایم باری درد درونم بو حیوان
بوالعجیبه اعلام ایدیم که شاید

❖ ع ❖

کره از کار فرو بسته ما بکشاید
(نثر)

پس تعظیم تمامله سمندر قته واردی لوازم ثنا و سلام
و مراسم اعزاز و اکرامی یرینه کتوردی سمندر دخی
غریب پرور لاک و مسافر نواز لاق شرایطن تقدیم
ایتد کد نکره بیوردیکه بشره کد، آثار ملال و ضمیر کد،

غبار انفعال وار اگر رنج را، و شاید سفر دین ایسه
بر زمان سایه حمایتزد، آرام ایله تاراحت اوله سین واکر
بر حالتک دخی وار ایسه اعلام ایله باشد که بزم کفایتزله
درد که چاره بوله سن کنجشک بیچاره حال زارنی
بردردله که اگر سنک حاره بر ذره سن ایشته تأثیر ندن
پاره پاره اولیدی سمندر شرح ایلدی

❖ بیت ❖

باهر کسی که شرح دهم داستان خویش
صد داغ تازه بردل آن ناتوان نهم
❖ نثر ❖

سمندر چون بو کلمات سر را اثری ایشته دی گانون درونی
شعله رفته پر آذر اولوب ایتدی غم پیله که بن
بو غم همومی اوستو کزدن کتوریم و بو کیجه آنلرک
خانه و آشیانه لرن آتش فنیاه اورهیم همان بکامنز لکدن
نشان ویر و بوند، طورمه آشیانه که وار که بن سنی
قند، ایسک بولورم ریش دل که البته هر هم اورورم
کنجشک سمندر، آشیانه سندن نشان ویر و بعلامات
واماراتن بیان قیلدی و دل شادمان و نشاط فراوانله
آشیانه جاننده روان اولدی و اول زمانه که سمندر مهر

آتش شفق سبهرده نهان اولوب عصافیر انجمن حوالی
 آشیانه آسماند طیران قیلدیلر سمندر بنی نو عنیدن بر جمع
 کثیر و جم غفیرله هر بری منقار و چنکالنه بر مقدار نطف
 و کبریت آلوب غفریتلر کی آتشفشان آشیانه
 کنجشکه روان اولدیلر انلرک دلالیتله خانه باشه یه
 واروب اول زمانکه باشه بچهلریله کر یبان خوابه
 باش چکمش وصیا داجل دید بصیرتلرینی سوزن
 غفلتله دیکمش ایدی

❖ عربیه ❖

یاراقدابا لیل مسرور اباوله

ان الحوادث قد یطرقن اسحارا

❖ نثر ❖

چنکال و منقارلرنده اولان نطف و کبریتی آشیانه لینه
 نثار ایدوب دوندیلمر کتدیلمر شعله قهر الهی اول ظالمک
 خانه سنه دوشوب خواب غفلتدن اول وقت او یاندیلر که
 دست تدارک اول نأره نک اطفاسندن قاصر ایدی لاجرم
 پدر و مادر و پسر سر سر تسر خانه و آشیانه لریله خاکستر
 اولدیلمر فقطع دابر القوم الذین ظلموا (والحمد لله
 رب العالمین)

(بیت)

ستمکرز ظلم آتشی بر فروخت

چوز دشعله اول هم اورا بسوخت

❖ نثر ❖

بومثلی کتوردم تابیلہ سن هرکسه که رفع عدوده
مجد وانتقام خصمه بجد اولسه اگرچه اول خرده
وضعیف و خصمی بزرگ وقوی دخی اولورسه امید
نصرت ممتنع ورشته فرصت منقطع دکلد رکلبله ابتد
حالیاشیرا کاسا ژرار کان میاننده مزید امتیاز
و یرمش ولوای تقرب دولتن فرق فرقدانه یتورمش
پس ملکک خاطر ن آندن متفر و مزاج شریفن آندن
متغیر قلیق بغایت مشکدر که پادشاهلر برکسه بی
تر بیت ایتسه لر بی سبب کلی آنی خوار ایتزلر و هرکی
که جا، مذلتدن جا، منزلته یتشدره لر بی جرم عظیم
نظر عاطفتدن دور ایتزلر

❖ بیت ❖

چوب را آب فرومی نبرد حکمت چیست

شرم دار دزفرو بردن پرورده خویش

❖ نثر ❖

(دهنه)

دمنه ایتدی سبب کلی بویتمیزی که ملک انک تریبه سنده
افراط و سائر ارکان حقیقه تفریط ایتدیکله آستانه سنده
ملازمتدن جمله سن متفر قیلمشدر و انلرک منافع خدمت
و فواید نصیحتی آندن منقطع اولمشدر بوندن ملکه
و ملکه نیچه آفات و مخافات متوقعدر حکما
بیور مشلدر که آفت ملک و خطر مملکت بوالتی علتدن
ناشیدر (اول) حرمان یعنی دولتخواه لری کندودن
مهجور ایتک و ارباب رأی و تجربه بی حقیر و خوار طوتمق
(ایکنجی) مرأی یعنی بی جهت جنک و جدال و اوضاع
مخالف و ناشایسته احوال (اوچنجی) هوا یعنی شغف
مصاحبت غوانی و رغبت شکار و ادمان شراب و میل
لهو و استماع اغانیدر (دردنجی) خلاف روزگار یعنی اول
وقایع که واقع اولور مثلاً وبا و قحط و حرق و خسف
و زلزله و غرق (بشنجی) تند خولق یعنی خشم و غضبده
افراط و فرمان سیاستده تهور و عدم احتیاط
(النجی) جهل یعنی مقام صلحه جنک و محل جنکده
صلح و وقت ملاطفته مخالف و زمان عنفده لطف

❖ بیت ❖

جنک و صلح بیکدی ناید بکار

جای کل کل باش جای خار خار

❖ نثر ❖

کلیله ایتدی جزم ایلدم که مکر مگری میان جانہ چکش
سن و تخم انتقامی خاک هلاک شتر به د، اکش شن
و دیلرسن که سنک ممر کردن اکا بر ضرر ایرشه
و نأره شر کردن اکا بر شرر یتشه فاما غافل اوله که
مقدمات آزار و اضرار ایو نتیجه و یرمز و حاسدک قصد
فاسدی ینه کندویه عائد اولور

❖ بیت ❖

هر که بدی کرد بجز بد ندید
آفت آن زود بوی در رسید

❖ نثر ❖

هر کسبه که بصر بصیرت و عین عبرتله ملاحظه
قیله و بو عالم عالم مکافات ایدو کنه عالم اوله اول کشی
شک دکادر که جانب خیر و مر حتمه مائل اولسه کرک
و دست و زبان آزار و اذای خلقدن محافظه قیلسه
کرک نته که اول پادشاه عادل قیلسدر دمنه ایتدی
نیجه مسموعک اولشد و اول

❖ حکایت ❖

کلیله ایتدی روایت ایدرلر که زمان قدیمده بر پادشاه ظالم
وار ایدی که دست تعدی و تساطی کر بیان رعیتی
چالایتمشدی و قدم طغیانی جاده عدل و احساندن
طشره کتمشدی

بیت

شیر ستمله کویا اولمشیدی پروریده
جو رو و فساد و شر دن اولمشیدی افرید

نثر

ظلم و ستمی بر غایت ایشتمشدی که هر آن و هر ساعت
عامه رعیت دست دعایی رفع ایدوب اکا نفرین و لعنت
ایدرلردی و بیداد ایله شویله آدچقرمشدی که سلاطین
زمان میانند، اکا ملک ظالم دیرلردی اتفاق بو پادشاه
بر کون شکاره کتدی چون کار شکار دن فارغ
اولوب مسند سلطنته جالوس ایتدی منادیلر ندا
ایتدردی که ای عامه رعایا وای کافه برایا
سوابق ازماندن ای هذا الان حجاب جهالت دید،
بصیرتمی رؤیت روی صوابدن منع ایشتمشدی و دست
عصیانم محرومان غمدید، و مظلومان محترسیدیه
خنجرسم چکمشدی حالیا بشارت اولسون که

رعیش و رولک مقامنده صافی دم و معدلت کسرتک رکابنده
ثابت قدم امید در که من بعد بر آفریده نک خرمن
حالت آتش تعدیدن شرر ارمیه و بر ستمیده نک
کف پای خار آزاردن ضرر کورمیه

❖ بیت ❖

زمینی ایلم عدله معمور
جهانی ایلم جودله مسرور

❖ نثر ❖

رعایا بنوید ایله حیات تازه و راحت بی اندازه بولدی
و فقرایه بومرده ایله روضه امیدده غنچه مراد شکفته
اولدی

❖ بیت ❖

ازین نوید مبارک که ناکهان آمد
بشارتی بدل و مرده بخان آمد

❖ نثر ❖

القصه ایام دولتمده احکام معدلتی بر مرتبه ایردی که
آهو بره پستان شیردن شیر ایچردی و خرکوش تازیله
بازی ایدردی تذر و بازله برخانه ده انباز و شاهین قازله
رهواده دمساز اولشدی

❖ قطعه ❖

ز عدل او شده باز سفید جفت کلنگ

ز امن او شده شیر سیاه بارشغال

نه ان فراز بردر هوا بدان چنکل

نه این دراز کند در زمین بدین چنکال

❖ نثر ❖

اجرای احکام نصفت وعدالتده بر مقامه واردیکه نام
نوشین روان زاویه نسیانده قالدی تابو سبيله لقبی شاه
عادل نامنه مبدل اولدی پرکون خواص حرم
سلطنتدن بریسی فرصت بولوب کیفیت حالدن سؤال
ایتدی و مرارات جور و جفا حلاوات مهر و وفایه مبدل
اولغین سنین صورتی شاه ایتدی بن اول کون که عزم
شکار ایتشدم و قصد صید ایچون مرغزاره چقم شدم
فضای شکارگاهده تک و بوی ایدرکن و هر جانه
نظاره ایدوب کیدرکن ناکا کورد مکه بر رو باه سکر دوب
کیدر ویرسک عقبته دوشوب دندانیه سکرلرین چکوب
دیدر بیچاره رو با پای لنگله بر سوارا خه کیردی قورتلدی
سک دونوب کیدرکن بر پیاده بر سنک آتوب اتفاق
سنک سنک یانه راست کلوب شکست اولدی بر ساعت

کچمدین پیاده نک ایغن برآت دبوب سـ کک انتقامن
الدی بر مقدار کتمدین آنک دخی ایغی برسوراخه کچوب
خرد اولدی چون آنلری بو کیفیت اوزره مشاهد
ایتدم کند و نفسه ایتدم کوردکی نه عمل ایتدیلرنه
جزا بولدیله (جزاء سیئة سیئة بمثلها)

❀ بیت ❀

کبک موری خورد باز آمد قصاص از کبک خواست
بعد ازان آمد عقاب و این عمل بابا باز کرد

❀ نثر ❀

(قتلت قتلت و سیقتل قاتلک) معلوم اولدیکه هر عماله
مکافات اولورمش و احسان و اساعت هر کشی ایتدیکن
بو اورمش

❀ بیت ❀

نیک دریاب و بد ممکن زنهار
که بد و نیک باز خواهی دید

❀ نثر ❀

بو مثلی انکچون کتوردم که مکافات آزار و انتقام
اضراردن کچده سک مبادا آنک شامتی ینه سکا عائد
اوله (من حفر بئر الاخیه وقع فيه) غواسی سنک حقه که

ظهوره کله دمنه ایتدی بن بو واقعه ده، ظالم دکلم بلکه
مظلوم و ستمکر دکلم بلکه ستمکشتم مظلوم اگر ظالم دن
انتقام صد دند، اولسه طریق مکافاته نه لازم
کلورمش و آزارند، سینه آزار قصد ایلسه عندالله
مجرم و کنهکاری اولورمش کایله ایتدی غرضاکه
بو عملدن سکا شایبه حلال لازم کلمز ایمش اما کارک
هلاکنه نیجه قادر اولورسن که آنک قوتک عشر
عشری قدر قدرنک یوقدر و آنک اتباع و اشیاعی
سنک اتباع و اشیاعکدن و احباب و اصحابکدن چوقدر
دمنه ایتدی بنای امور و فور قوت و زور و اساس کار
کثرت اعوان و انصاره مبتنی دکلدن بلکه رأی راست
و تدبیر درست بوجه دن مقدمدر

❖ مصراع ❖

الرأى قبل شجاعة التبحمان

❖ نثر ❖

زیرا که اول نسته که رأی و رویتله میسر اولور غالب
بودر که زور و قوت آندن عاجر قالور

❖ بیت ❖

کارها راست کند عاقل و دانا بسخن

که بصد لشکر جرار میسر نشود

❀ نثر ❀

کوش هوش که یتمشدیمی که اول زاغ حیلہ کار اول
مار ستمکاری حیلہ الہ نیجہ ہلاک ایلدی کایلہ ابتد
نیجہ اولشدر اول

❀ حکایت ❀

دمنہ ابتد امثالده کلمشدر که برزاغ پرکوه کردند
خانه و برسنگ شکافنده آشیانه طومشدی و اول
سوراخ جوارنده بر ماراژ در کردار که آب دهانی زهر
هلاک و ممات و لعاب بن دندان مبطل مزاج بقا
و حیات ایدی توطن ایتشدی مارزاغک بچه رین هرکا
شکار ایدردی و جگر زاغی آتش فراق اولادله برداغ
ایدردی چون مار ستمکارک ایدا و آزاری حددن کچدی
وزاغ بیچاره نک کار جانده و کارداستخوانه یتدی ضروری
مارک هلاکی تدارکن ایتدی و دوستلرندن بر شغاله حالن
حکایت و دشمن بدکار و بدسکالدن شکایت ایدوب ایتدی
بر فکر ایلدمکه بومار بچه خوارک بلاسندن قورتم

و بوظالم جان شكارك جفا سندن خلاص اولم شغال
 ايتدی بوبلانك رفعنده و بوناغاله نك دفعنده نه چاره
 فكر ايلدك زاغ ايتدی فكرم بودر كه چون دیده
 ماری خواب آلوده كورم منقار خونخوارمله چشم
 جهان بینن چقرم تابر دخی بنم قره العینه یاوز نظر ایتیه
 و فرزندلرم آنك شرر شردن مأمون و ضرر زهرندن
 مصون اوله شغال ايتدی بو تدبیر غایتده سخیف
 و صوب صوابدن نه ایتده منخر فدر عقلا قصد اعدا
 و دفع بلادہ بر حیلہ تدارك ایدرلر كه آنده خطر جان
 اولیه زنهار بو فكردن فارغ اول كه تا اول ماهی
 خوار كبی اولیه سن كه هلاك خرچنكه سعی ایتدی
 و سوء تدبیرندن چنك خرچنك هلا كه گرفتار اولدی
 زاغ ایتدی نیجه اولمشدر اول

❖ حکایت ❖

شغال ایتدی بر ماهی خوار بر جویبار کنارنده وطن
 طوتمشدی و کمال همتن صید ماهی به صرف ایتشیدی
 هر کون حاجتی مقداری ماهی شکار ایدردی و حضور
 و رفاهیتله روزگار کچورردی چون پیرلک موسمی
 کلدی قوت ضعف وضعف قوتدن بغایت نحیف

وقوای بدنی روز بروز ضعیف اولدی شکار ماهیدن
قالدی و شست غم و دام المه گرفتار اولوب کندو
کندوی لوم ایدوب ابتدی

❀ بیت ❀

در یغ فافله عمر آنچنان رفتند

که گردش بهوای دیار مانرسید

❀ نثر ❀

حیف که نقد غری باز یچه ايله باده و یروب قدرن
بیلدم و بیرلک وقتی ایچون قوت لایموت ذخیره تدارک
قیلدم حالیا طاقم طاق و کسب قوت مالایط اقدر پس
لازم اولدیکه بنای امری قواعد حیل و مکر اوزره
بنیاد ایدم و دام قریب و زرق ترتیب ایدوب خانه
تدبیر و تزویری آباد ایدم (ع) شاید که بدین بهانه
روزی گذرد ❀ پس غمکین و اند و هکیم لر کی ناله
حزین و گریه انین ايله کناره آبه کلوب اوتوردی
اتفاق بر خر چنک انی ایراقدن کوروب یانه کلدی
و بسا نشاطی بسط ایدوب ابتدی ای عزیز
سنی بغایت غمناک کوررم موجی ندر و چهره حالکده
غبار ملال و انفعال مشاهده قیلورم سببی نه نسته در

پیر جواب و یردیکه نیجه غمناک اولیم بلکه دست
اندو هله نیجه کریبان چاک ایتیم که سن بیلورسک بنم
ماده معیشتیم و سرمایه عیش و عشرتم بوکا منحصر
ایدیکه هر کون برقاج ماهی شکار ایدردم بکا آندن
سدر مق و قوت لایموت حاصل اولوردی و ماهیلره
چندان تفاوت و نقصان لازم کلزدی بنم اوقاتم دخی
پیرایه قناعتله آراسته اولوردی بو کون ایکی صیاد
بوجو یبار کنارندن کچوب سویلشرلردیکه بو آبکیرده
ماهی بحد و غیر متاهیدر آنلرک تدارکن ایتک کرک
برسی ایتدی فلان آبکیرده ماهی بوندن زیاده در
اولا آنلرک امرن بر طرف قله لم بعده بونلرک حقندن کله لم
حان بو منوال اوزره اولور سه جان شیریندن ال یومق
کرک وزهر مرک وهلا که راضی اولق کرک خرچنک
چون بو خبری ایتدی علی الفور کلوب کماهی
حالی ماهیلره اعلام ایتدی ماهیلر بو خبر مو حشدن
جوش و خروشه باشلیدیلر و ترسان و هراسان اولوب
یرک بیدکی لرزان اولدیلر عاقبت اتفاق ایدوب
خرچنکله ماهی خوار حضورنه کلیدیلر ایتدیلر بو عزیز
بزه سندن بر خبر نقل ایتدیکه قساوتندن غمان تدبیر

دست تصرف زن گستدی

❀ بیت ❀

چندانکه سراپای مهم می تکریم
پرکار صفت ز عجز سر گشته تریم

❀ نثر ❀

حالی کلد که سنکه مشاوره ایده وز که (المستشار
مؤمن) خردمند اگر چه دشمن دخی اولور سه
چون انکه مشاورت و حسن تدبیر ینه مراجعت
ایده لکر کدر که شرط نصیحتی دریغ بیور میه
خصوصا شول امر ده که نفی ینه اکا عائد اوله سن
خود بو که مقر و معترف سنکه سنک ثبات ذاتک
بزم دوام عمر مزه منوط و بقای حیاتک ثبات وجود مزه
مر بو طدر بس بزم امر مزه نه صواب کور رسک
و خلاص مز باینده نه تدبیر بیور رسک ماهی خوار ایتدی
بلی بن بو خبری صیادلک کند و اغزل زدن ایشتم
انلرایله مقاومت مبسر دکلدر و بو عقده نک حله
چوق فکر ایتدم بوندن غیری چاره متصور دکلدر که
بونوا حیده بر غدیر کیر و بر آبکیر آینه نظیر واردر که
غایت صفاده چشمه خورشیددن زیاده و حکایت

(صورتده)

صورت، جام جمشیددن کشاده در کمال صفاسندن
 قهرنده دانه ريك عداو لنور و بیضاء ماهی جو فنده
 بر بر کوی نور بوجله ایله نه غواص وهم قهرینه یتمک میسر
 ونه سباح فهم ساحلنه ایرتمک متصور در هیچ بر صیادک
 دست شستی اول آبگیره ایرمشد در واول غديرك
 ماهیلری زنجیر آبدن غیری قید و بند کورمشد در
 بیت

آبگیری بسان دریا بیست

نه که دریای بی سرو پای نیست

نثر

شویله که اکا انتقال و تحویله مجال بوله سز یقیه العمر
 امن و راحتیده و عیش و فراغنده اوله سز ایتدی لر صواب
 تدبیر اما سنک معاونتک سز انتقال و سنک مظاهر تکر
 ار محال امر محالدر ماهی خوار ایتدی بن قادر
 اولدیغم قدر قوت و قدرتی سزدن دریغ ایتمزم اما وقت
 تنک و زمان فرصت اند کدر قور قرمکه ناکا، صیاد
 لر کله فرصت فوت اولوب تدبیر مز ضایع اوله ماهیلر
 تضرع ایدوب اغلشدیلر و منت بسیارله بونک اوزرینه
 قرار لشدیلر که هر کون ماهی خوار کله ماهیلردن
 کوتوری بلدیکی قدر آله اول آبگیره صله پس ماهی

خوار هر صباح کوردی ماهیلردن دیلدیکی قدر آلوردی
 اول حوالیده بر پیشه وار ایدی آنده ایلتوب یکین برکین
 ذخیره قیلوردی ینه کلچک کوردی که سائر لدخی کنار
 غدیرده طوروب مضطرب و منتظر لر وانتقالده بر برندن
 استعجال کوسر لر دی خرد چشم عبرتله آنلرک سهو
 وغفلته نگران ایدی زمان هزار دید، ايله آنلرک حال
 زار ینه کریان هر آینه هر کسه که لابه دشمنه اعتقاد
 وخسیس بد کوهرک تدبیر باتزویر ینه اعتماد ایلله انک
 سزا و جزاسی بودر بو حال اوزره چون برقاج کون
 یکدی خرچکه لدخی آبگیر هواسی وغدیر ايله آشالقی
 سوداسی دوشدی قصد ایتدیکه بر سبیل تعجیل
 اولدخی تحویل ایلله ماهی خواره تضرع ایتدی
 ماهی خوار فکر ایتدیکه بنم بوندن غیر عظیم دشمنم
 یوقدر اولی بودر که آتی یاراننه یتشدیرم پس کنار
 آبه کلدی خرچنکی کردنه الوب ماهیلرک خوابکاهی
 جانبنه متوجه اولدی خرچنک چون ایراقدن ماهیلرک
 استخوان کوردی حان نیدوکن بیلدی ومالی فکر
 ایدوب کندو کندویه ایتدی خردمندک دشمن قتله
 قصد ایدیچک قادر اولدیغی قدر مقاومت ایتسه

(کندو)

کند و وقانه سعی ایدوب جائنه قصد ایتش اولور
واکر مقدورنی مصروف قیلسه حالی بوا یکیدن خالی
دکله در که اکر مظفر ومنصور اولور سه سکه بی
مر مرده قازار و مردانه لك نامن صحیفه روز کارده
یازار اکر مغلوب و مقهور اولور سه باری معذور
اولوب عدم غیرت و حیثه مطعون و مشهور
اولز

❖ قطعه ❖

چو خصم قصد تو کرد از برای دفع ضرر
بجد و جهد بکوش از بعقل مشهوری
که کر مراد بدست آیدت به کام رسی
و کر بهم نرسد آن زمان تو معذوری
❖ بنثر ❖

پس خرچنك حلقه وار ماهی خوارك بو بنه صار یلوب
حلقنی محکم صدقی ماهی خوار پیر ضعیف ایدی
اندن اختناق طاقی طاق اولوب جانی بدنندن چقدی
خرچنك کردندن اینوب کلدیکی یوله کندی
وماهی لرك بقیه سنه یاران غائبك تعزیه سبله یاران
حاضر ك تهینه سبن جمع ایدوب صورت حالی اعلام

ایتدی جمله سی بو خبری استماع ایدیچک شاد و خرم
اولوب وفات ماهی خواری حیات تازه و عمر بی اندازه
عد ایتدیلر و ایتدیلر

❖ قطعه ❖

دمی حیات پس از مردن چنان دشمن
کمان برم که ز صد ساله زندگانی به
برک خصم شماتت نمیکنم لیکن
دمی فراغ زدشمن ز هر چه دانی به

❖ نثر ❖

بو مثل کنوردم تابله سنکه چوق کسنه لر کندو
مکر و حیله لر یله هلاک اولورلر و وبال کیدلری بنص
(ولا یحیی المکر السبی الا باهله) ینه آنلره عا ثد اولور
اما پن سنی بر طریقده ارشاد ایده بمکه اگر اتمام
مرا مکه اکا سالک اوله سن بخاطر و ضرر حصمه
ظفر بوله سن زاغ ایتدی (ع) سزدن بزه اشارت بزدن
سزه اطاعت (ع) از دوست بک اشارت از ما بسر
دویدن

❖ بیت ❖

مرا بمکده ارشاد میکنی ساقی

(خلاف)

خلاف رأی تو کردن طریق یاری نیست

❖ نثر ❖

شغال ابتدی صواب اولدر که اوج هوایه چقه سن
و آبادانقلر مقابله سنده، تماشا ایدوب باملرینه بقه سن
هرقنده که بر پیرایه کوره سن قاپوب هوایه قالقه سن
امار و جهله که عیوندن غائب اولیه سن مقرر در که
بعض کسنه لر پیرایه طلینه عقبکه دوشه لر کر کدر
چون مار مقابله سنده کله سن آنلرک نظر نده پیرایه بی تی
مار اوسنده براغه سن چون ماری انده کوره لر لاجرم
اول آتی وادی عدمه کوندره لر اندن پیرایه بی الی
بو طریقه هم دشتکه ظفر بوله سن هم شرر شرنندن
امین اوله سن زاغ اشارت شغال ایله هوایه پرواز
ابدوب یرشهر مقابله سینه کلسدی ناکا، کور دیکه
برخاتون بر آتون هیکلی بر بام کوشه سنده قویوب
اغتساله اشتغال قیلدی زاغ فی الحال اینوب چنکالنه
آلدی واول دستور اوزره که شغال نصیحت ایتشیدی
مار اوزره آندی اول کسنه لر که زاغ عقبچه کلشالر
ایدی سرماری سنک دمارله تار مار ایدوب زاغ کنار
خلاصه یتشیدی (ع) خصم از میان برفت و سرشک

از کنار هم ❖ دمنه ابتدی بومثلی اول اجلدن ایراد
ایلدیمکه بیله سن اول نسنه که رأی ورویته
میسردر زور و قوتله متصور دکلدر کلیمه ابتدی ای
دمنه شتر به قوت و شوکت و رای و فکر نده بیدل
وفهم و فراست و عقل و کیاسته بیمل و مثلدربومقوله
کسنه یه مکرله ظفر نیجه میسردر که هر جانی که سن
مکرله حفر ایده سن اول فکرله سدایدر و هر کروی که
سرانگشت تزویرله حل ایده سن اول دست تدبیرله
عقد ایلمر مکرله داستان خرکوش کوش پرهوشکه
ینشم دیکه روباهه قصد ابتدیکی بنده کند و گرفتار
اولدی دمنه ابتدی نیجه اولمشدر اول

❖ حکایت ❖

کلیه ابتدی روایت ایدر که بر کرک کر سنه بر صحراده
کیدردی و بوی طعمه ایله تک و بوی ایدردی ناگاه
کوردیکه بر خرکوش برخاشاک سایه سنده یا تمش
وخیل خواب جمیع جوانین احاطه ایتش کرک اول
نعمتی غنیمت ییادی و آهسته آهسته یانه کلدی
خرکوش آنک آنک نهیب دمندن و آسیب قدحندن
خروش ایدوب دیلدیکه طریق فرار اختیار ایده کرک

آنی استقبال ایدوب ایتدی

❁ بیت ❁

بیایا که مرا نیست آتش دوری

مرو مرو که بجان آمدم ز مهجوری

(نثر)

خرکوش کرک هیئتدن مدهوش اولوب ضروری
تضرع وزاری به آغاز ایتدی و روی نیازی خا کباینه
سوروب ایتدی ییلورمکه آتش جوع امیر سباع
ملتهب و نفیس اماره سی خائله اشتهاسیله مضطر بدر
بندن بوجنه ضعیف و بوبدن تحیف ایله که برلقمه ایم
اگانه قدر غذا حاصل اولسه کرک و غلیان دیک جوعی
و ضربان عرق شهوتی نه دکا و فتور یواسه کرک اما
بوحوالیده برروبا وارد بر که غایت سمندن کشت اطلال
و دمن ایدمز و وفرت لحم و کثرت شمندن حرکت
اید، میوب آدیمن آنه مز کلام بودر که آنک لچی اطمانده
معادل آب حیاتدر و شهمی حلاوته مائل شربت
نباتدر اکر امیر قدم رنجده بیور، و نه قدر زحمت ایسه آنک
کوشه کاشانه سی جانبین مقدم مبارکیله مشرف
قیله آنی دام حیلله ایله صید و قید فریبله بند ایدوب

خدمت امیره کتورم اکر اول نعمتله قناعت بیورسه
 فیها ونعمه والابن خود حاضر م وورد برید اجله منتظر م
 (ع) دیگران را در کمند آور که ما خود بندایم * کرک آنک
 خواب خرگوشه آلداندی و افسانه افسونه
 فریفته اولوب راه خانه روباهه روانه اولدی مکر اول
 اطرافده بر روباه آگاه و از ایدیکه فن مکر و تلبیسده
 ابلیسده مدرس ایدی ونیزنک و تخیل و تزویر و تسویدده
 وهم و خیاله سبق و یرردی

* مثنوی *

رو به کی جست و دغا پیشه بود
 بانه که مغاجی آن پیشه بود
 لعبت بازیگر صحر اوده

از دکان برده بیازی فره

هم دد صحر ابقمان بودازو

هم سکه نعره زنان بودازو

در که جستن شده از دیده کم

صحن فلک رفته ببحار و بدم

* نثر *

خرکوشك آنکه قدیمی ماجراسی وار ایدی چون

(بووقت)

یو وقت فرصت بولدی فرصتی غنیمت بیلوب انتقام
داعیه سن قیلدی درخانه رو باهه کلچک کری
طشره قویوب کندو سوراخه کیردی وظایف
سلام و تحیات ی برینه کتوردی روبه دخی تعظیم
واکرامله رد سلام و تعلق تمام ایدوب تبصصه آغاز
ایندی وایتدی

❀ بیت ❀

خوش آمدی ز کجا میرسی بیابنشین
پیا که میدهمت بردودیده جابنشین
(نثر)

خرکوش ایندی نیجه اوقاندر که آرزوی شرف ملاقات
ایدردم اما موافع روز کار غدار و عوایق زمانه ناپایدار
سببیه بوسعادتدن محروم ایدم

❀ بیت ❀

فرشته ایست درین بام لاجورد نسکار
که پیش آرزوی عاشقان کشدد یوار
(نثر)

بواثاده اتفاق بسطامی نژاداد همی نهاد بر عزیز که
مصر کرامتده ساطان سرفراز و عرصه ولایتده

بر پیر مرید نواز در

❖ نظم ❖

دلی مفتاح کنج حکمتدر

رخی مصباح کنج عقدر

علم غیبی اکا جلیدر

شیخ دوران مرید شبلیدر

(نثر)

مزارات متبر کهدن بودیاری مشرف قیلدی و بو جناب
تقدس مأبک صیت و صدای ورع و تقوا سن و اختیار
حزانت و انز و اسن استماع ایدوب بوسدهیه توصلده
بو بندهیه توسل ایتدی تادیده حالی جال جهان
آرایله منور و مشام جانی فوایح انفاس مشکسایله
معطر اوله اکر ملاقاته اجازت اولور سه فیها و اکر مانع
وارایسه برنوبت دخی قضاء مافات پیوریله

❖ بیت ❖

یا ازین در باز کردد چون بلای ناکهان

یا فرود آید بدینجا چون دعای مستجاب

❖ نثر ❖

روبا، بر انتباه بو مقالک مأئده نقش حیلله مشاهد، ایدوب

بو کلماتک مرآتنده صورت مکر معاینه ابتدی کنندو
 کندویه ابتدی اولی بودر که بواسطه ینه آنلرک
 طور ینه سلوک یایم و آنلرک شربت زهر آمیزین ینه آنلره
 تیرع ایتدرم (ع) کلوخ اندازرا پاداش سنکست *
 پس روباه دخی ریشخند و خوش آمده آغاز ایدوب
 ابتدی برآینده و رونده به کمر خدمتی اول اجلدن
 در میان ایتشزدر وزاویه مزنی عن یزله اول سبیدن
 مفتوح طوتمشزدر که آنلرک جمال خال و انقاس
 کماندن بقدر الاستعداد استفاده و استعداد ایده وز
 علی الخصوص بو عزیز معارف باردن که سن توصیف
 قیلورسن و بو شیخ قدسی شعاردن که سن تعریف
 بیورسن بن مهماندار لقه تقصیری ایلرین و خدمتکار
 لقه تهاونمی روا کوررین باوجود که بیلورم (الضیف
 اذا نزل نزل برزقه) بعضی اکابر بیورمشدر

﴿ قعطه ﴾

هر که رابینی بعالم روزی خود می خورد
 کرز خوان تست نانش یاز خوان خویشتن
 پس تراشت ز مهمان داشت باید بهر آنک
 می خورد بر جوان احسان توان خویشتن

❖ نثر ❖

ولی توقع ایدر مکه اول عزیزه خبر اید سن تا بر مقدار توقف
بیوره لر که گوشه کاشانه بی جاروب دمالله سپورم
و شان مهمانه مناسب بساط دوشیوب ضیافت
ترتیب کورم خرکوش تصور ایتدی که حسن ادا
و تقریری و تدبیر مکر و زویری رو باهه تأثیر ایدوب
فی الحال مصاحبت کرکله مشرف اولسه کرکله جواب
ویرد بکه

❖ بیت ❖

بوکلن مرشد الهیدر
دشمن صحبت ملاهیدر

❖ نثر ❖

تکالیف تکلفدن مبرا و آرایش جاه و جامه دن معرادر
اما چون همت عالی اقتضا ایدر که تکلفدن خالی
اولیه مانع دکلوز همان مصلحت اوزره اول دیدی
و طشره چقوب ماجرای نقیرو قطع میر کر که تقریر ایتدی
و رو باهک فریفته اولدیغدن بشارت و یردی ینه
بحکم (لکل جدید لذة) رو باهک لحم و شحمن مجددا

تعریف ایدوب لطافت و طراوتن توصیفه آغاز قیلدی
 کرک آچلقدن صفراسی بولندی و گوشت
 روباهی تذکر ایتمکه اغزی صولندی و خرکوش
 بو خدمت واسطه سیله خلاص اولم صاندی هیهات
 هیهات (مصراع) زهی تصور باطل زهی خیال
 محال * اما بوندن سابق روباه پرانته شرط حزم
 و احتیاطی رعایت ایدوب خانه سنک میانده برچاه
 عمیق حفر ایتشدی و تدریجله خاکن چقاروب اوستنی
 خاشاکله ستر ایتشدی و بر مخفی طریق دوز تمشدی که
 وقت ضرورته آندن چقمق ممکن اولیدی چون
 خرکوشی طشره صاودی سرچاهه کلوب خار
 و خاشاکن بروجهله ترتیب ایلدیکی ادنی اشارتله زائل
 اوله پس اول طریق مخفی باشنه واروب آواز ایدوب
 ایتدی ای مهمان کرامی لطف ایدوب بزی خا کدن
 کوتورک و کلبه احزانه قدم کنورک انلرک دخولنه
 مقارن روباه اول سوراخدن چقدی خرکوش شغف
 تام و کرک جابع تعجیل تمامله اول کلبه تاریکه کیردیله
 و سرخاشاکه قدم بصدقلری کی قعر چاهده بولندیله
 کرک شویله تصور ایتدی که خرکوش اکا بسد ایتدی

فی الحال اول دردمندك بند بندن جدا ایدوب قودی
 کتدی بومثلی ایراددن نغرض بودر که مر دعاقل
 هرکز مکر و حیلہ دن غافل اولمز و هر خردمند که حزم
 و احتیاطدن بهره مند اوله کسه اکافر یبله ظفر بولمز
 دمنه ایتدی بیوردیغک واقعدر اما کا و شراب غرورله
 لایعقلدر و بنم عداوتی یلمز و هم فکر غدر و مکر مدن
 غافلدر نکباء نکبتله خرمن دولتی وقت غفلته
 صا و رسم کرک ویشہ غدیری ییح درخت وجودینه
 حالت فراغته اورسم کرک ز پراهر تیر غدر که کان غفلت
 و کین صداقتدن کشاد بوله زیاده جایگیر اولور ایشتمدی
 اول خر کوشک تیر مکر و تزویری هلاک شیرده نیجه تأثیر
 ایشدر چون آنک مکرندن غافل ایدی باوجود که
 اهل فراست و صاحب کیاست ایدی مغاک هلاک
 دوشدی کلیمه ایتدی نیجه روایت اولمشدر اول

❁ حکایت ❁

دمنه ایتدی اخبارده کلشدر که بغداد نواچیسنده
 بر مر غزار و ایدیکه خاکی عبیر و عنبر کی معطر و نسیمی
 تسنیم کوثر کی روح پرور عکس انوار و ازهارندن فلکک
 کوزی قاشمش و عدد عیون و انهاری حد و عددن

آشمنش كـلـز از نك هر شاخنده هزار ستاره تابان و اول
ستاره لك نظاره سـنـده نه فلـك سرگردان

❀ مثنوی ❀

کنارنده جوی فراوان روان
لطفافنده سیمابه بکرر همان

پراولش شکوفیه اطراف جوی
صبا عطر یز وهوامش کبوی

❀ نثر ❀

و خوش بسیار و سباع بیشمار اول مرغزارده قرار
ایتمش لردی و لطافت هوا و طراوت فضا و کثرت
آب و نعمت بحساب سببیه اول دیارده وطن طوتمش لردی
اول نوا حیده بر شیرخو و خوار و ارایدیکه دائم دیدار
نامبارکن اول بیچاره لره آشکار ایدردی و عیش
و زندگان یلرین منغص ایدوب هر کون بر یسن ایکیسن
شکار ایدردی بر کون اتفاق ایدوب جله سی شیر
قته کتیرلر و عبودیت و انقیاد اظهار ایدوب ایتدیلر
بر نملک سباع خدمی و رعیت و حشمی یز هر کون زحمت
بسیار و محنت بیشمار له بزدن بر یسن شکار ایده یا ایتیه
بزدائم آنک بیند کشاکش بلاده یز اولدخی بزی چیست

و جویله تکا بوی عناده در حالیا بر فکر ایلدک که هم
ملکه سبب حضور و فراغت هم بزه موجب امن و راحت
اوله شویله که هرگاه بزه متعرض اولم یوب هر دم بزم
و قتمیزی بریشان ایتمیه هر کون هنگام چاشته، مطبخ ملکه
برشکار وظیفه کوندره لم و بو خدمتک اداسنده
تقصیر و تهاون روا کورمید لم شیر بو قضایه رضا و یردی
پس بو عهدی مقرر قیلوب هر کون قرعه آترلردی
وو خوشدن کیمک نامنه کلسه برسبیل وظیفه آنی مطبخ
شیره ارسال ایدرلردی تابو حال اوزره نیچه مدت
یکدی اتفاق بر کون قرعه بر خرکوش نامنه راست
کلدی و زمانه آنی هدف تیر بلا قیلدی

❁ بیت ❁

آسمان بار امانت نتوانست کشید

قرعه کار بنام من دیوانه زدند

❁ نثر ❁

خرکوش پرهوش سرشیری زانوی تفکره قویوب
بر مقصدار تدبیر ایتد کد نصکره باش قالدیروب و خوشه
ایتدی اکر بنی ارسال ایتد کده فی الجمله توقفه مجال
ویره سز بر فکر ایلدم غالب بودر که آنک سببیه بوجبارک

پنجه جورندن و بوقهارك شكجه قهرندن جمله
 كز خلاص اوله سز و حوش منتر ايلديلر و دعالر ايدوب
 همتار ايلديلر خر كوش شولقدر توقف ايلديكه وقت
 چاشت كچدى شيرك ديك جوعى غليان و قوت سبعيسى
 همچان ايدوب خشم و حوشدن ابر كى جوش و ببر
 كى خروشه آغاز ايتدى واضطرابندن كا، طوروب
 كا، اوتوروب غضبندن دندان بر برينه اوروب صدای
 مهيب و غريو بانهمي كوش كاوزمينه و سمع شير كر دونه
 يتدى

✽ بيت ✽

اولوردي زهره سی چاك اول غريوی
 ايشته كوه قافك نره دیوی

✽ نثر ✽

خر كوش آهسته آهسته شیر قریب واردی بغایت
 دلتك بولوب كوردیكه آتش چوعی خرمن صبردن
 باده و یرمش و فروغ خشمی تنور سینده سندن کره
 اثره ایرمش

✽ بيت ✽

تنور شکم دمدم تافتن

مصیبت بود روز نایافتن

❖ نثر ❖

غایت غضب بندن دم انتقامی زمینه اورر و اساس میثاق
و بنای اتفاقی یقین طوّر نرم نرم ایلر و واردی خضوع
و خشوع ایله سلام و یردی شیرایتدی نه طو شدن
کلورسن و حال و خوشدن نه یلورسن خر گوش ایتدی
عهد سابق اوزره بن بند ایله مطبخ عامر یه بر خر گوش
ارسال ایتیلردی آنکه بیله عزیمت ملازمت ایتشکن
اتفاق فلان پیشه ده بر شیر شیر بر قرشو کوب آنی المدن
آلدی هر چند فریاد ایلد مکه بو خر گوش خدای ملک
و خوشدر قطع ایدیکلمدی و اصلا التفات ایلدی
و خشم تمامه شتم و دشنام و فحش کلامه باشایوب
ایتدی ای شوم وای خیشوم میشومی رایحه ادر اکن
محروم بیلر میسن که بو پیشه بنم شکار کاهم و صیدی
وظیفه در کاهمدر (مصراع) نشنیده مکر تو که
هر شیر و بیشه * ای ملک اولقدر لاف و کزاف ایدوب
قوت و شوکت عرض ایلدیکه اولمز و ملکه اطاله لسان
ایدوب هرزه و هذیان سو یلدیکه بن مدهوش اولدم
عاقبت او کنندن قاچوب علی التعجیل کادم تا صورت

(حالی)

حالی معروض رای عالی قلم شیر چون خر کوشدن
بوخبری کوش ایتدی درون دلندن عرق حقیق نابض
وعیش دماغنده دیو سبهیتی بایض اولوب ایتدی
✽ مثنوی ✽

من آنمکه در شیوه طعن و ضرب
بشیران در آموزم آداب حرب
کدامین هزاران دلیری کند
که سر پنجه بر صید من افکند

✽ نثر ✽
پس ایتدی ای خر کوش جائز میدر که آنی بکا کوسته
سن تاسنک دادکی نیجه آلورم و بنم انتقامی نیجه
حاصل قیلورم کوره سن خر کوش ایتدی نیچون جائز
اولیه اول ملک حقنده انواع ترهات سو یلدی و بی
ادبانه کلمات ایلدی بن قادر اولسم انک خون شراب
ناب کبی ایچردم و کاسه سرین ملک کتر سکنت
سفال آنخون ایدردم اما

✽ بیت ✽
خدادن او مریم کیم ناکهانی
مراد مجده کورم پنجه کده آنی

❖ نثر ❖

بونی دیدی و همان او کنه دوشدی شیر ساده دل
آنک خواب خرگوشه الدانوب عقبه روان اولدی
خرگوش شیری بر جاء عمیق کنارینه کتوردیکه آبی غایت
صفادن آینه چین کی صورتلری راست کوستردی
و بی خبط و خطا صفت چهره نظاری درست
ادا ایدردی

❖ بیت ❖

صفاده شویله کیم مهر منور
کور بنوردی اگا نسبت مکدر

❖ نثر ❖

ایتدیکه ای ملک خصم نابکار اشبو پیکارده در بن انک
مهابتدن وهم ایدرم ا کر ملک بنی یانه الورسه اگا
خصمن کوسترم شیر خرگوشی دوشنه آلوب چاهه
نظر ایتدی کندونک و اول خرگوشک صورتک
صود کوروب خیال ایتدیکه اول شیر بد فعال و اول
خرگوشدر که کندویه ارسال اولتمشدر فی الحال
خرگوشی قویوب کندوسن اول جاء آبه آتدی
و برایکی غوطه ابله نفس لئمن زبانه عجمه تسلیم

(ایتدی)

ایتدی خرکوش سلامتله دونوب وحوشی کیفیت
 حالدن خبردار ایتدی انلردخی وظایف شکر و لطایف
 الهی یه قیام ایدوب ریاض امن و سلامتده فراغ بان
 و رفاه حال ایله بیچون و چرا چرا ایدوب بوبیتی لسان
 حال ایله ادا ایلدیلر

❁ بیت ❁

یکی شربت آب از پی بدسکال

به از عمر هفتاد و هشتاد سال

(دیگر)

عدودن انتقام آلمق نه خوشدز

جهاندن کیشی کام آلمق نه خوشدر

❁ نثر ❁

بومشیدن معلوم اولدیکه خصم نه قدر قوی و زور آور
 اولورسه کین غفلتدن اکا ظفر میسر در و دشمنک
 معین و نصیری نه قدر کثیر اولورسه تیر غدرک
 آند، تأثیری متصور در کایله ایتدی اگر هلاک کاوه بر تدبیرله
 ظفر بوله سن که شیر آندن ضرر متطرق اولیه فی الجمله
 وجهی وارونوعا آندن اعتذار ممکندر و اگر بمحضرت
 شیر تیر تدبیرک آند، جایگیر اولیه زهار بوفکردن و از کل

و بوم کردن احتراز قیل که هیچ بر عاقل راحت نفسی چون
ضرروی نعمته قائل دگادر کلام میان نرند، بویکله ایله
تمام اولدی دمنه بر مدت ترک ملازمت ایدوب برکوشه
ده عزلت ایتدی تا بر کون فرصت بو اوب شیر حضورینه
واردی و غمدیدلر کی یوزین دوروب سترسیده لر کی
بوینن اکوب قرشوسنده طوردی شیر ایتدی خیلی
مدتدر که کور غمزن خیر میدر دمنه ایتدی ملاک دولنده
اهیددر که خیر اوله شیر ایتدی چهره کده اثر غم و بشره
کده ژنک الم وار حکمت ندر دمنه ایتدی

❀ بیت ❀

اگر چه غصه به حکمت کر کدر

ولیکن قصه به خلوت کر کدر

❀ نثر ❀

(الحکمة عروس ترید البیت خالیا) پس شیر خلوت ایتدی
و دمنه بی قننه دعوت ایدوب ایتدی بر حادثه عظمی به
وقوفک آکنور علی التعجیل عز حضور فایض النور مده
تفصیل ایله که مهمات کلینک تا خیرنده نیچه محافات
و کار امروزی فردایه حوالده هزار آفات وارد

❀ بیت ❀

بیاور سن مختلفدر حکم اوقات

دیشاورد در که فی التأخیر آفات

مکن تأخیر و سر در کار پیش آر

که در تأخیر آفاتست بسیار

(نثر)

دمنه ابتدی هر کلام که مستمع آنک استماعند امتناع اید،
متکلم آنک تکلمنه اقدام ایتمک کرک و هر مقال که
پوته قلبه آتش فکر و تأنی ایله خلاص بولیه قاله
کتورمک کرک سامع دخی احوال متکلمی تمام ملاحظه
قیاب بیک کرک که خیر اندیش و عاقبت بین میدر
یا ضرر را نکیر و نفاق آیین میدر چون بیه که قائلک ادای
شکر نعمت و حقوق تربیتدن غیری غرضی یوقدر
کلامی سمع رضا ایله اصفا ایتمک کرک خصوصاً شول
موادده که فوائدی فی الحقیقه اکا عائد اوله شیرایتدی
سن بیاور سنکه بن سائر ملوکدن فضیلت رأی
و عزیت عقله مستثنی و ممتازم و هر متکلمک کلامی
استماعده تمیز مملکانه بی پیشنهاد ضمیر ایتمکله اقرا م
میاننده سرافرازم همان بیتکلف ضمیر که مضمر اولانی
اظهار ایله و بیتوقف خاطر که خطور ایدن خاطره بی

کتم ایله سوله دمنه ایتدی بندخی بومر تپه جرآنه اول
جهتدن رخصت بولد مکه ملکک عقل ودانشنه وثوق
واعتماد حددن زیاده در بودخی ظاهر در که بنده دن
صادر اولان کلام محض دیانت وعین امانتد نناشیدر
و شک و شبهت و غرض و علتله آلوده دکدر و محک
طبع ملکده عیار نقد اخلاصم (کالشمس فی وسط السماء)
ظاهر و هویدادر

❀ بیت ❀

بحمد الله که ذهن شه محکست

که قلب خالص ماحی شناسد

❀ نثر ❀

شیر ایتدی بلی سنک و فوراماتک عز حضور مد،
ظاهر و آثار دین و دیانتک جبین قیافنده باهر در
مطلقا سنک کلامک شفقت و نصیحتیه محمول و شائبه
شبهه پیرامن قبولنه وصولدن معزولدر دمنه ایتدی
مقرر در که بقای کافه و خوش دوام عمر ملکده وابسته در
پس رعایادن هر بر یسنه که پاکیزه نهاد و پاک اعتقاد
اوله واجبدر که اظهار حق و تقریر صدق ایمتکه
پادشاهدن نصیحتی دریغ ایتیدلر حکما بیور مشلدر که

هر کس که پادشاهدن حق سترایده و طیبیدن مرضن کتم
 و احبادن فقرن اخفایلیه کند و کندویه خیانت ایدوب
 ضرر ایتمش اولور شیر ایتدی خیر صدق و اخلاصک
 و اثر فرط اختصاصک بوندن سابق سمع شریفمه
 و اصلدر و بالجمله امانت و دیانتکه اطلاع کلی حاصلدر
 حالا سویه که نه حادثه حادث اولمشدر تا کیفیت حاله
 و قوفدنصکره تدبیرینه اشتغال اولنه دمنه چون شیری
 بو افسونله شیفته و بو افسانه ایله فریفته ایتدی دهان
 بیانی آچوب زبان روانله ایتدی

❖ بیت ❖

که شاهها دولت اوله رهنمونک
 ظفر یارک اوله دشمن زبونک

❖ نثر ❖

شتر به امرای لشکرله خلوتلرو کبرای دولته مشورتلر
 ایتدی و ایتدی شیری آزمایش ایتدم و اندازه زور
 و قوت ورآی و رویتن بیلدم هر بریسنده خلل کلی
 وضعف قوی مشاهده قیلدم

❖ بیت ❖

نه آن بود آنکه مازادر کمان بود

خیالی داشتیم ونه چنان بود

❖ نثر ❖

بن بو حیرتدهیم که ملک اول کافر نعمتک اکر افسنده
افراط ایدوب حددن کچوردی و مملکت و سلطنتده
کندویه شریک بلکه جملة الملک ایدوب عنان فرمان
وزمام احکامی آنک دست تصرفنه و یردی و بونعمت
مقابله سنده آندن بوخیانت وجوده کلدی و اول
عارفه ازاسنده نهاد بدنژادنده بوداعیه ظهور
قیلیدی هرآینه بحکم (ان الانسان لیطغی ان راده استغی)
برکسه که اجرای امر و فرمانده کندوی مطلق العنان
کوره وزمام احکام خاص و عامی قبضه اقتدارینه
رایکان کتوره دیو طغیان زاویه دماغنده آشیان
قیلسه کرک و عرق عصیان دل پرغلنده جریان ایتسه
کرک

❖ نظم ❖

کسی را که کینی زجا، بخول
برآرد رساند براوج قبول
عجب کرنه دعوی شاهی کند
سرسرکشان درکندد افکند

(نثر)

❖ نثر ❖

شیر ایتدی ای دمنه نه عجب سوز سو یلدک حقیقت
 حالی ندن یلدک کیفیت کاره ندن جزم ایلدک حال
 بومنوال اوزره اولوزسه که تقریرندن آکلور آنک
 تدیری ندر دمنه ایتدی آنک رفعت درجه وعلو
 مرتبه سی نه مشابهه ایدوکی ملکه معلومدر چون
 پادشاهلر خدمتکارلردن بریسن درجهء حرمت
 و مال و حشمت و شکوه و شوکتده کندولره مساوی
 کوره لر واجبدر که آستانهء دولتلرندن بالکلیه مطرود
 و مردود بلکه بوتودهء خاکدن وجود ناپا کن نابود
 ایدر و الاسطنت الدن کیدر و مملکت غیره انتقال
 ایدر بو کارک چاره سنده اول وجهله که ضمیر منیر پادشاه
 جهانپناه اقتضا قیله بزم خاطر فاتر و ذهن قاصر مرز قنده
 واصل اوله بیله اما بومر تبه به عقم جازمدر که
 تدارک حال به ده تعجیل لازمدر اگر تکاسل جائز اوله ممکن
 که کار بر مرتبه به بنشده که قدم تدبیر آنک ساحت
 مساحتده عاجز اوله

❖ قطعه ❖

مخالف تو یکی مور بود ماری شد

براوراز سرآن مورمار کشته دمار

مده زمانش ازین بیش روزگار مبر

که ازدها شود اردوزگار یابدمار

(نثر)

دیشلردر که بنی آدم ایکی قسمه منقسمدر بری عاجز
بری صاحب حزمدر عاجز اولدر که زمان حدوث
حوادث حدثانده سراسیمه و پریشان و متردد حال
وسرکردان اوله صاحب حزم اولدر که عقل و کیاستله
هر مشکلك عقبه سید، حاضر و دیده، فراستله هراحرک
عاقبتنه ناظر اوله بودخی ایکی قسمدر اول اولدر که
برخطر هنوز ظهور ایتدین بسیار فکرله غورنه ایره
و غیر یلر هر کارک خاتمه سنده بیلدکلرین اول دیده
عقلله فاتحه سنده کوره و اواخر اموری اوائلندن
تدبیر ایدوب (اول الفکر اخر العمل) مفهومین پیشنهاد
ضمیر ایدینه بو مقوله کسنه چون بیله که بر بلا نازل
اولسه کرک قبل النزول شرطه تدبیرله ساحل نجاته
وصول بولسه کرک بو که احزم دیرلر ایکنجی اولدر که
چون بلا نازل اوله مترزله اولیوب حیرت و ضجرت قلبنه
یول بولیه لاجرم بو مقوله شخصه رأی صواب ووجه

(تدبیر)

تدبیر پوشیده اولیه اکا حازم دیرلر بواوج طائفه نك
مناسب حالی که بری عاقل و کامل و بری نیم عقل و بری
جاهل و غافل در اول اوج ماهینك حسب حالی در که
برآبکیرده مجتمع اولمشلردی شیر ایتدی نه کیفیتله
اولمشدر اول

❀ حکایت ❀

دمنه ایتدی روایت ایدرلر که برآبکیر بینظیر وار ایدی که
شارعدن دور و دیدء تعرض ابناء السبیلدن مخفی
و مستور ایدی آبی صوفیلر اعتقادی کبی صافی و تماشای
صفاسی تشنکان آب حیاته کافی ایدی بوغدر دریا
مثالک برآب روانه اتصالی وار ایدی اول آب ژرفده
اوج نفر ماهی شکر ف که حوت آسمان آنلرک زشکندن
تابء غیرته بریان ایدی تمکن و توطن ایتمشلردی اول
ماهیلرک بری احزم بریسی حازم و آخری عاجز ایدی
ناکاه ایام بهارده که جهان آرایش کلزاردن نمودار باغ
جنان اولمشیدی و بساط بسیط غبرایا حین رعنا
وازهیر غرایله حدیقه خضرای سمایه دوغمشیدی
فراش صبا سطح زمینی رنکارنک فرشله تزیین و صباغ
صنع چن جهانی الوان ازهارله رنکین ایتمشیدی

❀ منوی ❀

بهار یله جهان کرم اولمشیدی
یرک سنسکین دلی نرم اولمشیدی
یرک لاله یله اولمشیدی یوزی خون

کوزی یاشینی جوی ایتشدی کلکون
❀ نثر ❀

قضای الهی بر نیجه نفر صیاد ماهی اول نواخی
وضو احیده کررکن اول آبگیره راست کلدی لر اول اوج
دانه ماهی بی آنده کماهی بولدیلر عرق طمع لری حر کته
کلوب آنلری صید قصد ایتدی لر و بر بر یله میثاق
ومیعاد ایدوب آلات اصطیادی کتورمکه کتدی لر
ماهی لر بو واقعه دن آکاه اولوب عین آبد، آتش
اضطرابه دوشدی لر چون غدی رفلک آبکونده ماهیان
انجم جنبشه آغاز ایتدی اول ماهی که عاقل و کامل
ایدی چون هزار بار روز کار غدارک دستبردن کورمش
وسپهر ستمکارک محنت و دردن مشاهده قیلمش ایدی
بساط تجر به ده ثابت اولدی و صیاد لرک قید و بندندن
خلاص تدبیرن و دام فریندن نجات فکرین قیلدی

❀ منوی ❀

خردمندود انا کسی را شناس
 که محکم نه کار خود را اساس
 کسی را که حزمش نباشد درست
 بنای مهمش بود سخت سست
 ❀ نثر ❀

پس طریق فراری اختیار ایدوب پیشورت یاران غدیرک
 آب روانه متصل اولان جانندن روان اولدی علی
 السحر صیادلر کلدیلر آبگیرک ایکی طرفن بغلدیلر شول
 ماهی که پیرایه خردله اراسته اما ذخیره تیجر به دن
 بی بهره ایدی چون بو حالی کوردی اهماالنندن ندامت
 ایتدی و کندوی ملامت ایدوب ایتدی حیف که غفلت
 ایتدم دریغ که تکاسل ایلدم غافلارک سرانجام کاری
 بویله اولور متکاسلارک مال حالی بو که وارر کرک ایدی
 که اول برماهی کی نزول بلادن او کدین کندو غم
 یلیدم و آقت هجوم ایتدین خلاص تدارکن ایدیدم

❀ بیت ❀

علاج واقعه پیش از وقوع باید کرد
 دریغ سودندار دچورفت کار از دست

❀ نثر ❀

ولیکن چون فرصت کر یز فوت اولدی زمان مکر و حیلہ
وہنکام فکر و خدعہ در اکر چہ دیمش لدر کہ وقت
نزول بلادہ نہال رأی و تدبیر اول قدر بروی رمز و زمان
مضاء قضادہ نذر حیلہ و تزویر چندان ثمر و بر مز اما
بوجہ ایلہ مر دخر دمنہ منافع دانشدن هیچ بروقت
امید قطع ایتمک کرک و دفع مکاید دشمنہ تأخیر و تقصیر
جائز کور ممک کرک پس فی الحال صو یوزینہ کلوب
کنندوسن مرده صورتندہ کوسرتدی صیادک
بری آئی اول حالہ کوروب مرده خیال ایدوب کوتوروب
صحرایہ آندی اولدخی ہزار زوروزارلہ کندوسن جویبارہ
یتشدروب ساحل نجات و کنار سلامتہ یتدی

❖ بیت ❖

بمیرای دوست کر خواہی رہایی
کہ بی مردن نیابی آشنایی

❖ نثر ❖

اول ماہی عاجز کہ تدارک نوأبندہ فکر عواقبدن
دور و دیدہ بصیرتی پردہ غفلتہ مستور ایدی حیران
وسر کردان پای کشان چپ و راست کرز ایدی و فراز
ونشیب و زیروب بالا یوزر ایدی تا عاقبت کار دام صیادہ

(کرفتار)

کرفتار اولدی بوشنک مضمونندن معلوم اولدی که
ملک شتر به باندن شتاب ایدوب فرصت و قدرت
وار ایکن تیغ آبداره جان خاکسارینه آتش دمار
اوروب خرمن عمرین باد فغایه ویرمک کرک و عرصه
زمینی و ساحه خاطر نازینی آنک وجود خیشندن
خلاص و خبث مکیدندن پاک و مناص ایدوب مدد العمر
اول ناپاک بی باکک هلاکنی نوید صبح شادمانی
و برید فتوح کامرانی بیلک کرک

❖ بیت ❖

چو قدرت یافتی بر خصم غدار
بسنتک ابتلا مغزش برون آر

❖ نثر ❖

شیر ایتدی دیدیکک معلوم اما کان ایتز مکه شتر به
مکر و خیانت فکر ایتش اوله و سوابق احسانی لواحق
کفرانله مقابله روا کورمش اوله که تابو غایه دك
ایله کمزدن غیری نسنه کورمشدر والی هذا الان آنک
باندن دقایق لطف و احسانمز دریغ اولمشدر دمنه
ایتدی بلی بویه در اما ملکک اول ایله کلری آنی
یراهن ایتشدر و انعام و احسانی انی مقام عصیان

کتور مشدر

بیت

هر کجا داغ ببايت فرمود

چون تو مرهم نهی ندارد سود

نثر

لئیم و جاهل اول زمان ناصح و یکدل اولور که امید
وار اولدیغی مرتبه یه واصل اولمیه اما چون مقصودی
حاصل اوله لاجرم دیک طمعی غلیان ایدوب شاننه
مناسب اولیان مناصبک سوداسی سویدای دلنده
هیجان ایدر اولور بیور مشدر که سغله و بد کوه رک
بنای خدمتی قواعد بیم و امید اوزره در چون ضرر
خوفدن امین اوله سرچشمه اخلاصی بولندیر سه
کرک و چون حصول امانی ایله مستغنی اوله آتش
کفرانی یا لکلتدر سه کرک شیرایتدی خدام لئیم
خلقت و دنی همت حقنده ملوک نه طریقه ساوک ایتک
کرک که آنلردن اثر کفران و عصیان ظاهر اولمیه دمنه
ایتدی بو طائفه بی شفقت و عاطفتدن اول قدر محروم
و مهجور قلمق کرک که بالکلیه ناامید اولوب اعدا
جانبه مائل اوله لر و بونلر چندان نعمت و احسانه

دخی مستغرق اولمق کرک که غایت ثروت و نهایت
کبر و نخوتدن فرعونیت دعوا سن قیله لر بلکه واجبدر که
دائرء خوف و رجاء دائر اولوب مدار حالری وعد
و وعید و بیم و امید اوزره اوله لر زیرا که امن ثروت
سبب نخوتدر و نخوت باعث عصیان و کفران نعمتدر
و یأس و خیت موجب جرأتدر و جرأت مورت نقص
عرض سلطنتدر

❀ بیت ❀

نومید دلیر باشد و هم چیره زبان
ای دوست چنان مکن که نومید شوم
(نثر)

شیر ایشدی ای دمنه بن شویله اکلر مکه شتر به نك آینهء
دلی بونیرنك ژنکندن مهضا و چهرهء حالی بوخیال
خاندن معرادر زیرا که تاشمدی به دك ابواب عاطقم
آنک باینده کشاده و انعام و احسانم سائر ارکاندن
ا کا زیاده ایدی بعدما که بندن دائماً مهر و شفقت
و مرحمت و منفعت مشاهده قیله آینه سیدن آنک
مکافانده قصد حیانت و فکر مضرت ایدر اوله

❀ بیت ❀

چو دل بدوستیش خویش را علم سازد
جرا بدشمنی من علم برافرازد
(نثر)

دمنه ایتدی ضمیر منیر ملکه مخفی اولیه که کج مزاجدن
هرگز استقامت کلز و بدطینت وزشت سیرت تکلیف
و تکلفه ستوده خوی و پاکیزه خصلت اولمز (ع)
کل اناء یترشیح بمافیه * (ع) از کوزه همان برون
تراود که دروست *

❖ نثر ❖

مکر قصهء غریب و کشف ملکک سمع شریفه
واصل اولمشدر شیر ایتدی نیجه اولمشدر
اول

❖ حکایت ❖

دمنه ایتدی برکشف برکژدمله همدم اولوب هر دم
دعوی و داد و اتحاددن دم اوررلردی و دائم کمال
اخلاص و اختصاصدن خبر و پروردی
❖ بیت ❖

روز تاشب معاشر و همدم
شام تا صبح مونس و محرم

(نثر)

نثر

اتفاق بروقت بحسب ضرورت جلاء وطن ایتک
لازم کلوب مرافقت و موافقتله بر مأمین آخره متوجه
اولدیلقضای الهی آنلرک راهی برنهر عظیمه راست
کلوب و آندن عزم کنرایتدیار چون عقرب به اول نهردن
عبور ایتک متعذرایدی متحیر قالدی کشف ایتدی ای
یار عزیزنه باعث اولدی که زوق فکرتی نهر حیرته
صالدک ونه حادث اولدیکه اندوه و غم بحرینه طالدک
قالدک عقرب ایتدی ای برادر بو نهردن کنرا ایتک فکری
بنی کرداب اضطراره بر اقدی نه آبدن عبور ایتک میسر در
نه تاب آتش فراقه طاقت متصور در

نیت

سن کیندر سن سنک اردیکه کوزم یاشی کیدر
مشکل اولدر که کشتی قالور و یولدشی کیدر

نثر

کشف ایتدی غم چکمه که بن سنی بیکلفت وزجت
یشتم کشتی سبله بو آبدن پکورسم کرک و سینده می
تیر بلا که نشانه قیلوب بو کردابدن کرانه تورسم کرک
که دیمشاردر حیفدر که دشوارلغله بریاراله کنوره سن

وَأَسَانُلْهُ الدِّينَ يَتُورُهُ سَنَ

❖ بِلِت ❖

ای دوست برو بهر چه داری

یاری بشیر و بهیچ مفروش

❖ نثر ❖

پس سَنَك پُشت عَقَر بی پُشته آلدی و سَفینه سَفینه سَن
آبَه صَالُوب رَوَان اولدی حَبَاب وارمیان آبدَه یوزر کن
نَاکَا، کُوشَنَه بَر نَاساز آواز یَتشدی و حَرکت عَقَر بَدَن
پُشته خَراش و کَا و کَا و اَحساس ایدوب ایتدی ای
برادر بونَه صَوْتدر کَه بَن اِستماع ایلرم و بونَه عَمَلدر کَه سَن
اِشْتغال اوزرَه سَن عَقَر جَوَاب و یردیکَه ای برادر
سَنان نیشیمی سَنَك جُوشَن وجود کَه آزمایش ایدرم
کَشَف پَر غَضَب اولوب ایتدی ای بِیروت بَن سَنَك
ایچون بو کَر دَاب بِلایَه اَر تَکاب ایتدم و جان شَیرین
و وجود نازنینم غَرَقاب خَطَره آتدم حَالِیا بَن زَحمت
چَکرم سَن حَضُور ایدرسن هَم پُشتم کَشَتی سَی و سَفینه م
سَفینه سَیله بو آبدَن عَمُور ایدرسن اَکَر التَّزَام مَنَت ایتیموب
حَق صَحبت قَدیمه اَعْتِبَار ایتز سَنَك باری بونیشی
اورمغه سَلَب نَه

❀ بیت ❀

چون نوش ندازی مزن نیش آخر
چون دوست نه مشودشمن باری

❀ نثر ❀

با وجود محقه قدر که چون بوحر کردن بکا آسیب مضرت
یتسمسه کرک و نیش دلخراشک بنم پشت نا تراشیده
نأثیر ایتسمه کرک

(بیت)

غالب آنست که دست و دل خود ریش کتد
هر که از روی جدل مشیت ز نذر دیوار

❀ نثر ❀

عقرب ایتدی معاذالله که بومقوله معانی جمیع
اوقات زندگانیده ضمیرمه بکیش و خاطر مه خطورایش
اوله اما بو قدر وار که بوحرکت بنم مقتضای طبیعت
و نیش ز نلک لوازم جیاتمدر بو باید بکا خار و خارا و پشت
دوست و سینۀ دشمن علی السواد

❀ قطعه ❀

هر کر اعادت ذمیم بود
بی ارادت ازو شود صادر

نیش بر سنگ میزند عقب

کرچه بروی نمیشود قادر

❀ نثر ❀

کشف بوحالی تعجب ایتدی و تفکر بحرینه طالوت ایتدی
حکما راست بیور مشارد در که نفس خسیس و شخص
خبیثه هر و تایتک همان دامانده خارو کریبانده
مار تربیت ایتکدر

❀ قعظه ❀

بد اصل را چه گونه توان کرد تربیت

کس در درون خانه چرا مار پرورد

خنطل بتربیت ندهد طعم نی شکر

کل بر نچیند آنکه همه خار پرورد

❀ نثر ❀

کلام اکا بر در که کیمکه اصلنده نصیب اولیه امید کرم

آندن نصیب اولیه نطفهء خبیثه دنیا دن کتمه تاوی

نعمته کفران و اساءت ایتمه

❀ بیت ❀

ز بد اصل چشم بهی داشتن

بود خاک بر دیده انباشتن

❖ نثر ❖

بومثلک مفهومندن بومعلوم اولور که ملک شتر به نك
عدم اصالتندن و خست ذات و خیانت صفاتندن
اندیشناک اولق کرک وزیر دستان مشفق و دوستان
صادقک نصایحک کوش هوشله استماع بیور مق کرک
هریکه ناصحکرک کلامنه اکر چه که بحکم (الحق مر)
درشت و بی محابا اوله التفات قلیله آنک عاقبت حالی
ندامت و ملامتدن خالی اولیه بیمار کی که چون او امر
طبییه دیدہ استحقافله ناظر اوله و شربت و غدا سن
کند و واشتهاسی حسبیله استعمال قیله لاجرم
ضعف قوت و نحافت بنیت اکا زیاده استیلا
بوله

❖ بیت ❖

ناصر از روی درشتی سخن ار گفت جه پاک
صبر تلخست ولیکن بر شیر بن دارد

❖ نثر ❖

ضمیر منبر ملکه که مرآت حقایق و مشکات دقایق در
پوشیده اولیه که عاجز ترین ملوک اولدر که عواقب
اموردن غافل و مهمات ملکه دیدہ استحقارله ناظر

اوله وحزم واحتیاطده قاصر اولدیغی سیدن بر حادئه
عظمی ظاهر اولیجق خواص ووزرانی سوء رأی
وضعف تدبیرله متهم قیاب واقع اولان خطاری
آنلرک کردنه حواله قیله

❁ رباعی ❁

فکری که بکار خود تراباید کرد
بهر چه بدیکری ره بایلد کرد
وانکه که بدین گونه خطایی کردی
در کردن دیگران چرا بایلد کرد
(نثر)

شیر ایتدی زیاده درشت کلمات ایتدک و سرحد ادبدن
طشره کتدک اما چون معرض نصیحتده سن قول
ناصحی حشونتی سببیه ردایتک اولمز شتر به بر تقدیر که
عداوتی مقرر قیله ظاهر در که اولن نیمه قادر در اول
بحسب الواقع بکا طعمه در زیرا که آنک ماده حیاتی
اجزای نباتیدر بنم مدد حرکاتم جسم حیوانی ولحم
لطیف آهوی بیابانیدر اجزای نباتی همیشه
مغلوب اعضای حیوانیدر آنده نه قدر قدرت وقوت
اوله که صفحده دلنده بنه مقابله صورتن تصویر

قبیله یاسویدای ضمیرند، بنامه مقاتله سوداسی جایگیر
اوله

❖ بیت ❖

مدعی را کی رسد با چون منی لاف جدال
کی تواند پشه باییل دمان پهلوزند
❖ نثر ❖

شتر به اگر بنم آفتاب دولتمه که افق پروردگاریدن
تا باند در ماه کی دعوا ی مقابله اید، کاسته
و ناقص اولور و بنم ماهجه چتر همایون همای آشیانه مه
که نمودار سایبان آسماندر خورشید مانند تیغ
چکسه عاقبت زوال بولور

❖ مثنوی ❖

تهی دست کومایه داری کند
چوانکیست کوراهواری کند
من آن صید را کرده ام سر بلند
منش باز در کردن آرم کند

❖ نثر ❖

دمنه ایتدی ملکه لایق بودر که اول بکا طعمه در دیو
مغرور اولیه و کندونک قوت و غلبه سینه اعتمادی

جائز کورمیه که اگر کند و بنفسه مقابلہ دن عاجز ایستہ
معاونہ مظاهر تیلہ چوق نسنہ یہ قادر در و سحر و مکر
و دستان و غدر دہانی سام و سامریء ساحر در قورقم
بودر کہ چون و حوشی مخالفت ملکہ نمر یض ایدہ اکا
موافقت ایدہ لبر فردنہ قدر زور مندہ و مردنبرد
اولور سہ ظاہر بودر کہ قامت قدرنی جمع کثیرلہ
مقاومتدن قاصر در

❖ قطعہ ❖

پشہ چوپرشد بزندیل را
باہمہ بندی و صلابت کہ اوست
مور چکارا چو بود اتفاق
شیر زیار ابدرا نند پوست

❖ نثر ❖

شیر ایتدی سنک صدق کلامکہ کانم وار و خلوص
مناصحتک ضمیرمہ آشکار در اما بوصورت بکا
دامن گیر در کہ روز کار دراز در کہ اکا نرید تقرب و اعتبارلہ
اختصاص و یردم و رایت تربیت و تقویت اوج آسمانہ
ایر کوردم و مجالس و محافلده آئی مدح ایدوب علی
ملاء الناس خرد و دیانت و اخلاصلہ دلہ کتوردم

حالا بندن وضع سابقه مخالف بر فعل صادر اولورسه
تناقض قول خفت عقل و رکاکت رایه منسوب اولوب قول
قلوبده مردود وعهدم خواطرده نامقبول اولور

❖ بیت ❖

هر سری را که خود برافرازی

تا توانی ز پانیندازی

❖ نثر ❖

دمنه ابتدی رأی صائب و تدبیر درستک فائده سی
بودر که چون بردوستدن اثر عداوت و برخدمتکاردن
علامت خیانت کوره لر هماندم اطراف کارلرین فراهم
قیلوب روی مر افقت و موافقتی آندن دوندوره لر و خصم
آنلرک تارد مارله خانمانلرین کویندرمدین آنلر آنک آب
بوارله حیاتی اوجاغن سویندرله دندان باوجود که
آدمینک قدیمی همدی و تحصیل منافعده اکثر اعضانک
مقدمیدر چون معلول اوله قلعدن غیر یله دوا قیلزلر و طعامکه
بدل مایتحلل و مدد ماده حیاتدر چون معده فاسد
اوله دفعدن غیر بی روا کورمز لر

❖ بیت ❖

ز آن کس که دل غمزه ده ات شاد نکردد

کر خود بمثل جان تو باشد کم او کبر

❁ نثر ❁

عاقبت دمدمه دمنه شیرده تأثیر ایدوب ابتدی حاصل
 کلام صحبت شتر به دن نفرت تمام ایدوب من بعد آنکله
 ملاقات مقوله محالاتند در اولی بودر که همان اکا
 بر کسینه کوندرم تا کیفیت حالی اعلام ایده و اجازت
 و یرم ارض لله واسعه دیلدیکی یره کیده دمنه و هم ابتدیکه
 اگر بو کلام سمع شتر به یه و اصل اوله در حال براءت
 ساحت ذمتن ضمیر شیره روشن قیله و آنک مکر و حیلہ سی
 نهانخانه خفادن عرصه ظهوره کله ابتدی ای ملک
 رای مزبور طریق حزمندن دور و منهج احتیاطندن
 بغایت مهجوردر بر کلام مادامکه قابیده طوره قاله کلیه
 دائره اختیارده داخلدر اما بعد الاظههار آنک تدارکی
 حوزه اقتداردن خارجدر

❁ بیت ❁

سخن تانکفتی توانیش گفت

ولی گفته رابا زنتوان نهفت

❁ نثر ❁

بر کلام که دهاندن و برتیر که کاندن چقه نه اول دسته

کاورونه بوشته

(منوی)

چون آغز دن چقه سوز دوزن آرق
کیر و دوزمی یایدن آتلان اوق
قفسدن مرغ وحشی که ایده پرواز
طونلن ایلسک بیک حیلہ آغاز
(نثر)

امثال محمدن در هر چه بزبان آید بزبان آید دیشلردر که
زبان ترجمان دلدردل والی ولایت بدن و کلام
متکلم جواهر کنبینه سینهدر تادردرج دهان
مسمار صمله مسدود اوله و سر حقه نقطه مهر سکوت
اوریلہ زمین زندگانی دائم ریاحین سلامت بتیرودرخت
حیات میوه امن و راحت ویراما چون کلبن بلاغت
متبسم و بلبل فصاحت مترنم اوله معلوم دکلدردر که رایسته
کلزار سخن سبب تفریح قلب و تقویت دماغی اوله جقدر
یاعلت ظهور ماده زکام و موجب انواع رنج و صدامعی
اولیسردر زرا که نیجه دهان بسته محلد، برنکته ایله هزار
عقدہ حل ایتشدردر و نیچه فصیح زبان بر عبارت بمحل
ایله کردنه بند کران اورمشدر

❖ قطعه ❖

اگر بچشم خرد در سخن نکا، کنی
بضاعتیست که هم سود و هم زیان دارد
نشان که داد که ناکفته نکته کس را
بدر ددل کند آواره یا بجان آرد
ولی بسست که کو بنده را مکن لفظی
هد بیاد هماندم که در زبان آید
❖ نثر ❖

ای ملک شویله که بو خبر شتر به یه واصل اوله صورت
حالت فهم ایدوب فضیحت مآلن معلوم قیلسه
کرک ممکن که مسکار به کلوب جنک وجداله آغاز قیله
یا پر فتنه قو پاروب بر حادنه غظمی به باعث اوله ارباب
حزم کناه ظاهره عقوبت پنهان جائز کور مشردر و جرم
پوشیده به عقاب آشکاره تجویز بیور مشردر صلاح
اولدر که آنک خیانت خفی سی سیاست مخفی ایله تدارک
اولنه شیر ابتدی، کان مجرده کشتی مقر بلرین مهجور
ایدوب بیوضوح یقین سوابق حقوق هباء منشور قیلق
و کند و الیه یا غنه یتشه اور مق و بالکلیه جاده مروت
و منهاج فتوتدن بر طرف اولمقدر

❖ قطعه ❖

(دکدر)

دکدر پسندیدن شرع و عقل

که بی بینت شاه فرمان قیله

مضای قضا کی حکمی آنک

کیمه جان ویره کیمی بیجان قیله

❖ نثر ❖

دمنه ابتدی ارباب فرمانه آنلرک فراستلرندن راست
برهان وینه اولمز چون اول مکار و غدار حضوره کله ملک
کر کدر که دیده تفرسله نظر قیله که خبث عقیدتی
طلعت نازیبا سنده روشن و فساد نیتی صورت بد سیر تنده
معاینه در علامت خیانت و انحراف باطنندن بریسی
بودر که متلون و متغیر کلسه کر کدر و چپ و راست
و بیش و پیش نظر ایدوب مجادله به مهیا و مقاومه
آماده اولسه کرک شیر ابتدی ابو دیدلک واقعا بو علایم دن
بری ظاهر اولور سه لاجرم غبار شبهت رهگذار
حقیقتدن من دفع و حجاب کان چهره اطمینانندن مرتفع
اولور دمنه چون بیلدی که دم فتنه انکیز یله شیر
جانبندن آتش بلا تیز اولدی دیل دیکه کاوی کوره
اول طرفدن دخی فروغ دروغله شعله نأره فسادی
کره اثره ایر کوره

❀ بیت ❀

میان دو کس جنک چون آتشست
سخن چین بد بخت هیز مکشست
(نثر)

فکر ایتدی که شتر به یه وار مق دخی مشاوره شیرله
اولق کرک تا که سوء ظنیدن مبرا و تهمت و افترا دن
معرا اوله ایتدی ای ملک فرمان عالی شرف صدور
بولورسه واروب شتر به بی کورم مکنون ضمیر و مخزون
خاطرندن خبر یلوب عرصه عرصه یتشدرم شیر
معقول کوروب اجازت بیوردی دمنه دخی غمناک
صفت شتر به قتنه کلوب شرط سلام و تحیتی یرینه
کتوردی شتر به دخی آنک حالنه لایق تعظیم ایتدی
ووظایف تلاف و تملق تقدیم ایدوب ایتدی ای دمنه
(ع) یاد میدار که از مات نمی آید یاد * مدت مدیده
در که دیده احبابی انوار طلعتکاه روشن و کلبه یارانی
ازهار ملاطفتکاه کلشن ایتدک

❀ بیت ❀

بعضرها نفسی یاد دوستان نکنی
که یاد تونواند که یک نفس نکند

(نثر)

❀ نثر ❀

دمنه ابتدی اگر چه که بودل مهجور ملاقات ظاهری
ومصاحبت صور یدن دور در فاما معنی ده خانه خرابه
دل خیال دیدار دلداره معمور در

❀ قعظه ❀

خرد را با خیال او تماشا نیست روحانی
که انجاد ر نمی کنجد خیال نفس انسانی
برون پرده عقلست جان خرده یشان را
بغمزه سوی یکدیگر اشارت های پنهانی

❀ نثر ❀

زاویه عزالت و گوشه خلوتده بالغد و الاصال
وظایف دعا و ثنایه که موجب مزید دولت و اقبال
وسبب ازدیاد جا، و جلالت در اشتغال حسب حال مدر
شتر به ابتدی اختیار عزالت و انزوا خلوتده سبب نه در
دمنه ابتدی بر کسه که غیرك اسیر فرمائی اولوب
کند و نفسنه مالک اولیه و بی بیم و خطر بر لحظه
تنفس قلیله و بر آن کچمیه که کند و تن و جاننه لرزان
و هراسان اولیه نیچون گوشه کاشانه اختیار ایتیموب
خلوتی آشنا و بیکانه به بند ایتیمه

❀ بیت ❀

نیچون ترك ابلیه ویرانه کنین
مقام ایدنیه غمخانه کنین

❀ قطعه ❀

ازفته این زمانه شورانگیر
برخیز و بهر جا که توانی بگریز
ورپای گریختن نداری باری
دستی زن و دردامن خلوت آویز

❀ نثر ❀

کا وایتدی ای دمنه بومعانی بی بیان و بوجملی منصه
تفصیلده عیان ایله تافانده کلامک عام و منفعت نصیحتک
تام اوله دمنه ایتدی عالیده آلتی شی واردر که الی شی سز
میسرد کلدی مال دنیا نخوتسز متابعت هوا مختسز مجالست
نسابلیمسز مصاحبت اشرا رندامتسز طبع لثیمان مزلتسز
ملازمت سلطان خطر و آفتسز خمخانه دنیاده بر فردک
ساغر حالی باده مال و منال الله مالی اولمز که سرمست و بی باک
اولوب کریبان عصیان و طغیاندن باش چقرمیه و بی
هوای نفسیه برکسه قدم بصمن که معرض هلاکه
دوشیمه وزن طائفه سیله بر مرده مجالست ایتمز که اکا

انواع بلا یثیمیه از باب فسادله بر فرد اختلاط ایتمز که
عاقبت الامر ندامت ایتمیوب کند و بی ملامت
ایتمیه مردم دون و سفله دن بر کسه نسنه توقع ایتمز که
ذلیل و خوار و بی قدر و اعتبار اولیه عام و خاصدن
بر شخص صحبت سلطانله اختصاص بولمز که
سلامتله اول کرداب بحر عنا و کر بلای کرب و بلا دن
خلاص اوله

❖ مثنوی ❖

صحبت شاه راز روی قیاس
همچو دریای بی کرانه شناس
بر چنین بحر پر زخوف و خطر
هر که نزدیکتر پریشان تر

❖ نثر ❖

شتر به ابتدی کلامکدن منقهم اولور که شیردن ساکا
بر مکریتشمش اوله و آنک محافتدن هولندک و هراسان
اولمش اوله سن دمنه ابتدی بوسوزی کندومه نسبت
دیغمز و کندو نفسم ایچون غم یغمز بلکه بو باده
احباب طرفن کندو جائیدن ترجیح ایدرم بو ملال
و انفعال که بکا مشتولی اولمشدر سنگچوندر سن

یلورسنکه سوابق محبت و مقدمات مودت مایه نمزده
 نه وجهله محمد و مؤکد در وعهد و پیمانلر که میان نمزده.
 واقع اولمشدر اکر کثری بوزمانه دلک وفا وانجازه
 یتشمشدر بن قادر دکل که نفع و ضرر و خیر و شر دن
 نه حادث اولورسه سمع شریفکه یتشدر میم شتر به
 بو تشبیبدن که فهرست دیباجه بیم ونه بیدر لر زان
 اولوب ایتدی ای یار غمخوار وای دوست هوادار
 دیلر مکه بیتوقف بنی کیفیت کاردن خبر دار اید سن
 ودقایق مصادقت و محال صتده هیچ دقیقه دریغ
 بیور میه سن دمنه ایتدی بر معتد دن ایشتم که شیر
 زبان شریفنه کتورمش که شتر به کوندن کونه سمروب
 کیدر و وفرت لحم و کثرت شحم دن تکلفله حرکت
 ایدر بودر کاهده آنک عدمیله وجودی علی السویه
 و بود و نابودی سواسیه در سلطنت امورنده آنک
 نه فائده سی وار و آنی اکل ایتکدن غیری نه منفعتیه یرار
 بو کون کافه و حوشی آنک سروکوش و بر
 و دوشیله ضیافت ایتک کرک و یارک طعام یاشت و غدای
 شامی و راتبه خاص و شیلان عامی سایر اعضا
 و اندامندن لیلک کرک چون بن بو کلامی ایشتم

وَأَنْكَ تَهْوُر وَتَجْبِرَن فَهَمُ ابْتَدَم كَلْدَم تَاسْكَاتْنِيَه ايدوب
حسن عهد و پیمانم برهان اقامت ایلم و شول نسنه که
شرع مروت و مذهب اخوتده دتمته واجب ایدی
مؤدی قلم

❖ بِلِت ❖

من آنچه شرط بلاغت باتومی گویم
تو خواه از سبختم بند گیر و خواه ملال

❖ نثر ❖

حالا صلاح حالی بوند، اکلر مکه بر تدبیر اید سن
و تعجیل تمامله بورنجه بر شفاو بودرده برد و اطلب قیله سن
که شاید بر حیلله ایله بوورطه دن خلاص و بر لطیفه ایله
بومهلکه دن نجات بوله سن چون شتر به دمنه نك
بو کلماتك استماع ایتدی شیرك عهد و موافقی خاطرینه
کلوب ایتدی ای دمنه ممکنمیدر که شیربکا قصد ایلله
باوجود که بنیدن شمه خیانت و ذرعه جنایت ظاهر
اولدی و قدم ثباتم جاده اخلاصندن انحراف بولمدی
اما سَنَك سوزكك دخی صدقنه ظنم و حقیقتنه کانم
واردر غالباً ارباب شقاق بنی اکانفاق ایتشلردر و تزویر
و فریبه آنی خشم و غضبه کتورمشلردر انك خدمتد،

سخن چین و نفاق آیین بر طائفه وارد در که هر بری صنعت
 کذب و غدر ده استاد و صفت مکر و حیل به معتاد
 کراتله آنلری آزمایش ایشمشدر و آنلردن انواع خیانت
 و جنایت کورمش و ایشمشدر اول یابده غیر یلر حقنده
 دخی نه سو یلسه لر اعتماد و اعتقاد ایدوب آنلره قیاس
 ایلر هر آینه شامت صحبت اشرارله اخیار حقنده سوءظن
 ظهوره کلور و کان خطا ایله راه صواب پوشیده اولور
 اول بطک تجر به ده خطاسی بومعنا به دلیل کافیدر
 و بوسورته اشارت و افیدر دمنه ایتدی نیجه اولمشدر
 اول

❖ حکایت ❖

شتر به ایتدی بر بطمکر بر شب مهتابده میان آبد صورت
 ماهی کوروب ماهی خیال ایتدی و شست قصده
 صیده دور شدی فسنه بولدی چون نیجه نوبت بومنوال
 اوزره آزمایش ایتدی کور دیکه آنک بوسیدالقدن
 حاصلی همان حاصل تشنه در سر ابدان و مفلسان کنج
 اندیشدر تفرج منازل خرابدن کلیا صید ماهی بی
 ترک ایدوب بالکیه کند و مهمندن فراغت ایتدی سایر
 لیالیده دخی هر بار که ماهی کورسه عکس صورت ماهی

تصور ایدوب صیدینه قصداً یتمز و مطلقاً اکا التفات
ایلزیدی و ایدردی (مصراع) من جرب المجرب حلت
به الدامه* آخر بو تخر به آنی مثر اولدیکه دائماً کرسنه
کچنوردی و بی برک و نواروز کار کچورردی اگر شیر بندن
فعلاً یا قولاً بر نسنه نقل ایدر که بحکم (من یسمع یخل)
اکا اعتماد و اعتقاد ایدوب قلبنده کراحت و نفرت
ظهورینه باعث اوله موجبی همان غیر یلر حقننده
حاصل اولان تخر به اولسه کرک حال بو که بنله آنلرک
بیننده نسبت همان نسبت زاغ و همدار و آنلره
بنم میانده فرق بین الارض و السمواتر بینی آنلره قیاس
ایتمک قیاس مع الفارقدر و کوهری خر مهره دن
تمیز ایتمک ضمیر نقاد شیریه ناموافق و غیر
لایقدر

❖ مثنوی ❖

کار پاکانرا قیاس از خود مکیر

زانکه باشد در نوشتن شیر شیر

هر دو کون زنبور خور داز یک محل

زان یکی شدنیش وزان دیگر غسل

هر دو کن آهو کیا خور دند و آب

زان یکی شد خون زدیکر مشکیناب

❀ نثر ❀

دمنه ایتدی شیرک سبب نفرتی بود کلدی بلکه ملوک
عادی در که بی استحقاق بر کس نه بی سمند دولته
بندر لر و بر مستحق بی سبب ظاهر منزل نکبته
اندر لر

❀ نظم ❀

شاه هر موزم ندید و بی سبب صد لطف کرد
شاه یزدم دید و مدحش ککتم و هیچم نداد
کارشاهان اینچنین باشد توای حافظ مر بچ
داور روزی رسان توفیق نصر تشان دهاد

❀ نثر ❀

شتر به ایتدی اگر بو کراحت که شیردن حکایت
ایدر سن بی علت اوله و بو غضب که آندن روایت ایلرسن
بی سبب وجوده کله هیچ بر چاره ایله پای قرار جاده
استقامته ایرمک و هیچ بر حیل ایله دیده امید چهره
مرادی کورمک بو قدر زیر اغضب که سبیدن منبعث
اوله ایراد معذرتله آنک دفعی میسر در اگر عیاذ بالله
که غضب بی سبب اوله یابهنان و تزویرله مزاج شیر

مکر بف و تغیر ایتش اوله لر دست تدارك آندن قاصر
واندیشه تلافی آندن عاجز اولق مقرر در زیراکه
بهتان و بهانه یه کرانه اولز و مکر و فریب بر مر تبده
نهایت بولز شیرك بنده دن نفرته باعث بنده برکنه
اکلزم مکر اول که بعض رأی و تدبیرده ینه آنک مصلحتی
ایچون اکا مخالفت ایتش اولم و سوانح مهماتده کا کا
صلاح وقت و اصلاح مملکت ایچون خلاف رضاسی
و نقیض مقتضاسی اوزره سوز سوییتمش اولم شاید که
اول استقلال و جرأت و قصد قدح حرمته حل ایله
اسانت ایدوب و مباسطت بی سبیدن عد ایتش اوله
اما بنده دن صادر اولنلردن هر جزئی بر فائده کلیدن
خالی دکلدر باوجود که آنک جانب شکوه و شوکت
و جناب عرض و قاعده حرمت رعایت ایدوب هیچ
بر زمانده بی ادبانه و کستاخانه وضع صادر اولمشدر
و شرط تعظیم و تکریمده و فرط توقیر و تفخیمده
شائبه تقصیر و تهاون وقوع بولمشدر کیم احتمال
و یرردیکه نصیحت موجب وحشت اولوب کیم خیال
ایدردیکه محبت سبب عداوت اولیدی

دار و سبب درد شد اینچاچه امید ست
زائل شدن عارضه و صحت بیمار

❖ نثر ❖

اگر بوده اولز سه شاید که نخوت سلطنت واستغناء
حکومت موجب نفرت و عداوت اولش اوله زیرا که
مقتضای جبروت و لازمه عظم ناصحله بالطبع
منکر اولمقدر و خائنله و خوش آمد کویلر مائل
اولوب حرمت و محرمیتله مخصوص قیلقدر بواجلدندر که
علما بیورمشلردر قعر در یاده نهنگ آغوش ایتک
ولب ماردم بریده دن قطرات زهر نوش ایتک ملازمت
سلطانندن سلامتله اقر بدر و تقرب ملوکدن
امن و فراخته اولی و انسبدرزیرا بن بیلورمکه خدمت
ارباب سلطنتله خطر بسیار و مباشرت اعمال مملکتله
ضرر بیستمار وارددر بعض حکما پادشاهلری آتشه
تشبیه ایلشلردر که اگرچه پرتو عنایتلریله کلبه تاریک
امید وارلری روشن ایدرلر اما شعله سیاستلریله دخی
خرمن سوابق حقوق خدمتکارلری کلخن ایلرلر عقل
صحیح قتنده واضحدر که کیمک که آتشه قریب زیاده
اوله اثر ضررن زیاده مشاهده قیله اما آنلر که ایراقدن

(نورایتن)

نورایتن تماشا ایدوب احراقدن بیخبرلدر تقرب
ملو کده لذت و ملازمت سلاطینده بر منفعت ظن ایدرلر
(ان بعض الظن اثم) حقیقت بودر که اگر آنلر سیاست
شاهی و کماهی هول و هیبت پادشاهی یه واقف اوله
لردی علم الیقین بیه لر وعین الیقین کوره لر دیکه بالی بلاسنه
دکز و هزار ساله عنایت بر ساعت سیاسته متقابل
اولر بوقضیه نك مصداق همان مناظره باز و خرو سدر
دمنه ابتدی نیجه روایت اولنمشدر اولر

❖ حکایت ❖

شتر به ابتدی روایت ایدرلر که بر بازتیز پرواز بر خروس
بلند آوازله محاوره به آغاز ایدوب ایتمش که ای مرغ
آشنای و بیکانه خوی صداقتنای وعدا و تجوی
نیچون قلب کزده صفا و عهد کزده وفا یوق دأئما ایشکر
نقض حقوق و بغض و عقوق و جور و جفادر حال بو که
عنوان صحیفه اخلاق کز مناسب وفادر با وجود که وفا
بحکم (ان حسن العهد من الایمان) دلیل کامل ایماندر
مذهب مروت و مشرب فتوتده دخی جزاء اساعت
اساعت مکافات احسان احساندر

❖ بیت ❖

سك كه وفایی بریانستش

بہتر از آن کس کہ وفایستش

﴿ نثر ﴾

حروس ایتدی، بزده نه بیوفالقی کوردیکز ونیجه
بدعه دلق مشاهده قیلدیکز باز ایتدی بوندن زیاده
بیوفالقی اولورمی که آدمیلر سزک حق کرد، اولقدر
تلاطف کوستر لر وسز زجت و مشقت چکمه دین آب
ودانه کزی که مدد ماده حیات کز در آماده قیلور لر
ودائم عین عنایتله احوال کز، ناظر اولوب حفظ
و حراست کرده قائم اولور لر آنلرک دولتنده قلب کزد،
فتور کز یوق و کوشه و توشه جهتدن قصور کز یوق
هر گاه که سزی دعوت اید لر سنت اجابتی رعایت ایتیموب
قچر سز و اوتانمدن بو بامدن او بامه اوچر سز بود کلو
حقوق نعمت و عهود خدمتدن کچر سز

﴿ بیت ﴾

بود کلی حق خدمتدن کچر سز

ولی نعمت لری کز فور قچر سز

﴿ نثر ﴾

بز با وجود که وحشی یوزا کر بر مدت آنلرله الفت اید، وز

واللرندن طعمه یسه وز حق نان و نمکی بیلاوب المزه کیرن
شکاری آنله ویریز و اتفاقا آنلردن ایراق دوشسک
بمجرد بر آوزله پرواز کنان ینه کلورز

❖ بیت ❖

مرغ دست آموز را چندانکه کس دور افکنند
بانشاط بال آید باز چون ککود بیا

❖ نثر ❖

خروس جواب ویردیکه راست سویلرسن اما سزک
اجابت دعوتیه مسارعتکز و بزم فرمان ولی نعمته مخالفتمز
اول جهتنددر که سزتابه ده کندی جنسکزدن بریان
هرکز کورمش سز بزیخنده بزم نوعمزک کبابن دونه
دونه کورمشزدر اگر سز دخی آنی کوریدیکز آنلرک
اطرافن حرم بیت الحرام ایسه دخی طواف ایتیمیدیکز
واکر بزکوی بکوی قچرسق سز کوه بکوه قچیلدیکر بو مثلی
اول اجلدن کتوردم که بیله سنکه اول طائفه که
مصاحبت ملو که مائلدر آسیب سیاستندن غافلدر
شول کسنه که آنلرک زهر قهرندن یاشنی طامش
اوله نه قدر عاقل ایسه باد، حیرت و جرحهء اخشیتدن
بخود ولا یعقلدر

(بیت)

زدیکان زیش بود حیراتی

دانند ایشان سیاست سلطانی

❖ نثر ❖

دمنه ایتدی ظاهر بودر که شیرک سکا بو قصدینه علت
مجرد استغناى ساطنت ونخوت جبروت وعظمت
دکدر که سنک هنر بسیار و فضیلت بی شمارک وارد
سلاطین ارباب فضل وهنر دن هیچ بر زمانده مستغنی
اولق یوقدر شتر به ایتدی شاید که بنم هنر و فضیلت اتم اکا
سبب نفرت وموجب عداوت اولمش اوله کورمز میسن
که اسب رهوار هنری سبیلله پای بسته وشاخ میوه
دار ثمری واسطه سبیلله سرشکسته در عندایب کندو
هنرندن حبس قفسه گرفتارد. طاوس کمال حسن
وجالندن بال کنده و شرمسار در مثل (ع) الدر
یحبس والمهندی غمد

❖ قطعه ❖

وبال من آمده همه دانش من

چور و باه راموی و طاوس را بر

هنر عیب من شد و کر نه سرم را

(نه)

نه از خاک بل کز کهر بودی افسر

❖ نثر ❖

هر آینه بی هنر چون هنرمند لردن از ید دذر و آنلرک
میاننده بنای خصومت ذاتی مؤکد و مشید در
کثرتلری جهتیدن غلبه ایدوب تقیح اهل هنر ده
اولقدر جد و جهد ایدر لر که حسناتلرین معرض
سیانده عرض ایدوب امانتلرین صورت خیانتده
ودیانتلرین کسوت جنایتده کوستر لر وز یور فضل
وهنری که سرمایہ بازار دولت و سرنامہ منشور
سعادت اولوقا کر کدر وسیله نفرت کراحت
وذریعه نکبت و شقاوت قیلور لر

❖ بیت ❖

چشم بد اندیش که برکنده باد

عیب نماید هنرش در نظر

❖ نثر ❖

ارباب الباب بویایده بیور مشلردر که

❖ مثنوی ❖

کر هنری سرز میان برزند

بی هنری دست بران درزند

کار هنرمند بجان آورند

تا هنرش را بزیان آورند

❖ نثر ❖

هم عیبجوی و بی هنروی انصاف را و صافنده دیشلردر

❖ مثنوی ❖

دیدم انصاف چو بینا شود

در شمر دگر چه که مینا بود

و آنکه ندارد دل رحمت پذیر

تهمت پشیمنه نه دیر حریر

رسم بزرگان بود انصاف کار

کار خسان نیست بجز خار خار

❖ نثر ❖

دمنه ابتدای ممکن که بدسکالر بونی قصدا یش

اوله لاما بو تقدیر چه مأل کار نیجه اولور و عاقبت حال

نیه وارر شتر به ابتدای شویله که تیر تقدیر آنلرک

هدف تزویرینه راست کلیه چیز وجوده هرگز آندن

مضرت کلز واکر قضای ربانی و تقدیر یزدانی آنلرک

مرادینه مساعد اولور سه هیچ سپر تدبیرله آنک

دفعی مقدر و میسر اولمز (ع) تقدیر چو سابقست

تدبیر چه سود

❖ بیت ❖

اتلسه چون قضا دن تیر تقدیر

سیر اولز اکا هیچ رأی و تدبیر

❖ نثر ❖

دمنه ایتدی مرد خردمنده واجبدر که هر حالده فکر
واندیشه بی کندویه پیشه ایلیه وعقل دور اندیشی
هر امرده رهبر و پیشوا ایدینه که هیچ بر فرد اساس
کارنی قواعد افکاره مبتنی قیلدیکه مقصودینه ظفر
بولمدی شتر به ایتدی فکر و تدبیر اولوقت تأثیر ایدر که
قضا آنک عکسنه امضا قیلمش اوله وحیله و تزویر
اوله زمان کار کیر اولور که قدر آنک حلافنه جاری
اولمش اوله اما فرمان قضا مضای حکم قدر نفاذ
بولدقدنصکره نه چاره نفع پذیر اولورونه حیلله دستگیر
اولور بند تقدیر و قید قضا دن مکر و دغا و فکر و دها
ایله رها میسر دکلدیر

❖ بیت ❖

هر آتش که دست قضا بر فروخت

همه فکر و تدبیر هار ابسوخت

❖ نثر ❖

چون آفریده کار جل و علا بر حکمی نفاذ و بر قضایی
مضایه یتشد ر مک دیلیه ینالک چشم ظاهر نی ودانالک
دیده باطنی میل غفلتله تیره وخیره قیلور تاراه رها اول
حکمدن پوشیده اولور (اذا جاء القضاء عمی البصر)

❖ بیت ❖

بوقت نفاذ قضا و قدر

همه زیر کان کور کشتند و کر

❖ نثر ❖

مکر سن قصه دهقان و بلبلی اشتمش سن و آنلرک مناظره
و محاوره لرین کوش ایتمش سن دمنه ایتدی نه کیفیته
اولشدر اوله

❖ حکایت ❖

شتر به ایتدی روایت ایدرلر که بردهقانک بر باغی وار
ایندی بغایت زیبا و خرم و بر بوستانی وار ایدی غیرت
کلهستان ارم صفای آب و هوای نسیم بهاره اعتدال
و پرردی و شمامه ریاحین روح افزای دماغ جانی
معطر قیلوردی

❖ منوی ❖

(کلهستانی)

کلبستانی چو کازار جوانی

کل سیرابی آب زندگانی

نواى عنديبي عشرت انگيز

هواى عطربیزی راحت آمیز

❖ نثر ❖

کوشه چنده بر کلبی واریدی که نهال طوبی بندن
دراز و شاخ سدره المنتهی دن سرفراز هر سحر چین
اول کلبن اوستنده بر کل رنگین عذار غنچه لبان ترکان
چین کی آچیلوردی و عرق رخسار مهر و یان زهره
جبین کی قطرات شبنم اوستنده درل صاچیلوردی
باغبان اول کل رعنايه عشقباز لغه اغاز ایدردی و بلبل
شیدا کی کوکلی شهبازی آنک مهری هوا سنده
پرواز ایدردی

❖ بیت ❖

کل بزیر لب نمیدانم چه میگوید که باز

بلبلان ینوار ادر فغان می آورد

(نثر)

بر کون باغبان عادت معهودی اوزره کل و کلبن سیرانته
کلوب کوردیکه بر بلبل نالان صحیفه کل خندانته وزن

سوروب منقاریله شیرازه جلد زرنکارن سوکرواجزای
اوراقن پریشان ایدوب برک خزان کی روی زمینه
دوکر

❀ بیت ❀

بلبل که بکل درنکر دست شود

سر رشته اختیارش از دست شود

(نثر)

باغبان اوراق کلی بویله پریشان و خا که یکسان کورچک
کریبان شکیبی دست اضطرار به چاک و چهره افلاکی
دود آهله نمود ارروی خاک ابتد (ایکنجی) کون
ینه گلزاره واردی احوال کل بلبل اول منوال اوزره
کوردی و آتش فراق کل باغ (ع) دل دهقانه اوردی داغ
برداغ ❀ (اوچنجی) دفعه دخی کوردیکه بلبل زارینه
منقاریله اوراق کلی تارمار قیلش (ع) دوکمش برکوباری
خاری قالمش ❀ دهقانک عنان قراری قبضه اقتداردن
کندی و خار هجران یاروالم ستم اغیارله کارجانه و کارد
استخواننه یتدی آخر کار بلبل دام فریب ودانه حيله
ایله شکار ایدوب محبس قفسه گرفتار ایتدی بلبل
زار دخی طوطی وار دهان شکر باردن گفتاره کلوب

ایتدی ای دهقان نه سبيله بنی حبس ایتکی روا کوردک
 ونه جرم ایلدمکه بکاعقوبته رضا ویردک بوفعله
 باعث اگر استماع نغماتم ایسه آشیانم خود بستانک
 وطر بنیانم اطراف کستانک ایدی اگر خاطر یکه بر معنی
 دخی ظاهر اولدیه یا بندن بر کنه صادر اولدیه
 لطف ایله بنی آندن آکا، ایله پیردهقان ایتدی

❀ بیت ❀

تاکي آزاری مریارب نمانی ای رقیب
 تابکی پوشی رخس یارب نمانی ای نقاب
 ❀ نثر ❀

هیچ یلورمیسن که ساغر قهرله ره زکارمه نه زهرلر
 نوش ایتدردک وهجران یار نازیمله دل ناتوانمه نه قانلر
 یوتدردک طریق مکافاتله اول ککارک سزاسی واول
 کردارک جزاسی بودر که سنی یارودیاردن دور و تماشای
 روی کلزاردن مهجور قیلوب کوشه محبس قفسده
 زاری ایده سن بندخی درد هجران جانانله زاویه کلبه
 اخزانیدن نالش ایلرم

❀ بیت ❀

بنان بلیل اگر بامنت سز یار یست

که ماد و عاشق زار بم و کار مازار است

❖ نثر ❖

بلبل ایتدی ای باغبان بوسوزدن فارغ اول واندیشه
قیل که بن بومقدار جریمه ایله که برکل پریشان ایتدم
محبوس اولدم سنکه کوکل پریشان ایدرسن حالک
نیجه اولیسردر

❖ مثنوی ❖

کنبد کردند ز روی قیاس
هست بنیکی و دی حق شناس
هر که نکو بی کند آتش رسد
وریدی کرد ز یانش رسد

❖ نثر ❖

بو کلام دل دهقانده تأثیر تمام ایدوب بلبل آزادی ایتدی
بلبل دخی دل شادوزبان روانله ایتدی ای باغبان چون
بوا حسانی بکار زانی ببوردک البته بحکم (هل جزاء
الاحسان الا الاحسان) آنک مکافاتنه سعی ایک واجبدر
امدی بشارت اولسونکه بوسستانکده فلان درخت
دبنده بر آفتابه مدفوندر که درونی زر صافی و نقره
خامله مملو و مشحوندر دهقان چون بو بشارتله

شادمان اولوب تعیین ایتدیکی موضعی حفر ایتدی
 سخن بلبل راست بولوب ایتدی ای بلبل عجبدر که
 قعر خاکده آفتابه بی کوررسن زیر خاشاکده دامی
 کورمزن سن بلبل ایتدی بلی یلمزمیسن که (اذنزل القدر
 بطل الحذر) (ع) باقضا کارزار نتوان کرد * چون
 قضای ربانی نازل اولور نه دیدء بصیرتده نور قالور
 ونه تدبیر خرد نفع وفائدء ویررنه که دیمشورد.

❖ مثنوی ❖

بسر پنجه دست قضا را میج
 که دست تو قدرت ندارد بهیج
 نیاید حذر با قدر سهودمند
 هر آنچه از قضا آید انرا پسند

❖ نثر ❖

بومثلی اول اجلدن کتوردمکه تاییله سنکه بن
 ضعیف حریف پنجه قضا و قدرت کلم و فرمان تقدیره
 تسلیمدن غیری تدبیرم یوقدر

❖ بیت ❖

سر ارادت ما و آستان خضر دوست
 که هر چه بر سر ما میرود ارادت اوست

❖ نثر ❖

دمنه ابتدای شتر به بن حق یقین بیلدم وعین
 یقین معاینه قیلدمکه شیرک سکا بوقصدینه سبب
 نه نفاق دشمن ونه کثرت هنر ونه نخوت ملوکدر
 بلکه اکاباعث آنک کمال مکر وغدیری وتمام عنف
 وقهریدر که غداردر کامکار وجباردر قهار ومکار
 اگرچه که اوائل صحبتی مورت خلوت حیاتدر اما
 اواخر خدمتی مئمرارات هادم اللذاتدر شویله بیل که
 اول برمازهره ناکدر که بیرونی نقوش ورنسکارنکه
 آراسته ودرونی پرزهر هلاکدر

❖ بیت ❖

قور بو ونیزنک ومکر وفریب

نه لطف ومروت نه صبر وشکیب

❖ نثر ❖

شتر به ابتدای دمنه نیجه ایدلم الدن نه کلور نیجه
 ایامدر که طعم نوش کرم کورددم شمدی هنسکام زخم
 نیش ستمدر ونیجه مدتدر که مسند راحتده صفا
 سورددم حالیا وقت هجوم محنت وغدر

❖ بیت ❖

ای دل مزه وصل چشیدی بکچند

اكنون الم فراق می باید دید

❖ نثر ❖

ای دمنه فی الحقیقه اجل کر یبایم طوتوب بنی کسان
کشان بویشه به کتوردی والابنم شیرایله مصاحبته
نه لیاقتم وارایدی ووزیر امیر سباع اولق نه آشتم
حوایجنه یراردی بر شخص که بنم خونمی شیرمادزدن
حلال بیله و بنچه وچنکالنه طاقت مقاومت محال اوله
بندخی آنک حوصله سنه موافق واکا طعمه اولغه
لایق اولم کک ایدی که هزار کنند ایله بنی آنک
خدمته کتورمیه ردی وصد هزار حیل وبتدایله دام
مصاحبته گرفتار اید، میله ردی

❖ بیت ❖

من کیم تادولت وصلش هوس باشد مرا
این که از دورش همی بینم نه بس باشد مرا

❖ نثر ❖

اما تقدیر الهی وسنک دمدمه ک ای دمنه بنی بوورطه به
آندی حالیا دست تدبیر دامن تدار کدن قاصر و ترک
حزم و فکر عواقب سببیله بازاران نوائب متواتردن
بن طمع خام و فکر فائما مدن کندم ایچون بر آتش

افروخته قیادم که هنوز دودی بنشمدین تف اندوه و ناب
ملالتدن یاندم یا قلدم

❖ بیت ❖

بن ایتمم کندو کلزارم یرین خار

یریدر که اولم بلبل کبی زار
(غ) چون کنم خود کرده ام خود کرده را تدبیر
چیسست ❖ حکماء سلف واکا برخلف ار باب خرص
وطمعك فساد حال و مأله تمثیلات واضحه ایله تنبیه
ایتمشردر و دنیا دن قدر کفافله اکتفا ایتمیوب زیاده
طلب قبلی شول شخصه تشبیه ایتمشردر که برکوه
الماسه ایره و هر پاره یه که قصد اید، آنک فوقنده دخی
اعلاسن کوره و کثرت قیمتی خیالیه طمع ایدوب دخی
ایلری واره کیدرک یر مرتبه یه واصل اوله که مطلوبی
حاصل اوله اما ریزه الماسله پای خراش و تراش
اولدیغی سبیدن راه خلاص متعذر اوله و اول غافل
شراب حرصه مست و لایعقل اولوب کیفیت حالندن
خبردار اولیه لاجرم حسرت تمامله اول کوهده دام
دمار و شبك هلا که گرفتار اوله و حواصل طیور
و یطون مار و مورد، قرار قیله

❖ بیت ❖

ار زیادت طلبی کار تو آید بزیان
سوداگر خواهی زاندازه زیادت مطلب

❖ نثر ❖

دمنه ایتدی بو کلامی غایت معقول و موجه بیوردک
واقعاهر کشی که بر کرداب بلایه دوشمشدر آنک
منشائی فی الحقیقه آنک حرص و طمع می اولشدر

❖ بیت ❖

بکنند زر طمع کافت جانی و دلست
طامع همه جاوزه همه کس منفعلست

❖ نثر ❖

بر کردن که بند حرص و شره ایله مقید اوله عاقبت
قرباب تیغ ندامت اولیسردر و بر کاسهء سر که درد
سودای طمع ایله مالی اوله سر انجام شراب ناب
سرور و صفادن خالی قالیسردر نیجه کسندلر غایت
حرص و شرهندن امید دولت ایله ورطهء نکبتیه
دوشمشدر و بوی منفعله مهلکهء مضرتیه یشمشدر
نته که اول صیاد که طمع خامله صیدر و باهه قصد
ایتادی و عاقبت دامکه شکنجهء پنجهء پلنکه گرفتار

اولدی شتر به ایتدی نه **ک**سیفینله اولمشدر
اول

❖ حکایت ❖

دمنه ایتدی بر کون بر صیاد بر صحراد، کیدر کن کوردی که
بر روباه، جست و چالاک بازی کنان اول دشته،
کشت ایدر و تمام شیوه و ناز و جلوه و احترازه اول
صحراد، کزر صیاد آنک پوستنک آشفته سی و موینک
آلفته سی اولوب قوت طامعه سی بونی اقتضا ایتدی که
رو باهک عقبه، دوشدی کتدی و سوراخنه واقف
اولوب قربند، بر حفره حفر ایتدی و خس و خاشاکله
ستر ایدوب اوستنه یر جیفه تعبیه قیلوب و کندی
کین-گاهد، او تورب صید رو باهه مترصد اولدی
قضای الهی رو باه پر انبباه سوراخن چیقدی و رایحه
جیفه خواه و نا خواه آنی حفره کنارینه چکدی چون
خاشاک اوزره جیفه یی اول وضع اوزره مشاهد،
ایتدی آند، انار مکر معاینه ایدوب کندویه ایتدی
اگرچه که بوجیفه هواسی حیاتبخشدر اما صحرای
سلامتد، طایت خوشدر و دماغ آرزو بومر ده رایحه سیله
معطر در اما مشام حزم بوی بلایله دخی مکدر در

عقلا بر امره که اند، رایحه خطر اوله متعرض اولمشدر
وار باب حزم بر مهمه که آند، احتمال ضرر اوله
خوض قیلمشدردر

❖ بیت ❖

هر جا حظ مشکلی باشد

جهد کن تا برون خط باشی

(نثر)

اگر چه جائزدر که بو خاشاک اوستند، بر جانور اولمش
اوله بوده ممکندر که التند، بردام یا بر آدم تعبیه اولمش
اوله

❖ بیت ❖

هر بیشه گمان مبر که خالیست

شاید که پلنگ خفته باشد

❖ نثر ❖

بهر تقدیر احتیاط واجب و اختراز مناسبدر

❖ قطعه ❖

مرد را چون دو کار پیش آید

کردانی کدام باید کرد

آن که دروی مظنه خطرست

آنت بر خود حرام باید کرد

وانكه پيخوف و بي خطر باشد

بهمانت قيام بايد كرد

(نثر)

روبا، بوانديشه ايله هواي جيفه دن فراغت ايتدي
وراه سلامتي طوتدي كتدي اتفاق بواشاده بر پلنگ
كر سنه طعمه سوداسيله بالاي كوه دن ايندي واول
جيفه رايحه سيله كندومن اول حفره يه بر قدي صياد
آواز دامي استماع ايدوب حفره دن جانور حر كتن
احساس ايديجك روباهي صانوب غايت شره دن
بي تأمل كندومن حفره يه اتدي پلنگ آني جيفه دن منع
ايدرخيال ايدوب في الحال صحرادي شكمن يرتدي
وسر پنجه هلاكه تار و بود وجودن پاره پاره ايتدي
صياد حر بص شرهي شامتيله دام فنايه گرفتار اولدي
روبا، قانع قناعتي بر كتياله ورطه بلادن نجات بولدي
بومثلدن معلوم اولور كه طلب ز ياده آزاد، بي بنده و بنده بي
سرافك كننده ايدر

❖ بيت ❖

ز ياده از سرت اريك كله بدست آري

(بحال)

بخاک پای عزیزان که در دسر باشد

❖ نثر ❖

شتر به ابتدای بن تا اول زمان غلط ایتم که ملازمت
آستانه شیره رغبت ایتم و بیلدم که اول قدر خدمت
بیلز ایتمش و بحکم (لا وفاء للملوك) بونلرده وفا و حقیقت
اولز ایتمش دیمش لردر که بر کس نه ایله صحبت ایتمک که
قدرین بیلده و بر شخصه خدمت ایتمک که قیمتن اکلیمه اول
مشابهده در که امید محصول ایله زمین شوردهده تنیم
ا که سن یا کوش اصمه اخبار فرح و غم تلقین ایده سن
و یا صفحه آب روانه آبدار غزلری از سن یاسنک خارادن
کنج توقع ایدوب قازه سن

❖ قطعه ❖

ز پادشاه وفاجستن آنچنان باشد

که میوها طلبیدن ز شاخ سروسهی

نهال بیدترانی شکر نخواهد داد

هزار بار اگر از جوی خلدش آب دهی

❖ نثر ❖

دمنه ابتدای بعد خراب البصره تلفهف و تأسف فائد،
ویرمز همان تدبیر کده اول تدارک ایله که وقت فرصت

اله کیرمز (الفرصة تمرر السحاب) شتر به ایتدی نیجه
ایدیم نیلیهیم نه چاره فکر ایدیم ونه تدبیر ایلیدیم بن
اخلاق شیری بیلورم اعتقادم بودر که آنک بنم حقمده
لطف و خیردن غیری فکری یوقدر اما حاسد لر جهله
بنم هلاکد قاصد لر وساعیلر روز و شب بنم قلمه ساعیلر در
بویله اولیجق ظاهر بودر که اسباب درد و بلا آماده
وابواب رنج و عناروی حالمه کشاد، درومیل میل شاهین
میران حیات پله بقادن کفه فنا و فواته زیاده درزیرا که
چون ظالمان مکار و غداران ستمکار هم پشت اولوب
خدنک غدره برکندن کشاد ویره لر کار کر اولوق
مقرر در و اهل نفاق وار باب شقاق بر مظلومک هلاکنه
ساق سعی تشمیر و نطق اتفاق بر میان ایدوب ال
برایتسمر البته اکا ظفر میسر در نته که کرک وزاغ
و شغال اتفاقله اول شتره قصد ایتدیلر عاقبت اکا
غالب اولوب کیندومر ادلرینه ایردیلر دمنه استفسار
ایتدیکه نیجه اولمشدر اول

❖ حکایت ❖

شتر به ایتدی روایت ایدر لر که بر زاغ غزه کار و بر کرک
خونخوار و بر شغال مکار بر شیر شکاری خدمته بیل

بعلاشوردی و بونابر شارع عام قر بنده مقام قیلاشوردی
 اتفاق کلوب کیدن قافله دن بر تاجر کرا حله سی بیطاق
 اولوب اول حوالیده قالدی بر مدته نصکره قوت بولوب
 طلب علف ایچون هر بر طرف دنک و بوی ایدر کن اول
 پیشه یه راست کلدی چون شیر ی اول هیئت و هیئت
 اوزره کوردی خدمت و تواضع دن غیر ی چاره بولدی
 شیر دخی اکا استمالت و یروت حالن خاطر یں صور دی
 کیفیت حالنه مطلع اولیحق نیت اقامت و خر کندن سؤال
 ایتدی شیر ایتدی

❖ بیت ❖

پیش ازین در کار خود کز اختیاری داشتم
 چون ترا دیدم عنان اختیار از دست رفت

❖ نثر ❖

ملک هر نه فرمان ایدر سه هر آینه صلاح احوال بندگانی
 متضمن اولسه کرک (ع) صلاح ماثوبه میدان ی از ما*
 شیر ایتدی اگر کنف جایتمزده اقامته رغبت قیله سن
 امید در که سایه دولتمزده آسیب رنج و محنت دن آسوده
 اوله سن شیر بناد اولدی و خلیع العذار و کسته
 مهار اول پیشه ده کشت و گذار ایدوب بر مر تبه یه

واردی که بغایت فر به اولدی بر کون شیرشکاره کیدوب
 اتفاق بر پیل مسته راست کلدی و میانلرنده جنک قوی
 و محاربه عظیم واقع اولدی و شیرك بعض جوارحی
 مجروح اولوب افتان و خیزان اول بیشه یه یتشدی
 ولزان و ریزان بر کوشه ده دوشدی زاغ و کرک
 و شغال که شیرك هر یسه فر یسه سی کاسه لیساری ایدی
 بی برک و نواقالدیلر شیرك کرم اصلی وار بحیت جبلیمسی
 و ملوکك کافه خدم و عامه حشمنه محض عاطفت
 و عین مرحمت و شفقتی مقتضاسی اوزره آنلری بو حالده
 کور یجك زیاده متأثر اولوب ایتدی ای بیچاره لر سزك
 محنتکز دخی بنم زحمتدن دشوار اولدی اکر بو حوالیده
 برشکار کوره سز بکا خبر ایدك که وارا یم سزك نفقه
 کر قیدین کوره یم بونلر سمعاً و طاعه دیوب هر بری بر طرفه
 کیتدیلر و هر بار که اطرافی طواف ایتدیلر جنس جانور دن اثر
 کور مدیلر بالضروره ندیر مکر و حيله یه آغا ز ایتدیلر و بر بيله
 مشاوره ایدوب ایتدیلر شتر بو بیشه ده اولقدن بزه
 نه فائده نه ملکه آندن منفعت میسر در ونه بزمه آنک
 میاننده الفت متصور در پس مناسب بودر که شیر
 تحریک ایدوب آنی قتل ایتدیره وزنا برقاچکون ملکه

طلب طعمه و لقمه دن فراغت حاصل اوله و بزه دخی
 حالزه کوره فائد، و منفعت و اصل اوله شغال ایتدی
 بوخیال دامندن ال چکک و بوفکر محال پیرامنده
 دوران ایتک که ملک اکا امان و یرمش و عهد و پیمانله
 کند و خدمتنه کتور مشدر کیم که ملکی غدره تحریض
 ایدوب نقص عهده تحریک ایلله خیانت ایتش اولور
 و خاین هر حالده مردود در و خدا و خلق آندن
 ناخشنود در

❖ مشنوی ❖

هر که در و طرح خیانت کمر بست
 دین وی از عهد و امانت بر بست
 سکه مردی ز دیانت بود
 قلبی مردم ز خیانت بود
 (نثر)

زاغ ایتدی بو بایده بر حیله میسر و بو عهدی شیرک
 عهده سندن ازاله متصور در سز بونده توقف ایدک
 بن و رایم بومهمی بتورهیم و عنقریب یارانه بشارت
 خبر بن کتورهیم پس زاغ اشارت یارانه شیر خدمتنه
 واردی وصف عبودیتده ال بغلیوب طور دی شیر

ایتدی هیچ جانور کودیگزنی و هیچ برصیددن خبر
کتوردیگزنی زاغ ایتدی ای ملک غلبه جوعدن هیچ
بریمزك دیده سستده نور و فروا اعضا مزده حرکته
قوتدن اثر قائم شد اما خاطر فائده بر چاره خطور ایتدی
شویله که ملک اکا رضا ویره جملہ مزه رفاهیت تمام
و نعمت مستوفی حاصل اولور شیر ایتدی خلاصه
فکر لیسویله کوردلم و محک اعتبارده تمام عیار اولور سه
سکه قبول اورلم زاغ ایتدی ضمیر منیر ملکه محفی
دکدر که بو شتر میا نمزده اجنبید روینز آنکله مصاحبیدن
نه فائده آنددر عجماله الوقت برصیددر که کندو یا غیاہ
کشدرو ما حاضر بر شکاردر که کندو اختیار یله هامه
دو شمشدر شیر چون زاغک بو کلامن ایشستدی آتش
خشمی مشتعل اولوب ایتدی

شعر

عفاء علی هذا الزمان فانه

زمان عقوق لازمان حقوق

فکل رفیق فیتہ غیر موافق

وکل صدیق فیه غیر صدوق

نثر

صد هزار لغت و نفرین بوزمانه رفیق و هم نشینان
اولسون که شیوه مکر و نفاق و شیوه غدر و شقاق
میانانینه نطابق ایتمشردر ورشینه رفیق و فتوتی قطع
ایندوب دائره لطف و حر و تدن بطشیره کتمشردر لغوذ
بالله

قطعه

اهل زمانه را که وفایست یارشان
مطلب وفا که غیر جفایست کارشان
سک بهز کر بکان خوشی که از حیل
جز برکنار سبزه نباشد شکارشان

نثر

ای سیهز و نقض عهدی بجه مذهبده جائز کورمشردر
و قتل مستامنه قتل مائده رخصت و برمشردر

نیت

هر شاخ پایدار که از تست پایدار
مشکن بدست خویش که آن هم شکست تست

نثر

زاغ ایتدی بو باده لاک بیوردیغی مقدمات عین صدق
و تحض صوابدر فلما حکما بیورمشردر که برعضوی

برنفسه و برنفسی براهل بیه و براهل بدتی برقبیله یه
و برقبیله بی برشهره و برشهری برذات فرخ بادشاهه که
موقع خطرده اوله فدا ایملک واجبدر که سلامت سلطان
براقلمه فائده رساندر (ع) سلامت همه آفاق در
سلامت تست ❖ نقض عهده دخی برمخرج میسر در
بروجهله که صاحب عهدك ساحه ذمتی وصمت
غدردن بری اوله وذات شریفی محنت فاقه وزجت
مجامعتدن خلاص بوله شیر چون بو کلامی ایشتمدی
باشن اشاعه ایدوب سکوت ابتدی زاغ فی الحال
یاران حضورینه واروب ابتدی قصه بی شیره عرض
ایتدم اگرچه که اوله سرکشك ابتدی اما آخررام
اولدی حالیا تدبیر بودر که جمله مز شترقته واراوز
وشیرك درد مجاعتن ورنج حرارتن اکاوز اغلیه وز
ودیه وز که مدت متمادیدر که بزبویادشاه کامکارك
وملك نامدارك پناه دولت وکنف عاطفته فراعبال
ورفاع حاله روزگار یکوررز حالیا که بو حادثه واقع
اولدی مروت مقتضاسی بود کلددر که جسم و جانمزی
اکافدا یتیمه وز والا کفران نعمته موسوم وصمت مروت
وصفت فتوتدن محروم اولورز صواب اولدر که جمله مز

ملک حضور ینہ وارہوز و آنک شکر انعام و لطف
 واکرامن ادا قیلہ وزومقرر ایدہوز کہ بزبوندن غیر ییہ
 قادر دکلز کہ جانلرمز و تنلرمز وجود شریف ملکہ
 فدا قیلہ وز پس یاراندن ہر برسی اینسونکہ لطف ایلسون
 ملک بوکون چاشنی بندن ایتسون و سائر مرز آئی برو جھلہ
 دفع ایلسون یکن کہ قضیہ شتر مقرر اولہ پس اتفاقلہ شتر
 فتنہ کتدیلر و بوفضولی تمامہا انہا ایدوب آتش تزویر لینی
 دم فتنہ انکیزلریلہ تیز ایتدیلر شتر سادہ دل دخی
 آنلرک تخیل و تسویلنہ الدانوب مواضعہ مذکورہ
 اوزرہ اتفاقلہ حضور شیرہ کلدیلر چون تقدیم شکر
 و ثنا و تقریر ستایش و دعادن فارغ اولدیلر زاغ
 حیلہ باز زبان فصاحتلہ طوطی وارہ تکلمہ آغا زایدوب
 ایتدی

❖ بیت ❖

شہا بزم طربدہ شادمان اول

سریر سلطندہ کامران اول

❖ نثر ❖

بو بندہ لرین راحی ملک صحت ذات ملکی صفاتنہ
 وابستہ در حالیا چون ضرورت واقع اولدی دفع

مضرت ایچون جانمی باشمی خاکپای ملکه فدا ایدرم
و بو جسم نجفی ملک حوصله عشر یفته غذا و سدر مق
اولق رجا ایدرم یاران ایتدیلسنی اکلدن نه غذای
صالح حاصل اولور قرغه ییجک اتک یوق ملک غایله
جوعی سننکله نیجه زائل اولور (شعر) و ما العصفور
ودسمه (ع) تو که که در آبی بشماری یاری * زاغ چون
بونی ایشتمدی ساکت اولوب باشن اشاغه ایتدی
بعده شغال دخی آغاز کلام ایدوب ایتدی

❖ بیت ❖

ایاشمی که بهنکام کین رسول اجل
زنبجه تو بر در وزنامه آجال
(نثر)

مدت مدیده در که سایه دولت روزافزونکنده آسیب
تاب آفتاب حوادثدن آسوده یم حالیا که اول حضرتک
ماء جاهی خسوف ضعه مبتلادر دیلمکه ستاره
اقبال افق حالمدن طلوع اید و ملک بنی طعمه ایدوب
اندیشه چاشت وزجت مجاعتدن فارغ اوله سائرلی
جواب و یردیلم که دیدیکک فرط هواداری و محض
حقگذاریدراما سنک اتک بوینالوز یانکار در مبادا که

اتک تناولی ایله رنج ملک متر ایداوله

❖ بیت ❖

در مطبخ شاه جز نکور انکشند.

لاغر صفتان زشت بور انکشند

❖ نثر ❖

شغال چون بونی کوش ایتدی خاموش اولدی کرک

دخی دهان تزویری آچوب ایتدی

❖ بیت ❖

شهاقبا و دولت اوله یارک

عدو هیجا کونی اولسون شکارک

❖ نثر ❖

بندخی نفسمی ملکه فدا ایدوب امید وارمکه ملک خندان

خندان بنم لجمی آرایش دکان دهان وزینت قناره

دندان ایلیه

(بیت)

قصاب وارمردم چشمت بنازی

مرکان قناره کرده ودلها پروزه

❖ نثر ❖

یاران ایتدیار بوسوز محض اخلاص وعین علامت

اختصاص صدر اما سنك لحك مورث مرض خناق
و ضررده قائم مقام ضد تر یا قدر كرك كبروچك كلبی
پس شتر كردن فراز كل طویل احق مهارنی درازا بدوب
زبان نیازله کلامه آغاز ایتدی واداء وظایف دعا و ثنا
دنصکره ایتدی

❖ بیت ❖

ایاشمی که کشادست چرخ فیروزی
بر آستان تو درهای فتح فیروزی

❖ نثر ❖

بن بو آستانه بنده سی و بود دولت خانه پرورده سی یم
شویله که مطبخ ملک لایق و معده شریفه فی الجمله
موافق اولم نه محل توقف و نه مقام تکلفدر

❖ بیت ❖

برنجیزم ز سر کوی تو تاجان دارم
ورر سد کار بجان از سر جان برخیزم

❖ نثر ❖

سائرلر متفق الکلمه ایتدی لکه بوسوز فرط محبت
و صدق عقیدتن فایضدر فی الواقع سنك لحك
بغایت لطیف و خوشکوار در و دمك مزاج ملکه

شربت نبات و چشمه حیاطدن ساز کار در رحمت
سکاو احسنت سنک همته که ولی نعمت کدن تن و جانکی
در یغ ایتدک و بو معامله ایله عالمده ذکر جیل یادکار
قودک کتدک

❖ بیت ❖

هست جوانمرد دزم صد هزار
ایک چو باجان فتد انجاست کار

❖ نثر ❖

پس جمله سی شتره جمله ایتدی لر اول مسکین یرنده ساکن
اولدی تا اعضا و اجزاسن بر برندن جدا ایتدی لر وزاغ
و کرک و شغال دوه سی اولش عربده دونوب نیچه زمان
آنی غدا ایتدی لر بو مثلدن معلوم اولدی که ارباب نفاقک
تیر مکر و خدنک تزویری خصوصاً که کان اتفاقدن
کشاد بوله تأثیر ایتدک اولمز دمنه ایتدی بو تقدیر چه
نه تدبیر ایدرسن ارباب غدرک رفع مکر نده نه فکر ایلرسن
شتره جواب و یردی که حالیا بو بابده اندیشه صوب
صوابدن منحرفدر اما چون بهر حال چنک هلاکدن
خلاص احتمالی محالدر چنک وجدال و حرب و قتاله
آماده اولق لازمدر زیرا هر نفس که حیات مال

و محافظت نفس و عیال ایچون قتل اولنه زمره شه داده
 داخلدر و فیض حدیث (من قتل دون ماله فهو شهید)
 اكا شاملدر آند نصکره اجل مقدر پنجه شیرده مقرر
 اولور سه باری ناموس و عاری رعایت ایدم و غیرت
 و حیاتی الدن قوم یوب دنیا ده نام نیک و ذکر جیل یادکار
 قویم کیدم

❖ بیت ❖

بنام نکو کریم رو است

مر انا م باید که تن مرا کراست

❖ نثر ❖

دمنه ایتدی عقلا وقت جنگده، مسابقت و هتکام
 حربده، مسارعت روا کورمز لر که بادی اظلمدر و مباشرت
 اخطارده عدم مبادرت طریق اسلمدر بلکه ارباب حزم امام
 امر خصمه مدارا روا کورر لر و دفع مناقشه ده رفق
 و ملاطفت بیورر لر

❖ قطعه ❖

فریب خوش از خشم ناخوش به است
 بر افشاندن آب از آتش به است
 مرادی که کر لطف کرد تمام

چه باید سوی قهر دادن لکام

❖ نثر ❖

وارباب خرد و شیر مردان بیشه نبرد عدوی ضعیف
عدا یلزل که قوت و زوره قادر دگلسه ده شاید که
مکرو حیل ده قاصراولیه و زرق و تزویرله بر آتش قوپره که
شرر ضرری آب تزویرله سکون بولیه سن خود تسلط
شیری نه مرتبه ده در بیاب طور رسن وانک استیلا سنه که
شرح و وضعدن مستغنیدر واقف اولوب طور رسن پس
آنک ضرر و عداوتندن تمام حذر اوزره اول و اول غائله نک
ضررندن غافل اوله که هر کسه که عدوسن تحقیر
ایلیه و تبعات محاربه دن اندیشه قلیله پشیمان اوله
نته که موج دریا اولدی طیطوی تحقیری سببیه شتر به
ایتدی نیجه اولشدر اول

❖ حکایت ❖

دمنه ایتدی روایت ایدرلر که سواحل دریای هندد،
طیوردن برنوع اولور که اکا طیطوی دیرلر آنک برجفتی
کنار دریا ده مسکن طوطی شلر و لب آبدن نشین ایتشلردی
چون بیضه موسمی کلدی ماده سی زینه ایتدی بیضه
ایچون بر محل تدارک ایله که فراغ خاطر له ساکن و خوف
و خطر دن امن اوزره اوله وزن ایتدی بو حوزره بیضه

ایچون غایت خوشدر که موضع دلکش و مقام فرح
بخشد در بو محل جنت مشالدن حالیا تحویل محالدر
ماده ایتدی بوسوز محل تأمل در که اگر موج دریا حرکت
کله و بچه لری مزی زیرا دامننه آله و نتیجه رنج اوقات
وایامزی ضایع قیله اگانه تدبیر متصور درونه چاره
میسردر ز ایتدی بن کان ایتمزم که موج دریابو جرأتی
ایده بله و بزمله عداوتی مقرر قیلوب بزه بوا هانت واسائی
جائز کوره شو یله کد اندن بی سبب بو مقوله حرکت وجوده
کله وز واکوره که بزم بچه لری مزی غرق بحر هلاک اوله
اندن انصافی آله بیلورم و تیغ انتقامله آنک حنمدن
کله بیلورم

❀ بیت ❀

چرخ برهم زنم ارغیر مرادم کردد
من نه آنم که ز بونی کشم از جرح فک

❀ نثر ❀

ماده ایتدی کند و حدندن تعدی اهل خرده لایق
دکدر و طورندن زیاده لاف و کزاف ارباب انصافه
موافق دکل صور مق عیب اولسون سرنه قوت و قدرته
موج دریایی انتقامکله تهدید ایدرسن ونه شکوه

و شوکتله از نگاه مقابله و مجادله مقدماتی تمهید
ایدر سن بوفکری قوه همان بیضه ایچون بر محل رصین
و موضع حصین اختیار ایله و استماع نصیحت مدن
امتناع ایله که هر کسه که خیر خواهرک سوزینه
اویمیه و ناصحهرک کلامی قولاغنه قویمیه اکا اول بلایتسه
که اول سنک پشته یتشدی نرایتدی نیجه اولمشدر
اول

❖ حکایت ❖

ماده ایتدی مکر بر آبکیرده که آبی صفای ضمیردن آینه کبی
عکس پذیرایدی و لطافت و خلوتده عین حیات و سلسبیل
نظیرایدی ایکی بط و بر سنک پشت آنده ساکن اولمشلردی
و مجاورتلی سببیه مصاحبتری مصادفته یتشمش
و همسایه لک همخانه لکه و بیگانه لک یگانه لکه
یتشمشیدی

❖ بیت ❖

خوشت عمر که باروی دوستان کزدر
خوشادمی که بیاران دلستان کزدر

❖ نثر ❖

ناکا، دست روزگار جفاپیشه ناخن هجرانله رخسار

حالین خراش و تخمیشه باشدی و سپهر مینافام
صورت مفارقتی مرآت اوقات لرند، اظهاره آغاز قیلیدی
(وای نعیم لایکدر، الدهر)

❀ مثنوی ❀

خوشست از جام وصل دلبران می
ولی هستش چهار هجر در پی
بران خوان کس نخاید لقمه نان
که سبکی نایدش در زیر دندان

❀ نثر ❀

اول آبد که آنلر ماده حیات و مدد معاش ایدی روز
بروز تفاوت ظاهر و نقصان فاحش بروز ایتدی بطور
چون مال حال و حال ماله واقف اولوب بیلدیلر وطن
مال وفدن فراغت ایدوب عزیمت جلائی مصمم قیلدیلر

❀ قطعه ❀

سفر بهتر آن را که در جای خویش
دلش از غم این و آن ابرست
که هر چند رنج سفر بد بود

ولی از جفای وطن بهترست

❀ نثر ❀

پس دل غم‌کین و دید، نم‌کین ایله سنک پشت قتنه کلدیلر
و سخن وداع و کلام هجرانی در میان ایدوب ایتدیلر

❖ بیت ❖

ماراز تو چشم بدایام جدا کرد

چشم بدایام چه گویم که چها کرد

❖ نثر ❖

سنک پشت چون ساز مسافرت یارانی ایشتمدی
سوز مفارقتدن نالش ایتدی و درد دروندن فریاد
ایدوب ایتدی بونه جگر دوز خبر اولور و نه جانسوز
شرر بکاسر سز حیات نیجه میسر دروزندکانی
نه وجهله متصور

❖ قطعه ❖

ای بی تو حرام زندگانی

خودی تو کدام زندگانی

هر زندی که بی تو باشد

مر کیست بنام زندگانی

❖ نثر ❖

حالیا که بکاطاقت تصور و داع ممتعدر آیاتحمل بار فراق
نه کیفیته ممکندر

❖ بیت ❖

هنوز سرور و انم ز چشم ناشده دور
دل از تصور دوری چو بیدلر زانست

❖ نثر ❖

بطلر جواب و یردیلر که بزم دخی جکر مز نیش خار
فرقندن ریشدر و سینه مز سوزش نار غر بتدن پرتشویش
اما قریبدر که سیلاب عذاب قلت آب خانه وجود مز
آتش عدمه اوره و حرمن حیات مز باد فایه ویره لاجرم
بحکم ضرورت فرقت حرقت و کربت غربت اختیار اید
وزونا چار یار غم کسار و دیار بهشت آثاری ترک ایدوب
کیده وزوالا

❖ بیت ❖

کشی هیچ قائل اولور می جدا اولغه یارندن
کیدرمی اختیار یله کشی کندی دیارندن

❖ بیت ❖

بکام عاشق بی دل ز کوی یار نرفت
کسی ز روضه جنت باختیا نرفت
(نثر)

سنگ پشت ایتدی ای یاران مضرت نقصان آب بنم

(یا ممدن)

یا آمدن صد چند اندر که بنم بی آب حالم خراب در کرم ایدک
حق صحبت قدیمی رعایت ایدک بودر مانده بی محنت
آباد هجرانده زار و سرگردان قومک قنده کیدر سسکن
بیله الک کیدک

بیت

تو جان منی و عزم رفتن داری

چون جان برود این تن بی جان چه کند

نثر

بطلر ایتدیلر ای یار کریم و همدم قدیم بزه سندن
مفارقت عذاب الیم و محنت عظیم در هر مقامده که
آرام ایده وز اسباب حضور و حجب و نه قدر موفور
اولور سه شرف دیدار کدن دور تماشای جمال کدن
مهجور اولیحق نه دیده مزده نور و نه سینه مزده حضور
قالور

بیت

کلشن فردوس سسمنز چاه زند اندر بزه

کلشن دوزخ جمالکله کلسستاندر بزه

نثر

بزمده سنک مصاحب کدن غیری مطلوب و مزومرا فقت کدن

اوز که مقصود مز یوقدر امانیجه ایدلم که بزه روی
 زمینده سنکله یور ییوب کتمک و بوجه کران و پای
 ناتوانله وادی و بیابان و بوادی بیابان قطع ایتک متعسر در
 سکا دخی بزمله دمساز اولوب کتمک و فضای آسمانده
 پرواز ایتک متعذر بو تقدیرجه بزه سنکله مر افقت
 و سکا بزمله بوسفرده موافقت نیجه میسر اولور
 کشف ایتدی بوکاده چاره نیه سزک رأی صائبکزه
 موطوبو مشکک حلی بند سزک فکر ثاقبکزه مربوطدر
 بن بو خاطر فاترله که خیال درد هجرانله خسته در
 و بو ذهن قاصرله که بار فراق یارانله شکسته در
 نه تدارک قیله بیل و نه تدبیر قادر اولم (ع) دل شکسته
 اولسه اولز رأی و تدبیری درست * بطلر ایتدی لر ای
 یار عزیز بو باده بر حیلله فکر ایتدک اما سنده خفت
 علامتن کورور و سنی متھک و سبک سنک اولق
 احتمالن ویریز شاید که بزم فکر مزله عمل قیلمه سن و قرار
 ایتدی کک عهد اوزره استوار اولیه سن سنک
 پشت ایتدی بو میسر میدر که سز بنم صلاح عالم
 ایچون بر تدبیر اختیار ایده سز بن موجبله کار

و کنند و منفعت و مصلحتم ایچون عقد ایتدیکم عهد
اوزره قرار قیلم

❖ بیت ❖

عهد بستم که سراز عهدنه پیجم هرگز
شرط کردم که ز شرط تو تجاوز نکنم

❖ نثر ❖

بطلر ایتدیلر شرط من بودر که چون سنی فضای
هوایه کتوره و زاصلانک ایاغک دپره دوب اضطراب
ایلیه سن و مطلقاً فتح کلام ایدوب بر متکلمه بر کله
سویلیه سن زیرا هر حریف که کوزی بزه راست کله
البته بر حرف آتسه کرک و تصریح و تعریضه دخل
و تعرض ایتسه کرک و اجبدر که چندان عبارت
و یا اشارتله بر سوز ایشیدنه سن یا خلاف معهود بروضع
و حرکت مشاهده ایدنه سن راه جوابی بنده ایدوب
حقه دهانه مهر سکوت اوره سن و نیک و بدک تعرضندن
تمام احتیاط اوزره اوله سن

❖ بیت ❖

ایدنه سن حقه کبی اغزیکی نبند
اوره سن مهر بر لب کسه مانند

❖ نثر ❖

سنگ پشت ایتدی فرمانبردارم

❖ بیت ❖

بخاکپای عزیزت قسم که در همه عمر

خلاف رای منیر تو یک نفس نزنم

❖ نثر ❖

عهد ایتدی که اضطرار با یتیموب هیچ کوینده به جوابه

متصدی اولیه وساکت وصامت اولوب هیچ آفریده،

یه نفیا واثباتا تعرض قلیله

❖ قطعه ❖

به پیری رسیدم در اقصای یونان

بدو کفتم ای آنکه بارای وهوشی

ز مردم چه بهتر بهر حال گفتا

اگر راست پرسی نخوشی خوشی

(نثر)

پس بطاهر برچوب کتوردیلر و میان سنک پشتک

دهانه و یردیلر و کندیلر ایکی جانبند یا پشوب کو توردیلر

چون او چوب اوجه چیق دیلر کیدرک برده مقابله سنه

کلدیلر اهل قرايه دن برناو پیروزن و فرزند و صغیر و کبیر

بو حال دن خبردار اولدیلو و تماشایچون طشره چیقوب
 زبان تعجبله هر طرفدن فریاد ایتدیله که کورک که
 بطلر کشفی نیجه کوتوررلر چون بو صورتک مثالی
 اول قومک مرآت خیالنده ارتسام بولمشدی کیدرک
 غریو و غوغاری زیاده اولدی سنک پشت بر ساعت
 سکوت ایتدی عاقبت تحمل ایتوب خلقک سوزینه
 ایتدی بلی (ع) رقیبک کورلکینه کورکوزینه ❖
 هماندمکه جواب ایچون اغزن اچدی اوچ آسمان
 معلقدن زمین مطبقه معلق زنان اول کشف نادان
 هوادن اوچدی روی زمینه دوشدی بطلر آوازه
 سرزنشه آغاز ایدوب ایتدیله ای سخیف ادراک
 و خفیف دماغ (وما علی الرسول الا البلاغ) دوستلردن
 نصیحت ایتک و نیکیختلردن ایشتمک و موجبی الیه ایش
 ایتک

❖ بیت ❖

اکادیر عاقل اولدیله خردمند

که کوش هوشله اصغایید، پند

❖ نثر ❖

بومثاک تیجدسی اولدر که هرکیم که احبانتک نصیحتن

سمع قبوله اضعا ایتیه کنیدی هلا کنه سعی وقصد
ایتمش اولور وچهره وقاحت و قباحتمدن نقاب فضیحتی
کوتورمش اولور

❖ بیت ❖

آنکس که سنجهای عزیزان نکند کوش
بسیار بخاید سرانگشت ندامت

❖ نثر ❖

نرایندی بومثلی استماع قیلدم ومضمونه مطلع اولدم
اماخوف ایتیه ین بکله که وهام عالمده الامدن غیری
نسه کورمز و بددل وترسند، هرگز مزامنه ایرمز
سوز همان بودر که موج دریا بزم جانمزی حیات
قیلور و بزه طرف رعایتی کنیدی لوازمندن بیاور
بالضروره ماده اکا اتباع ایدوب مهم بیضه بی اول
مقامده اتمامه یتشدردی برزماندنصکره چون بچه لر
پیراهن بیاض بیضه بی چاک ایدوب کریبان حیاتدن
باش چیقردیلردر یا تموج ایدوب آنلری ز یرادامن هلا که
چکدی ماده چون بوواقعیه بی مشاهده ایتدی غرقاب
اضطرابه دوشوب نر ایتدی ای خاکسار تبه روزگار
بن بیلوردم که آبه اعتماد وهوایه استناد جائزدکلدر

ایستدگی که دیمشردر

❖ بیت ❖

بو عمر وزور بازویه اینامه

بله الدامه وصویه طایمه

❖ نثر ❖

نیچون جانمزی آتش هجرانله کوبندردک و خانما نزی
سیلاب عذابله خراب ایدوب چراغ عمرمزی باد هلاکله
سویندردک باری براندیشه ایله که آنک سببیله دل
پر ریشه بر مرهم ایریشه نرایتدی سوزک بیلوب
سویله بن همان اول عهد اوزره مقرر م وقولمک عهده
سندن کلوب موج دریادن انصافم آلی بیلورم بونی
دبدی وفی الحال سائر طیور حضور یننه واردی
وهر نوعک رئیس و پیشوا سن جمع ایدوب قصه پر غصه
سن آنلره شرح ایلدی و آنلردن معاونت و معاصدت
التماس قیلدی وز بان نیازله بو ترنمه آغاز ایدوب ایتدی

❖ بیت ❖

احوال درد مندی مابی نهایتمت

هنکام دستگیری و وقت عنایت

❖ نثر ❖

اگر عز یزلر بواقعه ده هم پشت و یکجهت اولیهلر و اتفاق
ایدوب بنم دادمی موج دریادن آلمیهلر آنک جرأتی زیاده
اولوب من بعد سائرلرک بچه سنده قصه ایتسه
کرک چون بورسم اوزره مصر و بوقاعد، مستمر اوله لابد
توالد و تناسلدن قطع امید ایتک کرک یا باشمز آلوب
هر بریمز بر جانبه کتمک کرک

❖ بیت ❖

یابصد خواری بیاید ساخت باخار غمش
یا قدم در محنت آباد عدم باید نهاد

❖ نثر ❖

طیور مختلفه الطباع (اولی اجنحه مثنی و ثلاث رباع)
بواقعه فجیعه بی استماع اید یجک شکسته بال و پریشان
حال اولدیلر و عاقبت پراندر پروسراندر سر سر تسر
ملازمت حضرت سیرغه عزیمت ایتدیلر و صورت
حادثه بی عرصه عرضنه ینشدر و ب ایتدیلر اگر رعایا
غندن پرو ایرسک و ستمیدلری ستمکارلن حقن
آلیو یرسک فرمانفرمای مرغان قهرمان جنود سلیمان
اولمغه ارزانی سن و اگر مظلوملر حالندن فارغ البال
اولوب دفع ظالم و رفع مظلومه امهال و اهمال

روا کور رسک محقق بیل که رقم سلطنت سلیمانی
صحیفهء دلکندن سترده اولوب منشور سلطانی و یرلیغ
قهرمانی غیرک ذمت همته حواله اولیسردر

✽ بیت ✽

غم ز بردستان بخور زینهار

بترس از ز بردستی روزگار

(نثر)

سیمرخ آنلره استمالتلر و یروب خدم و حشمه دارالسلطنتدن
اول غائبه نك دفعنه توجه ایدوب و مرغان آنک معاونت
و مظاهریله جری الجنان اولوب جانب ساحل
دریای هنده روان اولدیله چون سیمرخ بر سپاهله که
حد و عتده هیچ بر مستوفینک حوصله حسابی وفا
ایتمزدی و اعداد صفوفی میزان کمان و مکان
امکانه صغیردی

✽ قطعه ✽

همه مبارز و تند و دلیر و خون آشام

همه دلاور و رزم آزمای و کینه کزار

فکنده در برخورد و رج و جوشن از پروبال

کشیده نیزه و خنجر ز پنجه و منقار

نثر

حوالی در یایه یتشدیلر پرید صبا که سلسله جنیان
موجدراول خبری دریایه یتشدردی چون کندو
حوضله سند، سیرغ ولشکر طیوره طاقت مقاومت
کوره مدی ضروری طیطویه بچه لر بن یتدی ویدی
وبوافسانه بی تکلم و ترانه بی ترمدن غرض بودر که
دشمن اگرچه که بغایت حقیردخی اولور ایسه خوار
عدایتمک کرک که سوزن کوتا، قامت وضعیف بنیتدر
ایشلرایشلر که نیره دراز قد وقوی خلقت آندن
عاجزدر حکما بیورمشلردر که هزار مردک صداقتنی
برفردک عداوته مقابله ایتمک غیر جائزدر

بیت

دوستی ز ا هزار شخص کست

دشمنی را یکی بود بسیار

نثر

شتر به ایتدی جنونکه بن بادی اولوب خصوصته
بن باعث اولزم تا کفران نعمت وعدم مزوتله موسوم
اولیم اما چون شیر بکا قصد ایده صیانت نفس ومحافظت
تنده مقدار مقدور می دریغ قیلزم تا ناصیه حالی رقم

(خوف)

خوف و خشیتله مر قوم و سوء غیرت و عدم حیت ایله
 موسوم قیلم دمنه ایتدی چون شیر ی کوره سن که
 یاتور که طورر وکا، قالقر کا، اوتورر و پنجه سیله
 روی خاکی خراش ایدوب دنبالن زمینه اورر شیر
 و شیر ی فلاك اثیر، چقمش و شعله حشمی آتش چشمی
 کبی علو چقمش بیله سن که سکا قصد ایلشدر و سنک
 قتله که یل بغلشدر شتر به ایتدی معقول بیوردک واقعا
 اگر بو علایمک بریسی ظاهر اولور سه هر آینه رخسار
 یقیندن حجاب ظن و تخمین مرتفع اولوب شیرک قصد
 غدرند، شک و شبهه مندفع اولسه کرک چون آتش
 فتنه بو جانب بدن دخی اشتغال بولدی دمنه خندان و شادمان
 کایله جانبینه روان اولدی

❖ بیت ❖

بی خردی که شادیش از غم دیگران بود
 صدق و وفا مجواز و کر همه بر کران بود

❖ نثر ❖

کایله ایتدی کارنه مرتبه واردی و مهم نه درجه یه
 ایردی دمنه جواب و یردی که (ع) از بخت شکر دارم
 وازر وز کار هم * بحمد الله که اسباب حضور مکمل

و فراغت تمام محصلدر و بوکار دشوار کمال رفق
و سهولتله میسر اولدی دمنه بونی دیدی و روزگار ز بان
مکافاتله بو بیتک مضمونن کوش هوشمند ان محفل بصیرته
یتشدردی

❖ بیت ❖

خوش گرفتند حرفان سر زلف ساقی
کرفلاک شان بکذارد که قراری گیرند

❖ نثر ❖

پس ایکیسی دخی خدمت شیر و اردیلر اتفاق کاودخی
آنلرک عقبجه کلدی شیر چون ایراقدن شتر به بی
کوردی دمدمه دمنه درکار اولوب عرشه آغاز قیلدی
و چشم پر خشمی مشتعل اولوردم استیلایی روی زمینه
اوردی و غایت غضبندن چنکالن تیز ایدوب دندان
بر برینه سوردی

❖ منوی ❖

صاحب اژدر کی اغزندن آتش
غضبندن اولدی آتش کی سرکش
یانوب قیزدی ایچی جامه دوندی
کوزی خشمیله رنگین جامه دوندی

(شتر به)

❖ نثر ❖

شتر به یقین وار یجق عین الیقین بیلدی که شیراکا تیر قصدی
راست ایتدی کندو کندو یه ایتدی حکما راست
بیور مشلردر که خدمتکار ملوک خوف و خشیتده
وملازم سلاطین بیم و دهشتده همخوا به مار و همخانه
شیره بکرز که اگر چه شیر غایده و مار خوابده اوله نه
آنک شرر شردن رهامی سردر ونه بونک ضرر زهرندن
خلاص متصوردر

❖ بیت ❖

مکن ملازمت پادشه کزان ترسم
که همچو صحبت سنک و سبو شود ناکاه

❖ نثر ❖

ناچار اسباب کارزاری در کار ایتدی چون جان بیندن
اول علایم که دمنه نشان و یومشیدی معاینه اولدی
میانلرنده آتش جدال اشتعال بولوب حرب و قتاله
اشتغال ایتدی لر و خروش افغانی عرصه زمیندن
کوش آسمانه یتشدر دیلر

❖ بیت ❖

اولوردی زهر دسی چاک اول غریبی

ایشنسه کوه قافک نره دیوی

❖ نثر ❖

کلیله چون بوحالی بومنیوال اوزره مشاهد، ایتدی
دمنه یه متوجه اولوب ایتدی

❖ رباعی ❖

صدحیله برنگ و بو برانگیخته
وانکه زمیان کار بگرینخته
باران دو صد ساله فرونشاند
این کرد بلارا که توانگیخته

❖ نثر ❖

ای نادان وخامت عاقبتکی هیچ کوررمیسن وای فتان
شامت خاتمکه نظر قیاورمیسن دمنه ایتدی نه خصوصده
عاقبت وحیمه ملاحظه قیلدک ایتدی بوفته ده که سن
اویاندردک و بو آتش بلاده که سن یلکلاندردک بو کارده
یدی ضرر ظاهر واردر (بررسی) بودر که بی ضرورت
ولی نعمت کی ورطه زحمته آتدک ونفس ملیکی بلای
عظیمه اوغراتدک (ایکنجی) بو که مخدومکی بیوفالقی
ونقص عهده موسوم قیلدک و بو بدناملیغی اکاروا کوردک
(اوچنجی) بی سبب قتل کا و سعی ایتدک و آنی ورطه

(هلاکه)

هلا که آتدک (دردنبجی) اول بیکننا هک خوننی کردنکه
 آتدک (بشنجی) سپاه سباعی پادشاه حقنده بدکان ایتدک
 ممکن که آنک خوفیدن ترک دیار ایدوب بر منزله دخی
 انتقال قیله لر و خانماندن اواره اولوب محنت غربت
 و بلای جلاده فرومانده قاله لر (النجی) سپهسالار لشکر
 سباعی عرضه تلفه آتدک لاجرم آنلرک عقد جمعیتی
 من بعد نامتختم اولسه کرک (یدنجی) کند و عجز وضعفکی
 اظهار ایتدک و اول دعوایی که بوکاری رفق و تلافی
 ایله تمام ایدرم دیر ایدک پایانه یتشد در مدک غایت غباوت
 و نهایت غوایتکی کور که (الفتنه نائمة لعن الله
 من ایقظها) وعید و تهدیدندن تحذرا ایتدک دمنه ایتدی
 مکر سن ایشتمدک که دیمش لردر

❖ بیت ❖

کاری که بعقل دزنیاید

دیوانکی درو بیاید

❖ نثر ❖

کلیله ایتدی سن بو بایده دستور خرد اوزره نه وضع
 ایتدک که وقوع بولندی و دستیاری معمار فکرله
 نه طرح ایلدک که راست کلمدی تا طریق رفق و لطفی

بر طرف قیله سن و خشونت و عنفه محتاج اوله سن
 یلمز میدک که رأی راست و اندیشه درست جرأت
 و شجاعتدن مقدمدر (ع) الرأی قبل شجاعه الجمعان *

(بیت)

کارها راست کنند عاقل و دانا بسخن
 که بصد لشکر جرار میسر نشود
 (نثر)

بکا همیشه سنک اعجابک و غرور و رأی ناصوابک
 و بودنیای غدارک جاه و دولته که عشوه شراب
 و نشوه شراب کی بیایان و ناپایدار در مفتون اولدیغک
 معلوم ایدی اما آنی سکا اظهارده تأمل ایدردم که
 شاید کیده رک کنده متنبه اولیدک و خواب غرور
 و غفلت خمار پندار و جهالتدن دور اولوب افاقت
 بولیدک چون اول وادی یه قدم بصدک و دائم بادیه
 ضلالت و هاویه غوایتده حائر و هائم سن دمیدر که
 کمال خرق و جهالت و تمام حق و غباوت کدن بر شمه
 اظهار ایدم و قبایح اقوال و معایب افعال کدن بعضن
 اگر چه که بگردن قطره و هاموندن ذره در (کالشمس
 فی وسط النهار) سکا آشکار ایدم

(منوی)

(مثنوی)

تا که بدانی که چها کرده
نقش و غایب خطا کرده
از همه در هیچ شماری نه
و ر همه مستند تو باری نه

(نثر)

دمنه ابتدای ای برادر بدایت عمر مدن تا بو غایت ده دك
كمان ایتمزم که بدن بر فعل نامعقول و بر قول نامقبول
وجوده کلمش اوله شو یلا که بنده بر قباحه کوزه سن
و بر ناسنوده صفت مشاهده قیله سن مقتضای
مر و ت و اخوت بود در که لطف و تنبیه ده تقصیر
بیور میه سن و حسن نصیحت ده مسامحه بی روا کور میه سن
کلیله ابتدای سنك معایب ذات و قبایح صفاتك اول
قدر چو قدر که نطق حصر و ضبط و کسر بسط له
احاطه احتمالی یو قدر اول بو که کند و می بی عیب
تصور ایدرسن بردخی بو که گفتاری کردارك اوزره
راجح طو تارسن پادشاهه بوندن ضرری واضح
نسنه یو قدر که وزیرینك قوی فعلی اوزره راجح
اوله دیمش لردر که اهل عالم قول و فعل ده درت قومه

منقسمدر (اول) اول طائفه در که ایلیمه سویلیه بوشیمه
 منافقان وصفت بخیلاندر (ایکنجی) اولدر که
 سویلیدین ایلیمه بوعادت جوامعردان وخصلت ارباب
 مرؤت واحساندر (اوچنجی) اولدر که سویلیه
 آندن ایلیمه بوسیرت اهل معاش وسمت اوساط اشخاص
 نوع انساندر (دردنجی) اولدر که نه ایلیمه ونه سویلیه
 بوخصلت دونان وصفت خسیس دون همتاندر
 سن اول طائفه دن سنکه گردن اقوالنی زیورافعالله
 آرایش قیلزلرن هر یارکی سنک احوالکی تفحص
 و اوضاعکی تفرس قیلدم قولکی فعلک اوزره راجح
 وجهلکی فضلك اوزره غالب بولدم شیر سنک
 قولکله بو فعل خطیره مباشر اولمشدر شویله که
 عیاذا بالله اکا برافت یتشه بو ولایتده هرج ومرج
 ظهور ایدوب شورش اضطرار بدن رعایانک حضوری
 اوچیسر و تمام نفوس و اموال مخاطره تلف و ورطه
 تاراجه دوشوب کلیابو افعالک و بلی طوق لعنت اولوب
 سنک کردنکه بکیسر

(قطعه)

هر که بدکار و باید اندیشیت

(روی)

روی نیکی دگر بکایند

هر که شاخ مضرتی دارد

میوه منفعت بکایند

(نثر)

دمنه ایتدی وزیر ناصح ایدم ملک بوستان حائده
نهال نصیحتدن غیری نسنه د کهدم و تخم اندیشه
منفعتدن غیری حبه اکدم کلیله ایتدی بر نهال که آندن
بونوع ثمره ظهوره کله که کور رسن یغنی بر کند، اولق
و بر دهان که بومتوله نصیحت قیله که نتیجه سن مشاهده
قیلور سن خا کله طولق یکدر او سنک قولنکده
نیجه منفعت حاصل اولور که حلیه علمدن عاقل و علمی
عمل فی المثل موم بی عسلدر و گفتار بی کردار درخت بی
برک و بار کی لایق نارد

✽ مشنوی ✽

علم کز اعمال نشانیست نیست

کالبدی دارد و جانبش نیست

خاصه ز بهر ثمر آمد شجر

علم درخت و عمل اورا ثمر

شاخ که بی میوه بود ناخوشت

مطبخیا نرآمد آتش است

(نثر)

اکابر فضائل شیم صفحات دفاتر ده قلم کرم برله رقم
بیور مشلردر که بش نسنه دن فائده میسر دکلدر قول
بی عمل و مال بی خرد و علم بی صلاح و زندگانی بی
صحبت پادشاه اگر چه فی حد ذاته عادل و کم آزار اوله
وزیر بد نیت و ناپاک طینت آنک منافع عدل و رأفتن
رعایادن منقطع قیلور و آنک خوفندن مظلوم ملک قصه
بر غصه سی عرصه عرصه سلطانه یتیمز اولور
نته که بر چشمه پاک و آب تاپنا کده صورت نهنگ معاینه
اولنسه هیچ بر شناور تشنه فرضا که آتش عطشی
خاشاک وجودینه یتشه اکال اورا نمر و اقدام اقدامی
آنک پیرامنه دراز ایتمز

(بیت)

رسیده ام من تشنه جگر بچشمه صافی
ولی چه سود که یارای آب خوردن نیست

(نثر)

دمنه ابتدی بنم بوطر یقه سلوکدن مقصودم وصول
شرف خدمت ملوک ایدی بحمد الله که مأمول احسن

(وجو)

و جود اوزره حصول بولدی بعده بنده یه لایق اولان
 حسن خدمت و صدق استقامت و صیانت حق
 ولی نعمت ایدی اول دخی بقدر الطاقه دریغ اولمندی
 کلیله ابتدی ارکان کاردان و وزرای کافی و کار گذار
 زیب و زینت بارگاه ملوکدر اما سن دیلرسن که غیر یلر
 ملازمت ملکدن دور و مهجور اوله سن مدار علیه
 سلطنت و مشاور الیه مملکت اولوب تقرب حضرت
 سکا محصور اوله اما بو خصالت غایت غیاوت و فرط
 حیاقتد نناشیدر که سلاطین هیچ بر نسنه الیه
 و بر کسنه الیه مقید اولمق ممکن دکادر مرتبه سلطنت
 مشابه رتبه حسن و جمالدر نته که بر محبوب دلاویز که
 عاشق افتاد سی زیاد، اولدخه ظهور جلاوت حسنی
 افزون اولور سلطانک دخی هر چند که اعوان و انصاری
 و خدمتکار کار کزاری بسیار اوله کثرت خدم
 و وفرت حشمه میلی متر اید اولور بو سودای خام که
 عرضده دماغکده مقام ایشدر امارت نهایت
 بلاهتدر و علامت غایت سفاهتدر نته که حکما
 بیور مشلردر که علامت حق بش نسنه در غیرک
 مضرتدن کند یه منفعت تصور قلیق و بیر یا صفت

و عبادت ثواب آخرت رجا ایتک و خشونت و خصومت
ایله معاشقت نسایه مباشرت ایتک و راحت و حضور له
دقایق علومه و قوف و عثور قصد ایتک و نقض
حقوق و بغض و عقوق له ناسدن صداقت توقع ایتک
ای دمنه بن بوسوزلی سکا فرط شفقت و وفور
محبتدن سو یلرم عین الیقین بیلور مکه سنک شب تیره
شقاوتک بنم ضیاء شمع موعظمله روشن اولق ممکن
دکدر وظلمت جهل و کدورت حقد و حسد که طیتکده
سرشته اولمشدر بنم پرتوانوار نصیحتمله مرتفع
اولق ممتعدر

❖ بلیت ❖

باب کوثر و مزمل سفید نتوان کرد
کلیم بخت کسی را که بافتند سیاه

❖ نثر ❖

بنده س. ک. مثلاً هم از اول شخص مثلیدر که اول مرغ
ایتدی رنج بیهود، چکمه و تنم نصیحتک زمین شوره ده
اکه و صد استماعده اولمیناره کلماتک ضایع ایتده اول
قبول ایتدی و عاقبت انک سزاسن بولدی دمنه ایتدی
نجه اولمشدر اول

حکایت

کليلة ايتدی روایت ایدرلر که پوزینه جنسندن برکروه
برکوهده اولورلردی و آنک میاء وکیاهيله روزکار
یکورلردی قضای الهی برشب تیرهده که یخردلر
بصر بصیرتندن خیره ایدی لشکر سرما اول میونلرک
آرام و صبر و سکونلرین یغما و کشور درون و
بیرونلرینه استیلا قیلدی و صدمت صرصر زمهریردن
رکلرنده قانلری و تنلرنده جانلری افسرده اولدی

مثنوی

الی دوشمشدی سرمادن چنارک
ایاغی طوکشیدی چشمه سارک
اولوب بردشتادن منجمد آب
بو قورقودن هوا کیمشدی شنجاب

نثر

بیچاره نر شدت هوا و سورت سرمادن زیاده آزرده
اولدیله و آسیب برف و باران و تکرک و طوفاندن پناه
طلب ایدوب اطراف کوهی طواف ایدرکن ناکا،
برطرفدن برمینا پاره سن بولدیله و بریق و لمعانی سببيله
آنی آتش کن قیلدیله و حاله الحطب وار هیزم جفع

ایدوب آنک کردا کردینه اور دیلر و آغز لیله دمبدم
 او فور دیلر مکر اول حوالیده بردرخت اوستنده بر مرغ
 بو احوالی مشاهده ایدردی فریاد ایتدی که ای یاران
 بو هوادن چک که بو آتش دکلدر دم سردله آنی کرم
 ایده مز سز صوغوق دمر دو کر سز رنج و دردله اول
 سنک سختی نرم ایده مز سز آنلر بونک کلامن استماع
 ایتدی لر و اول کار بی فائده دن امتناع کو ستر مدیلر اتفاق
 بو ائشاده بر آدم چیقہ کلدی آنلری بو حال اوزره و حال لرین
 بو منوال اوزره مشاهده ایدی چک مرغہ بند و نصیحتہ
 قصد ایدوب ایتدی ای مسکین زحمت چکمه و تخم
 نصیحتی بیهوده بره اکمه و نفس که عذاب ایتمه که
 بونلر سنک نصیحت که منتصیح اولمز و سنک گفتار ک
 ایله بو کار بینجاردن فراغت قیلر ز سن رنج بیهوده
 چکر سن و نفس که تعذیب بلا فائده ایدر سن

❖ بیت ❖

چوسندان زیانندن یمن اول درد

نه حاصل کیم دو که سن آهن سرد

(نثر)

بو مقوله کسی نه لرک تربیت و تقویته سعی ایملک و آنلردن

(رشد)

رشد و صلاح و فوز و فلاح رجا ایتک اکا بکر که
 تنم حنظلدن نی شکر او مه سن وزهر هلا هلدن
 خاصیت تریاق فاروقی طلب قیله سن
 ❖ قطعه ❖

هر که در اصل بدنهاد افتاد
 هیچ نیکی از او مدار امید
 زانکه هرگز بجهد نتوان ساخت

از کلاغ سیاه باز سفید
 (نثر)

مرغ آنک کلماته التفات ایتدی کلامی بعد مسافه دن
 استماع ایده مرز صانوب غایت شفقتدن بالای درختدن
 آشخه ایندی تامضمون نصیحتن آنره اعلامده زیاده
 اهتمام ایلیه و آنلری اول رنج یهوده دن خلاصده
 سعی تمام کوسسته فی الحال میونلر مرغک اطرافده
 جمع اولدیلر وایاغن بیره باصدر میوب باشن تندن جدا
 قیلدیلر بنله سنک حالک همان اول منوال اوزره
 در که بن کنند و اوقاتی ضایع ایلرم و بی فائده
 کلام سو یلرم باوجود که سکامفعی یوق بکامضرت
 اخیتمانی واردن

قطعه

کر مستمع قبول نصیحت نمیکند
بیهوده بار بردل نازک چرانی
گفتی که بر براق سعادت سوار شو

تا در رسی بمنزل و از پنج بارهی
نشیند و همچنان بره خویش میرود

بگذر که تاپیاده بماند از ابلهی

نثر

دمنه ایتدی ای برادر اکابر فضیلت کس و عظم
و نصیحت یابنده شرط امانتی یرینه کتور مشلردر
و میل و مدها شدن احتراز کوستر مشلردر
اهل فضله اقامت مر اسمم و اعظ و نصایح لازمدر خواه
مستمع سمع قبول ایله اصغایده و خواه ابا ایلیه

قطعه

مدار پند خود از هیچ کس دریغ بگو
اگر چه از طرف مستمع بود تقصیر
سحاب قطره باران ز کوه وانگرفت

اگر چه درد دل خارا نمیکدن تأثیر
(نثر)

کلیله ایتدی بن منافع نصیحت می سندن دریغ ایتمزم

امانه فائده که سن اساس کاری مکر و حيله اوزره بنا
 قيلورسن وافکار کده استقلال واستبدادی
 پیشنهاد ایدوب طور رسن بئس الاستعداد والاستبداد
 بروقت نادم اوله سن که ندامت فائده و یرمیه وطاشلرله
 دو کینوب ناخن ملامتله روی سینه کی خراش ایده سن
 سودمند اولیه هر کسه که تبعات مکردن اندیشه
 ایتیموب حيله وغدري کندویه پیشه ایلیمه عاقبتی وخامته
 وخامتی شأتمه یتشه و آخر الامر کرداب ندامت
 وغرقاب ملاتمه دوشه نته که اول شریک عاقل دوشدی
 و حباله حيله سی حلقنه حلقه دام بلا اولوب شریک
 غافل صدق واستقامتی برکاتيله مراد ومقصودینه
 یتشدی دمنه ایتدی نیجه اولمشدر اول

❖ حکایت ❖

کلیمه ایتدی روایت ایدرلر که ایکی شریک وار ایدی
 بری عاقل و بری غافل بری فرط ذکا و کمال فهم و دهاده
 بر مر تبده ایدی که سحر و تدبیر و مکر تزویرله آبی
 جریاندن و مرغی طیراندن قور ایدی و دبیر عقل ایلله
 صحیفه امر وزدن احوال فردایی بر براو قور ایدی اکا
 تیر نهوش دیرلر ایدی و بریسی دخی کمال نقصان وغایت

نادان لغدن سود و زیان میانند، نیز دن عاجز ابدی اکا
 حازم دیرلردی بونله سیاحت هواسی و تجارت سودایی
 دوشسوب موافقت و موافقت ایله سفره توجه ایتدیله
 و مراحل و منازل قطع ایدوب **ک**تدیله قضای
 الهی کیدرکن یولده بریده بر کیسه دینار خالص
 و تمام عیار بولدی و آتی غنیمت عظمی و نعمت مستوفی
 بیلوب متوقف اولدیله شریک دانا ایتدی ای رفیق
 عکسار (ع) سودنا کرده درجهان بسیار* اولی بودر که
 سودای سفر دن فراغت ایدوب بوبدره زرایله قناعت
 ایدوز و بونعمتی غنیمت بیلوب صحت و سلامتله کوشده
 کاشانه مزه کیده ور

(مثنوی)

چند کردی کرد عالم بهر زر

بیش کرد زر شود غم بیشتر

کالبد چشم حریصان پر نشد

تا صدق قانع نشد پر در نشد

(نثر)

پس کبر و دوندیلر و شهره قریب بر منزلده ایتدیله شریک
 غافل ایتدی ای برادر کل بو غنیمتی برابر قسمت ایدلم

(و دغدغه)

ودغدغه شرکتدن خلاص اولوب حصه لر می
 مصارفه صرف ایدلم شریک عاقل دیک تزویری آتش
 تدبیرله قینادوب جواب و یردی که حالیا فکر
 قسمت سمت استقامتدن منحرفدر بو بایده رأی صواب
 بودر که خرج ایچون محتاج اولدیغمز قدر اخراج
 ایدوب باقیسن احتیاط تمامله برجاهده و دیعت قویه وز
 و برقاچکونده برکلوب بو منوال اوزره بر مقدارین
 الوب بقیه سن آند، محفوظ قیله وز تا آفتدن بعید
 و سلامته قریب اوله شریک غافل بو افسوسله فریفته
 اولوب افسانه سن حسن قبول ایله تلقی قیلدی ووجه
 مذکور اوزره بقدر الاحتیاج بر مقدارین اخراج
 ایدوب باقیسن بر درخت دبنده دفن ابتدیلر و شهره
 کلوب هر بری کندو مقاملرینه کتدیله

❖ بیت ❖

بر سحر که که چرخ شعبده باز

حیله صندوغن ایلدی سر باز

❖ نثر ❖

اول شریک که دعوای ذکاوته حسن تدبیر و لطف
 تزویرله بینه اقامت ایدرایدی اول درخت طرفه واریدی

واول دفينه بي تمامها قبضه تصرفه آلدی شريك
 آخر بوحالدين بخبرالند، اولان نقدك خرجنه مشغول
 اولوب كيدر اخر خر جانن تمام ايتدی ضروری
 شريك عاقل قتله واروب حالن اعلام ايدوب ايتدی
 ای برادر كل اول دفينه دن خرج ایچون حصه اخراج
 ایدلم كه ضرورت جانم ایتدی تیز هوش تجاهل
 ایدوب نه محل ضرورت ونه مقام متدر كل کیدهلم
 دیدی ایکیسی دخی معیت ایه موضع معهوده واردیلر
 اولقدر كه تپسس وتفحص ایدوب ارادیلر کجیدن
 رنجیدن غیری عین و اثر کورمدیلر تیز هوش خروش
 ایتدی و کریمان حازمی محکم طوودی كه بوزری
 البته سن الدك سندن غیری بر فرد بو كه مطلع دکل
 ایدی بیچاره هر چند كه فریاد ایدوب ایمان غلاظ
 و شدداد ایلدی مفید اولدی القصه قضیه مجادله دن
 محاکمه یه و منازعه دن مرافعه یه یتشدی شريك
 عاقل غافلی محکمه قاضی به كتوردی و مضمون
 قضیه و فوای قصه بی سمع قاضی به یتوردی حازم
 معاذ الله دیکك قاضی تیز هوشدن صدق دعوا
 وصحت مدعاسنه بینه طلب ایتدی تیز هوس ایتدی

ایها القاضی

❖ بیت ❖

برخورز عمر خویش که در قفس قضا
احکام عمر تو بدرازی مسجل است

❖ نثر ❖

بنم اول درختدن غیری که زرانک دبنده مدفون ایدی
شاهدم یوقدر امیدوارم که اول قادر پرکان اول درخته
که حافظه مالسدر اصم مادر زاد کبی ابکم ولال ایکن
شجره کلیم الله کبی قوت نطق و مجال مقال ویره
وبوخاین بی انصافک که مجموع دینه بی الوب بی
محروم ایتدی خیانتنه اقامت شهادت قیله قاضی
بوسوزدن متعجب اولدی وقیل وقال بسیار دنصکره
بونک اوزرینه قرار قیدیلر که علی الصباح قاضی
بالذات پای درخته حاضر اولوب درختدن اقامت
شهادته ناظر اوله وشهادتی مدعای تیز هوشه
موافق واقع اولورسه موجبجه حکم ایدوب قضیه
فیصل بوله پس شریک عاقل خانه سنه کلوب تمام
قضیه بی پدرینه عرض ایتدی وروی کاردن رفع
حجاب ایدوب ایتدی ای پدر بن سکا اعتماد ایدوب خیال

شهادت درخت ایتدم و موافقتك امیدینه بونهان
 حیلہ یی بوستان قضاده دکدم بومهمك اتمامی
 سنك حسن اهتمامکه وابسته دراکر موافقت بیوررسك
 بو قدر دینار و بوندن غیری بر مقدار دخی اله کتوره
 وز و بقیة العمری فراغت و رفاهیت ایله کچوره وز پدر
 ایتدی بو امرده بکا متعلق خدمت ندر و بنم اهتمامه
 وابسته نه نسته در پسر ایتدی اول درخت خلال
 اجوف مثال مجوفدر و تجویف درونی بر مثابه ده در که
 میاننده ایکی شخص پنهان اولق میسر در بو کجه
 لازمدر که واره سن اول درختك درونه کیره سن
 یارین که قاضی کله درختدن شهادت طلب قیله رسم
 شهادتی کما ینبغی یرینه کتوره سن پدر ایتدی ای
 پسر حیلہ و مکردن واز کل فرضا که خلقی فریقنه
 قیاسك خالق تیسرسن و بر تقدیر که سحر
 و تزویرك قاضی شهره تاثیریده حاکم محکمه دهره نه حیلہ
 تدبیر ایدرسن

✽ رباعی ✽

سرت همه دارای فلک میدانند
 کوموی بوی ورك برك میدانند

(کبرم که)

کیرم که بزرگ خلق را بفریبی

با او چه کنی که يك يك میداند

❖ نثر ❖

ای بسامکر و احتیال که ینه صاحبنه و بان اولمشدر
و جزاسی ینه اکا عائد اولوب انی رسوا و پرده دریده
قیلشدر بن خوف ایدرم که سنک مکرك همان اول
غوک مکرری کبی اوله پسر استفسار ایتدی که نیجه
اولمشدر اول

❖ حکایت ❖

پدر ایتدی روایت ایدر لر که بر غوک بر مار جوارنده
وطن طوتمش ایدی و اول افعی خونخوار مسکنی قربنده
نشین ایتمش ایدی هرگا، که غوک بچه پیدا قیلسه
مار بچه لر بن بر برشکار ایدر ایدی و دل غوکی آتش
حرمانه بریان و خنجر هجرانله افکار ایلر ایدی مکر بو غوکلله
بر خرچنک میانده سر رشته مصادقت میرم و مستحکم
اولمش ایدی بر کون غوک خرچنک قتته کلوب ایتدی
ای رفیق موافق بکار تدبیر لایق فکر ایله که خصم قوی
و دشمن غالبم وارد رنه انکله مقاومت ایدوب بو مقامده
اقامت متصور ونه بودیاردن فراغت ایدوب بر جائبه

نقل و رحلت میسر در زیرا که ساکن اولدیغم
فضای فرحبخش و ماوای دلکش بر مرغزار در که
سواد مینار زبکی روضهء مینو کی روح افزا و بر چشمه
ساردر که نسیم دلکشاسی طرهء حورا کی عنبر
بو و عطر سادر .

❖ منوی ❖

حوالسی سراسر گلستاندر
گلستان جابجا آب رواندر
اولوب رشك ارم هر گلستانی

صوینه تشنه آب زندگانی

❖ نثر ❖

هیچ عاقل کنندی اختیار یله بونجیلین منزل بهشت
آینی قویوب کتمز وارادتیله قلبن بونمونه فردوس
بریندن تفریق ایتمز

❖ بیت ❖

جای من کوی مفانست چه زیبا جایست
هیچ عاقل بههان ترك چنین جانکند

❖ نثر ❖

خرچنگ ایتدی غم ییمه که خصم توانایی کمند حبله

ایله بند ایتک میسر و دشمن غالبی دانه فکر ایله دام
مکره چاکم ممکن و متصور در

❖ بیت ❖

که هیچ دنیاده بر بتزایش اولمز

نوله کم آدم آکا چاره بولمز

❖ نثر ❖

غولک ایتدی سنک بویابده کتاب حیلده دن نه مسئله یاد
داشتک وارد در و بو خصم بداندیشک دفع غائله
سندده نه چاره فکر ایدرسن خرچنک ایتدی فلان
محلده اژدرها کردار بر سوسمار مار خوار وارد
کر کدر که برقچ ماهی طوته سن و سوراخ سوسماردن
منزل ماره دک بر بر آنه سن مقرر در که سوسمار ماغیلری
بر بر افطار ایتسه کرائ و چون سوراخ ماره بته
لاجرم اولدخی بن دندان سوسمارده قرار ایتسه کرک
وسنی آنک شرر شرندن و ضرر زهرندن خلاص
قیلسه کرک غولک بوتدیر ایله که موافق تقدیر ایدی
ماری هلاک ایتدی و چون بوقضیه اوزره ایکی اوچکون
یکسی سوسماره بوداعیه دوشدی که طلب ماهی
ایچون حرکته کله و اول صورتی که عادت قیلش ایدی

اعاده قيله پس همان اول طريقه كه بودند سابق
قدم مراد ايله اكا سالك اولمش ايدى روانه اولدى
و چون مار وماهيدن اثر بولمى عاقبت غوى چيچ
بچه سيله افطار ايتدى

❖ بيت ❖

تواز چنگال كر كم درر بودى
چو ديدم عاقبت كر كم تو بودى

❖ نثر ❖

بو مثلى كتوردم تايله سن كه سر انجام حيله گرفتار لوق
وعاقبت مكر وغدر خاكسار لغدر

❖ بيت ❖

قوسك مكر و حيل واديسنه كام
بلاد امينه دوشرسن سر انجام

❖ نثر ❖

پسر ايتدى اى پدر سوزك اوز اتمه و دور و دراز اديشه
ايمه كه بو كار اندك مؤنت و بسيار منفعتدر عاقبت
پير بچاره بي حرص مال و حب عيال سر منزل دين
ودياتدن باديء جور و جنايته چكدى و سر آيه (انما
اموالكم و اولادكم فتنه) ظهوره يئشدى طريق

(مروئى)

مروقی بر طرف قباوب بساط فتوقی بالکلیه دور دی
 و بومقوله امره که شرع و عرفده محظور و منکر ایدی
 ارتکابی روا کوردی و اول شب مظلمه اول پیر ظالم
 پای درخته و اردی و میان مجوف بولوب جو فته
 کیردی علی الصباح که قاضی روشن رای آفتاب محکمه
 آسماند، بدیدارا ولدی و خیانت صبح کاذب روز روشن
 کبی عالمیانه اشکار اولدی قاضی و سائر مشاهیر شهر پای
 درخته حاضر اولدیلر و خلق انبوه گروه گروه صف
 بغلوب دید، تعجب الیه ناظر اولدیلر قاضی جانب
 درخته خطاب ایدوب صورت دعوی مدعی و انکار
 مدعی عابهی شرح ایتد کدنصکره کیفیت حالی
 استفسار قیلدی درون درختدن بر آواز کلدی که مانی
 حازم آلدی و اول ظلم تبرهوشه ظلم صریح ایلدی
 قاضی متحیر اولوب بر زمان تأمل ایتدی و فراسـتـله
 جزم ایتدی که میان درخته بر شخص پنهان اولمشدر
 که انی اخراج تدبیر ضابطه محتاجدر

بیت

سر هر نقش که از چشم خرد پنهانست
 جز در اینده تدبیر نکرد ظاهر

✱ نثر ✱

پس فرمان ابتدی که تا همیشه فراوان دیردیلر و اطرافنه
آتش سوزان اوردیلر پیر حریص بر زمان غیرت
ایتدی چون کوردی که کار جانه و کارد استخوانه
یتدی امان طلب ایتدی قاضی امان و یروب طشره
چقیق استمالت و یردی و حقیقت حالی صورتی پیر
نیم سوخته صورت واقعه یی کما هی عرض ایلدی
قاضی کیفیت قضیه واقف اولوب حازم
حزم دلك برائت ساحت ذمت و صدق امان
وتیز هوشك جور و جنایت و غدر و خیانت
خلائقه اعلان و اعلام ایلدی اتفاق بواشاده پیر
بازویر درد نجلته تحمل اید میوب رخت جانی جهان
فانیدن کتوروب سرای جاودانی به رحلت قیلدی
و حرارت نائرة دنیا ایله شرارت عتبا به اتصال بولدی
پسر بد کوهر ادب بلیغ کوروب زجر عنیف
چکد کدنصکره پدر مرده سن گردنه آنوب کوتوردی
شهره کتوردی هر کورن پیر و جوان خوی بدبار کران
نکته سن گوش عالمیانه یتوردی حازم حزم دل برکت
صدق و امانت و میامن حسن استقامت ایله اول مالدن

خصد سن آلوب سر انجام مهامنه قیام کوسل تردی
بومثلی کنوردم تابله سن که عاقبت مکر ناپسندیده
وخامت غدرشوم ونکو هیده در

نیت *
هر که پادر مضیق مکر نهیاد

عاقبت سر پیاد خواهد داد
حیله مار یست کود و سر دارد

هر یکی کونه کون خطر دارد
آن سرش خصم را کند دریش

وین ولسند ضرر بصاحب خویش

(منش)
دمنه ابتدی مکر سن بنم فکر مه مکر نام و یردك اوله
وتدیرمه حیله و تزویر لقب قیلدك اوله اما بن بومهمی
تدیو صائب ایله بودرجه یه ککثوروب داورورم
و بواصل کاردشواری فکر ثاقب ایله بویله آسان قیاوب
داورورم کلیله ابتدی سن عجز رای وضعف تدیرمه
اول مشابه ده سنکه زبان آلمک تقریرند قاصر و خبث
ضمیر و غلبه حرمده برمنزله سنکه بیان آنک ادا سنده
مقصر در مخدوم وونی نه سنکه منفعت و مکر و حیلاک

بودر که کور رسن و کوره سنکه عنقریب انک و بان
 و تبعه سی سکا نیجه ایرسه کرک و مقدمات نفاق
 و شقاق نه تیجه ویرسه کرک دمنه ایتدی دورولکدن
 نه زیان کله که کل رعنا دورولک سببیه زیب
 وزینت بستاندر و دوز بانلقدن نه پاک کله که کلک
 دبیردوز بانلق واسطه بنبیه مال و ملکه باسباندر

❖ یلت ❖

تبع کم یک رویدر خونخواره لکدر صنعتی
 شانه ایکی یوزلودر کیسوی دلبردر بری
 ❖ قطعه ❖

خون میخورد چو تیغ درین دورهر کداو
 یک روویک زبان بوداز پاک کوهری
 انکس که همچو شانه دورویست و صد زبان
 برفرق خویش جای نهندش ز سروری
 ❖ انتر ❖

کلیله ایتدی ای دمنه زبان آورایکی قو که سن اول
 کل دوروی دکلسن که مشاهد جالکله کلشن
 دید، روشن اول بلکه اول خاردن آزار سنکه آندن
 خلقه ایذا واضطراردن غیره نسنه واصل اولمز

اول قلم دوز بان دكلسن كه اصرار ملك و ملكوتدن خبر
 و یردن بلكه اول مار دوز بانسن كه زخم زبانكدن
 زهرز یاندن غیری نسنه حاصل اولمز دمنه ایتدی یتیر
 تعیر و تعزیر ایتدك شاید كه شیر و شتر به میاننده
 بنای مصادقت ینه بنیاد و خانه مصالحت ینه اباد اوله
 کلیله ایتدی دیدیكك احتمال خیال محالدر مكر سنك
 معاومك دككدر كه اوچ نسنه برقراردر اوچ نسنه
 واقع اولدین اما بعد الوقوع قراری قبیل ممتنعاندن
 وثباتی مقوله مستحیلاتدندر اول اب چشمه و كار یزا اول
 زمان شیرین ولذیذ اولور كه بحره و اصل اولیه چون
 دریاه اتصال بوله بردخی آندن لذت و عذوبت امیددی
 محال اوله ایکنجی حال متعلقان و خویش چندان صلاحپذیر
 اولور كه شیر و بداندیش آنلرك میاننده تغیر و تشویش
 و یرمیه اما چون ارباب شقاق آنلرك میاننده نفاقه
 رخصت بوله لر من بعد آنلردن امید وفاق و اتفاق
 منقطع اولوب بر پرندن متفر اوله لر اوچنجی مشرب
 مصادقت و مصاحبت اولوقته دك صافی اولور كه
 مردم سخن چین و فتنه انكیزك كلام نفاق آمیزینی
 استماعدن امتناع قیله لر چون مردم دوروی و دوزبان

ایکی صدیق صادق میانه افساده مجال بوله بعد
آنلرک دعوائی محبتہ اعتماد و ادعای صداقتہ اعتقاد
چار دکلدر من بعد کا و فرضا کہ سر پنجه شیردن خلاص
اولہ ممکنہ میدر کہ آنک تلافی و تملقہ اعتماد ایلیہ و یا
مصاحبت و مصداقتہ رغبت کوسترہ فرضا کہ
بالغرض ماینلرند، ابواب محالطت مفتوح اولہ هر رینک
قابندہ اول عداوتدن کدر و اول جراحتدن اثر قالسہ
کرک

(بیت)

چون رشته کست میتوان بست
لیکن بمان کرہ بماند

❖ نثر ❖

دمنہ ایتدی بن ملازمت شیردن فراغت ایدوب گوشہ
کاشانده معتکف اولسم کرک معقولیدر و دست
ارادتلہ دامن صحبتکہ تشبث ایدوب سر عزلی کریمان
خلوتہ چکسم حضور کد، مقبولیدر کلیلہ ایتدی
حاشا کہ بن بردخی سنکله مصاحبتہ نفی صخرخصت
ویرم و یاسنک مراقتکہ من بعد رغبت کوسترم
من همیشه سنک مجاوزتکدن ترسان و هراسانم و پیوستہ

(سنک) -

سنگ مصاحبت که قلمه انکار ایدرم علما بیور مشرور در که
مصاحبت جاهل و فاسق بدین اجتناب واجب و خدمت
عاقل و صالحه التزام لازمدر مخالطت اهل فسق
و فجور تربیت مار بکزر که هر چند مار آنک کیر تعهد نداده
زحت چکه آخر لعاب دهان و زخم دندانندن چاشنی
طایفه کرک و ملازمت اهل علم و صلاح طبله عطاره
مشاهددر که مناعبله تمتع اولنر سه باری روائج فوائج
مشام جانی معطر اینسه کرک

✽ بیت ✽

هر کیم رفیق ناصح اوله
نقدر طالح ایسه صالح اوله

✽ منوی ✽

باش چو عطار که بهای او

جانه معطر شود از بوی او

چند جو آتش که آهنکران

دود شرابی دهی از هر کران

✽ نثر ✽

سندن نه طریق ایله امید وفا و خلوص صفا متصور در که
بر باد شاه که سنی بزم مرتبه عزیز و مکرم و نامی و محترم

قبیله که آنک سایه دولتند آفتاب وارلافی ارتفاع
اور سن و آستان آسمانشان پای آنتسابله افتخاری
فرق فرقدانه قوی به سن و معامله بی روا کوردک و حقوق
اکرام و عاطفتن عتوق کفران نعمته مبدل قیلدک

❖ بیت ❖

نه از حق نه از خود ترا شرم باد
نه از مردمت نیز آزرم باد

❖ نثر ❖

بن اگر سن اصل کسیدن انقطاع اختیار ایدم
ار باب خرد وارجند معذور طو تسه کرک و اگر سن
مقوله نا کسیدن بعد لمشرقین فرار ایدم عقل صواب
بین استصواب ای تسه کرک

❖ قطعه ❖

قطع صحبت کردن از یاران صوری خوشترست
و از خضور ناموافق بی حضوری خوشترست
همدمی گز صحبتش خرم نکردد خاطرت
زانچنان همدن بصد فرسنگ دوری خوشترست
(نثر)

نته که مصاحبت اختیار و ابرارک منفعتی بسیار در

و مجالست اشرار و فجارك مضرتي بيشمارد در بي تميز لاله
صحبتيك تأثیری تیرا ولور و ضرری آزموده وجود
بواور پس اول کسیه که عاقل و کامل اوله کر کدر که
مصاحبتی هر دم دانا و ستوده معاش و راوست کوی
و نیکبختی ایله اوله و همدم کذاب و خائن و بد خوی
فاسق و فاجر دن اجتناب قیله

✽ مشوی ✽

چو نتوان در بروی خلق بستن
بخلو و تخانه تنها نشستن
رفیق نیک باید کرد حاصل
که صحبت را نشاید هر سیه دل
مرا هست این سخن از عاقلی یاد
که رجعت بر روان پاک او باد
که بایی دانشن هر کس که شد بار

زیار یشان باخشد گرفتار

✽ نثر ✽

هر کسیه که یار نا اهل ایله مصاحبت اختیار قیله و یار
نادانله مستظهر اوله اکا اول واقعه یتشه که اول
باغبانه یتشدی دمنه ابتدی نیجه اولمشدر اول

✽ حکایت ✽

کلیله ابتدی قدیم الزمانده بر باغبان وارید یکده سرمایہ
 عمرنی عمارت باغ و بستانه صرف ایتش و بضاعت
 قدرتی زراعت کل و کستانه بذل ایتش ایدی عمری
 حاصلی بر بوستان فردوس ممثلی وار ایدیکه زهت
 اشجاری دیدہ باغ ارمه خاک حسرت براقش ایدی
 ولطافت ازهار ی سینه باغ خورنقه داغ غیرت
 یاقش ایدی الوان انوار اشجارنده جلوہ طاوسی ظاهر
 واوراق ازهار گلزارند فروغ تاج کاوسی باهر عرصہ
 زمینی چهرہ شاهد حله پوش کی منور نسیم هواسی
 کلبہ عنبر فروش کی معطر درخت جوان بختک کثرت
 اقبال اثمارندن پیرلر کی قامتی دال و میوه شکر آمیزی
 رشکندن حلوائ بهشتی منکسر البال انواع اثمار
 ربیعی و خریفیسی غایت لطافت و نہایت حلاوتده
 سیب بی آسیبی سمین ذقن دلبرلر کی دالر صید ایتش
 ورنک زیبا و بوی راحت افزایله عالمی قید ایتش درخت
 امرودک هر شاخی اب حیات ایله طولو کوزه لر و جلاب
 نباتله مملو صرا حیلرا صمش و سمع کاھلان بی مایه و سوده
 صلائی حلوائ بی دود یتش درمش بهی بشمینہ پوش

صوفیان شبنم کی رخساره زرد ایلہ بنجره خاقاه
 ابداعدن باش چیقارمش وروی کرد آلودی اهل
 دردك چهره زرد ز غفران اندودندن نشان ویرمش
 کوی زرین نار بخشی میان برک سیر کوند، کره مهر
 انور کی سپهر اخضر دن تابان و حجر مطلای ترنجبی
 نکهت دلارا و رایحه روح افزایله سخن بوستانده
 درخشان زرد آلود شفتالوسی دهن یار کی آبدار
 بر طرفی نمونه کونه عاشق بر جانی نمودار رخسار دلدار
 بر گوشه سنده انجیر بنظیر یکه جاشنیکیر قدرت نعمت
 وصف جهان واللتین طبقه قویمش و خشنخاش
 و قنددن بر حاوای زیبا مهیا قیلش بر طرفه دخی
 انکور پر نور که دیر حکمت شرح لطف و کمال
 « وابتنا فیها حبا و عنباً حاشیه سنه یازمش و کف
 برک اخضرده ایلہ تر و صقحه زهر دینده لعل و کوهر
 و یاقوت احمر کی ظهور ایتش چیزای کنارنده کوی
 زرنکار خر بزه سبز خط طرفه عذار ماه تمام کی افق
 سپهر مینا فامدن یوز کوس تر و ب جلوه قیلش دهقان
 هر درخته اول قدر پیوند ایتش ایدیکه قلبندن پروای
 پدر وزن و فرزند کتمش و اول بوستانده نیجه زمان

ایدی که لیل و نهار تک و تنهار و زکار و پورر ایدی
 اخر الامر کر بت غر بتدن دلتک اولدی و وحشت
 و حدتدن کوکنه دهشت یول بولدی (ع) کل و بنفشه
 همه هست و یار نیست چه سود ❖ القصه تنهالق
 غمندن دلخسمنه و خاطر شکسته جانب دشته کشته
 چیقدی برکوه دامنده که عرصهء امل کی فضاسی
 نهایت پذیر دکل ایدی تفرج ایدر کن قضای الهی
 بر خرس زشت سیرت قبیح صورت ناپاک طینت ناخوش
 طلعت دخی تنهالق وحشتندن فراز کوهدن جانب
 دشته متوجه اولمش ایدی فی الحال مایه لرنده ملاقات
 واقع اولدی طرفیندن رابطهء جنسیت واسطه سیه
 ساسلهء محبت حرکت کالبدی و دل روستایی جان
 و دل ایله مصاحبت خرسه مائل اولدی

❖ بیت ❖

ذره ذره کاندیرین ارض و سماست

جنس خود را همجوکا، و کهر باست

(نثر)

خرس چون روستا ییدن بو تعلق و تعلق مشاهده
 قیلدی بالکلیه انک وابستهء صحبتی اولدی و ادنی

(اشارتیه)

اشارت به عقبه دوشوب اول باغ بهشت آسایه کلدی
 باغبان دخی بر موجب (ا کر مواضیافکم) اول حریف
 شریف و ضیف ظریفی اثمار لطیف ایله تکریم
 و تشریف ایدوب اول واسطه ایله میانلرنده علاقه
 محبت مؤکد و زمین دل و جانلرنده بیخ نهال
 مودت برومند اولدی

✽ بیت ✽

بکنج باغ می بودند یکچند

بوصل یک دگر پیوسته خرسند

✽ نثر ✽

هرگاه که باغبانه فتور طاری اولوب بر درخت
 سایه سنده پستراس ترا حتمه حضور ایتمه خرس
 غایت شفقت و نهایت هوادار لغندن باشی اوجنده
 طوروب مکسر انلق ایدرایدی و ایدرایدی (ع) مکسی
 نیز نخواهم که کند سایه بران لب * بر کون باغبان
 عادت معهودی اوزره خوابه واردی خرس داخی
 مکسر انلغه اشتغال ایدوب هر چند که طرد ذباب
 ایدردی یواسمک مأخذ اشتقاقی موجب نه که ذب آب
 لفظیدر در حال ینه معاودت قیلورلرایدی و هر طرفدن

که دفع و منع ایستد بر جانیدن دخی قدوم و هجوم ایلرل
ایندی اخرا الامر خرس آشفته اولوب بر سنک سنکینی
قتل مکس قصدینه قالدیروب دهقان مسکینک باشنه
اوردی مکسلره نهیب سنکدن آسیب یتشمادی اما
سر باغبان پریشان اولوب خا که یکسان اولادی
بواجلدندر دیمشردر که دشمن دانا بهر حال دوست
ناداندن اولیدر

❖ بیت ❖

دشمن دانا که غم جان بود
بهتر ازان دوست که نادان بود

❖ نثر ❖

امثال عربده گلشدر (عدو عاقل خیر من صدیق جاهل)
بومثلی کتوردیم تابیله سن که مصاحبت و مصادقت
نادان همان بونی منج اولور که سر عرضه تلف
وسینه خدنک بلایه هدف اولور

❖ بیت ❖

صحبت ابلهان جودیک تهیست
کز درون خالی وز برون سیاهیست

❖ نثر ❖

دمنه ایتدی بن شویله ایله دکلیم که دوستمک نفعن ضرن
 یلیم و حیرن شرن تمیز قیلیم کلیم ایتدی بلی سن
 حاققدم اول مشابهه در کلسن اما غبار غرض دیده
 بصیرتک تیره و خیره قیلشدر یمنکن که بر عرضده بناء
 دوستمک جانبدن و از کله سن بعده اعتذار ایچون هزار
 توجهات ناموجهه تشبث قیله سن نته که شیر و شتر به
 بایند انوع فتنه لیدر قیلدک وهنوز دین و دیانت
 و صدق و صداقت دعوا ایدرسن دوستلرک ایله سنک
 مثلاً اول بازارکان مثلیدر که ایتدی بر شهرده که موش
 صدمن آهن یه عجبمیدر که موش کبر بر کودک کوتره
 دمنه ایتدی نیجه اولمشدر اول

❖ حکایت ❖

کلیمه ایتدی روایت ایدرلر که بر بازارکان اندک مایه
 تجارت ایچون سفره نیت ایتدی و دور اندیشلاک
 یوزندن بر دوستنده صدمن آهن و دیعت قودی
 کتدی تاوقت ضرورته انی سرمایه روزگار قیله
 ورشته معاشی انکله استحکام بوله بازارکان چون
 مقصودینه واروب مقصودینه اربوب دونوب ینه
 مقام معهودینه کلدی بر زماندنصره اول آهنه

محتاج اولدی مکره امین متدین آهنی تمام صامتش
و ثمن لوازمه صرف ایتش ایدی بازرکان کلوب و دیعی
مودعدن طلب ایدی بیک مر دامن ایتدی ای خواجه
بن اول امانتی صیانت ایچون مخزنه قویمش ایدم
بوندن غافل ایدمکه اول کوشه ده بر موش آشیانه
قیلش ایش بن واقف اولنجه موش فرصتی غنیمت
بلوب آهنلری تمام دیشدن کچورمش بازرکان حقیقت
حالی معلوم ایتدی اما تباهل ایدوب ایتدی راست
بیور رسن موش اکل آهندن قتی حظ ایدرو اول لقمه
ترو شیرینی صابونی حلوالر کی یودر

❖ بیت ❖

موش را لقمه های آهن هست

همچو پالوده راحت حلقوم

(نثر)

مر د بازرکاندن امین آهن بوسوزی ایشید بیک شاد
اولدی و کوکلندن ایتدی که بازرکان نادانی کور که
کفتار وار بو کفتار له فر یفته اولدی و آهندن بالکلیه
یأس ایدوب مطالبه دن فراغت قیادی پس اولی بودر که
انی حجره ده دعوت ایدوب رسم تکلفاتی یرینه کتورم

(تا)

تابو واسطه ایله براءت ساخت ذمتم مؤکد و بنای
دعوای صدق و امانتم مشید اوله پس خواجه بی
خانه سنه دعوت ایتدی و صلاهی ضیافتی سمع
بازرگانه یتشدیروب ایتدی

❖ بیت ❖

کرمهمانی قدم در کلبهء مای نهی
لطف می فرمایی و بر چشم ما پایی نهی
(نثر)

خواجه ایتدی معذوریمور که بو کون بکا بر مهم ضروری
واقع اولدی اما ان شاء الله علی الصباح مکر خدمتی
در میان ایدم چون مهمان منزل میزباندن طشره
چیقدی قیوسی او کنده آنک پسر لردن بر یسن او ینار
کوردی فی الحال زیر دانه آلوب خانه سنه ایتدی
و علی السحر در خانه میزبانده حلقه کی حاضر اولدی
و میزبانی پریشان حال کوروب سبب تفرقهء خاطرک
صوردی میزبان دخی کریان و غریوان جواب و یردیکه
دونکی کون بنده زاده لر یکرذن بر بسی غایب اولدی
نیچه نو بت شهرک کوچه لرین گوشه بکوشه ارادم
اول کشده بی بولدم و نیچه کره شانهء جستجوایله،
هر کوی و هر کناری طرهء بارو کبسوی نکار کی طرادم
حاندن خبر بیلدم

❖ بیت ❖

یعقوب صفت ناله کنان میکنم افغان
کایا خبر یوسف ککشته که دارد

❖ نثر ❖

بازرگان ابتدی دونکه بن بوندن کتدم بوصف قله
که بیوررسن برکودک مشاهده ایتدم برموشکیر
کوتروب کیدردی و اوج هواده فراغ بال ایله یرواز
ایدردی مردامین آواز حزن ایله ابتدی ای بیخبر نیچون
نامعقول سویلرسن و محال کلمات ایلرسن و بو کذب
صریحی کندی که نیچون نسبت ایدرسن مکر که بی
مسخره واستهزا ایلرسن برموشکیر بوجشه صغیر ایله
که نصف من انحق چیقار بر جسم ککیریکه اون
مندن زیاده اول نیجه کتوروب هواده اوچر بازارگان
تبسم ایدوب ابتدی بونه محل تعجبدر اول بیرده که
موش یوزمن آهن بیه موشکیر اون من جشه بی نیچون
هواده کوترمیه مردامین بیلدی که حال ندر ابتدی غم
یه که موش آهنگ ییمه مشدر خواجه جواب و بردی که
دلتمک اوله که موشکیرده پسرک کوترم مشدر آهنی
کتور کودکی کوتروبو مثلی کتوردم تا بیله سنکه
برمشربده که کندوولی نعمته غدر ایتک جائز
اوله ظاهر در که غیر یلره نسبت نه ضرر لر اندیشه

قیله چون سن ولی نعمت که بونی روا کوردک من بعد
کسنه نک سندن امید و فاسی و سکا خلوص صفاسی
قالدی و بکاروشن اولدی که سنک ظلمت صحت کدن پرهیز
لازمدر و خبیث طبیعت و لوث عقیده ~~کدن~~ اختر از
واجب

❖ بیت ❖

پیوند دولت آمد از چون تویی بریدن
سرما به سعادت روی ترانیدن
❖ نثر ❖

چون مکالمه کایله و دمنه بو مقامه بنشدی شیر کار
شتر به دن فارغ اولدی و آنی سر پنجه سیاستله قتل
ایدوب آلوده خاک و خون قیلدی اما چون کار کاوی
بر طرف قیلدی و قوت حشمتی ساکن اولوب حدت
غضبی تسکین بولدی بر زمان باشن اشاغه ایتدی
و تأمل بحرینه توغل ایدوب کند و کندویه ایتدی دریغ
شتر به یه بویال و بال و حسن و چال و بو هنر و کمال
ایله یلزم بو بایده اصابتی ایتدم و یاراه صوابی قویوب
طریق خطایه می کتدم و آنک حقه بکا ایتد کبری
کلمات جهت امانتد نمی ناشیدر و یا طریق خیانتد نمی
متمشی بن تقدیمی کند و الله باد تاراجده و یردم
ویار وفادارمه کندی الله شربت هلاک ایچردم

﴿ بیت ﴾

یار بایار خود اخیارین کند
کافر مگر هیچ کافر این کند

﴿ نثر ﴾

الفصه شیر سرندامتی زانوی ملالتیه قویوب کند و به
زبان ملامتی دراز ایتدی و نفسک تلون و تهوور و خفت
و شتا بزده لکن تمام نکوهش قیلدی و خیال شتر به
لسان حال ایله بور باعی جانکدازی سامعه شیریه
یتشد برردی

﴿ رباعی ﴾

ای دوست کسی بی سببی یار کشد
وانکه چومن یار وفادر کشد
تو دوست مکو دشمن خود گیر مرا
کس دشمن خویش را چنین زار کشد

﴿ نثر ﴾

شیرله خنده دائمیسی بو واقعه قساوتندن گریه یه
مبدل اولدی و تب لازمیسی بونا ره حرارتندن تزیاید
بولدی

﴿ بیت ﴾

دست هجرانت مرادر سینده خارغم نشاند
تا ازین خارغم دیگر چه کل خواهد شکفت

(نثر)

❖ نثر ❖

دمنه چوَن بوانار ملامتی جبین شیرده ظاهر و امارت ملالاتی
سیمای حالنده باهر کوردی کلایله ایله کلماتی قطع ایتدی
وفی الحال حضور شیر واروب ایتدی

❖ بیت ❖

شها اقبال و بخت اولسون سکایار
همیشه دشمنک اولسون نکو نساار

❖ نثر ❖

موجب اندیشه نه و سبب تفکر و تأمل نه نسنه در
بوندن خرم زمان و بوندن فرخنده آوان اولور میکه
ملک میدان فرصت و نصرتده خرامان و سر شتر به
بدسکان خالک هوان و خون مذلتده غلط اندر

❖ بیت ❖

صبح امید یغ ظفر برکشیده بین
روزعد و بشام هلاکت رسیده بین

(نثر)

شیر ایتدی هرکاء که آداب خدمت و اطوار صحبت
و آثار دانش و کفایت شتر به یادمه کله رقت طبعمه
غالب اولور و لشکر اندوه و حیرت کشور شکیب و صبر می
غارت قیلور الحق پشت و پناه سپاهم ایدی و ضابط

کشور و قاید لشکر و اتباع و اشیایم آنک زور باز و سبیل
استظهار ایدر لایدی

❖ بیت ❖

رفت آنکه داشت کار جهانی قرار ازو
رفت آنکه بود خانه دل استوار ازو

❖ نثر ❖

دمند ایتدی ملک اول کافر نعمت ایچون رقت و مرحت
ایتمک مقامی دکادر بلکه بو ظفر مقابله سنده که
میسر اولسی وظایف شکر الهی یه قیام قلیق کرک
و بونصرت سبیل که ال و پردی ساحه دلد ابواب
میسرت کشاده اولمق کرک

❖ بیت ❖

صبح ظفر از مشرق امید برآمد
اصحاب غرض راشب سودا بسرآمد

❖ نثر ❖

بو فتح همایونی که روزنامه دولت انکله زیب وزینت
بولور و بو ظفر مبارک و همیونی که کارنامه سعادت
انکله مطرز و موشح اولور صفحات ایامده دیباجه
معالی و عنوان مفاخر بیلک کرک

❖ قطعه ❖

امر و زبخت نیک و بشارت رسان ماست

اقبال را به پردهٔ امید صد نواست
 روزیست این که دل بهزاران دعاش جست
 عهدیست این که دل بهزار آرزوش خواست
 ❖ نثر ❖

ای پادشاه عالمپناه بر کسندیه عفو و احسان که انده
 احتمال خطر جان اوله خطادر و خصم بداندیشی
 محبس کورده محبوس قلیق کار عقلا در انکشت که
 زینت دست والت قبض و بسط در هر بازی که اکا
 بر آفت طاری اوله بقای جثهٔ باقی ایچون قطع ایدر لر
 و دندان که زیب و زیور دهان و آرایش صورت
 انسان در هر کا، که اکا بر عاضهٔ جانکاه راه بوله رحمت
 جراحتن عین راحت بیلوب قلع ایدر لر

❖ بیت ❖

عدو کیمدر که آنی قیله سن یاد
 هلا کیله نبجون اولمایه سن شاد

❖ نثر ❖

اگر چه که فی الجمله شیر بو کلامه آرام ایتدی اما
 کردون کاوکه دادنی عاقبت دمنه دن آلوب سرانجام
 کاری فضیخته یتدی و تنیم کفتار دروغی و بری و نهال

کردار بدی بو ثمری و یردیکه قصاص کا وله قتل
اولندی

❖ بیت ❖

فلاک استندی کو ستره کینه سن

مصطفی قیله کینه دن سینه سن

❖ نثر ❖

پس معلوم اولدیکه عواقب حيله و غدر همیشه مذموم
ایشدر و خواتیم خدعه و مکر نامبارک و شوم
اوله کلشدر

(مثنوی)

بداندیش هم درسر شر شود

چو کردم که باخانه کمتر شود

اگر بد کنی چشم نیکی مدار

که حنظل نمی آرد انکور بار

میندارای درخزان کشته جو

که کندم ستانی بوقت درو

مثل اینچنین گفت آموز کار

مکن بد که بد بینی از روزگار

کسی نیک بیند بهر دوسرا

که نیکی رساند بخلق خدا

همایون‌نامه باب ثانی

مترجمی

مولانا علی بن صالح دُرّ

ایکنجی دفعه (ترقی) غزته سنه تفرقه
اوله رق درج اولمشدن



(باب دوم بدکارل بد کردارلری مقتضاسنجہ سزا
وجزارین بولوب شأمت عافیت ووخامت خاتمترین
بیان ایدر)

رای اعظم ایلدی داستان ساعی وتمامه اطلاع
تمام حاصل اولدیکه حیلہ و مکر ایلہ جمال یقینی
حجاب شبهه ایلہ ستر ایدوب ولی نعمتن جاده عمر و تدن
منحرف و بیوفا و بدعهدک صفیله متصف قیلدی
و کلام فریب آمیز و فتنه انگیزی مؤثر واقع اولوب
بو که باعث اولدیکه شیر کنندی رکن دولتک هدمنه
و بیخ شوکتک قلعه سخی ایلدی حالیا حکیم میخندانن

(متوقعدر که)

متوقعدر که احسان ایدوب بیان بیوره که عاقبت کار
دمنه نه مرتبه یه واردی وشیر اول حادثه نك
وقوعند نصیره چون كندی عقلنه رجوع ایدوب
دمنه حقنه بدكان اولدی آنك امر كنه وجهله تدارك
قیلدی و حقیقت غدرینه نه طریق ایله وقوف بولدی
ودمنه نه حمله متمسك اولوب نه جهته دن كندی یه
مخلص تصور ایتدی و سرانجام حالی نه مرتبه یه یتدی
حکیم ایتدی

بیت

شهاب الطف خدا اولسون پناهك

چراغ عقل اولسون شمع راهك

نثر

حقیقت حزم و عاقبت اندیشلاك مقتضاسی بودر که
سلاطین عظام مجرد عذوبت کلام و ظرافت متکلمه
اعتماد ایدوب بر فعله اقدام ایلیه تادلیل قاطع و برهان
ساطعه بر امر ك حقیقتنه مطلع اولیه انك باینده بر حکمی
امضایه یتشدرمیه

بیت

ز صاحب غرض تاسخن نشنوی

که کرکار بندی پشیمان شوی

❖ نثر ❖

اما شویله که اتفاق کلام اهل نفاق معرض قبولده واقع
اوله و عمل ناپسندیده و قول ناستوده وجوده کله انک
تدارک و تلافیسی بونسکله میسر اولور که صاحب غرض
بروجهله کوشمال بوله که سائرره سبب عبرت اوله
واول عقوبت و همندن هراحد اول فعل بد و ناشایسته
حرکتدن امتناع قیله

❖ مثنوی ❖

برانداز بخی که خار آورد

درختی پرور که بار آورد

جهان سوز را کشته بهتر چراغ

یکی به دراتش که خلق بداغ

❖ نثر ❖

بو قولک مصداقی حکایت شیر و دمنه در که چون
حیله و غدیرینه واقف اولوب افساد و مکرینه مطلع
اولدی اکه بوجهله سیاست بیوردیکه سائرلرک
دیده اعتباری روشن اولوب ❖ فاعتبروا یا اولی
الابصار ❖ آیتی تکرار ایتدیلر و صورت واقعه

بوصفت اوزره واقع اولدیکه چون شیر کار کاوی
برطرف قیلدی و آنک امر نده تعجیلدن پشیمان اولوب
انکشت ندامتی دندان ملامتله چینیدی و دیک حیرتی
آتش حسرت و فرقتله قینیدی

❀ بیت ❀

می کشید از حسرت و غم آه سرد
کایجه من کردم درین عالم که کرد

❀ نثر ❀

همواره کندویه عتاب ایدر ایدیکه نیچون عتاب
شتر به ده شتاب ایلدم و بومهم خطیره نیچون تانی
و تدیر یوزندن نظر ایتدم

❀ بیت ❀

عنن نفس بدست هوارها کردم
خلاف عقل و خر د کردم و خطا کردم
کنون بدانم و دانستم و ندار دسود
چه سود گفتن بسیار کاین چرا کردم

❀ نثر ❀

شیر بر مدت بومنوال اوزره غصه و ملالده کچدی
و توجع خاطر و توزع ضمیری سمبیله عیش حشم و سپاه

منغص اولوب تبا، اولدی ومصالح رعیت مهمل
ومعطل قالدی وسر الناس (علی دین ماوکهم)
اول پیشه اها لیسنه سرایت قیلدی وجهه سی
شکسته بال و پراکنده حال اولدیلر

❖ بیت ❖

دل همچو لاله سوخته وز سوز آه من
در هر که بنکری بهمین داغ مبتلاست

❖ نثر ❖

هر باری که حقوق خدمت و سوابق ملازمت شتر بهی
یاد ایلر ایدی ندامتی اشتداد و ملالتی از دیاد بولوردی
و شب و روز آنک حدیث انیس دل و ذکرین سمر ضمیر
قیلوردی

❖ بیت ❖

از یاد تو نیستم زمانی غافل
یامی کویم نام تو یامی شنوم

❖ نثر ❖

و حوشدن هر بر یسیله خلوتلر ایدوب تسلی
ایچون انلردن گاه حکایت و گاه نصیحت طلب ایلر ایدی
بر کیجه پلنکه دخی بو مقوله کلام سو یلدی و سوز سینه

ودرد درون اكا اعلام ایلدی پلنك ایتدی ای ملک
افکار بسیار برکارده که دست تدبیرانك دامن
تدار کنند قاصر اوله جنونه مؤیدر و برمهك
تلافیسنه قصد که جله مقوله محالانده داخل اوله
دائرة روشن عقل و دانشدن حار جدر

❖ بیت ❖

انداخته تیرر ایشست آوردن

بتوان نتوان ترا بدست آوردن

❖ نثر ❖

هر کسه که بر مرادك خصوصانه که عدم حصولی
ظاهر و غالب اوله سعی و طالب اوله ممکن که مطلوبه
واصل اولمقدن غیر حاصلنی دخی ضایع قیله
نته که اول روبا، قصد صید مرغ ایتدی اول پوست
پارینی که انکله استظههار ایدری الدن چیقاردی شیر
ایتدی نیجه اولشدر اول

❖ حکایت ❖

پلنك ایتدی مکر بر روبا، کرسنه طعمه طلبنه
سوراخندن چیقوب جوانب دشتی کشت ایدر ایدی
ولتمه کسبنه اطراف بیابانی قدم حرص و شره ایله

طواف ایدوت کرز ایدی نابر جانبدن بر رايحه مدت
قوت جسم و ماده فتوح روح ایدی مسامنه یتشوب
ایتدی

✽ بیت ✽

بوی کباب میرسد از مطبخم بدل
پیغام آشنا نفس رو چپ و راست
✽ نثر ✽

پس اول جانبه توجه ایدی کیدر لبر پوست پاره سی
کوردیکه سباعدن بریسی اتن یوب پوستن آنده
قومش کتمش ایدن چشم روباه بیچاره اول پوست
پاره یه راست کلچک جسم منده حیات تازه ظاهر
اولدی و اول قدر فوله اندامند قوت تمام مشاهده
قیلدی

✽ بیت ✽

مرد، بودم بوی یاردلنواز آمد بمن
یاد کر حانی که از من رفت باز مدین
✽ نثر ✽

پس غم مجاعتی فرا موش ایدوب اول پوست پاره یی
دراغوش ایتدی و غام و سالم دونوب ما و اسی جانبه

(کتدی)

کتدی وایتدی

(مضراع)

چون یار بدست آید خلوت ز همه خوشتر
اتفاق میان رهگذارده برده کنارینه کلدی کوردیکه
فر به ما کیانلر طاوس جنان کی عرصه فضا ده
ومنصه صحراده جلوه یه کلملر وزیرک نام بر غلام انلرک
نکهبانلر غنده کراهمی در میان ایتیش لاجرم
عرق اشتهای روباه حرکت کلدی وانلرک خیال
مغزی و گوشت نغزی ذوقیله پوست پاره بی فرا موش
قیلدی بو حال اثناسنده ناکاه بر شغال کلوب روباه
ایله مر حیا ایتدی و بشهره سنده علامت حیرت
مشاهده ایدوب ایتدی ای برادر سنی غایت اندیشه
مند کوررم سببی ندر روباه ایتدی ای عزیز بوشکارلری
کورمز میسنکه هر برینک زبان حالی (ولحم طیرما
یشتهون) معناسنک تکرارینه جاری و سرایت
(ولکم فیها ما تشتهی انفسکم) سرتاپا آنلرک اعضاسنده
واجزاسنده ساریدن

بیت

سرتاپای او همه روح محمست

روی بدین لطافت و پاکیزگی گشت

❁ نثر ❁

مدت متمادی بلیهء مجاعتدن طاقتم طاق اولمش
ایکن اتفاق کنجور خزاین ارزاق بو پوست پاری بی بکا
ارزانی بیوردی حالیا جاذبهء اشتها یه بود اعیه دوشد یکه
بومرغان کپک خرامک بر یسن دآم چنکه آلم و کام
آرزوی آنک کوشتی لذتی و خونی شربتیه شیرین
قلم

❁ بیت ❁

عیش من تلحست کریار از لب شکر فشان
شربتی بخشد مرا کام دلم شیرین کند

❁ نثر ❁

شغال ایتدی هیهات هیهات مدت مدیده در که کمینه
بومرغلرک کمینده اوتوردم و آنلردن برینک صیدی
کانی قوردم و قصدی تیرنی اوردم فاما اول غلام
زیرک نام که آنلرک با سبانی در طریق محافظه ده بروجهله
جد و اهتمام ایدر که نقاش متخیله آنک حراستی خوفندن
آنلرک قصدی مثالن لوح تفکره جکه مز و دهقان
متفکره آنک سیاستی و همندن آنلرک صیدی نهالن

زمین خیاله دیکه مز بن معامله ده نقد عمر می صرف
ایدوب بو آر زوده روز کارم کچوردم و مجرد بومال
خولیا ايله کچه بی کوندزه و کوندزی کچه یه توردم
سمنکه بی تعب یمین و بی عرق جبین بر پوست پاره اله
کتور مشن غنیمت بیل و بوسوادی بی سود و طمع
خامدن فراغت قیل

❁ بیت ❁

دلارامی که داری دن درو بند

دگر چشم از همه عالم فرو بند

❁ نثر ❁

رو باه ایتدی ای برادر تا اوج مراده کام دل ايله عروج
میسر اوله خضیفن خست و دنائتده نامر از قالمق
غبن فاخشد

❁ بیت ❁

تا توان بر مسند عزت نهادن پای خویش
از چه باید کرد برخاک مذلت جای خویش

❁ نثر ❁

همت عالی بکا مانعدر که بو محقرله قانع اولم و لذت
کوشت فر بهدن فراغت ایدوب بو پوست لاغری

غنیمت بیل شغال ایتدی ای خام طمع حرص مذهبومه
علوهمت نام و یرمشسن و شره نامحجوده علامت
دولت لقب قومشسن بوندن غافلشن که حضور
فراغنده و راحت قناعتده در

✽ بیت ✽

درین بازار کرسودست بدرویش خرسندست
خدایا منعمم کردان بدرویشی و خرسندی

✽ نثر ✽

مناسب بودر که اول نصیب ایله که (الرزق مقسوم)
دیواندن ناعزد اولش سن خرسنده اولش اوله سن
وتعب بی فائده و طلب محال دن که نتیجه (من طالب
مالا یعنی قاته مایعینه) اکامرتبدر اجتناب و امتناع
قیله سن

✽ بیت ✽

رزق مقسومست روزان مقرر کرده اند
بیش ازین و بیش ازان حاصل نمیکردد بجهد

✽ نثر ✽

سنتک بو طمعکنن قورقرم اول پوست پاره بی دخی
ال دن چیقاره سن و بالکلیه خائب و خاسر اولوب (الحریص

محروم) رقیله ناصیهء حالك مر قوم قیله سن خوش
مشاهدهر سنك حالك اول دراز كوشك حسب حالنه كه

﴿ مصراع ﴾

قولقدن چیقدی قو یرق استرایکن
(انت مکمل العیر طلب القرین وضع الاذنین) روباه ایتدی
نه کیفیت ایله اولمشدر اول

﴿ حکایت ﴾

شغال چون حیوانات عجمدن ایدی زبان عجمی ایله
بو حکایتی سالك روایتہ نظم ایدوب ایتدی

﴿ منوی ﴾

بودست خری که دم نبودش
روزی غم بی دمی فرودش

دردم طلبی قدم همنی زد

دم میطلبیدر و دم همنی زد

ناگاه ز راه اختیاری

بگذشت میان کشتزاری

دهقان مکرش ز گوشه دید

بر جست واز و دو گوش ایزید

بیچاره خرازی دم کرد

نایافته دم دو کوش کم کرد
 هر کس که ز حد برون نهد کام
 اینست سزای او سر انجام
 * نثر *

رو با غایت حرص و طمع ندن یوزین درهم و شغال
 و رهم ایدوب ایتدی

* بیت *
 من خیال یار دارم کر کسی را درد لست
 کر خیال او شوم خالی خیال باطلست
 * نثر *

سن تماشایله که لطف حیلله ایله بونلرک برینی حباله
 صیده نیجه کتورسم کرک و کمند بند ایله اول صید
 همایونی دام قیده نیجه چکسم کرک بونی دیدی
 و همان تیر پرتاب کی جانب مرغانه شتاب ایتدی
 و پوست پاره بی او مقامده قودی کتدی شغال چون
 کوردیکه انک نصیحت بیغرضی دل سنکین رو باهده
 تأثیر ایتدی اندن اعراض ایدوب دوندی مأواسنه
 متوجه اوادی قضایی کور که بوائنده برزغن فضای
 هواده یروازا یدر کن نظری اول پوسته راست کلدی

انی جانور مرده خیال ایدوب نشاط تمامله خوزه
 تملکه کتوردی و اوج هوايه کتوردی اول جانب بدن
 رو با بی انتباء هنوز مرغلر قر بنه وارمدين زیرك
 كمينكاهدن چيقوب بر سنك سنكين ايله رو با مسكينك
 ياشنه برزخم يتشدرديكه بيمچاره بيم جاندين صحبت
 مرغاني اونتي و تعجيل تمامله افتان وخيزان پوست
 پاره جانته توجه ايتدی چون موضع معهوده كلدی
 پوستدن اثر بولمدي و دوستدن خبر بيلدی پس
 قبله كا دعایه متوجه اولوب ديلديكه برسبيل تضرع
 حالن ادا ايليه جانب آسمانه نظر ايديجك كورديكه
 زغن پر پوست بردوست ديوب كيدر و پوست پاره يي
 چنكاشنده طو توب زبان حال ايله بو اياتك معانيسن سمع
 زو با هه انها ايدر

قطعه

مدتی جام جم بدست تو بود
 چون بیند اختی کسی چه کند
 کوهر شب چراغ بودت ليك
 چون تونشناختی کسی چه کند
 برده بودی و داوت آمده بود

چون تو کینج باختی کسی چه کند

نثر

رو بهاء الم حرمان مرغان و حسرت فقدان پوست
 حیواندن اول قدر باشن طاشه اور دیکه مغزی پریشان
 اولدی بومشلی ایراددن مراد اولدر که ملک کندو
 الیه ارکان دولتندن بررکنی خرابایدوب باقی ارکانک
 تعمیرندن واز گلدی و مقربان درگاه و سرداران سپاه
 و سروران و حوشک تعهد حال و تفقد احوالنی
 بالکلیه فراموش قیلدی باوجود که شتر به کشته دن
 رشتهء امید منقطعدر و من بعد مدد تدارک و تلافی
 ممتنع یمکن که بوسبب ایله خدمتکاران قدیم دخی شرف
 ملازمتدن دور و مهجور قاله لر و شاید بواسطه واسطه
 سیله باقی ارکان دولت دخی خدمت آستانهء سلطنتدن
 اعراض و نفور قیله لر شیر تأمل تأمه دن نصیره ایتدی
 اگر چه که بو کلام عین مصلحت و محض نصیحتدر
 فاما شتر به باینده بدن خطا واقع اولشدر اکثر بنم
 اضطراریم انک تلافیسی جهتنددر پلنک ایتدی ای
 ملک غم یهوده و اضطرار بیقائده دزنه حاصلی اولور که
 انک تلافیسی دست حیرت و ضحرت ایله میسر اولمز

بلکه رای راست و تدبیر درسته وابسته در

❖ بیت ❖

چو در طاس رخشنده افتاد مور

ز هاننده را چاره باید نه زور

❖ نثر ❖

صلاح بود که ملک سباع جزع و فزعی قویوب
بنای کارنی اساس تدبیر او ز ره مبتنی قیله و تحقیق
احوال شتر به ده بروجهله تدقیق بیوره که انک غث
و عینی خاطر عا لمر نازنینه روشن و ظاهر اوله اگر
واقعا اول احوال که شتر به دن سمع شریفه ایصال
ایتمش لرد در واقع اولش اوله سسزای غدر و کفران
و جزای ظلم و عدوان بولش اولور و اگر انک حقهنده
افترا ایدوب غیر واقع مفسد اسناد ایتمش اوله لر کردن
مفسد بد فرجام علف شم شیر تلف و نیام تیغ
انتقام اولق کرک

❖ مصراع ❖

انرا که بدست دفع کردن نیگوست *

شیر ایتدی وزیر مملکت سنسن بوزمانه دك سنك
رای اصابتش هار کله استظهار ایدوب فکر دور اندیشی

جر منافع و دفع مکارهده پیشوا ایدردم حالیا دخی
اعتماد سکادر بو بایده هر نه طریق که رای روشنه که
موافق کله دریغ ایتمه و بنی شرطه تدبیر صوابکله
ورطه کرداب اضطرار بدن خلاص ایله پلنک متعهد
اولوب ایتدی ملک همستند، او امر مکه عنقریب
بومهمک حقیقتن حجاب خفادن منصه ظهوره
کـتورم وادنی تدقیق ایله پرده تعویقی چهره
تحقیقندن کوترم

❁ بیت ❁

همه جاهها را برای منیر
برون آورم همجوموی ازخیر
❁ نثر ❁

شیر بو وعده ایله تسلی بولادی چون وقت کیچ
اولوب کیجه دن خیلی زمان کچمشدی پلنک اجازت
طلب ایتدی و بومیشاق اوزره قرار ایدوب وثاق
جانبه کتیدی قضای الهی کیدر کن کذری کلبله
و دمنه مسکنه راست کلدی کوردیکه ماینلارنده
مباحثه و جانبدارن رفع صو تله محاوره وار پلنک نیچه
زمان ایدیکه دمنه یه بدکان ایدی بو وقته که آواز مخاطبه

ومعاتبه انلرك منزندن كوشنه يتشدى دغدغه سى
ز ياده اولدى ايلرو واروب وراى ديوارده طوردى
و كوش هوشنى انلرك كلاتى استماعنه اودى كليله
ايتدى اى دمنه عجب كار ايتدك وعظيم فته خفيه ي
بیدار ايتدك و ملكى نقض عهدله موسوم و ناصيه
حالى غدارلق رقيه مر قوم قيلدك بچاره شتر بهيه
خيانت نامنى طاقدك سباع و وحوش بينده برق
فته و آشوب براقدك ظنم بودر كه انك تبعه روبالى
سكالا حق اولوب دام آفات و مخافات مكافاته گرفتار
اوله سن و اول ايتديك سيئه نك جزاوسر اسن بر موجب
(جزاء سيئه سيئه بمثلها) عنقریب بوله سن

نیت

هر كه تبغ ستم كشد بيرون

فلكش هم بران بریزد خون

نثر

مقررذر كه چون بويشه اهانيسى كيفيت حالكه واقف
اوله هر بريسى خلا فكه مدد كار اولوب سنى اول
آستانه دن ردايدلر بلكه جله سى سكايق طولايوب
سنگ باشكه قصه دايدلر اويله اولسه من بعد بكا

سنکله همچنان اوراق طریق صلاحدن دور وسنکله
مصاحبت و مجالست دأره حزم و احتیاطدن بغایت
مهمبورد

﴿قطعه﴾

بایدان کم نشین که صحبت بد
گرچه پائی ترا پلید کند
افتابی بدین بزرگی را

دوره ابر نابدید کند

﴿نثر﴾

لطف ایله وارشمه نصکره بریار اخر اختیار ایله و بنله
اختلاط و امتزاجدن هزار مر حله کسار ایله که
من بعد بکاسکا موافقتدن امتناع واجب وسنکله
مصاحبت و موافقت خلاف رای صائبدر دمنه
ایتدی ای یار غمگسارم وای انیس روزگارم

﴿بیت﴾

کر بر کنم دل از تو و را دارم از تو مهر
این مهر بر که افکنم این دل بجا برم

﴿نثر﴾

بنی نظر مر افتادن دور ایتمه و شرف مصاحبتدن

محروم و مهجور قیام و شتر به امر نده بکار یاده ملافت
 بیورمه که (مضی ماضی و لا مانع لما قدر الله و قضی) فعل
 گذشته بی تذکر سبب ملال و بر امر ک تدبیریکه
 حیرت دار که کلیه خیال محال در بوسودای فاسدی
 دماغ کن کیدر و شادمانی و فراغت یوز دوند که
 دشمن عالم عدمه کتدی و ساقی دوران ساغر
 حضوری شراب سرور ایل پرایتدی ابواب فتوح
 بحمد الله که مفتوح اولدی هوای آرزو غبار اغیاردن
 صفا بولدی غنچه امید چمن نویده شکفته و دیده
 غم و الم خوابگاه عدمه خفته در

بیت

ساقیامی بده و غم مخور از دشمن و دوست
 که بکام دل مان بشد و این آمد

نثر

کلیله ایتدی باوجود که جاده مروتن طشره کتدک
 و بنیاد فتوتی تبر غدرله زیروز بر ایتدک هنوز دل
 پر غلگده داعیه فراغت واره می واید وار سنکه
 اوقاتک سلامتله کچه ایلی هیاهات هیاهات مصراع

سودای خامی بختۀ فکر محالی کرده دمنه ایتدی
 بویله دکلدر که شامت خیانتدن وسوء
 خانت مکر و خدیعتدن اکا، اولیم یاقباحث نیمه و کراحت
 اخلاق ذمیه بندن پوشیده اوله اما حب جاه و حرص
 مال بکما ادراک مالدن مانع اولوب طول امل بنی
 بومقوله عمله تحریر ایسادی و الحاله هذه بوکاره
 چاره دن قاصرم و بوامر خطیرک تدارک و تدبیرنده
 مقصرم

✽ مصراع ✽

✽ چون کنم خود کرده ام خود کرد را تدبیر چیست ✽
 پلنک چون بو فصل خطاب و عتابی استماع ایتدی
 کاهی احواله اطلاع ایدوب مادر شیر خدمته
 شتاب ایتدی و ایتدی ای ملکه روی زمین ✽ و جنتک من
 سباء بنباء یقین ✽ بر سره واقف اولدم بیوررسک اعلام
 ایدهیم اما بشرط انکه ملکه پیمان و ایمان ایلیه که
 بلا ضرورت انک اعلانه اقدام ایتیه و بریداد صبا که
 محرم اسرار ازهار بهار در اول گلشن مازدن شمه رنگ
 و بواسطه شمام ایلیه پس عقد عهد و پیمان و تآکیدات
 ایمان فرا واند نصکره کلایله و دمنه میاننده جاری اولان

احوالی بتمامها بیان آید کلیلہ نک ایذا و ملامت
و دمنہ نک اقرار و ندامت عز حضورندہ بروجہ استیفا
تقریر آید وینہ عقد عہدی تجدید و مقدمات
تا کیدی تمہید ایدوب آید

✽ مثنوی ✽

کرم قیل اچہ بوسردن دہانی
بویوزدن قیلہ کسبہ بیانی

بوسری سترایلہ پردہ پوش اول
دہانک غنچہ کبی طوت خوش اول

✽ نثر ✽

مادر شیر کیفیت حادثہ دن زیادہ متعجب و متأثر اولوب
یارنداسی عادت معهودی اوزره شیری کورمکہ کلدی
بغایت متحیر و متفکر بولوب آید ای پسر وای پارہ
جگر موجب ملال و سبب انفعالک ندر

✽ بیت ✽

ماہ تمامک نیچون اولمش ہلال
پسرور وانک ندن اولمش خیال

حیرت و اندوہکہ علت ندر

فکرت انبوہکہ حکمت ندر

نثر

شیرایتدی موجب فکرت و حیرت قتل شتر به و تندر اخلاق
واوصافندن غیری نسنه دکلدر اول قدر قصد
ایدر مکه ذکرری فکرمدن کیده کتمز و هر چند جهد
ایلمکه حالی خیالمدن غیبت ایده ایتمز

قطعه

بجان تو که فراموش نیست نفسی
اگر چه میشدی اکنون نمی شود چکنم
مکو بطنز که خسرو مکن فراموشم
کنم اگر بشوی ورنه می شوی چه کنم

نثر

هرگاه که مصالح ملک و سپاهده تدبیر و امل لازم
کله و بر ناصح مشفق و مهربان موافق و جا کرو فادار
و امین مصلحت گزاره احتیاج واقع اوله خیال شتر به
مقابله مه کلور و لسان حاله ایدر

بیت

در قاعده خدمت و آیین وفا

بسیار بجوی و نیابی چومنی

نثر

مادر شیر ایتدی ای نور عین نور یقین ظلت شک
 و تخمین اوزره غالب اولمده فراست دل پیغل کبی
 شاهد عادلای او اور مضمون کلام شاهدن منقهم
 اولان بودر که آنک دل آگاهی شتر به نیک براءت ساحت
 ذمتنه کواه اوله هر اینسه چون انک قتل برهان واضح
 و یقین صادقله اولمدی و صاحب غرض صورت
 نصیحتده انک حالی خلاف واقع اوزره عرض ایلدی
 ملک خاطر آینه مشالی غبار تأسف و ژنکار تله فدن
 لایزالی خالی اولسه کرک اگر فرزندان از چندم کلام
 تمام و ذمامده تأمل تمام بیوریدی و توسن تیز کام
 غضبی شکیمه شکیب و لکام تأنی ابله رام ایدیدی و ظلمت
 شک و شبهه بی پر تو عقل نورانی ایله مضمحل قیلیدی
 بودم دام غمه دوشمن ایدی و زنبور اندوه و الم باشنه
 او شمن ایدی و بساط نشاط و انبساطی دورمز
 ایدی

﴿منوی﴾

باهستی کی کام عالم برار

که در کار کرمی نیاید بکار

چرا غار بکرمی نیفر وختی

نه خود را نه پروانه را سوختی

شکيب اور دبندهار اکيد

شکيبنده را کس پشيمان نديد

نثر

شیر ابدی ای مادر مهربان دید یکک کبی واقعا نفس
ظالم بوباید عقله غالب اولدی و آتش غضب بنیاد صبر
و حلمی بر باد قیلدی معلوم و مجزومدر که آنک تدارکنده
تأسف بیهوده دن فائده حاصل اولمز و اول جراحت
مرهم ندامت و ملامتله التیام بولمز فاما فساد کلی
بودر که رعایانی هدف تیر بلایت شد و یو فو و ستمکارلق
قرعه سن بنم نامه آتشدر هر چند که کاو کاو ایدرم
تا کاوی خیانت ایله تهمت ایدوب اکا بر جنایت اسناد
و نسبت ایلم و اول واسطه ایله آنک قتلنده سائر
قتله معذور اولوب طنز آشنا و طعن بیگانه دن دور
اولم هیچ بروجهله بر طریق تصور قیله مزم و چند آنکه
میدان نفوس شاننده فرس فراسته عنان و یرم آنک
براعت ساحت ذمتده کمانم آرتر قتلنه بر مذهد رحصت
بوله مزم بیچاره شتر به اهل تمکین و صاحب وقار
ایدی هم رای روشنی و هم سیرت پسندیده سی وار

ایدی بو صفات حسنه ايله که اول موصوف ایدی اکی
 خیانت و کفران نعمت نسبت ایتک معقول دکل ایدی
 بو مقوله کسه اول قبيله دن دکلدر که تمنای فاسد
 و سودای محال آنک دماغنده جایگیر اولمش اوله و بمله
 مقابله و مقاتله خیالی خاطرینه کلش اوله بونک برله که
 آنک حقنده انواع شفقت و اصناف عاطفتدن اهمال
 واقع اولمشدیکه سبب نفرت و عداوت و موجب
 خصومت و حسدونت اولیدی بن دیلر مکه بو امری
 تفحصده مبالغه بیورم و حقیقت حالی عین یقین ايله
 معاینه قیل بو صورت اگر چه که سودمند اولمز و اول
 بلیه بو قضیه ايله حیرتدار که کلز اما شاید که نفس همه
 آندن فی الجمله تسلی حاصل اوله و فتنه انکیز و سخنچین
 کو شمال بوله و بنم عذرم خلایق قتنده فی الجمله مقبول
 اوله اگر سن بو سردن بر اثر بیلد کسه و یا بر خبر استماع
 قیلد کسه شفقت مادرانه بودر که بندن دریغ ایتیوب
 تنیه ارزانی بیورنه سن

بیات

نه ایشد کسه لطف ايله بیان ایت
 نه سره واقف اولد کسه عیان ایت

مادر شیر ایتدی

✽ بیت ✽

دلنده کوهر اسرار واردر

زبانده ولی مسمار واردر

✽ نثر ✽

بو خصوصه بر خبر استماع قیلدم اما اظهارنی جائز
کور عزم و بر سره مطلع اولدم لیکن افشاسنی مقبول
بلکه مشروع الکرم زیرا گماننده بعض ارکانله عهد
و پیمان اولمشدر و اخفاسی باینده تا کیدات فراوان
قیلنمشدر (قلوب الاخرار قبور الاسرار)

✽ بیت ✽

به پیر میکده کفتم که چیست راه نجات

بخواست جام می و گفت راز پوشیدن

✽ نثر ✽

پادشاه عالم عالمدر که رازی فاش ایتک عیب تمامدر
وافشای اسرار نفس مالا کلام علماء فضیلت صاب
بو خصمتدن اجتنابده تا کیدات بیحد و تهدیدات
بحساب بیورمشدر و الا بتمامه سمع شریفه انها
ایدرم و خاشاک اندوهی ساحه سینه فرزند

(دلبندهدن)

دلبنده من کید دردم شیر ایتدی بو باده تاویل علما
 چوقدر واقاویل حکمایه نهایت یوق بعضیلر که
 افشای رازده احترازیه ورمش لر در قائلک صلاح
 حالی و سلامت ذاته نظر قتلش لر در و بعضی آحریر
 مصلحت کلی به بناء که آنده نفع عام مقصود اوله
 اظهار اسراره رخصت ویرمش لر در فرضا که
 بر انسان ناحقیره بر مسلمانک قتلنه قصد اینسه و بوسره
 بر همدنی محرم ایدوب کتمانده پیمان و ایمانی حددن
 کچورسه اول محرم اول مسلمک صیانت نفس و دمی
 ایچون اول رازی اظهار ایدوب اول سردن خبردار
 ایلسه ظاهر بودر که بحسب الشرع مواخذ اولوب
 عندالله معاتب اولسه **ک**رک بلکه بوضورت مثلندن
 کتمان راز اهل فساد مشبار کتدر و یکنی که بو خبری
 مخبری بوسری سکا اظهار ایتکه **ک**ندوبی
 میاندن چیقاروب انی سنک **ع**هدده اهتمام که
 حواله قتلش اوله ویا بنندن دهشت ایدوب سنی
 بوسرک افشاسنه واسطه ایتش اوله توقع ایدر مکه
 بیتوقف بنی بوسردن خبردار ایده سنن و شفقت
 نصیحتکه لایق اولانی دریغ بیورمیه سن

❖ بیت ❖

رازت بمیان آر که ما محرم رازیم
بگذر ز سر ناز که ما اهل نیازیم

❖ نثر ❖

مادر شیر ایتدی بو اشارتکه بیوردک بغایت ستوده
و بومعانی که بیان قلدک زیاده پسندیده در فاما اظهار
سرده ایکی شر عظیم مضمر در اول اول کسسه ایله که
اکا اعتماد ایدوب محرم اسرار ایدنمشدر عداوت
لازم کلور ثابیا خلق انک حقنه بد کمان اولوب
آنی محرم راز ایتمکدن احتراز ایدرلر هم احبا نظرنده
مردود و مطرود اولور و هم مظهر طعن اعدا و گرفتار
طنز حسود اولور کلمات حکمت نکات حکیماده
کلشدر که (من لم یمت سره یمته شره) یعنی هر کسکه که
حقه ضمیرنده کوهر اسراره مهر اسرار اورمیه لاجرم
سری انک قصد سرنده کر بر میان ایدوب عالمده
سلامت یوزین کورمیه اگرچه که حق ستر و صدق
نهان ایلک اولمز اما دیشلردر که (مصراع)

سر و یرمک اولور سری عیان ایلک اولمز
مکر که ملک اول رکابدار حکایتن استماع بیورمش اوله که

چون ناخن نفاق ایله رخساره عهد و میثاقی خراش
ایدوب سر پادشاهی فاش ایتدی دست رورکار
سربی دولت تیغ خونپاش بوارله قلم وار تراش ایتدی
شیر استفسار ایتدیکه نیجه اولمشدر اول

حکایت

مادر شیر ایتدی سـوالف ازمانده بر پادشاه عظیم
الشان وار ایدیکه مسند تخت سلطنت زیور بذل
معدلتیله زیب و بها بولمشدی و اطراف و اکناف
مملکت شـعـشـعـه تیغ سیاستی ایله پر نور و ضیا
اولمشدی

بیت

زمینی قیلمشیدی عدلی معمور
زمانی ایتمشیدی بذلی مسرور

نثر

بر کون اتفاق عزم شکار ایتدی و قصد صید ایدوب
جانب مرغزاره کتدی اول محله که آشیانه هوا
انواع طیورله طولدی و عرصه صحرا اجناس و حوشله
نمودار عرصات اولدی ملازمان رکاب سعادت
انتسابک هر بری بسط و قبض و جر و رکش و هتک

وقتک و طعن و سفکه مشغول اولوب پادشاه حشمتدن
 رکابنده مزید اختصاص ایله ممتاز اولان خواص و خدم
 ایله قالدی رکابدارینه تشریف خطاب بیوروب
 ایتدی کل سسنگله سوار اولدیغمن خیل سیل رفتارلره
 بر مقدار عنان و یروب میدان کوسترلم که بکا بوداعیه
 دو شمشدر که آیا بنم زیر عنانده اولان رحشمی
 تیزدر یاسنک زیر رانکده اولان ابرشمی سبکخیزدر
 رکابدار فرمان جهانمطاعه سمعا و طاعة دیوب باره
 بادپیمانی میدانه سوردی پادشاه دخی سمند آتش
 سرعتنه عنان و یردی چون بر مقدار نخبیر کا هدن
 مفارقت ایتدی عنان باره آتش یاره بی جکوب رکابداره
 ایتدی بومسافتی مساحتدن غایت عرض بودر که
 حالیا خاطر مه بر خاطره خطور ایتدیکه تند باد شرور
 بنیاد حضور و بنیان سرور می هباء مشور ایتدی سائر
 خواصک بوسره محرمیتی ایله اختصاص اولدیغی
 اجلدن دیلدمکه بوبهانه ایله خلوت میسر اوله
 و بروجله که کسسه کمان ایلمیه بورازی اظهار ایدم
 رکابدار چون شاهدن بولکاتی اشتدی زمین خدمتی
 لب عبودیت ایله تقبیل ایتدی و شرط مدحت و حمدتی

تقدیم ایدوب ایتدی

✽ بیت ✽

خسر وامهر رخك تابنده اولسون دائماً
روزكارك فرخ وفر خنده اولسون دائماً

✽ نثر ✽

اگرچه بو ذره بی تاب کندوده مظهر انوار تشریف
خطاب اولغه لیاقت بسز ایدی اما چون پرتو آفتاب
عنایت شاه کامیاب التفات ارزانی بیوردی امید در که
کوش نسیم صبا که محرم اسرار حقایق بهار در بوچن
ازهارندن شمع رنگ و بو اشتهیه و دلکه کنجور خزان
جواهر اسرار در بورازك سرحد اظهار یننه قدم
دراز ایتیه

✽ بیت ✽

صنسه پیمانه کی کاسه سر
دیم کسسه یه بو سردن اثر

✽ نثر ✽

پادشاه چون رکابداردن بو نوع کلماتی استماع ایتدی
تحسین و آفرین ایدوب ایتدی آکا، اولکه بن بو برادر مک
باد نخوت و آتش کینه سندن بر آردم نیجه کون ایدیکه

آنک احوال درون و بیرون تفرس ایدردم بو کون
صفحات حرکات و سکناتند رنگ سودای سلطنت
ونیزنک هوای ایالت مشاهده قیلدم و بنم هلاکه
قصده و کین و مکر و کستینک عین الیقین بیلدم پس بکا
بوداعیه دوشدیکه آندن آسیب مضرت یتشمدین
خرسینک وجودین شاهراه سلطنتدن کاماطه الانی
کوترم و چنزار ولایتی اول خاردل یشدن پاک و چنمه
سار ایالتی خاشاک تشویشدن صافی و تابناک ایدم
اولیه اولسه سکا لازم اولدیکه دائم آنک احوالندن
خبردار اولوب بنی محافظت خدمتده قائم اوله سن
ان شاء الله تعالی چون مأمول حصوله موصول اوله
آستانه کردون رفعمده درجه آفتاب دولنک بر مرتبه
ارتفاع بوله که پای مباهاتی فرق فرق دانه قویه سن
رکابدار فرمانبردارم دیو خدمت ابتدی و اول عهدی
عهد سه سنه آلوب اول مهمی ذمت همته حواله
قیلدی و ایمان فراوان ایله مبرم و تأکیدات بی پایان
ایله مستحکم ایلدی هنوز منزل معهود و اصل
اولمش ایدیکه جریده احوالنه بیوفالاق رغن چکدی
وزمین عصیان غدر و کفران تخمین اکدی ورشته

میثاقی مقراض نفاق و شقاقله کسیدی و بونجه عهد
و حقوقی قدم عقوقله باصدی القصه رکابدار فرصت
بولوب برادر پادشاهه ماجرای علی ماجرای حکایت
ایتدی برادر پادشاه چون کیفیت حالدن اکا، اولدی
منتپذیر اولوب رکابدارى مواعید بسیار ایله تسلی
قیلیدی و تدبیر صایب ایله کندوسن اول ورطه دن خلاص
ایلیدی اتفاق از زمانده نته که عادت انقلابات دوران
و تحولات احوال حد ثاندر پادشاهک بهار دولتی نکبء
نکبت ایله خزان و نهال زندگانیدن شکوفه کاسرانی
ریزان اولدی

بیت

قویوب یرلورنده رخت و بختی
دکشدی تخته تابوته تختی

قطعه

کدام باد بهاری وزید در آفاق
که باز در عقبش نکبت خزانى نیست
دوام پرورش اندکنار مادر دهر
طمع مکن که درو بوی مهربانی نیست
نثر

چون مسندشاهی شکوه برادر مهتردن خالی قالدی
برادر کهترایه تحت سلطنته قدم بصدی و شهر یارلق
تاجنی کامکارلق فرقه اصدی

✽ بیت ✽

در ریاض ملک و دولت غنچه شادی شکفت
بوستان سلطنت راتازه شد از سر نهال

✽ نثر ✽

اول فرمان واجب الاذعان که زبان شاهه جریان
قیلیدی قتل رکابدار اولدی بیچاره زبان تضرع و تظلم
ایله فریاد و فغان ایدوب ایتدی ای معدن مروت
وجود وای سایه واجب الوجود

✽ بیت ✽

کنانه من بجزا خلاص من چیست
جزای آنچه من کردم نه این بود

✽ نثر ✽

پادشاه ایتدی ای رکابدار اعظم جرایم خدمتکار
افشای اسرار در برادر مک پرورده نعمتی و برآورده
دست همتی ایکن بوسریکه جله خواصدن اکا محرمیت
ایله سکا اختلاص و یرمشدی فاش ایتکی روا کوردک

بی وسیله حقوق بکاسیدن عوقدن غیری نه میسر
ومن بعد سکانیجه اعتماد ایدوب اخلاص که نیجه
اعتقاد ایلک متصور در (ع) از همدم بیوفاجدایی
خوشتتر * رکابدار اول قدر که استعفا واستغفار
ایداب جزع وزاری ایتدی کار ایتیموب بردار اولدی
وعاقبت مرغ جانی دام سیاست سلطانی به گرفتار
اولدی

بیت *

گر زبان تور از دار بود

تیغ را بر سرت چه کار بود

نثر *

بوملندن ظاهر اولور که افشای اسرار مورت
شورر بسیار در وارخای عنان زبان مثر مضار
بیشمار در بومعنائی اشعارده بواشعار کافی و بودعوایی
اثباتده بوابیات و افیدن

مثنوی *

یلورسن سر کهر در صقله آنی

که حقیمایه الکدن رایگان

صقین سر سوزین اظهار ایتمه بی باک

که اولور کوهر اظهاری خطرناک
 نهان ایت سینه اصدافنده آنی
 دکره اکا الماس زبانی
 نیجه سن کشف سرسردن چیقاردی
 نیجه سرداری افسردن چیقاردی
 نثر

شیرایتدی ای مادر مهربان سرن آخره اعلان
 ایدنک غرضی فی الحقیقه آنک شیوعی اولق کرک
 ایدیکه محرم اسراری همان کندی اولیدی چونکه
 غیر اظهار ایتکی جائز کوردی اولدخی آخره آشکار
 ایتسه معذور طوتمق کرک زیرا که کشی کندی بارینه
 متحمل اولیجق آخر تحمل ایتسه عجبمیدرنته که
 دیمش لردز

بیت

راز خود را چون تو خود محرم نه
 دیگری خود محرم آن چون بود
 نثر

بردخی بو که کشف سرا کرچه افشای راز اولدیغی
 جهتن معیو بدر اما اظهار حق متضمن اولدیغی

سبیدن فضا یلدن محسوبدر جناب شفقتآب مادر
 کامیابدن تضرع ایدرمکه بوسرك افشاسنده اظهار
 حق نیت ایتمکله کردن حمامه جانی طوق منت جاودانی
 ایله مطوق ایدوب بوبار کرانی دن ناتواندن کوتره
 اگر صریحه قادر اولمسه کنایت ایله اعلام بیوره
 اگر عبارت کتوره مزسه باری اشارتی دریغ
 بیورمه

بیت

دکل اظهارینه لازم عبارت
 که عارف اولمه بسدر اشارت

نثر

مادر شیرایتدی فرمانبردارم اما بشرط آنکه
 کناهکار بد کردار که بوفته غبارین قویارمشدر
 جزا و سزا سن بوله و جمال صفح جمیل آنک
 دیده علیلندن که رؤیت طریق صدق و مروتن
 دوردر مستور قاله و اگرچه علماء دین و ائمه حق
 الیقین صفحات دفاتر مآثری فضیلت صفح و منقبت
 عقوایله مشحون قلمشالردر و شیوه اعضا و اغماضه
 تحضیفش و تحریرش بیورمشلر اما اول جرایمه که

آنک اثری اهل عالمه سار و ساری و ضرری نهاد
 بنی آدمه شایع و طاریدر عقوبت عفو دن اولیدر
 بوکنش مقابله سنده که مفاصدی فی الحقیقه نفس
 پادشاهه عا ئددر اگر عقاب و انتقام ظهور ایترسه
 و پادشا، بویابده طریق مسامحه یی قویوب شاهراه
 سیاسته کترسه سائر مفسدله دخی موجب جرأت
 و اقدام اولور و ستمکارلک حتی انکله قوت بولور
 و هر بریسی دلازارلق و بد کردارلقدن انی دستور
 معتمد و وثیقه معتبر بیلور پس آنده عفو و اغماضه
 راه مجال اولمق کرک و نص قاطع (و لکم فی القصاص
 حیه) موجبجه آنک تدارکنده تساهل و اهمال قیلمق
 کرک

❦ بیت ❦

هران گست که بازار خلق فرماید

عدوی مملکتست او بکشتنش فرمای

❦ نثر ❦

بو تشبیه دن غرض بودر که دمنه غدار و مکار که ملک
 روزکاری بوکاره تحریک ایتدی بغایت تمام و غماز
 و شیر یافته سازدر شیر ایتدی بو خاطره خاطر فاره

(حلی)

خیلی زماندر که حلمان ایدر اما ای مادر غمخواره
 (العارف یکفیه الاشاره) سن فارغ اولکه بوا مرده
 تأمل تمام ایتم کرک و بوقضیه بی تحقیقه طریق
 ثانی اوزره کتسم کرک مادر شیر منزله کتدی و شیر
 تفکر بسیار دنصکره صغار و کبار حشمتدن کیم وار
 ایسه احضار ایتمکه امر ایدوب امر اوارکان ووزرا
 و اعیانی دیوانه دعوت ایتدی امتالا الامر العالی
 رعایا و اشراف و اعالی درکا شیرده مجتمع اولبحق
 بر مقتضای فرمان دمنه بی کشان کشان دیوانه
 کتوردیلر چون دمنه کلدی شب آنک جانبندن اعراض
 ایدوب فکر دور و درازه طالبدی دمنه کوردیکه در بلا
 کشاده و راه را بسته در و امید خلاص منقطع ورشته
 اغماض کسسته آهسته خواص ملکدن بر یسنه
 صور دیکه بوجاعتک اجتماعنه حکمت ندر و ملک کرداب
 تفکره دوشمکه باعث و علت نه مادر شیر ایتدی
 ملکی سنک قید حیاتک متفکر قیلشدر و نکباء نکبت
 وجودک آئی کرداب حیره صالمشدر چون سنک
 غدر و خیانتک ظاهر و جرم و جنایتک واضح و باهر
 اولدی و اول افترا و بهتانلرک که آنک وزیر مهربانی حقنده

سنددن وقوع بولش ایدی عرصه خفادن منصفه
 ظهوره کلدی وروی حمله و مکر و چهره خیانت
 و غدر کدن پرده غفلت مرتفع اولدی جائز دکلدر که
 سنک آتش ترویر سعایتک آب شمشیر سیاست
 ایله سوندر میله و سنجیلین مظهر شرری الوجود خیر
 محض فضا سنده قویوب تنکنای عدمه کوندر میله
 دمنه ایتدی ای کائله دولت وای عاقله مملکت اکا
 بر مقدمین حکمتدن بر دقیقه مهمل قوم شلردر و آسایش
 متأخرین ایچون مسالک واضح و وضعنده مساعی جمیله لاین
 بی دریغ بیور مشلردر آنلرک جمله کلمات دلاویز و حکمت
 آمیز نلندن بریسی بودر که هر کسه که خدمت پادشاهیده
 یکدل و یکجهت اوله مرتبه تقر به تیز وصول بوله و اول
 کسه که مقرب سلطان اوله محسود جهانیا ن اوله و مملک
 دوستی و دشمنی آکا عداوت قیله دوستلری آنک
 جاء و منزلته حسد قیله و دشمنلری مصالح مملکتده
 آنک تدبیر و مناصحتدن بیحضور اوله

بیت

هر که نزدیکتر بمجلس شاه

خطر وی عظیم تر باشد

نثر

(والمخلصون علی خطر عظیم) بوسه بیدندر که اهل
حقیقت دیوار امن و راحت پست و یروب دنیای نابایدار
غداردن یوز دوندر مشلردر و خدمت مخلوقدن فرار
و عبودیت ملو کدن عارایدوب عبادت خالق و اطاعت
مالک ازمه خلایق اختیار اتمش لردر که اول درگاهده
ظلم و ستم و سهو و غفلت اولز و اول آستانه ده جزاء
حسنه سیئه و پاداش اطاعت عقوبت اولز

رباعی

آن عدل الهیست که بر یک خطست
باقی همه که رضا و کاهی سخطست
انجاستمی نیست کراینجاستست
وانجاستمی نیست کراینجاستست

نثر

اکثر خلایق اوصاف خالق اوزره مفطور اولوب جاده
عدالتدنکه رعایت حاق و سطرین عبارتندر دور
درو عین اعتبارلری ملاخطه جانب استحقاقدن تحجوب
و مستوردر کاه مجرمان لازم العقوبته اخلاص
مخلصینه لایق جزا سزا کوررر و کا، ناصحان واجب

التریتہ ار باب خیانتن جنایتنه مناسب عذابله مواخذہ
 قیلورلر زیرا کہ دامن حالری لوٹ هوا ایله آلوده وکالای
 افعالری دست خبط وخطا ایله فرسوده در غازه
 غرضله عارض اقوالری کلکون وکونه ریایله چهره
 اعمالری دکر کوندر

﴿نیت﴾

مساوی قتلزنده خیرله شر

برابر بلکه یکدر نفعدن ضرر
 لایق بوایدیکه بوملوك سلوك طریق ملازمت ملو که
 رغبت ایتیموب گوشه عزت وکاشانه خلوتی عالمه
 ویرمیدی وخدمت سلطاندنکه نمودار آتش سوزاندر
 احتراز ایدوب کندو آیاغیله بوجا، بلایه کیرمیدی
 هرکسه که قدر فراغت بیلدی وخدمت مخلوق اوزره
 طاعت خالق اختیار قیلدی اکا اول بلایتشدیکه اول
 زاهد گوشه نشینه ایرشدی مادر شیر ایتدی نه کیفیت
 ایله اولمشدر اول

﴿حکایت﴾

دمنه ایتدی روایت ایدرلر که برزاهد وار ایدیکه اعباء
 تکلفات دنیادن قباءعبایله اکتفا ایتشیدی ومشتهیات

(نفسانیه دن)

نفسانیه دن کوشه و توشه ایله فراغت و کشکیه،
و پشیمه ایله قناعت قیلشیدی

❖ بیت ❖

هر کدا کم بور یای فقر اوله کسوت اکا
اطلس وزر بقتدن حاجت دکل خلعت اکا
❖ نثر ❖

اول پیر صلاح شعار کمال زهد و تقوی ایله بین الناس
اشتهار بولایق و صیت و صدای ورعی مسامع
جهانیانه و اصل اولایق اطراف عالمدن اصناف بنی
آدم قدم عزمله جناب باب ارشاد مأبنه متوجه اولدی لر
چون نورانیت عبادت جبینده لایح و روحانیت صلاح
و اطاعت ضمیر غیب یلینده واضح ایدی آنک حقه
معتقدلک اعتقادی کوندن کونه متزاید اولدی و اول
ولایتک بر شاه صورت و درویش سیرت پادشاهی وار
ایدی که طلب رضاء الهی بی متابعت هوای پادشاهیدن
تقدیم ایدر ایدی و احوالنده کلیا منهج اخلاق انبیا
و مذهب سیرت اولیا اوزره کیدر ایدی

❖ بیت ❖

کرچه عالمده سپهر سلطنت ماهی ایدی

شاهلر درویشی و درویشلر شاهلی ایدی

نیت

سیرت پاکیزه و خوی خوش و کردار نیک

بافقیری خوش بود باشهریاری خوشترست

نثر

چون پیر کوشه نشین احوالندن خبردار اولدی
(نعم الامیر علی باب الفقیر) کوین ملازمت خدمت پیره
بیل بغلدی و احوال عاقبت و احوال آخرتی آکوب زار
زار آغلدی و انفاس متبر که سندن استمداد ایدوب
ملو که لایق نصایح التماس ابتدی پیر زاهد ابتدی ای
ملک حق تعالینک ایکی سرایی وارد بریسی فانیدر که
اول ذنبادر و بری دخی باقی در که اول عقبادر
مقتضای همت عالی اولدر که چون سلطنت جهان
فانیدن ال یویه سن سریر سلطنت عالم باقی یه قدم
قویه سن

منشوی

ملک عقبی خواه کان خرم بود

ذره آن ملک صد عالم بود

جهد کن تا در میان این نشست

ذره زان عالم آید بدست

❖ نثر ❖

پادشاه ایتدی ای پیرصا فیضمیرنه چاره و تدبیر ایله اول
مملکتی تسخیر میسر در زاهد ایتدی بیچاره لره چاره
ساز و مظالمسوز و مظلوم نواز اولغله مقصود در
هر پادشاه که آخرتده حضور و حبور و راحت و رفاهیت
دیلیمه واجبدر که دنیاده آسایش رعیته کوشش
ایلمیه

❖ مثنوی ❖

کسی خسبد آسوده در زیر کل
که خسبد از و مردم آسوده دل
کسان بر خورند از جوانی و بخت
که برزیر دستان نکیرند سخت

❖ نثر ❖

چون زاهد نصیحتدن فارغ اولدی و حزانه در پادشاه
جواهر زواهر زواجراه طولدی نصایح دلی پذیر پیرصا
فیضمیر قلب شاهده بر مشابده تأثیر ایتدی که دست
ارادتله دامن همته تثبیت ایدوب شرف صحبتله دائم

مشرف و مغنم اولوردی و لجام کلام نصیحت انجامیله
توسن هوای بدفرجامی رام قیلوردی اتفاق برکون
پادشاه مصاحبت درویش اکاهله مشرف ایکن ناکا،
داد خواهلردن بر جمع کشیر و جم غفیر فریاد آتش
تأثیری کره فلك اثره چیقاردیلر زاهد چون بو حال
کوردی انلری حضوریته دعوت ایدوب هر برینک
حالی علی حده صوردی و پادشاه انلرک همانه مناسب
احکام تلقین بیوردی پادشاه بوندن زیاده حظ ایدوب
التماس ایتدیکه بعض وقتده دیوان مظالم رعایا آنک
نظرنده عرض اولنه زاهد دخی سهومات رعایا و مصالح
برایا عدل و انصافله فیصل بوله واکادخی (حدیث)
(الدال علی الخیر کفاعله) مفهومی موجنبه مشوبات
جمله عائد اوله دیو مسئولن قبول و ملتسین مبذول
بیوردی و دفع مظالمده موجب حال و مال اوزره زبان
زاهد، هر نه فرمان که جریان بولوردی پادشاه طوع
و رغبت ابله اصغا و استماع ایدوب تنفیذ و امضا قیلاور
ایدی تاقضیه بر مرتبه یه واردیکه اکثر مهمات ولایت
بلکه کلی مهمات سلطنت اول بیر صاحب کرامتک
کف کفایتنه مفوض اولدی عاقبت سودای حب

مال و طول رشته آمال سویدای دل زاهده یول بولدی
 و دیوار زهد شیخ صلاح شعارده رخنه بدیدار اولدی
 و سر درویش هوای توکلدن فارغ اولوب تشویش
 تمنای اسباب و تجمل ایله طولدی (و هذا لیس اون
 قارورة کسرت فی الاسلام) بونک امثالی الی هذا الان
 هزار هزار اولدی

﴿ بیت ﴾

پیرزال دهره کیم مقتون و مسحور اولدی
 جرعه دنیا یله کیم مست و محجور اولدی

﴿ نثر ﴾

دینا بر پیرزال مکاردر که نیچه شیرمر دلری کمند محنت
 محبتنه گرفتار ایتشدرو بر زال غداردر که نیچه تهمتلری
 پیرن وارچاه بلا و غار عنایه آتشدرو

﴿ مثنوی ﴾

رستم زالی ستم دستنده ایتشدرو زبون
 پیرنی چاه الم قعرنده قیلش سر نکون
 طاعتک هر طاشی بر اسفندیارک باشیدر
 برسیا و و شک هراقان صوبی کوزی یاشیدر
 لاله سی بر بوسقک پیراهن خونینیدر

برزایخانك كلی رخساره رنکینیدر

نثر

چون زاهد شور بخت شورابه ریاضت یرینه شور بای
ریاست و شربت لذت سیاست نوش ایتدی ذوق
جاشنی عبادتی بالکلیه فراموش ایدوب (حب الدنیا
رأس کل خطیئة) حلقه سنی درکوش ایتدی پادشاه
کوردیکه زاهدك تصرفاتی موجب صلاح مملکت
و تدبیراتی سبب انتظام مصالح سلطنتد رزمام مهام
انامی علی التمام انك کف اهتمامنه تفویض ایتدی
درویش که سابقانان غن یر ایدی حالیا جهان غن
یر اولدی و خیال تحصیل کلیم ایدر کن تدبیر تسخیر
اقلیم ایدر اولدی

منوی

جهان برخانه در آرایشی چوق

ایچینه کیره نك آسایشی بوق

دوشر درویش ایسه تشویش نانه

و کر سلطان ایسه فکر جهانه

نثر

اتفاق برکون اول درویشلردن بریسی که احیاناً خدمت

زاهده کلور کیدر لردی وانقاس نفس نفیسندن استمداد
 همت ایدر لردی زاهده زیارته کلدی چون اوصاع
 واطوارین احوال سابقه ناموافق کوردی زیاده تعجب
 ایتدی و آتش حیرت قلبنده مشتعل اولوب کندو
 کندویه ایتدی

❀ بیت ❀

آب حیوان تیره کون شد خضر فرح پی بجاست
 خون چکید از شاخ کل باد بهار انرا چه شد

❀ نثر ❀

چون زاهد شب لباس عباسیه کوشهء افقدن بدیدار
 اولدی وناسک قوی و حواسی کریبان خوابه باش
 چکوب غوغا و حرکت لری سکون بولدی زاهده زبان
 اعتراضی دراز ایدوب ایتدی

❀ بیت ❀

دران چن که تو بودی کلی بار نماند
 خزان در آمد و سر سبزنی بهار نماند

❀ نثر ❀

ای طاموس سدره مقام حضایر قدس و فرادیس
 انسده خرام ایدر کن (غیابة الحب) حب جاهه دوشمکه

یعنی سبب نه وای شاهباز بلند پرواز اوج هوای
استغفاده عنقهای قاف قناعت شکار ایدر کن بغاث
الطیور دنیای دونه بونجه طلب نه

✽ بیت ✽

مجموع روزگار تور وزامید بود
آن روز خوش بکاشد و آن روزگار کو

✽ نثر ✽

زاهد اولقدر که زبان اعتذاری پرکار ایتدی بر کلامه که
محک اعتبارده تمام عیار واقع اوله قادر اولمادی
مهمان ایتدی ای زاهد فرزانه بوفسون وفسانه
میل هوای نفسه محضابهانه در محصل کلام و خلاصه
مافی المقام اولدر که خاطر مبارکک دام حطام دنیایه
مبتلا اولوب ضمیر اشرف چنکال حرص جاه و ماله
کرفتار اولمشدر

✽ بیت ✽

همای چون تو عالیقدر حرص استخوان سهلست
در یغاسایه همت که بر مر دار افکندی

✽ نثر ✽

کل کرم ایا دامن تیریدی غبار اغیارله مغبر و مشرب

تفریدی خس و خاردنیای غدار ایله مکدر ایتمه و عنان
نفسی دست هوایه و یرمه و نواله زهر آلود علایقی کام
دله بشدرمه

بیت

برخوان دهر دست ارادت مکن دراز
کالوده کرده اند بزهر این نواله را

نثر

زاهد ایتدی ای مرید معتقد آمد شد خلق توجه جانب
حقه چندان مانع اولمدی اگر چه ظاهر اتوجهم
جانب نفسه و مصالح انسه در امان معینده مقام انسه
و جناب قدسه در قلبم اون شغل اوزره در که بیلش
ایدک و حالم اول منوال اوزره در که مشاهده قیلش ایدک
مهمان ایتدی ای سلیم دل سن حالیا حال کدن
خافلسن و شراب غرور ایله مست و لایعقل سن بصر
بصیرتک پرده غفلت ایله بسته و مزاج طبیعتک امر اض
اغراض خسیسه ایله خسته در

مثنوی

چکمدی چشمکه چون میل غفلت
دلیکه طولدی میل جاء و دولت

طوتو بدر غفلت او یخوسی کوز یکی
انکچون اکلز سن کندوز یکی

نثر

اما اول زمانکه خمار غفلت باشکدن کیدوب عرض
مرض غرضدن افاقت بوله سن حقیقت حاله مطلع
اولوب ایتدیك افعاله پشیمان اوله سن لیکن پشیمانلق
فائده و یرمیه وضایع ایتدیك کچینه بی هر چند که اله
کتوز مک دیلیه سن اله کیرمیه

بیت

کارها کرده و آخر کار

چون پشیمان شوی ندارد سود

نثر

سنة مثلك همان اول کور مثلیدر که اولماری تازیانه
تصور ایدوب کندوسن دور ایتدیکی سبیدن ضریع
حفره کور طعمه مار و مور اولدی زاهد ایتدی نه
کیفیت ایله اولمشدر اول

حکایت

مهمان ایتدی بر کور و برینا مر افقتله مسافرته نیت
ایدوب بر طرفه کتدیله و وقت شام قریب اولیحق

بر مقامه زول ایدوب اول کیجه آنده یاتدیلر چون وقت
شبگیر اولدی و تابشیر صبح طلوع ایدوب کاربان
صبا آمدشده آغاز قیلدی همراهلری دخی
بر مقتضای

بیت

بکر اصاحی قبل الهجیر

ان ذاك انتجاح فی التکیر

نثر

اول منزلدن رحلته ساق جدی تسمیر ایتدیلر اعمانک
بر تازیانه سی واریدی اتفاق اول حالده یعنی اثنای خط
و تر حالده اندن دوشردی چون سوار اولدیغی مر کبی
تحر یکده وکا، کانی کوشمال و تعریکده اکا احتیاجی
وارایدی باب تفحصده مبالغه قیلدی قضای الهی
مکر که بر مار زشت دیدار ثعبان کردار برودت هوادن
اویشمش و اثر سرمدان عصای موسی کبی منجمد
اولوب آنده دوشمش ایدی الله راست کلدی تازیانه سن
تصور ایدوب آلدی کوردیکه کند و مقرعه سندن
نرم و استحکامده اندن محکم شاد و خرم اولدی و حق
تعالی جل و غلایه شکر و ثنا ایدوب یوله کیردی رفیق

بر بر یله مصاحبت ایدوب کیدر کن وحفت صحبت ايله
 شداید طریق تخیف ایدر کن ناکاه مر دینا ناکاه ایدوب
 کوردیکه اعمی النده بر مار اژدر سیماطوتوب کیدر
 بلدیکه انی مقررعه سن خیال ایدر فریاد ایدوب ایتدیکه
 ای رفیق اول تازیانه تصور ایتدیکه کافعی ندر وزهر
 وزیانندن غیری سکانفعی ندر زهر دهانندن ضرر
 کورمدن و بن دندانندن چاشنی پیدن الکندن کیدر
 اعمی چون بوسوزی اشدی جزم ایتدیکه بصیر
 لطایف الخیل ايله مقررعه سن المغه عزم ایتدی ایتدی
 ای یار حیل کار حصول دولته جدو جهد لکنه مدخلی وار
 طالع و بخت کدر کار حضرت پرورد کار مقرر عدم مقابله سنده
 نعم البدل تازیانه ارزانی بو بودی سن مانع می اولور سن
 اگر طالع مساعدت و بخت موافقت قیلور سه سنده
 بولور سن

بیت

طمع دستن کرم قیل ايله کوتاه

یکتن سن سکا دخی و یزه الله

نثر

ای بصیر بن که حدت ذهن وضکت ضمیرده فخر معرۃ النعمان

ابی العلاء ضریردن دعوی تفاضل ایدرم ممکنه میدر که
فسون و فسانه ایله خزانه غیبدن حواله اولان تازیانه بی
المدن کیدرم بینا ایتدی ای همدم بن سنک تازیانه که
طمع ایدوب ندیم اما مقتضای حق مرافقت بودر که
سنی بو مخاطره دن آگاه ایدم ای برادر کرم ایله تر یاک
نصیحتیم کار کرو نوش داروی مو عظمیدن تأثیر میسر
ایکن اول مارزهرناکی الکن کیدر ناینا کوردیکه
ابرامده زیاده اهتمام ایتدی آندن اعراض ایدوب
ایتدی

نیت

ای مدعی مبالغه از حد چه میبری
این نکته کوش دار که روزی مقدرست

نثر

بصیر هر چند که باب بلاغده تقصیر ایتیموب سرحد
مبالغه دن طشره کتدی و مدعاسن ایمان فراوان
و تا کیدات بیایانله مؤکدن و موید ایتدی اصلا فائده
و یرمدی و اعمی انک نصیحتیه التفات ما کوسترمدی
چون تف و تاب آفتاب عالم تابدن کره هوا کرم اولدی
اوفرده لک نهاده ماردن کیدوب درشت ایکن تمام

نرم اولدی اثنای حر کسده دندان زهر ناکى ايله اعمای بی
ادراکک الله برزخم اوروب فی الحال هلاک ایتدی
بومثلی اول اجلدن کتوردم که سندخی دنیا یه اعتمادی
جائز کورمیه سن وانک صورتنه که مار منقش هیئتدر
کوکل و یرمیه سن وانک ملایمت و ملاطفتنه میل
و محبت کوسترمیه سن که زخی قاتلدر وزهری
هلاهلدر

✽ مثنوی ✽

شر بت انکین مجوی از دهر
کد برامیخته است شهد زهر
تو تصور کنی که آن عسلیست
آن عسل نیست شربت اجلست

✽ نثر ✽

زاهد چون درویش خیر اندیشدن بوکلماتی اشتدی
زمان تجرد و فراغت تدکر ایدوب و پرده اعتسافی عین
انصافدن کتوروب احوالنه نظر ایتدی کوردیکه
واقعا دامن حالی طهارت اصلیدن خالی ولوث تعلقات
جاء و مال ايله مالی بیلدیکه اول دوستک نصیحتی
محض شفقتهدن ناشی و عین محبتدن منبعث ایمش فوآره

دیده سندن اشک ندامت متواتر و تنوره سینه سندن
 شراره ملامت متطایر اولدی و اول کیجه صبحه دک
 شمع سوزان کی زار زار آغلدی و پروانه وار شعله
 شوق دیدار ایله جگرین داغلدی و کار و بار خلایق
 قویوبینه خدمت خالقه بیل بغلدی چون زاهد سفید
 لباس صباخ سچاده نورانی شعاعی (والصبح اذا تنفس)
 محرانه یایدی و راهب سیاه پلاس رواح (واللیل اذا
 عسعس) صومعه سنده منزوی اولدی

بیت

چین سحر چونکه شاهد خورشید

اولدی نورانی کسوتیله بدید

نور ایمان کی چون ایتدی ظهور

کفر دیجورین ایلدی مستور

نثر

وضع سابق اوزره صومعه زاهد مایق که مزبله
 علایق و عوایق ایدی ارزال خلایق ایله طولدی شوره
 زار قلبنده ینه عواصف نخوت و عواصر کبروز
 ورعونت اسدی و تیشه هوای سحر کاهی بخ درخت
 اندیشه شبانه بی کسدی و احکام قبض و بسطی

موجب بنجه کین آصدی و کین باصدی

❖ بیت ❖

هر شبی گویم که فردا ترک این سودا کنم
تازه میگردد هوایش هر سحرگاهم دگر

❖ بیت ❖

هر کجه دیردم که یارک ترک ایدم سوداسنی
صبح اولیجق تازه لر عشقک بنه غوغاسنی

❖ نثر ❖

القصه زاهد جان و دل ایله حب ریاسته مائل اولوب
عن صمیم القلب حکم سیاسته متعلق اولدی و امور
مملکتده استقلال قصد ایدوب امر اووز رای
عملارندن عزل ایدوب کیدرک فصل قضایاده جاده
عدالتدن عدول ایدر اولدی اتفاق رعایادن بعضنک
قتلنه که بحسب الشرع ممنوع و حرام ایدی اقدام ایلدی
ورثه مقتول درگاه پادشاهه واروب زاهد کمراهدن
تظلم ایتدیلر پادشاه حضورنده اول مظلومک حالی
معلوم اولیجق قضیدلری دارالقضایه حواله اولندی

و حکم قضا مضاء قضاة بو متوال اوزره نفاذ بولدی که
زاهد طریق قصاص ایله قتل اولنق بیورلدی اول
قدر که شفعا کتوردی و مال و منال ایله وعده لرو یردی
مفید اولدی خدمت خالق صحبت خلایقه فدا ایتک
شامی ایله ورطهء هلا که گرفتار اولدی نعمت دنیادن
ایرلدی دولت عقبی دخی میسر اولمادی بومثلی اول
اجلدن کتوردمکه چون بندخی جناب محراب الهیدن
یوز دوندورب جانب بارگاه پادشاهی قبله گاه ایدندم
و خط فرمان خالقیدن باش چکوب خدمت آستانهء
مخلوقه باش ایندردم هر عقاب و عذابه لایق اولدم
و هر بلا و عنایه مستحق

✽ بیت ✽

هر بلا که دیسک سزاوارم
هزنه دیر سنک یوزا و اقدر وارم

✽ نثر ✽

دمنه چون بو فصل پر اصلی تقریر ایتدی حضار
مجلس آنک بلاغت بیان و فصاحت لساندن متعجب
اولدیلر شیر دخی سر تا ملی زانوی تفکره قویوب متحیر
اولدیکه دمنه به نه وجهله جواب ویره و بوا مره نیجه

نمودن شروع بیوره سیاه کوش که جمله طائفه
و حوشدن مزید تقرب ایله اختصاص بولاش ایدی
چون اهل مجلسی مدهوش و متعیر کوردی
دمنه به متوجه اولوب ابتدای ای مملوک مذهب زمره
ملوک سنک نه حد کدر بیلزمیسن که آنلرک فرق
فرقد سایی (السلطان ظل الله فی ارضه) تاج کرامتیه
سرافراز در و اول پادشاهک که داد کستور رعیت برور
اوله بر ساعت عمری التمش یلاق عیادته برابر در سجاده
نشینان محراب عبادت و تاجداران ولایت کشف
و کرامتدن چوق کسمندر بر مقضتای (خدمه الملوک
نصف السلوک) خدمت سلاطینه بیل بعلمشلردر
و آئی سبب صلاح حاکمت و وسیله فلاح عاقبت
اکمشلردر اول جمله دن حکایت پیرو و شضمیر بوحاله
شاهد عادلدر دمنه استفسار ایتدی که نتیجه
اولمشدر اول

حکایت

سیاه کوش ایتدی روایت ایدرلر که شهر فارسیه
بر شیخ و ارایدیکه میان فارسان میدان ولایتدن کوی

(کشف)

کشف و کرامتی چو کان هم تنه کتورمش ایدی و گوشه
ترک تاج ترکن تارک سپهر برینه و فرق فلک هفتینه
یتورمش ایدی

بیت

پشت پای اورمش عالم خاکه
ترک تاجن بیورمش افلاکه

نثر

اکا پیبر و شتضمیر دیرلر ایدی چون طنطنه کرامتی
اطراف روم و شام و حلبده منتشر و دبده مقاماتی
اکناف دیار ترک و عجم و عربده مشهر اولدی

بیت

کون کبی طوتدی دهری شهرت شیخ
نور و یردی جهان طاعت شیخ

نثر

عرفای عراق ظرفای خراسان کبی خط محبته باش
ابندر دیلر و صادقان ترکستان عاشقان هند وستان
کبی صدق و اخلاص ایله دامن اختصاصنه ال اور دیلر
اتفاق ماوراء النهر دن بردرویش عزیمت احرام زیارت
حریمنی تصمیم ایدوب محنت عظیم و بلاء الیم ایله نواحی

سمرقنددن دارالملک فارسه کلدی لاجرم هر کسه که
پای طلبنی خار تعب ایله افکار ایتیه دست امیددی کل
مراده ایتیه

❁ بیت ❁

جور خاره قنغی بلبل که تحمل ایتیه
آ که لازمدر که میل صحبت کل ایتیه

❁ بیت ❁

بلبلی کرستم خار تحمل نکند
بهتر آنست که هرگز سخن کل نکند

❁ نثر ❁

درویش مسافر قطع بادیه حرماند نصکره کعبه
امن وامانه یتشوب لب ادله خاک آستانه شیخی
تقبیل ایدوب دست طلبله حلقه باب کرامتآینی
تحریک ایتدی خادم خانقاه حیقوب کوردیکه بر درویش
غریبدر ایتدی بر لحظه تحمل ایله که حضرت شیخ
ملازمت سلطانه کتدی قدومی وقتی قریبدر درویش
چون ملازمت ساطانی ایشتدی ایتدی

❁ بیت ❁

دریغا بونجه راه دور و دشوار

در یغابونجه دردورنج بسیار

نثر

بر شیخ که اهل دنیا مسلک نه سلوک ایدوب هوای
مصاحبت ملوک ایده و مسجد و خانقاهی یعنی عبادتخانه
الهی بی قویوب خدمت آستانه پادشاهه کیده بکا
آدن نه فتح الباب میسر اولوب نه وجه صواب ظهور
ایده

بیت

آرزو بود که میرم چوسکان در قدمش

خاک شد آن همه امید بیکبار دریغ

نثر

پس خانقاهدن چیقوب جانب بازاره واردی و کدورت
قلب مغشوشند که کوره ریاضتده تاب بولمش
ایدی که عیارلک سکه بسن شیخ نقد و قتنه اوردی
و سوءظنی سببیه کو کلندن آنک حالنه اعتراض و شرف
ملاقاتندن ابا و اعراض کو ستردی

بیت

ای مدعی که میگذری برکنار آب

مارا که غرقه ایم چه دانی که حال چیست

اتفاق درویش اسواق شهرده کز رکن وهنگامه بازاری
 کشت و گذار ایلر کن ناکا، شهنه شهرک کوزی اکا
 راست کلدی قضای کور که مکر آک شکسته
 بردزد اول کجه زندانی آچوب قاچش ایدی و پادشاهک
 چاشنی غضبندن شهنه و عسسک جانی آچیش ایدی
 و دزدی بولوب جرمی موجبجه سیاست اولنق امرند،
 اهتام تام کوسترلش ایدی شهنه مزبور درویش
 مذکوری کور بچک دزد کریمته بی خیال ایدوب فی الحال
 طوتوب سیاستگاهه کتوردی درویش دلریش
 چندانکه دعوی صدق واستقامت ایدوب براءت
 ساخت ذمتنه برهان اقامت ایتدی مفید اولمدی
 و قطع یدندن غیری صورت ال و یرمدی جلاد بیرحم
 کارد ابداری دست درویش اوزره قویوب بیمحابا
 قطع اید، جک محله، های وهوی پیرر و شضمیر کلدی
 ایتدی و شیخ بر مرکب عظیم ایله خضر کبی اول
 سر حلقه یه حاضر اولوب کیفیت حالی استفسار ایتدی
 و حالت درویش اکا متکشف اولوب شهنه یه ایتدی
 بو بزم آستانه مز درویشلرنددر بو تهمت اولنان

جریمه‌دن بختبرد و دامن عصمتی بومعصیت لو شندن
 مظهر در اندن ال چک و تخم ظلمکی ریبرده دخی ال
 شخنه چون شیخک بوالفتان کوردی مر کبنک ایاغنه
 دوشوب رکابنه یوزین سوردی وفرمانه اطاعتی
 جانه منت بیلدی و درویشه اعتذار ایدوب بندبلادن
 رها قیلدی بیچاره بادن صدپاره دست جلاد وقید
 بیداددن آزاد اولوب شیخ پاک نهاد و پاکیزه اعتقادک
 رکابنه دوشوب کندی شیخ کرامت پیشه دست
 مبارکن دوش درویشه قویوب ایتدی ای
 درویش درویشه درویشله اعتراض وسوء
 اندیشه مناسب دکادر که اگر ملازمت سلطانه
 مرتکب اولمیه لردی سنک کی مظلوملر ظالملر الندن
 خلاص بولمیه لردی

❖ بیت ❖

قاله لردی ظلام ظلم ایچره

رهبر اولماسه نور همت شیخ

❖ نثر ❖

درویش بیلدی که آنلره اعتراض کمال جهالتدن ایش
 وار باب فقره سوءظن (ان بعض الظن اثم) خواسی

مقتضا سنجه غایت غباوتدن ایش زیر که ارادت انسان
کامل ارادت حقه فانی و مضمحلدر پس اهل کمالدن
بر فعل وجوده کلز که مراد حق اولیه و برجئی صدور
ایلز که اگر چه که ظاهرا مخالف عقل و منافی طبع اوله
ضممنده بر مصلحت کلی ملحوظ اولیه

❁ مشنوی ❁

آن پسر را کش خضر بیرید خلق
سرانرا در نیابد عام خلق
دردرون بحر کشتی را شکست
صد درستی در شکست خضر هست
کاملی کر خاک کبر در ز شود

ناقص ارز بر دغا کس تر شود
❁ نثر ❁

بو مثلی ایراددن غایت غرض اولدر که سلف صالحین
ملازمت سلاطیندن اکابر دین و ائمه مهتدین ایکن
عار ایتمشلرد رای خودیین سن بودیانت و دین ایله
عاری ایدرسن بو حالله اورنایه کلوب سنده ندرس
دمنه ابتدی بعض اکابر اهل سلوک ملازمت آستانه
ملوک اختیار ایتمشلرد دیدیکک حقدرا اما اول

(بر مصلحت)

بر مصیحت کلی بی متضمن اوله جقدر در آنلر که بو طریق
 خطرنا که کتمشدر در بی الهام الهی اقدام ایتمشدر در
 و دامن همترلین مطلقا اعراض دنیویه و اغراض
 نفسانیه ایله آلوده قیلمشدر در ولیکن بزمایه لی کسمده
 اون پایه چن میسر و بزمر تبه لی کسمده اول رتبه
 نیجه مقصود در و بوندن مقدم پادشاه ظل الله در
 دیدیکک مقدمه دخی مسلدرا اما اول پادشاه حقنده
 در که ناظم مصالح خلائق اوله و احوال و افعالی احکام
 حقه مطابق و رضای خالق موافق اوله نه بر کسمده
 بی استحقاق تربیت بیوره و نه بی سبب عقوبت روا کوره
 و ملازمان ستوده خصالی مقرب و مقبول و خدمتکاران
 بدسکالی غل ذل ایله مقید و مغلول قیله

بیت

کلبن حال نیک مر دانی

ایلیله تازه آب رحله

اولکه غدار اوله و دل آزار

کوکنی قازه تیغ هیبتله

نثر

مادر شیر ایتدی بوسوز که سویلرسن حقدر اما سنک

حق کده فائده سی یو قدر زرا که جمله عالم بیساور که
 شتر به ملک ستوده سیرت مقر بلندن و پسندیده
 سیرت مصاحبلندن ایدی و مرتبه یقینه ایدیکه
 خرمن خانان سنک آتش سعایتله باد فایه و پردی
 و شامت غدر و مکر کله قواعد عهد و مواعید ملکده
 رخنه ظاهر اولدی دمنه ایدی ضمیر منیر ملکه
 پوشیده دکلدر که بمله شتر به میانده اسباب منازعت
 و دواعی مختصمندن جزئی و کلی نسنه واقع اولمشدر
 باوجود که آنک بکا قصده قدرتی و درگاه پادشاهیدن
 رد ایتدرمکه دستکاهی و ارایدی بنم حقه مد لطف
 و مروت و کمال شفقت و مروت چندن غیر نسنه کور مدم
 فقیر دخی بحمد الله نظر ملکده اول قدر خور و بی
 اعتبار دکلدمکه آنک حالنه حسد ایدوب آنک دفعنه
 مشغول اولیدم لیکن ملکه خیر خواهلحق ایدوب حق
 نعمتی یرینه کتوردیم و اول کلماتکه آندن ایشتم ایدی
 بعده آثارین دخی مشاهده ایتدم ایدی بیغرضانه
 ملک سمع اشرفنه یتشدردم بکا واجب ایدیکه حق
 نعمت ملکی بیل و کاوک صورت غدر و خیانت بلدیکم
 اوزره ملکه بلدیرم و ملکه دخی لازم ایدیکه استماع

کلام ناصحی کندویه واجب بیه و تصدیق و تحقیق
 ایتد کند نص کره مقتضای مضمونیه عمل قیله چون
 ملک بنم کلام نصیحت انجامه شرف اصفا بیوردی
 و مصداق دعوا و برهان مدعای عین یقینله مشاهده
 قیله مقتضای رای شریفی اوزره بوامری بوجه
 اوزره نفاذ، یتشددی فرمان پادشاهکدر بنده نک
 دولخواهلقدن غیری نه کناهی واردر اما ارکان
 واعیانندن نقش اختصاص ملک کعبتین حالنده عیان
 اولنلردن و قریب و بعیددن دعوی اخلاصده زیاده
 فریدکنلردن چوق کسندلر گا وایله بوداودده شر یکلردر
 حالیا بندن که تمام صدق و کمال استقامت شعار و حسب
 حالدروهم ایدوب بکاخصم اولنلردر و علی الاتفاق نفاقله
 بکا آفاق طولایوب باشمه قصد ایتنلردر بن کمان
 ایتنر مکه بنم نصیحت مکافاتی واستقامتله خدمتم
 نتیجه سی بواوله که ملکی بنم قید حیات و بقای ذاتم
 متخیر و متفکر قیله چون دمنه کلامنی بو مقامده تمام
 ایتدی شیر ایتدی بونک حالی قضاته حواله اولنمق
 کرک تا که امرنده تفحص تمام ایدلر و شرع و عرفله
 تفتیش ایدوب اظهار حقه کاینبعی اهتمام ایدلر زیرا که



امور سیاسته و فور فراسته اعتماد ایتمک ضلال
 واحکام رعیتده بی الهام حجت وایضاح بینت بر حکمی
 امضا ایلمک و بالدر دمنه ابتدی نیجه حاکمدر که پادشاه
 عادلک دل بیغلندن منصف ونیجه قاضیدر که فراست
 ملکدن مزید صدق واستقامتله متصف اوله بحمد الله تعالی که
 ضمیر منیر پادشاه بر آینه پر صفا بلکه بر جام جهانمادر که
 خدام سده فلک احتشامدن هر برینک صورت
 خالی ومالی آنده هویدادر

بیت

تکرار کرده دفتر اسرار کن فکان

رای توازورای ورقهای روزگار

نثر

لاجرم چون رای عالم آرا رنگ ریب وریا وژنک افک
 وافترا دن معرا و مبرادر واثقم که بو حقیرک امرنی تفتیش
 و تنقیده تقصیر روا کورلیه واهمال و مسامحه به مجال
 و رخصت ویرلیه تابنم براءت ساخت ذمتم دلیل
 قاطعه ثابت و مبرهن و منافق لک اکاذیبی تباشیر
 صبح صادق کی عالمیانه روشن و معاین اوله  ع
 راز کس مخفی نماند با فروغ رای تو  شیر ابتدی
 ای دمنه غم ییمه که بو مهمی تحقیقه مبالغه سرحد

(افراطه)

افراطه يتسه كرك و بو خصوصه بروجهله تدقيق
اولنسه كرك كه حق كندوبى كون كى بلورتسه
كرك

قطعه

سعى ميخواهيم كردازكاو كاواين سخن
تابدان غايت كه چون موى ازخير آرم برون
خود تو ميدانى كه من اسرار پنهان سپهر
جللى از پرتو نور ضمير آرم برون
نثر

دمنه ايتدى اى پادشاه فلك دركا، بوبابده بن بنده
بيكناه اولديغم سببدن الحاح و ابرامده زياده اهتمام
ايدرم و الاعتبد ملكده روز و شب ملازم اولوب
خدمتى كندومه لازم قيلزدم و پاي شكسته ايله متلق
بلا و دست بسته ايله متعرض قضا اولزدم بلكه
(فسحوا فى الارض) مضمونى موجبجه باشم آلوب
بر طرفه كيدردم و رخت اقامتى بو منزلدن كوتروب
بر اقليمه دخی نزول ايدردمكه عرصه ارض عريض
الساحه و ميدان خلاص ممتنع المساحه در مادر شير
ايتدى اى دمنه ديلىر ستمكه زبان آورلكه بوجرمدن

کندیکی بخبر چیقاره سن و بی قتل وقصاص
 بوورطه دن خلاص بوله سن هیهات هیهات سنک
 حالک نقیر و قطمیر تفتیش و نقیر اولدین بوا احتمال
 فکر محال و طیف خیالدر دمنه ایتدی بو آستانه ده
 بنم دشمنم چوق و بکا حسد ایدر صاحب غرضه نهایت
 یو قدر تضرع ایدر مکه بو کمینه نک امری برامینه حواله
 بیور یله که دیدء حالی مرض میل و عرض غرضدن
 خالی اوله و بوقضیه یی تفتیش و تفحص ایدوب کوره
 و کیفیت واقعه یی علی ماهوالواقع مسامع جلاله ایر کوره
 ملاک دخی آئی رای مشکل کشا سینه که آینه کیتی نمادر
 عرض ایدوب هر نه قضایه که رضاویره تنفیذ و امضا
 بیوره تابو یی کناه مجرد شک و اشتباه ایه تباه اولوب یوم
 محشرده و روز مکافات خیر و شرده (اقتلت نفسا زکیه
 بغیر نفس) خطابی موجب بنم ایچون ملاک مستحق
 عتاب بلکه مستوجب عذاب و عقاب اولیه

❖ بیت ❖

من از کشتن نمیرسم ولیکن
 مباد اخون من دامن بگیرد

❖ نثر ❖

شیرایتدی ممکنمیدر که بن جاده انصافدن بر ذره
 انحراف ایدم یا میسر میدر که منہج عدالتدن بر قدم
 طشره کیدم اما فکرم بودر که شویله که سندن
 بو خیانت صادر اولمش اوله سنی عبرت نای دوران
 ایدم دمنه ایتدی ای ملک بو خیانت سبب اقدام یا شتر به یه
 قصد انتقام ویا کسب مناصبده زیاده اہتمام اولمق
 کرک جله انام و کافہ خواص و عوامہ معلومدر کہ
 کا وایله بنم بینمده بواعث انتقامدن نسنہ واقع اولمشدر
 اگر چه منصب آندن دون و مرتبہم دنی ایدی اما کوکلم
 شرف تقرب ملکہ جیع مناصبدن مستغنی ایدی
 باوجود کہ عدل ملکی بیلشدم و آثار انصافن کراتلہ
 مشاہدہ قیلشدم معلوم و مجزوم ایدیکہ بنی عدل
 عالم آراسندن محروم قیلزدی ورشتہ امیدم میامن
 ہمت داد کسرتندن منقطع اولمزدی

بیت

ترا ایزد از بہر عدل آفرید

ستم ناید از شاہ عادل بدید

نثر

اہل مجلسدن بریسی ایتدی ای ملک دمنہ نک و کلامی

تعظیم و احترام جهتندن دکدر بلکه دیلر که بوسه محره
ضمیر ملکی تسخیرایدوب بوفسانه ایله بوورطه دن کرانه یتشه
دمنه ایتدی ای صنعت نفاقده ماهر و حرفت شفاقده ثانی
سامریء ساحر قصور فهم و درایتکه کلام ناعمک
دلیل ظاهر و وفور جهل و غوایتکه سودای خامک
برهان باهر در ملک کبی یری کوکی یلرز و آسماندن
ریسمانی فرق ایلز دکدر که مدحی قد حدن و نصیحتی
فضیحتدن و پندی بنددن تمیزه قادر اولیه کلام بودر که
فکر شاهانه و تمیز ملکانه ایله حالیا سنک فهم سقیمکه
و بنم طبع مستقیمه واقف اولمشدر و سنک خرافات
غرض آمیز می بنم کلمات نصیحت بیرمدن فرق و تمیز
ایلشدر که فکر کشور کشاسی شمع شایستان سلطنت
ورای عالم آراسی حلال مشکلات مملکتدر

بیت

حالم یلزمی صاندک رای عالمگیره

عالمی تسخیر ایدن سر پنجه تدبیره

نثر

سیاه گوش ایتدی سنک سوابق جنایت و خیانتکدن
اولقدر متعجب دکلم که بومضیق منحصه ده بلاغت اقوال

وفصاحت موعظت و ضرب امثال کدن متعجبم دمنه
 ایتدی بلی مقام پنددر مقام ریشخند دکلدر اگر
 شرف حسن قبول بولورسه وهنکام مثلدر محل
 کسل دکلدر اگر سمع رضایله اصغا بیور یلورسه
 مادر شیر ایتدی ای غدار هنوز امید وارسنکه
 شعبده و مکرله بودام بلادن خلاص اوله سن دمنه
 ایتدی اگر احسانه اساءتله مجازات وخیره شرله
 مکافات روا کور یلورسه الدن نه کلور (لاراد
 لقضاءه ولا مانع الحکمه) اما ملک واققدر که هر خائن
 (الخائن خائف) صفتیله متصفدر نیجه حائنک زهره سی
 واردر که ملک حضورنده تکلمه جرأتی اوله شو یله که
 بنم حقمده بد کمان اولوب باب سیاستده شتاب ایده
 فواید فکر و تأمل و میامن صبر و تحملدن محروم اولوب
 خانه عقلن خراب ایده و عاقبت نادم اوله ندامت فائده
 ویرمیه و روزگار اوله بنجلین بر جا کر جان سپار استیه
 الله کیرمیه

❖ بیت ❖

هر که در کارها شتاب کند

خانه عقل را خراب کند

❖ نثر ❖

هر کس که امورنده تعجیل ایده فضیلت تحملدن دور
اولوب اکا اول فضیحت یتشه که اول زن بازرگانه
یتشدی شیردمنه یه متوجه ایدی چون بونکته بی استماع
ایتدی صور دیکه نیجه اولمشدر اول

❖ حکایت ❖

دمنه ایتدی روایت ایدر لر که شهر کشمیرده بر بازرگان
وار ایدیکه مال و منالی کثیر و ثروت و یسار له شمیر ایدی
خورشید طلعت ناهید صورت بر زن ناز نینی وار
ایدیکه نه چشم سپهر مدور آنک نظیری مهر منور
کورمشدی ونه آینه دهرده آنک عدیلی بر پیکر
کورنمشدی رخ زیبای روز وصال کی تابان وزلف
چلیپای شب هجران کی بی پایان ایدی

❖ نظم ❖

طوغور مامشدی مثلن مادر دهر
یوزی آینه واله کوچه و شهر
کهر خادم اولو بدر دیشلرینه
قول اولمش سرو قد عرعرینه
اولوب همشیره کل شکر لینه

قره مشهری یدی غبغینه

نثر

جـوار خانہ بازرکاندہ رنقاش وارا یدیکہ جاپکد
ستلکدہ انکشتنمای جهان ونقشبندلکدہ ثانی مانی
کار خانہ دوران یدی خامہ چهرہ کشاسندن جان
صورتگران چین صورت بیجان کبی حیران وطبع
رنکا میرندن دل تحریر کشان خطا بادیه حیرتده
سرکردان ایدی

مثنوی

هواده یازسه مرغ اول نقش پرداز
قلم تیرن کوروب ایلردی پرواز
صوده چون شکل ماهی رسم ایدردی
کوروب قلاب انکشتن فردی

یازیدی بیشه ایچره صورت شیر
بانینه اوغر مز اور کردی نجیر
اگر کاغده تصویر ایلسه اود

نی خامه یانوب اولوردی پردود

نثر

القصة انکاه زن بازرگان میاننده معاشقه دوشدی

ونقاشه اول نقش ز بیا به میل بیجا با طاهر اولدی
 سلطان عشق مملکت قلبنه که دارالملک محبدر
 مستولی اولوب سپاه شوق هفت اقلیم وجودنی نهب
 وغارت قیلدی چشم جوانه دیده ترکس کبی علت
 سهر عارض اولدی دیده بیداری ابر بهاری کبی
 هر شام و سحر اشکبار لغه آغاز قیلدی

✽ مثنوی ✽

خرم اول دلکه عشقه منزل اولور
 جمله کاری انکله حاصل اولور
 آهله خرمینی ییله و یرر
 وارلغن کوزیشیله سیله و یرر
 کاهه صایمز ملامتک کوهن
 دلدہ قویمز سلامت اندوهن
 مست اولور دلبری خیالندن

قورتلور عقلنک عقالنندن

✽ نثر ✽

جان دخی جوانی کور یجک دل و جاییله کوکل
 و یردی و خانه صبر و شکیمی آتش فناءه اوردی

✽ بیت ✽

دل رفت سینه نیرتهی شد زجان کنون
ای صبر باز کرد که این خانه جای تست

❖ نثر ❖

الحاصل جانیندن جاذبه عشق درکار اولوب بی
وسایط و وسایل عاشق و معشوق بر برینه واصل
اولدی و میانلرنده ابواب مواصلت کشاده و اسباب
مصاحبت آماده اولوب کوندن کونه بر برینه تعشق
و تعلقلری زیاده اولدی بر کون جانان جوانه ایتدی
ای یار جان اگر چه نیجه زماندر که تشریف حضور
ارزانی بیوررسن و گوشه کاشانه مزی جمال عالم
آرایکله اراسنه قیلورسن اما بیلورسنکه شائبه شبهه تکلف
ودغدغه توقفدن خالی دکلدر که اگر رفع صوت
ایده سن هم جوارر ایشتمک وار و اگر سنمک آتیه سن
رقیب بیدین سک کوش ایتکم وار عجبامیسر دکلدر که
بو صنعتده که مسلم زمان و سرآمد و رانسن بر فکر
ایدوب نقش بنداک کوستره سن و برنسنه تألیف
ایلیه سکه بنمله سنمک میانکده علامت اوله و هیجان
توق مصاحبت و توقان شوق مواصلته امارت اوله
نقاش ایتدی ای نکار بردورنک یار ایدی که نقشبند

روزگار صفحه لیل و نهارده آنک مثلی بر کار پر کار
کورممش اوله

✽ بیت ✽

بیاضی اوله صمنکه عارض یار
سیاهی اوله کویاروی اغیار

✽ نثر ✽

چون سنی بنی اول نشانه ایله کوره سن زاویه خانه دن
قدم رنجه پیوره سن انلر چون بو مواعده بی ایتدیلر
وبوعهد اوزره قول وقراری بر کتدلر
نقاشک شا کر دلرندن بریسی که صنعت نقش و حیلده
استاد ایدی ورای دیواردن ماجرای علی ماجری
ایشتمدی

✽ بیت ✽

لب نکشایی اگر ت هوش هست
کز پس دیوار بسی کوش هست

✽ نثر ✽

بر نیچه کوندنص کره چار تمام اولدی
ووعده مزبوره انبازه یتشوب مهم سرانجام بولدی

انفاق بر کون نقاش بر مصلحه کتدی و آنده حیلی
توقف ایتدی شاگرد قرصتی غنیمت بیلوب جاری
هر قنده ایسه بولوب آلدی و موضع معهوده واردی
زن چون جاری کوردی یار وفادار صنوب طشره
کلدی میان یار و اغیاری فرق ایده میوب بیگانه بی آشنادن
تیر قیله مدی

بیت

دردا تن بصنبت و برعیش زد قدم
دیدار شد میسر و بوس و کنار هم

نثر

غلام چون لباس التباسله مقضی المرام اولدی
و مصلحتی تمام اولوب جاری مقامنه قودی نقاش قنده
ایسه چپقه کلدی چون آرزوی دیدار دلداردن
چشمی یار و عالم باشنه طار اولدی ناچار جاری بوزندی
و عادت معهودی اوزره نیکاره کورندی زن کمال
تعلقندن استقبال ایدوب تملق ایتدی و ایتدی ای
یار مهربان بوندن خود حالیا کتدک نه عجب تیر میل
مواصلت ایتدک جوان بیلدیکه قصه ندر کلشنه بر بهانه
ایدوب فی الحال دوندی کتدی و جاری آتسه اوروب

غلامن رد ایدوب وجانانه سن ترك ایتدی ا کراول زن
امرند، شتاب ایتسه لوت مواصلت غلامله آلوده اولمزدی
وانکله جوان میانده، رشته مصاحبت انفصام
بولمزدی

بیت

چون نهال شتاب بنشانی

ندهد جز بر پریشانی

بومثلی کتوردم تاملکه معلوم اوله که امضاء قضا
وتنفيذ احکامده بلکه مطلقا اتمام مصالح خاص وعامده
شتاب نا صوابدر وهر امرده اهتمام لازم وتأنی تمام
واجبدر

بیت

قوتعجیلی که اول شیطان اشیدر

تأنی صبرله رجان اشیدر

حقیقت بودر که بن بوسوزی بیم جان وهیبت وهم
سیاست سلطاندن دیمزم وبویابده چندان کندم
ایچون غم ییمزم اگرچه مرک خواب نامرغوب واسایش
نامطلوبدر اما (اینا تکنونوایدرکم الموت) مفهومی
موجببنجه آخر الامر البته مقرر واندن خلاص غیر

متصور در بن دکل جباران جهان که فلک کلاک
 و سپهر غنچه سنک دیم زردی و امکان مرک و احتمال موتی
 پیرامن ضمیر لرینه کتور مرز ردی شکجه پنجه اجله
 گرفتار اولوب بیلدیلر که دایره فنا و فواتدن هیچ
 بر احده نجات میسر و بروج مشیده به عروجله مغاک
 هلاکدن خروج متصور دکلدن

✽ مشنوی ✽

قنی اول یر تیور زنده شاه اولنلر
 سر یر سلطنتده ماه اولنلر
 یاتلر شمعی برالتده ابتر

قرا طیرا غنه اولمشلر برابر
 آررسک اذره ذره هر غباری
 بولورسک بردیارک شهر یاری

✽ نثر ✽

ساقی دوران الندن کیم بر جرعه حیات نوش ایتدی که
 عاقبت (کل من علیها فان) جامندن قان ایچمدی و خیاط
 روز کار که خلعت بقا کیدر دیکه آخر قماش فنادن اکا
 قنایچمدی

✽ قطعه ✽

گردون در آفتاب سلامت کرانشاند
 کاخر چو صبح اولش اندک بقا نکرد
 خیاط روزگار بهالای هیچ کس
 پیراهنی ندوخت که آنرا قبا نکرد
 * نثر *

اگر بنم برد کل بیک جانم اولسه و بیلسم که جمله سن
 ملکه فدا ایتکله اکا بر فائده مترتب اوله بالکلیه جمله سن
 ترک قلیدم وانی سعادت دوجھانی و سلامت جاودانی
 بلیدم

* بیت *

جان شیرین کر قبول چون تو جانانی بود
 کی بجانی باز ماند هر کر اجانی بود
 * نثر *

اما ملکه بی امرک طول و عرض ندیده نظر فرض عین
 بلکه عین بو فرض دزد که کشوز بی لشکر ضبط اولمز
 و خدام کافی و کافله خیال باطله قصد ایملک اولمز
 و هروقت کفایت مهماتک عهده سندن کلور یرار
 خدمت کار بولنمز و برجا کر که محل اعتماد اولوب لایق
 تربیت و سزاوار عاطفت اوله اله کیرمز

بیت

سالها باید که تايك سنك اصل از آفتاب
لعل گردد در بدخشان يا عقيق اندر يمن

نثر

مادر شیر کوردیکه ملک کلام دمنه بی سمع رضا
و حسن اصغالیله استماع ایلر اکا بواندیشه دوشدیکه
ناکا، شیر آنک خرافات تقریر و مزخرفات تزویرندن
متأثر اوله و فصاحت لسان و بلاغت بیانی شیرینی
بوقضیه بی تحقیقندن فارغ قیله شیر جانبنده متوجه اولوب
ایتدی ای پسر وای پاره جگر سنک سکوت و سکونکدن
و ظاهر حال و درون و بیرونکدن بو مفهم اولور که
دمنه احوالنده واقوالنده، صادق و سائر لر تزویر و کذب
اوزره متفق اوله عجبدر که سن بو عقل متین و بو ذهن
دور بین ایله غث و سمینی فرق ایتمز سن و بو فهم تیز
طبع کوه ریزله درنی خر مهره دن تمیز ایلز سن
چون کلمات صادقده دن متأثر اولز سن هذیانات فریبنده یه
میل ایتمه باری

بیت

نوا ی بلبلت آخر کجا پسند آید

چو گوش هوش بمرغان هرزه کوداری

نثر

پس خشم تمامه مجلسیدن قالقوب مقامه کتبی
 بو کلام طبع شیرده تأثیر تمام ایدوب امر ایتدی
 تادمه برفته بی قید و بنده زندانه ایلتهل و ایرته قضاة
 امرن کاینیغی تنیش ایدوب کورهل حق طاهر اولیجق
 امر شرع شریف هر نه ایسه یرینه کتورهل چون
 مجلس آخر اولوب شیرک دیوانی صاولدی مادر
 شیرینه ملک خلوتنه واروب ایتدی ای فرزند
 دلبندم دأتمدمنه نك احوال عجیبه سن و اوضاع غریبه سن
 ایشیدرم حالیا جزم ایتدمکه انجوبه زمان ونادریه
 دوران ایش کور بوار اجیف واکاذیبه نیچه آب و تاب
 ویرر وهر سؤاله صورت مصوابه نیچه فوری جواب
 ویرر و بومضیق مخصوصه بودقیق مخلصارندن فهم
 اولنور که اگر مقامده وسعت اولیدی و کلامه ملک
 جانبندن فی الجمله رخصت و فرصت بولیدی بر حرقله
 کندوسن بودریای ژرفدن خلاص قیلیدی ای پسر
 محقق و مقرر در که آنک قتلتمده ملک و ملکه و کشور
 و لشکره نفع عظیم وارد اولی بودر که اکا کلامه

(فرصت)

فرصت وجوابه رخصت ویرلمیه و آنک قتل یابنده
 تردد و توقف جائز کورلمیه شیرایتدی ای مادر خواص
 ملوکک حالی حقد و حسد دن خالی دکلدر علی الخصوص
 انلر که عاقل و خردمند و کامل و هنرمند اوله
 و هنرلی و سبیله سبیله درجه عزته یتشوب کمالی
 سبیله شرف قرینه یول بوله لر که اهل هنرک حسودی
 چوق و بیهنزه حسد ایدریوق

شعر

ان العرائین تلقاها محسدة

ولن ترى للناس حسادا

نثر

دمنه نکدخی نهال حالی برک و بار و کمال ایله سرفراز
 و جناب کامیابه تقرب و انتسابله اقرانی میاننده ممتازدر
 یکن که ارباب حسد آتش سعایتله خاندان تقریبی
 کویندر مکه قصد ایده لر بلکه آب شمشیر سیاستله
 آتش حرارت غریزه سن سویندر مکه جهد
 ایده لر

نظم

حسد اهلنده بودر رسم و عادت

کوره برکسده، رشد و سعادت
 طور ژنک حسد آینه سینی
 یقار هم رشك اودینه سینه سینی
 اولور هر دولت اسینک حسودی
 حسد در بنیت و دولت اودی دودی
 نثر

مادر شیر ایتدی ای پسر بودر جهده حسد که
 بر پیکنا هک اتلافه باعث اوله نیجه میسر در شیر
 ایتدی حسد بر آتش در که چون مشعل اوله خشك
 وتری یقار و برسیلدر که چون منهدر اوله بنای فکر
 و صبری یقار بلکه انک سببیه کشتی دائره دین
 و دیانتدن چیقار و غایت حسدانی اقتضا ایدر که کشتی
 کندی کندی به نسبت احساندن دخی چقار اول اوج
 نفر حسودك قصه سی چهره مقصودندن نقاب
 خفای آچار مادر شیر التماس ایتدی که ملک بو مثلك
 یوزندن برقع احتجابی کوره و بوقصه نك عروسن
 عرصه خفادن منصه ظهوره کتوره

حکایت

شیر ایتدی روایت ایدر که اوچ رفیق برطر یقده

(کیدرلردی)

کیدر لر دی و مر افقت و موافقت ایله بیابان قطع ایدر لر دی
 ناکاه اثنای راهده اوچندن بریسی اول ایکسینه ایتدی
 ترک یارود یار ایتکزه سبب ندر و مشقت سفری راحت
 حضر اوزره احتیار ایتکزه موجب نه آنلردن بریسی
 ایتدی بنم ترک مسکن و جلای وطن ایدوب مذاق
 فوائد حضر دن مشاق شداید سفری ترجیح ایتدیکمه
 باعث اولدر که ساکن اولدیغم شهرده بعض اوضاع که
 ظاهر اولوردی حسد ایدر ایدم و صرصر حسد
 خرمن صبری بر باد ایدوب آتش رشکله یانوب کیدردم
 آخر دردمنه بودوایی فکر ایتدمکه برقاچکون جلای
 وطن ایدم و باشم آلوب بر جانبه کیدم تا اول احوالی
 مشاهده ایتیم و آشنا و بیگانه دن دخی ایشتمیم
 رفیق اخر ایتدی بکا دخی همان بوداء مخوف دامنگیر
 اولوب وطن مألوف و مسکن معشوقدن جدا قلمشدر
 رفیق ثالث ایتدی فرخبا بالوفاق علی احسن الاتفاق
 بکا دخی بوبلا باعث جلا اولوب بنی دخی بودرد دشت
 پیا و صحرا نورد ایتشدر

❁ بیت ❁

سخن درست بگویم نمی توان دیدن

که می خورند حریفان و من نظاره کنم

نثر

رفیقار چون برینک حالی تحقیق ایتدیلر بحکم جنسیت
خوشحال اولوب ملاطفت و مصاحبت ایله کتدیلر
برکون اتفاق میان رهگذارده بر بدره زر خالص و تمام
عیار بولدیلر و بونعمت و غنیمت ایله شاد و خرم اولدیلر
و همان اول منزلدن نزول ایتدیلر و بری بر یله مشاوره
ایدوب ایتدیلر که محنت فاقه دن جگر مزخون و درد
فقرله حالمز دکر کون ایکن اتفاق کنجور خزاین
ارزاق بوا حسانی بزه ارزانی بیوردی اولی بودر که
بوزری علی السویه بونده قسمت ایده وز و همان
بو منزلدن دونوب وطن اصلیمزه کیده وز و آتی نعمت و غنیمت
بیالوب سرمایه کار و پیرایه روزگار ایده وز چون
قسمته قصد ایتدیلر عرق حسد هر برینک جسدنده
نابض و دیو طمع عیش دماغنده بایض اولدی هیچ
بر یسی راضی اولمدی که کندیدن غیره اول بدره دن
بهره و اصل اوله پس متخیر و فرومانده قالدیلر قصور
همتدن نه بوکا اقدام ایده بیلورلر که میان رآهده انی
قویوب کیده لر و وفور حسد دن نه بوکارضا و یرلر که

(علی)

علی سبیل التساوی هر برینه قسمت ایدلر بر کون
 و بر کجه بو ترده اوزره میان بیاباندن حیران و سرگردان
 قالب مهماری فیصل بولمادی و بومناز عتدن آنلره
 جوع مفرط و عطش مهلکدن غیری فائده حاصل
 اولمادی حکمت الهی مکر اول نواحینک بادشاهی
 قصد شکار ایچون صحرايه چقمقشدی اول مقامه ایردی
 اول اوج نفر شخصی میان بیابانده کوردی هیئتلرندن
 شائبه حیرت تفرس ایدوب کیفیت حالرین صورتی
 آنلردخی صورت واقعه بی علی ماهو الواقع عرض
 ایدوب ایتدیله که بز اوج نفر کسمه نین صفت حسد
 ایله اراسته و پیرایه رشک و طمع ایله پیراسته بوسبیدن
 ترک یار و جلای دیار اختیار ایدوب خیلی زماندر که
 سرگردان و بی سامان بودشتی کشت ایده رزو بو طریق
 دور و دشوار و بیابان مغیلا نزارده روز و شب کیده رز
 حالیا که بو مقامه وصول بولدقده بو حاله مبتلا اولدق
 ضروری بر حاکمه محتاج ایدککه علی وجه الاستحقاق
 یوزری بزه قسمت ایدیدی و باب تقسیمده جاده عدل
 و صراط مستقیم اوزره کیدیدی چون قدم مبارک
 پادشاه بو مقامه واصل اولمادی بیلدککه دعای

مستجاب اولوب مراد من حاصل اولدی * ع * شد
 بحمد الله میسر آنچه ما میخواستیم * پادشاه ابتدی
 چون حال کز بوم نوال اوزره در که بیان ایتدی کز سزه
 لازم اولدیکه صفت رشک و حسد کز نه مرتبه ده
 در عیان ایده سز تا مرتبه استحقاق کز بیلم و اول
 نسبت اوزره بوزری سزه قسمت ایدم ایچندن بریسی که
 اوچندن کیشی ایدی ابتدی بنده بوصفت بدیع رشک
 و حسدن بر حده در که هر کز دیلزمکه بر انسانه بندن
 ذره دکلو احسان صادر اوله یا شفقت و مرحتدن
 بر فرد کائنات راضی و شا کر اوله ایکنجیسی که مر رعه
 حسدک ایکنجیسی ایدی ابتدی سن بوم دعا اوزره که
 ادعا ایدرسن ارباب مروتن ایمش سن دعوای حسد
 ایدوب ندرسن بن بوباید بر مشابدهیم که اصلا
 راضی دکلم که کورم بر کشی بر کشی یمه کندی در میله
 کرم ایلیم و بر کسینه بر کسینه کندی مالیه خوشحال
 قیله اوچنجیسی که ارباب حسدک غلاتندن ایدی
 ابتدی معلوم اولدیکه ایکی کز دخی دعوا کرده زور
 و صفت حسد دن بغایت دور ایمش سز دعوا بکا
 لایقدر که بوصفته بر مرتبه دهیم که غیری باینده دکل

بنم حقمه، دخی براحددن کرم صادر اولدیغنه راضی
 دگلم ملک چون آنلرک حالن کوردی انکشت حیرتی
 دندان عبرت ایله اصردی و بو تهکارلرک کلماتندن که
 رقم شقاوت (ام یحسدون الناس) آنلرک الواح
 صفات و ذاتند، لایح ایدی معجب قالدی برزماندنصکره
 ایتدی ای حر مزاد، لر کند و فتوا کرله بومال حلال
 سزه حرام اولدی، و هر بر یکره کنانه سزاجزا لازم
 کلدی پس امر ایتدی تا شخص اولی نسی وار ایسه
 آلوب سرو بابرهنه تشنه و کرسنه اول بیابانه صالی
 ویردیلو و حسود ثانی بی فرط حسدندن تیغ بیدریغ
 ایله باشن جسدندن ایردیلو و شخص ثالثی دخی انواع
 عقاب ایله معاقب قلد قد نصکره انکدخی امرین
 قایردیلر و شامت حسدله اول اوچ کسنه دام حده
 گرفتار اولدیلو

رباعی

آن درد که درمان نه پذیرد حسدست
 آیین حسد قاعده دیو و ددست
 کوینده حسود خصم مردم باشد
 کوزانکه نکودر نگیری خصم خودست

نثر

بومثلی ایراددن مراد اولدر که حسدک بر مر تبه سی
وارددر که حسود غیرک دکل کندونک سودینه دخی
راضی اولمز بوندن معلومدر که سائرله نسبت نه
مسابهده اوله کلام بودر که حال دمنه همان بومثوال
اوزره اوله مادری ایتدی بن بودر کاهک مقر بلرندن
براحده صفت حسد فهم ایتمزو هیچ بر یسنک دامن
خالی برخیانن لوئله آلوده اولق کمان ایلزم ظنم
بودر که انک قتلنه جمله نک اجماعی و اتقاقی اصلاح ملک
و نصیحت ملک جهشنددر والا اول درده علاج
بو دارویه محتاج دکلدر شیر ایتدی بو بایده شبهه دن
خالی دکلم اول سبیدن دمنه نک سیاستی امرنده
شتابیدن اجتناب ایدر مکه مبادا غیر یلره منفعت ایچون
کندمه مضرت قصد ایتمش اولم و رضاء خلق ایچون
العیاذ بالله غضب حقدن کوز یومش اولم چون حقیقت
حال هنوز منکشف اولدی آنک قتلنی تأخیر ایتسک
عذرمرزی خلیق قبول ایتزمی و بو بایده شتر به امری
بزه اسوه حسنه یترمی صواب اولدر که کمان مجرد
ایله هنرمند و اهل کفایتی ضایع ایتیم و تاجال یقین

نقاب ظن و تخمیندن یوز کو ستریمیه هیچ پر امری نفاذه
و هیچ بر قضا یی مضایه ینشدریم و بو کلامک
مضمونندن که بعض اکابرک

✽ بیت ✽

کوهر دریای ادارک لطیف و پاکیدر
زاده طبع شریف و خاطر دراکیدر
✽ نثر ✽

تجاوز کو ستریم

✽ مثنوی ✽

چو چشم افتد بر کنه کسی
تأمل کن اندر عقوبت بسی
که سهلست لعل بدخشان شکست
شکسته نشاید دگر باره بست

✽ نثر ✽

شیر ایله مادری میاننده بو کلام بو محمله تمام اولوب
هر بری کنندی مقاملرینه کتدیلهر اما چون دمنه یی
قید و بندایتدیلهر و غل ذل ایله زندانه ایلتدیلهر کلیله
ایلله میانلرنده اولان علاقه اخوت و شفقت و قرابت
و حقوق صحبت مقتضاسی اوزره دمنه یی کورمکه

و خاطر عاظر بن صور مغه زندانه کلدی و همانکه اول
حالتده کوردی باران سرشک سحاب دیده سندن
یاغدی و دود سیاه آتش آه کانون دروندن آسمانه
آغدی و کریبان صبری چاک ایتدی و آواز دردناک
ایله نوحه یه آغاز ایدوب ایتدی

✽ بیت ✽

بویله کورمکدن سنی محروم اولیدم کاشکی
کلیدم عالمه معدوم اولیدم کاشکی

✽ نثر ✽

دمنه دخی کریان و غریوان اولوب ایتدی

✽ بیت ✽

مرادوریء دوستان عزیز
چکر خسته دار ددل آزرده نیز

✽ نثر ✽

اگر چه که محنت بند و مشقت قید بلای عظیمدر امدادرد
و محنت فراق ورنج حسرت و اشتیاق بکا آندن
ایمدر

✽ قطعه ✽

فرقت شمع رخکله وارمیدر بر کجه کیم

آتش غمده دل بریانم اولیه کباب
وارمیدر بردم که هجر جانکداز یارایله
چهره زردمده خون دیده اولیه خضاب

نثر

کلیله ابتدای ای برادر بن بدایت حالدن حقیقت مآله
واقف ایدم هر بار که پند و نصیحتده مبالغه ایدر ایدم
اصلا التفات ایتزدک ورأی ضعیف و فکر نحیف
و تدبیر غائب و تأمل غیر صائبکه استظههار ایدردک ای
دمنه بن بو مال حالک سکا بویله او بخین دیردم اخي
ع * بو بلار دیدیکیم بیکده بریدردخی * اگر
مبادی احوالکده نصیحتده سکا اهمال ایدیم سنکله
بو خیانتده شریک اولوب حالیا سنکله بو کلامه اقدام
ایده مزدیم ای غافل بیلرمیسنکه حکما تمام اجلندن
او کدین تمام اولور دیدکلرینه نکتته ندر آندن مراد
حصول مرک و ممات و خلول هادم الانات دکلدر
بلکه برنجیه گرفتار اولور که هرگز حیاتندن حظ ایتمز
و چاشنی مرک کام آرزوسندن کمتر دیمکدرنته که سن
حالیا بو بلایه مبتلاسن لاجرم ممات بو حیاتدن سکا
هزار بار اولی در

❖ بیت ❖

چنین که هست دلت راز غصه فرسودن
هزار بار به از بود نیست نابودن

❖ نثر ❖

دمنه ایتدی ای برادر فی الواقع کلام حق تبلیغه تقصیر
ایتدک و شرط نصیحت و حق اخوتی داده تهاون
بیورمدک ولیکن شره نفس و غلبه حرص و تمنای جاه
عقله غالب اولوب فکر عواقب کار کر اولمدی و پرده
غفلت و حجاب غیرت بصر بصیرتمی سترایدوب
زواجر نصیحت قلبیده اثر قلمدی بن بوامرک وخامت
عاقبت و شأمت خاتمه جازم ایکن اکا شروع ایتدم
وجیع خطر و ضرری قبول ایدوب بو طریقہ کتدم
اول بیمار کی که مخالف غداک ضررینه واقف ایکن
اشتهاسی مقتضاسی اوزره عمل ایدر پس بو مقوله
کسنه که متابعت هوا و مطاوعت اشتها دن ابا و امتناع
ایلمیه هر نه ادبار که اقبال قیله و هر نه بلایه که مبتلا اوله
تحمل لازمدر که اگر شکایت ایتسه همان کننیدن
ایتمش اولور

❖ بیت ❖

من ناله زیگانه ندارم که دلم را

هر غم که رسیدست هم از خویش رسیدست

نثر

کلیله ابتدی عاقل اولدر که هرامرک فاتحه سندن
خاتم سینه ناظر اوله و بر تخی امدین برین و بر نهالی
دیگمدین ثمرین ملاحظه قیله تا اول فعلدن پشیمان
واول عملدن پریشان اولیه که اول پشیمانلق موجب
ملالت خاطر احبا واول پریشانلق سبب جمعیت
دل اعدادر دمنه ابتدی ای برادر بی خصم اولق دون
همتر صانعیدر و همیشه راحت ورفاهیت سغله
و بی حرمتلر حالتیدر صاحب همت عالی اکثر صعب
خطرلردن وکلی ضررلردن خالی اولمز

بیت

کی بچوکان هوس بردن توان کوی مراد

پادرین میدان نهی اول زسر باید گذشت

نثر

کلیله ابتدی دولت بی ثبات وجاه بی بقا آندن بو قدر در دو بلا
ورنج و عنایه دگر می و فی الجمله عقلی اولان کسینه
عبادتخانه رحانی قویوب خدمت آستانه سلطانه

باش اگر می دنیای غدار و دولت ناپایداره اعتنا و اعتبار
و اعتقاد ایتمسك حالیا خلاب عذاب و گرداب عقابه
گرفتار اولمز ایدك دون حقد و حسد بزرین اكسك
بو کون بر محنت و ثمر نكبت حاصلن كو تر مز ایدك دمنه
ایتدی راست سو یلرسن بو زهری بو شر بتده بن تعبیه
ایتدم عاقبت انی ایچسم كرك و بو تخم بلایی زمین حاله
كندی الله اكدم ظاهر بودر كه ینه آنی بچسم
كرك

❖ بیت ❖

دهقان ساخورده جه خوش گفت بایسر
كای نور چشم من بجز از كشته ندروی

❖ نثر ❖

كیمك كه اكدیكى زهر کیا و بزره لاهلدر آندن كلنكین
و نیشكر توقع ایتك تمنای باطلدر محققدر كه رشته
صلاح حال منقطع و امید فلاح احتمال ممتنعدر نه
سرانكشت تدبیر ایله كه تقدیر منحل ونه آینه اندیشه ده
چهره خلاص كورنك محتملدر تحقیق بیلدم وعین
الیقین مشاهد، قیلدمكه كوهر شاهوار دولت مخاطره
در یای محنته دكز ایش

بیت

یس آسان می نمود اول غم در یابوی سود
غلط کردم که یک موجش دو صد کوه ر نمی ارزد

نثر

کلیله ایتدی حالیا بو ورطه تدمیردن نه شرطه تدبیر ایله
خلاص فکر ایدرسن ونیجه مردن راه نیساته ظفر
ملاحظه ایلرسن دمنه ایتدی

بیت

در تنکنای عشق توجستن ره خلاص
مشکل بود که رخنه تدبیر بسته اند

نثر

اکثر بودر که کشتی حیات کرداب هلاکده غرق و کارو بار
بقاتار بو ارفناده حرق اوله پس کر کدر که زبون اولوب
ضعف قلب کو سترمیم و بو باید ممکن اولدیغی قدر حیه
و مکر و تدبیر و فکری دریغ قیلیم بکا اصل خوف کلی سنک
جهت کندر که مبادا سن بنمله متهم اوله سن و ما یغزده اولان
علاقه اخوت سببیه ورطه محنته دوشه سن اگر عیاذا
بالله سکا تکلیف ایده لر که کیفیت حالی بلدیگک کی
تعریف ایده سن اول وقت بکا ایکی نوع بلا و محنت
متوجه اولور اولو بو که بنم جهنم دن سکا زخمت متطرق

اولوب واسباب حضورك خوشه پروین کی مجتمع
ایکن بنات النعش وار متفرق اولور ثانیاً بو که من بعد
بکا امید خلاص قالمز زیرا که سنك صدق کلامك
خاص وعام و کافه انام میاننده روشن وهویدادر
وسندن که بنای افعال واقوالك قواعد صدق
وصیانت ودعایم دین و دیانت اوزره مبتنیدر کتمان
شهادت احتمال محالدر بوتقدیرجه بزم مایغزده
ملاقات یوم مکفاند، میسر اولور ومصاحبت عرصه
عرصاته وجود بولور کلمه ابتدای دهنه دیدیکك
کی واقعا بن عقابین عقابه صبر ایدوب شکنجه ایله
پنجه طوتمزم وحق صریحی کیم ایدوب خانه خیانتی
تعمیر و دیوار صدق واستقامتی هدم اید، مزم صورمدن
دخی واقع حالی بنم مذهبده اعلام ایتك لازمدر بوقنده
قالدیکه مناقشه ومصادره احتمالی اوله صلاح
بودر که کنه که اعتراف ایدوب صادر اولان جرایمه
اقرار اید، سن ونفسکی شرطه توبه و انابتله کرداب
عذاب اخرتدن خلاص قیله سن که عین الیقین
معلومدر که بوقضیه ده سنك سرانجامك هلاک اولسه
کرك چون چنکال نکال دنیادن رها محالدر باری

کندیکی چنک عقاب عقاب عقبایه گرفتار ایتمه و چون
 خمخانه فناده شراب تلخ عذاب تیرع ایتمک مقرر در
 باری دارالملک بقاده شورایه عقابدن چاشنی طایمه
 دمنه ایتدی بو خصوصده تأمل ایدم انشاءالله تعالی
 خاطر مه خطور ایدنی بیقصور حضور موفور الحبور که
 عرض ایدوب بو بایده هر نه حیله که تمسک ایدم سنک
 اشارتکسن ایتیم و بو مضیقندن خلاصده هر نه
 طریقه که کیدم بر قدم اجازتکسن کتیم کلایله مغموم
 و مهموم دونوب کتدی و تفوتاب تب اندوهله محجوم
 اولوب بالین ملالتیه باش قویوب یادی اول کیجه
 صباحه دك تمل واضطراب ایدوب علی السحر نقد
 جانی متقاضی اجله روان ایتدی ❖ ع رفت و چندین
 آرزو و باخاک برد ❖ اما اول زمانده که کلایله و دمنه
 میانده بو قدر مباحثه و محاوره واقع اولدی سیاعدن
 بریسی زندانده محبوس اولوب بر کوشه ده یاتوردی
 جاری اولان ماجرای نقیر و قطمیر ایشندی و وقت
 فرصته کرک اوله دیو واقع اولان کلماتی بخلاط و خبط حفظ
 و ضبط ایتدی ❖ ع هر سخن وقتی و هر نکته زمانی
 دارد ❖ چون صباح اولدی شیر زرین چنک شاه

سیار کان پیشه زمر درنگ آسمانن نمایان اولدی
ودمنه تیره روی و سیاه نامه شب چا زندان خفاده
متواری و پنهان اولدی

❖ بیت ❖

کورندی طره شبدن رخ روز
جمالی اولدی آفاق دلفروز

❖ نثر ❖

ینه مجلس مظالم قائم اولوب قضاة احضا را اولندی
ومادر شیر حدیث دمنه بی اعاده ایدوب ایتدی ای
جان مادر ظالمیری ابقا مظاوملری قتلدن بدتر
و بد کردارلره احسان نیکو کارلره اسائه برابردر

❖ شعر ❖

ووضع الندی فی موضع السیف بالعلی
مضر کو وضع السیف فی موضع الندی

❖ بیت ❖

نکویی بایدان کردن چنانست
که بد کردن بجای نیک مردان

❖ نثر ❖

هرکسه که قادر اولوب بر فاجری فجور دن زجر و بر

ظالمی ظلمدن حجر ایلمیه فسق و ظلمده آنلرایله شریک
وعقاب عقباده آنلره مشارک اوله (ومن اعان ظالما
سلطه الله علیه) وعیدی آنک حقننده ظهوره
کله

❖ بیت ❖

بدمکن و یار بدان هم مشو

وز بد کس خوشدل و خرم مشو

❖ نثر ❖

شیر قضاته بیوردی تادمه نك قضیدسنی فصل
ایتمکده تعجیل ایدوب خیانت و دیانتدن هر کوننه ظاهر
اولورسه علی التفصیل پایه سریر اعلایه عرض ایدر
پس اشراف انام و قضاء و حکام و خواص و عوام اول
جمع خاص و محفل عامده حاضر اولوب قاضی القضاة
حضرار مجلسه متوجه اولوب ایتدی ملک دمنه نك
حالی تفتیش و تجسسه و اول متهم اولد بخی خصوصی
تنقیر و تفحصده حددن زیاده مبالغه ایدوب بیوردیکه
تابو مهمک چهره سی غبار شبهه دن معرا اولیه مهم
آخره تعرض اولمیه و آنک حقننده امضا اولنان حکمده
لازمدر که شرط عدالتی مرعی طو توب جاده انصافدن

جانب اعتسافه میل و انحراف قیلمیه پس هر بریکزه
 واجبد که بویابده هر نیه واقف ایسه کن کتم
 ایتیموب اظهار اید، سز که بونک، ضمنده اوج کلی فائده
 مندر جدر اول بو که حقه معین و ظهیر اولوب لواء
 کلمه صدق اعلا ایتک هم دین و شر یعتده قدر تمامی
 وهم آیین مروته حرمت مالا کلامی وارد ر ایکنجی
 بودر که بناء ظلی یقمق و خانه ستمی یاقق و اهل تزویر
 و تبلیسی پایمال و ارباب غدر و خیانتی کوشمال ایتک
 موافق رضای خالق و ملایم طباع اشرف خلیا بقدر
 او چنجی اصحاب جور و فساد و ارباب غدر و افساد دن
 خلاص اولمغک نفی کامل و فائده سی کافه، نامه عام و شاملدر
 چون کلام آخر اولدی حاضر اولان جمله و حوش
 ساکت و خاوش اولوب هیچ بر جانب دن جواب اگر خطا
 اگر صواب صادر و ظاهر اولدی زیرا که دمنه نک بو فعلنه
 جازم دکلمر ایدی کمان مجرد ایله بر کلامه اقدام ایده
 مدیلر که مبادا آنلرک قولیه بو حکم مرتبه امضایه
 یتشه و شاید که خلاف حق بر کلمه اهراق دم معصومه
 باعث اوله چون دمنه بو حال مشاهده ایتدی باغ ارم
 کی کوکلی خرم طوودی اما غمکینلر کی یوزین درهم

ایدوب ایتدی ای اکا بر دین و دولت وای مشاهیر ملک
 وملت اگر اول اسناد اولنان تهمتدن ساحه ذمت
 بری اولسه سزک بوسکو تکرزه کوکلم شادوبو بایده
 واقع اولان سؤاله جوابده خاموش اولمکز ایله بوزق
 کوکلم اوی آباد اولیدی بنم یکناه اولدیغمه بودالدر که
 جله کزک زبانی بو خصوصده لالدر اما بیجرم اگر
 مقدوری مقداری کند و امر ند، سعی ایلسه معذور
 درین سیره عین تکلیف ایدوب تحلیف ایدرمکه سزدن
 هر کسنه که بو تهمتدن کلی و جزئی بر نسنهیه واقف
 اوله کتم ایتیه سویلیه اما واجبدر که جانب اعتسافدن
 اجتناب ایدوب طرف انصافی رعایت ایلیه زیرا
 هر کسنه که قوی آخرک قتلی باینده نص قاطع
 مشابه سنده اوله لازمدر که مبنای شهادتی ظن واهی
 ووهیم باطل اوزره اولیوب صدق وافی و یقین کامل
 اوزره اوله تا (اذا رأیت مثل الشمس فاشهد) موجب ایله
 حامل اولوب ادا ایتدیکی شهادتک جزاسی عاجلده
 و آجلده اکا حاصل و واصل اوله هراحد که بنی ظن
 و شبهه و کمان مجرد ایله معرض تلف و موقع هلا که آتیه
 اول جزای بوله و اول بلایه مبتلا اوله که اول طیب بی علم و عمل

اولش در قضا استفسار ایتدی لر که نیجه اولش در
اول

❖ حکایت ❖

دمنه ایتدی روایت ایدر لر که بر طبیب وار ایدی پیرایه
تجربه دن خالی و سرمایه دانش و در ایتدن عاری
بو جهل ایله ینه خلقه طبابت ایدوب فن طبده دعوائی
خذاقت ایدردی اگر چه که بیمار خانه عالمده اولدخی
طبیب ایدی اما علمدن بی بهره و علمدن بینصیب ایدی
تشخیص اراض ابداند، بر مر تبه ده نادان ایدیکه صداعی
نقریسدن تمیز قیله مزدی و ترکیب معاجینه
بر مشابده جاهل ایدیکه تریاق فاروقی سم هلاهلدن
فرق اید مزدی معرفت ادویه ده طبایع عشب و مقادیر
عقاقیر دن غافل ایدی و کمیت اغدیه و کیفیت اشربه دن
تمام لایعقل ایدی

❖ بیت ❖

بد علاجی که هر که چهره او
دید دیگر ندید روی حیات

❖ نثر ❖

تا اول شهره دهر بر شهرده جهالت دکان آچش

و مزارع اعمار ناسه هلاك نمن صالحش ايدو حج
و عليل و عزيز و ذليل اول طيب جاهلك شربت ايجمش
ايدى ناموافق علاج ايله عمارت اعمار خلايق خراب
و قبض ارواح و نقض اشباحده كويا ملك الموتدن
قائم مقام و نائب مناب ايدى

بیت

باوجود قابض ارواح او مثل طيب
هيج حاجت نيست كس راقبض عزرائيل را
اول شهرده بر طيب لبيب وار ايديكه كمال هنز ايله
آراسته و يمن معالجه و بركت دم و قدم ايله پيراسته
دمى دم عيسى كى جانبخش و قدمى قدمى حضر كى دلشكش
قطعه

كر خواستى يك دونفس آفت دوار
زائل شدى ز كيند دوار بى ثبات
يمن قدم چنانكه بباغ از درامدى
دادى زرنج رعه سفيد ار رانجات
نته كه عادت روزگار ستمكار در كه هميشه هنرمندار
آنك نواله خوان احساندن ينوا و يهنزل موأند فوآند
بيكرانندن امتلادر

❖ بیت ❖

هنر نميخرد ايام ازان شکسته دلم
 بجا روم بيجارت بدین متاع کساد
 بوجالینوس عصر و بقراط دهر که طالعی نحوست
 و تراجمه یوز طوتوب کو کب نور باصره سی کسوف ضعفه
 مبتلا اولدی و علی سبیل التدریج اول عزیزک چشم
 جهان بینی مشاهده روز روشن و تماشای طرف کاشیدن
 قالدی تا اول زمان که چشمه چشمی عین نور و نوعیندن
 دور و کوشه کاشانه ده عین انساندن انسان عین کی مخفی
 و مستور اولدی چون اول طیب عام فریب یرمق تضای

❖ بیت ❖

چو بیشه تهی کرد از زره شیر
 شغال اندر اید به یشنه دلیر

❖ نثر ❖

میدان علم ابدانی مدعی لردن خالی کوردی صنعت طبابتده
 دعوای خذاقته آغاز ایدوب آزمودنه اول ولایتده
 طیب مسلم و حکیم محترم اولدی و معالجه سی افواه انام
 و السنه خاص و عامده شهرت کاذبه ایله اشتهار
 تمام بوالدی

❖ بیت ❖

پری نهفته رخ و دیو در کرشمه حسن
بسوخت عقل ز حیرت که این چه بوالعجب نیست

❖ نثر ❖

شهر یار شهری مکر بردختی وار ای دیکه مطلع ملاحتده
آنک کبی بر آفتاب دخی طلوع ایتش وعطا رصباچین
زلف مشکبار کبی بر نافه دخی کورمش واشتمش دکل
ایدی

❖ بیت ❖

فرشته خو پری رو حور عشوه
تذر وآر ایش و طاووس جلو

❖ نثر ❖

اول سرو آزاد بی کندونک برادر زاده سنه نامزد
ایدوب آیین شاهانه و آذین خسروانه اوزره عقد
نکاح و سور زفاف بیوروب

❖ بیت ❖

ماهه ایتدی آفتابی میهمان
زهره ایله مشتری قیلدی قران

❖ نثر ❖

اول ایکی اختر سعدک مقارنتندن صدف رحله
بر کوهر شاهوار منعقد، اولوب اول سرورفتار و شکر
کفتار هنگام وضع جلد، بر عارضه دشواره گرفتار
اولدی ناچار معالجه ایچون اطبایه مراجعت ایدوب
اول طبیب دانایی حرم پادشاهه دعوت ایتدیلر
و عرض مرضی اکا عرض ایدوب بر موجب (اذا الم
بك المرض فالمعالجة في المعالجة) معالجه ده معالجه التماس
ایتدیلر طبیب حاذق دخی مزاج مریضه موافق
علاج تدبیر ایدوب ایتدی بودایه بردار وایله دوامیسر
در که اکا مهران درلر شویله که آندن بردانق مقداری
سحق ایدوب حریردن کچوره لر و براز مشک تبی
و عود قاری ایله خلط ایدوب قیناده لر شربت ایدوب
ایچوره لر فی الحال مرض مزبور آندن زائل اولوب
شفای کلی حاصل اوله بودار و اگرچه که قلیل
الوجود در اما شر بتخانه همايونده بالفعل موجود در
نقره خامدن بر ظرفی ایچره تعبیه اولمش واکازر خالصدن
بر قفل اورلشدر لیکن بکاضعف بصر سببیه انی بوله
بیلک میسر دکدر اول زمانده طبیب نادان دخی آند،
حاضر ایدی ایتدی اول دارونک اسمی و رسمی ووصفی

وظرفی فقیر، معلوم واول اخلاطك ترکیب و ترتیبده
حقیرك نظیری معدومدر پس بر موجب فرمان شاهي
شر بتخانه یه واروب حقه مزبوره بی صفت مذکوره
اوزره تفحص قیلدی چون اول وضع اوزره حقه لر
متعدد ایدی داروی مذکوری تمیزده عاجز قالدی
و تشخیص ایتکدن اول حقه لك برینی الدی اتفاق
اول مهران دیدیکلری داور دکلدی بلکه بر مقدار
زهر هلاهل ایدیکه شاید مهم اوله دیو اول ظرفده
محفوظ ایدی حقه یی آچوب ایچنده اولان زهری سائر
اخلاطله خلط ایدوب وصف مذکور اوزره شربت
ایدوب مریض مزبوره و یردی مریض چون اول زهر
تلخی نوش ایتدی جان شیریندن ال یویوب تماشای
عالمدن کوز یوموب غوغای جهانی فراموش
ایتدی

❖ بیت ❖

کوزین یومدی تماشای جهانندن

فراغت بوالدی غوغای زماندن

❖ نثر ❖

ملك اول حالی مشاهده ایدیك سوز فراق آتش

تأثیردن شعله آهی فلک اثره یتشد یروب بیوردیکه
 تابقیه شربت اول طیب نادانه ایچوردیلر آنکدخی
 خرمن حیامن کویندیروب چراغ روحنی سویندیروب
 منزل وجودین وادی عدمه کوچوردیلر

❖ بیت ❖

نیکو مثلست این که هر کوبد کرد
 بدباد کری نکردهم باخود کرد

❖ نثر ❖

بومثلی کتوردم تابیلر که هر یزر عمل که زمین جهل
 اوزره زرع لئه بر مراد ویرمیسر و تیر قضا که کان محرددن
 کشاد بوله هدف صوابه ایرمیسر در حضار مجلسدن
 بریسی ایتدی ای دمنه سنک خبث طینتک خواصه
 واضح ولوث سیرتک عوامه ظاهر وسقامت طبع
 واعوجاج مزاجکه شکل و قیافتک برهان باهردر
 قاضی القضاة ایتدی بوجمجملی تفصیل لابد و بودعوایه
 اقامت دلیل لازمدر که بلاینه کلام بیفروغ و دعواوی
 مجردک اکثری دروغدر اول کسنه ایتدی علمای
 فراست شعار و حکمای حکمت اشتهار بیورمشلردر که
 هر شخصک که قامتی قصیر و عین یمناسی عین یسراسندن

صغیر اولوب کوزلنده حرکت واختلاج دائم و بورننه
اعوجاج وانحراف لازم اوله و کوزلی ایچرو کیره والنی
طشره چیقہ و متصل تقلیب حدقه ایدوب همواره
اشاغہ بقہ البتہ آنک ذات نامبارکی مجمع فساد و مکر
و منبع حیلہ و غدر اولق مقرر در علامات مزبوره بتامہا
بونده موجود و امارات رشد و خیر ناصیہء حالندہ
مفقود در دمنہ ایتدی احکام الہیدہ امکان میل
و م다ہنت ممتنع در و اول حضرتک افعالندہ کمان سہو
و غفلت و خطا و ذلت محالدر

❁ بیت ❁

غلط و سہو بر من و تور و است

بر جہان آفرین غلط نرود

❁ نثر ❁

بودیدیکک علایم دلیل حق و برہان صدق اولق
میسر اولسہ و انککہ صدق کذبدن و صوابی خطادن
فرق ایدوب و حق باطلدن تمیز ایتک متصور اولسہ
خلق عالم اظهار حقہ شاهد و عینہ محتاج اولزلر
ایدی قضاۃ دخی مرافعہ و محاکمتدن آسودہ اولوب
غوغای خصما ایلہ باشلرین اغر غمزلی ایدی بوندن غیری

لازم کلور که هیچ برنی کو کارشنا و مدحت لایق و بد کردار
قدح و مذمت مستحق اولیه زیر معلومدر که اول
مخلوق که بو علامت لردن حین آفرینش ده انک صفحات
فطر تنده هر قومدر بو علامتک لوازمی کند و دن دفعه
قدرت نهاد خلقتده معدومدر پس بو معامله که سن
بیور رسن لازم کلور که اصحاب خیر و حسنات ثوابله
مجازات وار باب شرع و سیاست عقابله مکافات اولمق
صفحات احکام شرع و عدلدن محو اوله و بو حیانتکه
نعوذ بالله بکا تهمت اولنور بو علامت مقتضاسی اولوب
دفعی حیر امکانده اولسه آنک سببیه بکا مناقشه
و عتاب اولمق کرک دکل که مصادره و عقاب
اوله

❖ بیت ❖

مکن درین چنم سرزنش بخود روی
چنانکه پرورشم میدهند میرویم

❖ نثر ❖

پس بن سنک فتواکله بو بلادن قورتلدم و بو مقدمات
موجبجه بو ورطه دن خلاص اولدم جهالتکه برهان
باهر و حاقته دلیل ظاهر در و کفایت ایتمی که بواسل

افاضل بیننده که هر بری مجمع فضائلدر و بونجلین
اماثل مجلسینده که هر بری عقل کامل و رای شامل
ایله میان حق و باطلی سیف صارم کبی قاطع و فاصلدر
دعوای دروغ و کلام بی فروغ و قول بی حجت و مدعای
بی بینیه جرأت ایتمکله غایت جهل و غوایت و نهایت
حق و غیباوتک اظهار ایلدک

❖ بیت ❖

پیر خرد از طرح سخنرانی تو
دانست که تا بجا است نادانی تو

❖ نثر ❖

چون دمنه کلامنه بووجهله آب و تاب و یروب کلام
خصمه بونسق اوزره جواب و یردی حضار مجلسک
هر بری صموت کالحت درج دهانلرینه مهر سکوت
اوروب مقابله ده برحرف کلامه اقدام ایده مدیلر
قضاةینه دفع مجلس ایدوب امر ایتدیلر تادمنه بی قید
و بندایله زندانه ایلتدیلر و ماجرای نقیرو قطمیر حضرت
شیره تقریر ایتدیلر

❖ بیت ❖

ایلتوب دمنه بی زندان ایچنه

قودیلر کلمه احزان ایچینه

❀ نثر ❀

چون دمنه زندانه کردی کليلة نك بردوستی وارایدی
اكاروز به دیرلرایدی زندان او کندن کچوب کیدر کن اتفاق
دمنه نك کوزی کوزینه راست کلدی حضـورینه
دعوت ایدوب ایتدی ای یار عزیز خیلی زماندر که
احوال کليلة دن خبردار دکلز امید وار ایدک که ایام
محتده احیاناً بزی کوریدی و بوبد حال و منکسر البالك
بریشان خاطرین صوریدی

❀ بیت ❀

یار محنت دمنده یار کرک

غصه وقتده غمکسار کرک

❀ نثر ❀

سن اندن نه خبر بیلورسن و کلمدیکن نه وجهله توجیه
ایدوب اهمالنه نه طریق ایله اعتذار قیلورسن
روز به چون کليلة نامن ایشـتدی درون دلدن
برآه جانکاه ایتدی وفواره دیدء کر یاندن سیلاب
اشکی روان ایدوب ایتدی

❀ بیت ❀

دل بشد از دست دوست رابچه جویم
نطق فرو بسته حال را بکه گویم
❖ نثر ❖

دمنه روز بهک طباطباضطرا بندن پراتهاب اولوب
کیفیت حالن و سبب ملال و انفعالن صور یجق روز به
ابتدی

❖ رباعی ❖

جانهای ما بسوخت ز هجران همدی
مجروح سینه ایم نداریم مرهمی
چون شمع سوخت رشتهء جانم ز تاب دل
وز سوز سینه می نتوانم زدن دمی
❖ نثر ❖

ای دمنه اول یار کرامی سر منزل فتادن دارا الماک بقایه
رحلت ابتدی و قلوب اخوان و یارانہ داغ هجران
اوروب کتدی

❖ بیت ❖

ای هم نفسان آه کدبی یار بماندیم
در دست غم هجر گرفتار بماندیم
❖ نثر ❖

دمنه چون کلیلہ نک وفاتی خبرین ایشندی بیہوش
 اولوب ککندیدن کتدی نیچہ زمان مدهوش
 اولدقد نصکره عقلی باشنه کلوب بمرکبی جوش
 وابرکبی خروش ایتدی وقطرات حسرات ومجافات
 عبراتی (کتواتر الدر من الضرع و تعاقب الویل
 علی الزرع) جهره سنه روان ایدوب سوز و نیاز وناله
 جانکذارله بونو حبه اغاز ایدوب ایتدی

✽ بیت ✽

دردا که بیخ کلبن شادی بریده کشت
 و احسرتنا که شاح طرب بارور نماند
 ای دل فغان بر از که آرام جان برفت
 ای دیده خون بیار که نور بصیر نماند

✽ نثر ✽

دمنه چون جزع وزاری وفزع سو کواری مرتبه
 افراطه یتشدردی روزنه پند و نصیحتہ و تسلیتہ
 و تعزته باشیلوب ایتدی ای دمنه معلومک دکلیدر که
 موقع دیوان ازل افراد آفریده دن هر ذاتک منشور
 حیاتی طغرای اجل الیه هر قوم قیلمشدر ونقاش صور
 کائنات نقش ثباتی صفحات ممکناته (کل شیء هانک

الوجهه) حکمیه سلاک شهوده چکمشدر استاد
کار خانه قدم هراحدک قبای بقاسن طراز عدم ایله
مطرز ایتشدر معمار معموره جهان هر موجودک
بنیان وجودین اساس فنااوزره بنااورمشدر

❖ بیت ❖

تافلک معمار این معموره شد بی خار غم
یک کل شادی بباغ زندگانی کس نیافت
گلستان عمرادر مرغزار روزگار
نوبهاری خالی از باد خزان کس نیافت

❖ نثر ❖

بوبرشر بتدر که قومزه ایچمک لازم و بر بار محنتدر که
جمله مزه چکمک واجبدر بوزخه صبردن غیر یله مرهم
ممتنع و بوداء عضاله داروی تحملدن غیر یله دوا
محالدر

❖ بیت ❖

صبوری ضرور یست کین درددر را
بغیر از صبوری دوا بی نباشد

❖ نثر ❖

دمنه بوکلاته فی الجمله متصح و متسلی اولوب ایتدی

ای روز به بوم آمده نقد که جزع و فزع ایدم و فغان
 و فریادی مرتبه افراطه بشدم هنوز حق ادای
 واجبه مقصر مکه گلیله بنم مشفق یارم و ناصح
 را درم ایدی جمیع حوادثه اکا پناه ایدردم و مهمات
 روز کارده آنک رای و تدبیر و نصیحت دلپذیر یله استظهار
 ایدردم دل هشیاری برخزینه ایدیکه هر نه نقد
 اسرار که انده و دیعت قوله دست دزد روز کار عیار
 اکا وصول بولمز و جاسوس زمان چند آنکه آنک
 پیرامنده دوران قیله شمس سینه مطلع اولمز ایدی
 دریغ هزار دریغ که اول یار مهر بان سایه شفقت
 بندن دور ایتدی و حیف هزار حیف که زندانخانه
 دنیاده بی رفیق و همدم و بی انیس و محرم بنی قودی
 کتدی

❖ بیت ❖

با که کویم را زدل چون محرم رازم نماند
 چاره سازی چون کنم چون یاردم سازم نماند
 ❖ نثر ❖

من بعد بکا نعمت حیاتدن نه لذت و جاشنی زندگانیدن
 نه حلاوت میسر در اگر بوهنگامده افهام عوام انا مکه

(اولئك كالانعام) مفهومی آنلک حسب حالیدر
 بعض خیالات و اوهام خطورایتمک احتمالی اولسه
 هماندم کندمی تیغ غم و تیر المله اولدرردم و تنهائک
 رنجندن و بی کسـلک دردندن قوریلوردم زیرا که
 بو ورطه محنته که بن گرفتار اولدم بریار صافی نیت
 و صادق عقیدتک شرطه مظاهرت ورهبر معاونتی
 اولینجه کنار خلاص کورلمک محال و ساحل نجاته
 ایزلمک نه احتمالدر

بیت

این دم که از کوی امید آواره می باید شدن
 چون چار درفت از دست من بیچاره می باید شدن

نثر

روز به ایته دی ای دمنه اگر کلایله نک شمع بقاسی باد فنا یله
 مرده و کلبرک حیاتی هوای هاویه مر کله پثر مرده
 اولدیسـه بحمد الله که سائر یارانک نهال اختصاصی
 تازه و شیر سبز در

بیت

غم مخور کر زین جن شاخ کلی پثر مرده شد
 روی نسیرین تازه است و جعد سنبل تابدار

نثر

دمنه ابتدی راست سویلرسن بقاء ذات شریفکله
هرخلک تدارکی میسر و وجود بنیه لطیفک ایله
هرزلک تلافیسی مقرودر من بعد کلیله کبی بنی صادق
یارک و مشفق برادرک بیل لطف ایدوب سنده بنی
خدمت اخوته قبول قیل روز به نشاط تمام و انبساط
مالا کلام ایله قدم خدمت اوزره قیام ایدوب ابتد
بنی بوهمتله رهین منت ایدوب لواء قدرمی ذروه
رفعتله یتشددردک بیلزم که بودل وفادارم بو عنایتک
عذرک عهده سندن نیجه کله بیل و بنم زبان ثنا کسترم
بو نعمتک شکری ایله نیجه شکر بار اوله پس بری بر یله
مصافحه ایدوب خلوص نیت و صفای طو یتله صفقه
عهد و صداقتی تجدید و پیمان ایمان ایله قواعد عقد
اخوتی تأکید و تشدید ایتدیلر بعده دمنه ابتد فلان
موضعده کلیله ایله برد فینه من واردر که اگر طلب
کنجه قدم رنجه بیوروب انی بوله سن امیددر که دنیاده
سعیک مشکور و عقباده مثاب و مأجور اوله سن
روز به دمنه نشان و یردیکی مقامه واروب دفینه بی
بولوب کتوردی دمنه کند و حصه سن افراز ایدوب

(کلیله نک)

کلیله نك حصه سن روز بهه و یردی و التماس ایتدی که
هر بار که بار کا، شیر و واروب اول در کا مده اسرار
و اخبار دن هرندن خبر دار اولور سه انی اکا اید، روز به
دمنه نك مأمولنی قبولد، مجهودنی مبذول قیلوب
تادمنه نك وفاتی زمانه دك شرط معهودی مرعی
و عهد مشروطی مقبول طوتدی ❖ ع ❖ شرطست
که شرط را پایان بیرند * بر کون علی السحر مادر شیر
کلوب پسرندن مجلس گذشته دن خبر صوردی شیر
دخی صورت قضیه یی اول وجهله که قضاة عرصه
عرضه یتشدر مشلرایدی حسن تقریر الیه آینه
ضمیر مادرینه تصویر ایتدی مادر شیر دمنه نك
هر سوآله صورت صوابده جوابندن و کلماتک اب
و تابه شیرك انجذابندن حباب و ارسیلان اضطرابه
و شرر مثال آتش التهابه دوشوب ایتدی اگر بوبابده
کلام راسته اقدام ایدم سخن درست درشت اولدیغی
اجلدن بحکم (الحق مر) کام رای ملک آرای ملکه تلخ کلسه
کرك و اگر اهمال و اغماضه رخصت و یرم جانب شفقت
و حفاظت مادرانه مهممل و نامرعی قالسه کرك شیر
ایتدی قرع ابواب مناصحه میل و محابا و ستر و مدارایه

رخصت یو قدر سنک کلام نصیحت انجامک بی شبهه
 شائبه تهمت و مظنه ضمنتدن دور و کلام ناصح
 مشفق درست اولدیغی جهنتدن هر نه قدر درشت
 اولور سه معذور در مادر شیر ایتدی حال بوموال اوزره
 اولیحق که ملک کذب صدقندن عقدن و باطل فرق ائمه
 و کندویه حیری شردن و نفعی ضرردن تیر قلیله دمنه
 فرصت بولوب فتنه لری پیداقیله که افهام ثاقبه انک تدار کندن
 قاصر و آرای صائبه انک تلافیسنندن عاجز قاله شیر
 ایتدی مادر مهربانندن دیلمکه بو کون بونده حاضر
 واحوال دمنه به عین دقت ایله ناظر اوله شاید مهم
 دمنه آنک حضورنده فیصل بوله پس فرمان شیر بونک
 اوزرینه جاری اولدی که رسم سابق اوزره حکامینه جمع
 اوله لر بو مجمع عامده دمنه نک تفتیشی امرنده اهتمام قیله لر
 و بر موجب فرمان اشراف واعیان و اکابر و ارکان دیوان
 شیرده مجتمع اولوب قضاة همان فصل روز سابق
 مکرر قیلوب حضار مجلسدن دمنه حقنده شهادت
 طلب ایتدی لر هیچ کسنه آنک یابنده برکله سولیدی
 و خیر و شردن بر نکسته در میان ایلدی قاضی القضاة

دمنه به متوجه اولوب ایتدی اگرچه که حاضر لرک ظاهر حالی
 سنک استقامتکه دالدر اما باطنا جمله سی خیانتکه
 مستفق المقالدر بوحالده سکا بوطائفه میاننده
 احتمال زندگانی تصویری محالدر حالاسنک صلاح حال
 ومالکه السیق ووافق بودر که کناهی اقرار وجرمکه
 اعتراف ایدوب شرطه توبه واثباتله نفسی ورطه
 عقوبت آخرتدن خلاص قیله سن وسکامر کدن
 احدی راحتین حاصل اولوب ایکی مرادک بریسنه
 واصل اوله سن یابودر که خلق محنت شرکدن خلاص
 قیله سن یابودر که سن بوزندار مختندن خلاص بوله سن
 ❖ بیت ❖

زیرکان کونند کاندلر مرک نوعی راحتست
 وز بیان این سخن بر خلق منت می نهند
 گفته اند آنکس که میردازد و بیرون نیست حال
 یابدی باشد که خلق از جورا و کمتر جهند
 یاکم ازاری نکو خلقی که اهل روزگار
 مهر او ورزند او را در دل خود جادهندن
 کر نکو کارست ازین زندان محنت وارهد
 و بر داندیشست خلق از محنت او وارهند

نثر

بوندن غیری ای دمنه شویله که کناهکه اعترافی جائز
 کوره سن ایکی فضیلت عظمایه دخی فائز اوله سن
 اوله عقاب عقی خوفندن عذاب دنیایه رضا و یروب
 دار بقا و سرای صفایی فئای فنا و فضای عنا و وزره
 ترجیح ایدرسن ثابا حسن تقریر و لطف تعبیرده
 بلاغتک و زبان آورلک و سخنکسترلکده براعتک کون
 کبی ظاهر ایکن و هر سه و آله بنظیر جوابلرک حاضر
 و هر نکته یه دلپذیر اعتذارلره قدرت تامه ایله قادر
 ایکن جانب اعتسافدن جناب انصافه میل ایدوب
 طوعا لار دعا کناهکه اعتراف ایتکله سنک فضل
 جلادت و شهامتک و فرط صلابت و صرامتک بین الاتام
 علی مرور الشهور و الاعوام اشتهار تمام بولوب
 بوروز کار غدار ناپایدارده کردار نیک و ذکر جیل یادکار
 قور کیدرسن ای دمنه ار باب عقل صحیح قتنده بونکته
 مکشوف و واضحدر که نیکنام لغله ممت هزار بار بد
 نام لغله حیادتدن مرغوب و راجحدر

بیت

مردن کس بنیک فرجامی

بہتر از زندگی بہدنامی

❁ نثر ❁

دمنہ ایتدی سجادہ نشینان محراب شریعت کمان
 کمان ایله تیر قضایا هدف مضایہ کشاد ویرمشلردر
 (وان بعض الظن اثم) مضمونندن تغافل ایدوب بی
 حجت ظاہرہ و بی بینت باہرہ بر حکمی نفاذہ یتشدر
 ممشلردر فرض ایدلم کہ سزہ رمد غرض رؤیت حق
 صریحدن مانع اولوب جملہ کزک قلبندہ بنم حقمده سوء
 ظن واقع اولہ بن کندو حالی بیلورم وعین یقین ایله
 براءت ساحت ذمت معاینہ قیلورم کشتی کندونک
 بنیان جزم و یقینک آخرک میتین وہم و تحمیلہ ہدم
 ایتک نہ قاعدہ شرع قویہ موافق ونہ ضابطہ طبع
 مستقیمہ مطابقدربا وجود کہ سز بنم خیانتہ ظن غالب
 دعوا ایدر کن بینص قاطع قلمی روا کورمز سز بن صدق
 واستقامتہ جزم و یقینم وارا یکن کندو ہلاکہ نیجہ
 سعی ایدوب قلمہ نیجہ راضی اولیم وان سلم کہ اولم
 عنداللہ نہ تأویل ایله معذور اولوب (ولاتلقوا ابائیکم
 الی التہلکة) خطابنہ نہ طریق ایله جواب ویرم عین
 الیقین بیلورمکہ هیچ بر نفسک بنم ذمتدہ اولقدر حتی

یوقدر که بنم ذاتک بنم اوستمه وارد رپس اول فعلی که
غیر یلر حقنه جائز کوریم ومذهب مروته اگا
رخست بولیم کنندوبامده نیجه روا کورم

✽ بیت ✽

من اگر خویش رانی شایم

دیگر انرا چسان بکا رایم

✽ نثر ✽

ای قاضی بوسوزدن فارغ اول که اگر نصیحت ایسه
بوندن اولی وواجب واکر نصیحت ایسه قضاته غیر
مناسبدر زیراکه هر حال که حل خصوماتده هر کله سی
نص قاطع و سیف صارم مثابه سنده اوله کلامنده
هزل ولغودن اجتناب و اجبدر و خطا و سهودن احتراز
لازم بو عجبدر که حضرت قاضی شمیدی به دك عدالت
ایله موصوف واستقامتله مشهور و معروف ایدی غالباً
بنم شامت بخت ونحوسست طالع مقتضاسیدر که
بو واقعه ده جانب اطیاطدن مائل و کندونک ظنی
وسائر ارکانک کلماتله عامل اولوب دیده انصاف
واستقامتی علت انحراف وسقامتله باطل اولمشدر

✽ بیت ✽

طربسرای دل هر کس از تو معمورست
چرا غم دل امید وار من باشی
کلی چو تو نشکفتست در بهار جهان
زو بود که همه خار خار من باشی

❖ نثر ❖

قضاة محکمهء دانشوریکه قبالة فضل کسـتری وهنر
پروری انزلت تو قیام احکام با احکامیه مسجلدر بوم مسئله ده
بوجله فتوی بیورر لر که هر نقدش هادت که سکهء
یقین ایله آرایش بولیه دارالضرب اعتبارده تمام عیار
واقع اولیه وهر کسه که معرفتی اولمدیغی قضیه ده
شهادت ایلیه اکا اول قضایته که اول بازداره
یتشدی قضاة استفسار ایتدی لر که نیجه اولشدر
اول

❖ حکایت ❖

دمنه ایتدی روایت ایدر لر که بر مرزبان وار ایدی
شرف ذالله معروف و کرم صفات ایله موصوف
ایدی

❖ بیت ❖

با ادب جانفز ایا سخن دلپذیر

باخر دیکران یا هنر بی شمار

❖ نثر ❖

بومرز بانك برخاتونی وار ایدیکه حسن و لطافتده آفت
جان و لطف ملا حتمده فتنه جهان ایدی بی آب حیات
کبی نوشین دهنی شربت نبات کبی شیرین دیده سی
چشم نرکس کبی پر خواب طره سی جعد سنبیل کبی
پر تاب

❖ بیت ❖

یوزی صان آتش ایدی عارضی آب
فروزان ایدی کو یا ماه و مهتاب

❖ نثر ❖

جمال حسن و در بالغله کمال زهد و پارساخی جمع
ایتمش و رخسار فتنه انکیزك خال عفت و پرهیزله
آراسته قیلمش ایدی

❖ بیت ❖

قرایرمش دکلدی پایه سینه
کونش دوشمش دکلدی سایه سینه
صویه عرض ایتمز ایدی کندوزینی
که عکس چشمی کورمایه یوزینی

یوزین کوزه دیو چشم ستاره

کیجه یله ماهه ایتمزدی نظاره

❖ نثر ❖

بومرزبانك بلخی نژاده بر غلام بدنهادی وار ایدی
 بغایت ناپاك و زیاده ناهفاظ و بی باك نه مردم دیده سن
 اول حر مزاده نظر حرامدن منع ایدر ایدی ونه آینه
 سینه سن اول بدنهاد ژنكار فسق و فساددن پاك
 طوتر ایدی غلام مزبور مرزبان مذكورك خدمتده
 صید جوارح طیوره نامزد اولوب باز دارلق منصبده
 معین اولمش ایدی بر کون بو غلامك تذر ونظری اول
 كبك خرامك حسنی شهبازینه ر بوده اولوب مرغ
 دلی اول مستوره نك عشقی دامنه كرفتار
 اولدی

❖ بیت ❖

بازان دل غمدیده بدام تودر افتاد

پس مرغ همایون که بتیر نظر افتاد

❖ نثر ❖

غلامك شهباز قلبی اول همای آشیانه عصمتك عشقی
 هوا سنده شویله پروازه کلدیکه هر باریکه دعوت

بفتره سن صالدي گلدی وهر چند که ساعد عفته
کتورمک دیلدی کتوره مدی ضروری حلقه موصاتی
دپرتدی و باب مصاحبتی فتحه قصد ایتدی بازدار
هر بار که افسون و فسانه بی پرکار ایدوب عزیمت
تدبیر ایله اول پری بی دائرة تسخیر دعوت ایتدی مفید
اولمدی وهر چند که اول مرغ همایونک صیدی
هواسیله بازحیله بی پروازه کتوردی شکار وصال
نکاره محال بولمدی

بیت

رواین دام بر مرغ دکر نه
که عنقار ابلندست آشیانه

نثر

چون پو طمع خامدن یأس تمام گلدی ونوید وصال
محالدن ناامید اولدی خبث طینتی و کشافت طبیعتی
مقتضاسنجده عرق شرتی حرکته کلوب قصد ایلدییکی
آنک حقه تیر غدیری در کان ایدوب فضیحتی یابنده
کرمکری بر میان ایده پس بر صیاددن ایکی طوطی
آلوب زبان بلخی ایله برینه بو الفاظی اوکرتدیکه بن
کدبانویله در بانی همپهلو کوردم بریسنه دخی

بو کلماتی تعلیم ایتدی که بنده کوردم غیرتدن هلاک
اولدم برقاچکون اول ایتدر دسر ایدوب اول لایفهملر
بوایکی کله یی از برایتدردی برکون مرزبان بزم شراب
آراسته ایدوب مجلس عشرته او تورمش ایدی بازدار
کلوب هدیه رسمنده طوطیلری کتوردی طوطیان
شیرین گفتار شکر افشالغه آغاز ایدوب همان
اول ایکی کله یی بر حکم عادت تکرار ایلدی لر مرزبان
زبان بلخی یی یلمز ایدی اما آنلرک لطافت آواز و تناسب
الفاظیله استلذاذ ایدوب ونغمات دلاویز
وترنمات عشرت انکی نر یله مستأنس اولوب طوطیلری
حرمنه کوندردی و خاتونه سپارش ایتدی که آنلره
تیمار اید، و آنلرک تعهد حالنه مقید اولوب کوروب
کوزه ده بیچاره خاتون زبان بلخی یی یلیوب روز و شب
آنلری پرورشه و اول دوست روی و دشمن خویلی
نوازشه مشغول اولدی

بیت

نفس را پروردم و آخر شدم رسوای ازو
من چه دانستم که خصم خویش را میپرورم

نثر

القصه مرزبان طوطیلره شو یله مائل ومهربان
اولدیکه برآن آنلرک دلیر آوازین وینظیر الحان ایشتمه
نه عزم بزم شراب ونه میل آرام و خواب قیلورایدی
وبردم آنلرک صورت خوب وهیئت مرغوبن تماشا
ایتمه وتکلم دلکش وترنم فرجهشن ایشتمه نه
آینه عشرته صورت لذت کوررونه شراب صحتد
کیفیت راحت بولورایدی برزماندنصکره اتفاق
بلخیلردن برطائفه خانه مرزبانهمان اولدیلر مرزبان
میزبان دخی مهمانلر ایچون بر مجلس خاص اختیار
ایدوب طوطیلری دخی انده احضار ایتدی آنلر دخی
ترنم طریق ایله اول ایکی کله بی که غلام بلخیدن تعلم
ایتمش لرایدی تکلمه آغاز ایتدیلر مهمانلر بوالفاظی
استماع ایدیچک متحیر اولوب بر برینه باقشیدیلر اخر
حجابلردن باشلرین اشاعه ایدوب اول حالی استغراب
ایدشیدیلر مرزبان کوردیکه یارانک آتش نشاطی
سویندی وانشر احوال وانبساطی آسیاب بی آبه دوندی
انقلاب حاله وفر حدن ترجه انتقاله باعث نیدوکن
صوردی مهمانلر هر بار که زبان اعتذاری پرکار
ایدوب حصار انکاره تحصن ایتدیلر کار کر اولدی

ومرزبانك آينهء خاطرى غبار تشويش وژنكار
دغدغهء دن جلا بولدى آخر انلردن بريكه اظهار حقه
جری وواقع حالی تکلمه میل و محابادن بری ایدی
ایتدی ای امیر کبیر مکر که بو طوطیلرک مفهوم کلامی
معلوم ضمیر منیر دکادر مرزبان ایتدی بلی

❖ بیت ❖

من ندیدم شبی سلیمان را
چه شناسم زبان مرغان را

❖ نثر ❖

بزبونلر معنای کلامن بیلرز اما نشمهء دلا و یوز مزمه
شور نکیر لرندن زیاده تلذذ اید، رز سزا کر مضمون
کلاملرین بیلر سز امید وارز که بز، دخی اعلام ایلر
مقضى المرام اید، سز انبار دخی حق تعبیر ایلر طوطیلرک
فحوای کلامن مرزبانر تقریر ایتدیلر مرزبان چون
اهل بلندن بو جوابی ایشتمدی بزم سروری تلخ و بدر
حضورى سلخ اولوب ایتدی ای عزیزلر معذور بیورک که
بو خبر شمدی یه دک بزه واصل اولدی حالیا چون
حقیقت حاله وقوف حاصل اولدی دخی عذر و بهانه یه
مجال قالمدی بزم آیینزده رسم دکادر که اول خانه ده

که بر عورتدن فعل حرام صدور بوله آنده اقامت جائز
 اولوب اول مقامده خورد و خواب و اکل طعام و شرب
 شراب حلال اوله بو کفت و کوا شناسنده غلام بازدار
 آواز بلند ايله ایتدی ای خواجه برز کوار بو خبرك
 حقیقته بنده مطلع و اول کافر نعمتک حقننده طوطیلرک
 مضمون کلاملری مطابق الواقعدر

❖ مثنوی ❖

مکر بر کون یوزی آیینی در بان
 کوروب اولدی قشی یابینه قربان
 قالب زلفی کندنده گرفتار

بوی سروینه اولشدر هوا دار
 کوروب سنبلارین آشفته اولدی
 دماغی دود سودا ايله طولدی

چون ایردی عاقبت روز وصاله
 ایرشدردی وصالی اتصاله

❖ نثر ❖

مرزبان هم اندم مجلسندن طوروب عورتنک قتلنه فرمان
 ایتدی خاتون دخی اکا رسول کوندروب ایتدی که ای
 قهرمان کامران

❖ بیت ❖

کر روا کورسک هلاک و کرسزا کورسک امان
تیغ فرمانک مضاده نص قاطع در همان

❖ نثر ❖

اما بوا مرده تأنی و تأمل واجب و تعجیل و شتاب غیر
مناسب بدر (ع) مشتاب بقتل من که در دست توام ❖
ارباب شرع و ملت و اصحاب علم و حکمت جمیع افعاله
عموما و سفک دماده خصوصاً تأنی و تحریری واجب
کور مشل در در که اگر قتله استحقاقی اوله فرصت
باقید را که عیاذ بالله بر سبیل تعجیل بر یکنا هک قبالة
قتلی تسجیل اوله بعده نه سیف خیف و نه تیغ
در تیغ زره نداده تأثیر قی اوب و نه انامل تدارک
سرانکشت تدبیر اله کره ملامت انجلا لیدیر
اولور

❖ بیت ❖

بی تأمل مکوش در ازار

تا پشیمان نکردی آخر کار

❖ نثر ❖

مر زبان عورتی اول حوالی به دعوت ایدوب پرده التندن

صورت حالی بوموال اوزره بیان ایتدی که ای شور بخت
 طیور جنسی انسان نو عندن دکلدر که آنارک کلامی
 غرض امیر اولوق احتمالی اوله آنلر آینه کبی هر نه
 معاینه ایدر سه آتی حکایت ایدرلر بازدار دخی آنلرک
 مدعاسنه موافق شهادت ایدر بواول مقوله کار
 دکلدر که زبان آورلر کله آندن اعتذار میسر اوله (ع)
 کر کنه اینست نتوان کرد استغفار ازو * خاتون
 ایتدی ای امیر لطف ایله بواوری تفتیش و تنقیده
 تقصیر وایورمه که موجب تأسف و مورث تلهفدر
 اما بعد التحقیق شو یله که قتله فی الجمله استحقاق اوله
 نه محل تردد درونه مقام توقف (ع) بندن غرضک جان
 ایسه جانانه تکلف * مر زبان ایتدی بومهمی تحقیق
 نه طریق ایله میسر در خاتون ایتدی بلخیلردن استفسار
 اولنسون که بو طوطیلر لغت بلخیدن کلمات معهوده دن
 غیری کلامه قادرلر میدر شو یله که بوا یکی کله دن
 غیر بدن عاجز اوله لر محقق اولور که اول نا حفاظ بیدین
 مرادی بندن حاصل اولیوب غرض فاسدینه واصل
 اولمدیغی اجلدن انلره بو کلماتی تلقین ایتشدر واکر
 اول لغتد بو کلماتدن غیری کلامه قادر اوله لر بو بیچاره نک

قانی سکا حلال و شراب زندگانی بکا حرام اولسون
مرزبان چون خاتوندن بو کلماتی ایشندی حقیقت
حالی تفحصده شرط احتیاطی مرتبه افراطه یتشدردی
و مهمانلره منت ایتدی تار هفتقه انده اقامت ایدوب
کمدیلر و اول قدر زمانده چندانکه سعی ایتدیلر
طوطیلرلز بانندن بو ایکی کله دن غیری بر حرف استماع
ایتدیلر چون مقرر اولدیکه عورت اول تهمندن مبر
و باز دارل آنک حقنده شهادتی محض افتدادر بیوردیکه
بازداری کتورک بازدار انده بازو دلنده نیاز تعجیل
تمامله کلدی مکر تشریف و انعام احتمال و یردی
خاتون ایتدی ای کان کی اگری تیر کی طوغری
سویله کوردکی که بن محراب رضای الهیدن یوز
دوندردم و عنان نفیسی هوای معاصی و مناهی الله
و یردم

بیت

هوا غولیند او یدم یولدن آزدم

و فاسر نامه سینی اگری یازدم

نثر

ایتدی بلی کندی کوزمله کراتله کوردم چون بو کلامی

تمام ایتدی فی الحال النده اولان باز تیز چنکال صحرایوب
منقار خونخوار یله چشم جهان بین چیقاردی خاتون
ایتدی ای بیشرم لاجرم کورمدیکی کوردم دینک
سزاسی بودر که کوردک (وجزاء سیئة سیئة مثلها)

✽ بیت ✽

برکنده به آن چشم که بدین باشد
بدین همه جادر خورنفرین باشد

✽ نثر ✽

بعده فرمان مر زبان بونک اوزرینه جاری اولدیکه
بازدار غرداری بردار ایدوب عبرت نای جهان ایتدی لر
بومثلی کتوردیم تامعلوم اوله که برکسنه بیلدیکی
نسنه ایله تهمة جرأت و کورمدیکی نسنه یه علی
العمیما شهادت موجب نجات دنیا و فضاحت
آخرتدر چون دمنه کلامک تمام ایتدی کلماتی علی
التفصیل تسجیل ایدوب صورت حالی علی ماهو الواقع
حضرت شیر اعلام ایتدی لر مادر شیر آمده متوقف
ایدی کیفیت حاله واقف اولجق ایتدی ای پسر
بودکلو اهتمامک ثمره سی همان بو اولدیکه بوملعون بد
کمان اولدی مقرر در که بعد الیوم انک حیل و مگری

زوال ملك وهلاك ملكه مقصور اولسه كرلک ومن بعد
 حال شاه وسپاه تباه اولوب شتر به حقنده که وزیر
 مخلص ومهربان مشفق ایدی آندن نه ظم-وره
 کلدیه سائر ارکان حقنده دخی اول صدور بولور
 زیرا که نفس خسیسدن فعل خبیث صادر اولور
 وطینت بدسرشتدن خسوی بد و خصلت زشت
 وجوده کلور

❖ قطعه ❖

ز بوم شوم توقع مدار بمن همای
 طمع میند که کنجشک فعل باز کند
 چنین که پایه مفسد بلند شد چه عجب
 که دست فتنه بهر جانی دراز کند

❖ نثر ❖

بو کلام ضمیر شیرده تأثیر تمام ایدوب دور و دراز
 اندیشه لره دوشیدی وایتدی ای مادر بکا بیلدر که
 بوسری ندن بیلدک وقصه دمنه بی کیمک زبانندن
 استماع قیلدک

❖ بیت ❖

بکا بوقصه نک سرین عیان ایت

بواقع اولان احوالی بیان ایت

❖ نثر ❖

تابندخی دمنه نك قتلنده فی الجمله معذور اولوب دوست
ودشمن میاننده ظلمله مذکور وغدر ایله معروف
ومشهور اولیم مادر شیرایتدی ای ملک برکسنه که
سکا اعتماد ایدوب سنی محرم اسرار ایتمش اوله سن
انك سرنی اسرار ایتیموب اظهار ایلک مذهب شرع
ومروتده حرامدر ونقدر از یکه خزانه دلدہ امانت
قونيله صیانت ایتیمک خلاف شیمه کریمه کرامدر
اما بو قدر قادر مکه اول کسنه دن اجازت دیلیم اگر
بجائز کورر سه واقع حالی خاکپایه انہا ایلیم شیر بوکاره
رضا و یردی مادری دخی طور دی کندی منزلنه
کندی و پلنکی دعوت ایدوب شاننه لایق مراسم
تعظیم وتکریمی تقدیم ایتد کدنصکره ایتدی

❖ بیت ❖

ای شده چون روزگار قهر تو مرد آزمای
وی شده چون آفتاب صیت تو کشور کشای

❖ نثر ❖

انواع تربیت واصطناع که ملک سباع سنک بابکرده

بیور مشدر نه مرتبه در پیدا و آثار تمشیت و تقویت
 سلطانی پیشانیء حال و مالکده روز نورانی کی ظاهر
 و هویدادر بوسه بیدن بونعم مقابله سنده شکر
 گذارلق سکا فرض واجب الادادر نابرموجب (لئن
 شکرتم لازیدنکم) روز بروز آثار عواطف شاهانه
 سنک حقکده زیاده و ابواب عوارف خسروانه سنک
 شانکده کشاده اوله پلنک ایتدی ای ملک اول عواطف
 ملکانه و مراحم پادشاهانه که ملک روز کار بوبنده
 خاکسار بمقدار حقنده دخی مبذول بیور مشدر من بعد
 دخی بیور سه کرک آنک وظائف شکرین نیجه عبارتله
 ادامکن و میسر و یکده بری مقابله سنده نیجه قوت
 و مکنث ابله سپاس و منت متصو در

❖ بیت ❖

اولنجه قیلسه دل ذکرینی آنک

قیله عز یکده بر شکرینی آنک

❖ نثر ❖

اما معلوم جهان باند که شمعی یه دک بقدر الامکان
 هوادارلق دائره سنده پرکار وار دوران و خدمتکارلق
 هواسنده ذره مثال جولان ایدر ایدم الا آن دخی

امید در که ملکه زمانک فرمان عظیم الشانه اطاعت
واذعان مکرین عن صمیم الجنان بر میان ایدم مادر شیر
ایتدی

❖ بیت ❖

بنیاد نهاده چو مردان
از ابراکرم تمام کردان

❖ نثر ❖

(وما الانعام الا بالتام) ملک اول زمانده که قصه
غصه سن سنکه در میان ایدوب بوسری سائر
ارکاندن پنهان وسکا اعلان ایتش ایدی سن ذمت
همته المش ایدک که شتر به نک خصم غدارندن انتقامی
باینده شرائط سعی واهتمامی یرینه کتوره سن حالیا
حق نعمت وصدق عبودیت مقتضاسی بودر که
اول وعده بی انجازه یتوره سن وخدمت شیر شتاب
ایدوب بو باده هر نه که ایشته دک ومشاهده ایتدک
درست وراست و بی کم وکاست خاکپاینه بتشدیره سن
والا قریبدر که دمنه پرفته مکر و فریله کندوسن
بند بلادن خلاص قیله و ملک منشور حیاتنه طغرای
آزادی چکوب قتل و سیاستدن وازکله بو تقدیرجه

(مقرر در که)

مقرر در که آنک آتش شری نیچه خاندانلرک اوجا غند
صوقویسه کرک وادنی علت و بهانه ایله و جزئی فسون
وفسانه ایله نیچه خاندانلری بادفنایه ویرسه کرک
علی الخصوص اول کمسنه لریکه بو باده برکلام
سویلدیلر و آنک هلاکنه سعی و اتمام ایلدیله غمازلق
و غرضیر دازلق ایله علی التمام عرضه تیغ انتقام
ایتسه کرک پلنک ایتدی ای ملکه بومهمی اتمام بنم
ذمت اتمامده در بومده دك کتم شهادته اقدام
بوجهندن ایدیکه ملک دمنه غدارک حقیقت حالندن
خبردار دکل ایدی اگر اول زمانده بوقضیه یه
حوض ایدوب واقع حالی حضرته عرض ایتسم
چون دمنه نك حقیقت مکر و مکیدنه وقوفی و کیفیت
غدر و خدیعتنه اطلاعی و غیدی ممکن که عز حضورنده
کلام نصیحت انجام غرضه محمول اولوب موقع قبول
بولمیدی حالیا که الحمد لله پادشاه احوال دمنه مکر اهدن
فی الجمله اکاهدر بومهمی که فائده سی صلاح حال ملک
وملکه حائد در مهمل قومق نیچه میسر در خصوصاً
بن چاکره که اگر هزار جانم اولسه و ملکک بر ساعت
فراغته فدا قیلسم هنوز ذمتمده اولان حقوق نعمتک

بیکده برنده ادا متصور دکلدر

❖ بیت ❖

اگر ببرد وجهانش بها کنم مویی

هنوز در دو جهان شرمساروی باشم

❖ نثر ❖

پس ایوان مادر شیردن دیوان حضرت شیره کلدی
و کلیله و دمنه نك ماجراسن نیجه که گوش ایتش ایدی
مجمع و حوشده تعبیر دلپذیر ايله تقریر ایدوب علی
رؤس الاشهاد اول شهادتی ادا قیلدی پلنکک بو خبری
افواه انامده منتشر و السنه خاص و عامده مشتهر
اولیحق سباعدن اول دد که مجلسده کلیله و دمنه نك
کلماتن استماع ایدوب انلرک احوال نيك و بدینه مطلع
اولش ایدی پلنکک شهادته موافق بندخی شهادت
ایدرم دیو دیوان اعلايه برکسنه کوندردی شیر
امر ایتدی انی دخی احضار ایتدیلر اولدخی زندانده
اولان ماجرای علی ماجری اکابر و اعیان میاننده باسرها
حضرت شیره علی وجه الشهاده اعلام و انها
ایلدی ارباب جرح آنک شهادتی قدح ایدوب ایتدیلر که
چون کلامک غرض آمیز دکلدر نیچون ادای شهادته

تاخیر و اظهار حقه تقصیر ایلدک جواب و یردیکه
چون بر شاهد ایله حکم ثابت اولمز تعذیب حیوان بلا
فائده بی صواب کور مدم شیرانک جوانی پسند ایدوب
بعد التزکیة والتعدیل بوشهادت ایله دمنه یه سیاست
لازم کلدی قضاة دخی اول حکمی امضا ایدوب کافء
و خوشدن عام و خاص شتر به ایچون دمنه بی قصاصه
اتفاق ایتدیلر

❖ یلت ❖

هر یخردی که تخم آزار بکاشت

هنکام در و بر عقوبت برداشت

❖ نثر ❖

شیر یوردی تادمنه بی محکم قید و بند ایدوب
محافظه سی باینده شرط احتیاطی حد افراطه یتشدردیلر
و طعام و شرابدن ممنوع اولوب گوشه زندانده آتش
جوع و عطشه سرطان کبی بیچان اولوب بیجان اولدی
و ایتدیکی خیانت و جنایتک شامتدن روح حیثی دوزخ
زنداندن زندان دوزخه روان اولدی و مضمون ایت
(فقطع دابر القوم الذین ظلموا) انک شاننده مکشوف
و عیان اولدی

بیت

خائنی صانع که بر خوردار اولور

یا کسیلور باشی یا بردار اولور

نثر

بوندن معلوم اولور که مکارلک عاقبتی وخیم و غدارلک
انجامی ذمیم و آخرلی هلاک و سرانجاملری مغالک
خاکدر

مثنوی

هر که در راه خلق دام نهاد

عاقبت هم خودش بدام افتاد

شاخ نیکی سعادت آرد بار

کل نچیند کسی که کار د خار

چون یقین شد جزای نفع و ضرر

نیگویی کن که نیگویی بهتر

باب ثانی بوراده ختام اولمشدر

آز

همایون نامه باب ثالث

مترجمی

علی بن صالحدر

ایکنجی دفعه (ترقی) غزته سنه تفرقه اوله رقی درج
اولمشدر



✽ باب سوم احباب واصحابك فوائد موافقت و منافع ✽

✽ مرافقت و معاضدتن بیان ایدر ✽

رای برهمنه ایتدی ای حکیم ربانی معلوم اولدیکه
 اول دوستلرک داستانی که بر غماز فتنه سازک آتش
 غم و افساد یله خانه صد اقلری بر باد اولوب عاقبت
 حالری عداوته مفضی و بر یکناهی بی سبب قتلی
 مقتضی اولدی و حق جل و علا اول غدار ستمکارک
 مکافاتک ایدوب جزا و سزاسن بولدی الان برهمن
 روشن رواندن مر جودر که بیان بیوره شول دوستلرک
 حالنی که یکدل و یکجهت اولوب نهال مهر و محبت

ولطف و مروتن بر خوردار اوله لرورفع خصم وقع
عدوده همپشت ویک رواولوب رضای یارانی کندو
مقتضاری اوزره تقدیم قیله لر برهمن ایتدی
❖ قطعه ❖

ای خسرو زمانه که از روی معدلت
مسند فراز کنبد اخضر نهاده
باد ابلق سپهر ترارام کز ظفر
صد داغ برجین مه و خور نهاده
❖ نثر ❖

عقلاء کامل الذات و حکماء استوده صفات بیور مشلردر که
بازار کائناتده صدیق صادقن کران مایه و یاران
مفقندن بلند پایه سرمایه یو قدر
❖ بیت ❖

زانکه در آفاق زیر ناویر
هیچ کس ازدوست ندارد کزیر
❖ نثر ❖

هرآینه اول طائفه که سبیکه صد اقلری دارا الضرب
اخلاص و فادارلق سکه سیله آراسته اوله ونهال
مودتلی روضه اختصاصده یکجهتلك رشحه سیله

تربیت یوايه ماده راحت روح و مدد فیض و فتوح در
و قوتی بغایت جوق و مفاد غایت نهایت بود و بجهت
سندن بر بسی بود که نام دوازده مدد مواد است
و معاشرت اولی و هکتم نه گشته سالک شمع معاونت
و عطا هرت اولور

چون مشنوی

کر کدر کیشی به یار موافق
کاوه بر برینک یوانده صادق
ایکی کیشی ایسن کور عز بلکوز
ایکی کوز یمنی طونری بر کوز
کمان به یغن ال به ایدر بر
عدونک قابن ایلر کند و به یبر
چن کیم بر بران ابر بلور

ایستند هر ری عاجز فالور

چون نثر

یاران همه است و دوستان یک روحند مشهور
اولان امثالک بر بسی حکایت زاغ و موش و کبوتر و آهو
و کشف در که دفتر خواطر اکابر و مثبت و مستور در
رای استفسار استدی که نیجه اولمش در اون

❀ حکایت ❀

برهمن ایتدی روایت ایدرلر که ناحیه کتمیده برمر غزار
 بینظیر و چشمه سار دلپذیر وار ایدی که الوان ازهار
 کونا کونی صفحه سبز زار کردونی انکلیونی کوستر
 ایدی و عکس انوار ریاحینی پرزانی بال طاوس باغه
 دوندور ایدی چشمه لری عین حیوان کبی هر جانه
 روان و لاله لری شمع سوزان کبی هر طرفه فروزان
 ایدی

❀ مثنوی ❀

روان هر چشمه سی چون آب حیوان
 چراغ لاله هر جانب فروزان
 نسیم صبح کل جبین ایدوب چاک
 صبا ز کس کوزین قیلشیدی نمناک
 اغاجلر رقصه کیر مشلر سبکخیز
 شکوفه اوستنه اولمش در مرز
 ❀ نثر ❀

اول مر غزارده جانوران شکاری بسیار اولدیغی
 اجلدن صیادلر اکثر اول طرفه کلور کیدرلر ایدی و صید
 و حوش و قید طور ایچون داملرین انده تعبیه ایدرلر دی

اول راغ حوالیسمنده برزاغ فراغ باله بر درخت طوبی
 مثال اوزره آشیانه طوتمشیدی واول نهالك صفحات
 اورا قنده حب الوطن مطالعه ایتمشیدی بر کون اول
 درخت اوزره چیقوب زیر و بالایه باقوب چب وراسته
 نظر ایدرایدی ناکاه کوردیکه بر صیاد دام النده دامن
 بلنده تور به پشتمنده دانه مشتمده بر سبیل تعجیل اول درخته
 متوجه اولوب کلور زاغ بوندن زیاده خوف ایتدی
 و دور و دراز اندیشدله دوشیدی و کندو کندویه
 ایتدی

❖ قطعه ❖

یارب این شخص را چه افتادست
 که بدین اضطراب می اید
 هیچ معلوم نیست کز چه سبب
 اینچنین باشتاب می اید

❖ نثر ❖

ممکن که بنی صیده قصد ایدوب بنی شکار ایچون
 تیر تدیری شست تزویره راست ایتش اوله حالا
 مقتضای حزم بودر که یرمی بکلیوب طورم تا پرده
 غیبدن نه ظهور ایدرسه کورم (ع) تابینم که چه

از پرده برون می آید ❖ پس زاغ اول قرار آید یکی
 شاخده بر سوراخ بولوب کیردی و حال صیاده دیده
 ترصد ایله نکران اولوب طوردی صیاد دخی اول
 درختک دینه کلوب دامن قوروب اوستنه دانه اکوب
 کتدی و کندی واروب کینه کاهده اوتوردی بر ساعت
 کچمدن بر قاق نفر حمامه کلوب حوالی دامه نزول
 ایتدی لر انلرک سردار و سرافرازی مطوقه نام بر کبوتر باز
 پرواز ایدیکه ذهن پاک و طبع دراک و عقل شامل و فهم
 کامل و کیاست تمام و فراست مالا کلامله بنی نوعندن
 ممتاز ایدی بو کبوترلر اکا متابعت ایله مباحات ایدرلر ایدی
 و اکا ملازمت و مطاوعت ایله ایتهاج و مفاسحت
 کوسترلر ایدی و لیل و نهارانک خدمتده که سرمایه
 صلاح و پیرایه فوز و فلاح ایدی روزگار کچورلر
 ایدی همان لحظه اول دانه لر که زیر دامده کبوترلرک
 دیده طمعنده جلووه ایتدی چون اشتهاری قیل قیاردی
 عنان اختیارلری قبضه اقتدارلرندن چیقدی کتدی
 مطوقه شفقت و مرحمت یوزندن که مهترلر دن کهترلر
 لازمدر زبان نصیحتله اون کبوترلری جانب ثانی و فکر
 عواقبه تیریک ایدوب ایتدی ای یاران یکدل حزم

کامل ورأی شامل مقتضای بود که حرص تمامه
هر کورد یکگز دانه و او شمشیر سز تا طمع خامله دام
بلایه دوشمشیر سز

بیت

ز راه حرص بتعمیل سوی دانه مرو

بهوش باش که دامیست ز زیر هر دانه

نثر

جواب و پردیلم که ای مهتر بزم کار مضطراره
بتشوب قلمز تمام اضطرارده و آتش جوع ایله
تنور سینه مز کمال التها بده در حوصله مز دانه دن
خالی و معدده مزدغدغه اشتها ایله مالی ایکن استماع
نصیحتہ مجال نیجه میسر و ملاحظه عاقبتہ پروبال
نیجه متصور در اکابر سلف بیور مشل در که

بیت

کر سینه بر بلا دلیر بود

زانکه از عمر خویش سیر بود

نثر

مطوقه محقق بیادیکه اول کراهان بادیه حرصی
کنند پند و نصیحتله طریق صلاحه کتور مک متعسر

ورسن منع و ملامتله چا غفلت وجهالتدن خلاص
ایملک متعذر در

✽ بیت ✽

هر که در بندگی حرص افتاد
مشکل از بندغم شدن آزاد

✽ نثر ✽

دهقان خیال هر چند که زمین دهنده انلرک صحبتدن
عزت نهالن دیکدی قائد تقدیرسن تدیرک کسوب
زنجیر تسخیر ایله کام و ناکام جانب دامه چکدی
✽ ع ✽ ای بی بصر من میروم اومی کشد قلاب را ✽
القصة دوکلی کبوترلر ترک حزم ایدوب بی اختیار
دامه عزم و جزم ایتدیلر هماندم شره تمامله دانهیه
اوشدیلر کرداب دام و شباک هلاکه دوشدیلر مطوقه
فریاد ایتدیکه بن سزه دیمدمی ایدیکه تعجیل و شتابک
اخری خرابدرو بی تأنی و تأمل برامر ارتکاب خلاف
رأی صواید

✽ بیت ✽

طریق عشوه پر آشوب و آفتست ای دل
بیفتد آنکه درین راه باشتاب رود

❖ نثر ❖

بچون شره مذمومه کوکله کزه یول و یردیکز نیچون
 بی تحقیق طریق بومضیق عمیقه کردیکز کبوترله
 حیرت و خجالت مستولی اولوب هر چند که کندولرین
 ملامت و ایتدکلرینه ندامت ایتدیلر فائده مند اولمدیلر
 و دام کبی جسملری سرتاسر چشم اولوب چندانسه که
 راه خلاص کوزتدیلر چاره بولمدیلر بوائشاده همان
 صیادی امان کاندن تیر چیقار کبی کمیندن چیقوب
 فرح فراوانله دام طرفنه روان اولدی تاصیدلری قید
 ضبطه چکوب غنیمت بیکران ایله ایله فرحان و شادمان
 منزلی جانبنه روان اوله کبوترلر چون صیاد جلادی
 بوشتاب ایله کوردیلر طبطاب اضطرابه اغاز ایدوب
 هر بری بر سبیل استقلال کندوی خلاص ایچون
 پروبال اوردیلر مطوقه ایتدی ای عزیزلر هر بریکز
 علی حده کندی خلاص کزه همت ایدرسن بری بریکز
 حالندن اهماال و غفلت ایلرسن بو صداقت علامتی
 دکدر ❖ ع ❖ وین چنینهانه شرط یارانیست ❖
 مذهب فتوتده و آیین مر و تده صدیق صادق اکادرلر که
 محب مخلصنک استخلاصن کندی خلاصندن اهم یله

وهمدم قدینک مهمنی کنندی مهمندن مقدم کوره
 نته که اول ایکی رفیق پرکشید، روی در یاده کشت
 ایدوب کیدرلر ایدی و بری بری ایله صدق و داد
 و کمال اتحاد دعوی ایدرلر ایدی ناگا، ساحله قریب
 بریرده کشتیلری شکست اولوب ایکیسی دخی حباب
 کبی روی آبه دوشدیلر کنار دریاده برشناور که
 صنعت سباحتی در دسر ایتش ایدی نیلوفر کبی انلری
 میان آبد، کور یجک فی الحان زورق مثال کندوسن
 روی دریاه آتدی و اول غریقاری استخلاصه همت
 یلکنن آچوب هر قنغیسنه که خلاص دومن طوغرلندی
 فریاد ایدوب

❁ بیت ❁

بو کرداب بلاده قوبنی زار
 خلاص ایت یارمی ای خضر دیدار

❁ نثر ❁

اگر سزده بو همت یوغیسه که نجات یارانی کنندی
 جانبدن ترجیح ایدوب احباب قدیمی کندو نفسگردن
 تقدیم ایده سز باری و اجبدر که قوکر معاونت و موافقتله
 قوت ایده سز که شاید بو حرکت برکتیه دام یرندن

قالقوب جله كز خلاص اوله سز كبوترل فرمان مطوقه
 به سمعا و طاعة ديوب غلى الجملة بقدر الاستطاعة قوت
 ايدوب جله قـيلديلر اول حيله ايله دامى كوزوب
 پروازه كلوب بر جانه متوجه اولديلر صـياد بو حالى
 كور يبك فر ياد ايدوب پـيلرنجه سـكرتدى وعاقبت
 درمانده اولوب بر كوشـده دوشـلر ديو كوزين
 هوايه ديكوب عقبـلرنجه كـتدى زاغ بواحوالى اول
 كوشـدن تماشا ايدوب كـندى كـندويه انديشـه
 ايدوب ايتـدى عهد بعيد ومدت مديد كر كدر كه
 تابو صورت عجبـه كـتم عدمـدن عرصـه وجوده كله
 بندخى بو واقعهـنك امثالـدن امين دكلم اولى بودر كه
 آنلرك عقبـه دوشـوب عاقبت حالـلرى نـيه منتهى
 اولور يـلم و بو تجربـه يى سرمايهـ كار و ذخيرهـ روزگار
 ايدى نوب وقت احتياجـده بنـاي امورمه دستور العمل
 قلم

تـبـت

روز تجربـه روزگار بهره بـكـير

كه بهر دفع حوادث ترا بكار آيد

نـتـ

پس آنلرک پینه دوشوب پرواز کلدی مطوقه اصحابیله
 دمی کتوروب اوج هواده بال استعجال ایله اوچوب
 متصل کیدرلر ایدی صیاد حریص شوخ چشم دخی
 طمع خام و الم فقدان دام ایله عقبلرینه دوشوب دیده
 تفقد ایله حاللرین ترصد ایدر ایدی مطوقه کوردیکه
 هنوز صیادانلرک صیدی صد دند: در وقوت طامعه سی
 اقتضا ایدر که هیچ بر لحظه دورمیه و اوتورمیه تانلری
 هر قنده کیدرلر ایسه بولوب اله کتورمیه یارانه متوجه
 اولوب ایتدی بوس تیزه روی وجفا خوی طمع خام
 وجه تمام ایله بزی صید ایچون کر قصدی میان
 جانه شویله بنه ایتشدر که دایره شفقت و رحمتدن
 هزار مر حله طشره کتشدرتانک شخص خیشندن بعید
 و چشم حریصندن نابدید اولیه وز بزدن ناامید اولن
 صواب بودر که ابادانلر طرفه اوچه وز صحرایی
 قویوب باغیر جانبیه بال و پراچه وز تا نظری بزدن
 منقطع اولوب قطع امید ایده و خائب و خاسر منفعل
 و منکسر دونه منزله کید، کبوترلر مطوقه نک اشارتیه
 موافق حرکتیه آغاز ایتدیلر و کشت دشت هوای
 صحرادن و از کلوب باغات عمارات طرفه پرواز ایتدیلر

صیاد بیچاره چون انلری کوره من اولدی کبوتر آواره
 کی بر زمان حیران و سرگردان اولوب عاقبت حیف
 و دریغ و حزن بلیغ و حسرت و اندوه و خیت انبوه ایله
 دونوب خانه سینه کلدی زاغ همچنان کبوترلرک غنچه
 روان اولدی تا انلرک کیفیت خلاصن معلوم ایدوب
 بحکم (السعید من اتعظ بغیره) انی اول واقعه نیک
 دفعه ده و انجیلین غائله هائله نیک دفعه ده ذخیره
 قیله

❀ قطعه ❀

عاقل انست که در نجر به نفع و ضرر
 ز حرفان دگر بهره خود بردارد
 هر چه دانست کزان نفع رسد بستاند
 آنچه از وی ضرری فهم کند بگذارد

❀ نثر ❀

کبوترلر کین کین صیاددن امین اولیجق ربقه دامدن
 رقبه لرین استخلاصده مطوقه به مر اجعت ایتدیلر
 اول خردمند راست تدبیر بسیار فکر ایله اول امرک
 غورنی خوض و تقدیر ایدوب بیوردیکه بی معاونت
 یار وفادار و بی مظاهرت صدیق حتمگذار بو کرداب

دشواردن قصد کنار خیال محال و کار ناهنجادر
 (مصراع) بی هم‌رهی این کار بسر نتوان برد ❀
 بومقامه قریب ز یرك نام برموش تیز هوش وارد ر که
 بنخله صدق و صفا دعوا ایدن خواصدن مزید حسن
 وفایله اختصاص بولمشدر و چاره ساز و مهمم پردازلقده
 سائر خلان دوست نوازدن فرط امتیاز ایله ممتاز
 اولمشدر

❀ بیت ❀

رفیق مخلص و یار وفادار
 وفادار اولمق اولمشدر اکا کار

❀ نثر ❀

لازمدر که انك چنانچه شتاب اید، وز و تراب پاینده
 یوز سوره وز که شاید انك مدد کارلخی ایله بوبند
 بلادن راه رها ال ویره و بو کرداب مخاطره دن احسن
 وجوه اوزره خلاص یوز کوستره پس اول ویرانه یه که
 موشك خانه سی انك حوالیسنده ایدی نزول ایتدیلر
 مطوقه سوراخی قتنه کلوب دست ضراعتله خلقه
 در ارادتی تحریك ایلدی موش تیز هوش اواز مطوقه بی
 گوش ایدیچك خروش ایدوب بی اختیار طشره کلدی

چون یار قدیم بنده بند بلا کوردی جوی خونابه بی
دید کر یانندن روان ایتدی و دود آه درد آلودی
جگر بر یانندن آسمانه ایر کوروب ایتدی
بیت

چند حالت این که می بینم چند حالت
درین حالت شکیبای محالست
من ای یاران چسان فارغ نشیم
چو یار خویش را در بند بینم
نثر

ای یار وفادار وای رفیق غمگسار نیجه حیلله ایله
بودرده مبتلاونه و سیه ایله بو بنده گرفتار اولدله
مطوقه جواب و یروب دیدی که انواع خیر و شر
واصناف نفع و ضرر احکام قضا و قدر و فرمان واجب
الاذعان خالق القوی و القدره منوط و مروطدر
وشادی و غم و صحت و المدن هرامره که کاتب قدر تدن
دیو انخانه از لده جف القلم واقع اولمش اوله لابدر که
عرصه عدمدن منصه وجوده کله لاجرم اندن
احترازنه فائده ویرر واجتباب نه بی منتج اولور
بیت

چون قضا لوحه چکدی قلم

بنده یازادی نیچه میر علم

کا، اولور که حوادث تقدیر

سروازاد ایکن اورر زنجیر

﴿ نثر ﴾

بنی و یارانی قضای ربانی و تقدیر یزدانی بوورطه یه
 براغوب دائمی کوسترمیوب دانه بی کوزمزه جلوه کر
 قیلدی باوجود که انلری تانی و تامل و تصبر و تحمل
 ارشادایدوب و تعجیل و شتابدن زجر و تهتک اضطرار بدن
 حجر ایلدم مفید اولیوب دست تقدیر دیده عقل
 و بصیرتمزی میل غفلت ایله خیره و مشرب رأی
 و رویتمزی کدر جهالتله تیره قیلوب آخر کار جمله مزنی
 بند محنت و دام بلیه یه گرفتار ایتدی موش ایتدی ای
 عجب که سن بو مقوله کسنه بو حس و فراستله و حدس
 و کیاستله نازله قضایه مقاومت قیلیه و تیر تقدیری
 سپر تدبیر ایله باشند صاومیه مطوقه ایتدی ای
 زیرک بوسوزدن فارغ اولکه بن دکل انلر که زور
 و قوت و عقل و بصیرتده و جا و دولت و هنر و فضیلتده
 بسیار ثروت و مکنّت و غناده و الحاصل جمیع اسباب

دولت وامور دنیا ده هزار بار بدن وسندن زیاده
 اوله لر پیشانی احکام ازلیه ده دست رد اوره مز لر
 وساعد تقدیری پنجه تدبیر ایله بوزه مز لر (لاراد لقضائه
 ولا معقب لحکمه) چون قاضی نافذ القضاء قضا قبله
 ارادتی قلم مشیت ایله امضا ایلیه قعر مادن ماهی
 بحر سمایه ایر کوره و اوج هوادن مرغی هاویه ثرایه
 ثرایه ایندره افراد افریده دن هر احد مجتمع
 اولسه امر قضایی دست تصرف ایله رد و حکم
 قدری دیوار عقل ایله سد ایملک ممستع در

❖ بیت ❖

ازلده هر نه یازدی دست تقدیر
 اولمز تا بد بر نقطه تغیر
 اوله جق نسنه اولور داد و بی داد
 کرک کوکلوی غمکین طوت کرک شاد
 دیر لسه برارایه جمله عالم
 ایچنده ایده مز بر حرفی کم
 نه سوز سینه ایله صاور یلور اول
 نه اب دیده ایله محو اولور اول
 نه یازوسن قیلور کوز یا شلری تر

نه باد آه اوراقی نی ابتر

نثر

شویله بیل که جریان فرمان قضا ده دانای کامل
نادان خامله یکساندر ومیدان تقدیرده کدای حقیر
الشان سلطان جهان ایله هم عناندر

نیت

بزور وزر نشایدرد احکام قضا کردن
نمی زبید کسی رادر قضا چون و چرا کردن

نثر

زیرک ایتدی ای مطوقه ملول اولمه کوکلی خوش
طوت که هر خلعت خلعتی که خیاط قدرت مقراض
ارادتله ملازمان عتبه عبودیتدن برینک قامتیه راست
بیچه کرکسه کریمانی زررشته دولت ایله آراسته
و کرکسه دامانی طراز محنت ایله پیراسته اوله بی
شبهه محض عنایت وعین کرامت اولسه کرک
غایت مافی الباب کسنه آنک کنه و حقیقتنه واقف
اولیه و آنک ضمننده اولان لطیفه حقیقه عارف
بولنیه بو معناده بیورمشلر

نیت

بدرد و صاف ترا کار نیست خوش درکش
که هر چه ساقی ما کرد عین الطافست
❖ نثر ❖

بوسر گذشتلر که نظر جلبیده آندن ببحضور اولورسن
نظر دقیقه صلاح حال مالی آند، بولورسن که
دیمش لرنوش صفائیش جفا سن میسر دکدر وکل
راحت خار محنت سز متصور دکدر (مصرع) بسا
مزاد که در ضمن نامرادیهاست ❖ چون زیرک بوفصل
پراصلی تعبیر دلپذیر ایله تقریر ایتدی دامک شول
بندلرین که مطوقه انکله مقید ایدی کسمکه مشغول
اولدی مطوقه ایتدی ای یار مهربان اول یارانمندن بوبار
کرانی رفع ایله و خاطرک انلرک مهمندن جمع ایدوب
من بعد بنم بندمی قطع ایله موش انک کلامنه التفات
ایلیوب کارنه مشغول اولدی مطوقه ینه تضرع
ایدوب دیدی که ای زیرک اگر بنم رضامی طلب ایدرسک
و حقوق مودت و سابقه اخوتی کوزه درسک شرط
بودر که اول یارانمی بنددن قور تر سن و بو کرمله داغ
مشک ران جامعه اوره سن موش ایتدی ای برادر
بو حدیثی تکرار ایتدک و بویابده مبالغه بی سرحد

افراطه یتردك مكر سنك كندو نفسكه حاجتك یوقدر
 اوله یوخسه ذمتكده نفسكك حقنی بیلیوب ایدك
 نفسك نكته سندن غافل میسن مطوقه ایدی
 بو یابده بنی ملامت ایله كه بو طیورك منشور حایق
 بنم نامه یازیلوب انلرك تعهد حالمی ذمت اهتنامه
 تفویض اولمشدر اول جهتدن كه بونلر بنم رعیتیم در
 بنم اوستمده حقلری ثابتدر واول سبیدن كه بن بونلرك
 مقتدا و سردارلری یم پس بنم دخی انلرك ذمتده، حقم
 واردر بعدما كه انلر رعیتكك حقنی رعایت ایدوب
 انلرك معاونت و مظاهر تلمی ایله بیداد صیاد جلاددن
 ازاد اولدم بكا دخی انلرك لوازم حقوقنه التزام ایدوب
 مهترلك هر اسمن ادا ایتك لازمدر هر پادشاه كه كندو
 آسایش طلب ایدوب رعایای بسته بند بلاه قومغی
 روا كوره آزمانه مشرب عشرتی تیره و دیده دولت
 و ساطنتی خیره اوله

❖ یلیت ❖

نیاساید اندر دیار تو كس

كه آسایش خویش خواهی و بس

❖ نثر ❖

موش ابتدی پادشاه رعیت بینده جان مشابه سنده در
 بدنده و دل منزله سنده در درونه تنده پس اولی
 بود که اولانک حالی تدارک اولنه زیرا که اگر دل
 صلاح اوزره اوله فساد اعضادن چندان ضرر
 ایرمز و اگر عیاذ بالله فساد مائل اوله سلامت اجزا
 اصلا فائده و یرمز تنه که صاحب نبوت کبرا که شوب
 عیب و کذبدن معرا و مبردار بیور مشدر (ان فی الجسد
 مضغۃ اذا صلحت صلح الجسد کله و اذا فسدت فسد
 الجسد کله الاوهی القلب)

❖ بیت ❖

یا کران کم اگر شوند چه غم
 از سر شه مباد مویی کم

❖ نثر ❖

مطوقه ابتدی احتمالدر که اگر اول بنم بندرمی قطعه
 اشتغال ایده سن آینه خاطر که ژنک ملال و تیغ
 دندانکه شایبه کلال متطرق اولوب یارانک خلاصی
 یابنده تکاسل و اهماال ایده سن اما چون بن بسته
 اولم تیشه دندانک نقدر شکسته اولور سه و ملاک
 ندکلو کمال بولور سه مقرر در که بنم جانبدن تغافل

وتكاسل قلسك كرك و ضمير كده بنی قید و بنده
 قومغه جواز ورخصت بولسك كرك ودخی چون
 ههكام بلاده بر رمزله مشاركت و موافقت واقع
 اولدی شرط حقیقت و فرط مروت بودر كه وقت
 خلاصده دخی موافقت اوزره الوب حق مرافقتی
 رعایت قیله وز

✽ مشنوی ✽

كشيك ياری غمخواری كركدز
 بلاوغصه ده یاری كركدز
 صفا وقتنده چوق بولور كشی یار
 ولی یار اولدرر كاوله وفادار

✽ نثر ✽

موش ایتدی بلی عادت اهل مكرمت و عقیده ار باب فتوت
 بودر كه بیورر سن بو خصلت حمیده و سیرت پسندیده نك
 فائد: سی غایت چوق و ثمراتنه نهایت یوقدر جله دن بریسی
 بودر كه خلقك سنك حقكده اعتقادی اشتداد اوزره ازدیاد
 بولور و رعایانك كرم و مر و تكه اعتمادی مبرم و مستحكم
 اولور

بیت

دوستی را چنین کسی باید

که از کار بسته بکشد

نثر

پس زیرك جد تمام وجهه مالا كلامه اولاً تشنه
دندانيله بنديارانی قطع ایدوب بعده کردن مطوقه دن
دخی بارکرانی رفع ایلدی چون موشك کاری
تمام اولدی مهمی سرانجام بولدی مطوقه جیع
کبوترله دهن خشك ولب تشنه وچشم ترله آنی
وداع ایتدیلر وشهیر سلامت رهبرله ایمن ومطمئن
آشیانه لینه کتدیلر موش دخی سوراخنه کردی
چون زاغ زیرك بوحالن کوردی وبندادمی تشنه نابله
کسوب احبابك استخلاصی یابنده حسن اهتمام
مشاهده قیلدی عن صمیم القلب انك محبت ومودتته
رغبت اتدی وانکاه موافقت ومصادقتی نعمت جسمیه
ودولت غنیمت یلارب کندی یه ایتدی بن اول کبوترله
واقع اولان وقایع دن امین دکلم لاجرم بونجملین برصافی
ضمیر وصاحب تدبیرله که وقت بلاده ظهیر وهنکام
محتده دستگیر اوله ناکزیرم

رباعی

که قنده بولنور یار وفادار
بولنزد که کندلدار غمخوار
جهان دارنده کرچه یار چوقدر
سینک بارک چکنلردر سکا یار

نثر

چون کانون دروننده بو آرزودیکی جوشه آغاز ایلدی
آهسته در سوراخ موشه کلوب زبان نیازله آواز
ایلدی موش ایتدی کیمدر زاغ ایتدی بن کترم که
بنی نوعم میاننده مهترم بر مهم ضروری سببیه خاك
پایه یوز سورمک استرم یوز یرک بر موش تیز هوش
ایدیکه روز کارک کرم و سردین وایامک نیک و بدین
چوق کورمش ایدی واول موضعده، کریزگاه ایچون
نیجه سوراخلر آماده قیلوب هر بریسنندن آخره راه
ایتمشیدی وهر واقعه نك علاجنده، قبل الوقوع اهتمام
ایدوب هر کارک تیمارنی مقتضای مقامه کوره اتمامه
یتشدرمش ایدی چون زاغ ایدوکن بیلدی زیاده بی
حضور اولوب ایتدی ای زاغ بر بریمزدن بعد المشرقین
اراغ ایکن طلب مقارنتنه باعث اولدی و میامزده

کمال مبیانتدن غیرى مناسبت یو غکن مصاحبت ایجاب
ایدرنه سبب حادث اولدی زاغ صورت جالی
بدایتندن نهایتنه دک حکایت ایتدی و کبوترل حقنه
آنک حسن عهد و کمال وفادارلغنه اطلاعن بیان
ایدوب ایتدی چون کوردم که اول بیچاره لر سنک
عنایت و معاونتک و سیله سیله دام محبتدن خلاص
اولدیلم و مصادقت و مرافقتک برکتیه اول ورطه
عنادن رها بولدیلم سنک کمال وفادارلغکه و نهایت
حقگذارلغکه جازم اولوب وفور همت و خلوص
طاویت و صفای نیت و صدق غقبیلته باب سعادت
مأبکه عازم اولدم تا فرط مخالصتله بشرط مخالطتی
یرینه کتورم و سنکله همنشین و همدم اولوب
هر دم دعوائی و داد و اتحاددن دم اورم و خار مبیانت
و مخالفتی رهگذار مصاحبت و موافقتدن کتوردم

بیت

داریم بسوی تو بسی دل نکرانی
حال دل خود بانو بکفیم تودانی

نثر

موش ایتدی بنم بنی نو عمه سنک جنسک میانده

مصاحبت بزم شریعتمزده منهی و محظور و سن بوزور
و تزویر ایله معروف بن بوفکر و تدبیر ایله مشهور ایکن
ما بینمزه احتمال مواصلت دائره عقلدن بغایت دور
و مهجور در

بیت

ببازار تو سودی جز زیان جان نمی بینم
که بعد المشرقین آمد میان مادرین سودا

نثر

یوری وار صوغوق دمور دوکه بر نسنه که حیر
امکانده اولیه پیرامنده کز نه که استحصال محاله
اشتغال ایتک همان بریده کی یورتمک و در یاده
آت سکرتمک و تار عنکبوتله عنقاش کار و بوافعال
صاحبنک مال حالی پیدا در که احباب و اعدا میانده
رسوا اولوب ارباب عقل و اهل فضل قتنده کنده
جهان اشکار ایتک در

بیت

این دام بیر قصد شکار دگری کن
کان صید که دیدی بشکار تو نیاید

نثر

زاغ ایتدی ای موش بوسوزی فراموش ایله که اصحاب
 همت ار باب حاجته باب مرحتی سد واهل مروت
 درگاهنه پناه ایدنی بدخشنوتله رد ایلمز بن حوادث
 زماندن بوبار گاهه بناه ایدوب وقایع دوراندن بوملجاء
 ار باب رجایه التجا ایلدم

❀ بیت ❀

جز آستان توام در جهان پناهی نیست
 سر مرا بجزاین در حواله گاهی نیست

❀ نثر ❀

حالا چون حلقه کی بوس عادت باینه لازم و دولت
 کی بو حرم کرمک حریم حرمتنه ملازم اولدم نه
 احتمالدر که تیغ جفا و همدن سپر کی بونیتدن یوز
 دوندرم و محالدر که تیر جور و ستم زخمدن کمان
 کی بر جانبه دخی مائل اولوب کز کی بو هوادن
 کیرو دونم

❀ بیت ❀

کر بشمشیر سیاست می نوازی حاکی
 وز بشریف غلامی می پذیری بنده ام

❀ نثر ❀

موش ایتدی ای زاغ کرم ایله باب حیلہ یی بنم جانہ
 آچہ ودام زر قہ بنی صیدا یچون دانہ فریب صاچہ
 کہ سنک بنی نو عکک طبیعتن بہ لور کن سنکله مصاحب
 بکا عظیم شین وچون ما بنم زده جنسیت یوقدر
 یا غراب الین سنک صحبت کدن اجتناب بکا فرض
 عیندر بونک برله کہ بر مقتضای قول حکیم (ع) روح
 را صحبت نا جنس عذابست الیم * سنک مصاحبک
 بیکمان سوهان عمر واره جاندر غائلہ مکر کدن بر آن
 امن واطمینان بکا امکان دکدر هر کسه کہ بر شخصله
 مصاحب ایلہ کہ اندن امین اولیہ اول واقعہ یه مبتلا
 اولہ کہ اول کبک دری اولشدر زاغ ایتدی نه کیفیتله
 اولشدر اول

حکایت

موش ایتدی روایت ایدر لر کہ بر کبک دری بر کوه
 دامتده خرامه کلشیدی و آواز قهقهه و صدای
 غلغلہ سی سامعه دهره و کنبده سپهره طنین و ولوله
 و یرمشییدی قضای الهی بر یاز شکاری اوچر کن
 و اوج هواده اول خوالیدن کچر کن با صرہ سی کبکک
 خرامنه راست کلوب آواز قهقهه سی سامعه سنه

واصل اولور لوح خیال بازه طرح مصاحبتی مر تسم
 اولوب الحاصل جان و دلدن آنکله مناسبته مائل
 اولور چون سیلاب محبت باشندن آش خاطرینه
 بواندیشه دوشر که بو عالمده هر شخصه برهمدم
 مناسب و بر محرم مصاحب بالضروره واجبدر تا ایام
 دولته یاری و هنگام نکبته غمکساری اولوب حالت
 صحتده قلبی مصاحبتدن صفا و وقت مر ضده روحی
 مؤانستیه شفا بوله معنای مزبوره مثل مشهوردر که
 السنه ناسده مذکوردر هر که بی یار بود پیوسته بیمار بود
 بونکته بی اداده بوبیت همیندر که زاده خاطر حزیندر

بیت

جهانده هر کیمک که یاری یو قدر
 درخت عشرتینک باری یو قدر

نثر

بو کبک بر یار خندانروی و خوش رفتار و سبک روح و شیر
 ینکفتاردر قلب ندکاو پرغم اولور سه بو جنس انیسک
 صحبتی ابله تازه و خرم و سینه ده نه دکلو الم اولور سه
 بونوع همدمک الفتیله منشرح و بی غم اولور

رباعی

یاری باید چه گونه یاری باید
 یاری که کره زکار من بکشد
 هر که که جمال خویش بنماید
 زاینده دل غم غبار بزدايد

❖ نثر ❖

پس آهسته که جانب کبکه روان اولدی کبک ناتوان
 بازی کور یجک غدر کنان برسنگ شکافنه پنهان
 اولدی باز اول سوراخ قربنده نزول ایتدی وزبان
 نیازله کیفیت حالی تقریره آغاز ایدوب ایتدی ای کبک
 سوابق زماندن الی هذا الان سنک فضا نلکدن غافل
 ایدم وسنگ وفور کمالک بکاستور اولدیغی اجلدن
 شمدی یه دل و واقع اولان تقصیر ایدم معذور ایدم الحاله هذ
 آوازه قهقهه ک واسطه سیله کوکله نشاط تازه و روجه
 انیساط بی اندازه حاصل او اوب خرام دلفریبکه صمیم جان
 ودلدن مائل اولدم سندن التماس ایدرم که من بعد
 بنمله استیناس ایدسن ورس وهراس ایتیموب طریق
 مودت اوزره کیده سن ووحشت و خشیتی قویوب
 کان اخلاصه آستانه آشیا نمله اختصاص ایدسن که
 برکت مصاحبتله بیکانه لک یکانه لکه مبدل اوله و شجره

وداد نمره مراد ویره

بیت

تحلیست محبت که از و میوه مقصود

هر چند کسی بیش بردیش برآید

نثر

کبک زبان تضرع و اعتذارنی در کار ایدوب ایتدی
ای قهرمان کامکار لطف ایدوب بوغم کین کوکلی
عفوک بشارتیه شادوبن مسکینه دیده مر حمله
نظر ایدوب ارحم الراحین جانبی یاد ایله بر کبک آخر
دخی شکار ایتدک فرض ایت باشک صدقه سی
قوشجه جانمی آزاد ایت

بیت

من و دیدار تو بهیات چه فکرست و خطا

من و وصل تو عفا الله چه خیالست محال

نثر

هر کا، که آتش و آب بر بر یله امتزاج قیله بنله سنک میانکده
مصاحبت اول زمان میسر اولور و هر که که سایه
و آفتاب پیسنده اقتران و ازدواج اوله سنکله بنم
مایمزده مر افقت اول وقت وجود اولور (مصرع)

زین فکردر گذر که بجایی نمی رسد * باز ایستدی
 ای عزیزم سنده انصاف ایله که بومهر بانلقده نه
 غرضم اوله که سنکاه تطف و مدارایی مستلزم اوله
 نه چکنکلمده حلال و انعلال واردر که سنک امشالك
 صیدند، عاجز اولم نه منقارمه، قصور وانکسار وار که
 کندی طعمه مک شکارندن فروماند، قالم همان
 بودر بوندن غیری دکادر که سنکله مصاحبت
 و منا سبت سوداسی و مجالست و مؤانست تناسی
 سکا مهر و محبت باعث اولدی و سنک ترنمات عجیبک
 و حرکات دلفریبک تماشا سیله دل بیغلده میل بی
 محابا حادث اولدی اگر چه بکاسنکله مصاحبتدن
 فوائد بسیار حاصلدر سکا دخی بنله مناسبتدن منافع
 بیشمار متواصلدر اول بو که چون بنم ابناء جنسم سنی
 کورده لر که زیر بال حمایتده پرورش و یرم دامنکدن دست
 تعدی بی کوتاه ایدوب پیرامنکه قدم ستمی دراز ایتیه لر
 و سکا دیده حرمله نظر ایدوب چشم رعایتی سندن
 پوشیده طوئیه لر و سن بیبال و خرم فراغت خاطرله
 هر دم اطراف کوهی طواف و اکناف دشتی کشت
 اید، سن ثانیاسنی آشیانه ایلتب و شاهانه یر کوسترم

تا جایکه، منع و آرا امکا، رفیعده ساکن اولوب بنی
نوعکدن حیثیاته سرافراز و افرانکدن رفعت درجاته
ممتاز اوله سن ثالثاسنک قبیلکدن شانکه لایق
بر محبوب صورت مرغوب سیرت موافق جفت بولوب
سکا تزویج ایدم تادست معاشرته دراغوش و محنت
غربتی فراموش ایدوب روزگاروی حضور و رفاهیتله
چوره سن

❖ نیت ❖

نه از زمانه جفاونه از سپهر ملال
امید حاصل و جام مراد مالا مال

❖ نثر ❖

کبک ایتدی سن امیر مرغان سن عنان اختیار طیور سنک
قبضه اقتدار کده در بن سنک رعایا و خراج گزار لر کدن
بر یسی بم بن مقوله کسنه نك افعال و اقوالی سهو
و ذلت و خطا و غفلتدن خالی اولمق احتمال محالدر اول
وقت که بن سنک حسن التفاتکه استظهار ایدوب
سنک لطف و عنایتکه امیدوار اولم یکن که بندن بر نادره
صادر اوله که خاطر عاطره مخالف و مزاج مبارکه
ناملایم کله لاجرم سر پنجه غضب خداوندی ساعد

عهد سابق بورسہ کرک وتیغ خشمہ کردن رفیق
موافق اورسد کرک همان اولی بودر کہ

بیت

قیلوب مشد قناعت بور یاسن
کیوب دیبا کی عزالت پلاسـن

نثر

کوشہ خلوتدہ توشہ عزالت اختیار ایدوب
ملازمت بارکا، حکامدن کہ متضمن خطرات کلیدر
فرار ایدم

بیت

تماشای رخ خورشید حد خود نمی بینم
همان بہتر کہ چون سایہ پس دیوار بنشینم

نثر

باز ابتدای ای برادر بیلزمیسن کہ دیدہ دوست
مشاہدہ عیب دن ناپینادر و ہرزشت کہ دوستدن
صادر اولہ بغایت ممتاز ورعنا و حسنادر

بیت

زہر ترادوست چہ داند شکر
عیب ترادوست چہ بیند ہنر

نثر

کبک هر بار که زبان اعتذاری پرکار ایدوب عذر
و بهانه سنی تکرار ایتدی باز مقابله ده شافی جوابلر
ودلپذیر نصیحتلر و شعری ادله و قیاسی خطابلی قیاسلرله
و لطیف خطابلرله و عهد و پیمان و وعده و ایمانله مؤکد
تضرع و التماسلرله اول مرغ رمیده بی دام صحبته
رام ایدوب محصل کلام کبکک عش قلبندن مرغ
وحشتی از عاج و خواه و ناخواه خیردن قیل چکرکی
سورا حدن اول ساده دلی اخراج ایلدی چون طشره
کلدی ایکی یار بر برین کنسار ایدوب تکرار بنای
معاهده بی سو کند بسیار و تأکیدات بی شمارله محکم
و استوار ایتدیلر پس باز آتی عز و ناز و اکرام و اعزازله
اول مقامدن کوتروب آشیانه سنه کتوردی اول مسکن
خاص و نشیمن نزهت اساسده کمال اخلاص و اختصاصله
بر بر یله الفت و استیناس ایتدیلر چون حال برقچکون
بو منوال اوزره یکدی کبک دری بازدن بو اعتباری
کور یجک تکالیف تکلفدن بری و کستاخانه اوضاعه
جری اولوب ناهنجار تکلم و ناهموار ترنم و بی تقریب
خندلر و بی سبب قهقهه لر ایدر اولدی باز عالیهمت

اگر چه که کبک با وضاعندن اغماض ایدوب آب
 عفو له دیوان جرائندن خط سهو و خطا سنی محو
 ایدردی اما شمشیر کینه نیام سینه سنده جایگیر اولمش
 و نهال غضب زمین قلبنده رسوخ و استحکام بولمشیدی
 اتفاق بر کون مزاج بازه ضعف کلی عارض اولوب
 بر مرتبه یه واردیکه طلب طعمه ایچون پرواز ایتکدن
 قالدی ناجار اول صباح شامه دک و اول کون اخشامه
 دک آشیانه سنده قراری اختیار قیلدی چون کیجه
 اولدی حوصه له سی غدادن خالی و آتش جوع له
 کانون درونی مالی اولوب نفس سبعی که نهاد بازده
 مر کوز ایدی حرکتیه آغاز ایدی کبک ایچون سینه
 سنده اولان کینه دیرینه که مر ور زمانه جمع اولمشیدی
 بازی خشم آلود ایدوب هر چند که ناصح خرد صورت
 عهد و پیمانی منصفه نظر نده جلوه کر قیلدی کوشه
 چشم قبوله نکا، ایتدی و کبک قان دوککه و ایه
 حوصه له سن پرایتمکه بهانه طلب ایتدی کبک بشره
 بازده آثار غضب مشاهده قیلوب عین الیقین کندی
 هلاکنه مکر کینی در میان ایتدیکن بیلوب دل پردرد
 غمخوردن بر آه سرد ایدوب ایتدی

بیت

چو عاشق میشدم کفتم که بر دم کوهر مقصود
ندانستم که این دریاچه موج بیکران دارد

نثر

ای دریغ که بدایت حال دهن نهایت گاره نظر ایتمدم
و نا جنس له پیوند ایدوب کوهر پند اکا بری که بیور مشلردر
(ع) که از مصاحب نا جنس اجتر از کنید * کوش
هوشمه بند ایتمدم لاجرم کشی عزم بو کردابه
دوشمشدر که ملاح تدبیر آنک خلاصندن نا امید
ورشته عالم برو جله منعقد اولمشدر که سرانکشت
تأمل ایله اکا انحلال احتمالی خیال بعید در

بیت

نه از رفیق وفا ونه از حیات امید
نه از سپهر بشارت نه از زمانه نوید

نثر

بونوع کلمات جانکد از له نیاز ایدوب و نالان و کریان
آتش حسرت یارانله لاله کبی جکرین داغلردی باز
همچنان مقلب آزاره آتش خشمه تاب و منقار خونخواره
زهراب ظلمه آب و یروب سفک خون کبکه بهانه ارددی

کبک چور بازک بو حالن مشاهده ایتدی فرط احتیاطی
 برینه کتوروب شرط ادبی مرعی طوتدی باز کوردیکه
 انک قتلنه باعث نسنه حادث اولدی و هر چند که
 قصد ایلدی هلاکن ایجاب ایدر بهانه بولمدی بی طاقت
 اولوب کبکه بیسبب غضب ایتدی و قتلنه بوفسون
 وفسانه بی بهانه ایدوب ایتدی رواقیدر که بن تاب
 آفتابدن التهاب واضطراریده اولوب سن هوای سایه ده
 آرام و خوابده اوله سن کبک ایتدی ای امیر جهانگیر
 حال باطلعه شب کلمش و طلبه روز عالم افروز
 کتمشدر واقصای حاوراندن تاملتهای قیروان جمله
 جهاتی حجاب ظلمت احاطه ایتمشدر اول حضرت
 نیجه تاب آفتابدن زخمیده یا بو حقیر بی استطاعت
 نیجه هوای سایه ده استراحتده در باز ایتدی ای بی
 ادب مخالف سوز سویلرسن همی و بی تکذیب
 ایدوب بنم کلامی رد ایلرسن ایلی جزا و سزای
 سکا کوستریم دیدیکی و منقار خونخواره سینه سن
 چاک ایدوب یسیدی بر اولدی بو مثلی اول اجلدن
 کتوردم که یله سن هر کسه که خلاف جنسله مناسبت
 ایدوب مضرتندن امین اولدیغی شخصله مصاحبت

ایلیه اول کبک دری کی روز عمری شام و شب اجلی
تمام اولوب دانه صحنه میل ایتدیکی سبیدن گرفتار
دام انتقام اوله بندهی همان بوموال اوزره سنکا
بالنوع مخالف و سکا طعمه اولدیغم اجلدن سندن
بالطبع خائفم پس سنکله بنم میانده ابواب محالست
نه وجهله کشاده واسباب مؤانست نه طریقله آماده
اوله زاغ ایتدی ای زیرک سنده انصافله سویله و کندی
عقلکه رجوع ایدوب دیده تانی ایله نظر ایله که سکا
ایزدان بکانه فائد حاصل اولور و سنی اکل ایتمکدن
نه منفعت زانده و اصل اولور باوجود که سنک بقای
ذات و حصول مولاتکدن بکانه فواید میسر و هزار
منافع و مقاصد مقرر در هیچ روا میدر که بن سندن
نیچه منفعت او مرکن سن سندن مضرت احتمالن
ویره سن یا جائز میدر که بن سنک طلبکده راه دور
و دراز قطع ایدم سن سندن ابا و اعراض پیوره سن
و حضرتکده ملتسم اجابته مقرون اولوب ناصیه
امیدمه دست رد اوردن بو سیرت خوب و سیرت
محبوبله سکا لایق میدر که بنم حق عزیمتی ضایع
قیلوب بو غریبی آستانه مراد بخشیدن نا امید وینصب

بیت

تیمار غریبان شایسته ذکر جلیلست

جانامکراین قاعده در شهر شمانیست

نثر

بابو اخلاق حیده و اوصاف پسندیده مقتضای
بومیدر که جیب دعای فوایح اجابتکله مجر و مشام
رجامی رابحه روحپرور ملاطفه کله معطر قلیله سن
(مصرع) از تو غریب بی بود رسم غریب پروری *
موش ابتدای زاع هرایی خصمک بر برینه معاداتی
البته یا عارضیدر یا ذاتی عداوت که عارضی اوله اکا زوال
احتمالی وارد و بر حیلله ایله انک ارتفاعنه مجال میسر در
اما شویله که عداوات اصلی و خصومت جبلی اوله
علی الخصوص که عداوت قدیمه به خصومت حادثه دخی
منضم اولوب سوابق مخاصمت لواحق منازعته اقتران
بوله هیچ وجهله آنک ارتفاعی دائرة امکانده داخل
اولز وزوای علی کل حال محال اولوب خصمینک
ایکیسی دخی معدوم اولیججه انک عدمی وجود بولز
(ع) تاسر نرود خیالش از سر نرود * عداوت

ذاتیہ دخی ایکی نوعدر بریسی بو که اثر خصومت
 و ضرر عداوت خصمیندن برینه منحصر اولیه بلکه
 گاه بواندن متضرر اوله کاه اول بوندن متأثر اوله پیل
 ایله شیرکبی که میانلرند، بیچاره به ملاقات جمله
 محالاتندر اما شویله دکلدر که نصرت همواره
 برجانبه مقرر اولوب هزیمت هر کره بر طرفه مقصور
 اوله بلکه بعض اوقاتده شیر زیان ظفر بولور بعض
 ازمانده پیل دمان پیروز اولور و بنوع عداوت اول
 مرتبه مؤکد دکلدر که آنک زخمی مرهم پذیر اولیه اول
 سبیدنکه نسیم نصرت هر قنخی جهته که
 تنسیم اید، هر آینه اول طرفه تسلی قیلوب
 و تشفی صدور حاصل اوله ایکنجی نوعی بودر که
 همیشه مضرت برجانبه واقع و منفعت طرف آخره
 راجع اوله موشله کر به و کوسفندله کرک کبی که
 دائم بر طرف مظفر و منصور و زحمت هزیمت طرف
 آخره مقصور در بنوع عداوت مر تفع اولق مستعدر
 بر عقده در که (یتغیر الزمان و لایتغیر) نه کردش آسمانله
 انحلال بولور و نه اختلاف زمانله زوال پذیر اولور پس
 بر خصمه که قصد جانده فرمانی روان اوله با وجود که

جانب آخردن نه ماضیده بر سابقه واقع اولوب
نه مستقبله بر لاحقه محتمل اوله مصادقت و مصاحبت
نه طریقله ممکن اولوب مابینزده بعد المشرقین وار
ایکن ملاقات و موالات نه کیفیتله وقوع بوله

❖ رباعی ❖

آن لحظه که روز و شب بهم پیوندند
بارشته مهر سایه بر هم بندند
من باتو نشینم و دران حالت نیز
ارباب خرد تمام بر من خندند

❖ نثر ❖

زاع ابتدای ز یرک بحمد الله که بنم سنکله عداوتم
اصلی و میانزده منافرت و مخالفت جبلی دکدر اگر
ابنای جنسک سنکله بالفرض عداوتی وارسه
بنم آینه قلبم غبار خلافتن پاک و آبکینه خاطر م اشعه
لمعه مهر و محبتکله تابنا کدر هر آینه چون قاعده
(من القلب الی القلب روزنه) محقق و مقرر در امیدوارمکه
اول حضرتک دل پیغلی بنم صدق عقیدت و خلوص
طویمه شهادت قیله (ع) تو میندن ار که دلبرز دلت
آکه نیست ❖ ووش ابتدای زاع سن حد مبالغه دن

طشیره کیدرسن بکا مصادقت و مصاحبت تکلیف
 ایدرسن فرضا که بن کندی نفسه جبر ایدم سندخی
 بومدعی اوزره صبر ایدم سن یکن که ادنی بهانه ایله
 شیشه عهده سنک غدرله کسر ایدوب همان
 عادت اصلی و عداوت ذاتی به معاودت قیله سن
 ماء را کدکی که مدت مدیده بر پرد، طور سه اگر چه که
 بعض عوارضی متغیر اولور اما مقتضای ذاتی
 اولان صفاتی باقی قالور مثلاً آتش اوزره صود و کسه لر
 سو بندرز و شعله نار کی که هر بار صورت ضرری
 و شرت شرری فتور بولسه خار و خاشاکه یتشه
 کوبندرز دشمنک مصادقته اعتقاد و مار افعینک
 نماز جتنه اعتماد جائز دکلدر واعدانک مخالفتی
 و پلنک تیز چنکک مخالطتی آزمایش مقتضای عقل
 تمیز دکلدر حکما بیور مشلدر که دشمنک قول زور یله
 مسرور و دعوی محبت یله مغرور اولمق کرک و هر بار که
 اظهار صداقت، مبالغه قیلسه اکا باور قیلمق
 کرک

بیت

امید دوستی نوز دشمنان کهن

چنان بود که طلب کردن کل از کلنجن

نثر

هر کسه که عهد دشمنه اعتقاد و پیمان و ایمانه اعتماد
ایلیه و افسون و افسانه سن رضایله اصغنا و سمع
قبولاله استماع قیله اول واقعه دشواره گرفتار اوله که
اول شتر سوار اولشدر زاغ استفسار ایتدیکه نیجه
اولشدر اول

حکایت

موش ایتدی بر شتر سوار اثنای سفرده بر موضعه
یتشددی که کاروایه لر آنده نزول ایتشلردی نته که
دیمشلردر (ع) قونوب دوشدیکه منزله قومزمی
کار بان آتش * آنده آتش یا قوب قویوب کتمشلردی
آنلر رخت اقامتی کو تر یجک کار بان صبا آمدشده آغاز
قیلیدی و مر وحه باد سحر خیز اول آتشی تیز ایدوب
آدن متطار اولان شراره اطراف بیابانده اولان
خار و خاشاکه یتشوب اول نواحیده اولان درختستان
بالکلیه طوتشوب اول صحرانک هر گوشه سنده بر لاله
زار بیدار اولدی میان بیابانده مکر بر مار عظیم وافعی
جسیم مقیم ایدی آتش اطرافن دائرة هاله و شعله

جواله کبی احاطه ایدیجک عاجز و فرومانده قالوب
هیج برجانبه یول بولمدی و هر طرفه که نکا، ایتدی
راه رها کورمدی آز قالدیکه تاب آتشله ماهی کبی
تابده، قاورله و صرصرنار بوارله خرمن حیاتی صاورله
چون اول سوارای کوردی تضرع وزاری به آغاز
ایدوب ایتدی

✽ بیت ✽

چه شود کر بکرم مر حتی فرمای
کره از کار فرو بستهء مابکشایی

✽ نثر ✽

سواری غایت مشفق و رحیم و مهربان کریم ایدی
چون مارک استغاثه سن ایتدی و حرارت آتشدن
ماکبی اضطرار این و نهایت التهایدن موکبی پیچ و تاب
مشاهده ایتدی کندی کندی به ایتدی اگر مار
حیوان زیانکار و دشمن بد کردار در اما حالی چون
فرومانده و عاجز در اکا مرحت ایتک مذهب مروته
جائز در اولی بودر که قلاب همته بو کرداب محنتدن
آنی طشره حکم و بو تخم خیری که مثر سعادت دنیا
و منج کرامت اخرا در دیوان حسنامت زمینده اکم پس

یابنده اولان تورمه بی النده اولان نیزه نك اوجنه بغلیوب
 مار طرفنه اوزاتدی مار تورمه کبی حصار حصین
 واستواری کور یجک بی اختیار کندیسن ایچنه
 آتدی سوار نیت خیرله اول مظهر شری ضرر شرر
 ناردن خلاص ایتدی بعد تو بره دن چیقاروب بعض
 مؤثر کلماتله نصیحتیه آغاز ایدوب ایتدی ای مار
 بیلور میسن نیجه ورطهء دشواردن خلاص اولدک
 ونیجه کرداب یواردن نجات بولدک واجبدر که بونعمت
 شکرانه سی برکوشه اختیار ایدوب من بعد مقام
 آزار و صدد اضرا رده اولیه سن که مودی دنیاده
 بدنام و آخرتده دشمن کامدر و رحمت حق دن دور
 و مرحمت خلقدن محروم و مهجور در

بیت

بترس از خد او میازار کس

ره رستکاری چینه ست و بس

نثر

مار ایتدی ای سوار بو سوزدن فارغ اولکه بن سنک
 بزم عیشکی زخم نیسمله تلخ ایتیم بو مقامدن کتیم
 سوار ایتدی ای مار بونه کفتار ناهنجار اولوز بن

سکاشفت و مرحمت باینده قصور ایتدیم و سنی
 میان آتشده قویوب نار و نور ایتدیم بن اولسم سیل
 فنا بنای بنیه کی یقردی و شعله آتش خانه حیاتکی
 یا قردی احسان از اسنده از اسرامیدر و کرم جز اسنده
 المرو امیدر

بیت

از جانب من طرح وفاداری بود
 از پیش تو آیین جفاکاری بود
 نثر

ما را ایتدی بلی سن انسانیتده قصور قومدک اما محلمده
 واقع اولمدی و لطف و احسانکی دریغ بیورمدک
 لیکن مستحقنه وصول بولمدی سن بیاور سنکده بن مظهر
 شر و منبع زهر و منشأ ضرر جمیع جانورل بنم
 شرر شرمدهن اوشنور خصوصاً نوع بشر ضرر
 زهر مدهن قان قاشنور چون سن بنم کی مظهر شری
 الوجود خیر محض فضا سنده قویوب تنکناه عدمه
 کوندرمدک بونجلین منشأ فسادک آتش افسادنی سیل
 دمارله سوندروب کار و بار وجودنی نار بوارله
 کوندرمدک هر آینه آنک مکافاتنده انواع آفات و مخافته

حاضر و منتظر اولق کرک که شیر برله خیر ایتک خیر لره
 شر ایتکه برادر برله بدکار لره احسان نیک کردار لره
 اساعتدن بدتر در

✱ قطعه ✱

چنانکه در روش شرع و عقل ممنوع است
 بدی بنسبت پاکان و نیکوان کردن
 بجای دد صفتانیکه مردم آزارند
 هیچ وجه نیکویی نمیتوان کردن

✱ نثر ✱

بودخی بو که (قلنا اهبطوا بعضکم لبعض عدو)
 نص صریحی موجب سزاکه بزم میامزده عداوت
 قدیمی قائم در دور بینک و عاقبت اندیش لاک مقتضای
 اوزره دشمن مقتول و خصم مخذول اولق دخی لازمدر
 و بحکم (اقتلوا الاسودین) بزی قتل بحسب العقل
 والنقل سزطائفیه فرض عیندر چون بو باید فرمان
 شرع و مقتضای عقل و طبعه مخالف فعله ارتکاب
 ایدوب زخم یرینه رحم نیش محانه نوش ارزانی کوردک
 البته سکا زهر دهانندن جاشنی طائرسم و بن
 دندانندن شراب لعاب تجرع ایتدرسم کرک تا استماع

قیلنلر بو فعل منکر د: سکا اتباعدن امتناع قیلله روسا لرله
 دخی تجربه اولوب سندن عبرت و نصیحت آلهلر
 سوار ایتدی ای قهرمان ستمکار بونه افسانه در که
 سویلرسن و بونه بهانه در که ایلرسن انصاف ایله
 احسان مقابله سنده اسائی نیجه ملتده روا کور مشلردر
 و کرم مکافاتده حیانتنه قنغی شریعتده رخصت
 و یر مشلردر خیر ازا سنده شری هیچ بر عاقل معقول
 کورمز و نفع جزا سنده ضری کاغر قاضیسی دخی
 بیورمز

❀ بیت ❀

بنا اولانی بودیر پر آفات

بنه احساندر احسانه مکافات

❀ نثر ❀

مار ایتدی ای سوار سن بو گانه انکار ایدرسن که
 بو عادت انسان و سزک مذهبکرده نیک و بد برابر
 و اسنات و احسان یکساندر

❀ بیت ❀

کورر احسان ایدر عصیان عجبر

عجبر عادت انسان عجبر

❖ نثر ❖

هر دم مرهم برینه نیش اوررسز و نوش محله نیش روا
 کوررسز بن بود عواده ینه سز لفتوا کزله عامل اولورم
 و بومعامله ده سزدن نه کیله ایله آلدیم ایسه ینه
 آنکله ویریم سزدخی بویله سز (مصراع) یک لحظه
 بخرانکه فروئی همه سال* هر چند که سوار زبان
 محاوره بی پرکار ایتدی سوار مساعده ساعد ماره طار
 کلوب ایتدی ای سوار چاره کار همان بویکی امرک
 بر یسن اختیار در اول زخی سکامی اوریم یوخسه شتر
 کدغی ابتدا قیله بم القصه سوار هر بار که حصار
 انکاره تحصن ایتدی مفید اولیوب آخر کار بو عهد
 اوزره قزار ایتدی لر که مار شویله که دعواسنی شهود
 عدولله اثبات ایتکله سواری اسکات ایده سوار
 آنک زخنه جان و دلدن خریدار اوله و کندی هلاکنی
 عن صمیم القلب اختیار قیله پس مار اطرافه نکا، ایتدی
 ناکا، کوردیکه برکاومیش بیابانده کزر و میان چراده
 رعی و چرایدر ایتدی ای سوار کل بومشکلی بوسلیم
 القلبیدن استفسار ایده لم پس مار و شتر سوار اتفاقله

کاومیش-ن قتنه کلدیلرماردهان زهریار وهلاهل
 ن-ارین آچوب ایتدی ای کاومیش روزکار در که
 بویابان جهانده کشت و کذار ایدرسن جزای احسان
 نه در نیجه بیلورسن ونیجه ایشیدرسن ایتدی آدمیلر مذهبجه
 صوررسک مکافات احسان اساعت و پاداش انعام
 خباثتدر بودعوانک صدقنه دلالتده بو کفایت ایتزمیکه
 بن نیجه مدتدر که بونلرذن برینه خدمت ایدوب هر سال
 صحرای وجوده غزال چین کبی بر کوساله کتوروب
 خانه خداوندی پر شیر و روغن ایدردم و آنک وجه
 معاش وجهت اتعاشی بنم ذمتمده اولوب بنم حق
 خدمتی بیله و شکر نعمتی فیله دیردم چون پیر
 اولدم نتاج بچیدن قالدم بنم تعهد حامی ترک ایدوب
 حقوق ماضیینی اونوتدی و بنی بو صحرایه صالی و یروب
 تک و تنها قودی کتدی چون بو علفزارده بر مقدار
 او تلیوب بیکار و کار کزدم بدتمده فی الجملة بمن و بمن
 ظاهر اولدی بر کون صاحبم بو جانبدن کذار ایدوب دیده
 دقتله بنم حسن حان ویال و باله نظر ایتدی چون
 بنم ضخامت تن و اندامی کوردی تعجب ایدوب بشاشت
 تمامله دوندی مقامنه کتدی یارنداسی بر قصاص

کتوروب بنی اکایع ایتدی بو کون سلخ خانه یه ایلنوب
 بنی ذبح ایتک محققدر انسان طائفه سنه احسانک
 مکافاتی بودر که بیان ایتدم (مصراع) حال من اینست
 یاران با که کویم حال خود* مار ایتدی اشته حکایت
 حال مکاناتی ایشدتک و مذهب آدمیاند، احسان
 مقابله سنده اساعت لازم ایدوکن استماع ایتدک
 همان بیتوقف زخمه آماده اولوب عهده وفا و شرط
 معهودی ادا ایتک کر کسن سوار ایتدی بزم شریعتمزده
 شاهد واحدله حکم ثابت اولز و شهادت حد نصابه
 وار منجه قضا مضایولز مار آفاقهینه نظر ایتدی
 اتفاق کوزی بردرخته راست کلدی ایتدی کل
 بودر ختن دخی کیفیت حالی صوردم بو باده اولدخی
 نه دیر کوردم پس معیتله اول آغاج دبنه واردیلر مار
 آندن دخی صور دیکه مکافات احسان ندر درخت
 ایتدی مذهب انسانده جزای احسان اساعتدر و مشرب
 آدهیاند، پاداش منفعت مضرتدر بو برهانه که بن
 بو بیاباند، بردرخت سایه دارم ولیل ونهار بر آیاغ
 اوزره طوروب آینده و روندیه خدمتکارم بنی انساندن
 هر کرمازده و درمانده که بو بیاباند، تاب آفتابدن جگری

بر بیان اوله کور سایه دولتده بر ساعت آسوده اولوب
راحت اولور چون شدائد راهدن فراغت و نکابت
هوادن افاقت بولور کوزلرین آچوب زیر و بالا سه
بقار ایدر که بونک هر شاخندن بود کلو چوب دسته
وبو قدر تیر صابی و اوزد کندن بو مقدار تحت و اندن
بو قدر قابو چیقار شو یله که یاننده تبر بولنه یا کسر
فی الحال شاخلریمک بر قاچن کسر بونک برله که بونلر بندن
صفا بولور لر جفا قیلور لر با وجود که بندن راحت
کور لر زحمت و بر لر

❀ بیت ❀

من در اندیشه که چون بر سر او سایه کنم
اودران غم که چسان بر کندم از بنیاد

❀ نثر ❀

مارا یتدی ای سوار شاهد امری دخی بر طرف اولدی
شمید نصکره دخی نه بهانه اولور البته شرط معمودی
ادایتمک کرک وزخم نیشمه رضا و بر مک کرک سوار
تعال ایدوب ایتدی تعدیل شهود لازم ایدی اولمندی
و تزکید واجب ایدی بولمندی ناحق بره قان دو مک
عدالتکه لایق دکلدر و بی بیسته قضار ضای حقه

موافق دکلدر باوجود معلو مکدر که جان بغایت
 عزیز و میوه زندگانی لذیذ در قلبی تعلق دنیادن قلع
 ایملک صعب کار و خلعت حیاتی بدندن خلع ایملک
 امر دشوار در امان بعدش طمن بونک اوزرینه
 اولسونکه اگر بوقضیه به برکواه دخی بولولونه
 بیضایقه قضایه رضاویرم و شرط معهودی تقدیم
 ایدوب بوبلایه کندومی تسلیم ایدم بواشاده اتفاق
 برروبا، اول نواحدیده کزر کن انلری بومناظرده
 کوروب مشکالری نه ایکی دیوب جان و دلدن قولاق
 اوروب تفصیل حاله واقف اولوب طور دی چون
 مارآنی کوردی سواره ایتدی کل امدی قضیه بی
 یوروبا هدن صورهلم بوباید، اولدخی نه جواب ویرر
 کورهلم سوار هنوز تفصیل حالی اعلام وجواب
 وسؤالی تمام ایتدین روبا، برانتباه آواز بلندله ایتدی
 ای مردم بیلمزمیسن که مکافات نیک بدوجزای احسان
 اساعتدر امان مارحقمنده احسان ایتدک اوله که
 مستحق پاداش اسأت اوله سن سوار چون حقیقت
 حالی حکایت ایتدی روبا، ایتدی سن مردعاقله بکزر سن
 نیچون بهوده سوز سویلرسن وحق صحیحی ستر

ایدوب کذب صریحی کند بیکه نسبت ایلمسن (ع)
 زعاقل کی روا باشد سخنهای خطا گفتن * مارا یتدی تلی
 سوار راست سویلراشته اول تو بره که بنی انکله ورطه
 آتشدن خلاص یتدی روبا، تعجب صورتن کوسرتوب
 یتدی بو کلامه باور نیجه متصور در که بو قدر جسامت
 هیکل و ضخامت پیکرله دب اکبره بکزر بر اثر در
 بو تو بره که اکا نسبت دأره عین الشوردن اصغر در
 صیغه یلمک نیجه ممکن و میسر در مار یتدی بو مجلی
 مشاهده ایله بیان سهیلدر بود عوایی برهان عیانله
 اثبات آساندر و الحاصل اگر اعتماد ایتمسک اشته
 خراشته نردبان روبا، یتدی اگر بو قضیه بی علم
 الفین یلم و بو صورتی روی عین ایله مشاهده قلم
 امید در که بو عقد بی لطف حیلله ایله حل و بو خصوصتی
 اکل وجوه اوزره فصل قلم پس تصدیق دعوا
 و تحقیق مدعا ایچون سوار تو بره نک اغزین اجی
 و یردی ماردخی کلام رو باهله مغرور اولوب تو بره نک
 ایچنه کیردی روبا، چون آتی کوردی آهسته سواره
 دیدی ای جوان چون دشمنک زندانده کوردک
 و خصمک خطر جانده بولدک فرصتی غنیمت یل و مجال

امرنی تدارك قيل

﴿بیت﴾

دشمنه کفر فرصت ال ویره همان

قیدنی کور بر نفس و یرمه امان

﴿نثر﴾

پس سوار تو بره نك آغزین محکم طو توب سنك خارایه
شویله اوردیکه مارك زهره سی جاك اولوب کشته
زهر هلاک اولدی و بنی آدم آنک شرر شرندن و ضرر
زهرندن قورتلوب روی عالم آنک خبث خبیث شدن
پاك و پاکیزه اولدی (ع) اینچنین بد زندگانی کشته به
بو حکایتك فائده سی بودر که خردمنده لازمدر که
طریق حزمی نامرعی قومیه و خصم فتنه انکیزك
رأی فریب آمیزنه مغرور اولیه و هیچ وجهله آنک
عهدینه اعتماد و قولنه اعتقاد ایدوب باور قیلیمه تا آنک
دام بلا سنده درمانده قالیمه

﴿قطعہ﴾

اول که قول حصلمه مغرور اولور

شمع عقلی تیره و بی نور اولور

دوست اولق دشمنه اول وقت اولور

کیم فرالق شب یوزندن دور اولور

نثر

زاغ ایتدی بو کلام لائلی انتظامی که عین حکمت
و محض نصیحتدر قبول سامعه ایله ایشتم و بوجواهر
زواهر ماری که معدن عقل و کان خرددن مستخرجدر
آویزه کوش هوش ایتدم اما سنک کرم ذات و مکارم
صفاته که لایق بودر که بو بایده در موافقتی فتح ایدوب
در یجه مخالفی سدایده سن و بنم کلامه باور قیابوب
احکام و همیه بی براهین عقلیه ایله ردایده سن و حکم انک
بو پندنی که بیور مشلردر لئیم لر مصاحبتهندن فرار
ایدوب کریم لر مجالستن اختیار ایتک کرک کوش
هوش که بند اید سن که کریم بر ساعت مصاحبتده
انواع شفقت و ملاطفت بیورر ورعونت و خشونتدن
احتراز ایدوب بیکانه لکی بیکانه لکه مبدل قیلور
امالیم حق صحبت قدیمدن انماض ایدوب ادنی بهانه
ایله یوز ییلاق دوستدن اعراض ایلر بواجلدندر که
آزاده رک صداقتی تیز وعداوتی دیرواقع اولور کوزه
زرین کی که کیج شکست اولوب تیز صلاح بولور
ولیم طبع و سفله مزاجلرک بنای صداقتی سریع

الانهدام اولدیغندن غیرى اصلا اصلا حیدر اولمز
کوزه سفالین کی که تیز شکست اولور و هیچ وجهله
صلاح بولمز

بیت

ینلر باغ حکمتدن یمش لر

بو معناده بغایت خوش دیمش لر

منوی

دوستی می باید ازین گونه جست

کان ابدال دهر بماند درست

خانه کاساسش بود از خشت خام

بست شود از دوسه باران تمام

نثر

ای زیرک بندخی اول قبيله دنم که دیانتمه اعتماد قیلنه
و صداقتمه اعتقاد اولنه باوجود که بر صدیق صادق
محتاجم و بر رفیق موافقه کیم طوق ایسه بن آجم
بورجاده بو جنبه الیجا ایدوب هیچ بر طریقله بویولدن
دو نمزم و بود عاده بو محرابه توجه ایدوب هیچ بروجهله
بو قبيله دن یوز دوندرمزم و اصلا طعام طامرم تابنی
نعمت ملاقات شریفکله مشرف ایتیمه سن و قطعاً

آرام ایتم تا گوش جانمی درر مقالات لطیفه که مقرر
و مشنف قلمیه سن

بیت

دامن چون تونکاری ز کف آسان ندهم
که بخونا به بسیار بدست آمده

نثر

موش ابتدی سنک موالات و مراعات که جانله خریدارم
و صدق صدیق و یار موافقه احتیاجده بندخی سن
قدر وارم مؤانس مکدن بو قدر کریم و مجالستکدن
بود کلو پر هیزم اول اجلدندر که اگر بنم حقهده مکر
و غدر فکر ایده سن عقل قتنده عذرم واضح اوله
و تادیمه سن که برست عنان دوست بولدم و رهین
ولین نرم خلقت وضعیف حقیقت شخصله آشنا
اولدم والا اول کلام مکدن سنک دعوای صداقتده
صدقی بششیدم و سنک صحبت که جان وداله
مائل اولمشیدم

مثنوی

چون درین دل برق مهر دوست جست
اندران دل دوستی میدانکه هست

هیچ عاشق خود نباشد و صلحو
که نه معشوقش بود چو یای او

نثر

پس طشهره کلوب سوراخی قیوسنده طور دی زاغ
صور دیکه نیچون ایلروجه کلوب بومشتاقله مؤانست
ایدوب شرف مجالستکه مشرف قیلزسن مکر خاطر
شریفنده هنوز حلیان خوف مشاهده ایدوب
خفقان بیم معاینه ایدرسن موش ایتدی هرکا، که
برکسینه کندی نفس نفیسن صدیق صادقی یولنه
فداقیله ووقت مضایقه ده نقد جان لذیدن یار عزیزی
ایچون دین واجب الادایله آنک کبی صدیق محب
صادق و برادر موافق دیکه لائق و مراقیء صداقتده
آنک مرتبه سی عالی و ذر جد سی فائقدر واکر همان
امور دنیویه باینده ملاطفت بیوروب مال و منالده
مواسات قیله آنک دوستلخی متوسط الحال و اول
مقوله کسینه نک منتهای مصداقتی حد اعتدالدر
دیشلردر که اول کسینه که دوستنه مراعات وقت
و مصلحت حال ایچون جاء و مانده مواسات ایلنه شول
صیاده بکزر که کندی سودیچون دانه صاچر پرورش

طیور مقصودی دگلدر چون بواصل صداقت غرض
امیر در ممکن که عاقبتی عداوت انکیر اوله

❖ بیت ❖

هر نفسی کان غرض آمیز شد
دوستی و دشمنی آنکیز شد

❖ نثر ❖

اما شول کس نه که جام محبتی شویله نوش ایلیه که
یاری کنندی یولنده وارلغن فراموش ایلیه اکسیر
اکبر و کبریت احردن صدمرتبه اولی و میدان محبتده
جان فدا قلیق پیسدادر که مال ادا ایتمکدن هزار بار
اعلادر (ع) الجود بالنفس اقصى غایه الجود

❖ بیت ❖

هست جوانمرد درم صدهزار
کار چو با جان فدا انجاست کار

❖ نثر ❖

پوشیده دگلدر که سنک شرط موالاتی قبولده
و باب ملاقاتکه دخولده یونک برله که بکا خطر جان
وارد در زمین دلمده بنای صداقتک بر درجه ده استوار
در که طریق یاریده بدل نفس وفدای جان بکا

آسان کار در (ع) گرسد کار بچان از سر جان
 برخیزم * اگر سگافی الجمله سوء ظنم اولیدی مصاحبتکه
 مائل اولزدم و گوشهء گاشانه ده او توروب کنج آشیانه دن
 قدم بیرون قیلزدم قلابم سنک مصادقتکه تمام واثق
 و روحم سنک مصاحبتکه تمام عاشق قدر و طلب
 محبتده صدق نیتک و خلوص طویته شائبه
 شبهه دن بری بوجهله بنم جانمده اولان خلوص
 و خصوصک بیکده بریدرای زاغ اگر چه سنکله
 بنم میانده بنیاد عهد و پیمان پایدار و بنیان امن
 و امان استوار در اما سنک بنی نوع کدن بعض
 یارانک وار که بمنله آنلرک ییشده بغض و خصومت دائم
 و شطرنج عداوت قائمدر محتملدر که آنلرک بریسی بنی
 کور یجک بکا قصد و نیشتر چنک خون فشالهرک
 شریانندن فصد ایدلر زاغ ایتدی بمنله یارانم میاننده
 شرط مز بودر که بنم دوستمه دوست دشمنمه دشمن
 اوله لرموش ایتدی بی هر کسه که دوست دشمنمه
 یار و دشمن دوسته هوادار اوله احباز مره سندن
 مردود و اعدا اعدا دندن معدود در

روی دل از دو طائفه برداشتن نکوست
از دوستان دشمن و از دشمنان دوست
نثر *

بواجبند در که از باب حکمت احبابی اوچه قسمت
ایتشلردر دوست خالص دوست دوست دشمن
دشمن دشمنی دخی اوچه تقسیم ایشلردر دشمن
ظاهر دشمن دوست دوست دشمن بویابده
بیورمشلردر

بیت *

از دشمن خود چنان نترسم
کز ردشمن یار و یار دشمن
نثر *

زاغ ایتدی ای زیرک مضمون کلامک معلوم اولدی
شویله بیسل که بنمله سنک میانکده ارکان مودت
برمرتبهده مؤکد و بنیان محبت برمشابهده مشید
اولمشدر که من بعد بکا اول کسنه یار اولور که
فی الحقیقه سکا یار و بنمله مصادفته اول کسه سزاوار
اولور که سنک رضای طلبکار اوله هر کسنه که
سکا محب اوله اکا محبت واجبدرا کرچه که بکا اغیار

اوله واول کسنه که سکا عدو اوله بکا عداوت لازمدر
اگرچه که بکا خویش و تبار اوله

❖ بیت ❖

برخ هر کس که نیست داغ غلامی یار
کر پدر من بود دشمن و اغیار اوست

❖ نثر ❖

خلوص محبتکده صدق یتیم و خصوص مودتکده
عقد عز یتیم اول مثابه ده در که اگر چشم وز بان که
دیده بان قلعه جان و ترجان بیان جناندر سکا خان
و مخالف و مباین کورم بر اشارتله ایکسین دخی ساحل
وجوددن کرداب عده کوندرم

❖ بیت ❖

عضوی ز تو کردوست شود بادشمن
دشمن دوشمرتغ دوکش زخم دوزن

❖ نثر ❖

موش بو کلماتک استماعندن قوی دل اولوب ایلو و کلدی
وزاغ حالن و خاطرین صورتی و الحاصل اول ایکی
یار بر برین کنار ایدوب مشاهده جمال ایله خوشحال
اولدیلر و لیل و نهار زبان اشتیاقی پرکار ایدوب مصاحبتله

اشتغال قیلدیلر (مصراع) میان بنیدید عشرت
 را که یاران در کنار آمد * چون موش بر موجب (اگر
 مواضیافکم) وظائف ضیافتی تقدیم و مراسم تکریم
 و تعظیمی تکمیل و تنمیم ابتدی و ایتدی ای برادر اگر
 رخت اقامتی مسکن اصلیدن کوتورب اهل و عیالک
 بومنزله کتوره سن طوق منتک تاقیامت کردغه بند
 ایدوب غبار اندوهی آینه دلدن کوتوره سن زیر
 بوبقعه که بومسکینک مسکنیدر مأوای خوش
 و موضع دلکش و مرتفع فربخشدر زاغ ایتدی
 بومأوانک آب و هوا سی و فسحت بقعه و وسعت
 رقعہ سی بایندہ سوز یوقدر لیکن شارع عامه قریب
 واقع اولوب تردد کا روان و آمد شد مسافر اندن حصول
 ضرر انبوه محتملدر و وصول آسیب مکروه متوقعدر
 اما فلان جایگاه که تعرض انشاء سبیلدن دوردر
 بر مرغزار در که غایت صفادہ نحرور حور کبی پر نور
 و لطافت هوا ده باغ ارم کبی مقام حضور
 و جبردر

(منوی)

لب جو بی سراسر سبزه تر

صبابوی شکوفیه معطر

کنار باغ وراغی سنبل وکل

همان سبزه زاری پر قرنفل

❖ نثر ❖

طعمه ولقمه اول نواحیده وافرودست آشوب وفته
اول حوالیدن قاصدر بوجه دن غیری بنم احبابمدن
برکشفانده توطن ایدوب اول مقامه شرف ویرمشد
اگر رغبت یوررسک اتفاقله اول منزل بهشت
آینه وارهلم وبقیة العمر اول مرغزارده کامران
وکامکار روزگار پکورهلم موش ابتدی

❖ بیت ❖

نادامن کفن نکشم زیربای خاک

باورمکن که دست زدامن بدارمت

❖ نثر ❖

ای انیس دل ناشادم وچلیس حجره فؤادم (شرف
مجاورتکدن غیری امیدم وسعادت مصاحبتکدن
غیری مرادم یوقدرسن آفتاب کبی هرمنزله که کیده سن
بن سایه کبی یانکجه یوزاوزره یورورم وآستین
فشان هر جانبه که خرام ایده سن بن دامن کبی آرد بکه

باش اوزره سورینورم تا کر یسان جامه حیاتم چنک
 هادم اللذاتله چاک وچشم جهانبینم صرصرمرک
 وماتله پرخاک اولیه دست ارادتم دامن صحبت کدن ایرلییه
 و دیده دلم مشاهده شاهد میل و محبت کدن ایرلییه
 و بقیعه ده که حالیا ساکنم وطن اصلی ومسقط
 رأسم دکلدر بلکه تصاریف روزکار بومقامه بنی بی
 اختیار کتور مشدر بنم سرگذشتم اوزون و عجائب
 وغرائبی حد و عددن افزوندر انشاء الله اول زمانه که
 قرار کا مقرر اوله و خاطر عاطر شدت مسافرت
 وزجت مهاجرتدن آسایش بوله تصدیع جائز
 اولور سه مهردن ذره و بچردن قطره روایت اولنه
 چون میانلرنده کلام بومقامه تمام اولدی زاغ
 فی الحال دم موشه یا بشوب بال عزیمتله پروازه کلدی
 و مقصود معهوده متوجه اولوب نیجه زمان کند کدنصرکه
 مقصوده ایردی سنک پشت مکر اول مرغزار
 میاننده اولان چشمه نیک حوالیسنده کشت ایدردی
 چون اراقدن صورت زشت زاع ظلمت سرشتی
 احساس ایتدی ترس و هراس اکا غالب اولوب فی الحال
 صویه طالیدی زاغ موشی آهسته هوادن ایندیروب

سَنَك پشته آواز ایلدی سَنَك پشت قعر آبدن
صدای آشنایی اشیدوب شرائط استقبالی مرعی
طوتدی و دیدار یار کرامی ایله شادوزندان هجراندن
آزاد اولوب ایتدی

﴿ بَنت ﴾

بخت برکشته من باسر پیمان آمد
وقت شادیت کنون کان کل خندان آمد

﴿ نثر ﴾

پس بر بزیله کورشدیلر و او پیشوب قوجشدیلر
و خاطر لرین صورشدیلر کشف استفسار ایتدی که
بوآنه دك نه حالده و بوزمانه دك نه اشتغالده ایدك
زاغ سرگذشتن و کبوتر دامه گرفتار اولدیغن تا آندن
نجات بولنجده و موشله مصاحبت و مصادقت مراد
قیلیدیغن تامسکن مألوفه و اصل اولنجده نقیر و قطمیر
تقریر ایدوب کلک تعبیر ایله ضمیر کشفه تحریر
و تصویر ایلدی کشف چون بر سبیل اجمال تفصیل
حالی معلوم ایتدی بشره سنده بشاست تازه
وهشاشت بی انداز حاصل اولوب ایتدی ای مونس
خاطر بی آرام (ع) خوش آمدی و علیک السلام

والا کرام * بزم بختمرك سعادتي در كه سرك رختكزي
 بوجايه چكدي وطالعمر ك قوتيدر كه كوكب
 جمال كز افق وصال دن طلوع ايتدي موش دخی لسان
 اعتذاري پر كار ايدوب ايتدي بو الطاف بينهایتك
 معذرتي نيجه زبان خامه ايله تقرير اولمق ميسر
 وبو التفات يحد وبه غایتك محمدتي نيجه زبان خامه ايله
 تحرير اولمق متصور در بزتاب آفتاب حواشدن سرك
 سایه عنایتكزه پناه ايلوب طورورز ووصول
 امانی وامانی حصول دولت وصال كرده اكليوب
 طورورز

* بیت *

این عنایت ازنی بود كه من بر سیدم
 وین هدایت ایدی كشت كه رویت دیدم

* نثر *

چون شد ایده سفر دن آسایش بولدیلر واول مسكن
 مأمنده غبار اغیار وچشم زخم روزكاردن سالم
 ومصاحبت یار وموافق دیارله خانم اولوب روزشب
 تماشای جمال وشكر وصاله مواظب ومداوم اولدیلر
 زاغ موشه متوجه اولوب ايتدي ای زیرك اگر مصلحت

کور رسك وعده كرمه بی انجازه یتشدر وب سرگذشتی
سنگ پشت حضورنده حکایت ایله ناما بنیزده قواعد
وفا و مؤانست استحکام بوله واول نوادرک استماعیل
اهل مجلسه تمام استراحت مالا کلام حاصل اوله

❖ بیت ❖

بکشایب وزان حدیث شیرین

کام دل ما پر از شکر کن

❖ نثر ❖

موش سمعا و طاعة دیوب بوسؤاله جوابده کشفه
خطاب ایدوب ایتدی ای برادر بنم منشا و مولدم
دیار هنددن بر شهر در که اکا ماروت دیرلر بن اول
شهرده بزاهدک زاویه سنده وطن طوتمشیدم و گوشه
صومعه سنده کتدم ایچون بر آشیانه دوزوب دست
ارادتله اول آستانه یه التجا ایتشیدم بنی نوعمدن نیچهلر
بنم درکاممه ملازمت ایدرلردی و هرکا خدمت
ایچون بارکاممه کلوب کیدرلردی مرید معتدلردن
بر مرد صادق هر صباح زاهد ایچون بر سفره طعام
احضار ایدردی زاهدانک بر مقدار بن وظیفه چاشته
صرف ایدوب باقیسن شام ایچون ادخار ایلردی

بن دیده ترصد ایله کوزه دردم زاهد بگردن چقدیغی
 کبی کندیمی سفره ایچنه آتوب مرادم اولدیغی قدر
 ایچنده اولان طعامدن یردم باقیسن تمام سائر یارانه
 احسان و انعام ایدردم زاهد هر چند که حیلله ایله بنی
 صید ایتکه قصد ایلدی کار کر اولدی و دام مکرله
 قید و بند ایتکه فکر ایتدی فائده بولدی اتفاق بر کبجه
 زاویه زاهده بر عزیز مهمان اولوب منزلنی مشرف
 قلدی چون مراسم سلام و لوازم اطعام و اکرام
 تمام اولدی مائده پرفائده کلام چکلوب سماط محاوره
 و سفره مسامره میانه کلدی زاهد اثنای کلامده انک
 مولد و مقعدین صورتی و سبب ارتکاب سفر و موجب
 اجتناب حضور حضری استفسار بیوردی مهمان
 بر مرد ایدی جهان آزمای و بر فرد ایدی عالمیای

بیت

سفر کرده در بحرو بر سالها

شده مطع بریسی حالها

نثر

زاهده جوابده کا، اختصار و ایجاز و کا، اطناب و اطنابی دراز
 ایدوب غرائب اخار و عجائب امصارن هر نسنه که انک

دیده شه و دنده ار تسام بولمشدی تعبیر دلپذیر له
 تقریر ایتدی زاهدانای مکالمه ده کا کا، انلرین بر برینه
 اورردی یعنی بوصدا ایله اول کوته آستین حوزه
 سفره بی دراز دستلردن قورردی مهمان بوصورتدن که
 بی حرمتک علامتی ایدی زیاده منفعل و بوحر کتدن که
 دائره ادبدن بغایت دور ایدی آتش خشمی مشعل
 اولوب ایتدی ای زاهد صفت استهزا و سمت سخریتدن
 احتراز سه کا غایت لازم و جاده جددن جانب هزله
 میل کافه خلقه عموما وار باب تاج و خر قهیه خصوصاً
 زیاده ناملا بیدر

قطعه

باستهزا و سخریه مکن میل
 که آنها لایق آزادگان نیست
 کسی کو هزل و بازی ساخت پیشه
 ازو بی آب رو در جهان نیست

نثر

زاهد ایتدی حاشا که هرگز خار هزل بنم دامن حاله
 آویخته و غبار استهزا هوای صفای دل بی غله
 آمیخته اوله بوحرکت که بندن مشاهده ایدرسن کشور

سفره بی لشکر فاره دن حمایت ایچوندر که بنم مملکت
نعمته مستولی اولوب خوان خانه مه دست تعرضی
دراز ایتمشلردر آنلرک طغیانندن نه سفره ده خرده
نان قورتلور ونه خانه ده دانه دن نشان بولنور

بیت

صد همچو من بجد نتواند منع کرد
آن لحظه که دست بیغمار آوردند

نثر

مهمان صورتی که آنلرک جمله سی اقدام و جمله ده
بر برینه نظیر میدر یا بعض بعضندن جری و دلیر میدر
زاهد ایتدی ای مهمان آنلرک بریسی پهلوان بلکه
جمله یه سلطان و قهرمان منزله سنده در رو برو سفره یه
کیروب ایچنده نه وارسه قاپار و کوزه کوره یوریش
ایدوب نان و نعمتدن بولدیغن چلار چار پار مهمان
ایتدی البته انک سارلرندن جرآننه بر حکمت و اقدامده
تقدمنه بر علت لازمدر بونک مصداقی همان اول
حکایتدر که اول شخص اول عورته ایتدی کنجد
مقشرله غیری مقشری مثلاً بمثل صامتغه البته بر سبب
کرک زاهد ایتدی اگر زجت اولمزه بیورک نه کیفیتله

اولشدر اول

(حکایت)

مهمان ایتدی بوکلدیکم راهده شبانکا، فلان کویده
برآشنانک خانه سنه نزول ایتدم طعام شام ینوب
وظیفه ضیافت تمام اولدقدنصکره بنمچون جامه
حواب دوشده دیلر واروب یاندم هنوز خوابه وارمدین مرد
آشنا عیالی قتته کتدی واهلیله مکالمه یه آغاز ایتدی
بنله آنلرک میاننده حجاب همان بر بور ییدی بوسه بیدن
آنلرک مفاوضه لرین اشدردم وماینلرنده جاری اولان
کفت وگونک جله سنی کوش ایدردم مرد ایتدی
ای خاتون نیتم بودر که یارین بو او بهنک اولولرین
دعوت ایدوب بومهمان عزیز حضـورنده که عالم
غیبدن بزه برهدیه در جمع ایدوب بنم حالمه لایق وآنلرک
شانده موافق ضیافت یراغن کورم عورت ایتدی
هی ارنه عجب سویلرسن سنک اولقدر مالک یوقدر که
مؤنت عیالکه کفایت ایده و بو منصب وجاه و مکنت
ودستگاهله خاطر که ضیافت عام خیالنی کتوررسن
ودیک دماغکده اطعام وانعام سودای خامنی پشوررسن
هیئات هیئات (مصراع) سودای خامی پخته فکر

محالی کرده ❖ کوزك آج سندن صکره زن
و فرزند می غیره محتاج ایتمه و بو کونکه جمعه قادر سن
فردا ایچون ذخیره مهیا قیلدین کتمه مرد ایتدی ای
عورت

❖ بیت ❖

نداشت چشم بصیرت که کرد کرد و نخورد
ببرد کوی سعادت که خرج کرد و بداد

❖ نثر ❖

اگر توفیق معین و سعادت قرین اولوب بونیت قوتدن
فعله کاور سنده محل ندامت و نه مقام ملامت در که
فی الحقیقه ذخیره آخرت در و جمع مالک مالی و بال و ادخار
و احتکارک انجای ضلالت در نه که اول کرک طمع کارک
حسب حالی اکا دالدر زن سؤال ایتدی که نیجه اولمشدر
اول

❖ حکایت ❖

مرد ایتدی روایت ایدر لر که بر صیاد وار ایدی هنرمند
و صنعت اصطیاده و استاد بی مانند آهوییم دامنندن
کنامندن چیمه زدی نخجیر و هم سهمندن صحرایه
بقمزدی

بیت

دیده وری پرهز و تیر هوش

حیله کری سخت دل و سخت کوش

نثر

اتفاق بر کون دامن بر کوه دامنده قوردی و تیر و کمانه
 کندی کمینگاهده اوتوردی ناکا، بر صید اول قیده بند
 و بر شکار اول دامه گرفتار اولدی صیاد تیر پرتاب
 کبی کمیندن چیقوب شتاب تمامله دامه متوجه اولجیق
 آهو دخی هول جانندن قوت اتدی و دامی قیروب صحرا
 جانین طوئدی کندی صیاد صاحب تدبیر بونی
 کور یجک بی تراخی و تأخیر دستنده اولان کمانک
 شستنده اولان تیری نخجیر جانبنده آتدی اتفاق پیکان
 نخجیر بچاره نک پاینه راست کلوب او اتدی صیاد
 یتشوب امرین تمام ایتدی و پشتنه آلوب سرور
 موفور و حبور نامحصورله یولنه کندی ناکا، اثنای
 راهد بر کراز کمر اهه دوش اولوب صیادک اکا دخی
 دیک طمع و شرهی قایندی و چنکنده اولان خدنک
 الماسرنکی اکا حواله ایدوب تقدیر الهی پیکان تیر

سریان شکاف خنزیرک کاف نافنده اویندی خولک
 دخی الم زخم تیر زهراب دن تیغ ناب تابدار یله شکم
 صیادی چاک ایدوب ایکسی دخی طرفه العینده آلوده
 خون و خاک اولوب یرویرند، هلاک اولدیلهر بو واقعه
 اثناسنده بر کرک کر سنه اول موضعه ینشوب کوردیکه
 اوچ کشته نیجه کشته هر بری کرک صحرای آرزوسنده
 بر پشته کرک بو صورتدن که هنوز آینده خیالنده
 سمع ارتسام بولمشدی حظ تمام ایتدی و کثرت
 نعمت و وفرت غنیمتله مستظهر اولوب کندی کندی یه
 ایتدی

بیت

که بسی روزگاری باید

که چنین نعمتی بدست آید

نثر

بو نعمتک حقن بیلرسم کافر نعمتله دفترنده هر قوم
 اولورم واسراف ایدوب اتلاف ایدرسم غفلت
 وجهه الله موسوم اولورم هنکام تأمل و اعتبار وزمان
 تصرف و ادخار در حالا صلاح حان و مآله انسب
 بودر که بو کون زه آرزوی کان قناعتیه کپورب زه

(کان)

کان صیاده بکنم و بکنج بیرنجی محنت ایام و ایام
محنت ایچون برکنجد: دفن ایدوب روز بروز تیر آرزوی
هدف مراده یتشدرم که حکما بیور مشلردر

✽ مثنوی ✽

مخور جله ترسم که دیر ایستی
به پیرانه سر بد بود نیستی

بخور چیزی از مال و چیزی بنه
تمامی یکبار از کف مده

✽ نثر ✽

پس کرک غایت حرصندن زه کانی دهاننه آلوب
دندان شمره ایله چکنمکه آغاز قیلدی نیش دنداندن
کیش کان قیر یلوب بر کوشه سی قوت ضربله کرکک
قائمه طوقنوب اولدوبی خرد اول درددن طور دیخی
پرد، سرد اولدی (ع) اونیز بشدو آن همه ناخورده
بماند * بو مثاک محصلی بودر که جمع ماله حر یص و فرمان
آز و آرزوی مطیع اولوب ذخیره قومغک عاقبتی وخیم
وخانه سی عذاب الیمدر

✽ بیت ✽

آنچه داری بخور امروز و غم دهر مخور

چون بفردا برسی روزی فردا برسد

❖ نثر ❖

ژهی شور بخت و شـورید، رخت اول طائفه که اول
حالده فکر مال بلکه خیال محالله جمع مال ایتـدیله
وعاقبت کار حسرت بسیار و ندامت بی شمارله قودیلر
کتدیله

❖ قطعه ❖

تاکی ای خواجه جمع مال کنی
که بمرک از تو بار خواهد ماند
کنج قارون اگر ذخیره نهی
همچنان حرص و آرزو خواهد ماند
بر میروز اتشی که ازو
بوسوز و کداز خواهد ماند

❖ نثر ❖

چون زن میزبان بو کلمات حکمت بنیانی استماع ایتدی
وملهم سعادتدن مردء (الرزق علی الله) کوش هوشنه
یتدی شوهرینه ایتدی ای عزیز اطفال ایچون
کیلارده بر مقدار برنج و کنجداد خار ایتشدم حالا
ظاهر اولدی که جمع و ادخار نامبارک و شوم وارباب

احتکار میامن تفویض و توکلدن محروم و ناصیه
حالی رقم شأمت و سمت شقاوتله مر قوم و موسوم
ایمش صباح تمام اون کسندیه کفایت ایدر طعام مهیا ایدیم
سن کیمی دیلرسک دعوت ایلله و مهمانک باندیده
حق ضعیفاتی رعایت ایلله الحاصل زن صمیم دلدن
مردن نصیحتنه قائل اولوب چین سحر که سهم شعاع
محرومی جانب افق شرقیه مائل اولوب وآب چشمه
آفتابله آینه دیده لردن غبار خواب زائل اولدی

بیت

سحر که که چون چشمه آفتاب

فروشت از دیدها کرد خواب

نثر

زن کنجدی مقشرایدوب یودی و قوروسون دیو
آفتابه قودی و کندی کار آخره مشغول اولدی
و شوهرینه تأکید و تهدید ایلدی که کنجدک تمام
ترکی کیدوب خشک اولنج اوستنده حاضر اوله
تامور و طیور پای تاراج و دست تعرضی دراز ایتیه
دیده حفظ و حراستله ناظر اوله اتفاق شوهرک
کشور چشمه لشکر خواب غلبه ایدوب بو ائنده

بر کلب نجس و حسیس کلوب آب دهان و لعاب زبانیله
 اول کنجدی تلویث و تنجیس ایلدی زن چون بو حال
 کوردی اندن طعام انشاء ایتکدن احتراز ایدوب
 کوتروب بازاره کتوردی بخدخی بازارده بر مهم ضروریم
 وار ایدی کایتم و آنک عقبینه دوشوب کتدم کوردم که
 بر کنجد فروشک دکانه کلوب آتی کنجد غیر مقشرله
 برابر بازار ایدر و مقابله ده برار طوروب فریاد ایدر که
 ای زن البته بو معامله ده بر نکته وارو بو مبادله ده بر حیل
 مقرر در که مقشری غیر مقشرله صاعا بصاع بیع ایدر سن
 بو مثل مضمونی موجب بجه بخدخی همان خاطر مه بو حلیان
 ایدر که اول موش چیره نک بو قدر جرأت و قدرتنه البته
 بر علت و حکمت واجبدر اما رای غالب بودر که
 خانه سنده بر مقدار دینار واردر که اکا استظهار
 ایدوب بو مرتبه ده شجاعت و جرأت اظهار ایدر
 اگر نهال حالی خزان افلاسدن خالی اولسه شاخسار
 کردارنده بو لطافت و طراوت بیدار اولمزدی نته که
 دیشلردر بازار دنیاده اول کسه که بی دینار وزردر
 اول مرغه بکرز که بی بال و پردر

✽ رباعی ✽

بی زرم نشین که کار زردار دزر

بیش از همه اعتبار زردار دزر

گویند که اختیار از زر بهتر

مشتو تو که اختیار زردار دزر

نثر

ای برادر بومقرر دزر که اول موشك بوزوز و قوته
باعث زردر همان بیل و تبر کتور که سوراخنی زیر
وز بر ایدم و سرانجام کار نیه وارر کوره لم زاهد
چون مهمانک بواقدام و ابرامی کوردی فی الحال امر نه
امثال ایدوب بیل و تبر کتوردی بن اول دم سوراخ
آخرد بوماجرایی علی ماجری استماع ایدردم واقعا
آشیانده زرسرخ تمام عیار هزار عدد دینار وار
ایدی هر زمان آنک اوزرنده غلطان و تماشای دلگشای سیه
شاد و خندان ایدم قلبم صمیم جانان اکا متعلق و جانم
درون دلدن اکا متشوق و متعشق ایدی نظاره سیه
چشمه نور موفور حاصل و ملاحظه سیه کوکله
سرور نا محصور و اصل اولوردی هماندم که مهمان
و میربان زمینی قازوب پایان آشیانه ایردی لر و خلاف
معهود اول دینار معدودی آنده موجود بولوب

نه کوردیلر

❖ مشنوی ❖

درستی چند خندان رخ چو خورشید
درخشان از صفا چون جام جشید
وجیهی سرخ رویی سکه داری
عزیزی قابلی صاحب عیاری
کهی بگرفته خوبان را سر و دست
دمی سیمین بر اثر کرده پابست
فرج بخش دزد و نهیای پریشان
کلیدی قفل مشکلهای دوران
❖ نثر ❖

مهمان زاهده ایتدی اول موشک مایه جرأت و پیرایه
قوتی بوایدی زیرا که زرم در روح و ماده فتوح در کوره
سن که من بعد گوشه حفره بی قویوب جانب سفره یه کتمسه
کرک و ز را جیسندن نان دکل جانندن بیرار اولوب غارت
نعمته قطعاً جرأت ایتسه کرک چون بن بو کلماتی ایشتم
فی الحال کنندی ذاتمه آثار ذل و خسار وضعف
وانکسار و علائم افلاس و افتقار مشاهده ایدوب
ضروری اول سور اخندن انتقال ایتدم همان اول

(زمانده)

زمانده که بوبلای ناکهانی بویچارهیه واصل
وبوقضای آسمانی بوحقیرک منزله نازل اولدی
کوردم که موشلرمیائنده بنم اعتبارم انحطاطپذیر
اولوب تعظیم سابق واکرام معهودمده تفاوت فاحش
بدیدار اولدی و یازانک چراغ مهر و شفقتی باداعراضله
منطقی اولوب آینه انقیاد و متابعتی چشمه خورشید
کی صافی ایکن غبار فرار و ژنکار انکارله اوکار
اولدی

✽ قطعه ✽

دردل کس مهر و وفایی نمائد
باغ مرا مهر کیایی نمائد
ماه صد برک ونوا بود زر
زر بشد و برک ونوایی نمائد
✽ نثر ✽

اول موشلر که قدیم الزماندن بنم ریزه خور خوان نام
وخوشه چین خرمن احسانم ایدی و بی کسب
وکار بقیه اطعام و لقمه سفره انعام ایله روزگار
یکوررلدی همان توقع نعمت و طمع دعوت پابندیه
مقید ایشلر چون مقصودلری بدن حاصل و وظیفه لری

بنده دن واصل اولدی خدمت ملازمتدن ترك و ابا
ایدوب بنی تك و تنها قودیلر كندیلر و مدحت و محمد تمدن
وازكلوب مساوی و غیثمه آغاز ایتدیلر

❀ مشنوی ❀

کوریء من كز فلك آمد بیدیش
چند خسان دیدم در چشم خویش
كان همه بودند به پهلوی من
ریزه خور من چوسك کوی من
❀ نثر ❀

مثل مشهور والسنة ناسده مذکور دن (من قل دیناره
ذل مقداره) محقق بیلدم که بازار روزو کارده بی زردن
بیزار و مالداره هوادار اولورلر مش و مفلس تهی دستك
تیر قصدی هدف مراده ایرمز مش و بوستان خیالنده
بتن نهال آرزو مقصود ثمرین ویرمز مش کلمات اکا
بردند هر کیمک که برادری اولمیه هریره که واره غریب
اوله خویش و قریب فائده ویرمیه و هر کیمک که فرزند
اولیه صحیفه روز کارده ذکر جیلی باقی قالمیه و هر کسه که
مفلس و بی دولت اوله دوستلردن حرمت و محبت
بولمیه بلکه تهی دست اوللرک حقیقه تنده دوستی اولمیه

زیرا هر کس که قاضی الحاجات ایکن محتاج اوله
 ارباب احتیاجدن اول جماعت که عقد ثریا کی آنک
 در کهنده مجتمع اولوب سلاک ملازمته انتظام بوله
 رشته جمعیتاری انقصام بولوب آن واحدده بنات
 النعش، وار تار مار اوله بواجلدن که سفله و دونلرک
 صد اقی اغراض نفسانی و منافع دنیوی به مقصود
 و مبتنیدر

❖ بیت ❖

دم ذوق و صفاده یار اولورلر
 چو محنت وقتی اوله بیزار اولورلر
 ❖ مثنوی ❖
 با خطای که هست می نوشند
 همچو رنبر باتومی چوشند
 باز وقتی که ده خراب شود
 کیسه چون کاسه ارباب شود
 ترک صحبت کنند و دلداری
 دوستی خود نبود پنداری
 راست گویم سکان یارارند
 کاستخوان ارتود و ستردارند

نثر

اخبارده گمشدر که بعض ارباب دولتدن استفسار
ایتدیلر که نه مقدار دوستک وار ایتدی اول دوستم
وار ایتدیکی معلوم دکل زیرا که حالیا حالم خوش و عالم
چوق و ثروت و قدرتمه نهایت یوق بازار
صحبتیم رایجدر که دولتیم مقصد ارباب حوایجدر
هر احدینی مکرم و محترم کوررو بکا محبت و مودت لافن
اورر اگر عیاذ بالله دیده اقبالم خاک ادبارله طوله دوست
دشمندن اول زمان ممتاز اوله دوستک حقیقی
زمان نکبتده معلوم اولور یار اغیاردن وقت محنتده
امتیار بولور

بیت

صفا وقتده چوق بولور کشی یار

ولی یار اولسدر رکاوله وفادار

نثر

صحایف لطایف حکماءه مسطوردر که افاضل
روز کاردن بریسندن استفسار ایتدیلر که خلق
فقرانک صحبتدن نفرت ایتدکلرینه علت و اغیانک
خدمتمه رغبت ایتدکلرینه حکمت ندر جواب و یردیکه
مال محبوب القلوبدر و بازار دنیا ده زرمنا ع مرغوبدر

کیمده که مال احمقان و بر دل جان و دلدن اکامائل اولوب
مراسم تعظیم و تکریمده شرط مبالغه بی تقدیم ایدرلر
چون کف دستنی پنجه چنار کی درهم و دیناردن
خالی کوره لر دامن صحبتدن ال چکوب پیرامن خدمته
قدم بصمزلر واکا دیده حقارتله نظر ایدوب کوزلرینه
کوسترمز لر و کر پکرینه آصمزلر

❀ رباعی ❀

چون کل بچمن دامن پرزر بنود
بلبل بهزار صوت دستانش ستود
وانکه که بیاد رفت بر کیش که بود
کس نام وی از زبان بلبل نشود
❀ نثر ❀

اتفاق بوائنده موشلردن بر آشنا که بنم آستانه
ملازمی تباشیر صبح شادمانی و بنمله بر آن صحبتی
سرمایه سعادت جاودانی بیلوردی و پیوسته
شرط مهر و وفا و فرط صدق و صفائی بو بیتک
فجواشمله بیان و ادا ایلردی

❀ بیت ❀

چنان در عشق یک رویم اگر تیغ زنی بر سر

بوقت امتحان باشم چو شمع استاده پا برجا

❖ نثر ❖

بی‌کانه وار او کدن کچوب بنه آشنالق ایلمدی و بنم
جانبه التفات ایتمیوب بکا برکله سو یلمدی بن اکا
متوجه اولوب ایتمم ای استاد صنعت جور
و بیداد

❖ بیت ❖

میروی التفات می نکنی

سروهر کز چنین زرفت آزاد

❖ نثر ❖

نه باد قضا اسدیکه کرد بلا سی هوای ولای یارانی
مکدر ایتمدی و اول دعوای محبت و دواعی مهر
و شفقتلر که بنم حقمده سزدن ظموره ککشدن نیجه
اولادی اول زویه کتندی موش طاق ابروسنی درهم
و عتاب آمیز کلماتله ورهم ایدوب ایتمدی نه عجب ابله
ایتمسن کسه کسه یه بهوده ملازمت ایدرمی
و بی سبب تعب جکوب بی فائده خدمتله کلوب
کیدرمی اولدمکه دینار و درمک و ارونم و کرمک
بسیار ایدی جمله مزمتاع خدمتکه خریدار و دو کلیم

(ایل)

لیل و نهار در کهکده مکر بسته خدمتکار ایدی اول
 زمان نعمت و دولت ایله سیر ایدک شمدی آج و ملجاء
 ار باب احتیاج ایکن حالا فلس اجره محتاج اولدک
 و حکما بیور مشلردر که مرد محتاج نته که لذات دنیادن
 بی بهره در محملدر که درجات اخرا دن دخی بی بهره
 و نصیب اوله (کا دالفقران یکون کفرا) سبی دخی
 بو که شاید که کن دینک قوتی و عیالک نفقه سی باینده
 مضطر اولوب طریق اکتسابده بر فعل نامشروعده
 ارتکاب قیله و آنک تبعه سی موجب ملال و نکال آخرت
 اولوب ذمیاده غل ذلله مقید اولدیغی کبی عقباده
 زندان شقاوتده مؤبد و مخلصد قاله (ع) چون کافر
 درویش نه دنیا و نه دین * (خسر الدنیا و الاخرة ذلک
 هو الخسران المبین) پس بومقوله کسنه که ادباری
 اکا اقبال و اقبالی اندن ادبار ایلیسه و دولت دنیادن
 محروم اولوب سعادت اخرا دن بهره مند اولمغیده
 معلوم اولیه مصاحبتمدن دور اولوب مجالستندن نفور
 قیلنسه ار باب عقل و خرد حضورنده معذور در بن
 ایتدم نیچون شو یله درسین بیلزمیسن که فقیر
 بر بادشاهدر که (الفقر فخری) تاجی آنک فرق کرامته

راستدر (الغناء داء والفقر شفاء) دواجی آنک قامت
 شهامتنبی کم وکاستدر (الجوهر فقر وسوی الفقر
 عرض الفقر شفاء وسوی الفقر مرض) رتبت فقردن
 نیچون اغماز ایدوب صحبت فقیردن نه سبب ایله اعراض
 ایدرسن موش جواب ویردی که هیئات هیئات اول
 فقر که پسندیده اولیا وستوده انبیا در افلاس
 وافتقار کانه نسبتی وارد اول فقراندن عبارتدر که
 سالك طریق حقیقت نقد دنیا و سرمایه آخرت
 سودی سودا سنده اولیه و ترک علایق و خلاقی تاج تارک
 ایدینوب ماسوایی بالکلیه فراموش ایلیه تاساقی باد کثرتدن
 وحدت جرعه سن نوش ایلیه (لایصل الی الکل الا من انقطع
 عن الکل) اول فقر ک مظهری درویش بوفقر ک صاحبی
 کدادر کدالک ایله درویش لک میانی (بین الارض والسمادر
 درویش اولدر که تارک دنیا اوله کدا اولدر که دنیا آتی ترک
 ایلیه ارباب فقر حقیقی بیور مشلدر که (الفقر کزمن کنوز
 الله تعالی) زلال سرچشمه توحیددر که چهره نفس
 مقدسی غبار تعلقدن تطهیر و تنظیف و خلعت خزانه
 تفرید و تجریددر که کنجور قدرت قامت روح مطهری
 انکله تکریم و تشریف ایدرا کسیر فقر کیمیای کن

فیکوندر و سرفقر دائرهٔ تقریر و تعبیردن بیروندر

✽ رباعی ✽

اول قدم فقر سر باختنست

سراز همه اغیار پیرداختنست

چون باخته شد سر پیر داخته سر

بی درد سری کار کری ساختنست

✽ نثر ✽

اما فقر و افلاس که احتیاج الی الناسدن عبارتند
جمله بلالک رأسی و جمیع قضایک ربسیدر و موجب
عداوت خلایق و مستوجب انکار نعمت
خالق و رافع حجاب حیاه و هادم بنای مروت و وفادر
و جامع شروافت و قاطع جبل حیت و مستلزم ذل
مسکنت و مستتبع هوان و مذلتدر هر کسه که علت
احتیاجله خسته و دام افلاس ایله پابسته اوله البته
روی غیرتدن برد، حیایی رفع ایدوب صفحهٔ حالندن
(الحیاء من الايمان) نقشنی منمعی و مضمحل قیله
وزندگانیسی منغض اولوب همان راحت ساحت
سینه سندن رخت اقامتی کو توروب لشکر غم مملکت
نهاده مستولی اوله و شمع حضوری بی نور و رؤیت

طریق حقیدن صدمر حله دور اولوب مقدمات تدبیر
 نافع و رای صائب باینده انتایج نتایج منافعدن خاسر
 و خائب واقع اوله و خلقك آنك حقنده حسن ظنی
 منعكس و بنیاد اعتقاد و اعتمادی مندرس اولوب
 دیانت و امانت ایله موسوم و معلوم ایکن جنایت
 و خیانتله تهمت اولنه و ناکاه برکسته دن برنظم و برکنه
 صادر اولسه عزم اکا حکم اولنوب جزم اکا نسبت
 اولنه و بالجمله هر خصصیت که توانکرلره سبب مدح
 و محمدمدر مقلسلره موجب قدح و مذمتدر مثلاً اگر
 بر فقیر شجاعت ایتسه تهوره حل ایدرلر و اگر سخاوت
 ایتسه مسرف دیرلر و اگر حلیم اولسه عاجز و ناتوان
 دیرلر و اگر وقور اولسه کسلان و کرانجیان دیرلر
 و اگر بلاغت اظهار ایتسه مکشار و مهذار اولور
 و کر صمت و سکوت اختیار ایتسه صورت بیجان
 و نقش دیوار اولور و اگر گوشه خواره منزوی
 اولسه سفته و جنونه نسبت اولنور اگر خندان
 و کشاده روی اولسه هزل و هجویاتله تهمت اولنور
 و اگر طعام و لباسده فی الجمله تکلف کوسه ترسه کاو
 تنبرور و اگر اقمه و خرقة ایله قناعت قیلسه خر لاغر

دیرلر و اگر بر مقامده اقامت ایستسه خام و ناپخته
 دیرلر و اگر تجرد اختیار ایستسه تارک سنت اولور
 و اگر تأهل و تزوج ایستسه بدنفس و بندء شهوت
 اولور و الحاصل مرد محتاج ابنای زمان قتده
 و همجنس میاننده مردود و بحرمت اولور اگر بو حاله
 آندن شائبه طمع دخی توهم اولنه قلوبده اکا عداوت
 پیدا اولوب جمیع احباسبی آکا انکار ایدرلر و جله اصحابی
 اندن ییزار اولوب مصاحبتدن عار ایدرلر که حرص
 و طمع هورث ذلت و فراغت و قناعت باعث عزتدر
 (من طمع ذل و من قنع شبع) (ع) خواری ز طمع خیزد
 و عزت ز قناعت * چون اول مو شدن بو فصل پراصلی
 کوش ایتم راست سویلرسن اشیدردم ایدرلر دیکه
 درد بیدرمان و محنت هجران و فرقت یاران و غربت
 اوطان زحمت فاقه ایله یکساندر بلکه بونلر آندن دخی
 آساندر حالیا معاینه قیلد مکه بو کلام منبع حکمتدن
 مترشح اولمش و بومعنی ارباب درایت و اصحاب
 تجر بتدن ظهوره ککش ایمش

❀ قطعه ❀

زاختیاج بتر در جهان بلایی نیست

بسیج وجه تسمی دسترانوایی نیست
 کسی که کشت دلمش مبتلای رنج طمع
 بگویمیر که این درد را وایی نیست
 * نثر *

مضرت ضرورت و کثرت ضرر قلنده بو کفایت ایدر که
 کشی کنیدی اقران و امثالندن سؤال ایتمک لازم کلور
 بلکه ارذاله عرض احتیاج و ابتذال ایتمک واجب
 اولور انسانه بو نوع حیاطله ممات یکساندر که دهان
 ماره پرمق باصمق و شیر کر سنه دن لقمه قایمق و پلنک
 خشم آلودله همکاسه ونهنک زهراندودله همکوشه
 اولمق ادانیدن سـؤال و ارذاله احتیاج و ابتذالندن
 آساندر بواجلندن بیور مشلردر که راحت نوال ذلت
 سـؤاله دگز و حلاوت عمل مرارت عزلندن بدل اولمز
 بوایکی بیت که بعض اکابرک انوار خاطر وقادندن لامع
 و بوکلمات حکمت نکاتی اوجز عباراتله جامعدر

* رباعی *

چهار چیز که اصل منافعت و منال
 نیرزدا و بچهارد کر باخر حال
 بقا بتلخی مرک و عمل بختلات عزل

کنه بشرم و ندامت عطا بنل سؤال

نثر

پس اول موشله مناظره دن فارغ اولوب ینه درسور اخه
 کلام کورد مکّه اول دینار لری مهمان وزاهد واحد
 بعد واحد صایدیلر و بر بساط بسط ایدوب اوزر ینه
 یایدیلر و بر زمان انلرک شکل تابان و شمعده لمعانه
 حیران اولدیلر قالدیلر بعده مناصفه طریقیله قسمت
 ایدوب حصه لی حصه لرین آلدیلر بن کوکلدن
 ایتدم القسام فی النار چون زاهد حصه سن در کسه
 ایدوب بالینی آلتنه قودی قلمده خناس حرص و آز
 و سوسه به آغاز ایتدی که اگر بودینارلردن بر مقدار
 الیه کیره بر کره دخی نسیم فتوح و شمیم قوت روح
 مشام دل محزون و خاطر مجروحه ایره و اصحاب
 و احباب ینه خدمته شتاب ایدوب مجلس آراسته
 و صحبت پیر آسته اوله بوفکری مقرر ایدوب اولقدر
 صبر ایتدمکه یایدیلر خوابه واردیلر بندخی همان دامن
 عزمی بر میان ایدوب آهسته آهسته بالین زاهد
 جانبنه روان اولدم مکر مهمان مکر کار دیده و دیده
 پرکار اول محله بیدار اولوب بنم احوالی تبسمه

چشمی چار ایمش ناکا، آباغمه برچوماق اوردیکه رنجدن
 طاقتم طاق اولدی برزمان بیهوش اولوب انده یاتدم
 بعده عقم باشمه کلوب پایکشان افتان وخیزان سوراخه
 کتدم انده اولقدر توقف ایتدمکه اول زخک زحی
 فی الجمله ساکن اولدی خاطر مه همان اول خاطره
 سابقه خطور ایلدی فی الحال سوراخدن چیقوب
 ینه اول جانبه متوجه اولدم مهمان بونوبت خوب
 طوودی باشمه بردسته چوب اوردیکه برزمان سراسیمه
 اولدم وجان هولندن کندمی سوزاخ طرفنه آتدم
 انده نیچه زمان یخود ولایعقل یاتدم بعد زمان عقم
 باشمه کلوب کندمی تدارک ایتدم چون اول تلخ
 زخاردن چاشنی طتمشدم جانم آجیسنندن حلاوت
 مالی و مرارت فقر وابتدالی اونو تدم وایتدم

بیت

چرانالد کسی از تنکدستی

چه نعمت بهترست از تندرستی

نثر

وعین الیقین بیلدمکه جمله بلارک مبدای و دوکلی
 جفالرک منشای حرص و طمع ایمش تا مرغ دانه به

(طمع)

طمع قیلدی خلقن حلقه دامه گرفتار بولمدی و نا آدمی
قبای عباى حرصی اکشنه آلمدی لباس عزتی پلاس
ذلته مبدل اولمدی عزیزلک آینه چهره حرمتن تیره
ایدن ژنک طمعدر اکابرک مقدار وزن عزتن معیار
اعتبارده سبک قیلان سنک طمعدر

قطعہ

ای برادر طمع مکن که طمع
آدمی را خراب ساز دوخوار
در سخن بشنوار همی خواهی
که شـوای از حیات برخوردار
پای در دامن قناعت کش
طمع از مال مردمان بردار

نثر

عجبدر اول کلمه لک حالی که کثرت مالده فراغ بال
ورفاغ حال خیال ایدر لر بوندن غافلر که سلامت و حدتده
و آسایش قلته در وجع دنیا ده دولت و عزت کمان ایلر لر
و بونی بیلر لر که عزت و حرمت قناعتده در

بیت

عزت آن یافت که بر کند دل از مهر جهان

راحت آن دید که درست طمع باز کشید

❀ نثر ❀

پس بو حادثه دن بنم حالم بر مرتبه یه واردیکه نهال
 طمعی زمین دلمدن بالکلیه قلع ایدوب لباس شری
 قامت طبعمدن بتمامه خلع ایتدم وقضای خدایه
 رضا و یردم و توشه قناعتله کوشه فراغته
 منزوی اولدم فرمان قهرمان روزگار کندی تسلیم
 ایتدم و زبان فکرت و لسان عبرتله کندی کنده
 ایتدم دنیای غدار و روزگار ناپایدار بو وقایع و نوائیک
 ضمنده کندی خسایس خصایص و معایب و نقایص
 اظهار ایدر غایتی بو که دیده عبرت پرده غفلتله
 محجوب و مستور و آنک پیرامن رؤیت عیو بنیدن
 دوردر و الانیجه دردولت وارددر که کتابه سنده آنک
 نشانه حیل و مکر یازلمش اوله و یانیجه قصر عزت
 وار که ییخ و بنیادی تبر قصد و غدرله قازلمش
 اوله نیجه نازننه خلعت کیوردیکه عاقبت دست
 تعدیل خلع و نیجه زمینده نهال دولت دیکدیکه اخر
 پنجه شکنجه ایل قلع ایتدی کیمه خوان نعمت انعام
 ایتدیکه جام انتقامله خون اچمدی کیمه خانه دولت

بنیاد ایتدی که خراب آباد محتدن اکا هزار رخنه
آچدی

❀ بیت ❀

وارمی بر خاطر که چرخک آنده باری اولیه
قانی بر رخ کم حوادتن غباری اولیه
❀ قطعه ❀

زن ناحفاظست دنیای دون
که هر کزاز و شوهری بر نخورد
که بر پایه تخت او پانهاد
که از دست او تیغ بر سر نخورد

❀ نثر ❀

بوکنج سنج اکا دکر میکه آنکچون بو قدر غم ورنج
چکدر و یازمین دلدن غم بود و نابودین و غصه زیان
و سودین اکدر

❀ بیت ❀

دینی آن قدر ندارد که برورشک برند
باوجود و عدمش را غم بیهوده خورند

❀ نثر ❀

بو افکار دنیای دینار دن فرار و خانه

زاهد دن کنار ایدوب مطوقه نام جامه لایچنده بنام
بر کبوتر دوستم وار ایدی آنک مهر و محبتی وسیله سینه
بنله زاغ میاننده مصاحبت و مصادقت حاصل
وزاغ دخی بکا حضرتکک لطف و مروتن حکایت
ایدوب نسیم شمائک آنک بوستان مفاوضه سندن
مشام سامعه مه واصل اولدی و سنک محاسن ذات
و مکارم صفاتک ذکرى مقتضى ارادت و مقتضای
صداقت اولوب آنک مرافقت و موافقتیه کلامکه
سنک سعادت مصادقتکه مستعد اولم و شرطه
مصاحبتکه ورطه کر بت غربت و ذلت عزلتدن
نجات بولم که وحشت و حدت صعب کار و بلای جلا
امر دشوار در جهانده مجالست اخوان کبی راحت
روح روان و هجران یاران کبی مورث غوم و احزان
نه واردر

❖ بیت ❖

وصلت دوست راحت دلدر

فرقت دوست زهر قاتلدر

❖ نثر ❖

الشکر الله که نخل دولت خار دلازار نکبتدن قورتلوب

(اولدی)

شب تیره روی محنت صبح روشن رأی راحته مبدل
اولدی

❖ قطعه ❖

روز هجرانی و شب فرقت یار آخر شد
زده ام فال و گذشت اختر و کار آخر شد
صبح امید که شد معتکف پرده غیب
کو برون آئی که کار شب تار آخر شد
❖ نثر ❖

بودر بنم سر گذشتم که بالتمام خاکه ای که اعلام ایتم
و حال یاسنک جوار که التجا ایدوب شرف مصاحبه
حسن قبول رجا ایدرم

❖ بیت ❖

از تو زبید که مرا از مدد صیقل لطف
ژنک اندوه ز آینه دل بزدایی
❖ نثر ❖

سنک پشت چون بوفصولی بی قصور استماع
ایتدی بسط ملاطف و طرح ملائمه آغاز ایدوب
ایتدی

❖ بیت ❖

بخانه که چنین میهمان فرود آید
همای سدره دران آشیان فرود آید
نثر

نیچه سعادت در که سنک شرف مجاورت کله برابر اوله
و نیچه دولت در که سنک بهجت مجاورت کله مقابله قیله
نته که سن بنم امداد و داد مدن استمداد ایدوب بنله
مصاحبت و مناسبته امیدوار سن بندخی سنک
مرافقت و موافقت کله استظهار ایدوب عن صمیم
القلب مخالفت و مصادقت که متدار و تا چراغ روح
شعله حیاطه فروخته اوله پروانه وار شمع جمالک
عشقنه گرفتارم

بیت

چون ذره بخورشید رخت مهر بستم
کز تیغ زنی از تو نخواهیم بریدن
نثر

بوفصل پراصله که تقریر بیوردک انواع تجارتی
و مواعظ عجایب مندر جدر بوتجاریب حکمیه عاقله
مناسب بودر که حطام دیادن کفایت قلیل ایله اکتفا
ایدوب اول قدر قدرته که غیره عرض احتیاجدن

معنی اوله قناعت ایلله هر کسه که گوشه وتوشدن
 قدر کفایتله قانع اولمسوب زیاده طمع قیله ودائرة
 انصافدن طشره چقسوب بادیله حرص وشهرده
 سرگردان اوله اول کر به حریص کی پایمال نواب
 دوران اولسوب عبرتنامی جهان وجهانیان اوله
 موش استفسار ایتدیکه نیجه اولمشدر اول

(حکایت)

کشف ایتدی بر شخصک بر کر به سی وار ایدی هر کون
 طعمه ولقمه دن اول مقدار وظیفه که آنک آتش جوعن
 تسکین ایدردی اکامقرر قیلشدی اما غایت حرصندن که
 اول خام طمعک نهاده غالب ووظیفه مقررده سنه
 قناعت ایتسوب زیاده طالب ایدی

❖ بیت ❖

عزیزمن در درویشی وقناعت زن
 که خواری از طمع وعزت از قناعت زاد

❖ نثر ❖

اتفاق بر کون بر کبود رخانه حوالیسنن کچر کن
 کبوترک صدای دلاویز ونغمات طرب انگیزی
 کر به نک عرق اشتها سن حر کته کتوروب بی اختیار

کند و سن اول برجه پرتاب ایتدی اول مثلك نکاهبانی
 اول برجك حارسی که اول میدانك فارسی بلکه
 ابوالقوارسی ایدی فی الحال کند حیلہ ایلہ آنی طوتوب
 خاروجودین کلشن حیاتدن کلخن هلا که یتوردی
 واندن سابق که کبوترك مغزسر ولحم ترندن دماغ
 اشتها سنی معطر ایدہ باشن تنندن اوزوب پوستن بدنندن
 یوزب و خس و خاشاکله پرایدوب کبوترخانه قپوسنده
 بردار ایتدی اتفاق صاحبی اول موضعدن مرور
 ایدرکن کر به سن اول حالده کوردی وایتدی ای
 شوخ چشم و حریص اگر اول مقدار لقمه ایلہ که سکا
 روزمره واصل اولوردی قناعت ایدیدک پوستک
 بدنکدن یوزمزلردی وکاهله پرایدوب سنی عبرتمای
 دوران ایتمزلردی

مشوی

قناعت کن ای نفس باندکی
 که از حرص خواری رسد بی شکی
 ندانست قارون نعمت پرست
 که کنج قناعت بکنج اندرست
 کند مر درانفس آماره خوار

اگر هوشمندی عزیزش مدار
 رود دام مرغ هوار آسمان
 نینداخت جز حرص خوردن بدام
 پلنگی که کردن کشد از وحوش
 بدام افتد از حرص خوردن چوموش
 ﴿ نثر ﴾

بومثلك فاندسی اولدر که سن اول قدر قوتله که انکله
 سدر مق حاصل اوله واول سوراخله که شداید
 کرما و سرمدان اکاپناه اولنه قناعت قیلوب مال ضایع
 ایچون غنائک واندوهنائک اولیه سن
 ﴿ بیت ﴾

غم مخور جان من از فوت شدن مال و منال
 شادمی باش که این مرده نیز دشیون
 ﴿ نثر ﴾

شو یله بیل که آدمک شرفی هنر و کالدر مال و جمال
 دکلدر کیمک که کردن خالی کوهر هنرله آراسته اوله
 فقیراندک بضاعت اولمغله میان خلقده شانی حقیر
 ومهان اولمز شیر کبی که باوجود زنجیره مقیددر
 شوکت ومهابتنه نقصان کلز و آنک که چهره خالی

ز یورهنز و کمالدن خالی اوله نقدرمالدار اولورسه عقلا
قتنده ذلیل و بیقدار اولورسک **ک**ی که هر چند
زر و زیورله وجل اطلس و طوق مجوهرله آراسته اوله
ارباب اعتبار قتنده مهان و خوار اولور

✽ مثنوی ✽

انکه بزدان جهالت کست
هست کدا کرچه زرش صدخست
مرد که از علم توانگر بود

کی نظرش بر زرو کوهر بود

✽ نثر ✽

بوندن غیری کدر کر بت غربتی ساحه دل کدن کدر
ومهاجرت وطن و مفارقت مسکنه اعتبار ایتمه که
ماقل هر یرده هنز و فضاله فرزانه و جاهل مسقطر آسنده
علت جهلاه غریب و بیگانه در (ع) صاحب هنر بیج
مکانی غریب نیست ✽ و جمع مال ایتدمدی معرض
تفرقه یه دوشدی دیوملول اوله که دنیاک مال و منالی
حیرز و والده و اقبال و ادباری هر حالده انقلاب و انتقالده در
حکما بیور مشلدر که الی نسنه دن ثبات و بقا توقع
ایتمک جائز دکدر اول سایه ابر که بر لحظه ده زائل

اولور ایکنجی محبت ار باب غرض که ادنی بهانه ایله
شعله برق کبی ناچیز و مضحک اولور اوچنجی عشق
زنان که جزئی سبب ایله سکون بولور دردنجی سرمایه
جمال که نه قدر کمال بولور سه آخر کار کارنلم یکن
اولور بشنجی ستایش دروغ که آنک فروغی اولمز التنجی
مال دنیا که بر عروس بی وفا بر جو فروش کند منما
و بر متاع در که عاقبت فرسوده دست
فنادر

❖ بیت ❖

زیبوزینت مال و منال دینیء دون
مباش غره که باکس و فاش خواهد کرد

❖ نثر ❖

مر دخر دمنده لایق بودر که نه کثرت مالله شاد و فرحناک
ونه قلت حالله غمکین و اندوهناک اوله همت عالی
قتنده حاصل کائنات چون بر برک کاهه دکر پس عاقل
اولاک طلب حصه و لنده خرمن عمر عزیزنی باد هوا به
ویرمن و فکر بود و نابودندن چندان غم و غصه یمن
آنلر که (لکیلا تأسو اعلی مافاتکم ولا تفرحوا بما آتیکم)
سرنی عین یقینله کوردیلر سمند هم تلرین ساحت

میدان قناعته سوردیلر ومتاع حیاتلرین ثمن قطع
علائق ونقد ترك خلايقه صائدیلر صاودیلر نه وجود
درهم و دینار دنیاى مستعار له افتخار واستظهار ایتدیلر
ونه عدمیله تأسف وملالت وتلهف وسأمت اظهار
ایتدیلر

❖ مشنوی ❖

نه خوش عاقلدر رشول کیش باری
که حال دهره قیلز اعتباری
کوروب بو چرخ کردون انفلان
زمانک انقضا واضطران
نه اقبالندن اولور تندوسرکش
نه ادبارندن اور زجانه آتش
❖ نثر ❖

حقیقته ماله اول کس نه مالک اولور که مال حالن
فکر ایدوب مالن خیرات وحسناته صرف ایلیمه
ومتاع دنیا نك اول کسه قیمتن بیلور که سلوک راه
آخرت ایچون زاد و ذخیره مهمیاقیله و کردار نيك و اعمال
پسندیده برمالدر که اکا زوال ممکن دکلدر و حوادث
روزگار و تصاریف لیل ونهار اکا دست تصرفن

دراز ایتک ممتعدر فائده حطام دنیا سفر آخرت
ایچون تهیه زاد و سلوک طریق معتاده تحصیل
اسباب استعداد در که ناکا، بحکم (فاخذناهم بعتة)
پیک اجل کلور امان و یرمز واسپرداد و دیعت روح
روح ایچون بر آن زمان و یرمز

❖ بیت ❖

باز کن از خواب ناز آن ز کس رعنا که عمر
میرود چون دور کل تا چشم بر هم میرنی

❖ نثر ❖

ای زیرک اگر چه که بنم چند و نصیحت ممدن بی نیاز
و خیری شردن و نفعی ضرردن تمیزده ممتاز سن اما
دیلم که وظایف حق اخوت و شرط محبتی ادا ایدوب
سنی اخلاق حمیده و اوصافی پسندیده یه تحریک
ایتمکه کوش هوشکی تعریک ایلم تادامن حالک لوث
تعلقدن پاک و آینه خاطرک نقش تشویشدن صافی
و تابناک اوله نیش اول که من بعده بنم صادق بارم
و موافق برادر من اول سنک حقه میسر اولان
مواسات و متصور اولان مصافات و موالات بی قصور
ظهور بولسه کرک و اگر چه فرض محالدر سنک

جانب کردن نقد ر آثار اعراض و انقباض معاینه اولسده
بنم طرفدن شواهد اخلاص و اختصاص دادن غیر
نسنه مشاهده اولسده کرک

❁ بیت ❁

کرچه تو ترک کنی ترک تو نتوان گرفت
ورچه دلم بشکنی عهد تو نتوان شکست

❁ نثر ❁

چون کشف کلامن تمام ایتدی زاغ موش باینده آنک
بوملاطفندن قلبنه راحت تازه و نشاط بی اندازه حاصل
اولوب ایتدی ای برادر عمرک مزید اولسون که
مدت بهجت و سرور می مزید ایتدک و مکارم ذاتکدن
برشمه اظهار ایدوب محاسن صفاتکدن برزده آشکار
قیلدک (ع) این همه اول آثار جهان افروزست
اصدق اصدقا و اخلاص احببا اولدر که هرگاه که
هواخواه درگاه جایتنه پناه ایدر آنلره عین عنایتله
نگاه ایدوب مسئوللرنی قبولده مجهودنی مبذول قیله
و حاجتلرنی روایی جائنه منت بیله که هرکسه که
دوستندن بر مرادین دریغ ایلیسه و اجبدر که اول
دوست اندن مفارقه سعی بلیغ ایلیه که اول دوستلره

لایق و کفایت کردار نه موافق دکلدر اخبارده کلمشدر که
 بر عزیزی اصحابندن بریسی بر کجه زیارته کلوبدق
 باب ابتدی اول عزیز آنک کیم ایدوکن بیلوب آیا آنک
 ناکا کلمسنه باعث و بیکاه بو حرکتی ایجاب ایدر نه حادث
 اولدی دیو دور و دراز اندیشه لره دوشدی (آخر
 الامر بر کلسد زر) و بر تیغ پر کوهر و بر جاریه خانه
 پرور بیله سنه آلوب قاپوی آچدی و دوستیله
 مصافحه ایدوب او پدی و قوجدی و بعده ایتدی
 سنک بو بیوقت کلمکه اوچ حکمت فکر ایتدم بریسی
 بو که احتمال و یرد مکه سکا بر حال اولوب مال محتاج
 اوله سن ایکنجی شاید که بر عدوک اوله سکا قصد
 ایده سن آنک دفعته مدد طلب قیله سن اوچنجی
 محتملدر که تنها القدن بعض مهماتک مهمل قاله آنک اتمامیچون
 خادم مصلمتکرار التماس ایده سن اکا بناء بو اوج امره
 مناسب اسبابی مهیا ایتدم اگر مراد مال ایسه اشته
 کیسه دینار اگر مدد کرک ایسه اشته شمشیر آبدار
 و کر خادم ایسه اشته جاریه خدمتکار (مصراع)
 هر چه حکم کنی نافذست فرمانت اول دوستی آکا
 منتر ایدوب عذرل دیلدی و بو حسن معامله نه بنیاد

اعتقاد و اعتمادی محکم و قواعد تعلق و ارتباطی مبرم
و مستحکم اولدی

❀ قطعه ❀

چو کار تو از حق برآمد چنان کن
که یار ترا از تو یاری برآید
نظر بر مرادات یاری همان به

که بی زحمت و انتظار برآید

❀ نثر ❀

بر کریم که کرداب محنته دوشه ینه ارباب کرم اکا
دستگیر اولوب نته که بر پیل خلا به دوشه ینه بنی
نوعی معاونتیه خلاص بولور پس دل دریامشاله
هوشك تعهد حالتدن شایبه ملاله یول ویرمك كرك و ناموس
مروته ناظر اولوب آنك زحمتن خاطر عاطره كتور مامك
كرك كه عاقل اولدر كه كسب شرف ایچون راحت
و فراغت بر طرف اید و روز کارده نام نيك و ذکر جمیل
یادکار قویه کیده

❀ بیت ❀

جهان چو کشت بکام تو نام نيك اندوز
که غیر نام نکونست حاصلی ز جهان

❀ نثر ❀

هر غنی که خوان نعمتده اهل فقر وار باب حاجتک
شرکتی اولیه توان کر لر عدا دندن محسوب دکلدر واول
کسه که حالت حیانتده بدنام و دشمنکام اوله نامی
جریده احباده مکتوب دکلدر

❀ بیت ❀

سعدیا مرد نکونام غیر دهر کز
مرده آنست که ناهش بنکویی نبرند

❀ نثر ❀

زاغ بوفسانه بی تکلم و بو ترانه بی ترنم ایدر کن ناکاه
کوردیلر که بر آهو تیر پرتاب کی سرعت و شتابله کلور
عقبجه صیاد اولقی احتمالن و یروب فی الحال کشف
صویه باتدی زاغ بر درخته چیقدی موش دخی
بر سوراخه کیردی آهو کنار آبه کلوب ترسان و هراسان
طوردی زاغ هر جانبه نظر قیلدی کلور کیدر
کوره مدی سنک پشته آواز ایتدی تا صودن طشره
کلدی موش دخی حاضر اولدی سنک پشت کوردیکه
آهو حیران طورر کتمز واول صویه متصل بقاراما
ایچمن ایتدی اگر تشنه ایسک ایچ خوف ایله هیچ

آهو دخی قریب کلچک کوردیکه اشنادر استقبیل
ایدوب مر حبا ایتدی واستفسار حال ایدوب
ایتدی

بیت

ای یار کرامی زبجا آمده

بیکانه مباش کاشنا آمده

نثر

سندن ایرودوشه لی چوق دمدر حسرتکله کوزلم
پرغندر آهو ایتدی ای برادر خیلی زماندر که بویابانده
کرزدم و اینای جنسمدن ایریلوب تک و تنها صحراده
رعی و چرایردم شمدی یه دک نه بیم دام صیاددن
خاطرمده کرد نه وهم سه هم تیراندازدن دروغده درد
وار ایدی حالیا کوردمکه برپرباز ویزکان وتیرله بکا
مکین ایتش کویا که بنی صید ایچون باشسن برآته یمین
ایتش ناکا، آنک شست حیلله سینه پابست اولم دیوب
بوجانبه کلدیم سنک پشت ایتدی خوف ایتمه که
هرکز صیادلرک دیده دامی بوحوالی بی کورممشدر
و بوندن کتمه که تیراندازلرک تیر قصدی دخی بونواحی به
ارممشدر شویله که بزم صحتمزه رغبت قیله سن سائر

یاران سالیکنه منسلک اوله سن و بزم خانه مصاحبتمزه که
اوج شخص از رکن چهارم اولوب شرف مؤانستمز برله
اختصاص بوله سن اکا بیور مشلردر که هر چند که
اصحاب واحباب زیاده اوله ابواب ذوق و سرور
کشاده اوله واسباب عیش و حضور آماده اوله

❖ بیت ❖

هر جا که رسم مهر و وفا بیشتر بود

جمعیت حضور صفا بیشتر بود

❖ نثر ❖

دیشلردر که دوستک بیکنی بر بیلک کرک و دشمنک قلیلن
کثیر عدایلک کرک

❖ بیت ❖

دوستی راهزار کس شاید

دشمنی رایکی بود بسیار

❖ نثر ❖

موش دخی محله مناسب بر حکایت ایلدی زاغ دخی مقتضای
مقامه ملایم برداستان سو یلدی آهو کوردیکه یاران
لطیف طبع و پاکیزه مشرب و مصاحبلردر دل
وجاندن مصاحبترلینه راغب و صمیم چناندن شرف

مجالستلرینه طالب اولدی (مصرع) بایار موافق
 آشنای خوشترپس اول مر غزاردہ برکنارده مقام
 اختیار قیلدی یاران وصیت ونصیحت ایتدیلر کہ
 زینهار بونواحدین کہ بزم حورہ حایتزده در قدم
 بیرون ایتہ وبوسر چشمہ حوالیسندن کہ حصارامن
 واما ندر طشرہ کتہ آهوشرط مزبورہ قائل وموجب
 وصیتلہ عامل اولوب دائم ماینلرنده مجلس مصاحبت
 قائم اولوردی وبرموضع دلکش وجمع فرحبخشده
 هر وقت جمعیت ایلر لردی و مر اعیہ وملاعبه ایلہ خکایت
 وسر گذشت سویلر لردی بر کون اتفاق زاغ وموش
 وکشف مقام معمودہ گلدی لر آهوکلمدی نیچه زمان انتظاردن
 صکرہ اول کناری آرادیلر بولدی لر وشانہ عجبست
 وجویله اطراف مر غزای کیسوی نکار کی طرادیلر بر خبر
 بیلدی لر یوحان آنلرہ موجب ملال وانفعال اولدی زاغدن
 التماس ایتدیلر کہ پروازہ کلوب دیدہ تبسسلہ جوانب صحراہ
 ناظر واحوال غائبدن خبر بیلوب بنہ مقام معمودہ
 حاضر اولہ

❖ بیت ❖

صبار منزل جانان کز در ریغ مدار

(وزو بعاشق)

وزوب عاشق مسکین خبر در یغ مدار

❖ نثر ❖

ز اغ پروبال استعجال ایله پروازه آغاز ایتدی اوج هوادن
اطراف صحرا یه نظر ایتدی آهوی مسکینی برفضاده
بسته بند قضا کوروب یارانه خبر ایتدی سنک
پشت موشه ایتدی بو واقعه نك دفعی سنک همت و معاونت که
وابسته و بو غائله نك دفعه سنک غیرندن رشته امید
کسته در (ع) بشتاب که وقت کاردر کزرد موش زاغی
رهبر ایدوب کندی و آهوی دامه مبتلا کوروب ایتدی
یار عزیز بو عقل و ذکایه بورندان بلایه نه سبب له کیردک
و بو کیاست و فراست له دام حیلله یه نیجه اولدی که بیون
ویردک آهوجواب ویردیکه تقدیر الهی یه تدبیر نه یی
هفید اولور و قضای ربانی یه ذهن و ذکا نه چاره قیلور
بیان تقدیردن سر منزل تدبیر یول اور و ندر و قضای
قضا تا سر حد رضا صحرای املدن افزوندر

❖ بیت ❖

ما از برون در شده مغرور و صد فریب

تا خود درون پرده چه تدبیر میکشد

❖ نثر ❖

موش ایتدی راست سویلرسن که دیمشردر

❖ بیت ❖

سوق ایده چونکه برایشی تقدیر

آنی عوق ایده بیله من تدبیر

❖ نثر ❖

پس آهونك بندين كسمكه مشغول اولدی بواشاده
سنگ پشت دخی یئشیدی آنك بوحالندن ملال
وانفعال اظهار ایتدی آهوایتدی ای یار غمکسار
سنگ بومقامه کلمک بنم واقعه مدن دشواردر که اگر
صیاد ناکهان کله موش بنم بندلرمی کسمش اوله بن
آیاغم قوتیله باش قورتارم زاغ دخی پروبالیله خلاص
بولور موشده برکنج سوراخده کندوی پنهان ایدر
اماسنگ نه اقامت ایدوب آنکله مقاومتیه طاقتک
ونه بال و پر آچوب اوچغه و نه برطرفه چیقوب قاچغه
قدرتک و آردر بوتکلفدن اند، توقف انصب و بوشتابدن
تأنی صوب صوابه اقرب ایدی سنگ پشت ایتدی ای
رفیق شفیق تأنی و توقفه نیجه طریق میسردر که
بر عمر که فرقت احباله کچه آنده نه لذت و بر حیات که
حسرت اصحابه نهایت بوله اند، نه راحت متصوردر

بیت

بکاسنسنز نه جان کرک نه جهان

تنده صحت اولور می اولسه جان

نثر

بن بوحر کتده معذورمکه سنک شوق دیدارک بنی
بی اختیار بومنزله کتوردی و آرزوی جمالک ساحت
سینه دن رخت صبر و سکوئی کوتردی بوقدر
مفارقتله که لازم کلدی و بودکلو مباعدتله ضرورت
اقتضا قیلدی بنای صبر جانب انهدامه مائل اولوب
رفیق تحمل طریق انهدامه سالک اولدی

بیت

علم الله که مر از توش کیبایی نیست

طاقت روز فراق و شب تنهایی نیست

نثر

ای برادر مضطرب اولمه که معاونت یارانله عنقریب
بو عقده کشایش بولور و فراغت تمامله مقام معهود
جانبته خرام میسر اولور اما علی کل حال لوازم شکر
کراری لازم و موجب سپاسداری واجبدر علی
الخصوص که جسمکه زخم و جانکه زیان ابرمدی
و چشم جهان بینک هنوز دیدار صیاد جلادی کورمدی
بواثناده اتفاق صیاد ایراقدن ظاهر اولدی موش

مکر دامی کسمکدن فارغ اولمشیدی آهو هول جاندن
 بر جانبه صحرایوب قاچدی زاغ دخی پرواز ایدوب
 بر طرفه اوچدی موش کنیاسن بر سر ورا خدن پنهان
 قیلدی کشف بیچاره همان مکانده قالدی صیاد
 کلوب دامی کسلش بولدی انکشت حیرتی دندان
 تعجیله اصروب مخیر و متفکر اولدی که آیا بودامه
 بوبندی کم کچمش و آهویه بو هوا دارلق کیمک مدد
 کار لغیله وجوده کلمش اوله بواثناده چب وراسته نگاه
 ایتدی ناکا، نظری سنک بشته راست کلوب ایتدی
 اگرچه بو متاع حقیرله آهوی جسته و دام کسته ناک
 المی تلافی و تدارک اولمز باوجود که بو حقیر بو معصیت
 تهمتدن معصومدر اما نیجه ایتک ~~ک~~رک تهی
 دست دونوب کتمک صیادلر مذهبنده نا مبارک
 و شو مدر ضروری انی طوتدی تو بر سنه آتدی پشتنه
 آلوب مأوا سنه کتدی صیاد کدیجک یاران حاضر
 اولوب کشفی غائب بولدیله بیلدیله که یار هوا دارلری
 بنده صیاده گرفتار اولشدر ناله صفیری فلک اثره
 و فریاد آتش تأثیری کره زمهریره یتوب ماتم و نوحه لر
 ایتدیله و کریان و غریوان دل حزین و ناله انین ایله
 ایتدیله

❖ بیت ❖

روزی که چشم ما ز جالت جدا بود

چندانکه چشم کار کند اشک مابود

نثر

نیجه در دو محنتدر که حسرت دیدار دلداریه برابر اوله
و نیجه آتش مصیبتدر که حرقت فرقت یار وفاداریه
مقابله قیله اول کسه که بر یار دیدارندن دور و یار
کلعذار وصالندن مهجور اوله یلور که کشتکان بادیه
فراق پای حیرتی کلد و تهانشین زاویه اشتیاق
درد حسرتی دلده در

بیت

ترا که درد نباشد ز حال ما چه تفاوت
تو قدر تشنه دانی که بر کناره جوی

نثر

یارانک هر بریسی بوحاله موافق برداستان روایت
ایلدیلر و مقتضای مقامه لایق بر شورانکیز و درد آمیز
مثل و حکایت سویلدیلر جمله سنک مضمون کلام
و فذلکه مرامی بو معنای متضمن ایدیکه

بیت

دل ندار دبی لب شرین جانان لذتی
بی عزیزان نیست عمر نازنین راعزتی

نثر

آخر الامر آهو زاغه استدی ای برادر اگر چه بزم

کلمات غایت بلاغته و ار اجیز و حکایات نه نیت
 فصاحت در اما سنک پشته اندن نه فائده عائد در و نزول
 نازله دن صکره ناله و زاری و کر به سو کواری
 در دسردن غیر نه بی مفید در شرط حسن عهد
 و حقیقه اوفق و رعایت حقوق اخوت و صداقت
 الیق بودر که اوچزدخی ال برایدوز و کشف ایچون
 متضمن خلاص و متکفل نجات اولور تدبیر ایدوز اکا
 بر بیور مشالردر که اوچ طائفه نک حالی اوچ وقتده
 معلوم اولور اهل شجاعتک اقدامی هنکام مقابله ده
 و ارباب اماتک دیانتی اوقات معامله ده و احبانک عهد
 و حقیقتی زمان محنت و اوان نکبته
 * بیت *

مرایار باید در ایام غم
 بشادی نباشد مرایار کم

* نثر *

موش ایتدی ای آهو بوکاره بنم خاطرمه بوجاره خطور
 ایدر که سن بال استعجالله اوچه سن بر جانبدن صیادک
 اوککنه کچه سن و کندیکی ضعیف و خسته و مجروح
 و شکسته صورتنده کوستره سن زاغ دخی سنک
 کا کا، ارقه که قونه وکله کوز که قصد ایدر کی باشک
 اوستنه دونه لامحاله چون چشم صیاد سکار است
 کلوب سنک بو حالکی کوره و زاغله معامله کی بو منوال

اوزره مشاهده قیله سنی صیده قصد ایدوب دام
 ورختی وتو بره یله سنک پشتی براغه سنی طومغه
 متوجه اوله هرگا، که سکا یقین کله لنگان لنگان
 اوکنجه یوریه سن اما برمر تبده که رشته طمعن
 سندن قطع ایتیه و سنی طومقدن ناامید اولوب قویوب
 کتمیه بواسطه اوزره بر ساعت اردبجه تکا پویه
 مشغول قیل اما زینهار که حرکات و سکنات کده طریق
 اعتدالی مرعی طوتوب نه بالکلیه قاچوب کیت ونه
 طوروب کندیکی تسلیم ایت شاید کبن بواشاده سنک
 پشتی خلاص ایدوب چورم و ممکن بلادن مأمین
 صفایه کچورم یاران آنک راینه آفرین او قودیلر و آهو
 وزاغ وضع معهود اوزره صیاده کورندیلر صیاد خام
 طمع چون آهوی کوردیکه افغان و خیران کیدر وزاغ
 آنک اوستنده پرواز ایدوب چشمه قصد ایدر آهوی
 طومغی مقرر ایتدی وتو بره یی پشتندن قویوب
 عقبه دوشدی کندی موش فی الحال کلوب تو بره نک
 بندنی کسوب سنک پشتی خلاص ایتدی بعد
 زمان صیاد آهوی جست وجویدن و عقبه تک
 و پویدن عاجز اولوب اندن یأس ایدوب تو بره سنه
 کلدی سنک پشتی بولدی تو بره یی کسلس کوروب
 هر باری که اطراف ارادی نام و نشان بیلدی حیرت

اكا غلبه ايتدى وزبان عبرتله كندى كندويه ايتدى
 حالات عجيبه مشاهده ايتدم كه هيچ احد اكا باور
 قيلز واحوال غريبه معانيه قيلدمكه برفرد حكمتن
 بيلز اول آهو بندين كسمك بعده كنديسن بيماره
 صورتنده كوستر مك وزاغ آنك اوستنه چيتمق وتوبره بي
 كسوب سبك پشت قاقچ بو حر كاتك بجلى
 وبومشكلاتك تاويلي نه ديركن خوف وحشيت
 وو حشيت ودهشت اكا غالب اولوب ايتدى غالبا
 بومقام پريار چايكاهي وغولار خوابكاهي در لازم
 اولديكه يوموضه دن كيدم ومن بعده بو صحرانك
 وحوشدن رشته طمعي قطع ايدم پس صياد آواره دام
 كسيخته وتوبره صدياره بي كوتورب قاچدى ونذرل ايدوب
 آندلر ايجديكه اكر صحتله اول بيابان كنار سلامت يته
 ردخي بقيه العمر اول صحرانك خيالن پيرامن خاطرينه
 كتورميه وسار صيادره دخی شفقت ونصحت
 ايدوب اول اطرافي طواف واول دشتي كشتن منع ايلمه
 (ع) كانجا هميشه باد بدستست دام را چون صياد كدى
 ياران يته بريه كلديلر وفارغ وايمن ومسرور ومطمئن
 مسكنلرينه رجوع قلديلر وبوندن صكره انلر كه دست
 آفت دامن روزكارلرينه يته شدى ونه ناخن مخافت
 رخساره حائلر يني خراش ايتدى ويمن وفات وحسن

اتفاق قری ایله عقد معاشر تلی انتظام واتساق اوزره
اولدی و برکت معاونت و مرافقت لریله عقد مصاحبت
و مصادقت لری مبرم و مستحکم اولدی
﴿قطعه﴾

رشته تاتنهاست ائراز و ابکسلد
چون دو تاشد عاجز آید از کسستن زال در
کل که تنها بوی آخر خشک کرد در دماغ
ور شرک تنها خوری هم کرم کرد اند جگر
زین دو تنها هیچ قوت ناید راندر جان و دل
قوت جانرا اودلرا کلشکر یا کلشکر
بودر اول دوستانک رستانی زمان دولت و نکبتده
فرط محبت و مودتدن دم اوردیلر و وقت راحت
و محنتده قدم صدق و اخلاص اوزره طور دیلر چون
ایام نزول نوازده پای مصادقت لری متزلزل و هتکام
حلول نو آئیده حال مخالفت لری متحول اولدی لاجرم
میامن معاضدت و مظاهرت لری ایله بودکلو و رطات
هائله دن نجات بولدیلر و عقبات و آفات و راء ظهر لرنده
قویوب سریر معاشرتده سرور موفورله ساکن
و مسند رفاهیتده حضور نامحصورله متمکن اولدیلر
عقل کامل و هو شنید فاضله لازمدر که حکایات
عجیبه به عقل صائب و فکر ثاقب ایله تأملی ذمتنه

فرض و واجب بیه که حیوانات ضعیفه نك بمن موافقت
 و مرافقتدن بوقدر ثمرات ستوده و نتایج پسندید
 حاصل اولیجق اگر طائفه عقلا که خلاصه عالمیان
 و نقاده آدمیاندر خانه مصاحبتلرین بو طرز اوزره
 آباد ایدوب اساس مصادقتلرین بو طرح اوزره بنیاد
 ایدلر پیدادر که آنک فوایح فوادی مشام خاص و عامه
 نیچه واصل اوله و آثار منافی صفحات کردارلرنده
 لایح اولوب میامن برکاتی روزگار صغار و کباره نیچه
 حاصل اوله ❖ منوی ❖

هر که حق صحبت یاران شناخت
 عمر جز اندر ره ایشان نباحت
 یار چودر کار نباشد غمست

کار که بی یار برآید کست
 صحبت انکس که بصدق و صفاست

دامن او کبر کز اهل وفاست
 میل کسی کن که وفایت کند

جان هدف تیر بلایت کنند
 بهر چنان دوست که جانی بود

دوستی جان زکرانی بود

همایوننامه باب رابع

مترجمی

مولا علی بن صالح در

ایکینجی دفعه (ترقی) غزته سنه تفراقه

اوله رق درج اولمشدر



❀ بسم الله الرحمن الرحيم ❀

(باب چهارم اعدانك اظهار تعلق و تعلقه اعتماد)

(ايتوب هر زمانه كين مكر و كيدندن امين اولق)

(جائز دكل ايد و كن بيان ايدر)

رای دابشليم برهنه ايتدی ای حکیم شجره وفاق

نه ثمره ويرر و مقدمه اتفاق نه يي منج اولور بيلدم

واول دوستلرك داستان كه صداقتلرنده صادق

و مر افقتلرنده موافق اوله لر كوش اذعانه استماع قيلدم

وعين ايقانه كورددم و برهان عيانه مطلع اولدم

❀ بيت ❀

(كيم)

کیم یاری وارنده غم اولز
انک کیم یاری یوقدر خرم اولز
❖ نثر ❖

حالی پیر و شنضمیردن متوقعدر که عبارت دایذیرله
تقریر و تعبیر پیوره اول دشمنک مثلن که لایه سینه
اعتماد و دعوی اخلاص و اظهار اختصاصه اعتقاد
جأز اولیه که وصیت چهارمده بیورلس ایدی که
عاقل حازم کال تنبه و تیقظ اوزره اولوب لازمدر که
علی کل حال خصم بدس کالدن صداقت احتمالن
و یرمیه که هیچ وجهله دشمندن صداقت کلز و دشمن
نه قدر ملائمت و ملاطفه کوس ترسه دوست اولز

❖ بیت ❖

زدشمن دوستی جستن چنانست
که یکجا جمع کردن آب و آتش
❖ نثر ❖

بیدبای ایتدی بلی مرد خردمند و هوشیار ترهات
دشمنه التفات ایتیموب متاع تزویر و شعبده سینه خریدار
اولز که دشمن حیلی کار کندینک صلاح حالچون
کال محبت و مودت اظهار ایدوب ظاهرین خلاف باطنله

آراسته قیلور و دقایق زرق و لطایف حیلہ یی پیش نهاد
ایدوب انک ضمنندہ کلی فکر لر و عظیم مکر لر تعبیه ایلر
پس عاقل حازمه لازمدر کہ ہر بار کہ دشمندن زیادہ
تملق و تعلق کورہ سوء اعتقادی اکا دخی زیادہ اولہ
و خصم ہر چند کہ دعوای ملائمتدن دم اورہ طریق
مخالفتدہ دخی ثابت قدم طورہ زیرا کہ اگر رختہ حیلہ سن
سد و غائلہ خدعہ سن ینہ اکارد ایتیموب بو بایدہ غفلت
روا کورہ دشمن بدسکال کہ مترصد احوالدر ناکاہ کمین
ایدوب تیر قصدی هدف مرادہ یتشدیرہ

❖ بیت ❖

مکر دشمندن صقین اولہ امین

غدر ایدوب ناکہ سکا ایلر کمین

❖ نثر ❖

ہر گسہ کہ وقت فرصتدہ تدارکی فوت ایدہ نادم اولہ
اما حسرت و ندامت فائدہ و یرمیہ و ہر چند کہ لیت
ولعل ایلہ تعلیل ایدہ سودمند اولیہ و اکا اول بلا یتشہ کہ
زاغدن بومہ یتشدی رای استفسار ایتدیکہ نیچہ
اولشدن اول

❖ حکایت ❖

برهمین ابتدای روایت ایدرلر که بعضی ولایت چینده
برکوه پرشکوه واریدیکه غایت رفعت و مناعتدن
تیر شعاع بصری کان مکرینه چقجه چوق زجت
چکردی و دیده بان وهم گوشه بام رفعتنه زردبان
خیاله چیقردی

❀ بیت ❀

کسی ندیده فرازش مکر بچشم ضمیر
کسی زفته نشیش مکر بیای کان

❀ نثر ❀

اول کوه بلندده بردرخت سدره مانند بتمشدیکه
اصلی تحت ثاده ثابت و فرعی فوق سمایه بتمشدی

❀ مثنوی ❀

سرافراز اولشیدی شویله شاخی
که کچمش ایدی بوفیروزه کاخی
لباس خضر و ش خضر همیشه
یمه مش دهرالندن زخم یشه
نه اورمش آغیند بالته دوران

نه دوکش برک شاخن بیره دهقان

❀ نثر ❀

اول درختك كاخ شاخنده غير متناهی آشیانه زاغ
وار ایدی واول زاغلرك پیر و زنام بر ملك بنامی وار
ایدیکه جمله سی انك فرمانده رام ایدی بر کیچه شاه
بومان که اکاشب آهنگ درلردی اول عداوت قدیمی
سببیله که زاغله بوملرمیائنده قائم ایدی لشکر جرار
و سپاه خونخواره زاغلری شیخون ایدوب کشور
لشکرین خراب و خانه و آشیانه لرین بیات ایدی

❖ بیت ❖

ببازوی مردی برآورده دست

سردشمنان کرده چون خاك پست

❖ نثر ❖

اول شب تاریك و تارده صد هزار زاغ سیه کردار
آتش بوار و نار کار زارده بریان اولدی و فحواهی (فاقتلو
هم حیث وجد تموهم) مصدوقه حاللری اولوب
چشم دوران ابر بهار کبی آنلرك حال زارنه کریان اولدی
ملك بوم مردم روم کبی مظفر و منصور و مرفه
و مسرور اول رزمین رجوع قیلدی چون باز بلند
پرواز صبح بال و پر آچوب و غراب سپهروی شب
آشیانه غروب به اوچوب خیل نجوم لشکر بوم کبی

زاویه خفاده متواری اولدی

❖ بیت ❖

تیغ کشید اختر عالمفروز

لشکر شب کشت هزیمت زروز

❖ نثر ❖

پیروز جمیع لشکرین جمع ایتدی و حکایت هجوم سپاه
بومی در میان ایدوب ایتدی بوملرک شب بخون
کور دیکر می و جرأت و شجاعتلرین مشاهده
قیلدیکر می آشیانه لری کزده کشته لری پشته پشته
نیجه کز دخی خسته و بال شکسته و نیم کشته در
بوندن دخی دشوار بودر که بو بد کردارلر کندیلرک
جرأت و قوتلرین یلدیلر و بو طائفه چنک جنک اورمغه
قدرتلرین معلوم قیلدیلر و بزم مسکن و مأوا مزه
واقف و آشیانه مزه مطلع اولدیلر ظاهر بودر که
چون بو کره پیکر و قبیح منظرلر بو قدر نصرت
وظفر بولدیلر جرأت و اقداملری زیاده اولوب دخی
دلیر اولدیلر شویله اکلور که توقف ایتیب بر کره
دخی اقدام اقدام اوزره کله لری و بودفعه وار قوتلرین
بازویه کتوروب دستبرد عظیم کوسترلر بو وجهله که

بیماران زحمت هزیمتہ اولیکی شر بتدن ایچورہل
 ممکن کہ اگر برنوبت دخی وضع سابق اوزرہ شینخون
 ایدہل بزم لشکر مزدن بریسن زندہ قوم یوب تیغ
 ہلاکدن کچورہل بواوردہ مشاورتہ مبالغہ لازمدر
 وبوغائلہ نک دفعندہ تدبیر مناسب نہ ایسہ فکر ایلک
 واجبددر

نظم

هنوز اولین حلقہ دشمنست
 دکر بازش آغاز مکر و قنست
 کراین سایل رارہ بندد کسی
 خرابی بدید آید ازوی بسی
 رہفتہ امروز محکم بکیر
 کہ فردا نباشد تدارکپذیر

نثر

چون پیروز کلامن تمام ایتدی بش نفر زاغ میان
 لشکر دن ملک حضورینہ کلوب مراسم دعا ولوازم
 ثنایی ادا ایتدیلر بونلر مکر بوطائفہ میانندہ فضیلت
 رأی و مزیت عقلاہ معروف و موصوف و وزانت
 فہم و متانت فکر لہ مشہور و مذکور ایدیلر ہرنہ

امره که اشارت بیورسدر اسرار فوز و نجات آند
واضح و هر نه رأی استصواب اینسدر آثار خیر
و صلاح آند لایح ایدی

✽ قطعه ✽

برای روشن و فکر صواب بردندی
ز روی آینه روکار زنگ خلل
بعقل کامل و تدبیر راست کردند

هزار مشکل دوران به نیم ساعت حل

✽ نثر ✽

زاغلر جمیع امور لرند، انلرک تدبیرلرینه اعتماد ایدرلردی
و دفع نوأبدہ انلرک رأی اصابت پذیرلرینه استظہار
و اعتضاد کو سترلردی ملک دخی انلرک فکرنی متین
طوتوب ابواب مشکلات مهمات ملکی آنلرک کلید
اندیشہ صواب اندیشیلہ فتح ایلردی چون پیروز آنلری
کورددی هر بریسنی عواطف ملکانه ایلہ نوازش قبولوب
شانلرینه لایق خلعت و انعام و احسان بیوردی و ایتدی
بو کون زمان امتحان ذهن و عقل و او ان تجر بہ فہم
و فضلدر هر کوہری کہ درج ضمیر کزدہ مخزون قلمش
اولہ سزرشتہ بیانہ چکوب طبق عرضہ قویق

کر کسز وهر نقد که دارالضرب قلبک زده تمام عیار
 بوله سز سکه خانه امتحانده بازار ظهور و عیان
 کتورمک کر کسز زاغلردخی باب مدح و ثنایی فتح
 ایدوب ایتدیلمر

❖ بیت ❖

شهاول همیشه پناه جهان

شناخوانک اولسون زمین وزمان

❖ نثر ❖

رای عالی بو باید هرنه بیور رسه صوب صوابه اقرب
 وعالم غیبدن ضمیر ضمیره هرنه لایح اولور سه اولی وانسب
 اولدر بزنده لر بو عقل قاصر له نه فکر ایده وز که آندن
 اولی مرآت خاطر پادشاهیده هویدا اولیه و بوجا کر لر
 کلک تدبیر ایله صفحه ضمیرده نه تحریر ایده لر که آندن
 اعلی لوح دانش شاهنشاهیده ارتسام بولیه اما بحکم
 المأمور معذور امر مز بورده مقدار وسع مقدور مز
 مبذول اولغی لازمدر اگر چه که خاطر پادشاهی که مشکا
 واردات الهیدر مکنون ضمیر قاصرو محزون باطن و ظاهر مز
 عارف وعالمدر (مصراع) انچه میگوییم نزد رای عالی
 روشنت ملک بریسنه خطاب ایدوب ایتدی سن
 بو باید نه دیر سن و بو عقده نک حلقه نه فکر ایدرسن

(جواب)

جواب و یروب ایتدی ای ملک اول وز یرم شیرلر که
 بزدن سابق شیر تدبیره زنجیر تسخیر اورم شیردر
 یومقوله وقایعک حدو شدن بو حیلہ یی معقول کورمشلردر
 چون برکسنه که دشمن قوی ایله مقاومتن عاجز
 اوله هر آینه لازمدر که وطن مألوف و مسکن مشعوفن
 جدا قیله بلکه مال و منالک و اهل و عیالک ترکن اوره که
 مقاتله ده نیجه خطر و مخافت و مقابله ده نیجه ضرر
 و آفت وارددر خصوصاً که خصمدن بردفعه کوشمال
 یولمش و غنیت یرینه هزیمت کورمش اوله هر کسه که
 تهور تمامله حربہ حربی نیام انتقامدن چیقاروب
 بردشمنله که شربت ضربندن بر کره چاشنی طامش
 و شراب حر بندن بردفعه جرعه ایچمش اوله محاربه
 داعیه سن قیله بی اشتباه کذر کا، سیلده یاتمش بلکه
 دریای نیله کندوسن آتمش کبیر کشتی کندینک
 قوت و زورنه اتانق و نیجه بازوسنه طیانق میدان
 رزمده طریق حزمندن دوردر که تیغ و خنجر هر طرفدن
 کسمک و ریخ ظفر ایکی جانبندن اسمک میسردر

❖ بیت ❖

حذرکن زیاده کار کمتر کسی

که از قطره سیلاب دیدم بسی

﴿ نثر ﴾

ملك چون انك كلامن استماع ايتدی اندن اعراض
ایدوب زاغ آخره ایتدی بو خصوصه سن نه دیر سن
وبوامر ده نه تدبیر ایدرسن ایتدی رای وزیر سابق
بنم تدبیرمه موافق بلکه اول فکر اهل عقله لایق
دکدر زیر که جمله اولی و صولت نخستله بو قدر
ذلت و حقارتی قبول ایتمک غیرت سزلک علامتی
و حیثیت سزلک امارت بدر (ع) نشاید شیر مردار ابر
زخمی زنجار فتن

﴿ بیت ﴾

اشتمدی جوان و کورمدی پیر
که بوم شوم اله ز آغدن پیر

﴿ نثر ﴾

و صوب صوابه بواقربدر که حربه حربیه طیانوب
طوره وزوشوك شوکتی تیز و چنکال جدالی خونریز
ایدوب بوم شومله چنکه چنک اوره وز

﴿ مشوی ﴾

اگر برنیاریم تیغ از نیام

بمردی زما بر نیارند نام

بخود ننگ را رهنمونی کنیم
 که پیش ز بونان ز بونی کنیم
 اگر یار باشد جهان آفرین
 بدیغ از عد و باز خواهیم کین

نثر


دست عشرتله مخذره مملکتی اول شهر یار کامکار در
 آغوش ایدر که آب شمشیر آتشبار له نام خصم بد کرداری
 صفحه روزگاردن یویه و لب مرادله ساغر صفایی
 اول تاجدار نامدار نوش ایدر که ساقال تمنای دشمن
 بدسکالی سنک بوار له صیه حالامصلحت وقت بودر که
 قراول نصب ایدوب اطرافه دیده بان کوندره وز و جنک
 وجداله اسباب رزمه حاضر و حرب و قتاله دیده
 حزمه ناظر اولوب اگر دشمن بدکان کمان کبی بر جانب
 اکلورسه بزیر کبی راست واره وز و نیزه کبی طوغری
 طوره وز و میدان کار زارده پایدار اولوب مر دانه لك
 کوسه تره وز که اهل جهان دستان رستم دستانی
 و سام و زیمانی اوندره وز تاجهره عروس ناموس
 غبار عاردن پاك و عرصه جنک نام و ننگ ایچون

آمیخته خون و خاک اوله (مصراع) بنام نکوگر
کشندم رواست * ملوک نامداره لازمدر که هنگام
کار زارده عواقب کاره اول قدر اعتبار قیلمه و روز
جنگ و وقت نام و نسکده مال و جانہ چندان نگران
اولیه

* قطعه *

از سر گذشته پای بمیدان نه و بین
کوی مراد درخم چوکان آرزو
خواهی که بخت روی نماید بکام دل
باید شدن بمعمر که با خصم رو برو
نثر *

ملک روی توجهی برینه دخی توجیه ایدوب ایتدی
بوسه و آله سنک جوابک و بومهمده سنک تدبیر
با صوابک نه در وزیر آخر ایتدی ای ملک کامیاب بویاده
رأی حقیر استصواب ایتدی کی بودر که صاحب وقوف
ایلچیلر کوندره وز و دشمنک تفحص حال و نجسس
ما فی البالندن مبالغه ایدوب مصالحه به میلی و ارمیدر
کوره وز اگر بزدن باج و خراجله راضی اولور لر سه
و ملاطفتمزی حسن قبول ایله تلقی قیلور لر سه بزدخی

بحکم (الصلح خیر) قواعد کارمزی اساس صلح
اوزره قویوب مقدور وقت اولدیغی مقدار خراجہ
التزام ایدہ وز وشرف کارزار وزجت شہنوںلرندن
امین اولوب  ندو دیارمزده آسایش وآرام
ایدہوز

❖ قطعه ❖

اولنجہ صلح میسر عدو ایله عاقل
ره وفاقی قیلوب ترک ایدرمی هرکز جنک
عدوی کلبه اولسه مجال صلح محال
آنک سؤالنه اولور جواب شافی سنک

❖ نثر ❖

ملوک آرای راست و تدابیر دزستندن بریسی
بودر که چون دشمنک شوکت ظاہرہ سن و قدرت
قاہرہ سن کورہ و ممالکہ فساد و استیلاسی منتشر
اولوب رعیت معرض ہلاکہ و ورطہ تلفہ دوشمنک
احتمالن ویرہ حیلہ نقشن کوستروب کعبتین خصمی
رفق و لطفہ آزمایش قیلہ و مال و منالی سپر ملک
و کشور و وقایہ رعیت و لشکر ایدوب ششدر بلادن
بو حسن تدبیرلہ رہا بولہ زیرا کہ میان بساط تجر

و ترمده او توروب نقش خصم عیانه کلمشکن داودیک
 و میدان ستیز و عنادده طوروب دشمن غالبه حرکت
 المذبوح حله ایدوب خاودیک صوب صوابدن منحرف
 و سمت استقامتدن دور و مقتضای عقله مخالف
 و پیرویایه تبحر به دن مهجوردن (مصراع) زمانه
 باتونسازدتو بازمانه بساز * ملک زاع آخره متوجه
 اولوب ایتدی ای وزیر بوبابده سن نه تدبیر ایدرسن
 و بویابان بپایاندن نیجه شاهراجه کیدرسن ایتدی
 ای ملک و داع وطن و ترک دیار ورنج غربت و بلای
 جلابنم رایمده هزار بار اولی دراندن که شیشه ناموس
 قدیمی زمین مذلتله اورهوز و اون دشمنه که بزه همیشه
 تضرع و تذللده اوله تواضع کوسترهوز

نیت *

هیچ اولورمی بازجره اوله تیهویه شکار
 کیم کور بدرشیر شرزه اوله آهویه شکار

نثر *

فرضا که بر تقبل باج و تحمل خراجیه التزام کوسترهوز
 بوملر بزم و اوتقمزه جازم اولسه لرو بزی قلع و استیصالی
 ذمتمینه لازم قیلسه لر کرک ار باب تبحر به دیشلردر که

(دشمنله)

دشمنه مدارایی اول قدر مراعات ایتک کرک که حاجتک
آندن روا اوله بوبایی اولقدر فتح ایتمک کرک که
مرتبه افراطه یتشه که سنی ذلیل و حقیر و دشمنکی جری
و دلیر ایدر آنلر بزدن جزئی جزیه ایله قناعت ایتک
خیلی تکلفدر پس بزم درد مزه درمان و دوا صبر
و توقدر شویله که ضرورت اقتضا ایده محاربه
دخی جائز در زیراکه زحمت جنک غیرت نام و نکدن
اهوند

❖ بیت ❖

مرده بودن بزیر سنک اندر
به که زنده بزیر سنک اندر

❖ نثر ❖

ملک بشنجی وزیره که کارشناس دیرلردی ایتدی سنک
فکر کشور کشاکش که تمام اعتقاد و رأی عالم آرا که
قوی اعتماد وارد

❖ قطعه ❖

در مضیق عقدهای چرخ دین و ملک را
همچو رأی صابن مشک کشایی کس ندید
جز بتدبیر همانونت مرادی کس نیافت

جز باین همت فرمای کس ندید

نثر

سن بوامرده نه فکر اوزره قرار ایدوب جنک و صلح
وجلای وطندن قنقیس سن اختیار ایدرسن کارشناس
ایتدی ای ملک مقطوع و مجزومدر که بوم طائفه سیله
مقابله شومدر اولی بودر که تا ضرورت اقتضا ایتیه
آنلرله محاربه دن ابا ایده وز زیرا که بز آنلرک جنککنده
ز بون آنلر بزمله جنکده دلیر وهم قوتلری بزدن افزون
وهم عددلری بزدن کثیردر کشتی نقدر که قوی اوله
خصمی ز بون عد ایتمک کرک که موجب غرور و مغرور
همیشه مغاک هلاک که قریب وساحت نجاتدن دوردر
اگرچه که بوملرک حیلله و خدعه لری چوقدر اما حالا
حرکت نخستی اعاده ایتمک احتمالن بوقدر اول اجلدن که
اول قوم صاحب حزمدر حازم علی کل حال دشمنک
حیلله و مکر نه جازمدر و مکن غدردن امین دکلدر زیرا
میانلرنده مسافه قریب اولسه محتملدر که فرصت
کوزه ده واکر بعید ایلسه جائزدر که ایلغار ایده مقابله
قیلسه یکن که مکن ایتش اوله مصالحه ایتسه شاید که
سینه سنده غدر تخمین اکش اوله بوبرهان موجب پنجه

جنك حالا انلك جانبدن عقدہ توقفده در فرضا كه
انلك قلبلرنده داعيهء حرب متمكن اوله بزه آنلرله
محاربه جائز دكلدر ارباب عقل وتميز ممكن اولدخه
جنكدن پرهيز ايتمشلردر زيرا كه نقد حيات سرمايه
بازاركار زارددر بر متاعدر كه چارسوى روزكارده مثلى
بولمز و شراب شمشير آبدار بر شربت ناخوشكوارددر كه
بدل مایتحلل واقع اولمز

❁ بیت ❁

اگر پیل زوری و کر شیر چنك
بتر ديك من صلح بهتر ز جنك

❁ نثر ❁

ملك ايتدى آنلرله مقابله و مقاتله جائز اولمچق بوغائله نك
دفعنده نه معامله روا كوررسن ايتدى بر امرلك غورنده
تفكر وافى و اصل فصلنده تأمل كافى واجبددر كه ملو كه
فكر ثاقب ورأى صائب و تدبير راست و تأمل درستله
اول مقاصد و مطالب ميسر اولور كه خزانى بسيار
ولشكر جرار بى شمارله متحصل اولمز

❁ بیت ❁

بشمشیری یکی تا صد توان کشت

برآبی لشکر را بشکنی پشت

❖ نثر ❖

بومقصده شاهراه اصل رأی روشن پادشاهدر
مشاوره وزیر صاحب تدبیر آنک زیاده تنورنه و عمره
فوائدك تكثير وتوفيره باعثدر بحار کبی که مدد مواد
انهاردن حاصل وعدد قطرات امطاردن اکا فائده
واصل اولور ولهذا هر صاحب دولت که مقبول
العقول واما تکرار ناصحك رأی اصابتشعارلریله
عامل اولیه آزمانده ساعد بنحتی سوار مساعده
سعادتدن مهجور وهر طالب سعادتکه میامن عقل
وبرکت ادراکدن بهره مند اولوب استماع اقوال
ارباب عقلی حسب حالی وشعار روزکاری قیله
اقبال اکا قرین وادباردایره دولتندن دور اوله الحاله
هذه بحمدالله که ملک کمال عقلاه آراسته و پیرایه حسن
تدبیرله پیراسته

❖ قطعه ❖

ای در پناه عقلی تو ملک هنزوری
وی پرتوی زرآی تو خورشید خاوری
تدبیر صائب تو باندیشه صواب

تمهید داد قاعده داد کستری
فکر مرا چه وقع بود پیش رأی تو
خرمهره را چه قدر بنزدیک جوهری
❖ نثر ❖

اما چون ملك بنی بومهمده عز مشاورتله معزز قیلدی
وبوامر لک اتمامند بن بنده نك اطف تدبیر و حسن اهتمامه
اعتماد بیوردی دیلم که بویابده خاطر فاتر و ضمیر
قاصر مه لایح اولنی بعضنی دیوان عالیده و بعضنی
حجره خالیده سمع شریفه یتشدیرم بن بنده نته که
جنکی تجویز ایتمزم تواضع و تذللیده جائز کورمزم
(و بحکم) (النار ولا العار) بوبولک محتاج وآجه
عرض احتیاج و تحمل خراج که بزم اسلاف وآبامز
اندن ابا ایتمشردر بیون ویرمزم
❖ بیت ❖

خضم را کردن نهم بی اعتباری آورد
مردن اولیتر که در بی اعتباری زیستن
❖ نثر ❖

مرد بلند همت عمر طویلی دوام تام و بقای ذکر
جلیل ایچون استر و الانعوذ بالله عمر کثیر که ذلتله

کجه عمر نوح دخی اولور سه عمر قصیردن وجوهله
مر جو حدر بلکه ممات اول اصل حیاتدن هزار بار
(راجع النار ولا العار والمنية ولا الدنية) دیمشدر که
ملو که اظهار عجز غیر جائزدر که اظهار عجز کار عجايزدر
هر کسه که دشمنه تواضع قلوب زبونلق کوستره
اکا ابواب بلا کشاده اولوب تأذی وتضرری دخی
زیاده اوله

❖ بیت ❖

همت بلنددار وز بونی مکن که چرخ
هر جاز بونتر یست برو چیره تر شود

❖ نثر ❖

باقی فصوله خلوت کر کدر که رأی ملک آرای ملکه
مرفوع قیلنه (الحکمة عروس ترید البت خالیا) حضار
مجلسدن بریسی ابتدای ای کار شناس فائده مشاوره
اولدر که عقلا جمع اولوب مقتضای عقلاری اوزره
نقا مجلس ایدر که شاید برینک تیر تدبیری هدف
صوابه راست کله که اکابر بیور مشلدر که ثمره مشاوره
عقولک بعد المحاوره بر امر اوزره اجتماعی وعقلانک
آرای متخالفدن بر رأی اوزره اتفاق واجتماعی بدر

هر مهمه که جماعت عقلا جمع اولوب شروع قیله
آنک مداخلی و مخارجی احسن وجه اوزره ملحوظ اولوب
عاقبتی فوز و نجاحه و خاتمه سی خیر و صلاحه مواصل
اوله نته که حکیم ایدر

❖ مثنوی ❖

مکن تکیه بر کنج و تیغ و سپاه
زفر زانکان رأی و تدبیر خواه
شود رأی نیکوزاد سستگیر

بجایی که ضایع بود تیغ و تیر

❖ نثر ❖

پس کلامی خلوته حواله ایتمکده نه مصلحت وار اوله
کار شناس ابتدی هر مستشار مؤمن دکلدر و اسرار
ملکی مهمات عزمی و معاملات رسمی کبی دکلدر که
هر دانا و نادانله در میان ایتمک بجائز اوله ار باب
دانش بیور مشلدر که اسرار ملوک فاش اولغه باعث
یاوز یرزک تهاون و تقصیری و یارسول و جاسوسلرک
تز و یروتشه یدر محتملدر که بو محله بر جاسوس
بولوب کوش نجسسه بزم اقوالمره حاضر و دیده
تر صده بزم احوالمره ناظر اوله و کوردیکن و اشتدیکن

فی الحان خصم بدسکاله ابلاغ وایصال قیله انلر دخی
 ساحهء حال وعرصهء مألرین خاشاک مکر دن جاروب
 فکرله پالک ایدوب رخنهء فتنه بی سنک حیلله ایلله سد
 وتیر تدبیرمن نشانهء آرزویه وارمدینینه بزه ردایدلر
 فرضاکه مجلسده اجانب دشمندن جاسوس اولیه
 شاید که حضار مجلسدن بریسنک برانیس وجلیسی
 اولوب بومشاوردهء واقع اولان اسراری استفسار
 ایدوب بواراده جاری اولان آرادن خبردار اوله و آزمانده
 اسرار ملک روزگار افواه والسنه ده انتشار واشتهار
 بوله ودوست ودشمن میاننده شایع اولوب اظهار
 اسرارک ضرر وفسادی مزاج ملک وملکه ساری
 اوله بواجلدندر که اسرار اسرارده مبالغه بی حددن
 کچور مشلردر

✽ بیت ✽

نیجه ز یبادیمش اول مردهشیار
 کرکسه سرصقین سرایتمه اظهار

✽ نثر ✽

کتمان اسراره سائر ناسدن مالوکک احتیاجی اوفر در

زیرا که تدبیر ملکه هرناکس و ابتر واقف اولیجق ملکه
اختلال کلی طاری اولق احتمالی اکثر بلکه مقرر در

بیت *

اگر جز نوداند که رأی تو چیست
بدان رأی و دانش نباید گریست

نثر *

چوق اولمشدر که تاج و افسر بلکه کاسهء سرافشای
سرسبیله یوق اولمشدر

بیت *

نیچه سن کشف سرسردن چیقاردی
نیچه سرداری افسردن چیقاردی

نثر *

نته که شاه کشمیر وزیرینه مافی الضمیرین اظهار
ایتدیکی سبیدن از وقتده اوج دولتدن حضيض
ذلتده هبوط و نزول بلکه ستارهء عمری افق فنا
وفواته غروب و افول ایتدی پیروز استفسار ایتدی که
نیچه اولمشدر اول

حکایت *

کارشناس ایتدی شهر کنمیرده بر پادشاه وارایدیکه

لکام تسخیری کام تو سن خنک فلکه اورم شدی
و پنجه تدبیر ایله ساعد زور کاری بورم شدی
بیم شمشیر آتش تأثیر و آب تصویر بدن بایک نه زهره سی
وار ایدیکه سمت راستدن انحراف ایدیدی و و هم سنان
جانستان رق نشان و صاعقه فشانندن آبک نه قدرتی
وار ایدیکه روی خاکده اگری کیدیدی

✽ مشوی ✽

جهان را خلعت امن آنچنان داد
که خلق از نیک عریانی شد آزاد
ز عدلش جان مظلومان سحر کا،
فراموش کرده تیز اندازی آه

✽ نثر ✽

بو پادشاه فلکدستگاهک حریم حرمت و پرده
عشرتندن بر محبوبه سی و ارایدیکه زلف شیرینی دعوی
طولده شب یلدا یه اطاله ایدردی و روی تابان و مهر
لمعانی مه چارده شبه طوغ یا طوغدم دیردی زاهد
قائم الیل آنک جمال با کمالن عالم مثالده کورسه کنیدن
کیدیدی و صوفی شبحیز آنک صورت بیهالان مرآت
خیالده مشاهده اینسه صبح پاکدامن کبی کریان

خرقه پرهیزی چاک ایدیدی

✽ مشوی ✽

در منظوم اسیر دندنی

جانه زندان ایدی ز نخدانی

زلف پرچینی رشک مشک خطا

حال مسکینی حبه السوداء

✽ نثر ✽

ملک اول نکاره اول قدر تعلق و تعشقی وار ایدیکه
مشاهده جمال حاصل حیات فانی و تماشای زلف
و خال سرمایه عمر و زندگانی بیلوردی هر زمان جاذبه
عشق جانان کو هر جان ملکی سلاک ملکه چکر دی
ودانه خال دلارام زمین دلنده مهر و محبت تخمین
اکردی طره طررای نقد شکیب و صبری جیب دلندن
قیاردی و غمزه عیاری دله محتاله کی خانه دروندن
متاع صبر و سکوتی چلار چار پاردی

✽ بیت ✽

من نه با اختیار خود میروم از قفای او

کیسوی چون کند او می بردم کسان کسان

✽ نثر ✽

اول شوخ فتنه انکیز چون مرغ دل شاعی مقید دام
زلف دلا ویزی کوردی کمان ابروی بنا کوشنه دك
چکوب خدنك غزه بی هدف سینه شاهه پیوسته
اوردی وساعت بساعت شیرین عشوه لر ورنکین
کرشمه لرله پای دلنه بند اوزره بند اوردی

❀ بیت ❀

رسم عاشق کشی و شیوه شهر آشوبی
جامه بود که بر قامت اود دوخته بود

❀ نثر ❀

استغنائی حسن مقتضای اوزره مجرد عشق شاهله
قناعت ایتیموب اطراف وجوانب واقارب واجانب بدن
بولدینغ زنجیر تسخیر چکمک دیلردی وزلفی کمندنی
کردن شوریدکان بیابان هوسه بند ایدوب عشق
نهالنی تشنکان زلال وصالک دلی باغنده دکمک دیلردی
آخر کار محرمان بارگاه پادشاهدن بر سرورفتار و شکر
کفتار جوان طنازله که خط سبزی حضر کبی لب
آب حیاطه پرورش بولش و سبزه خطی چن چنان کبی
کنار جو بهار کوژده پرورده اولش

❀ بیت ❀

کرد لعل درفشاننده یازمش سبز خط
خالدن اول خط جو الیسنی زین ایتمش نقط

﴿ نثر ﴾

عشق باز لعل آغاز ابدی جوان دخی غلبات عشق
وجذبات مشوقه دوشوب و سوز و کداز مهر و محبت
آتش نه طو تشوب بر مر تبیه وار مشدید که جریده
حالنده دفتر صبردن بررق و صفحه جالنده اثر حیاتدن
بر رقی قائم شدی

﴿ بیت ﴾

هر که با عشق آشنا شد ز جت جان بر نیافت
درد پرورد محبت یار در زمان بر نیافت

﴿ نثر ﴾

متصل عاشق و معشوق میاننده چشم و ابرویه سؤال
و جواب و غمزه و اشارتله خطاب و عتاب اولوردی
بر کون پادشاه عیش و عشرت قوروب جانان دخی ماه
کبی مقابله ده اوتوروب جوارنده پای خدمت اوزره
طوروب مشتری کبی برق اوروب القصد ابواب معاشرت
هر جهتدن کشاده و اسباب مواصلت هر نوعدن آماده
ابدی و پادشاه جمال دلارای جانانه دیده دل و جانله

نگاه ایدوب صفحهء و خسانده رقم (فی احسن تقویم)
مطالعہ ایلردی نگار آنک بو نظاره سندن غافل و جام
مدام عشق جوانله مست لایعقل ایکن ناکا، جوانه نگاه
ایدوب لب شیریندن بر جسمله دامن روزکاری پرشہد
و شکر ایتدی (ع) بزنیك خندہ و دامان عیشم برشکر
کردان * جوان دخی مقابله سندنہ گوشہء چشم جاد
وسندن بر کرشمہ ایلہ عالمہ هزار شور و شر بر اقدی

* بیت *

ترکس بازندہ اونیم ناز

نمی از و غمزہ دکر نیم ناز

* نثر *

پادشاه چون بو حالدن آکاه اولوب آتش غیرت
کو کلندہ مشتعل و ملتهب و میانلرنده علاقهء معاشقه
وار ایدیکن بیابوب درون دلدن منفعل و مضطرب اولدی
و صحبت دلارامدن بالکلیہ ال چکوب سودای عشقندن
فراغت ایتدی و لسان حالہ ایتدی

* قطعه *

وازلدم ای صنم سکاھوادار اولمہ دن
کل یوزکون هر سحر بلبل کی زار اولمہ دن

بنالم چکدم غم سودای زلفکدن سنک
چونکه سنال چکمدک اغیارله یار اولمده دن

❁ نثر ❁

پس کندویله فکر ایدوب ایتدی بو باید، شتاب مذهب
خرده، صوب صوابدن منحرفدر و بویکی شور بختی
سیاستده استعجال دور بین و عاقبت اندیشه که مخالف
(ع) صبر بهتر مرد را از هر چه هست ❁ پس طریق
لطیف قویوب مضیق عنقه کتمدی و محبتی همان اول
منوال اوزره که طرح اولمشدی حفظ ایدوب تغیر
وضع ایتدی اگر چه که اول شب تارده نشوئه قهوه
خوشکوار و انوار مصباح دیدار دلدارله چهره سی کل
کل اولمشدی اما قلبی پروانه وار التهاب آتش اضطرابدن
تمام یا نمش یا قلمش کل اولمشدی

❁ بیت ❁

پادشاهی عاشق و سرمست زان سان دلبری
چون تواند دیدورا ملتفت باد دیگری

❁ نثر ❁

القصد چون تابشیر صبح ظاهر اولدی چشید خرشید
علم سفید نصرت ناپیدی قبه فیروزه رنگ فلکه

بتوردی و خسرو سیار کان شایبان ظلامی ایوان سپهر
مینافامدن کور دی

❖ بیت ❖

عروس آفتاب خوب دیدار

بونیلی پرده دن اولدی بدیدار

❖ نثر ❖

پادشاه نیکبخت تحت حکومت اوزره کلوب صدای
صلای عدل و داد ایله داد خواهلری بندستم و قید
بیداددن آزاد ایلدی

❖ بیت ❖

شه که عدلیله آشنا اوله اول

سبانه رحمت خدا اوله اول

❖ نثر ❖

فصل خصومت ناسدن و دفع غوغای عام و خاصدن
خلاص اولیجق اول وزیرله که مدار امور مملکت
و مستشار احوال سلطنت ایدی خلوت ایدوب جلاد
خشم مبالغه قیدیکه حال شبانه بی وزیر صاحب
تدبیر ایله میانه کتوره وانک مشورتیه اول تشنکان
بیابان عشقه شربت سیاست اچوره فرمانفرمای

عقل ایتدی زنه ار سرکی اکا اظهار ایتمه وهرنه حکمی
 که رأیك اقتضا ایده امضایه یتور عاقبت جانب
 خشم و غضب غالب اولوب وزیرنه مافی الضمیرین
 اظهار واول باید، آنک مشاوره سیله استظهار ایتدی
 وزیردخی تیر تدبیری آنلرک هدف تدمیرنه طوغر ایتدی
 بوفکر رأی پادشاهه موافق کلوب اول ایکی شخصک
 بنیاد حیاتنک هدمنه تصمیم وعزام ایتدی ومقرر
 اولدیکه هر بریسی شربت زهر الودله ساحه
 وجودین کرداب عده صالدار و پروجله که وزیر
 وشاهدین غیری کسسه اکا اولیه امرلرین تمام
 و ماه عمرلرین مبتلای سرار حمام قبله لرتارده فضاحت
 دریده ورشته نام ناعوسی بریده

بیت

کارهای اینجنین آن به که پنهانی بود
 اشکارا اگر کنی اخر پشیمانی بود

نثر

چون مشاوره امری تمام اولدی وزیر پادشاهی
 وداع ایدوب اوینه کلدی دخترنی زیاده ملول ومنفعله
 بوادی کیفیت حالدن سؤال ایدیجک شویله معلوم

فلدیکه قیزی مکر حرم پادشاهه وارمش بانوی سزای
 جانبدن انواع اهانته لر کورمش و اقران و امثالی میانده
 بویله خوار اولمقدن خجالت و عار متطرق اولمش و زی
 چون بو خبری اشدی بحر غیرتی جوش ایدوب شرط
 احتیاطی فراموش ایتدی و دخترینک خاطر بن مراعات
 ایچون ایتدی ای جکر کوشم بیحضور اوله که اول
 شور بخنک عنقریب چراغ عمری مرده و کل حیاتی
 پشمرده اولوب نام نشانی صفحه جهان فانیدن
 سترده اولسه کرک دختر بو امری تحقیق و بو خبری
 تصدیق ایچون کیفیت حالدن سؤالده حداعتدالدن
 تجاوز ایدیجک وزیرانکله سلطان میانده جاری اولان
 ماجرا دن برشمه بیان ایدوب بوسری اخفاده عظیم
 مبالغه قیلدی دختری چون بو بشارتی اشدی بشاشت
 تمامله پدری حضورنده قیام ایدوب کنندی مقامنه خرام
 ایتدی اتفاق بو ائنده خدام حرم پادشاهدن بریسی
 وضع سابقدن اعتذاره کلدی چون مقدمات عذری
 تمهید ایتدی دختر و زیر ایتدی معلوم صغیر و کیردر که
 بو مقوله جرایعدن اعتذار عذر دکلدر بلکه نعر بر اماغم
 دکلدر که آنک ماه عمری عنقریب تمام اولسه کرک

وابتدی کی فکاک جزا و سزا سن بولسه کرک (ع)
 نزدیک شد که دور شود دشمن از نظر * خادم دختر
 وزیردن چون بو خبری اشدی بهجت و بشاشت
 اظهار ایدوب ایتدی بونه فال فرحقزاونه مرده
 ترخزادر که (ع) سماعه کردن جان و دل چون انی
 استماع ایتدی * ایابو خبر خیزنه وقت حیز وجوده
 کله که اول منبع شرک شرع رزندن امین اوله وزو
 بو واقعه نه زمانده وقوع بوله که اول بی رحمت پنجه
 شکجه سندن نجات بوله وز دختر ایتدی اگر اخفای
 رازه قدرتک و تحمل بار اسراره طاقتک وار ایسه سکا
 حقیقت حالی حکایت وقصه قضیه مذکور بی بی قصور
 روایت ایلم خادم دخی بتد سو کندله رشته عهدنی
 مؤکد قیلوب دختر وزیردن مافی الضمیرین بو تزویر
 ایله خبردن قیل چکر کبی چکدی و علی الفور بانوی
 سرایه واروب علی التمام تفصیل حالی اعلام ایتدی
 خاتون حقیقت واقعه و واقف اولیحق همان اول
 ساعت جوانی خلونه دعوت ایدوب بوسری اکا
 اظهار ایدوب بوسردن انی خبردار ایلدی وزن و جوان
 اهل طغیاندن جمع کثیر ایله اتفاق ایدوب اعضیایان

ایتدیلر وناکا، پادشاه غافل و شراب خواره لایعقل
ایکین سفینه حیاتی غرقاب هلاکه ایتدیلر سرنی
وزیره اظهار ایتک ایله سردن ایرلدی و منصب
کامر ایندن بلکه مسند زندکانیدن قفس عناو محبس
فوات و فتنیه گرفتار اولدی بومثلك فائده سی بودر که
اگرچه ملوک و زرا ایله طریق مشاوره یه سلوک لابد
وانلر لر آی عالم اراسندن فائده مند اولمق لازمدر اما
اسرار لرینه اغیار مطلع اولمق دخی واجبدر زیرا که
هرگاه پادشاه باوجود که فرزندانی و تأیدر بایله ممتاز
و همت بلند و عزیمت ارجند ایله سائر لردن سرافزاردر
کندی سرنی سترایدیمیه سائر لر که پایه ورتبده
ناقص و عقل و درایتده قاصر لردر محافظه یه نیجه
قادر درلر

بیت

چون تون توانی که راز خویش را پنهان کنی
نیک میدانی که از ادیکران افشا کنند

نثر

کار شناس چون بوحکایت پراطافتی بوفصاحت
وبلاغت ایله روایت قیلدی و بودر بیهمتای الماس

(عبارات)

عبارات غرائب دلدی حضار مجلسدن بریسی دخی
زبان اعتراضی دراز ایدوب ایتدی سنک کلامکدن
لازمککورد که خلق عالم بساط مشاوره بی دوردر واسب
مرادلرین میدان رأی ورویتلری اوزره سورهلر حال
بوکه ترک مشاوره مقتضای حکمتدن دور ومذهب
شرع وعقلده منهی ومحظوردر

بیت

بنای عقل خودار بر مشاورت تنهی
نه حق شرع کزاری نه داد عقل دهی

نثر

کافه انام عموما وسلاطین عظام خصوصاً سوانح
امور ومصالح جهوردیه ترک مشاوره ده نه وجهله
معذورلردر که پیغامبر علیه الصلوة والسلام ناموس
اکبردر بحکم (وشاورهم فی الامر) خدام عتبه
نبوتله مشورتله مأمورد

بیت

شد پیمبر مشورت مأمور
تو چرا زین طریق باشی دور

نثر

کارشناس ابتدای صدر صفه رسالت سنده سده
نبوت مشورتله مأمور اولدیغنه باعث اول دکلدر که
آنک رخنه رأین غیر یلرک حسن تدبیری سد و دریای
خاطر فیاضنه سائرلرک انهار افکاری مددایلیه زیرا که
ضمیر منیر صاحب ایالت ولایت و رسالت علیه من النجیات
اکلها که مطلع انوار (ان هو الا وحی یوحی) در برآینه
جهانمادز که صورت حقایق اشیا انده واضح
و هویدادر بلکه باعث تبیین منافع و مشاوره و تعیین
فوائد محاوره در تا عالمیان بو خصلت پسندیده ایله
متحلی اولوب ثمراتندن بهره مند اولهل و نور چراغ
مدد روغن ایله تراید پذیر اولدیغی کی عقول قاصرلرک
غیرک مدد تدبیر یله تنویر ایدوب خود را یلک و خود
پسندلک ظلماتندن قورتلهل اول بنم کلامدن بولازم
کلر یکه ترک مشاورت البته واجب اوله بلکه مقدمات
مزبوره مقتضاسی بودر که هر فکر که پویه مشاوره ده
خلاص بوله و هرا مر که محک آرا ده تمام عبارکله خزانه
دلده مکتوم و ختام سرو اخفا ایله مختوم قیلنه که
کتمان اسرار فوائد بسیاری متضمندر جمله دن بری
بو که نجر به ایله معلوم اولمشدر هر مهمک کتمانده

اهتمام اولنه حصوله وصولی قریب اولوب تیرانام
اولنه که مضمون (اسمعینوا علی جوابکم بالکتمام)
بومعنائک اثباتنده برهان واضح البیاندر بردخی بو که
اکره تدبیره موافق تدبیر اولیوب مافی الضمیر
قوتدن فعله کلیه باری باعث ثماتت اعد او مورت
جالت احبا اولینه

﴿ بیت ﴾

زانکه وصل تو میسر نشود چندن نیست
که رفیقان ز سر طعن زبان بکشایند
﴿ نثر ﴾

فیروز ایتدی ای وزیر ناصح سنک تدبیر امورده
اصابتک و تعمیر ثغورده حسن کفایتک ضمیر منیرمه
واضح و بوارده مجمع اولان وزرا و امرانک جمله سنک
آراسندن سنک رأیک ناصح و راجد رپند و نصیحت
یوزندن و ادای حقوق نعمت جهتندن خاطر که
لایح اولنی اظهار ایلک و اجبدر که اظهار حقه تقصیر
قاصر لره مناسبدر کار شناس خدمت ایتدی و زبان مدخله
ایتدی

﴿ بیت ﴾

ای آفتاب رأیک مهر منیر عالم
وی بدر قدر شایک ماه فلمکدن اعظم
نثر

هر خدمتکاره واجب بدر که چون مخدومی بر امر اوزره
عازم اوله اول بایده آنک رأینده وجه صواب نه ایسه
تنبيه ایتمکی ذمته لازم بیله اگر آنک عزمن خطابه مقترن
بوله رفق ولطف ایله آنک فسادین روشن ومبین
قیله تاروی رأی ووجه تدبیرنده تباشیر استقامت لایح
اولیه اصلاحنه تعرضندن اعراض قیلمیه هر مشیر که
ادای حقوق ولی نعمتنده تقصیر ایدوب حق مشاوره بی
مرعی طوئیه وشرایط امانتی ولوازم استقامتی کما هو
حقهار غایت ایتمیه انی صدیق صادق خیال ایتمک
کړک بلکه آنی دشمن و منافق عدایدوب انکله مشاوره
طریقته کتمک کړک هر کا که پادشاه کنندی اسرارنی
اسرارده مصر اوله و بروزیر کاغی و مشیر امین
ومعتمد بوله ونیکو کارلره احسان ولطفی شهر یارلک
شریعتنده واجب بیله و بد کردارلره تأدیب وعنفی
جهاندارلک طریقته لازم اکلیه غالب بودر که ملکی
بایدار ودولتی برقرار اولوب عنایت ربانی اکامعین

و ناصر و دست قضای آسمانی دامن دولتدن کوتاه
و قاصر اوله

✽ مثنوی ✽

تا توانی بدین و داد گرای
تا بود ملک ازین دو پایه پیمای
عالم آسوده کن بنعمت وجود
تا خوش باشی و خدا خشنود

✽ نثر ✽

فیروز استفسار ایتدی که ملوک اسرارنی کیلردن اسرار
و کیلره اظهار ایتک کرک کارشناس ایتدی اسرار
ملوک مراتبی متفاوتدر بعضی راز اولور که پادشاه
کندی دخی اکا محرم اولمز یعنی محافظه ده اول مشابه ده
مبالغه واجبدر که غیر یلرد کل کویا کندی دخی اکا
محروم دکلدر بعضی اکا بر بومعینده بیور مشلدر

✽ قطعه ✽

انچه ناکفتیست در دل خویش
دار پنهان بدان مشابه که دل
اگرش مدتی زمان طلبد
تواند که سازدش حاصل

✽ مشنوی ✽

کر کدر بر اوله سرداره سردار
ایکی اولسه ایدر لر سری اظهار
حکیم ایدر که ایکی لیدر لر اول
که یو قدر ذره اندن یکمکه یول

✽ نثر ✽

بعض دخی اولور که ایکی کسندیه نسبت ربت
محرمیت میسر در بعضنه دخی اوچ شخصه بلکه
دخی زیاده وقوفه رخصت ویر لر اما اول سر که
یوملر حقنه خاطر فاطره خلیجان ایدر ایکی شخصدن
غیری به قابلیت محرمیت میسر دکدر

✽ بیت ✽

ایکیدن که تجاوز ایده بر سر
دو شوب دلره اول ورد اوله آخر

✽ نثر ✽

فیروز چون بو کلامی ایشندی خلوتخانه به متوجه
اولوب وزیر کار شناسی دعوت ایتدی و آغاز کلام
ایدوب ایتدی اول بزمه یوملر میاننده نه حادث اولدیکه
بودکلو بعض وعدا و نه باعث اولدی کار شناس ایتدی

قدیم الایامده بزم طائفه مزدن بوملر حقنده بعض
کلمات صادر اولوب اول سبیدن ابواب عداوتی قح
و بساط خصومتی طرح ایدوب الی هذا الان کینه
دیرینه ساحه سیندلرنده دائم وماده نزع وجدال
میانمزد قاندر ملک ایتدی نه کیفیت الیه واقع اولمشدر
اول

❖ حکایت ❖

کارشناس ایتدی روایت ایدرلر که سلیمان نبی علیه
السلامدن صکره انواع طیور مختلفه الطباع اولی
اجنحه مشنی وثلاث ورباع اتفاق واجتماع ایدوب
ایتدیلر که بزه برامیر ومقتدا و برکبر و پیشوالزمدر که
سوانح امورده اکا اقتدا ومصالح جهورده اکا التجا
ایده وزو بر خصم ظاهر اولسه اکا استظهار ایدوب
انک دفعته دورشورز و بازار کارزارده انی پشت
و پناه ایدوب الشه و ویرشه وز پس هر نوع امارات
قرعه سنن طیوردن برجنسک نامنه ایدی و احرانک
بطلاننه حجة و برهان اقامت ایتدی ثانویت بومه ایتدی
بر طائفه نك رأی بوکا مقرر اولدیکی انی امیر ایدلر
وعمارات خراب آباد امارتی انکله تعمیر ایدلر بوتدبیری



رد قبولده چوق گفت و کواولدی و بوامرده قیل
وقال سرحد اعتدال دن تجاوز ایدوب میانلرنده آتش
جدال و نزاع اشتعال و ارتفاع بولدی آخر کار قضیه
بونک اوزرینه قرار بولدی که برکسنه که بو جمعه
داخل اولیه و طرف حقدن جانب باطله مایل اولیه
حکم ایدوب هر نه حکم ایدرسه قائل اولهلر و قضاسنی
کلک رضا ایله امضا ایدوب اول حاکم عادلک فرمانیه
عامل اولهلر بواشناده اتفاقدن برزاغ پیدا اولدی
ایتدیلر اشته بوساده دل بو مجلسده حاضر دکل
و نهال خالی جانب تعصبه مائل دکلدر بونکله بوامری
مشاوره معقول و بویابده انک تدبیری ارباب خرد فتنده
مقبولدر باوجود بودخی هم جنسین در تا اصناف طیور تمام
امر مزبورده متفق الکلام اولیهلر اجماع حاصل اولمز
و بی اجماع ماده نزاع اندفاع ورشته خصوصت انقطاع
بولمز بونلر مفاوضه ده ایکن زاغ کلدی صورت حالی
بر صفحه ضمیرینه کلک تقریر ایله تحریر ایدوب بویابده
انده تدبیر صواب التماس ایتدیلر زاغ تأمل مستوفاد نصیره
ایتدی بو فکر زیاده فاسد و بو بازار بغایت کاسددر
بوم شومک منصب امارته نه لیاقتی وارددر و اول دیو

دیدار اهرمن کردار رتبه ایالت نندن سزاواردر

❀ بیت ❀

ای مکس عرصه سیرغ نه جولانکه نست

غرض خود میبری وزجت مای داری

❀ نثر ❀

باز تیر تاز بلند پرواز که نسر طائرانک زخم چنکالندن
 احتراز ایدوب آشیان آسمانده پنهاندر قعر زمینه می
 یکدی طاموس زیبا هیئت ورعنا صورت که صحن
 بوستان آنک زیب جال وزینت پرو بالندن که غیرت
 باغ جناندر نشین فتایه می اوچدی همای همایونفال که
 سایه پرو بالی فرق فرق قدسای سلاطین کامکاره تاج
 افتخار در اوج آسمانه می عروج ایتدی عقاب پرشکوه که
 عقبات کوه صدمات بال اقبال وجناح نباحندن پرصدادر
 عنقاکی آشیانه عدمه می کتدی فرضا که جهور
 طیور نامدار باسرها منقرض اولسه وضعیف حال
 وشکسته بالاری قالسه معقول بودر که بو طائفه
 پادشاه سزلخی قبول ایدوب عار متابعت بوم وشنار
 مطاوعت مرغ شومی ناصیه حالرینه مرقوم
 قلمیلر

بیت

کس نیاید بزیر سایه بوم

ورهمای از جهان شود معدوم

نثر

با وجود که منظری کریه و مخبری قبیح و طبعی سقیم
و فکری غیر صحیح در بونک برله که درونی خشم و غضب
ایله مشحون و صفت تکبر و تجبری حددن بیرون در
بوجه عیوب ایله جمال روز جهان افروز دنکه
(وجعلنا النهار معاشا) حکمی موجب مجده سرمایه
بازار معیشت در محجوب قالمش در نور آفتاب عالما
بدنکه (وجعلنا سراجا وهاجا) روانه سیله چراغ
انجمن جهان و شمع شبستان مکان کون و مکان در
محروم و محجور اولمش در جمله دن بودش و ار در که
حدت و خفت طبعنه غالب و تهتک و طیش عقلی
سالبر بواندیشه ناصوابدن و از کک و بنای
امور کزی اساس حکمت اوزره قیلاک و مهمات کزی
قانون عقله تطبیق و هر قضیه بی رأی صائب ایله
تحقیق ایلاک تادائما مر فیه الحال و فارغ البال اوله سز و طعن
حساد و شماتت اعدادن رها بوله سز اوله سز واجب

اولان بودر که بر امیر تعیین اید، سز که عقل و کیاستی
بی نظیر و فکر و فراستی اصابت پذیر اوله تا هر مهم که
عرصه وجوده کله و هر صورت که منصفه ظهورده
جلوه قیله ذهن ثاقبله اکا خوض ایدوب رأی صائب
ایله انده کفایت کوستره اول خرکوش کبی که ماه
جانبندن رسوالم دیولطف حیلله ایله برغائله بی کندی
قیبله سندن دفع ایلدی جهور طیور استفسار
ایتدیلر که نیجه اولشدر اول

حکایت

زاغ ایتدی روایت ایدرلر که جزائرزیر باددن پیملر
ولایتندن بریل اتفاق باران اولیوب مادر سحاب مدرار
پستان رحمتدن کام تننه لبان اطفال مهد خا که ادرار
ایلدی حرارت هوای کرمدن چشمه لر سخت دللر چشمی
کبی بی نم و التهاب مشعله آفتابدن خوشه فلفل و کلین
قرنفل و طره سنبل زلف نکار کبی پر پیچ و خم و عیونک
کوزلی صوغلوب انهارک لبلی یار یلوب دکرزک
دلری طوتلوب ایکم اولدی

بیت

صوسزلقدن قوریدی شویله عالم

که کوزدن غیری برده قالمدی نم

نثر

پیلار آتش عطشیدن یانوب باقلوب ملکری نه کلوب
نالش ایتدیله ملکاری امر ایلدیکه نجسس آب ایچون
هرجانبه شتاب ایدیلر بویابد، شرائط تقصی رینه
کتوروب سسراب کبی اطراف بیابانی طواف ایدیلر
پیلار بر موجب فرمان درد عطشه درمان ارای اول
بیابان بیابانی دوران ناکا بر سر چشمه یه راست کلدیلر که
لسان تاریده اکا عین القهر و زبان فارسیده چشمه ماه دیرلر
ایدی چاهی غایت ژرف و آبی زیاد، شکر ف ایدی ملک
پیلان عامه خدم و کافه چشم ایلر اول چشمه جاننده دوان
وروان اولدیله مکر اول چشمه حوالیسند، و خوشدن
بی نهایه خرکوش توطن ایتشدی خواب غفلتده
بیهوش یاتورلر ایدی لاجرم خرکوشلر پیلارک جوش
و خروشنندن سراسیمه و مدهوش اولوب اکثرینه ک
سری پیلارک پای ثقیلی ایلر شویله کوشمال بولدیکه
من بعد منزل حیاته اقامته محالی اولدی و شویله
یایمان اولدیله که بردخی صحرای وجوده رجوعی احتمالی
قالمدی

بیت

آهسته ران بجانب میدان که میشود

سرها بزیر سم سمند تو پایمال

نثر

القصه پیلارک بر حمله سی ایله اکثری کشته و بعضی
خسته و پاشکسته و بقید سی سراسیمه و سر کشته
(ع) که زید اگر بدین سان دوسه بار خواهی آمد *
یارنداسی پیلارک نهیب دم و ضرب قدمدن جان قور
ترانراقتان و خیران ملکری قتته واروب نفیر فریاد
انش تأثیری فلک اثره یتشدروب اول خلقت زشت
و ظلمت سر شتارک تغلب و تعدی سندن تظلم ایدوب ایتدیلر
ظل الله فی الارضین اول پادشاه عدل آیین دیمک اولور که
مظلوملره پناه اولوب ظالملری تباه ایدوب افتادهلره
دستگیر و جلوس تحت و سریر اول امیر یزر کواره
لایق و سزاواردر که یکساره کس و داد خواهلره
فریادرس و بیچاره لره ظهیر اوله

بیت

ازان آمدی بر سر این سریر

که افتاد کار اشوی دستگیر

❖ نثر ❖

سندہ اگر بڑہ شاہ ایسک دادمزی بوظالمردن المی
و بڑہ پشت و پناہ ایسک انلرک ظلم و بی دادلرین
اوستمزدن ارمق کرک سن کہ بر هجوم ایله اکثر مزی
هلاک ایتدی لر اگر بر حله دخی ایدر لر سه بو بر قاج
خسته و شکسته و سر کشته و نیم کشته که انلرک
صدمت پاوخر طوم آژدر سیمالزندن رها بولمشلر پایمال
اولوب آغشته خون و خاک اولق مقرر در

❖ بیت ❖

یک بار درخ نمودی و دل رفت و عقل و هوش
این بار جان بیر که متاع دکر نماید

❖ نثر ❖

ملک ایتدی بو امری جزوی فرض ایتمک کرک و انده
سر سری خوض ایتمک کرک صواب بودر که بزم
حشمزده اهل فراست و صاحب کیاست مدرک
و میدارک کیم وار ایسه عز حضور مده حاضر اولهل
و بو بایده مشاوره اولوب بو خصوصه دیده اجماع
و اجتماع ایله ناظر اولهل که بمشورت ار باب حزم بر امره
قصد و بر مهمه عزم مقبللر قتنده نامقبول و عاقلار

رأینده خلاف معقولدر

❖ بیت ❖

هر گرا دانشست بسیار

نکنند بی مشاورت کاری

❖ نثر ❖

بونلرك میانده مکر برخر گوش تیز هوش وار ایدی که
اکا بهروز دیرلر ایدی جمله سی انک وفور عقل و کمال
فهمنده معتقدو بمن رأی و حسن تدبیرینه معتدلر ایدی
چون بومهمک اتمامنده ملکک بوقدر اهتمامن کوردی
اقدام اقدام اوزره قیام ایتدی وایلرو کلوب جواهر
مدح و ثنایه سلاک اداده انتظام و یروب عبارت
فصیحله فتح کلام ایدوب ایتدی

❖ قطعه ❖

شاهانم رعیت بیچاره میخوری

اینست رسم قاعده داد کستری

از حال یکسان جهان لطف و امداد

کز تاج و تخت و دولت و اقبال برخوری

❖ نثر ❖

اگر ملک مصلحت پیور رسد بن بنده سنی پیلا ره رسالت

کوندرسون و برامین نصب ایدوب همراه ایتسون
 تا بنم فعلی و قولی کورسون و ایشسون امید در که
 ملک بمن همتی ایله بوغائله بی اوستمزدن رفع ایدوب
 حسن رأی و رویتله بوستکارلر لظلام ظلمترین بر حیلله
 ایله دفع ایده ملک ایتدی بنم سنک صدق و امانتکده
 و دین و دیانتکده و عقل و درایتکده و فرط کفایتکده
 شائبه شک و شبهه شبهم یوقدر که سنک کفتار
 و کرداری کر اتله تجربه ایتشم و صدق و امانتکی
 دفعاتله کورمش ایششم و رأی صوابنمای و فکر
 مشکشایکله نیچه نیچه ایش ایتشم

✽ بیت ✽

سکه کار توزین بس کازمودم بارها
 بر محک امتحان نقد تو بیغش یافتم

✽ نثر ✽

همان بمن بر کتله حرکت ایدوب اول نسنه که مصلحت
 وقت و مقتضای مقام و مناسب حال در آماننده اهتمام
 ایتک کر کسن یلورسنکه پادشاهک رسولی آنک
 ترجانی بلکه کویا زبائیدر اول اجلدن دیمشردر که
 هر پادشاهک عنواننامه کرداری و مضمون مکنون

اسراری رسولینک که قناره رفتارندن معلوم اولیق میسر در
 زیرا که اگر اندن برهنه و فضیلت ظاهر اولسه و افعال پسندیده
 و اقوال ستوده صدور بولسه پادشاهک حسن اختیاری
 و کمال مردشناسی کنه استدلال قیلولر و شویله که اندن
 خطا و خبط و سهو و غلط جهتند بر نادره صادر اوله
 پادشاهه سبب سوءظن و باعث دخل و طعن اولوب
 بدسکالر غیبت و مذمتنه مجال بولورلر علمای حکمت
 انتساب بو یابده بحد و بحساب تأکیدات ایدوب
 بیور مشلردر که اول کسسه که بر جانبه رسول کوندریله
 لازمدر که اول قومک عاقلی و اقوالده جمله سنک
 فصیحی و افعالده جمیعک کاملی اوله ملوک سالفه اکثر
 رسالته حکمای فضیلت پرور اختیار ایدرلر ایدی بلکه
 بعض ملوک عقل و فضل ازینده زیاده اعتماد ایتکیکن طریق
 رسالته بالذات کنیدیلر کیدرلر ایدی بویابی اولاقرع
 ایدن و خلعت خلافتی اکنتدن خلع ایدوب رسالته
 بنفسه کیدن حکیم خافقین اسکندر ذی القرنین
 ایدیکه ابتدی

نیت

هن برانی که شیر انراشکارند

پیام خود پیاپی خود گزارند

نثر

بعض افاضل فضایل مخایل ارسال رسول حقنه
پیور مشدر (لله در قائل)

مثنوی

فرستاده باید که دانا بود
بگفتن دلبر و توانا بود
از هر چه پرسند گوید جواب
بنوعی که باشد طریق صواب
سخنهای خویش اشکارا کند
بدان سانکه مجلس تقاضا کنند
بساکس که از یک حدیث درشت
بهم زدجهانی و خلقی بکشت
یکی دیگر از گفته دل پسند
میان دو صد طرح یازی فیکند

نثر

بهر روز ایتدی ای ملک اگر چه بنم نصاب معرفت
رسالتدن قی الجمله نصیم وارد ر اما اگر پادشاه جها
نپناه اهتمام پیوروب درج حکمتدن بر نیچه جواهر
فاخره سلاک اعلام وافهامده انتظام پیوره بنده آتی

آویزه گوش جان و قلاده کردن اذعان و پیرایه تاج
 افتخار و سرمایه بازار استظهار ایدینوب جمیع
 احوال و اطوار و افعال و کردار مده دستور العمل قیل
 و اول قانون و قاعده به اقتدائی ذممه فرض عین
 و دین واجب الادایم ملک ایتدی ای بهروزاهم اداب
 رسالت و اتم اسباب سفارت اولدر که تیغ زبان
 شمشیر آبدار کی تند و تیز و بران اوله اما بوجه ایله
 لمعه رفق و ملاطفتدن خالی اولیوب جوهر لطف
 و ملائمت صفحات حائنه لایح و نمایان اوله هر کلامکه
 مطلعی خوف و عنفی ایهام قیله واجبدر که مقطعی
 رفق و لطف اوزره اتمام اولنه و هر مقالک که فاتحه سی
 تسکین نأره غیرت ایچون کلمات هیبت آمیز ایله
 افتتاح قیلنه لازمدر که خاتمه سی افاده انس و الفت
 ایچون کلام دلا ویز و محبت انکیز ایله اختتام
 اولنه

بیت

لطایف سخن از سینه تخم کین ببرد

زبان رفق زابروی خشم چین ببرد

نثر

حاصل کلام لازمدر که کلام رسول قاعدهٔ عنف
ولطف و خشم و حلم و قهر و مهر و عناد و انقیاد اوزر
مبنی اوله و بسط و قبض و ابرام و نقض و وعد و وعید
و بیم و امید و اخذ و اعطا و اضحاک و ابکا و ترغیب
و ترهیب و ترمیم و تخریب معنایین مشعر و مبنی اوله
تاجهاتدارلق ناموسی و شهر یارلک شکوهی مرعی
قیلنه هم اعدانک دخی مافی الضمیری و حال تدبیر و تزویری
استعلام اولنه اما سنک کی مشیر و عاقل و حکیم
کالیه که عقل موشکاف ایله هر مشکک دقایق و حقایقنه
واصلدر باب رسالتده وصیت ایتمک همان تحصیل
حاصلدر (ع) فارسلی حکیم و لاتوجه *

✽ مثنوی ✽

بولور بو مصیحت خیر ایله انجام
اولور پخته سنک رایکله بو خام
رسالت خدمتینه سن یرار سن
که سوزده دقت ایتمک قیل یرار سن
خوش اگر سن محبان هر کلامک
بیلور سن مقتضاسن هر مقامک
اگر سن بواشد اقدام اند سن

بقینم وارکانی آئام ایده سن

﴿ نثر ﴾

پس بهروز شرائط خدمتی ادا ایدوب بارگا، ملکی
وداع ایتدی و تا اول زمانه دك توقف ایتدیکه غراب
شب لباس عباسی کیوب پردهء ظلامی طاق سپهر مینافام
او کند چکدی و بعد زمان خوانسالار قدرت طبق سمین
ماهی مزعفر نور وفرله پرایدوب اوستنه غبار مشک
اذفرور یزه عود و عنبر اکدی

﴿ بیت ﴾

چون نافه کشاد کیسوی شام
مه جلوه کنان برامداز بام

﴿ نثر ﴾

اول هنگامده که مرکز تدویر ماه دائرة نصف نهاره
مسامت اولوب شعاع نیراصفر بساط بسیط اغبره
منتشر اولدی و روی غبار ازویه فقر اکی انک شمع
جمع جمال جهان آراسیله حسن و بهار نور وضیا
بولدی (ع) خانه درویش راشمی خوش از مهتاب
نیست * بهروز ینار اود و اقرصو واسریل کی کتدی
طرفه العینده فیلار جزیره سنه یتوب اول سرکشلرک

مترانه قدوم ایتدی اما بو عزمده قدم حزم اوزره
 طوروب خاطرینه بو معنی خطور ایتدی که بوسمه کارلردن
 بکایم جان و خطر ضرر واردر اگرچه انلر جانبندن
 قصد معلوم دکلدر اما شرط حزم متین و مقتضای عقل
 دوربین اولدر که جبارلرله اختلاط اولمیبوب انلرله
 ملاقاتدن احتیاط اولنه اول سبیدن که بونلر غایت کبر
 و نخوت و نهایت خیلا و عظمتلرندن فقر و ضعف جانلرندن
 پروایمزلرا کر صدهزار در مانده و زار انلرک زیر پای تغلبنده
 خاکسار اولسه بوره کذاردن چهره جبروتلرینه غبار
 قوندر مزل

❖ بیت ❖

تراز حال پریشان مآچه تفاوت

اگر چراغ میر دصباحه غم دارد

❖ نثر ❖

صواب بودر که ممکن اولدیفه انلرله ملاقاتدن ابایلیم
 و خدمت رسالتی مسافه بعیددن ادا ایدوب انلرله
 اراقدن مر حبا ایدم اگر تیر تزویر و کلمات دلپذیرم انلرک
 قلب صلبنده تأثیر ایدرسه فیه و الایاری اول بدلقارک
 پنجه قهرندن رها بولوب سلامت یقه سن طوم
 کیدم پس بر موضع منیعده چیقدی و ملک پیلانه مسافه
 دور و درازدن آوا ایدوب ایتدی ای شاه کردنکشان اکا

اولکه بن رسول نور اللهم یعنی سفیر حضرت ماه
 آسمانیانهم ایلمچی به زوال یوق و مرارت کلامی و خشونت
 پیامی جهتدن مناقشه و سؤال یوق (و ما علی
 الرسول الا البلاغ) کلام رسول هر چند که درشت
 و میمحابا اوله سمع قبولله اصغوا و اجیدر که پیغام ملوکده
 زیاده نقصله تصرف نامناسبدر پس سن بیلورسن که
 ماه جهانیمیر بازار شب و نائب شهر یار روز عالم افروز
 در درکا، فلك اشتباهنده پیلان قوی هیکلک پشه
 قدر مقداری و سیرغ کوه پیکرکمکس دکلوا اعتباری
 یوقدر هر کسه که امر نه مخالفت ایدوب حکمنه
 مطاوعت ایتیه و پیغامنی کوش هوشله ایشتمیوب فرمان
 واجب الانعانی موجبجه ایش ایتیه کندى الیله
 ایاغنه تبشه اورمش اولور و بندبلايه بیون و یروب
 تیرقضایه کوکس کروب تیغ عنایه قارشو طورمش
 اولور ملک پیلان بو کلام مهیدن ترسان وهراسان
 و پر پشه کی لرزان اولوب استفسار ایتدیکه مضمون
 رسالت و موجب فرمان ندر بهروز ایتدی ماه جهان
 افروز بیوردیکه هر کسه که کنديك قدرت و قوتنه
 وسطوت و صولته اعتماد قبله و خشم و تهورنه

و کبر و تجبر نه مغرور اوله وزیر دستان رعایا وضعفای
برایادست ظلم و ستمنده مغلوب و مقهور اوله عاقبت
ورطه بلا و مغالک غنایه دوشه و مورافات و خلل اکا زنبور
عسل کی اوشه

❖ مثنوی ❖

تخم تکبر مفشان سینه را
جای منه درد دل خود کینه را
چند نهی بر فرس جور زین
تیز مران کین بنماید چنین
ناکھت این آب ز سر بگذرد
ناوک چرخ ز سر بگذرد

❖ نثر ❖

سن بوزور و غرور له کند یکی افضل بهایم ظن ایدوب
قوت و شوکت کی که صدد زوال و معرض انتقالنده در
دائم وقائم خیال ایدر سن غلیان دیک طغیانک و ثوران
غبار عصیانک شمدی بر مرتبه و واردیکه بنم چشمه
سارمه قصد ایدر اولدک و لشکر اهرمن دیدار یکی
اول پر یلر جلوه کاهنه الوب کیدر اولدک و صورت
زشت ظلمت سرش تکرله اول آبی مکدر و خاشاک جسم

ناپا ککرله اول مشربی ملوث ایلدیکز آیاسن بیلزمیسن
 کها کر عقاب تیز پراول چشمه بالاسندن کچه صاعقه
 غیرت پروبالن یاقق مقرر دروا کر عین الثور مرغزار
 سپهرده دیده تصرف ایله اکا باقسه سماک رامح
 سنان سطوتله کوزین چیقار مق محققد

❖ مشنوی ❖

دیو کانبجار سید سربهند
 مرغ کانبجار پرید پربند
 نرود جز بیدرقه بیرون

از هوا وزمین او کردون

❖ نثر ❖

بن کمال شفقتدن سکا تنبیهی واجب کورددم و حامل
 اعباء رسالتی حضور که کوندردم شوبله بیورددم که
 اگر مقام اطاعتده قائم اولوب اول ایتدی کج جرائمه
 نادم اوله سن و شمیدی به دکین واقع اولان قبایح افعال
 و معایب احوال که اعتراف ایدوب مضیق خلافتدن
 طریق توبه و انصافه کله سن جناب عزتاً بدم خلعت
 عفو و کرامت صفتح ایله اختصاص بوله سن واکر
 خیشوم میشومک فوائد استشمام فوایح نصایحدن

محروم اولوب کلام جواهر انتظامی عند حصول
الوصول آویزه کوش قبول ایتیمه سن اکا، اولکه
فی الحال تیر شهاب و کان هلال و سپر هاله و رجوم
نجوم و سماک رامج و مواکب کواکبله بر لشکر عظیم
جمع ایدوب بر شخون ایدرم که اول دشت و هامونی
جوی خونکله جیخون ایدرم اگر بوقضیه ده ترددک
وار ایسه بر آن توقف ایتیم کله سن که بن چشمه ده
حاضرم و خیر و شردن سنک جانبکدن بر خبره منتظرم
تاعین یقین ایله جمال جهان آرامی کوره سن و کندیکی
نه چنبرده حلاج ایدوکن بیلوب رخت اقامتی اول
چشمه حوالیسنندن کتوره سن ملک پیلان بو خبری
زیاده استعراب ایدوب شتاب تمامله اول چشمه جانبده
روان اولدی همانکه کلدی صفحه چشمه یه باقوب
صورت ماهی آینه آبد کاهی مشاهده قیلدی بهروز
ایتدی ای ملک بو چشمه دن آبدست ال و انابت و عبادته
مشغول اول باشد که ماه مقام ترجمه کله و توبه و انابتکی
سمع قبول ایله اصعاقله هماندم پیل خرطوم طویلن
اوزاتدی و آسیب نفسی آبه یتشوب آب سراب کی
اضطراب ایدیچک خیال ایتدیکه ماهی اغصاب ایتدی
رسول ماهه آواز بلند ایله خطاب ایدوب ایتدی ای

رسول بکزر که ماه جهانتابی بو حر کتم اغضاب
 ایتدی که هجوم خرطومدن جنبش ایدوب اضطراب
 ایلدی بهروز ایتدی بلی توبه و انابته مسارعت ایتک
 کرک تانأره غضبی ساکن اوله و حرکت واضطرابی
 کیدوب قرارگاهنده متمکن اوله فیل فرمان ماهه اطاعت
 ایدوب ایتدیکی کناهه استغفار و انابت ایتدی وعهد
 ایدوب شرط ایلدی که من بعد اول مقامه خرام و لشکرین
 اول سرچشمه حوالیسنندن سورمینه آرام ایلیمه
 بهروز فی الحال بو خبره مسرت اثری ملکلرینه ایصال
 ایدوب خرکوشلری آمن الحال و فارغ البال قیلدی
 و بولطف حیل و حسن تدبیر ایل اول بلای سیاهی
 آنلردن رفع و دفع ایلدی بو مثلی اول اجلدن کتوردمه
 سزک میانکرده برپیر و شضمیر و مشیر صاحب تدبیردن
 لازم و لابد درکه اتمام مهامده انک حسن
 اهتمامه مراجعت اولنه و دفع اعدا و قهر خصماده
 انک رأی مشکلکشاسیله اکتفا قیلنه اگر بو باده سزک
 براختیار و مصلحتگذار امین و یابر معتمد مستشار یکن
 اولیدی هیچ روا کوره میدیکه طغرای شاهی بوم
 شوم نامنه مر قوم اولیدی و سزی آنک شامتندن

وسالطنت مرغانه و حکومت تخت سلیمانه عدم
لیاقتدن آکا قیلیدی باوجود بوقدر خصمان نامحوده
ایله موصوف و مکر و مکیدت ایله مأنوس و مألوف
وغدر و خدیعت ایله مشهور و معروفدر پادشاهلره
حیله و عدر و خدعه و مکر کبی عیب متصوردر
دکدر

❖ قطعه ❖

هر که بیکانه شد ز مهر و وفا
دردش بوی آشنایی نیست
سینه را که تیره گشت ز غدر
اندر و هیچ روشنایی نیست
بی وفایی مکن که مردم را
هیچ عیبی چو بیوفایی نیست
❖ نثر ❖

سلاطین جهان سایه رحماندر انلرك آفتاب عدالتی افق
ظهوردن طالع ایتیمچك عرصه عالم منور و مهیادامن
وامانده آسایش عالمیان و آرامش آده یام انلرك ظلال
نصفت و احسانلرندن غیر یدر میسر اولمز بلکه
(و بالعدل قامت السموات) خیمه آسمان ستون عدل

سلاطیندن غیر یله قرار قیلر

✽ بیلر ✽

عدل ارنه مهندسسی نمودی

این کنبده آبکون نبودی

✽ نثر ✽

چون انتظام حال سکان خطه زمین سلاطین عدل آینک
وجود پر جودینه منوط و اطنا ب آسمان او تاد داد و احسان
ولاة جهان و ملوک زمانه مقید و مریوط در و احکام
حکام میان دل و جان آدمیانده نافذ و جاری و فرمان
سلاطین قضای نازل کی بجاری نفوس عالمیانده
سائر و سار یدر لاجرم پادشاه روزگار اولنه واجبدر که
وفادار و عدالت شعار اولوب مظلوملره فریاد رس و ظالملره
جفاکار اوله آینه سینه سن زنکار کینه دن مصفی و لوح
خاطرین لوحه مهر و لطف ایله مجلی قیله شول رعایا که
برحاکم مکار و غدار و بر ظالم قهار و خونخوارک کمند
فرمانده گرفتار اوله بی شک اکا اول بلایتشه که اول
کر به روزه داردن اول کبک و تیهویه یتشدی طیور
باسرها صور دیلر که نه وجهله اولمشدر اول

✽ حکایت ✽

زاغ ایتدی بن برکوه دامننده بر درخت اوزره آشیانه
 طوتمش ایدم جوارمده بر کبک خوش رفتار وار ایدی
 قرب جوار حکمیه میامزده بناء مهر و محبت استوار
 ایدی بکا متصل انک دیدار یله صفا و سرور حاصل
 اولوب صدای کفتار و تماشای رفتار یله حضور موفور و جبور
 نامحصور و اصل اولوردی ناکا، کبک غیبت ایدوب
 نابدید اولدی و مدت غیبتی مدید اولوب ینه عودت
 احتمالی بعید اولدی الحاصل تمادی زمان غیبتندن
 کان ایتدمکه اول بیچاره مر غزار فنادن کوهسار
 بقایه کتدی مدت تمادید نصکره کوردمکه بر تپه و کلوب
 انک مسککنده قرار ایتدی چون بن معاودت کبک
 نابدیدن قطع امید ایتشدم اغماض ایتدم و تپه و ایل
 بیهوده مجادله بی روا کور میوب ایتدم

❖ بیت ❖

چنینست رسم سنجی سرای

یکی چون رود دیگر آید بجای

❖ نثر ❖

بو حال اوزره نیچه زمان یکدی و فاک دولابی نیچه کره
 دور بن تمام ایتدی بر کون کوردمکه کبک دری کلدی

چون خانه سنده بیکانه کوردی خصوصته آغاز ایدوب
 تیهو یه ایتدی یا هوسن بنم آشیانده نیلرسن کنندی
 ویرانک باشکه می ییقلدی بکانیچون ظلم ایلرسن تیز
 خانه می بکاروان ایله اگر دیلرسنک مانع دکلر سنده
 بوحوالیده آشیانه ایله تیهو جواب ویردیکه حالا
 خانه بنم تصرفده دردی الید بنم اگر حقک واریسه
 بینه اقامت ایلوب اثبات ایله کبک ایتدی سنک یدک
 یدغصب و تغلبدر بنم یدم سندن سابقدر پس
 بوخانه سندن ایسه بکالا بقدر القصه قضیه لری نزاع
 کلی به مؤدی و متصل میانلرنده آتش منازعه مشعل
 اولوب مدت مجادله متمادی اولدی هرچند که بن طریق
 مصالحه یه ارشاد ایتدم مفید اولدی اخر کار بونک
 اوزرینه قرار ایتدیله که برحاکم عادلّه هر افعه قیله
 تا یکی جانبک دخی کلامنی کوش تأنی ایله استماع قیله
 و بی میل و محابا مققتضای شرع شریف اوزره قضا
 بیوروب منازعه لری انقطاع بواه کبک ایتدی بونوا حیده
 برکربّه زاهد روزه دار و عابد کم آزار واردر که هر روز
 تاشام صائم و هر شب تاهجر قائمدر اول زمانده که
 نوبت چشیدزین سریر خورشید (والسماء بنیناها)

ایوانی پیشه کاهنده چانه تا اول اوانه دك كه بساط
مسکین شعار سلطان شام والارض فرشتاها دیوان
میداننه صالنه نفس نفیسنه پوته ریاضتده آتش
جوع وعطشه تاب ویرر اول ساعتدن که مواکب
کواکب و سپاه نجوم ثواقب مضمار سپهر میدان آسمانده
جولان و دوران قیله تا اول وقتهدك که چهره صبح
عالم آرا مطلع افقدن فروزان اولوب آثار طلیعه آفتاب
عالمتاب ساکنان خطه زمینه نمایان اوله شمع وار قدم
عبادات اوزره قرار قیلوب و سوزش عشق و شعله سؤقه
یانوب یا قیلوب سبزه زار رخسارنه باران اشکله اب ویرر
ایدی

❖ مثنوی ❖

اولوب محفوظ جان آسایشندن
الین یومش جهان آلایشنندن
اوروب ایکی جهان پست و پای
کیدرمش خاطرندن ماسوایی

❖ نثر ❖

اول صائم الدهر کمدد عیش و ماده افطاری اب و گیاهه
مقصور و سفک دم و هتک حرمت ذم ساحه باب

(دیانتما بندن)

دیانما بدن دوردرد علم شریعت و فن طریقت اهلنک
 کاملی و علوم عقلیه و فنون نقلیه با سرها بال فعلیدر علم
 سنت و حدیثه ابوهریره نك تلمیذی و باب کر امتده مصر
 ولایتنک عزیریدر و محکمه دهرده اندن اعدل بر قاضی
 دخی میسر و بلاد ماوراءالنهر ده اندن اولی بروالی دخی
 متصور دکلدر صواب بودر که بوباید اکا مراجعت
 ایده و زوقضیه من فیصل بواسون دیو آنک جناب
 شریعتاً نه کیده وز پس انک قضا سانه ایکسی دخی
 رضا و یروب بعد التراضی خانه قاضی جانبسه روان
 اولدی لر بنده انلرایله بیله کتدم تا کر به روزه داری که
 نوادر روز گاردن اوله کرک کورم و بین الحصمین محاکمه ده
 عدل و انصافی معاینه و مشاهده قلم همان که صائم
 الدهرک چشمی انلره راست کلدی آباغ اوزره کلوب
 محرابه متوجه اولدی و رفع بدو تکبیر بلند ایدوب
 وظائف نماز و نیازه قیام و دورود راز صلوته شروع
 ایدوب تعدیل ارکان و خضوع و خشوعده تمام اهتمام
 ابتدی

❖ منوی ❖

کلید دردوز خست آن نماز

که در چشم مردم کزاری دراز
چو در خفیه بدباشی و خاکسار
چه سود آب ناموس بر روی کار
❖ نثر ❖

کبک و تیهو چون انی بو حال اوزره کوردیلر و تعجب
ایدوب بر زمان توقف کوستردیلر روز کار هر بار که لسان
حال ایله بومصرعی * غره مشو که کر به عابد نماز کرد *
تکرار ایلدی استماعندن امتناع ایلدیلر چون نمازدن
فارغ اولدی دردمندانه ثنا و مستمندانه دعا ایدوب التماس
ایتدیلر که میانلرنده حکم اولوب قضیه لرین کوره
حصولت لرین کمال عدل اوزره فصل ایدوب پایانه یتشدیره
بر نیچه زمان اول جانبیدن گاه اقدام و گاه انجام و یونلر
طرفندن الحاح و ابرامده اهتمام تمام اولدقدن صکره
بیوردیکه کیفیت واقعه یی علی ماهوالواقع تقریر
و صورت قضیه یی علی التفصیل تصویر ایده لر کبک
حقیقت دعوا و صورت مدعا سن عرصه عرصه
یتشدر یچک کر به ایتدی ای جوان پیرلک زمانی یتش
وقوای باطنی مختل اولوب حواس ظاهری کمتشدر
و شعله دار سپهر غدار شرر اثار ضعف و خرفی بنم

فرقه نهار ایتشدر و دستبرد خزان روزگار جفا
 کاردن نهال بوستان حیاتم ذبول بولشدر و شب
 شبابکه سراسر قوت و تاب ایدی صبح شبیه که
 مستجمع جمیع عیبدر مبدل اولشدر

✽ مثنوی ✽

اه کیم ایام جوانی پکوب
 موسم امال و امانی پکوب
 داعیه کم اولدی ندامت فزون

ضعف و خوفدن بدن اولدی زبون

✽ نثر ✽

نه قدر زحمت ایسه دخی قریب کلسکز و صوت بلند
 ایله تکلم ایدوب دعوا کزی کلمات فصیح ایله تقریر ایدوب
 ماده نزاع کزی عبارت واضح ایله تحریر و تعبیر قیلک
 تابندخی مدعا کزی کوش هوشله استماع ایدوب
 جوابنی احاطه قلم و حقیقت حاله اطلاع حاصل ایدوب
 مقتضای عدل اوزره قضیه کزی فصله قادراوله اما
 چون بو باده بنم جناب دیانتاً به النجا ایتدیکن لازمدر که
 فصل خصوصتدن سابق سزی دوستانه نصیحتمله
 نوازش بیورم و بر موعظتله که مصلحت دین و دنیا کزی

مضمّن اوله تذکیر و تنبیہی در بیخ ایتیم اگر بنم کلام نصیحت
انجامی کوش اذعاله اصغایدوب حسن قبول ایله
تلقی بیوره سز انک ثمراتی دنیا و عقبا ده سزه واصل
اولوب عاجلا و آجلا فوائدی کوره سزا کر سمع قبول
ایله استماع ایتیموب موجب مضمونیه عملدن امتناع ایده
سز بن باری مذهب دین و مر و تده منور اولوب تهمت
قصور و تقصیردن دور اولورم

❖ بیت ❖

من آنچه شرط نصیحت بود بجای آرم
اگر قبول کنی ورنه تو همی دانی

❖ نثر ❖

صواب بودر که هر بر یکز طلب حقه طریق انصافدن
انحراف ایتیموب مال و منال که معرض فتا و صد دزوالدده در
مقتون اولیه سز و طریق باطلدن حاصل اولان حطام
دنیا ی فانی ایله نفسکزی ثواب باقی و نعیم مقیمدن محروم
و مغبون قلیله سز کبک ایتدی ای حکیم عادل اگر
خلقک همی طلب حقه سمت استقامته مائل و ایلدی
وصغار و کبار صفت دیانت و صیانتی کند یه شعار
و دثار قیلیدی تنفیذ احکام و تصریح حکامه احتیاج

اولزیدی و رسم مرافعه و مدافعه و تکلیف و تحلیف
صفحهء عالمین محو او اب اثبات حقوق و اقامت
شهوده مکسسه محتاج اولزایدی چون خصمان
هر برینک بصر بصیرتی رمد غرضه مبتلادر صورت
حق عین انصاف ایله معاینه اید میوب لاجرم
بر مکسسه نک نظر اعتبارینه که دیدء خاطری کحل
الجواهر صد اقله پر نور و غبار غرض پیرامن آینهء دل
بی غماندن دور اوله التفات کوستر لرتاجال صوابدن
نقاب خفایی کو تروب شاهد مشاهدهء صورت حق
منصهء دیدء دلارنده جلوه کر قیله قضاء باینده بومعنایی
بعض ثقات حکایت رسمنده ایات فارس ایله اثبات
ایتمشدر کر به روزه دار استفسار ایتدی که نیجه روایت
اولتمشدر اول

❖ حکایت ❖

کبک دری اول درر غرری زبان دریدن لسان ترکیله
ترجه سلکنه نظم ایدوب ایتدی

❖ مشوی ❖

قاضی اولمش دور من اغلر بر عزیز
کوروب اتی دیدی براهل تمیز

بونه وقت کر به وفر یاد در
 وقت شادی و مبارکباد در
 دیدی نیچون اغلاسون برکشی
 جهلاه اجرای حکم اوله ایشی
 خصمیر خود قصه به عالمدر
 اند، کیم مظلوم کیم ظالمدر
 جاهل ایکن قاعنی حکمی هر زمان
 اولور عالم میانه نده روان
 دیدی کرچه خصمیر دانادر
 کوزلی علتله نایندادر
 جاهل ایکن سن چو یوقدر علتک
 شمع جمعیسن قضاة ملتک
 چون غرض اوله هنرمستور اولور
 ظلمت علتله دل بی نور اولور
 اول ایکی عالم غرضله کوردر
 عین علمی نور حندن دوردر
 چون دلکدن درد و علت دور اوله
 رؤیت حقه کوزک پر نور اوله
 سنکه رشوت المذک یئنده سن

چون طمع ابتداء اسیر و بنده سن
قاضی رسویدن ابدی بک احترام
حقه باطلدن ویریسر امتیاز

❖ نثر ❖

بحمد الله که ژنکار غرض آینه دل بی غلکی تیره
قیلمشدر وشعاع شعله رشوتله دیده دیانتک خیره
اولمشدر علم شر یعتدن نعمان زمان وعدل واستقامته
شریح دورانسین وزهد و دیانتده عصامی مشرب
وصلاح و عبادتده بسطامی مذهبسن بو برهان
ایله مبرهن و محقق و بوینه ایله مبین و مصدقدر که
امضای قضا و اظهار حقه سعی بلیغک دریغ
بیورمیوب حکم واجب الاتباع شرعدن امتناع
ایدنی عقابین عقابه گرفتار قیلق محققدر (ع) هر که
کردن کشداز حکم توسر بردارش ❖ کر به ابتدی
بلی راست سو یلرسن اما سزه دخی و اجبدر که نهال
غرضی زمین دلکزدن قلع اید سز و محقق بیله سز که
صاحب حق حقیقتده غالب مطلقدر اگر چه که ظاهرا
مدعای ثبوت بولوب مرادی حاصل اولمزه و طالب
باطل بحسب المعنی مغلوب اولق محققدر هر چند که

صورتا کردن تزویری زیور قبولدن عاقل اولمزشه
ان الباطل کان زهوقا

❖ مثنوی ❖

گرامر وز برمن دوانی سمند
بقرد و اچسان بکسلانی کمند
بصورت تغلب کنی بکذری

بمعنی نسکه کن که بس ابتری

❖ نثر ❖

بنم سزه نصیحتم بودر که کردار نیکی ذخیره آخرت
قیلوب دنیای غدار و عمر ناپایدار که ابرتابستان و زهت
گلستان کی سریع الزوال در بقا احتمالن و یرمیه سز
و خاص و عام اهل عالمی و قریب و بعید بنی آدمی
نفس عزیز کز کی بیایوب کندی حق کرده جائز
کورمدیک کزنی انلرک باینده روا کورمیه سز (ع) بر کسی
مپسند آنچه از خویش آید ناپسند ❖ کر به روز
دار بو غطا و زره ز بان و عطا و نصیحتی پر کار ایدوب
ضایت رفتدن بران ماوالدی و بر زمان اغلدی و عقد
نقائات فسون و فسانه ایله کوکالرین آلدی و دلارین
باغلدی تا اول ایکی ساده دل آنک مجالستی ایله

موانست ایدوب مصاحبته مایل اولدیلر وایمن
ومطمئن بی توقف و بی تکلف قته کلدیلر کر به روزه
دار چون اول ایکی شکاری دام حیلله یه کرفتار ایدوب
ایکی نکاری کبی کنار نه چکدی همان بی اختیار بر حله
ایله ایکی سن دخی طوتوب صوم صد ساله سن انلرک
شربت خون آبدار ونعمت کوشت خوشکوار یله
افطار ایتدی مقدمات روزه ونماز وصلاح پرهیز واحترار
نفس خبیثی وطبع خسیسی مقتضاسی اوزره بو نتیجه بی
منج اولدی

❖ منوی ❖

ای نجه آدمی وار اهل نماز
صورتا صوفی طیلسانی دراز
ظاهر اطاعتنه موافقدر
ایک باطنده می منافقدر
سری اوستنده تاجی قبه قدر
بمز ایمان دلنده حبه قدر
طیلسانی لسان کذب و دروغ
یوق درونده ذره دکو فروغ
النه عاصیلقی عصا اولمش

بوینی اوزره زدار یا اولمش

خلق ایچنده صلاحی آدایلر

فرصت ال ویرسه چوق فسادایلر

﴿ نثر ﴾

بومثلی کتوردیم تامعلوم اوله که غدار بدسیرته اعتماد

وانک رفق و تقرر یله صدق ضمیرنه اعتقاد چان دکلدیر

بوم شوم غدر پیشه و مکر اندیشه نیکده حالی همان

بوم نوال اوزره درانک معایب و مثالندن بیکده بری که

سلاک تعبیر ورشته تقرر برده منتظم اولدی عمانه

نسبت قطره و کردونه نسبت ذره در

﴿ نیت ﴾

کر صد هزار قرن کنم وصف بی شکی

از صد هزار گفته نیار بکر یکی

﴿ نثر ﴾

مبادا که سز بوا مر خطیری انک ذمت بی همسته حواله

ایدوب سریر سلطنتده انک امر نه مطیع اولوب انی

امیر اید سز هر کا که امر شاهی انک تارک نامبار کنه

میسر اوله بی شبهه سیهر ستیزه کار سنک ادبارله انی

سنکسار و هر زمانه پایه تخت سلیمان انک شدم مومیله

همسر اوله فلک اثر غایت نأثیه بدن انک فرقه آتش
 بوار نثار اینه کرک چون آنک طینتی ناپاک وجوهی
 ناقابلدر سزه انی تربیتدن بیهوده دن غیریه نه فائده
 حاصلدر

❖ بیت ❖

کوهر پاک کرکدر که اوله قابل فیض
 یوخسه هر سنک و خرف لعل بدخشان اولن
 ❖ نثر ❖

طیور زاغدن کلمات مزبوری استماع ایدیجک بالکلیه
 اول فکر دن نفور ایدوب اتفاق ایله حکم سابق نسخ
 وعقد بیعتی فسخ ایلدیله اول خاکسار تبه روزگار
 مهمل و بی اعتبار وراء دیوار ادبارده متحیر قالیدی
 واقرائی میانده بویله خوار اولدیغندن نار عاره یاندی
 یاقلدی وزاغه زبان ملامتی دراز ایدوب ابتدای
 سیاه روی بی شرم وای جفاخوی بی آزر م حجاب
 حجابی یوز کدن کوتروب بکابو حقارتی روا کوردک و بی
 قدح و مذمتده سعی بلیغک در یغ ایتیوب سکه سامت
 و خباثت دنائت و خساستی بنم نامه اوردک میانمرده
 بروحشت غبارین قو پردک که صد هزار قرنده انک

دفعی میسر اولسه کرک و برفته آتشین بالکلندر دك
 كه آب دریای هفت اقلیم ایله تسکین بولسه کرک
 (مصرع) روددل و زرد صورت جفای توازدل
 ایابنم جانبدن نه سابقه اقتضا ایستدیکه بوقدر مهر
 و محبتی روا کوردك و یانه لاحقہ مقتضاسیدر که بود کلو
 لطف و مکرمت سزایوردك شو یله بیل که بر درختی
 قطع ایستدلر انک بیخندن بر شاخ چیقوب قرار اصلی به
 یفسه اولور ولیکن دوحه محبت اره جفا ایله کسله
 مطلقا انک اصلندن نهال وفا یفسه اولمز و جراحت
 صمصام مرهم و دار وایله اتمام بولسه اولور اما
 جراحت کلام هیچ بر مرهمه التیام بولمز جراحت
 اللسان لها التیام ولا یلتام ما جرح اللسان

قطعه

جراحی که بنیغ زبان رسد بدلا
 هیچ مرهم راحت نکونخواهد شد
 میانه تووآن کز زبان زدی زخمش
 بغیر صحبت سنک و سبونخواهد شد

نثر

بیکان تیر حسن تدبیر له سپر سینه دن چیقوق ممکن

اما خدنگ کلام که گمان زباندن کشاد بوله اخراج
اولمق ممتعدر (مصراع) تیری که اوزد بردلم پیسکان
نمی آید برون ❖ هر درخت مضرت نقدر شامخ اولورسه
بر حیلله ایله قلع اولمق میسر در امانهال کینه که زمین
سینه ده راسخ اوله بر چاره ایله قلع اولمق متصور
دکل مثلاً آتش اگر چه که سوزنده در شرر ضرری
رشته آب ایله قابل زوالدر لیکن شعلهء حقدی
جمع میاه بحار و سیول انهار له اطفاء محالدر و زهر هلاهل
اگر چه سم قاتلدر مضرتی تر یا کله بدندن زواله قابلدر
ولی زهر کینه بر تر یا کله سینه دن منافع اولمق ممتعدر
من بعد بنم نوعله سنگ جعل میانده بر درخت عداوت
بمشدر که بخنی قعر ثرایه و شاحی پنجه ثرایه
بمشدر

❖ قطعه ❖

نهال کینه که در سینه هانشانده شد

مقر زست و معین که بر چه خواهد داد

درخت حقد بدان گونه میوه دارد

که طعم آن مذاق دن کنی مر ساد

بوم شوم زاغی تعزیر و تعییرده فصل مر قومی کلک
 صهیفة تقریره تحریر ایتدی وازرده حال وشکسته
 بال ملول و مخذول دوندی کتدی و زاغ ایتدی
 وصفه ندامت و کندی نفسنی ملامت ایدوب ایتدی
 عجب جاهلانه وضع و عامیانه حرکت ایتدم و کتدی
 قوم و قبیله مزایچون اعدای ستیزه روی خصمای
 جنک جوی پیدا قیلدم بنم طیوره نصیحت نه مصلحت
 رار ایدی بو طائفه ده مهتر وار ایدیکه الک کهتری
 بو جر آته بدن بهتر و بو سخکذار لغه بدن سزاوار ایدی
 مقطوع و مجزومدر که معایب بوم شوم نقیر و قطمیر
 انلره مکشوف و معلومدر بو امرک اغاز و انجامن بدن
 لطیف یلش لردر و بومهمک مدخل و مخرجن بدن
 دقیق تصور قیلش لردر لیکن مقتضای عقل کامل
 اوزره ملاحظه حال و مآلده جانب تأنی و تأمله مائل
 اولوب من صمت نجا مضمونیه عامل اولش لردر آلت
 زبان تیغ بران شکنده آفریده اولدیغنه حکمت اولدر که
 آنکه باز یله عمل اولمیه که تیغ بازی هنکامه باز ره لایق
 و تیغ زبانی نیام کامدن بلا ضروره اخراج ایتک
 سر بازلق و کردن پر داز لقدر

بیت

دل او جندن اقمندی شمع باشن

دل او جندن بنفشه و بردی باشن

منوی

چون زبان شیوه سخن ورزد

چه عجب جان ز بیم اک لرزد

تیغ را چون بقصد جان کردن

راست بر صورت زبان کردن

نثر

نته که مردان دلاور زبان تیغی میدان کارزار ده استعمال
و مردان زبان آور دخی تیغ زبانی هتکام کارده اعمال
ایتمک کرک * ع * هر سخن وقتی و هر گفته زمانی دارد *
مشکل بودر که بوکلمات مواجهه ده واقع اولدی
ولیس اخیر کالعیانه لاجرم سینه سنده حقد و کینه
زیاده جایگیر اولور که تیر تقرر رو برو اولیحق زیاده
تأثیر قیلور دیشلردر که عاقله هر چند که زور و قوته
اعتماد قیله لایق بودر که افتتاح باب خصوصته و اقتداح
زناده داوته بادی اولیه وحدت و شوکسته انکار ایدوب
سلسله مخالفی تحریری روا کورمیه که هر کسه که

فرضا انواع نوش دارو واصناف تریاقاته قادر اوله
معقول دکلدر که اول امیدایله اندن تجرع سم قاتل وزهر
هلا هله اقدام و جرأت صادر اوله

✽ بیت ✽

هر چند که تریاق بدستست ترا
زنهار که توزهر هلاهل نخوری

✽ نثر ✽

محقق بونک اوزرینه متفقدردر که عاقلک فعلنک اثری
قوی اوزرینه راجح و کردارنک مزیتی کفتاری اوزرینه
واضح اولمق کرک تا عواقب اموری قرین رشده
وصلاح و خواتیم احوالی مقترن فوزو نجاج اوله اول
مکسه نک که قوی فعلنه غالب اولوب کمال همتم کردن
تقریرین حسن ادا و لطف تعبیرایله تحسینه و چهره
عبارتن حلیه فصاحت و زیور بلاغت ایله تزیینسه
مصروف قیله از زمانده قول بی عملی حسرت و ندامته
مقتضی و کفتار بی کرداری حیرت و ملامتی مقتضی اوله
بن اول راجح قول و قاصر فعلم که بوامرک فاتحه سندن
خاتمه سنه نظرا یتدم و بوطریقه تائی و تأمل رفیقیه
کندم اگر بنم فرق شانم افسر ادراکله مزین اولوب

خزانة بیکرانه خرددن بهره مند اولیدم اولابو خصوصی
عقلایله مشاوره ایلردم بعدده تکلمه آغاز ایدوب
بر فصل کلام پاکیزه و بی عیب که شائبه شک و یبده
منزه اوله پوته قلبده قال ایدوب سویلردم

بیت

سخن راستخت ناسنجیده کفتم
در ناسقتی این بود سقتم

نثر

چون بی اشارت ناصحان عاقل و مشاورت عقلاء کامل
بو امره مشغول اولدم و بدیهه توکلمات یهوده و وحشت
امیز و خصومت انکیزی در میان ایتدم عجب دکلدر که
اشرار زمره سندن محسوب اولوب بدخوی و ستیزه
روی محال کویلکه منسوب اولم امثالده کلشدر که
(الکشار مهندار) یعنی بسیار کوی یهوده کوی
اولور باوجود که ظاهر افراد انسان سایر انواع حیواندن
لسانله ممتاز و بیانایله سرافراؤدر ارباب عقل و خرد
کلام بدی مراتبله سکوت دردن ادنی وزان بسته لری
در جائله یهوده کویلردن اعلا عدا تمشلردر

منوی

بهایم خوشند و کویا بشر

زبان بسته بهتر که کویا بشر

چو مردم سخن گفت باید بهوش

و کر نه شدن چون بهایم خوش

❁ مشوی ❁

کشی خوش در دلین کنیده طوتمق

یوموب اغزینی بیلدو کین اوتمق

اولور سه غنجه کبی یوزدهانی

کرك سوسن کبی ابکم زبانی

❁ نثر ❁

القصة زاغ بوند امتدن بر زمان طبطاب واضطراب

ایتدی و کندی کندویه بونوع خطا بلر ایله عتاب ایدرک

اوچدی کندی ای ملک بوملرله بزم میامزده مقدمات

معادات بودر که سلاک تقریرده منتظم و کلاک و تعبیر

ایله صفحه ضمیر منیره مرسم اولدی ملک ایتدی ای

کارشناس کلام عبرت انجام کی تمام ایشتم و انک

ضممنده مندرج اولان فرائد فوایدی آویزه کوش

هوش ایتدم عقلا ایله مصاحبت و حکما ایله مشاورت

علامت حصون سلامت ایدی و امارت وصول

سعادت سرمدیدر دیرل ایدی علم الیقین بیلدم وعین
الیقین مشاهد قیلدم

﴿ قطعه ﴾

صحبت اخیار درماند مشک
کیم نسیندن ایررجانه اثر

فعلی انلرک دلیل معرفت

سوزل یدر رهبر فضل وهنر

﴿ نثر ﴾

بعدما که خانه دل و جان بو کلام روشن بیانک که شمع
جمع آرای خلوت نشینان صومعه قدس اولغه ارزانیدر
پرتوانوار یله منور اولدی بزم لشکر مزک تدارکنده کی
پروانه وار سوخته شعله بوار اولدی لر نه فکر اولندی
ودفع عار واخذ ثار واطفاء شرر ضرر اشرار ایچون
نه تدبیر قیلندی

﴿ بیت ﴾

تدبیر توانجا که مهم پردازد

صدکار فرو بسته بیکدم سازد

﴿ نثر ﴾

کار شناس زبان شکر و سپاسی ایله ایدی

بیت

شهاقبال و دولت بندك اولسون
همیشه دشمنك افكندك اولسون

نثر

اول رایلر که وزرای دیوان آرای عرصه عرضہ انها
ایتدیلر جنك و صلح و قرار و قرار و قبول باج و التزام
خراجدن هیچ بزیسی بنم قتمده مقبول و بنم رأیمده
معقول دکلدر امیدوار مکہ اول مداییرک تدبیری بایندہ
برخیلہ تدبیر ایلیم کہ بزه بوشدندن فرج تمام واول
مکر و ستمکارلردن اخذ انتقام میسر اولہ کہ چوق
کسنہ لر حبل خیله یہ تمسکله مراد لر ینہ واصل
اولمشلردر واول امور عظامہ کہ مکابرہ ایلہ اتمامی
میسر اولیمہ مکر و فریب ایلہ چارہ بولمشلردر نتہ ولایت
کک کرکک کرکک عیارلری اول زاهدك قربان
ایچون اختیار ایتدیکی کوسقندینی خیله ایلہ
النندن المشلردر ملک استغفار ایتدیکہ نیچہ اولمشدر
اول

حکایت

کارشناس ایتدی روایت ایدرلر کہ ولایت کرکندہ برزاهد

قربان ایچون برقیون آلوب بویننه رسن طاقوب
صومعه سنه کیدرکن بولده طرارلردن برنیجه عیار
اول کوسمندی کوروب قوت سبعی که نهادلرنده
مرکوزایدی حرکت کلوب زاهدک پینه دوشدیلر
چون قادر اولدیلر که کرک وارچنک جنکله و پلنک مثال
پنجه قهرایله اول شکاری یاروناچار الندن آله لاجرم
روبا وار تملق و تبصص اظهارایدوب فکر ایتدیلر که
زاهد، خواب خرگوش و بره لیس بو باید هربری
داستان حیلہ دن بر فصل و کتاب خدعه دن رقاعه
و بر اصل اختیار ایدوب قصدا ایتدیلر که زاهد ساده
خاطر و صافی قلبک توسن عقلن تازیانه مکرایله رام
و رزق حلالن دام زرقله کند ی به حرام ایدلر
بونته هربری واحد بعد واحد زاهدک ولنه کلوب
بر یسی ایتدی ای شیخ بوسکی نیلرسن و بری دخی ایتدی
ای زاهد پا کدامن صقین خرقله کی تلویث ایلرسن
او چنجیمی ایتدی بوکلی که ییدرسن بکرز که شکاره
کیدرسن بری دخی ایتدی ای استاد بوکلب معلی قنده
بولدک بری دخی ایتدی ای صیاد بوتازی پی کیدن آلدک
بری دخی ایتدی بوکلبه بو شیخ بکرز که شهرک

پاسپايدر بری دخی ایتدی بوسك شکاری انجق غالبا
 بوشخص پادشاهك سكبائيدر القصه عيارلر كجهله سی
 بوكلمه ده متفق اولوب هر طرفدن هر بری بر حرف آتوب
 زاهد بچاره یی بو طعن طاشنه نشانه ایلدیلرو بو غلط
 اوزره هر بری بر افسون اوقیوب بونسق اوزره بر افسانه
 سويلدیلر

❖ بیت ❖

چشمش بعشوره زده لب خوانده افسون دکر
 دل می برند از عاشقان هر يك بقانون دکر

❖ نثر ❖

صوفي صافی ضمیر چون بوجع کثیرك بوكلمه ده اتفاقن
 مشاهده ایتدی خاطر نده اول کوسفندك سك اولسنده
 شبهه سی ظاهر اولوب کندی کندی یه ایتدی
 مبادا که بونی صتان کسنه سحار اولوب سحرایله
 کوزمی بغلوب بر بندایله سکی بکا کوسفند صورتنده
 کوسترمش اوله اولی بودر که بوندن وازکلم و بابعك
 پینه دوشوب نقد ایتدی کم غنی کیر و آلم بونی دیدی و غایت
 بلاهتندن النده اولان کوسفندی صالی و بردی
 و بابعك طلبی ایچون یوله کیردی طرارلر چون زاهدك

کندیکن کور دیلر قوردلر کی قیونی کتور دیلر
یوله کیر دیلر بومشلی اول اجلدن کتوردمکه بزه ده
حبل حیلله یه تمسک واجبدلر تادشمنه غالب اوله وزو بر
مکره تشبث کرک که مطلوبه بزه ظفر بوله وز

قطعه

چون بقوت حریف خصم نه

حیلله ومکر راز دست منه

که بحیلت کمان قوت را

میتوانی که بکسلانی زه

نثر

فیروز ایتدی سن بو سوآله نه جواب فکر ایدوب بو بایده
نه صواب کوردک عرض ایله کوردم ومعیار عقلمده
تمام عیار واقع اولور سه بنای کار مرزده دستور العمل
قیله لم کار شناس ایتدی چون بر نفسک هلاکنی که
جمع کثیرک بقاسنی متضمن اوله بحسب العقل جائز
کور مشلردر ونفع عام ایچون ضرر خاصه ارباب شرع
ونقل فتوی ویر مشلردر بونی صواب کوردمکه
بن بنده وظایف حقوق نعمت بی نهایت ملکی ادا ایدم
ونفسمی اصلاح مصالح ملک و ملک ایچون فدا ایدم

پس ملك كر كدر كه ديوان اعلا ده، جيع ارگان واعيان
 و تمام خدم و حشم مياننده بكا حشم ايدوب بيوره تا بنم
 پرو بالمي يوله لوز خزده و خون آلوده بر درخت التده كه
 بزم كا خلمز انك شاخ لري اوستنده در براغه ل و ملك
 تمام لشكر يله بو مقام دن كیده و فلان موضعه واروب
 انده توقف ايد، تا بن دام حيله بي انلرك كيننده قوروب
 و حسن فكر و لطف مكر ايله پنجه قهر لرن دن قور تلوب
 كلم و صلاح وقت هر نه ايسه عرصه عن حضوره عرضه
 قيه - لم ملك انك رآينه آفرين او قودي و هماندم طاق
 ابروسن درهم و كليات فحش ايله ورهم ايدر ك قهر
 آلود خلوت دن طش ره كلدي تمام حشم منتظر ايدر لر كه
 شاه ووز ير ك بو مشاوره لرن دن نه ثمره حاصل اوله و محني
 محاوره لرن دن نه نتیجه ظاهره - و ره كله چون ملكي حشم
 آلوده و پر غضب كورديلر جله سي باشلرين آشغه ايدوب
 طورديلر ملك بيوردي تا كارشناسك پرو بالن يولديلر
 و سروتن خون آلوده قيلوب اول درخت دن آشغه
 آتديلر و ملك جيع لشكر يله اول مقام معهوده و موضع
 مقرره عزيمت ايتديلر چون بوامر ك انما مي بو مرتبه به
 ايردي غراب غروب مهر آشيانه افق سپهر دن

پروازه گلدی و کواکب ثوابت و سیاره هوای فضای
آسمانده شبیره کی طیرانه آغاز قیلدی
* شنوی *

چو دردی روز روشن کاروباری
سمزار اولدی چرخک سبز مزاری

کوروب انار لیل اولمش هویدا
فلک قیلدی هزاران شمع پیدا
* نثر *

ذیک طغیانینه شاه بومانک کانون دماغنده غلیان ایدوب
خواص وارکان واعیاننه ایتدی چون بزه زاغ لرك
کشورنه اطلاع میسر اولدی و اثر تیغ قهر مزدن
لشکر لرینک اکثری بی پا و بی سرو باقیسی بی بال
و بی پرو خانه و اشیانله زیرو زبر و خاکه برابر
اولدی مقرر دز که اکر بود فعه دخی کره اولی کی
لشکر ظفر رهبرایله شیخون ایدوب کروفراید و زم تصور
و مظفر اولوب بقیه السیوفک بالتمام تیغ انتقام ایله روز
حیان شام ایدوب خستگان علت هزیمته یاران گذشته
نوش ایتدی کی شربتدن ایچره وز دشمن مخذول
و مقهور اولوب بز شاد و مسرور و گوشه گشانه لریمزده

خضورو حورایله روزگار کچوره وز * ع * پس از مرگ
 عدو خوش میتوان زیست * چون شاد شام تاج ظلامی
 بر سر و رواج نیل فامی در بر ایدوب لشکر بی شمار
 اختریله کشور ربع مسکونی مسخر قیلدی و امیر سپاه
 ز نیکبار خیل روی تبار تاره الغار ایچون علم عباسی
 قالدردی

* نظم *

چو خورشید تابنده شد نابدید
 شب تیره بر چرخ لشکر کشید
 * نثر *

ملاک بومان دیوان ایدوب تمام خیل و حشمه قصه قصد
 شیخونی در میان ایتدی جمله سی بو عزیمت اور زره
 یکجهت اولوب همان اول زمان بر لشکر بی میل و بی امان
 و یحید و بیکران زاغلرک مکانی جانبته سیل کی روان
 اولدیلر

* منوی *

کروه رزم جوی و فتنه انگیز
 همه بر کینه و بی باک و خوریز
 بکین خواهی میا راتنک بسته

دل چون سنک رادر جنک بسته

نثر

چون لشکر بوم اول مرز بومه قدوم ایتدیله نه زاغله ردن
اثر بولدیله ونه حاللرندن خبر بیلدیله لاجرم مضطرب
اولوب اول اطراف طواف ایلدیله کارشناس رزیر
درخته آنلرک احوالن کوروب اقوالن دکلرایدی
وزار زار اغلو و حزین حزین ایکلرایدی ناکا، بر بوم
آنک آوازین ایشیدوب ملکه خبر و یردی ملک برقاق
بومله که مقرب درگا، و محرم اسرار شاه ایلدیله آنک
یاتدیغی بره کلوب آنی اول حالده کوردیلر سنن کیمسن
دیو صور دیلر کارشناس کندی حسین ونسین
بیلدردی ومنصب وزارت ورثه صدارتن بیان قیلدی
ملک ایتدی بلی سنی بیلورم وخیلی زماندر که احوالک
ایشیدورم ایمدی بزه خبر ویر که زاغله قنده کتدیله
و بو کتمرنده نه حیلله قصدا ایتدیله جواب و یردیکه
ای ملک بنم حال آنلرک محرم سری دکل ایدوکنه دلیل
بتمزی و پرو بلم بوهمندن برأتمه دلالتده کفایت ایتتمی
ملک ایتدی سن ملک زاغانک کاتم السروزیری وجهله
تدبیرنده مستشار و مشیری ایکن نه خیانت سبیلله

سکا بوجزایی سزا کوردیلر ونیجه کناه ایلدک که
 پروبالک یولوب تنکه بو قدر زخم اوردیلر کارشناس
 ایتدی محدوم بنم حقمده بد کان اولوب حسودلر
 قدح ووقعته محال بولدیلر و بکاو عقوبتی روا کوروب
 بونیجه زماندنبرو خدمات مبروره و مساعی مشکورم
 بالکلیه ضایع اولوب هباء منشور اولدی

✽ بیت ✽

بی مزد بود و منت هر خدمتی که کردم
 یارب مباد کس را محدوم بی عنایت

✽ نثر ✽

ملک ایتدی نه سبب حادث اولدیکه سوء ظنه باعث
 اولدی کارشناس ایتدی سز شیخون ایتد کد نصکره
 فیروز وزیرین جمع ایدوب بر بر تدبیرلرین سویلتدی
 جله سی ملکی جنک و محاربه یه تحریک ایدوب
 آتش شقاقی تیز ایتکه اتفاق ایتدی چون نوبت بکا
 کلدی ملک بیوردیکه سن بونار عاری نیجه آب تدبیرله
 سویندیرمکه فکر ایلدک و خامان خصم غداری
 نیجه آتش تدبیر ایله کویندر مکه تدارک قیلدک بنده
 ایتدم ای ملک زه لشکر بومله طاقت مقاومت نیجه

میسرد در که آنلک قدرت و قوتلری بزم صولات
وسطو نمزدن افزون و هنکام جنکده جرأت و اقداملری
و مرکز معر که ده قطب آسا قیاملری دائره تعبیر
و تقریردن بیرون در علی الخصوص که توسن دولت
ملک بومالک ران اقتدار و عنان اختیارنده ذلول
وز بوندر صاحب دولت قاهره ایله مجادله لافن اورمق
علامت سفاهت و خداوند بخت روز افزونله سستیره
مقامنده طورمق نشانه شقاوتدر

✽ بیت ✽

سستیر ندکی با خداوند بخت

سستیر نده را سربرد چون درخت

✽ نثر ✽

صلاح بودر که رسول کوندره وز شویله که باد نخوتله
آتش جنکی تبر ایدرل بزخانملری می عود کی تفرقه
اودنه اوروب دود کی زوایای جهانده پریشان اوله وز
اگر کوش وفاقدن بنه شقاقی اخراج و عش دماغلرندن
دیو خلافی ازعاج ایدوب جانب صلحه میل ایدرل ابقای
تحت و تاج ایچون باج و خراجدن هر نه تکلیف ایدرلر سه
بی توقف تقبل ایدوب جائزه منت بیله وز

❖ بیت ❖

چو سر بایدت سر متاب از خراج
و کر نه نه سر با تو ماند نه تاج

❖ نثر ❖

ملک چون بنم کلامی ایشندی بحکم (الحق مر) کام
آرزو سته خوش کلیوب ایتدی بونه سه وزدر که
سو یلرسن ونه بی ادبانه جر آندر که ایلرسن بوم دیدیکلک
نه شو مدر که آنک قدوم هجومیله بنی تخفیف ایلرسن
و بنم لشکر می آنک خشمی مقابله سنده کوزیکه کوستر میوب
تخفیف ایلرسن

❖ مثنوی ❖

اگر دشمن از تیغ دارد ستیز
مر اهرم زبان سنان هست تیز
چو من ارزوی نبرد آورم

دل دشمنان را بدرد آورم

❖ نثر ❖

بن برد قعه دخی نصیحت دهان آچدم و هوادارلق
و حق کذارلق یوزندن بند و نصیحت و موعظت جواهر بن
خا کپاینه صاچدم و ایتدم ای ملک جاده صوابی
قویوب جانب خطایه کتمه و هوای نفسه او یوب بی ثانی
و تأمل را مره شروع اعتمه همیشه غلق و تواضعی نفسکه

پیشہ وزور قوتکہ مغرور اولہ عدودن اندیشہ قیل
توسن تند کام عنان لطفہ رام و صید سرکش ملائمت
و ملا طقتہ گرفتار قید دام اولور

❖ بیت ❖

آسایش دو کیتی تفسیر این دو حرفست
بادوستان تلطیف بادشمنان مدارا

❖ نثر ❖

بو حاک خار جده مشالی اول باد تند و سخت در که گیاه
ضعیف لطف و ملائمت سبیلہ صدمت صرصر
قهرندن سلامت بولور و درخت سخت عنف و خشونت
اجلندن اصلدن پراکنده اولور

❖ بیت ❖

مکن ستیزه که چرخ از ستیزه کاری خویش
ره ستیزه بندد ستیزه کار انرا

❖ نثر ❖

ارکان و اعیانندن بنم اقرانم اولور فرصت بولوب بنی
جنایت خیانت ایله مهم قیلوب متفق الکلمه ایتدیلر که
سن بولور طرفه میل ایدرسن و کندی جنسک
وولی نعمتک جانبن قویوب نه سو یلرسک عدو طرفندن

سو یارسن ملک ار باب حسدك قوليله ناصیه پند
و نصیحت همه دست رد اوردی و بکاخشم ایدوب
بو عذابه که کور رسن عقاب بیوردی اما شویله فهم
ایلدیمکه ضمیر لرزنده سزکله جنك عظیم ایتک مضمردر
و خیال لرزنده سزکله جدال و قتاله بلکه بالکله اصلگری
استیصاله قصد ایتک مقرر در شاه بوم چون کار شناسک
مضمون کلامن معلوم ایتدی وزیر لرزیدن برینه سؤال
ایلدیمکه سن بوزاغك حقیقت حالی و حقیقت مقانی
نیچه اکلرسن ایتدی آنک امرنده بر آن توقف ایتوب
همان قیدین کورمک کرک و بودیو وارونک سر پر
ریوین که بادخانه نیرک و فسوندی تیغ آب خون آلود
ایله تشدن آروب هیکل نخس و جثه نخس و کالبد بدنی
عرصه خاکدن مغاک هلا که کوندرمک کرک و نعمت
فرصت قتلن که اندن زباده غنیمت میسر دکلدی راحت
عظمی و منفعت کبری و وسیله حصول امانی و سرمایه
سرور و شادمانی بیلک کرک بن بوخا کستر ایچنده
براخکر و بواخکر نیم فسرده ضمننده بر شرر مشاهده
ایدرمکه اگر مشتعل اولور ایسه هزار آب تدبیر ایله
آنک اطفاسی میسر دکلدی

❖ بیت ❖

اری تحت الرماد و مبيض نار

و يوشك ان يكون له ضرام

❖ نثر ❖

(ع) نعوذ بالله ازین آتش ار براید دود * هر گسسه که
فرستی غنیمت بلیسه غالب بودر که اول قدرت بردخی
انده کیرمیه و بعده ندامت و ملامت و یرمیه و هر گسسه که
عدو سن ضعیف و تنها بوله اولی بودر که انک تدار کن
قیلوب آندن خلاص اولمق آرد نجه اوله زیرا که خصم
اول ورطه دن رها بولجق محمدر که قوت بولوب
تبغ کین ایله کمینده اولان انتقامن اله

(رباعی)

دشمن چوز تو بخست توازوی نبجھی

وز بند تو چون رست تو ازوی زهی

خواهی که امان باشدت از آفت او

در دست تو چون فتد آمانش ندهی

(نثر)

ز نهار ملك انك كفتار بی هنجارینه النفات و اعبال
ایتمسون و افسون حانكدازین سمع قبوله ایشتموب

موجبیله ایش ایتسونکه فصیح حکیماده گلشدر که
دوست نأجربه اعتماد ایتمه بوقنده قالدیکه قول دشمن
مکار کینه چویه اعتقاد ایلمه سن

❖ بیت ❖

درین زمانه که بر دوست اعتمادی نیست
چه گونه غره توان شده بکفته دشمن

❖ نثر ❖

کار شناس چون بو کتانی اشدی درد دله نالاش
ایتدی وایتدی

❖ بیت ❖

بکایتمی بوجانده کی ریش

اوررسن سن دخی ریش اوستنه ریش
بو کلام ملاک بومانک قلبنده تأثیر تمام ایدوب اول
وز یردن اعراض ایتدی و برینه دخی التفات ایدوب
ایتدی بو خصوصده سن نه دیرسن و بو بایده سن
تدبیر صواب ایدرسن ایتدی بن آنک هلاک کنی جائز
کور مزیم که صاحب مروت خصمی ضعیف و بی طاقت
کور یجک مرهم مرحت ایله آنک دردنه دوا و جراحتنه
شفا و بر مک کرک و مکارم اوصافک آنک حقنده اظهار

ایندوب مرا اسم احسانك انك بایسته میزدول بیور مق
 كرك مشهور در كه قجانی قومق و امان دیلینه قیماق
 كرك و پامال و افتاده ره دستگیر اولق كرك

✽ بیت ✽

ره نیک مردان اسوده گیر
 چواستاده دست افتاده گیر

✽ نثر ✽

بعض امور اولور كه كشی كندی دشمنه دخی مشق
 و مهربان اولور نه كه خوف دزد اول زن بازركانی
 شوهرینه مهربان قیلمشدر ملك استفسار ایتدیكه
 نیجه اولمشدر اول

✽ حکایت ✽

وزیر ایدی بر بازركان و ارایدی غایت مالدادی اما
 بدسیرت و زشت صورتلسکی هزار مالی قدر و ارایدی
 بوجه ايله بر كره انجان و بخیل و نامهربان ایدی

✽ قطعه ✽

چو دیودوزخ از عفریت روی
 چوزاغ کلخن از پیهوده کوی
 ازین سسنگین دل و بولاد جانی

چو هجران دلکدازی جان ستانی

نثر

بومر دشت طلعتک برزیا صورت و پاکیزه سیرت
عورتی وارا یدیکه بدر منیر بر تولهه رخسار خورشید
نظیری ایله شب تیره بی روز روشن قیلورایدی و چراغ
جهان تاب آفتابکه قندیل طاق نه رواق آسماندر شعله
شمع روی دلاراسی قتنده محو اولورایدی زبان زمان
اول جان جهانک شرح جهانده بو بیت ایله متکلم
ایدی

بیت

ماه طلعت نکار وزهره جبین
حسنک صانعینه یوز تحسین

نثر

وهزار دستان خیال بوستان بیان حسب حالنده
بو صوله مترنم ایدی

بیت

نظیرین کورمشد کسه اصلا
نه یارتمش تعالی الله تعالی

نثر

بازرگان هزار جان و دل ایله انك وصلنه متشوق و طالب
 اول صدهزار منزل انك مجاورتندن متفر و هارب
 اولوب نه انك افسانه سـیـله شـیـفته و نه افسونـیـله
 فریفته اولور ایدی دائماً جور و جفاده و همـواره
 نفرت و اباده ایدی اما شوهرینه هر دم آنك جفا بی
 وفای جدیده باعث و هر خطه انك قهرندن مهر تازه
 حادث اولور ایدی (ع) مهر فزون نمی شود تا تو بکین
 نمی شوی ❀ نه بی تفرقه خاطر دست آرزویله سنبل
 زلفنه واصل اوله یلور ایدی و نه بی خار خار محنت
 گلستان رویندن کل بوسه آله یلور ایدی

❀ بیت ❀

من بنده آن روی که دیدن نکذارند
 دیوانه دلی که کشیدن نکذارند

❀ نثر ❀

اتفاق بر کبجه انك اوینه اوغری کیردی اول زمانده
 مکر بازگان خوابه وارمش ایدی زن بیدار ایدی
 در دك حرکتن احساس ایدی بـك خوف و هراس اـکـا
 غالب اولوب عز و ناری فراموش و ناجار شوهرین
 کنار ایدوب خواه و نا خواه در اغوش ایتدی یازرگان

اویاندی دولت بیداری کنارنده کوردی کمال
 سرورندن جوش و خروش ایدوب ایتدی
 ❖ بیت ❖

مکر بیدارشد بختم که آن روی که در خواهم
 نبود امید بینش دیده بیدار می آید
 ❖ نثر ❖

ایابونه شفقت در که پرده غیبدن بنم حقمده ظهوره
 کلدی ویابو بنده نه خدمتله بود دولتله لایق و بوسعادتله
 سزا وار اولدی (مصرع) مهری که نبودت از نکاح
 پیدا شد ❖ چون اطرافنه نظر ایتدی دردی میان
 خانه ده کوروب ایتدی ای مر دمبارک قدم و میون
 فال مال و منالم سکا ناک سودی کی حلال اولسون هیچ
 تکلف چکمه استدیکاک قدرال برکت قدمکله بو جفا
 کیش و بی وفا بکامشفق و مهربان اولدی بومسلاک
 فائد سی اولدر که بعض مقام اولور که کشی
 انتقام قصد ایتدی کی کسنده به دخی
 لطف و احسان ارزانی کورر حالا بوزاغسک دخی
 حالی همان بومنوال اوزره در (ع) رحم کن چون
 حال وی دیدی که جای رحمتست ❖ ملک او چنجی

وزیردن موردی که سنک رأیک بواحرده نیه منجر
اولمشدر ایتدی اولی بودر که ملک اندن لباس حیاتی
خلع ایتیمه بلکه خلعت امانله مخصوص قیلوب ائار
تر بیت وعاطفتن آنک یابنده اظهار ایلیمه تا اول دخی
آنک مکافاتنده خدمات پسندیده بی دریغ طوعیمه
بلکه اندن کلدیکه زبان مخالصت ومناصحتی پرکار
ایلیمه بردخی بو که عقلا جمعیت اعدایی پریشان
ایتمکه سعی ایدر لر و مجمعلرینه سنک تفرقه آتوب
ممکن اولدقجه میانلرنده مخالفت القایتمکه قصد
ایلر لر که اختلاف کله اعدا موجب اتلاف دل و انتظام
حال اولیادر نته که دزدو دیو میاننده اختلاف سبب
جمعیت خاطر زاهد اولدی ملک استفسار ایتدی که
نه کیفیت واقع اولمشدر

(اول حکایت)

وزیر ایتدی روایت ایدر لر که بر زاهد پاک طینت وعابد
پاکیزه سیرت بغداد نواحیسنده بر موضعه صومعه
طوتمش واوقات صبح وشامده عبادت جناب ملک
علامه جل وعلا اشتغال ایتشیدی چون تعلقات
حطام دنیای فانیدن ال چکمشیدی و صفحه

چهره روزگارد و کعبتین سیاه و سفید لیل و نهارده
غدرو بیوفالق نقشن معاینه آیتشیدی بیلوردی که
نوش مسرت بی نیش مضرت میسر اولمز و نقد کنج
بیدر دورنج محصل اولمز

❀ مشوی ❀

يك كل بختارد رین باغ نیست
لاله اولی اثر داغ نیست
تبغ زند بر تو و کو بی خودست
زرد کند رویت و کو بی ز رست

❀ نثر ❀

فراغت زاویه سنده قناعت کر یبانه باش چکمش
و نهال تو کلی زمین درو ننده دکش و تخم تخم
مزرعه دلنده اکش ایدی

❀ بیت ❀

ما طرخ قناعت و رضا افکنندیم
وز دوست بهر چه میرسد خرسندیم

❀ نثر ❀

القصة مزید صادق قلندن بریسی درویشك فتر
و فاقه دن تشویشنه مطلع اولوب مدد معاشی ایچون

برکاو میش فر به که کام آرزو شیرشکر آمیز ایله چرب
 و شیرین اولورایدی برسبیل نذر زاهدك صومعه سینه
 ایلندی اتفاق بردزد بو حال مشاهده ایتدی وقوت
 طامعه سی هیجان ایدوب صومعه زاهده متوجه
 اولدی ناکا، بردیو کراه آدم صورتنه کیروب انکاه
 همراه اولدی دزد صور دیکه سن کیمن ونه طرفدن
 کلوب نه جانبه کیدرسن جواب ویردیکه بن برغولم
 بوشکاله متشکل و بوسورت ایله ممثل اولدیغمه
 حکمت بودر که بومما لکک خلایق بوشیخک ارشاد
 وهدایتله طریق تو به وانا به سالک اولمشدر اول سبیدن
 بزم مزاج اضلال و اغوامن فاسد و بازار افساد
 و وسوسه مزکاسد اولمشدر دیلم که بر فرصت بولوب
 آنی هلاک ایدم و کلزار جهانی خار و جود زاهد بارددن
 پالک ایدم بنم حالم بودر که اشیدرسن حالیا سن خبر ویر که
 نه کشی سن ونه طرفه کیدرسن بو حرکتدن نه برکت
 مراد ایدرسن دزد ایتدی بن بر مرد عیار پیشه یم
 شب وروز بواندیشه دیم که خلقک مالنی تاراج ایدم
 زاهد مزبور کبرفر به کار میشی و ارایمش حالیا قصدم
 بودر که دراز دستک صنعتنده سحر سامری

کوستروب کلورمش مز بوری اول کونه آستینک
صومعه سندن بر حیلہ ایلہ اخراج ایدم دیوایتدی
فرحبا بالوفاق علی احسن الاتفاق (ع) ای جان جهان
تو یار مای * بحمد الله رشته اتحاد مایمیزده مبرم
ورابطه جنسیت که علت منضمدر میانمیزده محکمدر
دعوی اتحادده بوقوی شاهددر که هر بریزک
مقصودی واحد ومقصد معبد زاهددر پس موافقتله
یوله کیردیلر وشبانکاه صومعه زاهده واردیلر
زاهد وظایف عبادتن فارغ اولمش ایدی وسجاده سی
اوزره کریبان مراقبه یه باش چکوب دزد خواب غفلت
دماغنه یول بولمش ایدی دزدک خاطرینه بوخطور
ایتدی که چون غول آنی قتله مشغول اوله
محتملدر که فریاد ایدوب جوارنده اولان خلایق
متنبه اوله لر بو تقدیرده کاوه داو دیمک میسر اولمزدیو
دخی بو فکرده دوشدیکه دزد کاوی الحق البتہ قیوی اچسه
کرک شاید که صریر بابدن زاهد جوابده او یانوب عزایمه
مشغول اوله بو فرض اوزره کاظفر بولمق متصور اولم
پس دزده ایتدی کرم ایلہ بر زمان توقف ایلہ که بن
زاهدی قتل ایدم صکره سن کاوی اله سن کیده سن

دزدایتدی لطف ایله بن کاوی الم بعده سن انک امرین
 تمام ایدهن بو خلاف انلرک میانه قاتم اولدی عاقیت
 مقاوله لری مجادله یه نهایت بولدی دزد زیاده مضطرب
 اولوب اعلاصوله زاهده ایتدی اکا اول که بودیوسنی
 هلاک ایتک استر دیون ناره غیرتی ملتبه اولوب فریاد
 ایتدی که بیدار اول که بودزد کاوی آلوب کتمک استر
 زاهد انلرک آشوب و عربده لرندن او یانوب خروش
 ایتدی اطرافده اولان احباب واصحاب متنبه اولوب
 صومعه زاهده شتاب ایتدی لر دزد و دیوهر بری بر طرفه
 قاچدی لر کتدی لر و زاهدک نفسی و مالی اول ایکی ظالمک
 خلاف وجدالی سببیه صحیح و سالم قالدی

❖ بیت ❖

چو در لشکر دشمن افتد خلاف

چرا تیغ باید کشید از غلاف

❖ نثر ❖

چون وزیر ثالث بو کلامی تمام ایتدی اولکی وزیر
 بو ایکی وزیر کتدی برندن پر غضب اولوب ایتدی شویله
 فهم اولور که بور انک مکر و فسونیه مفتون اولوب
 بو معامله ده غبن فاحش ایله مغبون اولدی کز زنه ار

زنهار خواب غفلتدن بیدار و شراب جهالتدن هشیار
اولك و كوش هوش كزی پنبه پند اردن | خالی قیلك
و بوامرك عواقبنده ذهن ثاقب ایله فكر صائبی واجب
بیلك كه عاقلار مكر اعدادن تحفظ یابنده طریق احتیاطدن
خروجی صواب كور منزل و انلرك كفتار دروغ و كلام
بیفر و غلریله طریق مستقیمدن انحراف كوستن
و عاقلار بومعنايه التفات ایتیموب جزوی تعلق و ملائمتلرین
كلی تعلق و ملاطفه له تعلق قیلولر و عداوت موروثه
و خصومت قدیمه بی فراموش ایدوب صلح و آشتی ایله
كوكلرین خوش ایدرلر بیلزلر كه دشمن هزار نقش
و محبت كوسترسه هنوز ژنك عداوت لوح دلندن
محو اولمز و چندانكه باران ملاطفه یاغدرسه هنوز
هوای صفا نغمه كدوراتدن صحو اولمز

❁ بیت ❁

زلف هندوی تو كفتم كه دكره زند
سالهارفت و بران سیرت و شانست كه بود

❁ نثر ❁

بوعجب بدر كه طرار بصره سرك بصر كرده طرفه
بغداد كورینور و خرمهره بی اعتبار سرك نظر یكزه

کوه شاهوار کلور و سزك حال كن همان اول درود كر
حاله بكرز كه گفتار وار گفتار زن بد كر داره فریفته
اولدی ملك استفسار ایتدیكه نبجه اولمشدر اول

✽ حکایت ✽

وزیر ایتدی روایت ایدر لر که شهر سرانده بیده
بردود کر واریدی بلاهتده هبنقه زمان و برزی
واراید یکه ملاحتده زلیخای دوران ایدی بر آهو
چشم ایدیكه بر عشوه ایله هزار شیر شرزه پی شکار
قیلور ایدی و بر شیوه ایله روباه عقل حيله کاره خواب
خرکوش ویرایدی

✽ قطعه ✽

نکار تیر مرکان قوس ابرو
مه عقرب ذوائب سنبله مو
بت جواز کر خورشید ایام
اسد چشم و حل دم حوت اندام
✽ نثر ✽

درود کر اگا آشفته اولوب بر زمان انسر اولمز و بر ساعت
انی کورمه راحت و آرام بولزایدی زن اگر چه
که ضروری انکله مصاحبت صوری ایدر ایدی

امام عنیده باشی اغیار ایله خوش اولوب بزم عشرتده
جام محبتی تغیریلر یادنه نوش ایلردی آنلرک جوارنده
بر جوان وارایدی که قد بالاسی کویا بر سروایدیکه
چمن باغ جنانده بتمش ایدی و خط سبزی بر سبز ایدی که
کنار چشمه حیوانی احاطه ایتش ایدی

❀ بیت ❀

رخی چنان که زخورشید و ماه نتوان کرد
خطی چنان که زمشک سیاه نتوان کرد

❀ نثر ❀

زنک مرغ دلی آنک محبتی دامنه طو تلدی جوانک
دخی کوکلی شکاری زنک عشقی بکننده گرفتار اولدی
اخیر الامر و سایط میاندن کیدوب مر اسله مواصله به
و معاشقه معانقه به مبدل اولدی و مقدمات کلام
و پیام عیش مدام و عشرت صبح و شامه سرانجام
بولدی حسود لردن بر طائفه که ایکی یارک مواصلتی
رشکی آنلرک قامت لری تیرنی یا قیلوردی و ایکی رفیق
میاندن شمع صحبت افروخته اولسه آنلرک دللری فتیلی
شعله آتش حسد ایله بنار یا قیلوردی

❀ بیت ❀

هرگز خست نبردم بر منصبی و مالی
الا برانکه دارد باد لبری وصالی

❀ نثر ❀

اول حاله مطلع اولوب نجاری کیفیت کاردن خبردار
ابتدیلر بیچاره نك اول قدر غیرت و حقیقت یوغید یکه
بر طریق معقول ایله آنک تدار کنسه مشغول اولیدی

❀ بیت ❀

باشمزار له بی غیرت اولمق
چو غیرت اولیه یك عورت اولمق

❀ نثر ❀

پس عورتنه ایتدی سفر زادن مهیا قیل که دوستلردن
بعضی زیارت ایتکه کتسم کرک اکر چه که مقصد سفرم
بعید و مسافه مسافرتم مدید دکلدر اما برقاچکون انده
توقف ایتسم کر کدر بیلز مکه سنک نار فراق که نیجه صبر
ایده بیلویار اشتیاق که نه طریق ایله تحمله قادر اولم

❀ بیت ❀

ای بنا کام مرا از رخ تو مهجوری
خود که باشد که بکام از تو گزیند دوری

❀ نثر ❀

زن دخی تکلفه تحسرو تحزن اظهار ابتدی و هزار
زحمت و خونابه ایله کوزلندن برایکی قطره یاش اقتدی
وفی الحال توشه اخضار ایدوب شوهرین اوپدی
وقوجدی وداع ابتدی چون نجار کنندی عورتنه
زبان نصیحتی پرکار ایدوب ابتدی ای نکار زنه ار که
قیوی اچق قومیوب محکم بنده سن واسبابی
محافظه ایدوب بنم پندی کوش هوشکه پیوند
ایده سن

❖ بیت ❖

کنجکه مهرم ایله مهر اوره سن

حق کوزتمکده ارکی طوره سن

❖ نثر ❖

زن شوهرینک پندی قبول ایدوب سوکند ایله مؤکد
قیلیدی و همان لحظه که اری کندی جانانه خبر
ابتدی وایتدی (ع) بیاباغ که کلهها شکفت و خار نماند *
جوان وعده قیلدیکه چون کیجه دن برقاج ساعت کجه
طلوع صبح وصاله مترقب اول زن اول وعده ایله
شادمان اولوب کباب و شراب احضار ایدوب
عشرت اسبابن مهیا قیلیدی

❖ بیت ❖

زهی سعادت طالع اگر شبی آن ماه

بکلبه من بی خانمان فرود آید

❖ نثر ❖

درود کر کیدوب اخشامه دك بریده توقف ایدوب
 بیکاه بر محفی راهدن خانه سنه کلدی اتفاق اول ایدیکه
 مهرله ماه بر برجده قران ایتمش وایکی یار علی رغم الاغیار
 بز برینك دیدار یله خوش حال اولمش ایدی کاه جوان
 ماه جبین بر نکتۀ رنکین و خنده شیرین ایله زن
 نازنینك خرمن صبرنه آتش اورر وکاه اول شوخ
 وطن از عشوه و ناز و کرشمۀ دلنواز ایله جوان جانانك
 متاع روح روان غارت قیلور ایدی

❖ مثنوی ❖

دوبت نازنین عقل فریب

پای تاسر همه لطافت وزیب

این رخ شمع هر شبستان بود

وان بلب نقل می پرستان بود

❖ نثر ❖

بیچاره اول قدر توقف ایتدیکه آنلر جامه خوابه میل

ایتدی آهسته آهسته بونلرک یاننده برکوشده سگدی
 یاتدی تاباقی مصاحبترین دخی مشاهده قیله و حقیقت حالی
 کنددی کوزیله کوروب انک حقننده دیدکلی واقعه میدر
 بیله بواثناده ناکا، زنک کوزی انک یوزینه راست کلدی
 ارینک کتمسی بو حالی تحقیق ایچون بهانه ایمش بیلدی
 فی الحال دیک مکرری آتش فکرایله قایندوب معشوقنه
 سرله ایتدی جهرله بندن صور که بنیمی زیاده سورسن
 یوخسه شوهر کیمی جوان رفع صوتله ایتدی ای سرو
 چن لطافت قامتک کی راست سویله که جان و دلدن
 بکامی زیاده مائلسن حالا لکه می زن ایتدی بو سؤاله
 سبب ندر بو محالی یعنی طلب نه جوان بیم جاندن سؤال
 اولی تکرار و زبان الحاحی پرکار ایتدی زن ایتدی سوزک
 طوغریسی بودر که عورتلر اکثر یاسه هو و غفلت یالهو
 و شهوت جهمتدن بو مقوله حرکت ایدرلر و نا محرم لره
 همدم اولوب بیکانه لره مناسبت واجنبیلره مصاحبت
 ایلرلر اما چون حاجت نفسلری روا اوله و سورت شهوتلری
 انکسار بوله بیکانه لر حکمن و یروب نظر اعتبار دن
 دور ایدرلر و مجالستندن اعراض ایدوب مصاحبتمدن
 تنفر ایلرلر

❖ بیت ❖

ترک یاری کنند و دل داری
دوستی خود نبوی پنداری
❖ نثر ❖

اما شو هو نور مشابه سنده در بصره و دم منزله
سنده در جگرده بلکه جان درجه سنده در تنده
و روح مشابه سنده در بدنه (ع) از جان بود کریز
از ایشان کریز نیست * نهال عمر جوانیدن برخوردار
اولسون اول عورتکه شوهرین کندی نفس نفیسندن
عزیز کورمید وزلفی کبی قدی لام و شراب زندگانی
حرام اولسون اول زنه که حلالی جان شیرینندن لذت
بلیه و سرمایه حیاتی انک رفاغ حالی و فراغ بالی
و انتظام امور معاد و مالی ایچون دیلیه

❖ بیت ❖

و فامیا و امیدم اگر بغیر تو هست
حرام باد حیاتم اگر برای تو نیست
❖ نثر ❖

چون درود کر و فسون و فسانه بی اشتدی کوکلنده
رأفت و رحمت آناری ظهور ابتدی و عرق شفقت

و محبتی حرکت ایدوب کنیدی به ابتدای از قالمش ایدیکه
 بو عورت حقنه بر مضرت بندن صادر اولوب و خدای
 پروردگار حضورنده شرمسار و کنه کار اولیدم
 بودردمند حقنه نه عجب سوءظن ایتشم بومسکین خود بکا
 عاشق زار ایش و بنم محبتدن شب و روز بیقرار ایش
 آنک بکا بو قدر تعلق و تعشقی و ارایکن دین محبتده
 و آیین مر و تده لایق بودر که آنک خطا سنی یوزنه
 اورمیم و بو مقوله نادره زدن که اندن صادر اولدی
 اغماض ایدوب اندن اعراض کو ستر میم که هیچ
 آفریده یه سه و وزلتن عصمت و بر بنده یه بند شه و تدن
 خلاص اولغه طاقت میسر دکادر (ع) کسی
 بکاست که او دامن نیا لودست * حالا صلاح حال بودر که
 شراب عیشلرین انلره تلخ ایتیم و آبرولرین دوست
 و دشمن او کنده خالک فضیخته دو کیم که ظاهر
 بودر که بو عورت بو نوع حرکتی سه و ولهمو جهتدن
 ایتشدر قصد و عمد ایله ایتشدر فرضا که او یله
 اوله اولی بودر که حل المؤمن علی الصلاح اتی صلاحه
 حل ایدوب نظر می آنک هزینه حصر ایدم و دیده می
 آنک عیندن کف ایدوب قبا یحیی ذلیل اغماض

ایله سترایدم

✽ بیت ✽

کر هنری داری وهفتاد عیب

دوست نبیند بجز آن يك هنر

✽ نثر ✽

پس همان اول کوشه ده خاموش اولوب اوتوردی
تا اول وقته دك که انلر عیشدن فارغ اولدیلر و رایت
شب نکونسا ر و علم روز عالم افروز ملامس انجیم سیار
اولدی

✽ بیت ✽

اچلدی طره سبدن رخ روز

صاچلدی نور صبح عالم افروز

✽ نثر ✽

مر دیگانه طوردی خانه سنه بیوردی وزن جامه
خوابده کند و سن اویشویه اوردی درود کرا هسته
یرندن طوروب رفق و لطفله کلوب عورتی یاننده
اوتوردی و آستین لطف ایله غبار ملالی ژنک چهره
سندن کو توروب نرم نرم النی انک اعضا سنه سوردی تازن
دلفریب کوزین اچوب ارنی یستری اوستنده کوردی

فی الحال برندن طور و بکلوب ایتدی

بیت

دمید صبح سعادت که یار باز آمد

هزار شکر که ان غمکسار باز آمد

نثر

پس صورتیکه سعادت و سلامتله فچن کلدیکز ایتدی اول
وقت که اول بیکانه ایله اشراق جامنی نوش و ساعدارز و ایله
میان شاهد و صالی در اغوش ایدر ایدیکز اما چون
بیلد مکه سکا البته بر ضرورت حادث اولمشدر که
بو مقوله فعله باعث اولمشدر شرایط لطف و مروقی
رعایت ایدوب حضور کزه مانع اولدم علی الخصوص که
بو واسطه ایله بیکانه مرتبه ده مهر و محبتک و ارایدو کن
بیلدم و بکا کمال میل و تعلقه که مطلع اولدم و جزم
ایلد مکه حیاتکی بنم مواصاتم ایچون استر ایمشن
و نور باصره بی بنم جام مشاهده سیچون دیلر ایمشن
و سندن بو نوع حرکت صمدورنه علت البته یاسهو
و غفلت و یا توقان شهوت ایمش بندن ابوا نفرت و غیره
میل و محبت دکل ایمش پس بکا بقدر الطاقه سنک
خاطرکی رعایت ایتک واجب و دائره عرضکی صیانت

ایدوب ممکن اولدجه حای حرمتکی حایت اینک
 لازمدر قلبکی قوی طوت خوف وهراسه = کندیکه
 بول و برمه و وحشت و دهشتدن بری اول و بنی عفو
 ایدوب معذور بیور که سنک بابکده ارباب غرض قوانه
 اعتماد ایدوب (من یسمع یخبل) مفهومی موجبجه
 سکاسوء اعتقاد ایتش ایدم بحمدالله والمنه که بنم مظنه مه
 موافق وخلقک مساویسنده * مطابق چقمک (ع)
 سهو بود آنچه ما کمان کردیم زن دخی زبان سحرانگیر ایله
 کلمات مکر آمیزی در میان ایدوب جانبیندن خشم و خشونت
 و عنف و رعونت زائل اولوب موجبات و خشتی بالکلیه
 فراموش و دست مصالحه و مصافحه ایله دوش
 ملاطفت و موافقتی دارغوش ایتدیلر و نجات زبان
 اعتذار ایله بو معنی تکرار ایلدی

* بیت *

ز دخیل جرم تونا چیز باد

من ز توراضی شدم اونیز باد

* قطعه *

چو بیلدک اصلانی بودا ستانک

صقین اولمه امین مکرندن آنک

که مگری محکم و کیدی متیندر

بولردن دور اولان حقه یقیندر

نثر

بومثلی ایراددن مراد اولدر که سزدخی اول نبحار کی که
اول زن بدکر دارک کفتارنه فریفته اولدی بوزاغ
مکار و حیلله کارک دام تزویرنه گرفتار اولیه سز
وآنک زرق و شعبده سیله شرط احتیاطی الدن

بیت

قومیه سز

بقول خصم بداندیش غره نتوان شد

کسی که کرد یاخر چنین پشیمان شد

نثر

بعض دشمن اولور که خصمک حالنه مطلع اولمیدی
سبیدن اکاظفر بولمیب ضروری زوق و تزویر مقدماتی
ترتیب ایدر و خیر خواهلر یوزندن نصیحت آمیز
کلمات ایدوب اول حیلله ایله کندیسن اکاتقریب ایدر
تا آخر کار واقف احوال و مطلع اسرار اولوب بصیرت
کامله مترصد فرصت اولور طور و وقتنده هر زخم که
اورر صاعقه آتشبار کی خرمن وجود خصمک کولن
کو که صاوور و خدنک مگری تیر قضا کی بی خط
و خطاهدف مراد و نشانه مقصوده راست واررزاغ

ای ستمکار دل آزار بوجرب زبانلق نه بی مفید اولور
 بوقدر سخن آراق نه مصلمته یرار یعنی بکا اولان
 ظلمک و بنم حقمده واقع اولان جورک حيله ومکرایله
 نه مناسبتی وار هیچ بر عاقل غیره راحت ایچون کندویه
 جراحت روا کوررمی و اخره نوش وعیش ایچون
 کندیی به نیش وریش اوررمی بنم حالمی حيله به نسبت
 ایتک غایت غباوتدن ناشی اولور که کون کی روشن
 ومعايندر که بوعقوبت بنم ملاک زانانله مخالفتم پاداشیدر
 وزیرایتدی ای بد فعال سنک مکر و آلکله حسب
 حالک دلالت واضحه ايله دال و خدعه احتیالک
 برشمه سن دله محتماله ایده بیلک محالدر تنکده هر داغ
 محنت طوع ورشبت ايله اورلمشدز هر زحمتده بر رحمت
 و هر جراحتده بر راحت ملاحظه اولمشدر محصل کلام
 خاطر کده اولان لذت انتقام بوعقوبت شراب
 بد کوارین مذاق امیدیکه ساز کار قیلشددر نیچه
 کمنه هلاک اعدا ایچون نفسلرنی فدا ایتمشلردر
 و محند و ملری باینده شکر نعمتی ادا و حقکرار لاق
 و هوادار لاق نامن جریده روزگار املایتمک سودا سبيله
 کندیلرین ورطه عنا و کرداب جفایه آتمشلردر

نته که اول یوزینه اعدادن اخذانتقام ایچون نفسی
فدا ایتمکله حقوق صحبت یارانی ادا ایتمشدر ملک بوم
صوردیکه نیجه اولمشدر اول

حکایت

وزیر ایتدی روایت اولنور که میمونلردن برجساعت
کثیره برجزیده که میوه سی بیسمار و آبی خوشکوار
وهواسی عزاجلرینه سازکارایدی مأوی طوتمشلایدی
برکون اول قومک اکابرندن برجساعت بدرخت
سایه سنده اوتورلرایدی وهر طرفدن چوکان
زباله سوزطوپن اورلرایدی برزمان پسته کبی لب
خنداله فندق وفتقدن خبره برلرایدی و بر ساعت
لطافت انگور پر نور و حلاوت انجیر بی نظیردن حکایت
قیلورلرایدی ناکا، برخس زشت اول نواخی بی کشت
ایدرکن انلره انده راست کلدی وانلرک بوجهیتندن
پریشان و مضطرب و کانون دروننده آتش رشک
و حسد ملتهب اولوب کندی کندی به ایتدی
روایمشدر که بومیمونلر بومواضع سبزه و مرا تع
خرمده که غیرت بوستان ارمدر ترو تازه میوهلر یسهلر
اوتورلر و حریر نظیر چنلر ونسترن و سمن و یاسمنلر

وزوری مرده اولدی

❀ بیت ❀

نار سیده بلبم چرعه از ساغر عیش

میرند دست جفا جام هر ادم بر سبک

❀ نثر ❀

القصه خرس ستمکار هزار زور و زار ایله میونلر میانشدن
قاچوب کوهساره دوشدی و فریاد و خروس ایدوب
باشنه کندی جنسندن یخدوی بحساب و خوش اوشدی
چون انی اول حالده کورد یلر کیفیت حرب و کیت
ضر بدن صورت یلر حرس فقیر صورت ماجرایی
نقیه و قطمیر تقریر ایتدی و ایتدی بوندن ارتق کیم ناموسلق
و غیر تسزک اولور می کیم خرس قوی هیگله پوزینه
ضعیف بیکردن بو عار و شئار لاحق اوله هر کز قدیم
الایامدن بزم آبا واجدا دمنز بو بدنا ملغی کورمش
واشتمشاردز و بزم نسلمز بو اصل نجات و حقارتی
قبول ایتتمشاردز شویله که دفع عار و اخذ ثارده بزدن
مساهله جائز اوله تا قیامته دک بو بد ناملق صفحه
روز کارده باقی و پایدار قاله صلاح بودر که همدستان
اولوب بر شیخون ایله انلرک روز حیساتلر بن تحیره

روز کارده باقی و پایدار قاله صلاح بود در که همدستان
اولوب بر شیخون ایله انلرک روز حیاتلرین تیره و غبار
کارزارله دیده امیدلرین خیره قیله وز

✽ مشنوی ✽

کراز کردش چرخ باشد امان
بخوا هم کین خود از بدکان

✽ نثر ✽

چنین سر بگویم شان در ستیز (که ماندز مانام
تارستخیز) خرسارک عرق غیرتلی مضطرب و اتش
جبتلی ملتهب اولوب دهان لاف و کزانی اچدیله
واغرلندن کف جدال و خلاقی صاچدیله روایتدیله

✽ مشنوی ✽

مخالف چومورست و ماژدها
بکجا کردد از پنجه مارها
زمارایت جنک افراشتن

زدشمن سر و تاج بکداشتن

✽ نثر ✽

بونک اوزرینه مقرر ایتدیله که همان اول کبجه اسباب
اشتعال آتش قتاله اشتغال ایدوب نار کارزار و شعله

کیرود ارله پوزینه لک خانمانلرینه آتش بوار اوردر
وخاته حیاتلرین باقوب وخرمن وجودلرین ییقبوب
کولن کو که صاووردر چون شیرزین چنکال مهر
بیشه سپهردن (فی عین حجة) چشمه سارنه باتدی
ودب اکبر واصغر حوالی قطب شمالیده حرکتیه
آغاز ایتدی

بیت

چو خور سیدتابنده بخود پشت
هوا شد سیاه وزمین شد درشت

نثر

بالکلیه اول کوهسار که خرساری ییحدوی بحساب ایدی
حربه حربله پوزینه لری جزیره سنه شتاب ایتلر مکر شاه
پوزینکان ارکان واعیانندن برجه لاله شکاره کیدوب
اول کیجه میان بیابانده قالمش ایدی و سائر خدم
وحشم هجوم دشمندن غافل ایدی هربری کندی
مقام و منزلته آرام قلمش ایدی ناکا، بر سپاه نیجه
سپاه بر بلای سیاه پوزینه لک کشور لشکرینه قدوم
وهجوم ایتدیلر

بیت

سپاهی چومور و ملخ تاختند

بتیرنی جهان در جهان ساختند

نثر

پوزیندرك اكثرى هدف تيردمار و علف شمشير بوار
اولوب روى زمينى وداع ايتديلر و بقیة السیف مجروح
ودلفکار هزار زوروزار ايله اول ورطه خونخوار دن کناره
يتديلر خرسار چون اول بیشه بهشت نشانی انواع
نعمله مالی و اول جزیره آبادانی اعدا و مدعیدن خالی
کور ديلر همان اول مقامده پای اقامتی دامن سکونه
چکديلر و اول خرس جفا دیده و ستم کشیده بی کندیلره
امیر ایدوب دست تسلط و تغلبی دراز ايتديلر و هر نعمتی
که پوزینه لر مرورز مانله جمع ایتیشلر ایدی يدغصب
ایله نهب و غارتنه اغاز ايتديلر (ع) الله الله که تلف
کردو که اندوخته بود* چون تباشیر صبح عیان اولوب
چهره جهان رخساره خوبان کی تابان اولدی و جشید
خورشید خلیفه زمان حضرت سلطان سلیمان
صاحبقران کی سریر زرین اوزره جلوس ایدوب
روی زمینه فرمانی روان اولدی

بيت

چکوب لشکرینه سلطان خاور

جهانی سر تسرايتدی منمخر

❖ نثر ❖

ملك پوزينكان بو حالدن غافل شكار گمنان جزيره جاننده
 مائل اولوب اثنای راهده هزيمتلردن برجاعت که
 میان کرداب بلادن نیم جان کنار امانه يتمشلرايتدی
 قرشو کلدیلر و خروش و فرياد اتش تأثيری کوش
 فلک اثره يتور دیلر ملک کیفیت حالدن سؤال ایدوب
 صورت واقعه یه مطلع اولیجق کانون دروننده دیک
 غیرتی قینابوب وانکشت حیرتی دندان حسرت ایله
 چینیوب ایتدی دریغ اول ممالک محروسه یه که دست
 تصر فزدن چیقدی و حیف اول جزایر معموره یه که
 اعدا و بیگانه لانه دوشدی و او یلا که بخت برکشته خاك
 ادباری بزم قرقره نشار ایتدی و امصیتنا که دنیای غدار
 یزدن کنار ایدوب دولت ناپایدار صد هر حله یزدن
 فرار ایتدی

❖ قطعه ❖

بوستان دهر را برکونوایی کس ندید

چهره اقبال رارنک وفاي کس ندید

بر فریب آباد کیتی اعتماد از عقل نیست
زان کزو پر فتنه کر محنت سرایی کس ندید
❖ نثر ❖

سایر سپاه که ملازم رکاب پادشاه ایدیلر اضطراره
آغاز ایدوب هر بری مال و منال و اهل و عیالری ایچون
نوحه و زاری به باشلدیلر انلرک میاننده میون نام
بر پوزینه وارا ایدی بنام عقل و خرد ایله بین الاقران
مشارالیه بالینان ایدی و فضل و هنر ایله سائرلردن
امتیازی مستغن عن البیان ایدی بوسبب ایله انلرک
میاننده حرمت عامی وارا ایدی و شاه و سپاه انک میامن آرا
وافکار ایله استظهاری ایدرلردی

❖ مشنوی ❖

ازین روشن دل و صافی ضمیری
بتدبیر درست اقلیم کبری
زحل شا کر اودن نکته دانی
عطارد جا کرش در خامه رانی

❖ نثر ❖

میون چون ملکی محزون و سائر حشمتی سر نکون
کوردی زبان فصاحت ایله نصایحه آغاز ایدوب ایتدی

❖ قطعه ❖

ز بلا نازل اولسه ایتمه جزع
 کاندِه و ارایکی شرایشت بندن
 اولا دوستلر اولور غمکین
 ثابِت شادمان اولور دشمن

❖ نثر ❖

نزول ثواب و حصول مصائبه جزع و فزع بنده بی
 ثواب ابدیدن محروم و قلت صبر و خفت عقل و سلامت
 رایله مشهور و موسوم ایدر بومقوله و قایع که احیاناً
 واقع اولور تلافی و تدارکنده ایکی نسنه نافع اولور
 بریسی عروه و ثقای اصطباره تمسکدر که شجره
 صبر مثر ثمره حاجات و بحکم الصبر مفتاح الفرج تحمل
 کلید ابواب حصول نجات و وصول درجاتدر

❖ قطعه ❖

کلید در کنج مقصود صبرست
 در بسته انکس که بکشد صبرست
 ز آینه سینه درد مندان
 غبار ستم انکه بزود صبرست

❖ نثر ❖

بری دخی رأی راست و تدبیر درست و فکر ثاقب و رای
صائب در که چون برق رأی صائب صاحب ذهن ثاقب
شب واقعه ده لامع اوله ظلام ظلی هوای حال مظلومان
سمتیده دن رفع و فارس میدان فراست بر ساعت فکر له
هزار ساله حيله و مکرری کندیدن دفع ابدر

✽ بیت ✽

توان بمرهم تدبیر نیک و رای صواب
جراحت دل صد پاره را دوا کردن

✽ نثر ✽

ملک پوزینکان مضمون کلام میونه متسلی اولوب
صوردیکه بوکاره چاره ندر میون خلوت طلب ایتدی
وایتدی ای ملک نامدار بنم فرزندم و خویش
و پیوندم بوکروه ستمکارلرک انده کشته و شیشه عار
و ناموسی بو بد کردارلرک زخم سنک ظلیله شکسته
اولدی مقرر در که بکا انلرک حسرتیه عمر دن لذت
و بوفضا حمله حیاتدن راحت متصورد کلدیر

✽ بیت ✽

بی روی تو زنده میتوان بود ولی
ان زندگی از هزار مردن بهتر است

❖ نثر ❖

چون عاقبت کار زندگانی غرقاب بواره دوشمک مقرر در
اولی بود که بر سبیل تعجیل کنیدی بوقبای فنا
و تنکای دنیادن سرای بقا و فضا را حفرزای عقبایه
بتشدرم و حق نعمت ملیکی ادا و نفسمی انک یولنه فنا
ایدوب یاران کریم و دوستان قدیمک انتقامن لئیملردن
الم ملک ایتدی ای میمون شربت اخذ انتقام کام حیاته
شیرین و خوش و شراب قهر و استیلا بزم زندگانیده
صفا بخشدر سن خالك اولیحق قوعالم یا خراب اولمش
یا معمور و سن هلاك اولیحق بنی آدم یا محزون اولمش
یا مسرور

❖ بیت ❖

زین چمن چون شدی تو در پرده
خواه کل تازه خواه پرمزده

❖ نثر ❖

میمون ایتدی ای ملک بودام نکبته که بن گرفتار اولدم
هزار بار مماتی حیات اوزره ترجیح و فنا بی بقا اوزره
اختیار اینسم عجب دکلدر که نور دیده تماشای جلال زن
و فرزندایله حاصلدر انلر خود نقاب ترابله مستور اولمشدر

وسرور سینه مشاهده عیال و خویش و پیوند ایل
متواصل در انزل دخی خرمن وجودی صرصر هلاک
ایله هباء مشور اولشدر بازار دنیای بی مآلده سرمایه
فراغ بان و رفاغ حال مال و منالدر معلومدر که هب
موروث و مکتسب دست خوش خصم بدسکال و پایمال
دشمن بدفعالدر حالادیلر مکّه ملک وظایف حقوق
نعمتن بوخد متله ادا قیل و سائر احباب و اصحابک
دخی جراحتلرینه مرهم راحتله دوا قیل و نقد جانی
نشار ایتکله اخذ ثار و دفع عار ایدم و ابنای جنسمک
لباس ناموسن صابون غیرت ایله بو حقارت لوشتدن
یویم آردم بو وسیله ایله بوروز کار ناپایدارده نام نیک
و ذکر چیل یاد کار قویم

بیت

بنام نکو مردنم آرزوست

کز بن جمله مقصود نام نکوست

نثر

ملک کر کدر که بنده ایچون غم چکمیوب دل مبارکن
شاد و چون احبابله صحبت اون آبادایده بنم
وفادار لغهی اونتمیوب بردعا برله یادایده

❖ بخت ❖

چو در میان مراد او ریخت دست امید

ز عهد صحبت مادر میانه یاد آرید

❖ نثر ❖

ملک ابتدای سویله کوردم که بومشکلی نیجه انامل تأمل
ایله حل و بوخیری نیجه خیرتد بیرایله خل ایتدک میون
ایتدی بر فکر ایتدم اگر شرف قبول ارزانی بیور یلورسه
او مارمکه ملک دولتنده دشمن شومی بریه هلاکده
معدوم و جزم بودر که بوتدیر ایله اعدای خاکساری
شعلهء سموم ایله موم کبی اریدوب صموم ایدم و صلاح
بودر که فرمان ایده سن تاجلاد ان چیره دست بنی مثله
ایدوب دست و پایی شکسته ایدلر و بوییشه کنارنده
برکوشده براغلر کیده لر و ملک کنیدی ملازملریله
و منهزم اولنلردن کنیدی یه لازملریله فلان موضعه
متوجه اوله لر و ایکی کون یکدکد نصکره اوچنجی
صبح کله لر کنیدی منزللرنده فراغت و حضور ایله اقامت
قیله لر نه دشمندن اثر بوله لر و نه من بعد انلرک جنسندن
متضرر اوله لر ملک همان رأی میون موجبی ایله
فرمان ایدوب بیوردی تانک کوشلرین کوشهء دندان

ایله قو پر دیلرو اطرافنی خرد ایدوب تنه یخدوب بیکران
 زخم اور دیلرونالان و غریوان اول بیشه کنارنده
 عدویه قریب برکوشده بر اقدیلر و شاه و سپاه اول
 جوانبده بر جایگاه حصینه پناه ایدوب منتظم فرصت
 اولوب طور دیلر یچاره میون اول کیجه زخم نیش
 ورنج ریشدن بروجله نالش ایدر دیکه دیده سنک
 سختدل آنک اضطرار بن کورسه رقت ایدوب آب
 اووردی و کوه شکوهی ستون صدای دردا میزین
 اشتسه فرها دکی فریاد قیلوردی ملک خراسان شاه
 خراسان کی علی الصباح اول اطرافنی طواف ایدر کن
 ناکا، اول ناله جانکاهی اشتدی و آواز جهسته متوجه
 اولوب میونی اول حال اوزره مشاهده ایتدی بونک برله که
 غلبه القلب ایدی اکا رقت ایلدی و باوجود که
 سختدل ایدی کوکلنده ملایمت و ملاطفت حاصل
 اولدی و آنک تفتیش حالی و تفحص مافی البالنه
 اشتغال ایدوب بواجبالک تفصیلی استفسار قیلدی
 میون دخی فراستله ییلدیکه بوقومک ملکیدر
 دعا و ثنایه آغاز ایتدی و شان ملکه لایق اولان
 مراسم تعظیم و تکریمی تقدیم ایتدکد نصکره ایتدی

بیت

ز چشم و دل بدین خاکیم در آتش و آبست
بچشم بین و به دل رحم کن که حال خرابست

نثر

ای ملاک بن حقیر شاه پوزینکاک وزیریم اتفاق انکله
شکاره کیدوب شب شب بخونده بومهر که ده حاضر
دکادم یارنداسی هریمتیلر کلوب ملک بودیاره
قدومندن خبرویر یجک امیر پوزینکان بنم تدبیرمه زیاده
اعتمادی اولدیغی سبیدن بوکاره بندن بر چاره التماس
ایتدی بندخی خیرخواهلق جهتمندنانی خدمت
ملکه دلالت ایدوب ایدم صواب بودر که کراطاعتی
در میان ایدوب ملار متباب ملکه شتاب ایده وزونکبات
زمانه دن آنک سایه دولتسه التجا ایدوب نواب
دورانن آنک درگاه فلکده ستکاهنه پناه قیله وز

منوی

دز پناه همت صاحب دلان
راه جویدهر که هست از عاقبلان
گرتو در کلشن درایی کل بری
سوی بستان بگذری سنبیل چری

❖ نثر ❖

ملك بنم كلامدن آشفته اولوب حاشابو بيشه يه مستولى
 اولان جماعت ايجون ناسزا كلمات ايلدى ودهان
 طاماتى اچوب ورنانندن زهرلر صاچوب انواع ترهات
 سويلدى چون آنك حقوق نعمتى قابنده راسخ و محافظه
 شكوه و شوكتى زمين دلمده شامخ ايدى آنك بكاشته
 و بنای عرضى هدمنه مقيد اولوب بردفعه دخى
 انى بوسودادن منعده و شربت نصيحتمله مرض
 ماخو لياسن دفعه مشغول اولدم عاقبت نفسنه خشم
 و غلبه غالب اولوب بيوردى تابكا بوسياستى ايتديلر
 و ايتدى بويد كردار يكه پادشاه دشمن و سپاه اعدا آنك
 هوادار يدر وارك اول جزيره قريب بر موضعه
 براغك تا اولده كور سونكه انلر آنك جانينى نه وجهه
 حمايت و بوخير خواهلقلرك حقوقنى نه خدمت ايله رعايت
 ايدرلر پس بكا بو عقوبتى ايتديلر و بو كوشه ده زار
 و غريوان قوديلر كتديلر سوابق حقوق خدمته لواحق
 عقوق محنت ايله مكافات ايتديلر بو كلماتى ايلدى و بردردله
 اغلد يكه ملك خرسا آنك آتش رقتله جكرين داغلدى و غايت
 رحمندن قطرات اشك كرم ديده بي شرمند طملىدى

❀ بیت ❀

گر بنالم سـنک رادل خون شود

وز بکریم دیدها چیمون شود

❀ نثر ❀

ملک ایتدی حالا پوزینه لر قنده کتدی لر جواب و یردی که
بر بیابان وارد که اکا مرد آزما ی دیرلر اکا پناه ایتدی لر
قصه دلری بودر که انده لشکر جمع ایدوب ناکاه بر سپاه
جرار و لشکر خونخوار ایله سزه شیخون ایده لر ملک
خرسان بوسوزدن بلکلدی و ایتدی ای میون صلاح
حال ندر مبادا که علی الغفله بزه فرصت بولوب بر آفت
یتشد یرده لر میون ایتدی ملک بو فکر دن خاطر بن جمع
ایتمک و باب رأی و تدبیری دست تائی و تأمل ایله قرع ایتمک
کرتک بالله که اگر بنم ایاغم اولسه باشم یولکزه فدا ایدردم
وفی الجملة اقتدارم اولسه ایاغ اوزره دکل باشم اوزره
کیدردم و سزی بیمنت و سپاس اول ناحق شناسلرتک
اوستنه ایلتوب حقلرندن کلور ایدم و قبل حلول الاجل
انتقام حاصل قیلور ایدم ملک ایتدی مقرر در که انلرتک
مقامنه سنک و قوف تامک واردرا کر قادر اولورسک
که انلری بزه کوستره سن داغ منک تا قیامته دکل بو جماعتک

جبین حالته اوره سن و حصم کدن که سنی بویه آزرده
 قیلشردر انتقامک الوب مراد که ایرسن وسکا و جزائی
 سزا کورنلری سندن بش بتر کوره سن میون ایتدی بلی
 اما بونجه میسر در که بکا بو حالله حرکت ایتک متعسر
 و بودست و پایله یور یوب کتمک متعذر در ملک ایتدی
 بو کارک چاره سی بین و سنی انده ایلتمک غایت هیندر
 پس آواز ایتدی تا امیران سپاه و مقربان در کا جمع اولوب
 کیفیت حالی بالتمام انلره اعلام ایتدی و ایتدی حاضر
 اولک که بو کیجه خصمه شیخون ایتسک کرک و دشت
 و هامونی میونلرک خونله جیمخون ایتسک کرک جله سی
 بو کله اوزره اتفاق ایدوب کر جداول وقتالی میانلرینه
 نطابق ایتدیلر و میونی بر خرسک ارقه سنه یو کتمدیلر
 و اوکلرنجه رهبر ایدوب خصم ایله مقاتله نیتنه کتمدیلر
 تا بر زماندنصکره بیابان مرد آزمايه یتدیلر و اول بر بریه
 ایدی پرتاب و بر بادیه ایدی آب سحاب سمایه اول
 هاویه نك هوا سندن اختناق و ماء جهسا نیمایه
 اول بیابانک حرارتندن احتراق عارض اولور ایدی
 وهم عالمکرده اول مضایقه دن کذر میسر و نسیم هامون
 نورده اول طریقه ظفر متصور دکلدی

بیت

ایچی طو پطلودر خار مغیلان

بول آزر قور قوسندن انده غیلان

نثر

اول یرده سموم اسرایدیکه اثری هر کیمه که ایرشه آب
وتف و تاب آفتاب انده بر درجه ده ایدیکه ذره سی دریای
محیطه ینشه سراب اولوردی و خام شدن هیچ بر جانور
اول صحرا ده قرار ایتزایدی و حرارت شدن اول شوره
زار مر د مخواره بردانه کیاه بتمزایدی

منوی

بیا بان وسیع پر مخافت

بهر کامی در و صد گونه آفت

هواش آتش و آبش هوا بود

زمینش سنک و سنک آهنر یابود

نثر

میمون ابتدی طور میه لم تعجیل ایله یوریه لم که تا صبح سفید
فام روی جهانندن پرده ظلامی رفع ایده انلرک سر پرده
جمعیتن فضای دنیادن کوتوره لم واندن سابقکه شاه
روز شعار علم زرنگاری افراشته قبله اول بخت

بر کشته لک رایت بختن نکونسا را ایدم پس خر سار
 حرص تمام و شغف مالا کلامه کیدوب اول بیابانه
 قدم بصدیله و کندی ایا قریله باشدن چیقوب دام
 انتقام و شباهت هلا که دوشدیلر بر زمانه نصکره
 آفتاب ظهور ابتدی بوزینه لردن اثر کورمندی و بر خبر
 بیلندی میمون تعجیل تمام ایله متصل کیدر ایدی و افسون
 و افسانه ایله انلری فریفته ایدر ایدی و تا اول زمانه که
 آفتاب ارتفاع بولدی و حرارت شعاعدن اول بقاعه
 اطراف و اکثافی کوره آهنکر و آشیانه سمندر کی
 بر شعله و اخگر اولدی

﴿قطعه﴾

زکر ما انچنان می شدنفس کرم
 که لب از تاب آن چون شمع میسوخت
 زیاد کرم پنداری که تقدیر
 بدنیاد وزخی دیگر برافروخت

﴿نثر﴾

تاب آفتاب در کار اولوب باد سموم دخی تسمه آغاز قیلوب
 مسافه بعیددن آتش بیدود کی بدید اولدی ملک
 خرسان میونه متوجه اولوب ابتدی بیلدک که

بو بر بیابان ایمش که حرارتندن دالر پرتاب و وخامتدن
 جگر لر آب اولور اما بونه نسنه در که شهله نار کی
 شرر ریز و صاعقه آتش بار کی تندوتیز کلور میون ایتدی
 ای ستمکار دل آزار بو کوردیکلک بیابان اجلدر و اول
 کلان پیک مرگ وره زن کار بان املدر معذور بیور که
 اگر بیک جانکز اولسه بیکده بری قور تلیه و حالا که
 سموم ایریشه جمله کز خاکستر اولوب پوزینه لک
 خانانلرینه اوردیغکز آتش بیداد ایله خرمن وجود کز
 بر باد اوله انلر بوسوزده ایکن تف سموم ایرشوب
 میون وشاه و سپاهک کلیسن کل ایدوب اول بیابان
 یجمده انلردن بر احد خلاص میسر اولدی او چنجی
 کون که وقت معهود و یوم موعود ایدی ملک
 پوزینکن کافه خدم و عامه حشم ایله اول جزیره یه
 کلوب داری اغیاردن عاری و دیاری اول غدارلردن
 خالی یولدیله

بیت

بگذشت شام نکبت و صبح ظفر رسید
 کم شد خزان رنج و بهار طرب رسید
 نثر

بومثلی کتوردم تاملکه معلوم اوله که ارباب کینه
 اخذ انتقام ایچون ماله و جانہ قالمزل و عمر کی رضای
 احباب ایچون وزن و حسابہ المزلین قضیہ کارشناسی
 بومقوله حیلہ دن اولق اکلرین وقصہ مزبورہ نک
 مصداق و ماصدق خیال ایلرین بوندن سابق
 زاغلم احوالن اشمشدم و اندازہ فراست و کیاست
 و مقدار حیلہ و خدعه لرین آزمایش ایتشم چون
 کارشناسی بووضع اوزره کوردم عین الیقین بیلدیمکه
 انلر لرای و رویتلری صوابه مقرون و عقل و درایتلری
 مظنون اولور مرتبه دن افزون ایمش

✽ بیت ✽

می شنیدم که راحت بجائہ

چو بدیدم هزار چندیانی

✽ نثر ✽

صواب بودر که اول بزه فرصت بولم دین بزفرستی
 غنیمت بیلہ وزویشتر انتقام ایله بزدن قصد ایتدیم
 بزتیغ خون آشامله آنک قتلہ قصد ایدہ وزملاک
 بومان چون بو فصولی استماع ایتدی یوزین درهم
 ووزیر مزبورہ ورہم ایدوب ایتدی بوندن زیاده

سخت و لاق و بی رحلق اولور می که برفقیه که بزه هواد را
اولدینگی سبیدن مظهر انواع اذ او آزار اوله بزانک
مقام عقوبت و هلاکنده اوله وز و محنت زده یهینه
نار محنت و زحمت سیدیهینه بار مشقت روا کوره وز
مکر بویتک مفهومی سکا معلوم دکدر که دیمش لر در

✽ بیت ✽

خاطر محنت دکان شاد کن

و رن شب محنت زدی یاد کن

✽ بیت ✽

محنت و غم دلمرینی یاد قیل

اهل محبت خاطرینی شاد قیل

✽ نثر ✽

پس بیوردی تا اول زانگی اکرام و احترام ایله کوتور ب
خدمت کتور دیلر وزیر ایدی ای ملک چون بنم
کلامه التفات کو سترمدک و بنم نصیحتم جهتنه که عین
حکمت و محض مصلحت ایدی روی قبول دوندرمدک
باری انکله دشمنلر کی رند کانی ایله و هیچ بر زمان
آنک مکر و خداعتدن امین اوله که بی شبهه
سنگ در کا هکه پناه ایتد یکندن غرضی بونلرک

قسادکاری و کسادبازاری و ز اغلرک فراغ بانی و صلاح
 خال و مالیدن غیرى نسنه دکلدر ملک بونصیحتک
 استماعندن امتناع ایدوب اولوزیر بینظیر و صاحب
 تدبیرک رآی اصابت پذیرنه التفات و اعتبار ایلدی
 ز اغ دخی آنک خدمتده اقدام و اهتمام اوزره کلوب
 رسوم خدمت و آداب ملار متندن هیچ دقیقه مهمل
 و نامرعی قومدی و خواص و تدمای ملک هر برنی
 یر نوع خدمت ایله کندیه متعلق و مرتبط قیلدی
 لاجرم کوندن کونه رتبت و حرمتی مرتفع اولدی
 و شاه و سپاهک قلوبنه دخول ایدوب عروفته تمام
 یول بولدی تابر مرتبه یه وارد یکه محل اعتمادی
 و محرم اسراری اولدی چون ملک پومان آنک اخلاص
 و اختصاصن روز افزون و صدق و استقامتن حددن
 بیرون کوردی مشارالیه مملکت و مدار علیه سلطنت
 قیلوب سوانح امورده انکاء مشاورت ایدر ایدی
 و مصالح جهورد، آنک تدبیری ایله مباشرت ایلر ایدی
 برکون بر محفل عام و مجمع خواص و عوامده ایتدی
 چون ملک زاغان بنی بی سبب آزرده قیلدی و بکا بجرم
 عقوبت روا کوردی سینه می آنک کینه سندن بر طرف

وسینه سن سهام انتقامه هدف قیامی بجه و شر بت غدرله
 نشانی صدر حاصل قیلوب اکامیدان اخذ انتقامده
 دستبرد تمام کو ستر میجه نیجه قرار و ارام بولم و کلزار
 جهاند، نه و جهله خرام قیلم بومأمولک حصوانده چوق
 تأمل ایتدم و نیجه زمان تفکر بجر نه تو غل ایتدم آخر
 الامر عین یقین ایله کوردم و ذهن دور بین ایله بیلدمکه
 تابن زاغ صورتنده اولوب اول سیاهر و لک هیئتندن
 چبقیم بومراد حاصل اولق و کشتی غرض ساحل
 و صوله واصل اولق ممتعدرا اما بن علمادان اشتهدمکه
 چون بر مظلوم مستنده بر ستمکار غداردن جفا ابره
 و بر ظالم جفا کاردن بر فقیر دردمنده محنت کوره قدنی
 کان ایدوب تیردعایی جانب آسمانه روان قیلسه
 و نارازکسار ایله یانسه و شعله اضطرار ایله
 یا قلسه

❀ بیت ❀

چکوب همت کمان صادقانه

دعا اوقن روان ایتسه نشانه

❀ نثر ❀

اول حالتده هر تیردعا که شست اخلاصدن کشاد

(بوله)

بوله بر مقتضای (امن یجیب المضطر اذا دعا) جناب
حق در جل و علا قرین هدف اجابت اوله

❀ بدت ❀

حق قبول ایلیه نداسن انک

مستجاب ایلیه دعاسن انک

❀ نثر ❀

رأی ملک آرای ملک صواب کورر سه بیورسون
تا بنم خرمن بدنه آتش اورسونلر شاید اول لحظه که
حرارت آتش جسمه واصل اولوب قبول دعا مرتبه سی
حاصل اوله جناب عزتدن عزت اسماءه تضرع ایدوب
دیلم که بوزاغ صورتی بدن محو ایدوب معدوم ایده
وسرک هیئتکز خلعتن ارزانی بیوروب بنی بوم ایده
تابو وسیله ایله اول مکافاتیه اقتدار بولم وانتقامی
انلردن آلوب تسلیء دل و تشفیء صدر حاصل قلم
بوجمهده اول وزیر که کارشناشک قتلی باینده مبالغه
ایتمش ایدی حاضر ایدی ابتدی

❀ بدت ❀

کرچور کس نیستی شوخ و چولاله تیره دل

پس دوروی وده زبان همچون کل و سوسن مباش

❀ نثر ❀

ملك وز يردايتدى بوسوزنه ديرسن و بوسؤاله نه جواب
و يررسن وز يرايتدى بودخى فن شـعبده دن برزنك
وزنك زرقله آمبخنه برنبرنسكدر

❀ بيت ❀

سرپاي اوجله ربوست وزنك
وزافسون اوزيركان كشته دنك

❀ نثر ❀

اكر انك شخص خسيس وجهه جبهيشين كراتله ياقوب
كل قيله لر و خاكسترين چشمه آب حبان وانهارجنان
ايله قالب كل قيله لر طينت شوم و سـيرت مذمومى
قرار اصلندن متغير اولق محال و خبت نيت ولوث
عقيدتى سيول انهار و مياه بحار ايله طاهر اولق وهم
محض و محض خيالدر

❀ بيت ❀

اكر بيضه زاغ ظلمت سرشت
نهى زير طاووس باغ بهشت
بهنگام ان بيضه پروردنش
زانجير جنت دهى ارزنش

بران بیضه کردم زند جبرئیل
دهی آبش از چشمه سلسبیل
شود عاقبت بیضه زاغ زاغ
کشند رنج بهوده طاووس باغ

❖ نثر ❖

شکل بوم دکل اگر بفرض محال انک ذات خبیثه
هما صورتی طاری اولسه یافی المثل عنصر خسیسی
سمیرغ لباسن کیوب اول پلاس سیاهدن عاری اولسه
هنوز صمیم دلدن بنی نوعنه مائل اولوب عداوت
اصلی صداقت عارضی به حائل اولسه کرک اول موش
کبی که باوجود صورت انسانیه ده متمثل ایدی
ایدی ینه کنندی اصلنه میل ایدوب آفتاب نورپاش
وسحاب فیض بخشله وبادر احتیبار وکوه پروقار ایله
موانست قیلدی ملک استفسار ایتدی که نیجه
اولمشدر اول

❖ حکایت ❖

وزیر ایتدی روایت ایدرلر که برزاهد مستجاب الدعوه
برجوبار کنارنده تفاعد اختیار ایتمش و آب قناعت
ایله دنس تعلقات دنیادن الن یومش آرتمش ایدی
اتفاق برکون برزغن پرواز ایدر کن اول مقام

مقابله سنه بشدی مکر بر سرور اخدن بر موش بچہ بی
 شکارا بمش ای دی حکمت الهی منقارندن خلاص اولوب
 زاهدک او کنه دوشدی زاهدانی کور یجک رقت
 و شفقتی غالب اولوب الی خرقة سنه صار دی بونیت
 ایله که خانه سنه اله کیده و مریدلرندن بر یسنه سپارش
 قیله تانی فرزند **کبی** تربیت ایده ناکا، خاطرنه
 بو خاطره خطور ایتدی که بو بر زیانکار جانور در اهل
 خانه بوندن متضرر اولق مقرر در پس دعا ایتدی که
 ایزد تعالی انی برد حتر ایده تیر دعای زاهد هدف
 اجابته یتشوب مشاطه تقدیرانی برد ختر صورتند
 تصویری ایتدی سر و قامت زیباهیت روشن روی
 و اشفته موی بروجھله که انوار آفتاب رخساری
 خرمن ماهه آتش غیرت براغوردی و دود رشک
 زلف مشکبازی دل شب سیاهدن آسمانه اغردی

❦ مشنوی ❦

خلق اولادن جهان ایچنده جمال
 کلدی کلیسر اکا مثال
 خلق اولادن نکار خانه خاک
 کلدی نقشی کبی صورت پاک

نثر

زاهد نكا، ايتدی بر صورت كوردیكه لطف محضدن
آفریده و بر طفل كوردیكه محض لطف ايله پروریده انی
مريدلرندن بر یسنه سپارش ایتدیكه تا فرزند صلبی
كی پرورش اید، مرید اشارت پیری جاننه منت یلوب
تعهد حال دخترده سعی بلیغ ایتدی و از زمانده دختر حد
بلوغه یتدی زاهد ایتدی ای جان عزیز بلكه جاندن لذت
شمشاد قدك دراز و سر و قامتك سرافراز اولدی پستانلرك
حقه ائاره و ساعد و بازو ك شاخ چناره دوندی
من بعد سنك كوهر پاكك بر شوهر ايله سلاک
ازدواجه منخرط اولق لازمدرین بواهری سنك رضاكه
تقویض ایتدم سن بو باده نه دیرسن و افراد آدمی
و پریدن بلكه ذوات علوی و کائنات سفلیدن کیمی
اختیار ایدرسن

بیت

نه یرده کیم اوله بر سر و آزاد
قد كه بنده در ای شاخ شمشاد
قوازاده لر عشقیكه بنده
بویك او كنده طوبی سر فكنده

❖ نثر ❖

دختر ابتدی بن شوهر دلر مکه قدرت قاهره سی
 وقوت ظاهره سی اوله و غلو و عظمتده درجه
 بلند و مرتبه ارجند ایله اختصاص بوله زاهد ابتدی
 بو اوصافی ایله موصوف کیا پدر اما غالب امر ادک
 افتابدر دختر ابتدی بی واقعا اول شوائب نقصدن
 عاری و زیر فلکده اولنلره فرمانی جاریدر اول بنمزوج
 اولغه سزادر و بنی اکا عقد ایلسک روادر

❖ مثنوی ❖

دکر روز چون خسرو خاوری
 برآمد برین طاق نیلوفری
 زمانه درور و شنی باز کرد
 جهها نیازی دیگر آغاز کرد

❖ نثر ❖

(ع) علی الصبحاح بفرمان فالق الاصبحاح * آفتاب
 عالمتاب تنق افقدن طلوع ایندی زاهد صورت حالی
 انکله در میان ایدوب ابتدی ای نیراکبر بود دختر سعد
 اختر بغایت خوب صورت و محبوب سیرت ملک منظر
 پری پیکر دلبر دُر

❖ مثنوی ❖

مه نایبده برج شرفدر
ضفاده صانه سن در صند فدر
قرا برمش دکلدر پایه سینه
کونش دوشمش دکلدر سایه سینه

❖ نثر ❖

حالیا (بحکم) من تزوج فقدا حصن نصف دینه * اغوای
هوای نفس کراهدن حصار استوار نکاحه پناه ایتمک
دیلمر اماندن شوهر توانا و زوج عظیم الشان تننا یلر
بوسبیدن انی خد متکه مناسب کوروب دیلمر مکه عقد
نکا حکه مر تبطو و عقد ازدواجکه منخرط اوله افتاب چون
قصه یی استماع ایتدی بچلتدن گاه صراردی و گاه قزردی
آخر بووجهله جواب و بردیکه ای زاهد سکا بندن توانادن
خبر و یرین و اول ابردر که گوشهء سایبان رفعتی
خرکا آسمانه برابر در ذیل ظلیله چهرهء انوارمی
مستور و اهل عالمی تماشای دیدار مدن محبوب و مهجور
ایدر

❖ بیت ❖

آفتابی بدن بلند برا

ذره ابرنا بدید کنند

﴿نثر﴾

زاهدان به متوجه اولوب فصل سابق الذکری تقریر
ایتدی ابر حیا سندن غرق عرق اولوب ایتدی اگر
بنی اختیاره باعث قوت و غالبیت ایسه بادی سندن
بومعنایه الیقدر که هرجه سندن بکا غالب مطلقدر
عنایم آنک انده دوهر جانبه که دیلسه چکر کی در
واختیارم قبضه تصرفد در هر طرفه که استسه
زنجیر تسخیر الیه بدر زاهد بونکته بی مسلم طو توب جانب
باده متوجه اولدی جمال دختر و قصه شوهری تفصیل
سابق اوزره بادیاد قیلدی بادیو خبردن متغیر اولوب
ایتدی بنم نه قدر قدرت و قوتم اوله دیر سن قوت
علی الاطلاق کوهده ثابتدر که پای تمکینی دامن وقاره
چکوب او تور مشدر و قطب آسا کندی مرکزنده
استوار و برقرار طور مشدر بنم قوتم انده اول قدر
تأثیر ایدر که کوش اصمده صدای صور و صفحه صخره
صماده ضرب پای مور

﴿بیت﴾

بادا کرا برر ایجنبداند

چون بکوهی رسد فر وماند

نثر

زاهد چون بوحالک دفترین و جمال باکمال دخترین
کوهه تعریف و توصیف ایتدی کوه صدای بلند ایلله
ایتدی ای زاهد خرقه بوش قدرته و قوته موش
بندن زیاده در که اطراقی دندان خاراش کافیه قزار
ودرونده درلو درلو خانه لر و آشیانه لر دوزر سینه م
انک نیش دلر یثندن غلییره و جسم انک زخم بی رحمتدن
کفگیره دونمدر دختر چون کوهدن بو کلامی ایشدی
عرق جبلیمی حرکته کلوب ایتدی صدقت و بالحق
نطقت راست سویلرسن که موش اکا غالب مطلقدر
و بنله ازدواج و امتزاجه جله دن اول الیقدر زاهد
دخی قبول ایدوب صورت حالی بر موشه عرض ایلدی
موش بحسب جنسیت که علت ضمدر و دختر خلقت
اصلی سببیه اکا منضمدر قایبده میل تمام و شغف
مالا کلام بولوب ایتدی بندخی مدت مدیده در که
بر دلارامه ارزومندمکه انیس روز کارم و جلیس
غمکسارم اوله اما زوجین مایبندده کفایت لازم اولدیغی
اجلادن بنم جتتم واجبدر که بنم جنسمدن اوله دختر
ایتدی بوا مر آساندر زاهد دعا قیلسونکه بن موش

اولم و سنی دست عشرتله در اغوش قیلم زاهد کوردیکه
 جانینیدن رغبت کامل و هریری اخره جان و دلدن
 مائلدرال قالدیروب و باری تعالیدن ینه انک موش
 اولسن استماعا ایتدی فی الحال دعای زهد عن اجابته
 مقرون اولوب (کل شیء یرجع الی اصله) حکمتی ظهوره
 کلوب دختردن خلعت صورت انسانیه منخلع اولوب
 موش صورتنده که صورت اصلیسیدر جلوه قیلدی
 وزاهدانی اول موشه و یروب فارغ اولدی

❖ بیت ❖

جان من هر چیز را با اصل خود باشد رجوع
 ما چو از خاکیم اخر خاک می باید شدن

❖ نثر ❖

بومثلدن معلوم اولور که مقتضای طینت و لوازم جبلت
 هر چند که بعض عوارض سببیه اولیکی حالندن
 تحول ایتک میسر در اما عاقبة العاقبة همان حالت
 اصلیه معاودت ایتک محقق و مقرر در حکیم سخندان
 طوسی یعنی امیر الشعراء فردوسی بومعنایی سلاک نظمده
 چکوب بو عبارات رنگین واستعارات شیرین ایله
 ادا ایتشدر

مثنوی

درختی که تلخست اورا سرشت
 کرش درنشانی بباغ بهشت
 ورازجوی خلدش بهنگام آب
 بیخ انگیز ریزی و شیراب
 سرانجام کوهر بکار آورد
 همان میوه تلخ بار آورد
 نثر

ملك بوم طالع نحس و بخت شومی مقتضای اوزره
 بونصایحی استماعدن امتناع ایتدی ووزیرك كلام
 اصابت انجامنی حسده حل ایدوب جوانب عواقب
 اموره نظر ایتدی زاغ انلره هر کون بر حکایت
 دایذروهر کجه برافسانه بینظیر تقریر ایدرایدی
 وکلک تعبیرایله صفحه ضمیر لینه نکات غریبه و حکایات
 عجیبه تحریر و تصویر ایدرایدی تابوسیده محرم خاص اولدی
 و محرمیت اسرارایله اختصاص بولدی وناکا فرصت
 بولوب قاچوب ملك زاغان قتله کلدی ملك انی سلامته
 کور بچك نشاط بال ولسان حالله بومقاله آغاز ایتدی
 بیت

ای دوستان بکام دل اکنون توان رسید
کارام جان و راحت روح روان رسید

✽ نثر ✽

پس فیروز صورتیکه اول مهمی نیجه ایتدک کارشناس
ایتدی ملک دولتشده لطف و حیلله ایله انلرک مغزینه
کیردم و مظلومه واصل اولوب مقصودمه ایردم همان
اماده اولک که تیغ انتقامی نیامندن چکه جـک زمان
ودشمنی دوستلرمم ارنجه کورجک اواندر ملک ایتدی
کیفیت حالی بجملاتقریر و صورت مهمدن برشمه تصویر
ایله تا حقیقت واقعیه فی الجمله واقف اولوب اسباب
جدال و قتالدن مناسب حال هر نه ایسه مهیا قیلنه
کارشناس ایتدی ای ملک فلان کوهده برغار واردر که
ایل ونهار بو ملرانده قرار ایدر لر اول نواحیده هیزم خشک
غیر متناهی در بونی فکر ایتد مکـه ملک بیوره تا وقت
ظهورده که انوار آفتاب خاوریدن اول تبیره دلرک
بصیرتلی کی با صراری خیره اولوب اول غارتاریک
وتارده متواری اوله لر هر زاغ چنکال و منقار یله هیزم
مذکوردن مقدوری مقداری کوتوره در غار مزبوره
کوره بندخی وارم اول نواحیده اولان شبانلردن

برپاره آتش کتوروب مجتمع اولان هیزمه اورم و ملاک
فرمان ایدوب تازاغلر پرلرین تحریک ایدوب آتش
مشتعل اوله لاجرم هر بومکه اول غاردن چیقہ پروانه
وار سوخته شعله بوار اوله چیقہ میوب ایچنده قالنردود
آتش دمار ایلہ بوغبلہ ملکہ بوتدیر معقول بغایت
مقبول کلوب فی الحال تهیئہ اسباب حط و تر حالہ
اشتغال قیلدیلر و ترتیب مزبور اوزره بومہمی اتمامہ
یتوروب تمام بوملر بوتدیر ایلہ هلاک و معدوم اولدیلر
وزاغلر فتوح موفور و غنائیم نامحصور ایلہ شاد
و مسرور و مظفر و منصور ما والربنه رجوع ایتدیلر
ونعرة شادی بی عیہ و قہ یتوروب دهان تهنیت
وزبان شکر و محمدتله ایتدیلر

﴿قطعه﴾

آخر مراد ملاک روا کرد روزگار
اقبال رابو عده وفا کرد روزگار
هر شادی که فتنه زما فوت کرده بود
انرا بیک لطیفه قضا کرد روزگار

﴿نثر﴾

شاه و سپاه کار شناسک مساعی جیبده و خدمات

پسندید سنه سپاسدار اولوب آنک اکرام واحترامی
 باینده مبالغه بی حددن پکور دیلر و آنک مدح و ثنا سنده
 غلو و اطرابی مرتبهء افراطه بتور دیلر اول دخی
 ملکه خیر دعا یدوب سائر ارکان واعیانک دخی
 حاله سزا ستایش و ثنا ایتدی بواشاده ملک ایتدی
 اعدایی محذول و مقهور و اجبابی مسرور و منصور
 قیلقد سنک حسن رأیک و تدبیر عالم آرایک عجب نتیجه
 و یردی کار شناس ایتدی بو ظفر لر که میسر اولدی
 ملک فردواتی و پادشاهک بخت سعادت منقبتی
 مقدماتی نتیجه سیدر بن بو ظفر اثرین همان اول کون
 معاینه قیلد مکه اول مدبر بزی قلع و تدبیره قصد تدبیر
 ایتدیلر و بزم ملک مورث و ولایت قدیمزی پنجه
 تغلبه تسخیره اتفاق ایدوب ال بیر ایتدیلر

❀ بیت ❀

آن تیره رو که کرد بملک تو چشم سرخ
 تازر دروی کشت و جهان شد برو سیاه

❀ نثر ❀

ملک بردخی صور دیکه بو ملر ایله مصاحبت عذابنه
 پنجه صبر ایده بیلدک و اول شو ملر ایله مابینکرده کال

مباینت و ارایکن نفس که انزل اله الفت و موافسته نیجه
جبرایده پیلدک متقندر که اختیار اشرار ایله موافست
ایتمک غایت متعسر و ازار فجارله مجاورت و مجالستدن
بالطبع متفرد در دیمشردر که مارزهر ناکله مخالطت صد
بار یار بد کرد ارله مصاحبیدن اولیدر

بیت

اگر در تلخی هجران بزخم غم توان مردن
ازان بهتر که بایکانه شهد و شکر خوردن

نثر

کار شناس ایتدی ملک پیوردیغی کبیر واقعا
مصاحبت دیوودد مجالست همنشین بددن هزار بار
اولیدر و نفسه ناجنس ایله انسدن مکروه و منفور نسته
یوقدر (ع) دیدار یار نامتناسب جهنمست * اما
عاقل و کامل اولدر که مخدومی رضاسنی نفسی
مقتضاسی اوزره تقدیم ایدوب صاحب دولتشک ادای
حقوق نعمتی باینده هر محنت که لازم کله صفای خاطر
ایلّه تقبل و نشاط و افرایله تلقی و تحمل قیله صاحب
همت مقام محنتده کنیدیسن کرداب اضطراب و ورطه
حیرته آتمز زیر اهرامرک که عواقب قح و نصرت

و نهج و فرصه مقرون اوله هر چند که مبادی سنده
درد و محنت ورنج و زحمتی متضمن اوله چندان اثر و اول
قدر ضرر را بتمیز که هیچ برکنج بیرنج اله کیرمز و برکنه نك
الی بی آزار خار کل مراده ابرمز

﴿ بیت ﴾

دیلسک کاچه وصل یار کلزار
گر کدر کیم چکه سن زنج خار
کرك ز بیل تحمل عندلیبه
که برقاج کون ابره وصل حبیه

﴿ بیت ﴾

مکن ز غصه شکایت که در طریق طلب
براختی ز رسید انکه ز ختی نکشید

﴿ نثر ﴾

ملك ابتدی بوملك کباست و دانشا برین نیجه فراست
ایتدك کار شناس ایتدی انلرك میاننده اهل تدبیر
کور مردم اول وزیردن غیرى که بنم قتلہ اشارت قبلدی
وانلر انك رأینی ضعیف و نحیف عدایدوب نصایح
سمع قبول ابله اصفا ایتدی لرو بو قدر ادرارک ایده مدیلر که
بن انلرك میاننده غریب ایدم و قوم قتله رفعت

درجه و شرف منزلتم و ارایدی و عقل و فکر له و صوف
و معروف و رأی و تدبیر ایله مشهور و منذ کور ایدم
مبادا انلرک باینده مکر تخمین اکیدم و غدره فرصت
بولوب انلری دام انتقامه چکیدم نه کندی عقلار یله
بو قدر تیره قادر اولدیلر و نه ناصح لرک کلامی وزن
و حساب الدیله و نه اسرار سلطنتی که اسراری واجب
ایدی بدن مخفی طوتدیله لاجرم گرفتار دام بوار اولوب
بیزه ایتد کلری جور و ظلمک مکافاتن بولد یلر
(دیشلردر که ملو که اخفای اسرارده احتیاط واجبدر
خاصه دوست خابدن و دشمن خائفدن)

قطعہ

دوستی کز تونا امید بود
محرم خود مسازدر همه حال
باعد و نیز کز توتر سا نیست
نیست اظهار سرخویش حلال

نثر

ملک ایتدی بن شویله کان ایدر مکّه موجب هلاک
بومان همان دعای سحر کا، مظلوم اندروز بر ایتدی
بلی اوله در

بیت

اول جراحت که سحر که آه مظلوم ایلیه
صانه که هرگز آنی بر تیر مستحوم ایلیه

نثر

هر پادشاه که ابواب جور و بیدادی قمع بساط
ظلم و ستمی بسط ایلیه عنقریب اساس دولتی منهدم
و اسباب سلطنتی منعدم اوله که ثبات سلطنت کفر له
ممکن و ظلمه مستعذر (الملك یبقی مع الکفر ولا یبقی مع الظلم)

بیت

ملك سلطان کرچه کافر اولسه اولور پایدار
ایک جور و ظلمه اولز ممسالت برقرار

مثنوی

رها کن ستم را بیکباری
که کم عمری آرد ستمکاری
شه نشاه چون رأ برابد کند
بقین دان که بددر حق خود کند

نثر

دیشلر در که هر کسنه که درت نسنه به مرتکب
اوله لازمدر که درت نسنه به مترقب اوله هر کسه که

ظالم اوله عنقریب هلاکنه جازم اواق کرک و کیمکه
 صحبت زنانه حرص اوله فضیحتی مقرریتلک کرک
 اول کسه که اکل طعامده شیره تمامی اوله برمرض
 هائله متغیر اولق کرک و هر پادشاه که وزیرای رکیک
 رای و بخورده اعتماد ایده ملکندن قطع امیدایتک کرک
 زیرسالفهده مزبور و کتب فلاسفهده مسطوردر که
 الی کسته به الی نسنه دن قطع طمع لازمدر و آنک
 حصولندن مایوس اولق و اجبدر اول پادشاه ستمکار
 ثبات سلطنتدن ایکنجی متکبر و متهور ستایش
 و مدحندن اوچنجه خلق بدخلق کثرت احبادن
 دردنجی کستاخ و بی ادب مرتبه عظمتدن بشنجه
 بخیل و بیروت احسان و انسانیتدن التنجی حرص خسبیس
 صیانت و دیانتدن زیرا که حرص حرصی حرامه اقدام
 ابتدیرر و هر بیرده که حرص و آرزیمه اقامت قوره امانت
 و دیانت اول منزلدن رخت اقامتی کوتور چون ملک
 بومانک دخی زاغیرک استیصال و استیلاسی باینده حرص
 و شرهی حدن بیرون ایدی لاجرم دائرة امن و اماندن
 بادیه هوان و حرمانده حیران و سرگردان اولیدی
 و غیر یلراچون حفرایتدیکی چاهه اخر کندی دوشوب

(من حقربئر الاخيه وقع فيه) نکتہ سی انک حقندہ واقع
وعیان اولدی

❖ بیت ❖

قرداشنه قیو قزر سه کشی
قیویه دوشمک اولور انک ایتی
❖ قطعه ❖

میندیش در حق مردم بدی
که آری بلا بر سر خویشتن
نه بدنی که رنج فراوان کشد
که چاهی کند بهر من چاه کن
باخر که چه رایسایان برد
وی اندرک چاه افتد نه من
❖ نثر ❖

ملک ایتدی بو خدمتک کاینبغی حقن کیم ادا قیلور و نو نعمتک
عهده شکرندن کیم کلور که بر طائفه ناخائفه به که
صحبترندن ایا و نفرت بزه لازمه ذات و مقتضای طبیعتدر
طوع رغبت ایله خدمتی تقبل و مخذومکک حق نعمتن
ادا و احبایولنده جان و باشک فدا ایدوب اعدانک بار محنت
و بلا و نار مشقت و عناسنه تحمل ایتدک اگر نعوذ بالله

اؤن وزیر ناصحك كلامنى سمع رضايله اصغاييدى
جسمكه عذاب اليم وجانكه خطر عظيم مقرر ايدى
كارشناس ايتدى اى ملك اكر چه كه صورته آدمى
بسياردر اما معناده آدم ديمكه اول سزاواردر كه
چون عنان رضاك بر امرك تنفيذ وامضاسى جانبنه
معطوف قبله اولاجان عزيرتدن ال يويه و ترك
سرى تاج و افسرايد يئوب مر دانه ميدانه قدم قويه
❖ ييت ❖

از سر گذشته اند بميدان نهاده پاى
صاحب دلان كه كوى ارادت ر بوده اند
❖ نثر ❖

شويله كه صلاح حال و مقتضاي مقام كنديدن دونك
امر ينه امثال و خدمته قيام اراده توقف چك ميوب
في الحال تحصيلنه اشتغال و اتمامه اهتمام قيله
تا عروس مرادى على احسن الوجود تنق حصول
و وصولدن جلو به كاهنه كه اول مار كنديدنك صلاح
كارى ايچون طريق حيله يه سلوك اختيار ايدوب
ناچار خدمت غو كه رضا كوسه تردى ملك استفسار
ايتديكه نيجه اولمش در اول

❖ حکایت ❖

وزیر ایتدی روایت ایدر لر که بر مار کبر سندن نحیف
وزار اولوب ضعف قوت و قوت ضعف سندن شکار دن
قالدی و کسب قوت لایموت ایچون حوت کبی تفکر
و تحیر بحر نه طالیدی چون بی قوت زندگانی محال
و ضعف و حرفدن بی طاقت و بیمجال ایدی ایام
گذشته یه تلخ و تأسف طریقله کندی یه ایتدی
ای دریغ اول ایام جوانی و احیف اول کامرانلق
زمانی

❖ بیت ❖

آه کیم بنیاد عیش و عشرتم اولدی خراب
کندی طاقت قالمدی بر ذره اندامده تاب

❖ نثر ❖

حالات توقع مراجعت ایام شباب و امید عمارت بنیه
حراب و طمع معاودت قوای نفسانی و ارزوی
مساعدت اعضای جسمانی همان آبدن آتش و اتشدن
تسکین حرارت و عطش تنها ایتمکدر بونک برله کاشکی
پیرلک مدتی دخی مدید و عهد عیب شیکده نهایی
بعید اولیدی

❖ بیت ❖

رفت دوران جوانی نو بت پیری رسید
ای دریغا صحبت یاران و ایام شباب
وقت پیری هم غنیمت دان که از عمر عزیز
هر دمی کان بگذرد دیگر نه بینی جز بخواب
❖ نثر ❖

مارچون کوردیکه تدارك احوال ماضی محال در تدبیر
حال استقباله که مهم و ضرور یدر اشتغال ابتدی
و ابتدی اگر چه بوروز کارده حرمن شبابی صاوردم
اما بحمد الله که تبحر به حاصلن کتورددم و بو عمر درازده
براز حزم و تدبیر سر رشته سن اله کتورددم حالا اساس
کاری کم از ارساق اوزره بنالیدوب هر مذلت که
یوز کوسره نعمت و دولت بیلک کرک و هزار منت ایله
آنک شروعنه رغبت ایتک کرک تا اول امر که بقیه
عمرده موجب قوام معیشت اولمغه قابل اوله بو وسیله ایله
حاصل اوله پس بر چشمه کنار نه واردیکه غو کار آنده
بحد و بشمار ایدی و بر ملک کامکار و بر امیر نامدار لری
وار ایدی غو کارک بو کثرت و وفرتن کور یجک مارک
کو کلی صو کی انلره میل ایتدی اخر کار بو نلردن


بعضك شكارنه صار قدى ومانزد لر كې سينه سنى چاك
و مصيبت رسيد لر كې اندوهناك خاك راه اوزره كنديسن
براقدى اتفاق رغوك بونى بو حالته كوردى سر وقتنه
كلوب حالن صوردى وايتدى اى مار سنى بغايت ملول
و غمخوار كورورم موجي ندر مارايتدى اى يار
غمخوار لغه بدن سز اوار عالمده كيم وار كه ماده
حياتم بنم شكار غو كه منحصر ابدى حاليا برواقعه به
او غرامكه انلرك صيدى بكا حلال ايكن حرام اولدى
حال بوموال اوزره اوليق اى غوك بن نيجه غمناك
اوليم كه بنم امرم تمام اولدى بونى ديدى وزارله
اغلديكه تمام غوكلك آتش فرقته درون طاعلدى
پس اول غوك واروب ملكه خبر ايتدى ملك غوكان
بوصورت عجبى زياده تعجب ايدوب اسقسار حال ايچون
مارقته كلوب ايتدى اى مارنه سبب ايله سن بودام
بلايه كرفتار اولدك مارايتدى

✽ بيت ✽

من اين آجگر سوزا زدل پيمان شكن دارم
چرا از ديكرى نالم كدرد از خوشتن دارم

✽ نثر ✽

ای ملک حرص شوم بنی بودام محتسبه گرفتار ایتدی
 وشره مذموم بنی بو کر داب بلایه وورطده عنایه ایدی
 تفصیلی بو که اتفاق بر کجه برغوی صیده قصد ایتدم
 بیجاره بندن قاچوب کندین بر زاهدک خانه سنه ایدی
 بندخی طمع بلاسندن عقبه دوشوب زاهدک خانه سنه
 کیردم قضای الهی خانه تار یک ایدی پسر زاهد
 خوابده ایکن آباغتنک باش پر مغنی غوک صانوب غایت
 شرمه من محکم طوقوب اصردم هماندم پسرک
 اثر زهردن چهره سی زرد الوب درد زخم دندا نمدن
 طور دیغی رده مرد اولدی زاهد قضیه دن خبر دار
 اولوب سوز فراق فرزند دلیندنن بکا قصد ایلدی
 بن صحرا یولن طوقوب قاچدم وسرعت واستعجالدن
 پروبالم آچدم زاهد عقبه دوشوب هر چند که بکا تمکه
 قصد ایلدی یتدی آخر کار بکا دعا ایلدی ایتدی که
 اول قادر پروردگار دن دیلم که سنی خواروبی اعتبار
 ایلیم و مر کب ملک غوکان ایدوب صید غو که الک
 ارمیه تاملک سکا صدقه رسمنده برشی ویرمیه حالیا
 ضرورت اقتضا ایدوب وقضای رب العباده رضا
 ووروب کلدیم تاملک بکاسوار اوله واقرائی میاننده

بوشرف و اعتبار ایله امتیاز و اشتها بوله (ع) کردن
 نهاده ایم جفای زمانه را  بوتیر تزویر ملک غوکانک
 قابنده تمام تأثیر ایدوب بوباید کنه دویه زیاده
 شرف و اقتضار و مرتبه و اعتبار تصور ایتدی
 پس دائماً ماره سوارا و اوب اطراف چشمه ساری
 کردی و انکله مباحات و اقتضار ایدوب انسانی
 جنسی اوزرینه انکله رفعت و تفوق اظهار ایدردی
 چون بو حال اوزره بر زمان یکدی مارا ایتدی ملک
 عمری دراز و نهال دولتی سرافراز اولسون مقرر در که
 بدن بدل مایخیله محتاج در و طعمه و لقمه احتیاج
 مقتضای مزاج در معلوم شریفدر که مرکب روح
 کثرت رکوبدن بی مجال و بی غذا بو خدمتی ادا خیال
 محالدر ملک ایتدی بلی راست سویلرسن بن مرکب
 اولوق متعسر و مرکبه بی قوت قوت متعذر در پس
 هر کون انکچون ایکی غولک وظیفه تعیین ایتدی که
 طعام چاشت و شامی انکله انتظام بوله مار بو وظیفه
 ایله روزگار یکوردی چون اول مسکنتده منفعت
 بشمار وار ایدی اندن عارایتمیوب عاقبت کار مرادنه
 ایدردی (رباعی)

﴿ رباعی ﴾

دستی که ز دیدنش تراننک آید
 در وقت ضرورت بوسه دادن شاید
 هر کار که عارست و ملال افزاید
 در حالت احتیاج بد نماید

﴿ نثر ﴾

بومثلی اول اجلدن کتوردمکه هر چند که بن زمین
 دلد، صبر تخمین ا کدم و بو طریقه مذلت و مشقت
 بارین چکدم چون آنک ضمنده هلاک دشمن مقرر و صلاح
 دوست مقصود ایدی طبعمه چندان کراحت یتشویب
 زیاده متألّم اولدم بودخی محقق و مقرر در که دشمن
 بدسکالک استیصالنده معادات و مخصوصتدن مدارات
 و ملائمت کار کرد رسته که آتش سخت اکر بر درخته
 ایرشه جرمندن روی خاکده بولدیفی دکاو یا قراما
 بولطافت و نعو قتلّه هر درختی فرضا که اصلی ثرایه
 و فرعی سمایه یتشه ممرنده واقع اولیحق بیخ بنیادین
 یقر

﴿ نیت ﴾

تلطف کن که در کار یکه صعب است

بنز می و مدار می توان ساخت

❖ نثر ❖

بوسیدن دیشلدر که منفعت رأی و تدبیر فایده
شجاعیدن کثیر در رأی قبل شجاعة الشجعان
زیرا که مرد مبارز هر چند که شجاع و بهادر اوله
میدان مقابله ده سکن یا طقوز یا بکرمی یا اوتوز یا اللی
یا یوز شخص ایله مقابله به قادر در بوندن زیاده سی
مبالغه ایدوکی ظاهر در اما مرد صاحب تدبیر بر فکر
اصابت پذیر ایله نیچه اقلیم و ملک عظیم ضبط و تسخیر ایلر
و بر رأی صواب ایله نیچه لشکر به کرانی پریشان و نیچه کشور
آبادانی و ایران و خاکه یکسان ایدر

❖ منوی ❖

یک تدبیر نیکو آن توان کرد

که نتوان با سپاه بیکران کرد

بشمسیری توان جایی ربودن

بفکری شاید اقلیمی کشودن

❖ نثر ❖

ملك ابدی اعدایه عجب ظفر ولدك و فكر صائب
و تدبیر ثاقبه بوقوع عظیمه مظهر اولدك وزیر ابدی

بوامرک اتمامی محضا بنم رأی اصابت انجام و لطف
 تدبیر و حسن اهتمامله اولمشدر بلکه ملکک فردولت
 و بمن سعادتق بوا کرده مدد کاردر دیشلردر که چون
 رجاعت برامرک تحصیلنه عزم ایدوب بر مهممک
 طلبنه جزم ایدلر حصول مقصوده اول کمسنه فائز
 اولور که فضیلت و مروت ایله سائرندن امتیاز بوله
 واکر جمله سی صنعت مر و تده برابر اوله اول کمسنه نک
 مرادی حاصل اوله که خلوص طویت و صدق عزیمتدن
 مزیتی اوله اکر بو خصلتدن دخی متساوی اوله لر
 مطلوبه اول کمسنه واصل اوله که یار مدد کاری
 بسیار اوله بو باده دخی تفاوتلری اولسنه هر کیمه که
 اقبال و دولت مناعده و طالع و بخت معاون و معاضد
 اوله دست وصول ایله شاهد مقصودی اول در اغوش
 قیله

❖ بیت ❖

مدد بخت کرایست م نجان خود را
 که اگر روی سوی بحر کنی بر کردد

❖ نثر ❖

ملک ایتدی ای کار شناس اکر بوملر بزی اول قدر

حسابه المسهل و بزم اخذ انتقامه قدر تمزی بلسه
عجب دکلدر که بزی غایت قلیل کوروب ضعیف و ذلیل
عدا ایلش لردر کار شناس ایتدی درت نسنه نك قلیلی
که شیر عدا ایلک کرک اول آتش که محرق و مضر در شرر
ضررده قلیل و کثیری بر در ایکنجی دین که وقت
مضایقه ده داین تقاضا ایتسه بر در مله بیک دینار
برابر در او چنجی مرض که هر چند که انحراف عزاج
ضعیف اوله علاجه احتیاجی قویدر در دنجی دشمنکه
نه قدر خوار و بیقدار اولسه دانه مکر ایله خصمی
دام انتقامه چکیمکه قادر در نته که اول کنجشک
ضعیف بیکر مار قوی هیکدن بر حیلله ایله انتقامن الوب
و مرادنه ابرشدی ملک ایتدی بجه روایت اولشدر
اول

❖ حکایت ❖

وزیر ایتدی امثالده کلمشدر که ایکی کنجشک بر خانه
سقفنده آشیانه طوتمشرو اوقاتلرین فراغت ایله کچوروب
آب و دانه ایله قناعت ایتش لرایدی بر زماند نصکره
قدرت ربانی انلره بجه ارزانی بیوروب مادر و پدر
برر بر کیدر لرایدی و فرزندلرینه تحصیل قوت ایچون

قوت طلب ایدر لر ایدی بر کون مکر کنجشک ز بر طرفه
 کتمش ایدی کلیمچک کورر که مادر اضطراب تمام ایله
 اطراف اشیانده رقص اوررنفیر و صفیری عالمی طوتمش
 وزار آتش تأثیری فلک اثیره یتش ایتدی ای روح
 روان بونه حرکتدر که ایلرسن و بونه ترانه در که
 سو یلرسن و بونک سببی ندر که کنسک چالار و کنسک
 اوینار سن جواب و یردیکه

❀ بیت ❀

می خلد در سینه ام خار یکه می بارم سرشک
 درد دل سوزان غمی دارم که آهی می کشم

❀ نثر ❀

نیجه نالش اتمیم که بودم غائب اولدم ایدی کورد مکه
 بر مار مهیب و رافعی بانهب کلوب پچه لره قصد
 ایتدی هر بار یکه تضرع وزاری ایتدم

❀ بیت ❀

اگر چه غالی از دشمن ضعیف بترس
 که تسیر آه سحر بر نشانه می آید

❀ نثر ❀

کار گرا و ایوب ایتدی سنک هوا ی آهک بنم آینه دل

سیاهمهده اثر ایتک میسر دکلدر بن ایتدم بلی اما بوندن
خوف ایتز میسن که بو فرزندلرک پدر و مادری انتقام
کمرینی پر میان ایدوب قادر اولدیغمز قدر سنک هلاک که
سعی ایده و زمار قهقهه ایتدی و ایتدی

❁ بیت ❁

حریفیکه اوشیر رأی کند
زمثل تویی عاجزی کی کند

❁ نثر ❁

چون بن بواطف و عنف ایله آنک منعه قادر اولدم
و هر چند که فریاد ایتدم فریاد رس بولدم

❁ بیت ❁

فریاد بسی کردم و فریادرسی نیست
گویا که درین کنبده فیروزه کسی نیست

❁ نثر ❁

اول ظالم خونخوار جمیع بچلری یدی و آشیانه دده یاندی
او یودی کنجشک ز بو خبر مصیبت آوری استماع
ایدیچک خرمن وجودنه صاعقه آفت دوشدی
و فرزندلرینک سوز و فراقیله یاندی طوتشدی بواشاده
صاحب خانه اشعال چراغه مشغول ایدی روغن

ایله الوده فیتله یی یاقوب طوترکن کنجشک نر برحیله
ایله النیدن قاپدی کتوردی آشیانه سینه بر اقدی
صاحب خانه مبادا که آتش فیتله سقفه یتشه و ضرر
کلی لازم کله دیوبالای بامه چیقدی و اطفای آتش
ایچون آشیانه نك بالاسندن کله یقدی مارا و کندن
شررناری و اوسندن اواز کلنک آهن منقاری احساس
ایدیجک جانب بامده واقع اولان سور اخدن باشن
طشره چیقاردیغی محال سربى مغزی که برمشکل
عقده ایدی ضرب کلنک ایله حل اولدی بو مثلك فائده سی
بودر که مار کندی دشمنی خوار طو توب اعتبار ایتدیکی
سبیدن عاقبت سنك انتقامله سر یخردی خرد اولدی
و آشیانه خا کدن رخت وجودی کوتوروب زهر
هلاکله مرد اولدی

✽ بیت ✽

دشمن اگر چه خرد بود در طریق حزم
اورا برزك دان و غم کار خویش خور

✽ نثر ✽

ملاک ایتدی بومهمی احسن وجه اوزره اتمام و خصم
بداندیشدن اهل طریق ایله اخذ انتقام سنك

برکت رأی اصابت انجام و میامن سعی بلیغ و حسن
 اهتمامك ثمره سیدر هراملده كه سنك تدبیری دستور
 العمل قیلم نتیجه سی فوز و فلاح اولوب هرمر آمده كه
 سنك حسن كفايت و یمن اهتمامكه اعتماد ایدم عاقبتی
 قح و نجاح اولشدر هر پادشاه عاقلكه زمام مهمام انامی
 بروزیر كه كافی و برناصح كافلك كف كفايته تفویض
 ایلیم هر كز دست نوائب آنك دامن اقبالنه ایرمیه و بای
 حوادث آنك ساحه سعادت پیرامنه دكز نیمه و تابشیر
 ندابیر اصابت پذیر ایله خورشید دولتی همیشه
 افق سعادتدن طالع و دأعما قح و ظفر جبین حال
 و مأنده ساطع اوله كه نته كه سنك حسن رأیكدن
 و یمن تدبیر عالم اراكدن بكا واقع اولشدر

بیت

بهرچه روی نیم یا هرچه رأی كنم
 مر است دست قوی چون تو دست یار منی

نثر

یا لکز بوهنر كفايت ایتزمی كه مدت مدیده دیار اعداده
 محبوس و خلاف جنس ایله مأیوس اولوب سندن
 نه برنادره صادر اوله كه سبب تعیب و موجب تعمیر اوله ونه

بر فعل حادث اوله کد سوء ظنه باعث اولوب انلر سندن
تنفیر قیله کار شناس ایتدی ای ملک (ع) از نیر بدولت
همایون تو بود ❦ جمیع حالاتده محاسن اخلاق و مکارم
عادات ملکدن غیر ی به اقتدا ایتدم صفت حیده شاهلی
و خصال پسندیده شاهنشاهی دن نه اقتباس ایتدم سه بنای
کارمه اساس و جمیع امور مه معیار و مقیاس ایتدم بحمد الله که
ملکده عزم و حزم فکر و خزم و شکوه و شوکت و هیبت
و شجاعتله مجتمع اولوب دقایق مهمات و حقایق مبهمات
خاطر خطیره و مرآت ضمیر منیره ملتبس دکلدر و موضع
تأنی و شتاب و موقع نوازش و عتاب ذهن صواب و ابواب
جناب کامیانه مشته دکل هر روز مصالح فردا و امر و زی
رأی عالم افروز یله تدارک ایدوب و فور کیاستندن
هر امر ک فائده سندن خاتمه سنی فراست ایلر و هر گاه
کردن حالی حلیه تیقظ و انبیا هدن خالی اولوب جانب
حزم و احتیاطی رعایت و ناموس عرض سلطنتی جایب
ایلر هر کسکه بونجملین پادشاه ایله مقام خصوصتده اوله
مرک و هلاکی هزار کمند ایله کندی جاننه چکمش
اولور و نهال وجودین بوستان عده دیگوب تخم
خیاتن کشتزار فدا نه اکش اولور

✽ قطعه ✽

خضم رازمانه بعجیل میکشد
از عرصه وجود سوی خیری عدم
با چون تویی هر آنکه دم دشمنی زند
مشکل اگر امان دهدش مرگ نیم دم

✽ نثر ✽

ملاک ایتدی سـنـتـ مدت غیبتکده نه طعام و شرابده
حلاوت بولدم ونه آرام و خوابده راحت مشاهده
قیلدم حالا بحمد الله تعالی

✽ بیت ✽

آفتاب دوات اولدی اوج عزتدن بدید
کو کب اقبال خضم اولدی سعادتدن بعید

✽ نثر ✽

وزیر ایتدی هر آینه کیمکه بردشمن غدار و خضم
قهاریک دام مکر نه گرفتار اوله اندن خلاص اولینجه
ظلمتی نوردن و روشنی شب دیچوردن فرق ایتموب
آتشی آبدن و هوایی را بدن تمیز ایلز حکما بیور مشلردر که
تا بیماره کمان صحت میسر اولیه طعام و شرابدن لذت
بولمز و حال تابار کرانی ظهرندن ایندیر میدر راحت اولمز

و عاشق تادولت وصال معشوقه ارمیه قرار و آرام
 قیلن و مسافر تامنزلنده میزوی اولیه حضور و آسایش
 کورمز و مرد خائف تادشمن مستولیدن ایمن اولیه
 بر خطه حضور ایله تنفس ایتمز

❖ بیت ❖

چون زدشمن کسی فراغت یافت
 جانب خوش دلی عنان بر تافت

❖ نثر ❖

ملک ایتدی بزم ورز زنده و عزم و جز زنده انلرک پادشاهنک
 سیرت و سر برتنی نیجه کوردک وزیر ایتدی فراست
 و کیاستده غایت پست و معجب و متکبر و تنپرست کوردم
 نه اندیشه صوابدن نصیبی وارونه رأی راست و فکر
 خطا نید و کن اکثر تمام اتباع و اشیاعی دخی بو صنعت
 اوزره درالاول وزیر که بنی قتل ایتک باینده مبالغه
 قیلدی ملک ایتدی انک عقل و دانشنه دلیل و معرفت
 رأی و رویتنه سبیل ندر وزیر ایتدی اولابنی قتل اوزره
 قراری و ور رأی اوزره ثبات و اصرار یدر الحق اول
 تدبیر صائب ابدی و ملک آنک موجبله عمل ایتک واجب
 ابدی بردخی بو که حیرت قبولده واقع اولمديغن بیلور کن

مخدومه خیر نصیحتده سعی بلیغ ایتدی و باب
مناصحتده علی الخصوص ملوک لایق اولان ادابی رعایتده
هیچ دقیقه مهمل قومدی ملک ایتدی آداب مناصحت ملوک ندر
کار شناس ایتدی آداب نصیحت ملوک نظم و کلامده طریق
رفق و مدارایه سلوک و جانب خشونت و عنفدن جناب
ملایمت و لطفه مائل اولمقدرد و مخدومه ملک تجلیل
و تعظیمی باینده رعایت شرایط قدیمی تقدیم ایدوب
بیهنگام الحاح و ابراهه جرأت و اقدام ایتمک کرک و اگر آنک
قولنده یا فعلنده زلل و حلال مشاهده قیلسه انی تصریح
ایتیوب تعرضات غریب و حکایات و امثال دلفریب
ایله تنبیها ایتمکدرو شویله که البته تصریح احتیاج واقع
اوله طرز کلامی مقتضای مقام اوزره طرح ایدوب عبارات
شیرین و استعارات رنگین ایله ادا ایتمکدرا و صاف مذکوره
وزیر مرز بورک حسبجالی و کردن احوال و اقوالی حلیه
خصال مذکوره ایله حالی ایدی برکون کورد مکه
جواد کلامه میدان اقدامده بر مر تبده عنان و یردیکه
ملکه ایتدی جهاندارلک بر مر تبده رفیع و بر منزله
منیعدر که پای آرزو جد و جهد ایله اول پایه واصل
اولق میسر و مسا عدت سعادت و معا ضدت طالع

و دولتدن غیرایله بر درجده، حاصل اولق متصور
دکله در چون علی سبیل الاتفاق و صلح و بر سر وجوده
دوب بوشغله استحقاق میسر اوله آنک قدرنی بیلوب
ضبط قواعد و حفظ مر استنده مبالغه قیلوب آیین عدل
و طریق انصافی که معظم شرایط سلطنتدر کاینه
رعایت ایتک واجبد

✽ رباعی ✽

ای آنکه بملک یافتی دست رسی
دولت طلبی کم طلب آزار کسی
صد تیغ سیاست آن خرابی نکند
کازرده مخفی برارد نفسی

✽ نثر ✽

صواب بودر که ملک کامیاب معظمات اموری چشم
حقارتله منظور قیلله و سوانح مصالح جهورده بصر
بصیرتی پرده غفلت ایله مستور اولیه که ثبات سلطنت
و بقاء مملکت و درت نسنه نک وجوده منوط و مربوطدر
بری حزم کاملدر که چهره حال و مال آینه استقبالده
انکله معاینه اولور و بری عزم شاملدر که حصول امهات
مهماته وصول انکله ممکن و میسر اولور بری دخی رأی

صاحبدر که حق باطلدن و صوابی خطادن فرق ایدر
 برید، شمشیر پیروز در که برق جهان سوز کی کشتی عمر مخالفی
 سیلاب آتش غرق ایدر

✽ بیت ✽

در باغ ملک سبز نکرده نهال عدل
 کر آبخور نباشدش از چشمه سار تیغ
 ✽ نثر ✽

بو کلماتدن بر کله قالمیکه سو یلمدی اما شاه و سپاهدن
 بر فردا نك سوزنه التفات ایلدی و نصیحتن سمع قبول ایله
 را حد دکلدی تا جمله سی زیر و را اولوب خانه و آشیانه لری
 خاکه را بر اولدی نه انلر انك عقل و کیاستندن فائده
 مند اولدی ونه کنسیدنك فکر کفایتی کار کر اولوب
 شرطه تدبیر ایله اول ورطه دن خلاص بولدی
 بو صورتده سرلار ای لمن لایطاع کون کی ظاهر
 وهویدا اولدی

✽ مثنوی ✽

چه سان رأی انکس بماند صواب
 که از کفته وی کشند اجتناب
 چنین گفت دانا که تدبیر راست

قبول کسی چون بقتد خطاست

نثر

بو باید، هر قوم اولان امثال و افسانه دن معلوم اولور که
دشمنک مصائد مکر و مکارند غدرندن احتیاط و احتراز واجبدر
و خصم هر چند که تو اضع و تضع و تضع کویسترسه اعتقاد و اعتماد
ایتمک لازمدر که برزاغ بی پروبال بو عجز حال ایله بو قدر
دشمن انبوه و گروه پر شکوهی بر حیل ایله پایمال ایتدی
بونک سببی بو ملرک کا کت رأی و سماحت فهمی و وفرت
حق و قلت حزمیدر والا کراول بخردلر فکر عواقبدن
فی الجمله بهره مند اوله لردی اول زاع هر کز مرادنه
ایر مزدی و چهره عروس ظفری دوشنده کور مزدی
خر دمنده واجبدر که بو باید، دیده عبرت ایله نظر
ایدوب بوجوا هر نصایحی آویزه کوش هوش
ایده چندانکه عد و دن مهر و محبت لافن و صدق
و مودت کزافن اشیده جائز دکلدر که آنک مسکنت
و زورنه مغرور اولوب آنک مقتضاسی اوزره ایش ایدلر

قطعه

دشمن اگر لاف مودت زند

صاحب عقلش شمارد بدوست

مار همانست بسیرتکه هست

گرچه بصورت بدر ایدز پوست

❀ نثر ❀

بو حکایان بود خنی معلوم اوله که بازار دنیاده کسب
یار خالص و هوادار مخلصدن انفع معامله و سود مند
تجارت میسر دکلشکه کار شناسک امداد و اعانه
زاغله کرداب آفت و مخافتدن ساحل امن و سلامته
یتشدیلرا کر توفیق رفیق اولوب برکسه کندینک
صدیق صادق و یار موافقن عزیز طو تسه و اعدای
بدرایک مکن کینندن امین اولیوب همیشه احترام
واندیشه اوزره اولوب حزم و احتیاطی کندیه
پیشه ایتسه عاقبت دنیاده دست آرزویه میوه مرادنه
ایره و دید، عشرتله چهره عروس مطلوبی کنارنده
کوره

❀ بیت ❀

بایار نکو خواه بعشرت بنشین
وز دشمن بددامن صحبت درچین

باب رابع بؤراده ختام بوادی

۱۲

همایون نامه باب خامس

مترجمی

علی بن صالح الحداد

ایکینجی دفعه (زنی) غزنه سنه تفرقه اوله رق درج
اولم شد



(باب پنجم چهرهء مطلوب احوال و غفلت سببيله و رای)
(بردهء تعویقه مستور و محجوب قالدیغ بیان ایدر)
رای دابشایم ایتدی کلام حکیمدن معلوم اولدی
اول کسینه لک داستانی که مکر دشمندن حذر ایدوب
انک قوائه اعتقاد و مسکنته اعتماد ایتوب کنیدیئرین
خصمک مضیق زرق و مگردن و آسیب کید و غدرندن
حسن تدبیر و لطف حیلله ایله خلاص ایتدیار حالا
برهمن بزکواردن ملتسدر که بیان بیوره اول طائفه نک
مثان که بر امرک کسینه سعی بلیغ ایدوب مطلوبه
واصل اولدقدنصکره غفلت سببيله انی ضایع قیله لر

رهمن همان حقه دهانی آچوب وجواهر مدح و ثنایی

خاکهای رایه صاچوب ایتدی

﴿قطعه﴾

ای مبارک پی شهنشاهی که حاصل میکنند

اختران در آسمان از طلعت نیک اختر

مورد دولت شود چون سایه فرمای

رهمان بومیکه تو ظل همایون گستری

من چه گویم در کان کبریای حضرت

آفرین بادا فرین کز هر چه گویم برتری

﴿نثر﴾

خاطر عاطر شهنشاهی به که مورد فیوض غیر متاهیدر

مخفی و پوشیده اولیه که بر امرک کسی هر نه دگلو

صعب اولور سه بعد الحصول آنی محافظه ایتمکدن

آساندر زیر که نیجه امور اولور که اتفاق طالع

ومساعدات سعادت وامداد بخت ایله نی آفت کدو

زحمت جد و جهد محصل اولور امانی تدابیر اصابتپذیر

مضبوط و مسخر قلیق متصور اولمز هر کسه که پیرایه

حزم و احتیاطدن عاقل اوله و میدان رأی صایب

و مضمار فکر عواقبده راجل اوله حاصل سعی هبیه



مشور اولوب عنقریب منزل اولنه نازل اولور هر بار یکه
 کند و بی ملامت ایلایه فائده قیلید و کف دستنده حسرت
 و ندامتدن غیر ی نسنه قالمیه نته که اول سنک پشته
 بیرنج و کدو بیجد و جهد پوزینه کی بر صافی قلب
 و صادق عهد دوست انه کیردی اما غایت غیاوت
 و نهایت حماقتدن قدرین بیلیوب الدن چیقاردی
 بعد اکا چاره میسر اولمدی و زخم حق و خرق حرق
 مرهم ندامتله التیام بولمدی رای استفسار ایتدی که
 نیجه اولمشدر اول

✽ حکایت ✽

برهمن ایتدی اخبارده کلشدر که جزائر بحر خضر دن
 رجز برده که روی زمینده نظیری یوغیدی پوزینه لر
 زیاده چوغیدی بر پادشاهلری وار ایدیکه نامی کاردان
 ایدی مهابت کامل و سیاست شاملیه زمین و زمان
 امن و امان ایدی مسامع جهانیان صیت و صدای
 عدل و احسانیه طولش و سکان دیار دریا بار طوطی
 وار شکر شکر مواهب بیکرانیه رطب اللسان اولمش
 ایدی

✽ بیت ✽

ستم رازبان عدل را سودازو
خدا را ضی و خلق خشنود ازو

نثر

مدت متمادی سرور و حضـ و رده گامران و کامکار
روزگار یکپور و بآخر بحکم (وای نعیم لایکدره الدهر)
ربیع شبابی خریف خرفه مبدل اولوب آثار
ضعف و فتور اعضا و اجزاسنده ظهور ایتدی
کوزنده نور و کوکونده سرور قالمدی کتدی و درخت
قوتکه مثر ثمره امنیت ایدی تف سموم ضعف خرفله
قور یغنه یوز طوتدی چراغ طلبی تندباد تعبیه منطقی
اولدی و بساط نشاطی هجوم هموم و غومله منطوی
اولدی

منوی

الندن چیقدی چون نقد جوانی
ایاغن الیدی ضعف ناتوانی
خزان وقتی در رهنکام پیری
اولم وقتی صوکننده زمهریری

نثر

شیمه روزگار ستمکار و شبیه چرخ غدار ناپایدار بویله

در که هر گلشن شـباب کلـخن شـیبه مـبدل اولوب
هر مشرب دولت خس و خاشاک نکبت ایله مکدر اوله
بی محنت خزان راخت بهاری کیم کوردی و بی خار
ازار غنچه مراده کیم اوردی و بی جرعه جفا ساغر
صفایی کیم سوردی

❖ مثنوی ❖

جرخ گردونکه درون پرورد
نیچه بی سرقشده سرورد
ای نیچه اهل جاهی چاهه از
ای نیچه شاهی بنده کبی صائر
نیچه زیبا غزاله آل ایلم

ڪرك خونخواره پامال ایلم
بو پیره زال شوهر کش که دنیا نام و فریبنده خاص
و عام در جوانان ابنای زمانه که فی الحقیقه اطفال باز نیچه
لعبتخانه جهاندر کن دیسن نو عروس لر لباسنده
عرض ایدوب زینت ناپایدار و زیور بی اعتبار ایله دل
نظاری مقنون و کند فریب و بند مکرله گردنکشان
روکاری ذلیل و زبون ایدر

❖ بیت ❖

باز بچه ایست عام فریب این مناع دهر
بی عقل مردمان که بد و مبتلا شدند

❖ نثر ❖

بونک برله که آرایش ظاهرین ماده غرور شایفکنان
میدان غفلت و نمایش باطن مایه خرص بازار شره
و شهوت قیلش در عقد عقد از دواجنه کیم منخرط
اولدیکه کام دل ایله اندن بر مراد اولدی و قید بنسند
حباله وصالته کیم مرتبط اولدیکه میدان دنیا ده مراد
آتنه بنوب مراد آتنه وصول بولدی

❖ بیت ❖

جمله ایست عروس جهان ولی خوش باش
که این مخدره دره عقد کس نمی آید

❖ نثر ❖

اطفان شهر (وما هذه الحیوة الدنیا الا لهو و لعب) آنک
حسن ظاهر و صورت دلفریب سینه ناظر اولوب خبیث
باطن و نقض عهد و دنائت طبع و خست سیرتندن
غافل در

❖ منوی ❖

راست چون ارفست دولت دهر

ز م ورنسکین وازدرون پرزهر
در غرورش توانگر و درویش
شاد هم چون خیال کنج اندیش
و مرد خرد پرور که دیده دلی
الدنيا قنطرة فاعبروها ولا تعمروها

❖ نثر ❖

کحل الجواهر یله منور در آنک مزخرفات باطلنه مائل
اولمز وچا، جاهنه دوشوب کنج پررنج و مال بیمانه
کوکل ویرمز و چون بازار دنیاک فسانه و متاعنک
اخرنده کسانده مطلع اولور دولت فائیدن ال چکر
ومزرعه دنیا ده سعادت جاودانی تخمین اگر

❖ بیت ❖

بخنی نشان که دولت باقیست بر دهد
کین باغ عمر گاه بهارست و که خزان

❖ نثر ❖

الفصه کار داناک اثر ضعف قوتی و خبرتزلزل بنیان بنیتی
چارسوی جهان والسنة جهان بنانده انتشار و اشتوار
بولوب حشمت شاهلی و هیبت شاهنشاهی به اندن
نفضان قاحش کادی و شکوه و شوکت سلطوت

سلطنته قصور تمام متطرق اولدی

❖ بیت ❖

دولت اگر دولت جشید یست

موی سفید آیت نومید یست

❖ نثر ❖

بواشناده اقر بای ملکدن بر نهال بی همنا که آثار
دولت ناصید سنده پیدا و علامات سعادت حرکات
و سکنتنده هویدا ابدی نشوونما بولدی چون ارکان
دولت انک شهر یار لک رتبتنه استحقاقن و جهاندارلق
مقصودنه استعدادین کور دیلر و تشید بنیان سیاستده
استقلالن و تمهید اسباب ریاستده استبدادین مشاهده
قیل دیلر ضمایرده اکامیل و محبت مقرر اولوب و قلوب
سلسله طاعت و انقیادنه مطاوعت قیلوب کمالشکر
و حیات کشور و انبجاء اجناد و بنده و آزاد لسان حالله
بلکه زبان مقالله انشاد ایدوب ایتدیله

❖ بیت ❖

چو باد صبا از گلستان وزد

چیدن درخت جوان را سزد

بهاران که باد آورد بدمشک

بریزد رخت کهن برک خشک

❁ نثر ❁

بوجوان بی همال بر نهالدر که کنار جو یبار ابد
 نشو و نما بولشد رو بر هلالدر که برج شرف و سعادت
 بدر تمام اولشدر قامت خلعتی خلعت ارزان بدر
 و فرق دولتی سزاوار تاج سلطانی و خنصر سعادت
 شایسته خاتم جهانیا بدر اولدخی لطائف الخیل
 ایله جبل استمالت اعیان دولت و ذیل ملاطقت ارکان
 ملک و ملت تشبث ایدوب هر برینک حاله لایق صلت
 و خلعت ارزانی کوروب شاننه مناسب مناصب وعده
 پیوردی و خواص و عوام بالتمام اقدام اوزره
 کلوب اول پیرفتوتی ایالت ولایتدن اخراج و ازعاج
 ایدوب زمام احکام سلطنتی بی زحمت و کلفت اول جوانک
 قبضه اقتدار و اختیار نه تفویض قیلدیلر

❁ بیت ❁

مالیدازین نشاط تن تخت بر زمین

بگذشت ازین نوید سرتاج از آسمان

❁ نثر ❁

بحاره کاردان چون لباس سلطنتدن عاری اولدی

اول عاره تحمل اید میوب ناچار جلای وطن و ترک دیار
 اختیار اید و ساحل دریاده بر جزیره که اشجار
 و انهار بیسیار و اثمار و ازهار بی شماری اید و قرار
 طودی همیشه اول کوشه بیده ده توشه ایله کنوردی
 و خشک و ترمیوه لاله خرسند اولوب کنیدی به تسلی
 و یروب دیر ایدی (ع) هر که قانع شد بخشک
 و ترش بحر و برست * بوموال اوزره اول بیده ده بیده
 قناعتی پیش نهاد ایدوب ریاضت لاله منهاج طاعت
 و عبادت سائل اولدی و روز و شب غرور سلطنتیده
 کن اوقا تک تلافی سنده مشغون اولوب توبه و انابت لاله
 راه آخرت توشد سن دوزدی و بنیان خانه تعلقات
 دنیایی نیشه عبادت و عبودیت ایله بوزدی متصل
 ظلمت شب شبایدن آینه سینده واقع اولان زنکاری
 صیقل انور صبح مشیب ایله محو ایدر ایدی و مافات
 تأسف و ماضی ایه تلفف ایدوب و حال و استقبال
 تنبیه ایچون بو بیتک مضمونیه تنصح ایدوب دیر ایدی

* بیت *

صبح پیری می دمدا خرد می هشیار شو
 خواب نیکو نیست در وقت سحر بیدار شو

❁ نثر ❁

بر کون لب در یاده بر انجیر آغاجی اوزره که هر کا کلوب
 انک انجیرین یرایدی وانجیر در یرایدی اتفاق بردانه سی
 الندن خلاص اولوب آبه دوشیدی کوش یوز ینه یه
 بو اواز بر مقتضای العجبی طریقه بغایت خوش کلوب
 طبعنده اندن التذاذ و خاطر نده سرور و اهتر از مشاهده
 قیلدی پس هر بار یکه برین یردی و برین دریاه القسا
 ایدردی و بونعم و نعم ایله تنعم و تلذذ ایلر ایددی مگر بر سنک
 پشت دریانک بر جانبدن سیاحت رسمنده اول جزیره یه
 کلوب بود رخمتک التنده ساکن اولمشدی بونیت ایله که
 بر قاچکون انده اقامت ایده چون شداید مسافر تدن
 آسوده اوله ینه مقام معهودنه مراجعت ایده القصه
 اول محله سنک پشت اول درخت التنده میان آبد
 ایدی صویه دوشن انجیر لری نعمت و عنایت بیلوب
 رغبت تمامله اکل ایدردی بور سمله یوز ینه انی ضیافت
 ایدر تصور ایدوب بوشه فقت و مروقی انک حقنده
 واجب اکر خیال ایلر ایدی آخر خاطر نه بومعنی
 خطوط ایتدی که بوشخص بی سابقه معرفت
 بنم حقه مد بود کلوب لطف و مروت روا کور بیک

مقرر در که میانزده روابط محبت مؤکد و مقدمات
مصاحبت ممتد و ایحق ظهور لطف و احسان دخی زیاده
اولی سر در فواید دنیوی به دن قطع نظر بو مقوله کسه
ایله مصاحبت که طینتند مکارم اخلاق و محاسن
اوصاف سرشته و آیات مروت و فتوت صفحات
حالتند نوشته در مقدمات روزگار دندر هر آینه انک
صیقل صحبتیله ژنکار ملالی آینه دلدن محوایتک
مناسب و نور آفتاب موافقتیله هوای درونی غم
غمودن صحوایتک واجبدرنته که بیور مشلدر

❖ بیت ❖

دلکه آینه شاهیت غباری دارد

از خدای طلب صحبت روشن رأی

❖ نثر ❖

پس عزم صحبت پوزینه به جزم ایدوب نیلوفر کی
صدودن باشن چیقاروب صدای نرمه آواز ایتدی و رسم
تحیت معهودی ادا ایدوب قصد مصاحبت به باعث اولان
خاطره بی عرضه آغاز ایتدی پوزینه به انک کلامندن
اهتر از تمام حاصل اولوب جان و دلدن آنک مصاحبتنه
مایل اولدی و ایتدی توفیر اصحاب و تکثیر احباب به رغبت

واختلاط یاران و ارتباط دوستانه میل و محبت خصال
ستود، وصفات پسندیده، دندر هر کسسه نك که بر رفیق
شفیق و انیس صدیق وارد در ایکی جهانده دخی سرفراز
و کامکار در

❖ قطعه ❖

میر در دوستان صاحبیل
ز یون دین فریبت دنیا است
نعمت دهر اگر چه بسیار است
نعمتی بهتر از رفیق بچاست

❖ نثر ❖

سـنـك پشت ایتدی بكا سـنـك محبتك و مصاحبك
سوداسی دوشمشدر اما بیلزین که بودولته بنده
قابلیت وارمیدر یوزینه ایتدی ار باب حکمت باب
مصاحبده بر میزان وضع ایلشاردر و بیورمشلدر که
اگر چه هیچ کسسه بی صدیق اولق لایق دکلدر
اما هر کسسه دخی صداقته موافق دکلدر مصادقت
ایندیك اوچ طائفه ایله ایتك كرك اولار باب علم و عمل
ایله که انلرك مصاحبی ایله سعادت دنیا و آخرت میسر
اولور * هم قوم لایشتی جلیسه هم * ایکنجی اصحاب مکارم

(اخلاقله که)

اخلاقه که دوستک خطاسنی دامن اغماض ایله
 سترایدوب باب نصیحتده سعی بلیغی در یغ ایلزل اوچنجی
 اول طائفه ایله که بیغرض و کم طمع اوله واساس
 محبتی قواعد صدق و اخلاص اوزره اوردر اوچ طائفه
 ایله دخی مصاحبتدن احترازا یتک کرلری ارباب فسق
 و فجوردر که انلرک مبلغ همتی مشتهیات نفسه مقصوردر
 انلره میل و محبت نه سبب راحت دنیا و نه موجب رحمت
 آخرتدر ایکنجی اهل کذب وار باب خیانتدر که انلر ایله
 مصاحبت عذاب الیم و معاشرت بلای عظیمدر که
 سائرله سندن کلام فتنه انکیر نقل ایدوب سایلردن
 سکاخبار وحشت امیر القایدلر و دروغ بیفروغی
 صورت راستده کوسرتوب حق صحیحی باطل صریح
 اکلدرلر اوچنجی ارباب حق و اصحاب بلاهتدر که
 نه جرم منفعتده افعالرینه اعتقاد و نه دفع مضرتده
 افعالرینه اعتماد جائزدر اکثر عین خیر تصور ایتدکلری
 محض شر واقع اولور و مفید اعتقاد ایتدکلری مضر
 و ضار ملاحظه قیلدکلری نافع اولور

❖ بیت ❖

از دوستی کسی چه سان نفع میبری

که خیر ز شر و نفع ز ضرر نشناسد

❖ نثر ❖

❖ ع ❖ دشمن دانا به از نادان دوست ❖ دید کلرینه
نکته بواولسه اولور که چون دشمن حلیه دانش ایله
آراسته اوله فکر عواقبی کندی یه شعار ایدوب فرصت
بولینجه نیش اورمز پس انک حرکات و سکناتندن
آثار انتقام مشاهده ایدوب اثر زهر قصدنی تر یاک
تدارکله دفع ایتک میسر در امد دوست که دولت معرفتدن
بیدهره اوله هر چند که قصد خیر و دفع شرده و جلب
نفع و سلب ضررده جد و جهد ایده مفید اولیوب
غالب بودر که اول کسه نك تدبیر خایب و رأی غیر صائبی
سبیلله مضیق خطرده و ورطه ضررده گرفتار اوله
نته کم اول پوز بنه نادانک دوستلغندن قریب اولدیکه
شاه کشمیرک سفینه سینه سی دریای خون هلاک غرق
و کار بار وجودی شعله خنجر ابدار ایله حرق اوله اگر
اول دزد که آنک دشمن دانا سیدی فریاد ایتسه اول بلانک
تدارک دفعی امکانپذیر اولمز ایدی سنک پشت صورتیکه
نیجه اولمشدر اول حکایت کاردان ایتدی روایت
اپدرلر که ولایت کشمیرده بررای جهمان ارای

(جهان)

جهان اراوشاه کشور کشا و ارایدی که خزانه سنک
 جلنه جبال شامخه طاقت کتوره مز ولشکرینک
 عددنه ارقام حساب و اوهم حساب ایره مز ایدی
 رابات سطوت سلطنتی ذروء افلا که بتشمش و آیات
 نصفت و معداتی صحیفه ادوار لیل و نهاره ثبت ایتمش
 ایدی

❖ بیت ❖

زمانه تابع حکم روانی
 سلاطین خاکبوس استانی

اورو بن دادودین رسمینه بنیاد

جهانی عدله ایتشدی آباد

❖ نثر ❖

بورایک بر پوزینه سی و ارایدی که مواضع آفات و اوقات
 مخافتد، اکا اعتماد ایدوب انک تربیتی باینده عواطف
 خسروانه دن بر دقیقه نامرعی قومزدی پوزینه دخی
 غایت صدق و اخلاصدن رایه محرمیت ایله اختصاص
 بولوب هر کچه بر خنجر پرتاب قطره سیاب کی النده
 شمع وارشاهک باشی اوچنده ایاغ اوزره طوروب
 ستاره کی صبا حه دک کوزین یومزایدی و تادبدبه

ظهور نیرا کبرایله غافلان خوابگاه غرور پست کساندن
 باش قالدرمیه خدمت خراستندن فراغت قیلزایدی
 اتفاق بردزد عاقل شهر بابلدن اول ولایتد کلمش ایدی
 بر کبجه کوکلنه بر شکار اله کتور مک داعیه سی دوشوب
 تبدیل صورت ایدوب عیارلر لباسیله محلات شهری
 کشت ایدر کن بردزد غافل و جاهل دخی بوسود ایله
 اطراف شهری کزر کن مجانست مناسبتیله بری برینه
 راست کلدیلر دزد غریب مشورت طریق ایله صور دیکه
 نه دیر سن قنقی محله یه کیده لم و کیم خانہ سنه نقب
 اوروب کیم خزانه سنی نه ب ایدلم دزد نادان جواب
 ویردیکه رئیس شهرک اصطلبلنده بفر به دراز کوش
 وارد در که اکانام تعلقندن محافظه سی بابلنده اتمامر
 ایدوب التی ایاغنی آهنین زنجیرله قید و بند ایدوب
 حفظ و حراستی ایچون بهرام و کیوان نام ایکی غلامی که
 بهرام آسمان و کیوان پاسبانی کوزینه کوسه تر مزلر
 نکهبان قومش در صلاح بودر که واره و زاول دراز
 کوشی اوره وز و چارشو باشنده بر شیشه کردگانی
 وارد دراکتب اوروب لطیف شیشه لر و صافی قارور لر
 چیقاروب بر خروار اندن اول خره یوکلدوب کیده وز

وانی سرمایه کار و ذخیره روزگار اید، وز دزدانان بونک
 بوکلامن زیاده تعجب ایدوب دیدیکه بوجملک تفصیلنی
 تفحص ایلیه بواشاده ناکا، قرشودن اهرمن دیدار
 بر عسس بدیدار اولدی دزد اکا، بر لطیف حیلله ایله
 بر دیوار آردنه پناه ایدوب عیار ایله پنجه قفس عسسه
 هرغ کبی گرفتار اولدی عسس صور دیکه نه کشی سن
 قیده کیدرو بو وقت بونده نه ایدرایدک جواب ویردیکه
 بن بردزدم رئیس شهرک دراز کوشن اغورلمغه عزم
 ایدوب قصه ایتدم ایدیکه فلان شیشه کرک دکاننی
 آچوب برخوار شیشه یوکلدوب اویمه الم کیدم وانی
 سرمایه روزگار ورأس المال بازار استظه ارایدم
 عسس مرد ظریف ایدی استهزا طریق ایله ایتدی
 احسنت دزد بویله کرکدر که برخراچون که بود کلو
 پاسبانی اوله جانن کر داب بلایه اته و شیشه بر متاعدر که
 دسته سی بر پوله دکر باز از جهاندن نقد جانی بو مقوله
 متاعه صاته * مصراع * بزرنخر بدء جازازان
 قدرش نمی دانی * وخطا طرله از تکاب خزانه
 رای ایچون اولسه باری عقلاقتنه معذور اولسک
 اولور ایدی * ع * کر کسی بار کشد بار نکاری

باری * بونی دیدی والی محکم بغلیوب زندانه ایلدی
 دزد عاقل دزد خافک فعلندن عبرت الوب متنبه
 و متصح اولدی و کلمات عسسدن تجربه حاصل
 قیلوب کندی کندی یه ایتدی بو عسس بنم ایچون
 دشمن داناو بودزد بنم ایچون دوست نادان ایمش که
 بی ادراکل - کله بنی ورطه هلا که اته یازدی اگر بود دشمن
 داناو لسه بنم احرم تمام اولمش ایدی و برخرا ایچون
 عرم اخر اولوب شیشه وجودم سنک بو ارله صبر ایدی
 حالیا عسس دیدیکی کبی خزانه رایه نقبه قصد ایتک
 صوب صوابه اقر بدر که شاید غرض اصلی و مقصود
 کلی یه دسترس میسر اوله پس آهسته رایک قصری
 الته واروب بنیاد قصری قازمغه و زرسودا سیله
 سنکی پولاد ایله از مکه آغاز ایتدی

﴿ بیت ﴾

اوروبن تیشه سنکه بیدارا

خیر و موم اولوردی سنک خارا

﴿ نثر ﴾

هنوز عیار شیر و آفتاب دیوار دایره افق نقب اورمش
 ایدی که نقب دزدان نامه بتشدی و اول مقامدن که

خوابکا، رای ایدی باشن طشیره چیقاردی کوردیکه
 رای تخت زرین اوزره خوابه وارمش اصناف ظرایف
 و لطایف حوالیء مسند شاهیده دوکمش و انواع
 جواهر زواهر حوالیء بساط شهنشاهی اوزره صاحبش
 شمع کافوری مست محبوب بلر عذاری کبی قزرمش کل کل
 اولمش و پروانهء سوخته و عاشق آشفته لر کوکلی کبی
 نامر ادلق شعله سیه یاغش یا قلمش کل اولمش

❀ بیت ❀

پروانه ومن کرچه دو سوخته ایم اما
 من جان و جگر سوزم او بال و پری سوزد

❀ نثر ❀

اطرافه نظرایندی کور دیکه برپوزینه شاهک بالینی
 یاننده طورمش النده بر خنجر تابرداری طوتمش آبداری
 آموزینه اورمش و بر تیغ آبداری آموزنه اورمش دیدیه
 احتیاطله چپ و راسته نظر ایدر بو حالی کور یجک
 متعجب و متحیر قالدی وایتدی بوسه بکبارک که اعلای
 درجه رفعتی چراغ پایه در پای انبساطی شهر یاری به
 نه لیاقت ایله ایرمشد و بو تیغ آبدار که قرار ملک و مملکت

اكا وابسته در بوبقرا ك الينه نه وجهه كبر مشدر
 دزد بوتفكر معجونيله حيران و بوتخير كرداننده
 سر كردان ايكن ناكاء كورديكه برنجه مورچه سقف
 ايواندن سينه رايه كه آينه جهان آرايدى دوشدى
 وخارش پاى ناتراش لردن سينه نازك رايه خدشه وخارش
 ايرشدى راي دريائى خوابه مستغرق ايكن دغدغه پاى
 مورچه دن الن سينه سته اوردى پوزينه بو حالى
 كوريجك اطراف شاهى تجسس ايدوب كورديكه برقاج
 مورچه رايك سينه سى اوزره كزرلرايدى دل پوزينه ده
 آتش غضب مشتعولوب ايتدى بجلين پاسبان
 وارا يكن كه ستاره چشم انجم سياره كى روى خوابى
 دوشنده دخی كورمز مورچه شيرنك نه حديد ر كيم
 بنم مخدوم او يويه دخی اول كستاخ قدم شومن
 آنك آينه سينه سى اوزره قويه پس عرق حيت جاهليت
 حر كته كلوب قهرندن قصد ايتديكه انده اولان
 خنجر آبدارى رايك سينه سته اوره تابو واسطه ايله مورچه
 لك خرمن جمعيتك صاوروب باد فنايه ويره دزد فر ياد
 ايتديكه اى ناجوانم ردى بك واى كاغر نعمت ناپاك لك
 چك كه جهان باني هلاك وجان جهانى آغشته خون

و خاك ايتدك ديدى و فى الحال صچرا بوب پوزينه نك
 النى محكم طوتدى رايك نعره دزد ايله شراب
 خواب باشندن كيدوب حالى بوموال اوزره كوريجك
 صورديكه سن كيمسن دزد جواب و يرديكه بن سنك
 دشمن دانا كم بوند، طلب مال ايچون كلدم ايدى اكر
 بر لحظه دخى سنى محافظه ده اهمال ايديدم بوسنك
 مهربان نادانك شبستانكى قانكله مالا مال ايدرايدى
 راي كيفيت واقعه يه واقف اولوب سجده شكر ايتدى
 و ايتدى بلى چون عنايت ربانى ممتداوله دزد پاسبان
 و دشمن مهربان اولور بس دزدى نواخت ايدوب شرف
 تقرب ارزاني بيوردى و پوزينه ي زنجيره چكوب
 اصطبله يه كوندردى دزد كه شبرولك مكرين ميانه
 بندايدوب خزينه اميديله بر پادشاهك قصرينك
 ديوارنه نقب اوروب حلوتنه كيردى خلعت دانش
 برنده و افسر خرد سرنده اولديغى اجلدن ذروه دولته
 ايردى و پوزينه كه محرم اسرار شهر يار و خزينه دارى
 چهاندار ايدى چون خار جهلاه چهره عقلى خراش
 اولوب پرده غفلت ايله بصر بصيرتى مستور ايدى
 حرف محرميت صحيقه حالندن تراش اولوب دائره حرم

حرمت تقریدن دورا ولدی

❖ بیت ❖

خضم دانا که آفت جاندر

یکدر اول دوستیدن که ناداندر

❖ نثر ❖

بومثالیدن بوفائده، حاصل اولدیکه مر دعاقل ابواب
محبت و مودتی ارباب دانش و معرفته آچق کر کدر
وصحبت دوست جاهلدن فرسخ بفرسخ قاچق کر کدر
دمشردر که

❖ بیت ❖

عقلسز دوست دشمندن بتدر

عقلسز دوستدن دشمن نه واردر

❖ نثر ❖

سنک پشت چون بو حکایتی که فوائدیغایتی مشتملدر
استماع ایتدی ایتدی ای دریای دانش و فضیلت
کوش هوشمه بو کوهر شاهوار حکمتی کوشوار قیلدک
حالیل دیلرمکه دوستلرک اقسامنی اعلام ایدوب کلام
جواهر انتظامکی کردن وساعده سامعه طوق و یاره
قیله سن کاردان ایتدی حکمای حکمتشعار

بیور مشلردر که عالمده دعوای صداقتدن دم اوران آدم
 اوچ قسمدر بعض غدامثابه سنده در که انلرسز زندگانی
 میسر اولمز و شمع جالاری نور و فرویر مسه خانه صحت
 منور اولمز

❖ بیت ❖

چراغ خانه دل روی یارست

دل از مهر جهان بردن بکارست

❖ نثر ❖

بر طائفه دخی دوامثابه سنده در که احیاناً اکا احتیاج
 واقع اولور بعض آخر دخی مرض منزله سنده در که
 ضرردن غیرى انده تفع مقصور اولمز بونلر مراییلر
 و منافق لدر که ظاهرده سکا صدیق صادق پکنورلر
 اما باطنده مخالف لره موافق لدر

❖ منوی ❖

پیش توازنور موافق ترند

از پست از سایه منافق ترند

کرم ولی از جگر افسرده تر

، زنده ولی از دل خود مرده تر

❖ نثر ❖

پس خردمنده لازمدر که بوطائفه نك که دوست روی
 و دشمن خویدر مصاحبیدن اجتناب و احباب خالص
 و اصحاب مخلص جانبنه شتاب ایدر * ع * زدشمن بکسل
 و دردوست زن دست * سنك پشت ایتدی فرط
 صداقت نه شرطله وجود بولور و یگان خلوص نیجه
 اولور و نه طریق ایله معلوم اولور کاردان ایتدی
 اول مکسنه که بوالقی خصلت ایله اراسته اوله انك
 مصادقتنده شائبه قصور و مخالفتنده رایحه فتور
 اولیه «اول» بودر که دوستنك برعیننه مطلع اولسه
 اظهارنی جائز کورمیه «یکنجی» اگر هتربن کورسه
 برنی اون کوستر «اوچنجی» دوستنه احسان ایتسه
 مقابله سنده امتنان اویمیه «دردنجی» دوستندن احسان
 کورسه اکانسیان روا کورمیه «بشنجی» دوستندن
 خطا و ذلت مشاهده ایتسه ذیل عفو و صفحله
 سترایلیه «التنجی» اگر جرمنه اعتراف ایدوب اعتذار ایلیه
 شرف حسن قبول ارزانی کوره هرکسه که اوصاف
 مزبوره ایله هر سوم اولیه مطلقا صداقته لیاقتدن
 محروم اوله و بومقوله مکسنه ایله صداقتك عاقبتی ندامته
 مفضی و ملامتی مقتضی اوله چون بونوع احباب

فی زماننا کیبادر لاجرم ارباب تجار یب دیملردر که
صدیق صادق عنقا کی لامکان ورفیق موافق
کیما کی بی امکاندر

✽ بیت ✽

همان عنقادردر غمخوار صادق
جهانده کیبادر یار صادق

✽ نثر ✽

چون کار دانت کلامی بو مقامده تمام اولدی سنک
پشت ابتدی کلام بودر که بن دعوا ی محبتده صافیدم
و طریق صداقتده ثابتقدم یارلک آدابنده بر دقیقه
اهمال و دوستلق شرایطنده بر نکته بی اخلاص احتمالی
یوقدرا کر بنی کنند مصاحبتکه بندایتکله طوق منتک
تاقیامت کردمه پیونداید سن شان کریمکن بعید
و کرم عمیمکن بدیع دگلدر پوزینه تملق ایدوب بالای
درختدن اشعه اینوب کشف دخی دریادن طشره
چیقوب بر برین کنار وروابط محبتی محکم وقو اعدمودتی
استوار ایتدیله هم کر بت غربت ساحه دل پوزینه دن
دور و هم سنک پشت آنک محبتیه مستظهر و مسرور
اولدی هر کون انلرک میاننده طراوت نهال و داد

و اتحاد زیاده اولور و گلشن مخالفت و مصاصا حبت
روئق و لطافت بو اورایدی بیگاه لك بر مرتبه ده بیگاه
لكه یتدیكه پوزینه نك خاطر ندن هوای ملك و سلطنت
پالكلیه كندی و سنك پشت فرزندوزن و خانه و مسكن
اوتدی

❖ بیت ❖

یار باماست چه حاجت که زیادت طلبیم
دولت صحبت او مونس جان مارا بس
❖ نثر ❖

چون خیلی زمان بونك اوزرینه كچدی و مدت غیبت
سنك پشت متمادی اولدی جفتی آنك فراقندن تمام
مضطرب اولدی و گاون دروننده آتش اشتیاق زیاده
ملتهب اولدی و هجران جانكدا از شعله حسرتله خرمن
صبرین یاقدی و سیل سرشك فواره دیده سندن دامن
دیاره سیل بهار و میاه انهار کی آقدی

❖ بیت ❖

هجر دا غیست که کر بر جگر کوه نهند
سنك بر سینه زنان آید و فریاد کنان
❖ نثر ❖

آخر حکایت فراق و شکایت اشتیاقی اینای جنسندن
برای سبیل در میان اید و بایته دی

✽ قطعه ✽

رفت یار و آرزوی روی او در دل بماند
همچو سروم باز شوق قامتش در کل بماند
از جالش مشکل خود خواستم آسان کنم
رخ نهفت و قصه ماهمچنان مشکل بماند

✽ نثر ✽

بیلزم که اول غریق دریای محنت سفینه سینه سن نیچه
کرداب اغترابه صالیدی و اول سالک مسالک مهاجرتک
بارہ دل اوارہ سی نیچه خلاب اصلاہ دوشدی قالدی
نولیدی اکر طلوع صبح وصالیلہ ظلمت شام فراق
مرتفع و هوای تماشای جمالیلہ شعلہ آتش اشتیاق
منطقی اولیدی

✽ بیت ✽

چه شو دکان کل رعنا بچمن بازاید
مکراین جان زن رفته بتن بازاید

✽ نثر ✽

چون اول یار غمکساری اندن بوانقباض وانکساری

مشاهده ایتدی وایتدی اگر بنم کستاخلفمی
 معذور طوتوب بنی تعیب و بنم کلامی غرضه حل
 ایتوب بنی تکذیب ایتز سنک سنی انک حالندن خیر
 واشتدیکم کی سبب مکث و توقفی عز حضور کده
 تقرر یایده ین کشف ایتدی ای یار مهربان و محرم
 اسرار نهان سنک مزاج کلامک شائبه عرض غرضدن
 معرادر و پیام حقیقت انجامک عیب ریب و وصمت
 تهمتدن مبرادر هر باریکه سنک نقد قلبی محک امتحانه
 اورورم معیار اعتبارده خالص و تمام عیار بولورم
 مقرر در که هر سوز که سندن صادر اوله تبرکبی
 راست و خلعت صدق قامت کلامکه بیکم و کاستدر
 محرمی ایتدی اشتدیکم سنک شوهر کله بر پوزینه
 میانده اتفاق نطاق مودت و وفاق مستحکم اولوب
 دل و جان انک مهر و محبتنه وقف و عنان اختیار ین
 آنک میل و مودتنه صرف ایلش غنیمت صحبتن هیچ
 بر نعمته مقابل ایتز مش ولدت ملاقات و استماع مقالاتن
 عالمه و یرمز ایمش سنک فراقک آتشی آنک وصالی
 آیهله تسکین ایدرمش و سنک خیالکدن آنک جهانی
 نعم البدل عدایلر ایمش مادامکه بو خبر غیروری

اشتهای بخار سودای غیرت دماغه چیهوب زبان
حیرت ایله ایتدی

بیت

خون کشت دریای دلم دلدار یار دیگران
مارا کنار ازاشک پر او در کنار دیگران

نثر

ای روزگار جفاکارنه کنه ایتدیمکه خرمن جمعتمی
صاعقه تفرقه ایله یاقدک وای چرخ ستمکارنه جرم
ایتدیمکه سیل هموم و غموم ایله بنیاد خانه حضور می
یقدک یار مهر بانمیکه انیس خاطر پریشانم ایدی جلیس
اغیار ایتدک و خریف ظریفمیکه بساط عشرت
اوزره نقش مرادی انک دیدار نشاطیله کورردم
اغیار ایله یار ایتدک و اول بیوفا کویا که لوح محبتدن
مهر و وفا حرفن اوقومش ایدی و اول بیکنه و ش
صانکه آشنالق پسترنده بنمله بر بالینه باش قومش
ایدی

قطعه

کسه نک یارب نکار بیوفاسی اولسون
بیوفار خیلنک هیچ مبتلاسی اولسون

آشنایه یاد اولورلر یادلرله آشنا

مکسه اول ییکانه و شلر آشناسی اولسون

❀ نثر ❀

همدی ایتدی بعد نزول النوازل جزع بیهوده دن
نه حاصل حالا اولی بودر که مرارت جاشنی خنطل
مذاق فراقه بر زمان صبر اید سن و بر تدبیر اصابت پذیر ایل
بو کسری جبر اید سن پس مطالعه داستان مکر
ودستانه که (ان کید کن عظیم) اندن کنایتدر
مشغول اولدیلر چند آنکه بسیار فکرله بو کارک غورنی
کور دیلر و قعرنی ارادیلر و هلاک پوزینه دن اولی اول
زخه مرهم بولم دیلر و اول یاره یه انک قتلندن غیر
چاره یه قادر اولم دیلر پس بو باده صندوق حیله بی
اچ دیلر و متاع فکر لرین دو کدیلر صاحب دیلر اخرا لامر
رایلری بونک اوزرینه منجر و مقرر اولدیکه ماده تمارض
ایدوب دوشکله دوشدی یا تدی و سنک پشته برکسه
کوندردیلر واروب حلیله سنک حالندن خبر و یروب
ایتدی

❀ منوی ❀

یا تور صاحب فراش اولوب حلالک

(حرام)

حرام اولسون سنك وار ايسه مالك
وجودين قیلامش آلام واسقام
بیلنمز نولیسر حالی سرانجام
الن دن نسنه کلز آهه قالمش
ایشی اول خسته نك اللهم قانش

نثر

سنك پشت زوجنك خسته لیکی خبرین ایشیدیمك
پوزینه دن استیذان ایتدیكه اوینه واره وخسته سن
کوروب اهل وفرزندى ايله عهد ملاقاتی مجدد قیله
پوزینه ایتدی ای یار غمگسار الدن نه کلور واراما
اومر مکه عنقریب الحالینه تشریف وصال ارزانی
بیورسن و بن غریبی بو بیشه کوشد سنده تهاویکس
قومیدسن بنی خوداندو فراق بر لحظه تهاقومن
ودرد هجران بر زمان حضورمدن ایرلمز و کوزم یاشی
بریولد اشدر که بردم نظرمدن ایرلمز

بیت

دنیا ده بکا اولیه کوزم کی بولد اش
کیم بيله يتور بيله طور بيله دو کړ ياش
سنك پشت ایتدی ای رفیق مهربان وای راحت روح

روان بوم مهاجرت بگانی اختیار واقع اولدی و بوم مسافرت
بکا ضروری لازم کلدی و الاطوع رغبتله هرگز سنک
صحبتي کی قویوب کیدم میدم و طیب خاطر ایله بر دم
حضور کدن غیبت اختیار ایدم میدم

✽ بیت ✽

ز دیدار تو مجبوری ضروری میشود ارنه
نخواهد هیچ موجودیکه جان از تن جدا باشد

✽ نثر ✽

پس گام و ناگام پوزیندی و داع ایدوب متامی جانبدنه
متوجه اولدی

✽ بیت ✽

دیوب بوسوزلی بد رود قیلدی
کوزندن قانلو یاشن رود قیلدی

✽ نثر ✽

چون وطن ما لوف مقدم کشف ایله زیپ و شرف
ولدی اقربا واجبا مجمع اولوب صدای خیر مقدم
مرحبانی عبوقه یه وردیلر و مسافری تعظیم و تکریم
ایله خانه سینه کتوردیلر سنک پشت ایچرو کیردی
عورتن کوردیکه صاحب فراش اولمش وقف و تاب

عارضه دن کل باغ عارضی صولش

❀ بیت ❀

تاب و تب کار خلیزین رنکین نسیرین ایلش

خسته لک سیمین تنن ضعف ایله زرین ایلش

❀ نثر ❀

سنبهاری برک نسیرین اوزده صاچیش کلزار رخسارنده

ارغواندن بدل زعفرانلراچلمش

❀ بیت ❀

اول سهی قد لاله خدباغ ارمندن تازه روی

ناله دن صانال اولمش مویه دن گویا که موی

❀ نثر ❀

هر چند که تشنه تحیت عرض ایوب حالندن خاطرندن

سؤال ایتدی مقابله ده مریمندن بر جواب صادر اولدی

و هر بار یکه طرح تلطف و فتح کلامه اقدام ایلدی

شرف اعتبار و التفات بولدی نه تضرع و نیاز معرض

قبوله واقع اولدی و نه مقدمات تخلف و تملق نتیجه

مراد و یردی

❀ بیت ❀

ای دل از کوشش بپرسرماه درد و نیاز

کاین متاع کاسد اینچاروز بازاری نیافت

نثر

پس اول همدینه که مریضی تمارضه اول تهریض
ایتمش ایدی و کال هوادار لغدن باشی او چند مکسر انغل
مشغول ایدی ایتدی ای خواهر مهر بان

بیت

ای صبحی بیمار یانن بکلمه کدن دل شکست
ای کوزی او بنخوبوزینی کور نمکدن ناتوان

نثر

بیمار نیچون بنله براغز آچوب سوز سوزیلز و مافی لضمیر بن
بن پریشا مخاطره اظهار ایلز اول دخی درون دلدن
دردله بر آه سرد ایتدی و ایتدی

بیت

درد سرم علاج مکن بعد ازین طیب
دردیست درد عشته که درمان پذیر نیست

نثر

بر بیمار که نوید علاجدن ناامید و برخسته که احتمال
صحت اندن صدمر حله بعید اوا له بر آن تنفسه نبجه رخصت
بوا و نه قوت و نه سامانله بر کله بی تکلمه قادر اوا له سنک

پشت چون بوکلمات درد آمیزی اشتدی سوزو کدازه
 آغاز ایدوب رقت قلب ایله ایتدی ایابونه دار ودر که
 بود یارده بولنمه ونیجه درد در که جد وجهه دایله دوا
 پیدا قیلنمه و دردک درمائی ندر بکا خبر ویر که طلبنده
 بحر وبری ایغم الته الم و بومر ضک علاجی نه نسنه در
 بیور که قریب و بعید دیمیم وارم و آشنای بیکانه دیمیم
 صورم هر قنده ایسه بولم اگر ماهی کی قعر در یایه
 طالمق لازم کلور سه طالم و اگر ماه کی اوج سمایه چیق قیق
 واجب اولور سه سردن قدم قیلوب نقد و جان و دمی که
 خلاصه آب و کلدر بود و انک تخصییلی یولنه فدا قیلیم

❀ مثنوی ❀

تنده جانم که یاره یه طپو که
 دلیدن انی فدا قیلیم قپو که
 کرایدم جان و باشی سا که دریغ
 جائه زخم تیر و باشمه تیغ

❀ نثر ❀

یار بیمار جواب و یردیکه کتب اطباء، مصرح
 و منصوصدر که بوردردر که طائفه نسایه مخصوصدر
 و برمرضدر که انلرک ارحامنده حادث اولوب بوکا

علاج دل پوزینده محتاجدر برداء عضالدر که
 بودارودن غیرله دوا محالدر سنک پشت ابتدی
 بوداروقنده بوانورونه حیلله ایلله کبرر ونجه تحصیل
 اولنورهمدم بیمار که فن مکرده ماهر و سحر و فسونده
 ثانی سامری ساخر ایدی جـواب ویردیکه بزده
 یلورز که بودارواله کیرمک دشوار و بود وانک عنقا
 کبی عالمده همان اسمی وارد رسنی بودوا طلبی ایچون
 دعوت ایتدک بلکه یاروفاداری آخر وقتنده کورد سن
 و آخرت حقن هلال ایدوب وداع ایدهن حسرت قیامتده
 قالمسون دیو طلب ایتدک که بیچاره یه من بعد نه حلالیله
 مصاحبت مجالی ونه دنیاده صحبت وعافیت احتمالی
 وارد

بیت

بجز خون شری در خورد دهر خود نمی بینم
 بجز غم راحتی در روزگار خود نمی دانم

نثر

سنک پشت بودرد آمیز و جانکداز کلماتدن کریبان
 صبری چاک ایدوب کریهیه آغاز قیلدی
 وهر یاریکه بو بایده دریای تفکره طالیدی پوزینه یی

قتلدن غیري چاره دن عاجز قالدي ضروري بنياد
 حقوقی تیشه عقوقله هدم ايدوب صديق صادق و رفيق
 موافقی قتلله عزم ايتدي خرد ارچند که هرچند که
 زبان پند و نصيحتله ايتدي اي ناجوانمرد بنياد سوابق
 و داد و استاديه که سنکله پوزينه ميانند مشيد اولمش
 ايتدي برزن افزرده ايچون که نقش و فاصيحهء حالندن
 سترده دردست غدرله يقيم مروت و فتوت بابني
 سدايدوب بيوفالق بناسني يايقمهيدر
 (بيت)

حيف باشد که از برای زني

پاره سازي بغداد پيرهي

نثر

نفس لوايه سي وسوسهء ملايمه اغاز ايدوب ايتدي که
 حليلهء وفادارک جانبني که انتظام حان و قوام عيش
 اکا منوط و حفظ نسل و بقای نوع اکا موقوفدر
 نامرعي قومق و بريکانه نك حق حرمت محبتی که
 سنکله انک مياننده نه علاقهء جنسيت و نه رابطهء
 قرابت واردر محافظه قيق طريق هدايتي قوبوب
 مضيق ضلالتله صايقدرد

(بیت)

بحق صحبت دیرین که حق یار قدیم
هزار بار به از خون دوستان نوست

﴿ نثر ﴾

اخرا الامر جانب زن غالب اولوب کشف ناخلفک
فکری بونک اوزرینه مقرر اولدیکه تبع غدرله کردن
عهد و وفا یی اوره و باد مکرله خرمن خلوص صفایی
صااو و ره بیچاره بیلدیکه سمت مکر و صفت غدر
بر تقش شقاوتدر که بد کردارلک پیشانیء حالنده عیان
و نقض عقد و نسکت عهد برداغ دنا ثدر که خاکسارلک
لوح جیشنده نمایان اولور هر کسنه که صفت غدر
و خیانتله موصوف اوله هیچ صاحب دن الیک صحبتده
مائل اولمز اول کسنه که نقض عهد و بیوفالقی سمیتله
موسوم اوله اهل حقیقت قتده شرف اعتبار و درجده
قبول بولمز

﴿ بیت ﴾

صنسه پیمانه کی کاسهء سر
صمه پیمانی صادق ایسک اگر

﴿ نثر ﴾

(بلکه)

بلکه آنکه مناسبت و مصاحبتی شانلرینه نقص و شین
وانکه مراقت و مصافقتدن ا-ترازی ذمترینه
فرض عین بیلورلر

❖ بیت ❖

پیر پیماه کش من کدر و افش باد
گفت پرهیز کن از صحبت پیمان شکنان

❖ نثر ❖

سنگ پشت اگر چه پوزینه نك قتلنه عزم ایتدی اما تانی
مسکینه کتور منجه بومر اد حاصل اولمچغن جزم
ایتدی پش بو عزیمتله پوزینه جانینه کتدی پوزینه نك
آنک دیدارینه اشتیاقی حددن تجاوز ایتمش ایدی و کربت
غربت و وحشت و وحدتدن کار د جانته یتمش ایدی
اول حالده که نظری آنک جهانیه راست کلدی غایت
فرحندن نغمات نشاط انکیز ایله بو ترانه به آغاز
قیلیدی

❖ بیت ❖

هزار شکر خدا را که چون تولداری

نمود روی بمن بعد مدتی باری

❖ نثر ❖

و کشفک خاطرین صورت و اولاد و احضار دندن
 احوال استکشاف ابتدی کشف ابتدی ای انیس دل
 و وفس خاطر بیغل سنک درد مفارقت درون و بیرونه
 شویله هست ولی اولمشدر که انلرک رسالندن و مشاهده
 جهانندن افشراح حاصل اولیدی یا اهل و عیالک
 التفاتله بو خاطر مختزد طرب و بهجت بولیدی
 هر ساعت که سنک ته القدن و حشمتی و اتباع
 و اشباعدن انقطاع صحبتکی فکر ایدیم و نخت و نخت
 و سلطنت مملکتدن جداد و شوب فرمانفرما و کامر
 و القدن اتفاق افتراقکی تأمل قبلیدیم غیشم بکامغض
 اولوب مشرب مسرت و صفوت عشرتم مکدر اولور
 ایدی و ایتدیکم فعله ندامتده و نفعه دایم ملامتده ایدیم که
 ای بی مروت روامیدر که سن یونده سخن گلشنده
 مسند عیش اوزره او توروب حظوظ نفسانیه دن خا عرک
 هر نه که استرایلیه و یاروفادارک خارستان غربتده خالک
 و خارابی بالین و پستر ایلیه

نیت

روا باشد اینجا چو کل تو شکفته

رفیق ترا خاردر پای زفته

نثر

پس اول عزمه کلام که کرم ایدوب نقدر زجت ایسه
کلبه احزنه قدم رنجبه بیوره سن و دعوته اجابتی که
سنت سنیه در ذمت همتکه واجب یلوب دارود یار می
دیدار مبار ککاء مشرف قبله سن تا احقاد و انس هم سنک
بکامبلغ محبتکی ببله لوا حباب و اصحاب مقدم هما و نکله
قدم میاهانی فرق فرق دانه قوبه لهرم جان و دل سنک
وصالکله شاد اوله وهم مأمن و منزل سنک زیب
جمالکله زیت و بهابوله

بیت

کوشه کاشانه مه بر لحظه احسان ایله کل
کلبه احزانی تازه گلستان ایله کل

نثر

مقرر در که سنک شرف قدم و مکله بنم آفتاب قدرم
ارتفاع بولور اما سنک ما جا هکه نقصان کلز

بیت

چه کم شود ز توای مه که بر رفت کذرافتد
که تار و زخم از رویت آفتاب در افتد

نثر

واکابر اصاغری دم و قدم له نواخت ایتمکله شان
شریفارینه شین و عار لاحق و متطرق اولمز

❖ بیت ❖

جهان محتاج ایکن کون پرتوینه

واررعار ایلز درویش اوینه

❖ نثر ❖

ودخی دیلر مکه سنک تعظیم و تکریمک باینده شرط
مبالغه بی تقدیم ایدوب مائده ضیافتکی نعم بی نهایتله
وندما و ظرفادن برجاعت ایله آراسته قلم یووسیله ایله
شاید که حقوق مکارمکدن بعضی ادا اید بلم پوزینه
ایتدی بوتکشدن فارغ اول که چون عقد محبت و ووداد
انتظام بوله و ربط مودت و اتحاد استحكام پذیر اوله
تکالیف خدمت و تکلف مراسم ضیافت نته که دآب
ار باب رسم و عادتدر مشقت زائده و مؤنت بی فائده در
دیمشلدرد که (شرالخوان من تکلف له) ❖ ع ❖
تکلف کرنباشد خوش توان زیست ❖ و نیم سکا مهر
و محبته که زیاده نعمت و عنیت عدایدرسن اول دگلو
منت ایله که سنک مصاحبت و مصادفتکله بنم افتخار
وابتهاجم و سنک موافقت و مجالستکله بنم

افتقار و احتیاجم دخی زیاده در که بن وطن و مسکن
و تخت و تخت و سلطنت و مملکت و خدم و حشمیدن
جداد و شوب گرداب غربت و عذاب و حشته مبتلا
اولش ایدم ایزد تبارک و تعالی سنک میامن مصاحب تکه
بنی مشرف قیلسه و بو محنت غر بده سنک موهبت
محبتك ارزانی بیور مسه بنی چنگال آزار روزگار دن
کیم آله یلوردی و زندان محنت هجراندن کیم خلاص
قیلوردی

✽ بیت ✽

در بن و حشمت سرای محنت آباد

بدیدارتو خوش دل باشم و شاد

✽ نثر ✽

بو مقدمات موجنبه سنک بنم یا نمده لطف که نهایت یوق
و بنم سنک اوزر کده حقه من ایسه سنک بنم اوسته
حقک چوقدر بو تقدیر چه سن بو کلفت و مؤنه محتاج
دکلسن علی الخصوص که باب محبتده حسن سیرت
و خلوص سریرت تهیئه اسباب عشرتدن مقدم و تقدیم
فائده معنوی رتیب مائده صوریدن اولی و اهمدر

✽ بیت ✽

و تکلف دوست می باید که باشد - زان دوست
در میان رسم تکلف کر نباشد که مو باشد

نثر *

سنگ پشت ابتدای رفیق همدم وای صدیق محرم
سنی دعوتدن غرض غایت همان رعایت او از مضافت
و عرض تکلفات نعمت و شهوت دگدر بلکه مراد
جدالقی میاندن کیدوب شرف موصلت دایمی مبصر
اولعذر (ع) نمیخواهم که یکدم بی تو باشم * و زبده
ابتدی (ع) در راه عشق مرحله قرب و بعد نیست *
احباب بیننده فرضا که بعد لمشرقین اولسه چون
ری برینه صحت و سلامتتری خبری دایما واصل وهر
برینک خیال جمالیله جاننده راح روح حاصل اوله
دوریء صوری حجاب روی قرب معنوی واقع اولمز
وهر برینک دیدء خیالی بر برینک وصالی و جمال
بدیع المثالی مشاهده سندن فارغ و خالی قالز

بیت *

قرب روحانی اگر هست میان من و دوست
چند تفاوت کندار بعد مکانی باشد

نثر *

بویابد، بور باغی بعض کارک زاده طبعیدر

✽ بیت ✽

کز نقدنداریم وصال دردست

دردید، بقینست خیالت پیوست

در ظاهر اگر وصال جسمانی نیست

غم نیست چو اتصال روحانی هست

✽ نثر ✽

کشف بردفعه دخی تنور تضرعی پرتاب و تیر نیازی
جانب هدف مراده پرتاب ابتدای عاقبت دم گرمی
در سنکین وزینه بی موم کی نرم ایدوب سنک پشته ابتدای
ای یار بیریاو قدر ابرام نه لازم که طلب رضای احبا
مذهب موده و آیین فتوتد فرض واجب الادادروسنک
دعوتنه اجابت واجب و اشارتته اطاعت مناسبد
* ع * از دوست يك اشارت ازما بسرد ویدن *
ولیکن بکاآبدن عبور متعذروسقینه سینه ايله بودریان
جزیره هرور غایت متعمر در کشف ابتدای غم پیچه که
بن سنی پشتم کشتی سبله بودریان کچورم و بر ساعتده
اول جزیره که منبع امن و راحت و معدن نعمت
و غنیمتدربورم و بالجله اول دیاری اولقدر مدح و ترویج

ایتدی که پوزینه نك قلبی بالضروره اکا تهیج ایتدی
ونا کام توسنلکن قویوب کام قبولله مقتضاسنه رام
اولوب زمام اختیارین الینه ویردی سنک پشت
فی الحال آنی پشته آلوب جزیره جانبنه متوجه اولوب
سینه سن آبه اوردی چون میان دریاه یئشدی کشتی
خاطری کرداب تشویشه دوشدی و کندبله اندیشه
ایتدی که بو عمل عاقبت ندامت و ملامت مه مضیدر
بو مامل آخر فضاحت و قباحتی مقتضیدر بو مقدمات
عذرکه ترتیب ایدرسن بدناملقدن غیری نه تیجه
ویردو بو تنم حیلله و مکر که زمین سینه ده اکر سن
دشمنکاملقدن غیری نه بی فکر اولور

✽ بیت ✽


هر که ز کلزار وفار و بتافت


خارجفا سینه اور اشکافت

✽ نثر ✽

نساء ناقصات العقل ایچون عقل تام وادر التمام
ایله موسوم اولان یار وفاداره که نادره روز کاردر
کر مگری در میان و خدنک غدیری در کان ایتک سمت
اخیار دکل بلکه صفت اشراردر

(بیت)





3 1761 08123222 5